

Majjhimaṇṇāsaṭṭhakathāya Atthavaṇṇanābhūtā

Bhadantācariyadhammapālattherena katā

Majjhimaṇṇāsaṭṭikā

Tathā—

Upariṇṇāsaṭṭhakathāya Atthavaṇṇanābhūtā

Upariṇṇāsaṭṭikā



Buddhavasse 2552

Marammavasse 1370

AD. 2008

Romanized from Myanmar version published in 1961

© Buddhasāsana Society

Ṭikā Series 15

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṅa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပla	ဣ လla
ကွ kka	ဣ ငca	ဣ န္ဓa	ဣ သ္ဃa	ဣ ပba	လျ လya
ကျ kya	ဣ ငcha	ဣ န္ဓa	ဣ နta	ဣ bbha	လှ လha
ကြ kri	ဣ ဣja	ဣ န္ဓa	ဣ နtva	ဣ bya	ဂှ vha
ကလ kla	ဣ ဣjha	ဣ တta	ဣ နtha	ဣ bra	ဣ stha
ကွ kva	ဣ ဣṅha	ဣ တtha	ဣ နnda	ဣ mpa	ဣ strha
ချ khya	ဣ ဣṅha	ဣ တtva	ဣ နndra	ဣ mpha	ဣ sna
ခွ khva	ဣ ဣṅca	ဣ တtya	ဣ နndha	ဣ mba	ဣ sya
ဂှ gga	ဣ ဣṅcha	ဣ တtra	ဣ နnna	ဣ mbha	ဣ ssa
ဣ ggha	ဣ ဣṅja	ဣ ဒdda	ဣ နnya	ဣ mma	ဣ sma
ချ gya	ဣ ဣṅjha	ဣ ဒddha	ဣ နnha	ဣ mya	ဣ sva
ဂှ gra	ဣ တtḥa	ဣ သdya	ဣ ပppa	ဣ mha	ဣ hma
ဣ ṅka	ဣ တtḥha	ဣ ဒdra	ဣ ပppha	ဣ yya	ဣ hva
ဣ ṅkha	ဣ ဒdḥa	ဣ ဒdva	ဣ ပpya	ဣ yya	ဣ ḥha
ဣ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Majjhimapaṇṇāsaṭṭikā

Mātikā

Piṭṭhaṅka

1. Gahapativagga

1. Kandarakasuttavaṇṇanā	1
2. Aṭṭhakanāgarasuttavaṇṇanā	7
3. Sekhasuttavaṇṇanā	9
4. Potaliyasuttavaṇṇanā	20
Kāmādīnavakathāvaṇṇanā	23
5. Jivakasuttavaṇṇanā	24
6. Upālisuttavaṇṇanā	27
7. Kukkuravatikasuttavaṇṇanā	43
8. Abhayarājakumārasuttavaṇṇanā	47
9. Bahavedanīyasuttavaṇṇanā	50
10. Apaṇṇakasuttavaṇṇanā	51

2. Bhikkhuvagga

1. Ambalaṭṭhikarāhulovādasuttavaṇṇanā	59
2. Mahārāhulovādasuttavaṇṇanā	61
3. Cūlamālukyasuttavaṇṇanā	64
4. Mahāmālukyasuttavaṇṇanā	66
5. Bhaddālisuttavaṇṇanā	70
6. Laṭṭukikopamasuttavaṇṇanā	74
7. Cātumasuttavaṇṇanā	78
8. Naḷakapānasuttavaṇṇanā	81
9. Goliyānisuttavaṇṇanā	82
10. Kīṭāgirisuttavaṇṇanā	83

Mātikā

Piṭṭhaṅka

3. Paribbājakavagga

1. Tevijjavacchasuttavaṇṇanā	91
2. Aggivacchasuttavaṇṇanā	92
3. Mahāvacchasuttavaṇṇanā	94
4. Dīghanakhasuttavaṇṇanā	97
5. Māgaṇḍiyasuttavaṇṇanā	103
6. Sandakasuttavaṇṇanā	107
7. Mahāsakuludāyisuttavaṇṇanā	112
8. Samaṇamuṇḍikāputtasuttavaṇṇanā	127
9. Cūlasakuludāyisuttavaṇṇanā	130
10. Vekhanasasuttavaṇṇanā	133

4. Rājavagga

1. Ghaṭikārasuttavaṇṇanā	135
2. Raṭṭhapālasuttavaṇṇanā	139
3. Maghadevasuttavaṇṇanā	147
4. Madhurasuttavaṇṇanā	151
5. Bodhirājakumārasuttavaṇṇanā	152
6. Aṅgulimālasuttavaṇṇanā	154
7. Piyaṅgikārasuttavaṇṇanā	160
8. Bāhitikasuttavaṇṇanā	161
9. Dhammacetiyasuttavaṇṇanā	162
10. Kaṇṇakatthalasuttavaṇṇanā	163

5. Brāhmaṇavagga

1. Brahmāyusuttavaṇṇanā	166
2. Selasuttavaṇṇanā	181
3. Assalāyanasuttavaṇṇanā	185

Mātikā		Piṭṭhaṅka	
4. Ghoṭamukhasuttavaṇṇanā	188
5. Caṅkīsuttavaṇṇanā	189
6. Esukārīsuttavaṇṇanā	195
7. Dhanañjānisuttavaṇṇanā	196
8. Vāseṭṭhasuttavaṇṇanā	198
9. Subhasuttavaṇṇanā	204
10. Saṅgāravasuttavaṇṇanā	208

Majjhimaṇṇāsaṭṭikāya mātikā niṭṭhitā.

Uparipaññāsāṭṭikā

Mātikā

Piṭṭhaṅka

1. Devadahavagga

1. Devadahasuttavaṇṇanā	211
2. Pañcattayasuttavaṇṇanā	218
3. Kintisuttavaṇṇanā	238
4. Sāmagāmasuttavaṇṇanā	240
5. Sunakkhattasuttavaṇṇanā	247
6. Āneñjasappāyasuttavaṇṇanā	251
7. Gaṇakamoggallānasuttavaṇṇanā	259
8. Gopakamoggallānasuttavaṇṇanā	260
9. Mahāpuṇṇamasuttavaṇṇanā	262
10. Cūḷapuṇṇamasuttavaṇṇanā	267

2. Anupadavagga

1. Anupadasuttavaṇṇanā	270
2. Chabbisodhanasuttavaṇṇanā	281
3. Sappurisadhammasuttavaṇṇanā	286
4. Sevitabbāsevitabbasuttavaṇṇanā	287
5. Bahudhātukasuttavaṇṇanā	288
6. Isigilisuttavaṇṇanā	303
7. Mahācattārīsakasuttavaṇṇanā	305
8. Ānāpānassatisuttavaṇṇanā	311
9. Kāyagatāsatisuttavaṇṇanā	315
10. Saṅkhārupapattisuttavaṇṇanā	317

Mātikā

Piṭṭhaṅka

3. Suññatavagga

1. Cūḷasuññatasuttavaṇṇanā	321
2. Mahāsuññatasuttavaṇṇanā	324
3. Acchariyabbhutasuttavaṇṇanā	330
4. Bākulasuttavaṇṇanā	343
5. Dantabhūmisuttavaṇṇanā	345
6. Bhūmijasuttavaṇṇanā	346
7. Anuruddhasuttavaṇṇanā	347
8. Upakkilesasuttavaṇṇanā	349
9. Bālapaṇḍitasuttavaṇṇanā	352
Cakkaratanavaṇṇanā	355
Hatthiratanavaṇṇanā	357
Assaratanavaṇṇanā	357
Maṇiratanavaṇṇanā	357
Itthiratanavaṇṇanā	358
Gahapatiratanavaṇṇanā	359
Pariṇāyakaratanavaṇṇanā	359
10. Devadūtasuttavaṇṇanā	359

4. Vibhaṅgavagga

1. Bhaddekarattasuttavaṇṇanā	366
2. Ānandabhaddekarattasuttavaṇṇanā	368
3. Mahākaccānabhaddekarattasuttavaṇṇanā	369
4. Lomasakakaṅgiyabhaddekarattasuttavaṇṇanā	370
5. Cūḷakammavibhaṅgasuttavaṇṇanā	371
6. Mahākammavibhaṅgasuttavaṇṇanā	376
7. Saḷāyatana vibhaṅgasuttavaṇṇanā	381
8. Uddesavibhaṅgasuttavaṇṇanā	388

Mātikā			Piṭṭhaṅka
9. Araṇavibhaṅgasuttavaṇṇanā	390
10. Dhātuvibhaṅgasuttavaṇṇanā	393
11. Saccavibhaṅgasuttavaṇṇanā	405
12. Dakkhiṇāvibhaṅgasuttavaṇṇanā	406

5. Saḷāyatanavagga

1. Anāthapiṇḍikovādasuttavaṇṇanā	417
2. Channovādasuttavaṇṇanā	420
3. Puṇṇovādasuttavaṇṇanā	422
4. Nandakovādasuttavaṇṇanā	424
5. Rāhulovādasuttavaṇṇanā	427
6. Chachakkasuttavaṇṇanā	430
7. Mahāsaḷāyatānikasuttavaṇṇanā	433
8. Nagaravindeyyasuttavaṇṇanā	435
9. Piṇḍapātapārisuddhisuttavaṇṇanā	437
10. Indriyabhāvanāsuttavaṇṇanā	439

Uparipaññāsaṭikāya mātikā niṭṭhitā.

Majjhimanikāya

Majjhimaṇṇāsaṭṭikā

Namo tassa Bhagavato Arahato Sammāsambuddhassa.

1. Gahapativagga

1. Kandarakasuttavaṇṇanā

1. Āramapokkharāṇī-ādīsūti āramapokkharāṇī-uyyānacetiyaṭṭhānādīsu. Ussannāti bahulā. Asokakaṇikāarakoviḷārakumbhīrājarukkhehi sammissatāya taṃ campakavanam nīlādīpañcavaṇṇakusumapaṭimaṇḍitanti daṭṭhabbam, na campakarukkhānamyeva nīlādīpañcavaṇṇakusumatāyāti vadanti. **Bhagavā kusumagandhasugandhe campakavane viharatīti** iminā na māpanakāle eva tasmim nagare campakarukkhā ussannā, atha kho aparabhāgepīti dasseti. “Pañcasatamattehi aḍḍhateḷasehī”ti evam **adassitaparicchena**. Hatthino cāreti sikkhāpetīti hatthācariyo, hatthīnam sikkhāpako, tassa puttoti āha “**hatthācariyassa putto**”ti. Tadā bhagavā tesam pasādajananattham attano buddhānubhāvam aniguhitvāva nisinnoti dassento “**chabbannaṇam ghanabuddharasmīnan**”ti-ādīmāha. **Bhagavato ceva gāravenāti** bhagavato garubhāvena, bhagavati gāravenāti vā pāḷho.

Niccām na hotīti abhiṇham na hoti, kadācīdeva hotīti attho. Abhiṇhaniccatā hi idha adhippetā, na kūṭaṭṭhaniccatā. Loke kiñci vimhayāvaham disvā hatthavikārampi karonti, aṅgulim vā phoṭayanti, taṃ sandhāya

vuttam **“accharam paharitam yuttan”**ti. **Abhūtapubbam bhūtanti** ayam niruttinayo yebhuyyena upādāya ruḥhīvasena vuttoti veditabbo. Tathā hi pāḷiyam **“yepi te bho gotama ahesum atītamaddhānan”**ti-ādi vuttam, kiñci akattabbampi kariyamānam dukkarabhāvena vimhayāvaham hoti, tathā kiñci kattabbam, purimam garahacchariyam, pacchimam pasamsacchariyam, tadubhayam suttapadaso dassetum **“tathā”**ti-ādi vuttam.

Sammā paṭipāditoti sammāpaṭipadāyam ṭhapito. Esā paṭipadā paramāti **etaparamam**, bhāvanapuṁsakaniddeso Yam yathā **“visamam candimasūriyā parivattantī”**ti¹. Ayam hettha attho—bhagavā bhikkhusamgho paṭipadāya tumhehi paṭipādito, atītepi kāle buddhā etaparamanyeva bhikkhusamgham sammā paṭipādesum, anāgatepi kāle etaparamanyeva bhikkhusamgham sammāpaṭipādessantīti paribbājako nayaggāhena diṭṭhena adiṭṭham anuminto sabbesampi buddhānam sāsane samghasuppaṭipattim majjhe bhinnasuvaṇṇam viya samasamam katvā dasseti, evam dassento ca tesam sudhammatañca tathā dasseti evāti veditabbo, buddhasubuddhatā pana nesam sarūpeneva dassitāti. **Na ito bhiyyoti** iminā pāḷiyam etaparamanyevāti avadhāraṇena nivattitam dasseti⁰ silapadaṭṭhānattā samādhissa, samādhipadaṭṭhānattā ca paññāya, sīlepi ca abhisamācārikapubbakattā ādibrahmacariyakassa vuttam **“ābhisamācārikavattam ādim katvā”**ti.

2. Pucchānusandhi-ādīsu anantogadhattā **“pāṭi-ekko anusandhī”**ti vatvā tamevattham pākaṭam kātum **“bhagavā kirā”**ti-ādi vuttam. **Upasantakāraṇanti** upasantabhāvakāraṇam. Tam hi ariyānamyeva visayo, tathāpi ca buddhānam eva anavasesato visayoti imammattham byatirekato anvayato ca dassetum **“na hi tvan”**ti-ādi vuttam. Tatha nātathacariyā kākajātakādivasena veditabbā, lokatthacariyā taṁtampāramipūraṇavasena, buddhattacariyā mahābodhijātakādivasena. **Acchariyam bho gotamāti-ādinā** kandarakena katam pasādapavedanam dasseti.

Yepi teti-ādinā tena vuttamattham paccanubhāsantena bhagavatā sampaṭicchitanti caritattā āha **“santi hi kandarakāti ayampi pāṭi-ekko**

1. Am 1. 386 piṭṭhe.

anusandhī”ti. Yo hi kandarakena bhikkhusaṅghassa upasantabhāvo kittito, taṃ vibhajitvā dassentopi tena apucchitoyeva attano ajjhāsayena bhagavā “**santi hī**”ti-ādinā desanaṃ ārabhi. Tenāha “**bhagavato kira etadahosi**”ti-ādi. **Kappetvā**ti aññathā santameva attānaṃ aññathā vidhāya. **Pakappetvā**ti sanidassanavasena gahetvā. Tenāha “**kuhakabhāvenā**”ti-ādi. **Paṭipadaṃ pūrayamānā**ti kāmaṃ avisesena sekkhā vuccanti, te pana adhigatamaggavasena “pūrayamānā”ti na vattabbā kiccassa niṭṭhitattā. Maggo hi ekacittakkhaṇikoti āha “**uparimaggassa vipassanāya upasantā**”ti. **Ito muttā**ti maggenāgatūpasamato muttā. Kalyāṇaputhujjane sandhāya vadati. Tenāha “**catūhi satipaṭṭhānehi upasantā**”ti.

Satatasīlāti avicchinnasīlā. Sātisayo hi etesaṃ sīlassa akhaṇḍādibhāvo. Suparisuddhasīlatāvasena santatā vutti etesanti **santata vuttinoti** āha “**tasseva vevacanan**”ti. Evaṃ sīlavuttivasena “santata vuttino”ti padassa attham vātvā idāni jīvitavuttivasena dassento “**santatajīvikāvāti0 attho**”ti āha. Sāsanassa jīvitavutti sīlasannissitā evāti āha “**tasmin**”ti-ādi.

Nipayati visoseti rāgādisaṅkilesaṃ, tato vā attānaṃ nipātīti **nipako**¹, paññavā. Tenāha “**paññavanto**”ti. **Paññāya thatvā jīvikākappanaṃ** nāma buddhapaṭikuṭṭhamicchājīvaṃ pahāya sammājīvena jīvananti taṃ dassento “**yathā ekacco**”ti-ādimāha. Tattha yaṃ vattabbaṃ, taṃ **Visuddhimagge**² **taṃsaṃvaṇṇanāyañca**³ vuttanayeneva veditabbaṃ. **Rathavinītapapaṭipadā**dayo tesu tesu suttesu vuttanayena veditabbā. Ito aññattha mahāgopālakasuttādīsu⁴ lokuttarasatipaṭṭhānā kathitāti āha “**idha pana lokiyalokuttaramissakā satipaṭṭhānā kathitā**”ti, satipaṭṭhānasuttepi⁵ vomissakāva kathitāti. **Ettakenā**ti ettakāya desanāya.

1. Nipāyati saṅkilesadhamme visoseti nikkhāmetīti nipako (Saṃ-Ṭī 2. 488 piṭṭhe.)

2. Visuddhi 1. 17 piṭṭhe.

3. Visuddhi-Ṭī 1. 41 piṭṭhe.

4. Ma 1. 281 piṭṭhe.

5. Dī 2. 231; Ma 1. 70 piṭṭhesu.

3.

Kārahābhāvanti paṭipattiyāṃ paṭipajjanakabhāvaṃ. Mayampi nāma gihī bahukiccā samānā kālena kālaṃ satipaṭṭhānesu suppaṭiṭṭhitacittā viharāma, kimaṅgaṃ pana vivekavāsinoti attano kārahābhāvāṃ pavedento evaṃ **bhikkhusaṃghaṇca ukkhipati**. Tenāha “**ayañhettha adhippāyo**”ti-ādi. Nānārammaṇesu aparāparaṃ uppajjamānānaṃ rāgādikilesānaṃ ghanajaṭitasāṅkhātākārena pavatti kilesagahanena gahanatā. Tenāha “anto jaṭā bahi jaṭā, jaṭāya jaṭitā pajā”ti¹. Manussānaṃ ajjhāsayaḡahanena sāṭṭheyyampīti dassento āha “**kaṣaṭasāṭṭheyyesupi eseva nayo**”ti. Yathā sappimadhuphāṇitādīsu kacavarabhāvo, so kaṣaṭoti vuccati, evaṃ santāne aparisuddho saṃkilesabhāvo kaṣaṭanti āha “**aparisuddhaṭṭhena kaṣaṭatā**”ti. Attani asantaḡuṇasambhāvaṃ **kerāṭiyatṭho**. **Jānāṭīti** “idaṃ ahitaṃ na sevitabbaṃ, idaṃ hitaṃ sevitabbaṃ”ti vicāreti deseti. Vicāraṇatthopi hi hoti jānāṭīti-saddo yathā “āyasmā jānāṭī”ti. **Sabbāpi -pa- adhippetā** “pasupālakā”ti-ādīsu viya. Idha antara-saddo “vijjantarikāyā”ti-ādīsu² viya khaṇatthoti āha “**yattakena khaṇenā**”ti. **Tenāṭīti** hatthina. **Tānīti** sāṭṭheyyādīni.

Atthato kāyacittujukatāpaṭipakkhabhūtāva lobhasahagatacittuppādassa pavatti-ākāravisesāti tāni pavatti-ākārena dassetuṃ “**tatthā**”ti-ādi vuttam. Tattha **yassāti** pāṇabhūtassa assassa vā hatthino vā. **Ṭhassāmīti** tattheva sappaṭibhaye ṭhāne gantvā ṭhassāmīti na hoti. Imassa sāṭṭheyyatāya pākaṭakaraṇaṃ vaṇcanādhippāyabhāvato. Tathā hi catūsu ṭhānesu “**vañcetvā**” icceva vuttam, niguhanto pana tattheva gantvā tiṭṭheyya. Esa nayo sesesupi. **Paṭimaggam ārohitukāmassāti** āgatamaggameva nivattitvā gantukāmassa. Leṇḍavissajjanādīsu kālantarāpekkhābhāvaṃ “**tathā**”ti iminā upasaṃharati.

Antojātakāti attano dāsiyā kucchimhi jātā. **Dhanakkīṭāti** dhanam datvā dāsabhāvena gahitā. **Karamarānīṭāti** dāsabhāvena karamaraggāhagahitā. **Dāsabyanti** dāsabhāvaṃ. **Pessāti** adāsā eva hutvā veyyāvaccakarā. **Imam** **vissajjetvā**ti imam attano hatthagataṃ vissajjetvā.

1. Saṃ 1. 13, 167 piṭṭhesu.

2. Ma 2. 112 piṭṭhe.

Imaṃ gaṇhantāti imaṃ tassa hatthagataṃ gaṇhantā. Sammukhato aññathā parammukhakāle kāyavācāsamudācārādasānena cittaṃ nesaṃ aññathā thitabhāvo niddiṭṭhoti veditabbā.

4. **Ayampi pāṭiyekko anusandhī**ti etthāpi anantare vuttanayena anusandhiyojanā veditabbā. Tenevāha **“ayañhī”**ti-ādi. Catuttho hitapaṭipadaṃ paṭipannoti yojanā. Puggalaśisena puggalapaṭipattiṃ dassento **“puggale pahāyā”**ti āha. Paṭipatti hi idha pahātabbā, na puggalā. Yathā assaddhā dipuggalaparivajjanena saddhindriyādibhāvanā ijjhanti, evaṃ micchāpaṭipanna puggalaparivajjanena micchāpaṭipadā vajjitabbāti āha **“purime tayo puggale pahāyā”**ti. **Catutthapuggalassā**ti imasmim catukke vuttacatutthapuggalassa **hitapaṭipattiyāmyeva paṭipādemī** pavattemīti **dassento**. **Santā**ti samaṃ vināsaṃ nirodhaṃ pattāti ayamettha atthoti āha **“niruddhā santāti vuttā”**ti. Puna **santā**ti bhāvanāvasena kilesapariḷāhavigamato santāti ayamettha atthoti āha **“nibbutā”**ti. Santāti ānetvā yojanā. **Santo haveti** ettha samabhāvakarena sādhubhāvassa visesapaccayabhūtena paṇḍiccena samannāgatā ariyā **“santo”**ti vuttāti āha **“santo have -pa- paṇḍhitā”**ti.

Āhito ahaṃmāno etthāti attā¹, attabhāvo, idha pana yo paro na hoti, so attā, taṃ **attānaṃ**. **Paranti** attato aññaṃ. **Chātāṃ vuccati taṇhā** jighacchāhetutāya. **Anto tāpanakilesānanti** attano santāne attapariḷāhajananasantappanakilesānaṃ. **Cittāṃ ārādheti**ti cittaṃ pasādeti, sampahamsetīti attho. Yasmā pana tathābhūto cittaṃ sampādeto ajjhāsayāṃ gaṇhanto nāma hoti, tasmā vuttaṃ **“cittāṃ sampādeti”**ti-ādi.

5. Dukkhaṃ paṭikkūlaṃ jegucchāṃ etassāti dukkhapaṭikkūlo, taṃ **dukkhapaṭikkūlaṃ**. Visesanavisesitabbatā hi kāmacārā. Aṭṭhakathāyaṃ pana dukkhassa visesitabbatāṃ sandhāya bāhiratthasamāsaṃ anādiyitvā **“dukkhassa paṭikkūlaṃ”**ti attho vutto. Yena hi bhāgena purisassa dukkhaṃ paṭikkūlaṃ, tena dukkhassa purisopīti. Tenāha **“paccanīkasaṅghitaṃ”**ti.

1. Aṃ-Ṭī 2. 369 piṭṭhādisupi passitabbāṃ.

6. **Catūhi kāraṇehī**ti dhātukusalatādīhi catūhi kāraṇehi. **Kammaṃ karotī**ti yogakammaṃ karoti. Yasmā sambuddhā paresaṃ maggaphalādhigamāya ussāhajātā, tattha nirantaraṃ yuttappayuttā eva honti, te paṭicca tesam antarāyo na hotiyevāti āha “**na pana buddhe paṭicca**”ti. **Kiriyaparihāniyā** desakassa tasseva vā puggalassa tajjapayogābhāvato. “Desakassa vā”ti¹ idaṃ sāvakanāṃ vasena daṭṭhabbāṃ. **Mahatā atthenā**ti ettha **attha**-saddo ānisaṃsapariyāyoti āha “**dvīhi ānisaṃsehī**”ti. **Pasādaṃ paṭilabhati** “arahanto”ti-ādinā saṃghasuppaṭipattiyā sutattā. **Abhinavo nayo udapādi** santatasīlatādivasena anattantapatādivasena, sopi taṃ sutvā dāsādīsu savisesaṃ lajjī dayāpanno hitānukampī hutvā sekkhapaṭipadaṃ sīlaṃ sādiento anukkamena satipaṭṭhānabhāvanāṃ paribrūheti. Tenāha bhagavā “**mahatā atthena saṃyutto**”ti.

8. Paresaṃ hananaghātanādinā rodāpanato **luddo**, tathā vighātakabhāvena kāyacittānaṃ vidāraṇato **dāruṇo**, viruddhavādatāya **kakkaḷo**, bandhanāgāre niyutto **bandhanāgāriko**.

9. **Khattiyābhisekenā**ti khattiyānaṃ kattabba-abhisekena. **Santhāgāranti** santhāravasena² kataṃ agāraṃ yaññāvāṇaṃ³. **Sappitelenā**ti sappimayena⁴ telena. Yamakasinehena hi tadā kāyaṃ abbhāñjati. Vacchabhāvaṃ taritvā ṭhito vacchataro. **Parikkhepakaraṇatthāyā**ti vanamālāhi⁵ saddhiṃ dabbheti⁶ vediyā parikkhepanatthāya. **Yaññabhūmiyanti** avasesayaññaṭṭhāne. Yaṃ panettha atthato avibhattaṃ, taṃ suviññeyyameva.

Kandarakasuttavaṇṇanāya līnatthappakāsānā samattā.

1. Desakassa vā puggalassāti (Ka)

3. Yaññāgāraṃ (Am-Ṭī 2. 370 piṭṭhe.)

5. Vanamālāti navamālāhi (Ka)

2. Sandhāgāranti sandhānavasena (Ka)

4. Sappimissena (Am-Ṭī 2. 370 piṭṭhe.)

6. Dabbhehi (Ka)

2. Aṭṭhakanāgarasuttavaṇṇanā

17. **Avidūreti** iminā pāḷiyam “vesāliyan”ti idam samīpe bhumnavacananti dasseti. **Sārappattakulagaṇanāyāti**¹ mahāsāramahappattakulagaṇanāya. **Dasame** ṭhāneti aññe aññeti dasagaṇanaṭṭhāne. Aṭṭhakanagare jāto bhavo **aṭṭhakanāgaro**. **Kukkuṭārāmoti** Pāṭaliputte Kukkuṭārāmo, na kosambiyam.

18. Pakatathaniddeso ta-saddoti tassa “bhagavatā”ti-ādīhi padehi samānādhikaraṇabhāvena vuttassa yena abhisambuddhabhāvena bhagavā pakato adhigato supākaṭo ca, tam abhisambuddhabhāvam saddhim āgamanīyapaṭipadāya atthabhāvena dassento “**yo so -pa- abhisambuddho**”ti āha. Satipi nānadassana-saddānam idha paññāvevacanabhāve tena tena visesena tasam visayavisesa pavattidassanattham asādhāraṇañānavisesavasena vijjāttayavasena vijjā-abhiññānāvaraṇañānavasena sabbaññutāññānamamsacakkhuvasena paṭivedhadesanāñānavasena ca tadattham yojetvā dassento “**tesam tesan**”ti-ādīmāha. Tattha **āsayanusayam jānatā** āsayānusayañāṇena. **Sabbam** ñeyyadhammam passatā sabbaññutānāvaraṇañāṇehi. **Pubbenivāsādīhīti** pubbenivāsāvakkhayañāṇehi. **Paṭivedhapaññāyāti** apiyamaggapaññāya. **Desanāpaññāya passatāti** desetabbadhammānam desetabbappakāram bodhaneyyapuggalānaṅca āsayānusayacaritādhimutti-ādibhedam dhammedesanāpaññāya yāthāvato passatā. **Arīnanti** kilesārīnam, pañcavidhamārānam vā, sāsanassa vā paccatthikānam aññatitthiyānam. Tesam pana hananam pāṭihāriyehi abhibhavanam appaṭibhānatākaraṇam, ajjuhekkhanameva vā, **kesivinayasuttam**² cettha nidassanam.

Tathā ṭhānāṭṭhānādivibhāgam **jānatā**, yathākammūpagasatte **passatā**, savāsanānam āsavānam khīṇattā **arahatā**, abhiññeyyādibhede dhamme abhiññeyyādito aviparītāvabodhato **sammāsambuddhena**. Atha vā tisu kālesu appaṭihatañāṇatāya **jānatā**, kāyakammādivasena tiṇṇam kammānam ñāṇanuparivattito nisammakāritāya **passatā**, davādīnam

1. Am-Ṭī 3. 361 piṭṭhādīsūpi passitabbam.

2. Am-Ṭī 1. 427 piṭṭhe.

abhāvasādhikāya pahānasampadāya **arahatā**, chandādīnaṃ ahānihetubhūtāya akkhayapaṭibhānasādhikāya sabbaññutāya **sammāsambuddhenāti** evaṃ dasabala-aṭṭhārasa-āveṇikabuddhadhamavasenapi yojanā kātabbā.

19. **Abhisāṅkhatanti** attano paccayehi abhisammukhabhāvena samecca sambhuyya kataṃ. Svassa katabhāvo uppādanena veditabbo, na uppanassa paṭisaṅkharāṇenāti āha “**uppāditan**”ti. Te cassa paccayā cetanāpadhānāti dassetuṃ pāḷiyāṃ “abhisāṅkhatam abhisāṅcetaṃ”ti vuttanti “**cetayitam pakappitan**”ti atthamāha. **Abhisāṅkhatam abhisāṅcetaṃ** ca jhānassa pātubhāvadassanamukhena viddhamāsanabhāvaṃ ulliṅgeti. Yaṃ hi ahutvā sambhavati, taṃ hutvā paṭiveti. Tenāha pāḷiyāṃ “abhisāṅkhatan”ti-ādi. **Samathavipassanādhamme** **ṭhitoti** samathadhamme **ṭhitattā** samāhito vipassanaṃ paṭhapetvā aniccānupassanādīhi niccasaññādayo pajahanto anukkamena taṃ anulomaññaṃ pāpetā hutvā vipassanādhamme **ṭhito**. Samathavipassanāsāṅkhātesu dhammesu rañjanaṭṭhena **rāgo**, nandanaṭṭhena **nandīti**. Tattha sukhumā apekkhā vuttā, yā “nikantī”ti vuccati.

Evaṃ santeti evaṃ yathārutavasena ca imassa suttapadassa atthe gahetabbe sati. **samathavipassanāsu chandarāgo kattabboti** anāgāmiphalaṃ nibbattetvā tadatthāya samathavipassanāpi anibbattetvā kevalaṃ tattha chandarāgo kattabbo bhavissati. Kasmā? Tesu samathavipassanāsāṅkhātesu dhammesu chandarāgamattena anāgāminā laddhabbassa aladdhānāgāmiphalaṃ laddhabbattā. Tathā sati tena anāgāmiphalaṃ laddhabbameva nāma hoti. Tenāha “**anāgāmiphalaṃ paṭividdham bhavissati**”ti. Sabhāvato rasitabbattā aviparīto attho eva **attharaso**. **Aññāpi kāci sugatīyoti** vinipātike sandhāyāha. **Aññāpi kāci duggatīyoti** asurakāyamāha.

Samathadhurameva dhuraṃ samathayānikassa vasena desanāya āgatattā. Mahāmālukyovāde “vivicca akusalehi dhammehi savitakkaṃ savicāraṃ”ti pādakajjhānaṃ katvā “so yadeva tattha hoti rūpagataṃ vedanāgataṃ”ti-ādīnā vipassanaṃ vitthāretvā “so tattha **ṭhito** āsavānaṃ

khayaṃ pāpuṇāti”¹ti āgatattā “**mahāmālukyovāde vipassanāva dhuraṇ**”ti āha. **Mahāsatipañṇānasutte**² sabbatthakameva tikkhatarāya vipassanāya āgatattā vuttam “**vipassanuttaram kathitaṇ**”ti. **Kāyagatāsatisutte**³ ānāpānājjhānādivasena savisesaṃ samathavipassanāya āgatattā vuttam “**samathuttaram kathitaṇ**”ti.

Appaṃ yācītena bahum dentena ulārapurisaena viya **ekaṃ dhammaṃ pucchitena “ayampi ekadhammo”**ti kathitattā **ekādasapi dhammā** pucchāvasena **ekadhammo nāma jāto** paccekaṃ vākyaparisaṃpānāyena. **Ekavīsati pabbāni** tehi bodhiyamānāya paṭipadāya ekarūpattā **paṭipadāvasena ekadhammo nāma jāto**ti. **Idha** imasmiṃ aṭṭhakanāgarasutte. Nevasaṇṇānāsaṇṇāyatanadhammānaṃ saṅkhārāvasesasukhumabhāvappattatāya tattha sāvakaṇaṃ dukkaranti na catutthārūpavasenettha desanā āgatāti catunnaṃ brahmavihārānaṃ, heṭṭhimānaṃ tiṇṇaṃ arūppānaṃca vasena **ekādasa. Pucchāvasenā**ti “atthi nu kho bhante Ānanda tena -pa- sammāsambuddhena ekadhammo akkhāto”⁴ti evaṃ pavattapucchāvasena. **Amatuppattiyatthenā**ti amatabhāvassa uppattihetutāya, sabbānīpi kammaṭṭhānāni ekarasampi amatādhigamaṃ paṭipattiyāti attho. Evamettha aggaphalabhūmi anāgāmi phalabhūmi dveva bhūmiyo sarūpato āgatā, nānantariyatāya pana heṭṭhimāpi dve bhūmiyo atthato āgatā evāti daṭṭhabbā.

21. Pañca satāni aggho etassāti **pañcasatāni**. Sesaṃ uttānameva.

Aṭṭhakanāgarasuttavaṇṇanāya līnatthappakāsanā samattā.

3. Sekhasuttavaṇṇanā

22. **Santhāgāranti**⁵ atthānusāsanāgāraṃ. Tenāha “**uyyogakālādīsū**”ti-ādi. **Ādi**-saddena maṅgalamahādīnaṃ saṅgaho daṭṭhabbo. **Santhambhantī**ti vissamanti, pariṣamaṃ vinodentīti attho. **Sahā**ti

1. Ma 2. 99, 100 piṭṭhesu.

2. Di 2. 31; Ma 1. 70 piṭṭhesu.

3. Ma 3. 131 piṭṭhe.

4. Ma 2. 12, 13 piṭṭhesu.

5. Sandhāgāranti (Ka) Saṃ-Ṭī 2. 334 piṭṭhādīsūpi passitabbaṃ.

sannivesavasena ekajjhaṃ. **Saha atthānusāsanaṃ agāraṃ**ti etasmim atthe ttha-kārassa ntha-kāraṃ¹ katvā santhāgāraṃ² vuttanti daṭṭhabbaṃ. **Santharaṇṭi**³ sammantanavasena tiṭṭhanti.

Tepiṭakaṃ buddhavacanaṃ āgata meva bhavissatīti buddhavacanaṃ āgamanasīsenā ariyaphaladhammānampi āgamaṇaṃ vuttameva, tiyāmarattiṃ tatha vasantānaṃ phalasaṃpattivaḷaṅjanaṃ hotīti. Tasmañca bhikkhusaṅghe kalyāṇaputhujjanā vipassanaṃ usukkāpentā hontīti ce? Ariyamaggadhammaṇaṃ tatha āgamaṇaṃ hotiyeva.

Allagomayenāti acchena allagomayarasena. **Opuñchāpetvāti** vilimpitvā. **Catujjātiyagandhehi** tagarakunkumayavanapupphatamālapattāni pisitvā katagandhehi. **Nānāvaṇṇeti** nīlādivasena nānāvaṇṇe, na bhittivisesavasena. Bhittivisesavasena pana nānāsaṅghānarūpameva. **Mahāpiṭṭhikako javaketi** hatthipiṭṭhisu attharitatthāya mahāpiṭṭhikāti laddhasamaññe kojaveti vadanti. Kuttake pana sandhāyetaṃ vuttaṃ. **Hatthatharaṇā** hatthirūpavicittā. **Assattharakasīhattharakā**dayopi assasīharūpādivicittā eva attharakā. **Cittattharakam** nānārūpehi ceva nānāvidhamālākammādīhi ca vicittaṃ attharakam.

Upadhānanti apassayanaṃ. **Upadahitvāti** apassayayoggabhāvena ṭhapetvā. Gandhehi katamālā **gandhadāmaṃ**, tamālapattādīhi kataṃ **pattadāmaṃ**. Ādi-saddena hiṅgulatakkola-jātiphalajātipupphādīhi katadāmaṃ saṅgaṇhāti. Pallaṅkākārena katapīṭhaṃ **pallaṅkapīṭhaṃ**, tīsu passesu, ekapasse eva vā sa-upassayaṃ **apassayapīṭhaṃ**, anapassayaṃ **muṇḍapīṭhaṃ**. **Yojanāvaṭṭeti** yojanaparikkhepe.

Samvidhāyati antaravāsakassa koṇapadesaṅca⁴ itarapadesaṅca samaṃ katvā vidhāya. Tenāha “**kattariyā padumaṃ kantanto viyā**”ti. **Timaṇḍalam paṭicchādentoti** ettha ca yasmā buddhānaṃ rūpasampadā viya ākappasampadāpi paramukkaṃsagatā, tasmā tadā bhagavā evaṃ sobhatīti dassento “**suvaṇṇapāmaṅgenā**”ti-ādimāha. Tatha **asamena**

1. Ndha-kāraṃ (Ka)

2. Sandhāgāraṃ (Ka) Saṃ-Ṭi 2. 334 piṭṭhādīsipi passitabbaṃ.

3. Sandharantīti (Ka)

4. Kocchakapadesaṅca (Ka)

buddhavesenāti-ādinā tadā bhagavā buddhānubhāvassa niguhane kāraṇābhāvato tattha sannipatitadevamanussanāgayakkhagandhabbādīnaṃ pasādajananattham attano sabhāvapakatikiriyāyeva kapilavatthum pāvisīti dasseti. Buddhānaṃ kāyappabhā nāma pakatiyā asītihatthamattameva padesaṃ pharātīti āha “**asītihatthaṭṭhānaṃ aggahe**”ti. Nīlapītalohitodātamañjiṭṭhapabhassarānaṃ vasena **chabbaṇṇā buddharasmiyo**.

Sabbapāliphulloti mūlato paṭṭhāya yāva aggā¹ phullo vikaṣito. **Paṭipāṭiyā ṭhapitānanti**-ādi parikappūpamā. **Yathā taṃ -pa- alaṅkataṃ** añño virocati, evaṃ virocittha, samatimsāya pāramitāhi abhisankhatattā evaṃ virocitthāti vuttaṃ hoti. **Pañcavīsatiyā nadīnanti** gaṅgādīnaṃ candabhāgāpariyosānānaṃ pañcavīsatiyā mahānadīnaṃ. **Sambhijjāti** sambhedāṃ missībhāvaṃ patvā. **Mukhadvāreti** samuddaṃ pavīṭṭhaṭṭhāne.

Devamanussanāgasupaṇṇagandhabbayakkhādīnaṃ akkhīnīti cetāṃ parikappanavasena vuttaṃ. **Sahassenāti** padasahassena, bhāṇavārappamāṇena ganthenāti attho.

Kampayanto vasundharanti attano guṇavisesehi pathavīkampaṃ uppādentō, evambhūtopi **ahetḥayanto pāṇāni**. Sabbadakkhiṇattā buddhānaṃ **dakkhiṇaṃ paṭhamaṃ pādaṃ uddharanto**. **Samaṃ samphusate bhūmiṃ** suppatiṭṭhitapādatāya. Yādipi bhūmiṃ samaṃ phusati, **rajasānupalippati** sukhumattā chaviyā. **Ninnaṭṭhānaṃ unnamatīti**-ādi buddhānaṃ suppatiṭṭhitapādasankhātassa mahāpurisalakkhaṇapaṭilābhassa nissandaphalaṃ. **Nātidūre uddharatīti** atidūre ṭhabetuṃ na uddharati. **Naccāsanne ca nikkhipanti** accāsanne ca ṭhāne anikkhipanto niyyāti. **Hāsayanto sadevake** loke tosayanto. Catūhi pādehi caratīti **catucārī**.

Buddhānubhāvassa pakāsanavasena gatattā **vaṇṇākālo nāma kiresa**². Sarīravaṇṇe vā guṇavaṇṇe vā kathiyamāne **dukkathitanti na vattabbaṃ**. Kasmā? **Aparimāṇavaṇṇā hi buddhā** bhagavanto, buddhaguṇasaṃvaṇṇanā jānantassa yathādhammasaṃvaṇṇanaṃyeva³ anupavisaṭṭi.

1. Sākhaggā (Sam-Ṭi 2. 336 piṭṭhe.)

2. Nāma hi ayaṃ (Ka)

3. Yathāraddhasaṃvaṇṇanaṃyeva (Sam-Ṭi 2. 337 piṭṭhe.)

Dukūlacumbaṭakenāti ganthitvā gahitadukūlavatthena.
Nāgavikkantacaraṇoti hatthināgasadisapadanikkhepo. **Satapuññalakkhaṇoti**
 anekasatapuññanimmitamahāpurisalakkhaṇo. **Maṇiverocano yathāti** ativiya
 virocamaṇo maṇi viya. Verocano nāma eko maṇivisesoti keci. **Mahāsālovāti**
 mahanto sālarukkho viya, koviḷārādimahārukkho viya vā. **Padumo**
kokanado yathāti kokanadasaṅkhātāmaṅ mahāpadumaṅ viya,
 vikasamaṅnapadumaṅ viya vā.

Ākāsagaṅgaṃ otārento viyāti-ādi tassā pakīṇṇakakathāya aññesaṃ
 dukkarabhāvadassanañceva suṇantānaṃ accantasukhāvahabhāvadassanañca.
Pathavojaṃ ākaḍḍhento viyāti nāḷiyantaṃ yojetvā mahāpathaviyā
 heṭṭhimatale pappāṭakojaṃ uddhaṅmukhaṃ katvā ākaḍḍhento viya.
Yojanikanti yojanappamaṅgaṃ. **Madhubhaṇḍanti** madhupaṭalaṃ.

Mahantanti uḷāraṃ. **Sabbadānaṃ dinnameva hotīti** sabbameva
 paccayajātaṃ āvāsadāyakena dinnameva hoti. Tathā hi dve tayo gāme
 piṇḍāya caritvā kiñci aladdhā āgatassapi chāyūdakasampannaṃ ārāmaṃ
 pavisitvā nhāyitvā paṭissaye muhuttaṃ nipajjitvā uṭṭhāya nisinnassa kāye
 balāma āharitvā pakkhittaṃ viya hoti, bahi vicarantassa ca kāye vaṇṇadhātu
 vātātapehi kilamati, paṭissayaṃ pavisitvā dvāraṃ pidhāya muhuttaṃ
 nisinnassa visabhāgantati vūpasammaṃ, sabhāgasantati patiṭṭhāti,
 vaṇṇadhātu āharitvā pakkhittā viya hoti, bahi vicarantassa ca pāde kaṇṭako
 vijjhati, khāṇu paharati, sarīsapādiparissayo ceva corabhayañca uppajjati,
 paṭissayaṃ pavisitvā dvāraṃ pidhāya nipannassa pana sabbe parissayā na
 honti, ajjhayantassa dhammapītisukhaṃ, kammaṭṭhānaṃ manasikarontassa
 upasamasukhaṃ uppajjati bahiddhā vikkhepābhāvato, bahi vicarantassa ca
 kāye sedā muccanti, akkhīni phandanti, senāsaṅgaṃ pavisanakkhaṇe
 mañcapīṭhādīni na paññāyanti, muhuttaṃ nisinnassa pana akkhipasādo
 āharitvā pakkhitto viya hoti, dvāravatāpānamañcapīṭhādīni paññāyanti,
 etasmimpi ca āvāse vasantaṃ disvā manussā catūhi paccayehi sakkaccaṃ
 upaṭṭhahanti. Tena vuttaṃ “**āvāsadānaṃsmiṃ dinne sabbaṃ dānaṃ**
dinnameva hotīti”. **Bhūmaṭṭhaka -pa- na sakkāti** ayamatto
 mahāsudassanavattunā¹ dīpetabbo.

1. Dī 2. 139 piṭṭhe.

Sītanti¹ ajjhataḍḍhātukkabhavasena vā bahiddha-utuvipariṇāmasena vā uppajjanakasītaṃ. **Uṇhanti** aggisantāpaṃ. Tassa pana davadāhādīsu sambhavo daṭṭhabbo. **Paṭihantīti** paṭibāhati. Yathā tadubhayavasena kāyacittānaṃ bādhanāni na honti, evaṃ karoti. Sītiṇhabbhāhate hi sarīre vikkhittacitto bhikkhu yoniso padahitūṃ na sakkoti. **Vālamigānīti** sīhabyagghādivālamige. Guttasenāsanāṃ hi pavisitvā dvāraṃ pidhāya nisinnassa te parissayā na honti. **Sarīsapeti** ye keci sarantā gacchante dīghajāṭṭhike. **Makaseti** nidassanametaṃ, ḍaṃsādīnaṃ eteneva saṅgaho daṭṭhabbo. **Sisireti** sītakālavasena sattāhavaddalikādivasena ca uppanne sisirasamphasse. **Vuṭṭhiyoti** yadā tadā uppannā vassavuṭṭhiyo paṭihanatīti yojanā.

Vātātapo ghoroti rukkhagacchādīnaṃ ummūlabhañjanavasena pavattiyā ghero saraja-arajādibhedo vāto ceva gimhapariḷāhasamayesu uppattiyā ghero sūriyātapo ca. **Paṭihāññatīti** paṭibāhiyati. **Leṇatthanti** nānārammaṇato cittaṃ nivattetvā paṭisallānārāmatthaṃ. **Sukhatthanti** vuttaparissayābhāvena phāsuvihāratthaṃ. **Jhāyitunti** aṭṭhatimsārammaṇesu yattha katthaci cittaṃ upanijjhāyitūṃ. **Vipassitunti** aniccādito sabbasaṅkhāre sammāsītūṃ.

Vihāreti paṭissaye. **Kārayeti** kārāpeyya. **Rammeti** manorame nivāsasukhe. **Vāsayettha bahussuteti** kāretvā pana ettha vihāresu bahussute sīlavante kalyāṇadhamme nivāseyya. Te nivāsento pana **tesaṃ** bahussutānaṃ yathā paccayehi kilamatho na hoti, evaṃ **annañca pānañca vatthasenāsanāni ca dadeyya ujubhūtesu** ajjhāsayasampannesu kammaphalānaṃ ratanattayaguṇānañca saddahanena **vippasannena cetasā**.

Idāni gahaṭṭhapabbajitānaṃ aññamaññūpakārataṃ dassetuṃ “te tassā”ti gāthamāha. Tattha **teti** bahussutā. **Tassāti** upāsakassa. **Dhammaṃ desentīti** sakalavaṭṭadukkhapanudanaṃ dhammaṃ desenti. **Yaṃ so dhammaṃ idhaññāyāti** so puggalo yaṃ saddhammaṃ imasmim̐ sāsane sammāpaṭipajjana jānitvā aggamaggādhiḡamena anāsavo hutvā parinibbāyati.

1. Sārattha-Ṭī 3. 393; Saṃ-Ṭī 2. 338 piṭṭhādīsūpi passitabbaṃ.

Pūjāsakkāravaseneva paṭhamayāmo khepito, bhagavato desanāya appāvaseso majjhimayāmo gatoti pāḷiyam “bahudeva rattin”ti vuttanti āha “**atirekataram diyadḍhayāman**”ti. **Sandassesī**¹ ānisaṃsam dassesi, āvāsadānapaṭisaṃyuttam dhammim katham sutvā tato param “mahārāja itipi sīlam, itipi samādhi, itipi paññā”ti sīlādiguṇe tesam sammā dassesi, hatthena gahetvā viya paccakkhato pakāsesi. **Samādapesī**ti “evam sīlam samādātabbam, sīle patiṭṭhitena evam samādhi, evam paññā bhāvetabbā”ti yathā te sīlādiguṇe ādiyanti, tathā gaṇhāpesi. **Samuttejesī**ti yathāsamādinnaṃ sīlam suvisuddham hoti, samathavipassanā ca bhāviyamānā yathā suṭṭhu visodhitā uparivisesāvahā honti, evam cittaṃ samuttejesi nisāmanavasena vodāpesi. **Sampahaṃsesī**ti yathānusiṭṭham ṭhitasīlādiguṇehi sampati laddhaguṇānisaṃschi ceva upari laddhabbaphalavisesehi ca uparicittaṃ sammā pahaṃsesi, laddhassāsavasena suṭṭhu tosesi. Evametesam padānam attho veditabbo.

Samudāyavacanopi asītimahāthera-saddo tadekadesepe niruḷhoti āha “**asītimahātheresu vijjamānesū**”ti. Ānandattheropi hi antogadho evāti. **Sākiyamaṇḍaleti** Sākiyarājasamūhe.

Paṭipadāya niyuttattā **pāṭipado**. Tenāha “**paṭipannako**”ti. Sikkhanasīlabhādinā **sekho**, odhiso samitapāpatāya **samaṇo**. Sekho pāṭipado paṭipajjanapuggalādhiṭṭhānena paṭipadādesanam niyamento paṭipadāya puggalam niyameti nāmāti “**paṭipadāya puggalam niyametvā dasseti**”ti. Sekhappaṭipadā sāsane **maṅgalapaṭipadā** sammadeva asevitabbaparivajjanena sevitabbasamādānena ukkaṃsavatthūsu ca bhāvato asekhadhammapāripūriyā āvahattā ca **vaḍḍhamānakapaṭipadā**. **Akilamantāva sallakkhessantī**ti idaṃ tadā tesam asekhabhūmi-adhigamāya ayogyatāya vuttam. **Akilamantāvāti** iminā paṭisambhidāppattassapi anadhigatamaggasaññāpanā bhāriyāti dasseti. **Osatāti** anuppaviṭṭhā. **Sakalam vinayapaṭakam kathitameva hoti** tassa sīlakathābhāhullato. Sesadvayepi eseva nayo. **Tīhi piṭakehī**ti karaṇatthe karaṇavacanam. Tena taṃtaṃpiṭakānam tassā tassā sikkhāya sādakatamabhāvam dasseti.

1. Sandassetvāti (Pāḷiyam)

Piṭṭhivāto uppajjati upādinnakasarīrassa tathārūpattā, saṅkhārānañca aniccatāya dukkhānubandhattā. **Akāraṇaṃ vā etanti** yenādhippāyena vuttaṃ, tameva adhippāyaṃ vivarituṃ **“pahoti”**ti-ādi vuttaṃ. **Catūhi iriyāpathehi paribhuñjitukāmo ahoṣi** Sakyarājūnaṃ ajjhāsayavasena. Tathā hi vakkhati “satthāpi tadeva sandhāya tattha saṅghāṭiṃ paññapetvā nipajji”ti. Yadi evaṃ “piṭṭhi me āgilāyati”ti idaṃ kathanti āha **“upādinnakasarīrañca nāmā”**ti-ādi.

23. “Iminā pātimokkhasaṃvarena -pa- sampanno”ti-ādīsu¹ samannāgatatto sampanna-saddo, idha pana pāripūri-atthoti dassetuṃ **“paripuṇṇasīloti attho”**ti vuttaṃ. Yo pana sampannasīloyeva, so paripuṇṇasīlo. Parisuddhaṃ hi sīlaṃ “paripuṇṇaṃ”ti vuccati, na sabalaṃ, kammāsamaṃ vā. **Sundaradhammehīti** sobhanadhammehi. Yasmaṃ santāne uppannā, tassa sobhanabhāvato. Tehi sappurisabhāvasādhanato **sappurisānaṃ dhammehi.**

24. **Iminā ettakena ṭhānenāti** “idha mahānāma ariyasāvako”ti ārabhitvā yāva “akasiralābhī”ti padaṃ iminā ettakena uddesapadena mātikam ṭhapetvā. **Paṭipāṭiyāti** uddesapaṭipāṭiyā. **Evamāhāti** “evaṃ kathañca mahānāmā”ti-ādinā idāni vuccamānena dassitākārena āha.

25. **Hiriyatīti** lajjīyati pīṭiyati². Yasmā hirī pāpajigucchanaḷakkhaṇā, tasmā **“jigucchati attho”**ti vuttaṃ. **Ottappatīti** uttappati. Pāputrāsalaḷakkhaṇaṃ hi ottappaṃ. **Paggahitavīriyoti** saṅkocaṃ anāpannavīriyo. Tenāha **“anosakkitaṃānaso”**ti. **Pahānatthāyāti** samucchindanatthāya. Kusalānaṃ dhammānaṃ upasampadā nāma adhigamo evāti āha **“paṭilābhatthāyā”**ti. **Satinepakkenāti** satiyā nepakkena tikkhavisadasūrabhāvena. Aṭṭhakathāyaṃ pana nepakkaṃ nāma paññāti adhippāyena **“satiyā ca nipakabhāvena cā”**ti attho vutto, evaṃ sati añño niddiṭṭho nāma hoti. **Satimāti** ca imināva viṣesā sati gahitā, parato

1. Abhi 2. 255 piṭṭhe.

2. Bīṭiyati (Ka)

“cirakatampi cirabhāsītampi saritā anussaritā”ti satikiccameva niddiṭṭham, na paññākiccam, tasmā **satinepakkenā**ti satiyā nepakkabhāvenāti sakkā viññātum. Teneva hi paccayavisesavasena aññadhammanirapekkho satiyā balavabhāvo. Tathā hi ñāṇavippayuttacittenapi ajjhāyanasammasanāni sambhavanti.

Cetiyaṅgaṇavattādīti ādi-saddena bodhiyaṅgaṇavattādīni saṅgaṇhāti. **Asītimahāvattapaṭipattipūraṇanti** ettha asītivattapaṭipattipūraṇam mahāvattapaṭipattipūraṇanti vattapaṭipattipūraṇa-saddo paccekam yojetabbo. Tatha **mahāvattāni**¹ nāma vattakhandhake² vuttāni āgantukavattam āvāsikam gamikam anumodanam bhattaggaṃ piṇḍacārikam āraññikam senāsanam jantāgharam vaccakuṭi upajjhāyam saddhivihārikam ācariyam antevāsikavattanti cuddasa. Tato aññāni pana kadāci tajjanīyakammakatādīkāle pārivāsīkādikāle ca caritabbāni asīti khuddakavattāni sabbāsu avatthāsu na caritabbāni, tasmā mahāvattesu aggahitāni. Tatha “pārivāsīkānam bhikkhūnam vattam paññapessāmī”ti ārabhitvā “na upasampādetabbanam -pa- na chamāyam caṅkamante caṅkame caṅkamitabbanam”ti³ vuttāni pakatatte caritabbavattāvasānāni chasaṭṭhi, tato param “na bhikkhave pārivāsīkena bhikkhunā pārivāsīkavuḍḍhatarena bhikkhunā saddhim mūlayapaṭīkassanārahena mānattārahena mānattacārikena abbhānārahena bhikkhunā saddhim ekacchane āvāse vattabbanam”ti-ādīni⁴ pakatatte caritabbhehi anaññattā visum visum agaṇetvā pārivāsīkavuḍḍhatarādīsu puggalantaresu caritabbattā tesam vasena sampiṇḍetvā ekekaṃ katvā gaṇitabbāni pañcāti ekasattativattāni, ukkhepaniyakammakatavattesu vattapaññāpanavasena vuttam “na pakatattassa bhikkhuno abhivādanam paccuṭṭhānam -pa- nhāne piṭṭhiparikammaṃ sādītābhanam”ti⁵ idam abhivādanādīnam asādiyanam ekaṃ, “na pakatatto bhikkhu sīlavipattiyā anuddhamsitabbo”ti-ādīni⁵ ca dasāti evametāni dvāsīti. Etesveva pana kānici tajjanīyakammādivattāni, kānici pārivāsīkādivattānīti aggahitaggahaṇena dvāsīti, evam appakam pana ūnamadhikam vā gaṇanupagam na hotīti idha “asīti”cceva vuttam. Aññattha pana aṭṭhakathāpadese “dvāsīti khandhakavattāni”ti vuccati.

1. Mūlaṭi 2. 163 piṭṭhādīsūpi passitabbanam.

3. Vi 4. 83, 86 piṭṭhādīsū.

5. Vi 4. 52 piṭṭhe.

2. Vi 4. 373 piṭṭhādīsū.

4. Vi 4. 86 piṭṭhe.

Sakkaccaṃ uddisanaṃ sakkaccaṃ uddisāpananti paccekaṃ sakkaccaṃ-saddo yojetabbo. **Uddisanaṃ** uddesaggahaṇaṃ. **Dhammosāraṇaṃ** dhammassa uccāraṇaṃ. **Dhammadesanā**—

“Ādimhi sīlaṃ deseyya, majjhe jhānaṃ vipassanaṃ.
Pariyosāne ca nibbānaṃ, esā kathikasaṅṭhiti”¹—

evaṃ kathitalakkhaṇā dhammakathā. Upagantvā nisinnassa yassa kassaci gahaṭṭhassa, pabbajitassa vā taṅkhaṇānurūpā dhammī kathā **upanisinnakathā**. Bhattānumodanakathā **anumodaniyā**. **Saritāti** ettha na kevalaṃ cirakatacirabhāsitaṇaṃ saraṇamanussaraṇamattaṃ adhippetāṃ, atha kho tathāpavattarūpārūpadhammānaṃ pariggahamukhena pavattavipassanācāre satisambojjhaṅgasamuṭṭhāpananti dassetuṃ “**tasmim̐ kāyena cirakate**”^{ti}-ādi vuttaṃ. **Sakimpī saraṇenāti** ekavāraṃ saraṇena. **Punappunaṃ saraṇenāti** anu anu saraṇena. Satisambojjhaṅgampi vivekanissitaṃ virāganissitaṃ nirodhanissitaṃ vosaggapariṇāmiṇca katvā saranto tattha tattha javanavāre saraṇajavanavāre parittajavanavasena **anussaritāti veditabbā**.

Gati-atthā dhātusaddā buddhi-atthā hontīti āha “**udayañca vayañca paṭivijjhitaṃ samatthāyā**”^{ti}. Missakanayenāyaṃ desanā āgatāti āha “**vikkhambhanavasena ca samucchedavasena cā**”^{ti}. Tenāha “**vipassanāpaññāya cevā**”^{ti}-ādi. Vipassanāpaññāya nibbedhikapariyāyato. Sā ca kho padesikāti nippadesikaṃ katvā dassetuṃ “**maggapaññāya paṭilābhasaṃvattanato cā**”^{ti} vuttaṃ. Dukkakkhayagāminibhāvepi eseva nayo. **Sammāti** yāthāvato. Akuppadhammatāya hi maggapaññā khepitakhepanāya na puna kiccaṃ atthīti upāyena ñāyena yā pavatti, sā evāti āha “**hetunā nāyena**”^{ti}.

26. Adhikaṃ ceto abhiceto, mahaggatacittaṃ, tassa pana adhikatā kāmaccandādīpaṭipakkhavigamena viṣiṭṭhabhāvappatti, tannissitāni **ābhicetasikāni**. Tenāha “**abhicittaṃ seṭṭhacittaṃ sitānaṃ**”^{ti}. **Diṭṭhadhammasukhavihārānanti** imasmiṃyeva attabhāve phāsuvihārabhūtānaṃ.

1. Dī-Ṭṭha 1. 159; Saṃ-Ṭṭha 3. 109 piṭṭhesupi passitabbaṃ.

tehi pana samaṅgitakkhaṇe yasmā vivekajaṃ pītisukhaṃ samādhijaṃ pītisukhaṃ apītiyaṃ satipārisuddhiñāṇasukhañca paṭilabhati vindati, tasmā āha “**appitappitakkhaṇe sukhapaṭilābhahetūnaṃ**”ti. **icchiticchitakkhaṇe samāpajjitāti** iminā tesu jhānesu samāpajjanavasībhāvamaḥa, “**nikāmalābhī**”ti pana vacanato āvajjanādhiṭṭhānā paccavekkhaṇavasiyo ca vuttā evāti veditabbā. **Nidukkhalābhīti** iminā tesam jhānānaṃ sukhapaṭipadākhippābhiññataṃ dasseti, **vipulalābhīti** iminā paḡuṇataṃ tappamaṇadassitabhāvadīpanato. Tenāha “**paḡuṇabhāvenā**”ti-ādi. **Samāpajjitum sakkoti** samāpajjanavasībhāvātāya sādhitattā. **Samādhipāripanthikadhammeti** vasībhāvassa paccanīkadhamme. Jhānādhiḡamaṣṣa pana paccanīkadhammā pageva vikkhambhitā, aññathā jhānādhiḡamo eva na siyā. **Akilamanto vikkhambhetum na sakkotīti** kicchena vikkhambheti visodheti, kāmadīnavapaccavekkhaṇādīhi kāmacchandādīnaṃ aññesaṃ samādhipāripanthikānaṃ dūrasamussāraṇaṃ idha vikkhambhanaṃ visodhananti veditabbaṃ.

27. Vipassanāhitāya uparūparivisesāvahattā vaḍḍhamānāya pubbabhāgasīlādipaṭipadāya. Sā eva pubbabhāḡapaṭipadā yathābhāvitātāya avassaṃbhāvināṃ viṣesaṃ pariggahitattā aṇḍaṃ viyati aṇḍaṃ kilesehi adūsitatāya apūti aṇḍaṃ etassāti apuccaṇḍo vipassanaṃ ussukkāpetvā ṭhitapuggalo, tassa bhāvo **apuccaṇḍatā**. **Vipassanādiñāṇappabhedāyāti** pubbenivāsañāṇādiñāṇapabhedāya. **Tatthāti** Cetokhīlasutte¹ “sa kho so bhikkhave evaṃ ussoḷhipannarasaṅgasamannāḡato bhikkhu bhabbo abhinibbidāyā”ti āḡatattā **ussoḷhipannarasehi aṅgehi samannāḡatabhāvoti evaṃ yaṃ opammasaṃsandanaṃ āḡataṃ, taṃ opammasaṃsandanaṃ idha imasmiṃ sekhasutte** yojetvā veditabbanti sambandho.

28. Mahagḡatādībhāvena heṭṭhimānaṃ jhānānaṃ anurūpampi attano viṣesena te uttaritvā atikkamitvāna ṭhitanti **anuttaraṃ**. Tenāha “**paṭhamādījjhānehi asadisāṃ uttamaṃ**”ti. **Dutiyādīsupi** abhinibbidāsu. Pubbe nivāsañāṇaṃ uppajjamānaṃ yathā attano visayapaṭicchādakaṃ kilesandhakāraṃ

1. Ma 1. 149 piṭṭhe.

vidhamantameva uppajjati, evaṃ attano visaye kañci visesaṃ karontameva uppajjatīti āha “**pubbenivāsañāṇena paṭhamam jāyati**”ti. Sesañāṇadvayepi eseva nayo.

29. **Carāṇasminti** paccatte bhummavacananti āha “**carāṇam nāma hotīti attho**”ti. **Tenāti** karaṇatthe karaṇavacanam āgatapubbadisāgamane tesam sādhakatamabhāvato.

Aṭṭha ñāṇānīti idha āgatāni ca anāgatāni ca **ambatṭhasuttādīsu**¹ āgatāni gahetvā vadati. **Vinivijjhivāti** pubbenivāsapaṭicchādakādikilesatamam bhinditvā padāletvā.

30. **Sanāṅkumārenāti** sanantanakumārena. Tadeva hi tassa sanantanakumārataṃ dassetuṃ “**cirakālato paṭṭhāyā**”ti vuttaṃ. **So attabhāvoti** yena attabhāvena manussapathe jhānam nibbattesi, so kumārattabhāvo, tasmā brahmabhūtopi tādisena kumārattabhāvena carati.

Janitasmim-saddo eva i-kārassa e-kāram katvā “**janetasmin**”ti vutto, **janitasminti** ca janasminti attho vedītabbo. **Janitasminti** sāmāññaggahaṇepi yattha catuvaṇṇasamaññā, tattheva manussaloke. **Khattiyo seṭṭhoti** lokasamaññāpi manussalokeyeva, na devakāye brahmakāye vāti dassetuṃ “**ye gottapaṭisārino**”ti vuttaṃ. **Paṭisarantīti** “aham gotamo, aham kassapo”ti pati pati attano gottam anusaranti paṭijānanti vāti attho.

Ettāvatāti “sādhu sādhu ānandā”ti ettakena sādhu-kāradānena. **Jinabhāsitaṃ nāma jātanti**-ādito paṭṭhāyā yāva pariyoṣanā therabhāsitaṃ buddhabhāsitaṃ nāma jātam. “Kimpanidaṃ suttaṃ sathudesanānuvidhānato jinabhāsitaṃ, udāhu sādhu-kāradānamattenā”ti evarūpā codanā idha anokāsā therassa desanāya bhagavato desanānuvidhānahetukattā sādhu-kāradānassāti. Yaṃ panettha atthato avibhattam, tam suviññeyyameva.

Sekhasuttavaṇṇanāya līnatthappakāsanā samattā.

4. Potaliyasuttavaṇṇanā

31. Aṅgā nāma janapadino rājakumārā, tesam nivāso ekopi janapado ruḥhivasena aṅgātveva vuccatīti āha “**aṅgāyeva so janapado**”ti. **Mahiyā panassa uttarena yā āpoti** mahiyā nadiyā yā āpo tassa janapadassa uttarena honti. **Tāsam avidūrattā** so janapado **uttarāpoti vuccati**. Sā pana mahī katthaci katthaci bhijjitvā gatāti āha “**kataramahiyā uttarena yā āpo**”ti. **Tatthāti** tassā mahiyā āgamanato paṭṭhāya **ayam āvibhāvakathā**. Yasmā¹ lokiyā jambudīpo himavā tattha patiṭṭhitasamuddadahapabbatanadiyoti etesu yaṃ yaṃ na manussagocaram, tattha sayam sammūḷhā aññepi sammohayanti, tattha tattha sammohavidhamanattam “**ayam kira jambudīpo**”ti-ādi māraddham. **Dasasahassayojanaparimāṇo** āyāmato ca vitthārato cāti adhippāyo. Tenāha “**tatthā**”ti-ādi. **Udakena ajjhotthaṇo** tadupabhogisattānam puññakkheyena.

Sundaradassanam kūṭanti **sudassanakūṭam**, yaṃ loke “hemakūṭan”ti² vuccati **mūlagandho** kāḷānusāriyādi. **Sāragandho** candanādi. **Pheggugandho** salalādi. **Tacagandho** lavaṅgādi. **Papaṭikagandho** kabittādi. **Rasagandho** sajjādi³. **Pattagandho** tamālahiriverādi. **Pupphagandho** nāgakuṅkumādi **phalagandho** jātiphalādi. **Gandhagandho** sabbesam gandhānam gandho. Yassa hi rukkhassa sabbesampi mūlādīnam gandho atthi, so idha gandho nāma. Tassa gandhassa gandho gandhagandho. Sabbāni puthulato paññāsayojanāni āyāmato pana ubbedhato viya dviyojanasatānevāti vadanti.

Manoharasilātālānīti otaraṇatthāya⁴ manuññasopānasilātālāni. **Supaṭiyattānī**ti tadupabhogisattānam sādharāṇakammānubhāvena suṭṭhu paṭiyattāni suppavattitāni honti. Macchakacchapādayo udakam malīnam karonti, tadabhāvato **phalikasadisanimmaludakāni**. Tiriyato dīgham uggatakūṭanti “**tiracchānapabbatan**”ti⁵ āha.

1. Am-Ṭi 3. 228 piṭṭhādīsupi passitabbam. 2. Makuṭanti (Ka)

3. Sajjulasādi (Am-Ṭi 3. 228 piṭṭhe)

4. Ratanamayattā (Am-Ṭi 3. 228 piṭṭhe.)

5. Pabbatakūṭanti (Ka)

Āpaṇāni eva vohārassa mukhabhūtānīti āha “**āpaṇamukhasahassāni**”ti. **Vibhattānī**ti vavatthitāni aññamaññāsambhinnāni. **Vasanaṭṭhānanti** attano yathāphāsukaṃ vasitabbaṭṭhānaṃ. Āsati etthāti **āsanam**, nisīditabbaṭṭhānāni.

Asāruppaṃ paṭicca uppajjanakassa chādanato channaṃ **anucchavikaṃ**, tadeva ajjhāsayasampattiṃ patirūpeti pakāsetīti **patirūpaṃ**. Tenāha “**nappatirūpan**”ti. **Kāraṇavevacanānī**ti nāpakakāraṇavevacanāni. Nāpakaṃ hi kāraṇaṃ adhippetam. Atthaṃ ākaroti pakāsetīti **ākāro**, tameva līnaṃ gulhaṃ atthaṃ gametīti **liṅgaṃ**, so tena nimīyaṭīti **nimittanti** vuccati. Idāni tamevatthaṃ vivaritum “**dīghadasavattha -pa- nimittāti vuttā**”ti āha. **Teti** ākārādayo. **Tathā hi pana** meti-ādinā potalito gahapati “paribbājakaniyāmena ahaṃ jīvāmi, tasmā gahapati na homī”ti vadati. **Ovadantoti** anusāsanto. **Upavadantoti** paribhāsanto.

32. **Gedhabhūto lobhoti** gijjhanasabhāvo lobho, agijjhanalakkhaṇo na lobho. **Anindābhūtaṃ aghaṭṭananti** nindāya paṭipakkhabhūtaṃ paresaṃ aghaṭṭanaṃ. **Nindāghaṭṭanā**ti nindāvasena paresaṃ ghaṭṭanā akkosanā. **Byavahāravohāropī**ti kayavikkayalakkhaṇo sabyohāropi dānaggahaṇaṃ vohāro. “Datto tisso”ti-ādinā voharaṇaṃ paññāpananti **paññatti vohāro**. Yathādhippetassa atthassa voharaṇaṃ kathanam bodhananti **vacanaṃ vohāro**. Yāthāvato ayāthāvato ca voharati etenāti **vohāro, cetanā**. **Ayamidhādhippetoti** ayam cetanālakkhāṇo vohāro idha imasmiṃ atthe adhippeto, so ca kho sāvajjova samucchadassa icchittā. Idāni catubbisepi vohārassa idha sambhavaṃ dassetuṃ “**yasmā vā**”ti-ādi vuttaṃ. **Gihīti cetanā natthī**ti ahaṃ gihīti cetanāpavatti natthi. **Gihīti vacanaṃ natthī**ti gihīti attano paresaṃca vacanappavatti natthi. **Gihīti paṇṇatti natthī**ti gihīti samaññā natthi. **Gihīti byavahāro natthī**ti samudācāro natthi.

33. **Pāṇātipātova saṃyojanaṃ**. Kasmā? Bandhanabhāvena pavattanato nissaritum appadānato. Pāṇātipātassa atthitāya so

puggalo “pāṇātipātī”ti vuccatīti āha “**pāṇātipātassa -pa- hotī**”ti. Yaṃ hi yassa atthi, tena so apadissatīti. **Bahutāyāti** acakkhukādibhedena bahubhāvato. Pāṇātipātassa paṭipakkho **apāṇātipāto**. So pana atthato kāyadvāriko sīlasaṃvaroti āha “**kāyikasīlasaṃvarenā**”ti. **Attāpi maṃ upavadeyyāti**-ādi pāṇātipāte ādīnavadassanaṃ. Ādīnavadassino hi tato oramaṇaṃ. **Desanāvasenāti** aññattha sutte abhidhamme ca dasasu saṃyojanesu pañcasu nīvaraṇesu desanāvasena apariyāpannampi **saṃyojanantipi nīvaraṇantipi** idha vuttaṃ. Kasmā? Tadatthasambhavato. Tenāha “**vattabandhanaṭṭhena hitappaṭicchādanatṭhena cā**”ti. Pāṇātipāto hi apāṇātipātapaccayaṃ hitaṃ paṭicchādentova uppajjatīti. **Eko avijjāsavoti** idaṃ sahaṃjātasena vuttaṃ, upanissayavasena pana itaresampi āsavānaṃ yathārahaṃ sambhavo veditabbo. Pāṇātipātī hi puggalo “tappaccayaṃ atthaṃ karissāmī”ti kāme pattheti, diṭṭhiṃ gaṇhāti, bhavavisesaṃ paccāsīsati. Tattha uppannaṃ vihanati bādhatīti **vighāto**, dukkhaṃ, paṭilāhanaṃ anattahuppādasena upatāpanaṃ **parilāho**, ayametesāṃ viseso. **Sabbatthāti** sabbesu vāresu. **Iminā upāyenāti** atidesena pariggahito attho parato āgamissatīti.

34-40. **Imasmim padeti** etena sattasupi vāresu tathā āgataṃ padaṃ sāmāññaḥ gahitaṃ. Tenāha “**iminā**”ti-ādi. Rosanaṃ kāyikaṃ vācasikañcāti tappaṭipakkho arosopi tathā duvidhoti āha “**kāyikavācasikasāṃvarenā**”ti. Yathā abhijjhā lobho, anabhijjhā alobho, evaṃ **akodhūpāyāso** abyāpādo, saṃvare sukhanti **saṃvaroti** daṭṭhabbo, anatilobho pana satisāṃvare, anati māno nāṇasaṃvare saṅgahaṃ gacchatīti daṭṭhabbaṃ. Imesu pana padesu evaṃ sabbavāresu yojanā kātābbāti sambandho.

Evaṃ āsavuppatti veditābbāti ettha vuttassapi ekajjhaṃ vuccamānattā “**puna ayaṃ saṅkhepavinichayo**”ti vuttaṃ. **Asammohatthaṃ** ārammaṇassa. **Purimesu tāva catūsu** vāresu **viramituṃ na sakkomīti vattabbaṃ**, “attāpi maṃ upavadeyyā”ti etassa padassa atthavaṇṇanāyaṃ “**na sakkomī**”ti “anuvijjāpi maṃ viññū garaheyyūn”ti etassa padassa atthavaṇṇanāyaṃ “**na**

sakkoti”ti vattabbaṃ, iminā nayena pacchimesupi catūsu yathārahaṃ yojanā veditabbā. **Atimāne bhavāsava-avijjāsavā**ti vuttaṃ mānena saha diṭṭhiyā anuppajjanato, atimāno pana kāmarāgenapi uppajjatevāti “atimāne kāmāsava-avijjāsavā”ti vattabbaṃ siyā, svāyaṃ nayo vuttanayattā suviññeyyoti na dassito. **Pātimokkhasamvarasīlam kathitaṃ** ādito catūhi chaṭṭhena vāti pañcahi vārehi, sesehi tīhi **pātimokkhasamvarasīle ʘhitassa bhikkhuno paṭisaṅkhāpahānaṃ**, sabbehipi pana bhikkhubhāve ʘhitassa **gihivohārasamucchodo kathito**. Tattha sabbattha vattaṃ “idañcidañca mayhaṃ kātuṃ nappatirūpan”ti paṭisaṅkhānavasena akaraṇaṃ pajahanañca paṭisaṅkhāpahānaṃ.

Kāmādīnavakathāvaṇṇanā

42. **Upasumbheyyā**ti ettha **upa-saddo samīpattho**, sumbhanam vikkhepanam. Teneva **tamenanti** bhummatthe upayogavacananti āha “**tassa samīpe khippeyyā**”ti, tassa kukkurassa samīpe aṭṭhikaṅkalam khippeyyāti attho. **Nimmaṃsattā kaṅkalanti vuccatī**ti iminā vigatamaṃsāya aṭṭhikaṅkalikāya uraṭṭhimhi vā piṭṭhikaṅtake vā sīsattṭhimhi vā kaṅkala-saddo niruḷhoti dasseti. **Sunikkantanti** nillikhitaṃ katvāva nibbisesaṃ likhitaṃ.

Ekattupaṭṭhānassa ajjupekkhanavasena pavattiyā **ekattā**. Tenāha “**catutthajhānupekkhā**”ti. Yasmā panassa ārammaṇampi ekasabhāvameva, tasmā āha “**sā hi**”ti-ādi. **Lokāmisasaṅkhātā**ti aparīññātavatthunā lokena āmasitabbato, loke vā āmisoti saṅkhaṃ gatāya vasena kāmaguṇānam kāmabhāvo ca āmisabhāvo ca, so eva nippariyāyato āmisanti vattabbatam arahati. **Kāmaguṇāmisāti** kāmaguṇe chandarāgā. **Gahaṇaṭṭhena** bhusaṃ ādānaṭṭhena.

43. **Ḍayanam ākāsenā gamananti āha “uppativā gaccheyyā”**ti. Gijjhādīnam vāsipharasu na hotīti āha “**mukhatuṇḍakena ʘasantā taccheyyun**”ti. **Vissajjeyyunti** ettha “vissajjanan”ti ākaḍḍhanam adhippetam anekatthattā dhātūnam, ākaḍḍhanañca anubandhitvā pātananti āha “**maṃsapesiṃ nakhehi kaḍḍhitvā pāteyyun**”ti.

47. Purisassa ārohanayogyam **poriseyyam**.

48. Sampannam sundaram phalamassāti **sampannaphalam**.
Phalūpapannanti phalehi upetanti āha “**bahuphalan**”ti.

50. **Suvidūravidūreti** ariyassa vinaye vohārasamucchedato suṭṭhu vidūrabhūte eva vidūre **aham** ṭhito. Kassaci nāma atthassapi ajānanato na ajānantīti **anājānīyāti** kattusādhanamassa dassento **ajānanaketi** ajānantabhojanasīsena tesam dātabbapaccaye vadati sesam suviññeyyameva.

Potaliyasuttavaṇṇanāya līnatthappakāsanā samattā.

5. Jīvakasuttavaṇṇanā

51. Kumārena bhato posāpitoti kumārabhato, kumārabhato eva **komārabhacco** yathā “bhisakkameva bhesajjan”ti.

Ārabhantīti ettha **ārabha**-saddo kāmam kāmāyūhanayaññuṭṭhāpana-āpatti-āpajjanaviññāpanādīsipi āgato, idha pana himsane icchitabboti āha “**ārabhantīti ghātentī**”ti. **Uddisitvā katanti**¹ attānam uddisitvā māraṇavasena kataṃ nibbattitaṃ. **Paṭiccakammanti** ettha **kamma**-saddo kammaśādhano atītakālikoti āha “**attānam paṭicca katan**”ti. **Nimittakammasetaṃ adhivacanam** “paṭicca kammaṃ phusatī”ti-ādīsū² viya. **Nimittakammassāti** nimittabhāvena laddhabbakammasa, na karaṇakārāpanavasena. **Paṭiccakammaṃ ettha atthīti maṃsam paṭiccakammaṃ** yathā “buddham etassa atthīti buddho”ti. **Tesa** nigaṇṭhānam. Aññepi brāhmaṇādayo tamladdhikā attheva.

Kāraṇanti ettha yutti adhippetā, sā eva ca dhammato anapetattā “dhammo”ti vuttāti āha “**kāraṇam nāma tikoṭiparisuddhamaccha maṃsaparibhogo**”ti. **Anukāraṇam nāma mahājanassa tathā byākaraṇam** yuttiyā dhammasa anurūpabhāvato maṃsam paribhuñjitabbanti anuññātāṃ tatheva kathananti katvā. **Tanti** “jānam uddissakataṃ maṃsam paribhuñjati”ti evaṃ vuttam paribhuñjanam **neva**

1. Am-Ṭī 3. 225; Sārattha-Ṭī 3. 327 piṭṭhesupi passitabbaṃ.

2. Khu 5. 102 piṭṭhe Jātake.

kāraṇaṃhoti sabbena sabbaṃ abhāvato sati ca ayuttiyaṃ adhammoti katvā. **Tathā byākaraṇanti** “jānaṃ uddissakataṃ maṃsaṃ paribhuñjati”ti kathanāṃ yuttiyā dhammassa ananurūpabhāvato **na anukāraṇaṃ hoti. Parehi vuttakāraṇena sakāraṇo hutvā**ti pare titthiyā “jānaṃ”ti-ādinā dhammaṃ kathenti vadanti, tena kāraṇabhūtena sakāraṇo hutvā. Tehi tathā vattabbo eva **hutvā tumhākaṃ vādo vā anuvādo vā** “maṃsaṃ paribhuñjitabban”ti pavattā tumhākaṃ kathā vā parato parehi tathā pavattitā tassā anukathā vā. **Viññūhi garahitabbakāraṇanti** titthiyā tāva tiṭṭhantu, tato aññehi paṇḍitehi garahitabbakāraṇaṃ. **Koci na āgacchatīti** garahitabbataṃ na āpajjatīti attho. **Abhibhavitvā ācikkhantīti** abhibhuyya madditvā kathenti, abhibhūtena akkosantīti attho.

52. **Kāraṇehīti** paribhogacittassa avisuddhatāhetūhi. Bhikkhū uddissakataṃ diṭṭhaṃ. Tādisamaṃsaṃ hi paribhogānārahattā citta-avisuddhiyā kāraṇaṃ cittasaṃkilesāvahato. Idāni diṭṭhasutaparisaṅkitāni sarūpato dassetuṃ “**diṭṭhādīsū**”ti-ādi vuttaṃ. Tattha **tadubhayavimuttaparisaṅkitanti** “diṭṭhaṃ sutan”ti imaṃ ubhayaṃ anissāya “kiṃ nu kho imaṃ bhikkhuṃ uddissa vadhitvā sampāditan”ti kevalameva parisaṅkitam. **Sabbasaṅgāhakoti** sabbesaṃ tiṇṇaṃ parisaṅkitānaṃ saṅgaṇhanako.

Maṅgalādīnanti ādi-saddena āhunapāhunādikaṃ saṅgaṇhāti. **Nibbematikā hontīti** sabbena sabbaṃ parisaṅkitābhāvamāha. **Itaresanti** ājanantānaṃ **vaṭṭati**, jānato evettha āpatti hoti. **Teyevāti** ye uddissa kataṃ, teyeva.

Uddissakatamaṃsaparibhogato akappiyamaṃsaparibhogassa visesaṃ dassetuṃ “**akappiyamaṃsaṃ panā**”ti-ādi vuttaṃ. Purimasmiṃ sacittakā āpatti, itarasmim acittakā. Tenāha “**akappiyamaṃsaṃ ajānitvā bhuttassapi āpattiyevā**”ti. **Paribhoganti** paribhuñjitabbanti vadāmīti attho.

53. **Tādisassāti** tikoṭiparisuddhassa macchamaṃsassa paribhoge. **Mettāvihārinopīti** api-saddena amettāvihārinopī. Mettāvihāriṇo paribhoge sikhāpattā anavajjatāti dassetuṃ “**idha jīvaka**

bhikkhū”ti-ādi vuttam. **Aniyametvā**ti avisesetvā sāmāññato. Yasmā bhagavatā “yato kho vaccha bhikkhuno taṇhā pahīnā hotī”ti-ādinā mahāvacchagottasutte¹ attā aniyametvā vutto. Tathā hi vacchagotto “tiṭṭhatu bhavaṃ gotamo, atthi pana bhoto gotamassa ekabhikkhupi sāvako āsavānaṃ khayā -pa- upasampajja viharatī”ti āha, “idha Bhāradvāja bhikkhu aññatarāmaṃ gāmaṃ vā nigamaṃ vā upanissāya viharatī”ti-ādinā caṅkīsutte² attā aniyametvā vutto. Tathā hi tattha parato “yaṃ kho pana ayamāyasmā dhammaṃ deseti, gambhīro so dhammo duddaso duranubodho santo paṇīto atakkovacaro nipuṇo paṇḍitavedanīyo, na so dhammo sudesanīyo luddenā”ti-ādinā desanā āgatā, tasmā vuttam **“bhagavatā hi Mahāvacchagottasutte, Caṅkīsutte, imasmiṃ sutteti tīsu ṭhānesu attānaṃyeva sandhāya desanā katā”**ti. **Maṃsūpasecanova adhippeto** macchamaṃsasahitassa āhārassa paribhogabhāvato, macchamaṃsassa ca idha adhippetattā.

Agathito appaṭibaddho. **Taṇhāmucchanāyāti** taṇhāyanavasena mucchāpattiyā. **Anajjhopanno** taṇhāya abhibhavitvā na ajjhotthaṭo, gilitvā pariniṭṭhapetvā na saṅghitoti attho. Tenāha **“sabbaṃ ālimpitvā”**ti-ādi. Idha ādinavo āhārassa paṭikūlabhāvoti āha **“ekarattivāsenā”**ti-ādi. Ayamettho āhāraparibhogoti atthasāmyojanaparicchedikā “yāvadeva imassa kāyassa ṭhitiyā”ti-ādinā³ pavattā āhārapaṭibaddhachandarāganissaraṇabhūtā paññāssa atthīti **nissaraṇapañño**. **Idamatthanti** etamatthāya. **Evaṃ santeti** “brahmāti ca mettāvihārino sāmāññā”ti avatvā ye dhammā mettāvihārassa paṭipakkhabhūtā, tattha sāvasesaṃ pahāsi brahmā, anavasesaṃ pahāsi bhagavāti sace te idaṃ sandhāya bhāsitaṃ, evaṃ sante tava idaṃ yathāvuttavacanaṃ anujānāmi, na mettāvihāritāsāmāññamattatoti attho.

1. Ma 2. 157 piṭṭhe.

2. Ma 2. 383 piṭṭhe.

3. Dī 3. 107; Ma 1. 12; Ma 2. 18, 341; Ma 3. 54; Saṃ 2. 323 piṭṭhādīsu.

55. **“Pāṭi-ekko anusandhī”**ti vatvā visum anusandhibhāvaṃ dassetuṃ **“imasmim hi”**ti-ādi vuttam. **Dvāram thaketī**ti macchamaṃ sapaṛibhogānuññāya aññesaṃ vacanadvāraṃ pidahati, codanāpathaṃ nirundhati. Kathaṃ **sattānuddayaṃ dasseti**? Sattānuddayamukhena bāhirakānaṃ macchamaṃsapaṛibhogapaṭikkhepo tayidaṃ micchā, tikoṭiparisuddhasseva macchamaṃsassa paṛibhogo bhagavatā anuññāto. Tathā hi vuttam **“tīhi kho ahaṃ jīvaka ṭhānehi maṃsaṃ paṛibhoganti vadāmi”**ti-ādi¹. **Vinayepi**² vuttam **“tikoṭiparisuddham Devadatta macchamaṃsaṃ mayā anuññātan”**ti. Tikoṭiparisuddhañca bhuñjantānaṃ sattesu anuddayā niccalā. **“Sattānuddayaṃ dasseti”**ti saṅkhepato vuttamatthaṃ vivaranto **“sace hi”**ti-ādimāha.

Paṭhamena kāraṇenāti desanāvaseṇaṇi payogavaseṇaṇi paṭhamena paṛupaghātahetunā. **Kaḍḍhito** so pāṇo. **Galena pavedhentenā**ti yottagalena kāraṇena asayhamānena. **Bahupuññameva hoti** āsādanāpekkhāya abhāvato, hitajjhāsayaṭṭā vāti adhippāyo. **Esāham bhanteti**-ādi kasmā vuttam, saraṇagamanavaseneva gahitasaraṇoti codanaṃ sandhāyāha **“ayan”**ti-ādi. **Ogāhantoti**-ādito paṭṭhāya yāva pariyoṣānā suttam anussaranto atthaṃ upadhārento. Sesam suviññeyyameva.

Jīvakasuttavaṇṇanāya līnatthappakāsanā samattā.

6. Upālisuttavaṇṇanā

56. Pāvāraṃ pārupatīti pāvāriko, idaṃ tassa kulasaṃudāgataṃ nāmaṃ, so pana mahaddhano mahābhogo nagare seṭṭhiṭṭhāne ṭhito. Tenāha **“dussapāvārikasetṭhino”**ti. **Dīghattā** dīghatamattā. So kira pamāṇato upavacchayato diyaḍḍharatanaṃ atikkamma ṭhito. **Evam laddhanāmoti** **“dīghatapassī”**ti laddhasamañño. **Bāhirayatāneti** titthiyasamaye **piṇḍapātoti vohāro natthi**, tasmā sāsanavohārena **“piṇḍapātappaṭikkanto”**ti vuttanti adhippāyo.

1. Ma 2. 32 piṭṭhe.

2. Vi 1. 264; Vi 4. 359 piṭṭhesu.

Dassetīti deseti. **Ṭhpetīti** aññamaññasaṅkarato vavatthapeti. **Kiriyaṃyāti** karaṇena. **Pavattiyāti** pavattanena. **Daṇḍāni paññapetīti** ettha kasmā bhagavatā āditova tathā na pucchitanti? Yasmā sā tasmim atthe sabhāvanirutti na hoti, sāsane loke samayantaresu ca tādiso samudācāro natthi, kevalam pana tasseva nigaṇṭhassāyam koṭṭhālakasadiso samudācāroti imamattham dassetum “**kammāni paññapetī**” iccevāha. **Acittakanti** cittarahitam, cittena asamuṭṭhāpitanti attho. Katham pana tadubhayassa cittena vinā sambhavoti codanam sandhāya tattha nidassanamāha “**yathā kirā**”ti-ādi. **Paṭivibhattānanti** atthato bhinnānam. **Paṭivisiṭṭhānanti** visesanapadavasena saddatopi bhinnānam. **Vacanam paṭiṭṭhabetukāmoti** dīghatapassino yathāvuttavacanam paṭiṭṭhabetukāmo. Tasmimhi paṭiṭṭhāpīte tenappasaṅgena āgato upāli gahapati tasmim padese dhammam disvā sāsane abhippasīdissati.

Kathā eva upari vādāropanassa vatthubhāvato **kathāvattu**. **Kathāyam paṭiṭṭhapesīti** kathāvattusmim, tadatthe vā paṭiṭṭhapesi. Yathā tam vādāropanabhayena na avajānāti, evam tassam kathāyam, tasmim vā atthe dīghatapassim yāvatatiyam vāde paṭiṭṭhapesi. **Vādanti** dosam.

57. Idāni cetanāsampayuttadhammampi gahetvā kāyakammādivasena saṅgahetvā dassetum “**apicā**”ti-ādi vuttam. Tattha **tividham kāyaduccaritam kāyakammam nāmāti**-ādi “kammassa kiriyāyā”ti pāḷiyam akusalakammassa kadhigatattā vuttam, pubbe pana **aṭṭhakāmāvacarakusalacetanāti**-ādi sāvajjam anavajjaṅca sāmāññato ekajjam katvā dassitam. Kasmā panettha cetanā na gahitāti āha “**imasim sutte kammam dhuran**”ti. Kāyakammādibhedam kammameva **dhuram** jeṭṭhakam pubbaṅgamaṃ, na cetanāmatameva. **Evamāgatepīti** kammānīti evam nāmena āgatepi cetanā dhuram, tattha cetanam jeṭṭhakam pubbaṅgamaṃ katvā vuttanti adhippāyo. Katham pana tattha kammanti vā kammānīti vā āgate tesam cetanāya dhurabhāvoti āha “**yattha katthaci -pa- labhati**”ti. Tattha **yattha katthacīti** yasmim kismiñci dvāre. **Sā vuttāvāti** sā cetanā vuttāva, yā kāyasaṅkhārādipariyāyena (yassa kassaci kammassa kāyadvārādīsu pavattāpanacetanā)¹

1. (Vuttā yattha katthaci kāyadvārādīsu pavattā, yadaggena cetanā.) (?)

sampayuttadhammāpi tadaggena lokiyāpi lokuttarāpi kammameva, abhijjhādayo pana cetanāpakkhikāti daṭṭhabbān.

Mahantanti kaṭukaphalam. **Na kilamati** sappāṭihāriyattā paṭiññāya. Idāni tesam sappāṭihāriyatanam dassetuṃ “**tathā hī**”ti-ādi vuttam. Yadi akusalam patvā kāyakammaṃ vacīkammaṃ mahantanti vadanto na kilamati, atha kasmā bhagavā idha akusalam manokammaṃ mahāsāvajjam kathesīti āha “**imasmiṃ pana ṭhāne**”ti-ādi. Yāvattiyam paṭiṭṭhāpanamattena **gatamaggaṃ paṭipajjanto**. Tenāha “**kiñci atthanipphattim apassantopi**”ti.

58. Nivāsattḥānabhūto bālako etissā atthīti **balakinī**. Sattḥupaṭiññātāya nigaṇṭhānam mahāti sambhāvitattā **mahānigaṇṭho**.

60. Āvaṭṭeti purimākārato nivatteti attano vasevatteti etāyāti **āvaṭṭanī**, māyā. Tenāha “**āvaṭṭetvā gahaṇamāya**”ti. Sattḥupaṭiññānam buddhadassane cittameva na uppajjati, ayamettha dhammatā. Sace pana so tam paṭiññam appahāya buddhānam sammukhībhāvaṃ upagaccheyya, sattadhā muddhā phaleyya, tasmā bhagavā “mā ayam bālo vinassī”ti-āditova yathā sammukhībhāvaṃ na labhati, tathā karoti. Svāyamattḥo **pāthikaputtasamāgamena** dipetabbo. Dassanasampattiniyamamāha “**tathāgataṃ hī**”ti-ādi. **Āgamā nu kho idha** tumhākaṃ santikaṃ.

61. **Vacīsacce paṭiṭṭhahitvāti** yathāpaṭiññātāya paṭiññāya ṭhatvā.

62. Sītodake amatā pāṇā pānakāle pana maranti, tepi tena sītodakaparibhogena māritā honti, tasmā tapassinā nāma sabbena sabbam sītodakam na paribhuñjitabbanti tesam laddhi. Pākatikam vā udakam sattoti purātanānam nigaṇṭhānam laddhi. Tenāha “**sattasaññāya sītodakam paṭikkhipanti**”ti. Tesam tam adhunātananigaṇṭhānam vādena virujjhati. Te hi pathavī-ādinavapadatthato aññameva jīvitam paṭijānanti. Cittena sītodakam pātukāmo paribhuñjitukāmo hoti roge ṭhatvāpi sattānam cittassa tathā na vitatā. Tenāha “**tenassa manodaṇḍo tattheva bhijjati**”ti. **Tenāti** sītodakam pātum paribhuñjituṅca icchanena. **Assāti** yathāvuttassa nigaṇṭhassa. **Tatthevāti** tathācittuppādane eva. **Bhijjati** samvarassa vikopitattā. Tathābhūto so nigaṇṭho

sītodakaṃ ce labheyya, katipayāṃ kālaṃ jīveyya, alābhena pana parisussamānakaṅṭhoṭṭhatālujuvā-ādiko sabbaso paridāhābhībūto mareyya. Tenāha “**sītodakaṃ alabhamāno kalam kareyyā**”ti. Kasmā? Yasmā sītodakaṃ pivāya sannissitacittassa¹ maraṇaṃ hoti, tasmā vuttaṃ “**manodaṇḍo pana bhinnopi cutimpi ākaḍḍhatī**”ti. Yasmā pana tathābhūtacittassa nigaṅṭhassa manosattesu nāma devesu upapatti hotīti titthiyānaṃ laddhi, tasmā vuttaṃ “**manodaṇḍo pana bhinnopi paṭisandhimpi ākaḍḍhatī**”ti. Itīti evaṃ “idhāssa nigaṅṭho”ti-ādi ākārena. Nanti upāliṃ gahapatim. **Mahantoti vadāpesi** “manopaṭibaddho kalam karotī”ti vadantoti adhippāyo.

Upāsakassāti upāliṃ gahapatissa. **Mucchāvasenāti**-ādinā anvayato byatirekato ca manodaṇḍassa mahantataṃ vibhāveti. **Cittasantatippavattimattenevāti** vinā kāyadaṇḍena vacīdaṇḍena ca kevalaṃ cittasantatippavattimattena. **Bhijjitvāpīti** ettha **pi**-saddena abhijjitvāpi. **Aniyyānikāti** appāṭihirā, ayuttāti attho. **Sallakkhesi** upāsakoti vibhattim vipariṇāmetvā yojanā. **Pañhapaṭibhānānīti** ñātum icchite atthe uppajjanakapaṭibhānāni.

“Manopaṭibaddho kalam karotī”ti vadantena atthato manodaṇḍassa taduttarabhāvo paṭiññāto hotīti āha “**idāni manodaṇḍo mahantoti idaṃ vacanan**”ti. Tathā ceva vuttaṃ “manodaṇḍhova balavā mahantoti vadāpesī”ti.

63. Pāṇātipātādito yamaṃ yāmo, catubbidho yāmo catuyāmo, catuyāmasaṅkhātena saṃvarena saṃvuto **cātuyāmasaṃvarasaṃvuto**. Aṭṭhakathāyaṃ pana yāma-saddo koṭṭhāsapariyāyoti “**iminā catukoṭṭhāsenā**”ti vuttaṃ. Piyajātikaṃ rūpādi-ārammaṇaṃ rāgavasena bālehi bhāvanīyattā “bhāvitān”ti vuccatīti āha “**bhāvitanti pañca kāmagaṇā**”ti.

Yo sabbam pāpaṃ āsavañca vāretīti sabbavārī, tassa navasu padatthesu sattamo padattho, tena sabbavārinā pāpaṃ vāritvā ṭhitoti

1. Sītodakapipāsasannissitacittassa (?)

sabbavārivārito. Tenāha “**sabbena pāpavāraṇena vāritapāpo**”ti. Tato eva sabbassa vāritabbassa āsavassa dhunanato **sabbavāridhuto.** Vāritabbassa nivāraṇavasena sabbavāriṇo phuṭo phusitoti **sabbavāriphuṭo.** **Saṅghātanti** sahasā hananaṃ, asaṅcetanikavadhanti attho. **Katarasmim koṭṭhāseti** tīsu daṇḍakoṭṭhāsesu katarakoṭṭhāse.

64. Khaliyati samādiyatīti **khalaṃ,** rāsīti āha “**ekaṃ maṃsakhalanti ekaṃ maṃsarāsin**”ti. Vijjādhara-iddhiyā **iddhimā.** Sā pana iddhi yasmā ānubhāvasampannasseva ijjhati, na yassa kassaci, tasmā āha “**ānubhāvasampanno**”ti. Vijjānubhāvavaseneva **ānubhāvasampanno.** **Citte vasībhāvappatto** ānubhāvāya eva vijjāya paguṇabhāvāpādanena. Etena vasībhāvāṃ lokiyasamaññavasena bhagavā upāliṃ gahapatiṃ paññāpetukāmo evamāha. Lokikā hi “**bhāvanāmaya-iddhiyā iddhimā cetovasībhāvappatto parūpaghātaṃ karotī**”ti maññanti. Tathā hi te isayo paresaṃ samvaṇṇenti, isīnaṃ ānubhāvāṃ kittenti. Yaṃ panettha vattabbaṃ, taṃ parato āgamissatīti.

65. **Araññameva hutvāti** sabbaso araññameva hutvā araññabhāvena **araññaṃ jātāṃ,** na nāmamattena. **Isīnaṃ atthāyāti** isīnaṃ āsādanatthāya.

Godhāvarītīrato nātidūre. **Usūyamānoti** “na maṃ esa jano parivāretī”ti usūyaṃ karonto. **Kiliṭṭho vatāti** paṅkadantarajasiratādīhi kiliṭṭhasarīro. **Anañjitamaṇḍitoti** anañjitakkhiko, sabbena sabbaṃ amaṇḍito ca. Tasmim kāle “**kālasseva akkhīnaṃ añjanaṃ maṅgalaṃ**”ti manussānaṃ laddhi, tasmā anañjanaṃ visuṃ gahitaṃ.

Rājā tassa vacanaṃ gahetvāti “vedesu īdisaṃ āgataṃ bhavissatīti evaṃ bhante”ti rājā tassa purohitassa vacanaṃ gahetvā. **Usumajātahadayoti** uttattahadayo. Nāsikānaṃ appahonte **mukhena assasanto.**

Vijitajayehi āgantvā nakkhattayuttaṃ āgamentehi nisīditabbaṭṭhānaṃ **jayakhandhāvāraṭṭhānaṃ.** Udakavuṭṭhipātanādi tasmim pāpakamme asamaṅgibhūtānampi

samanuññatāya antokaraṇattham kataṃ. **Katabhaṇḍavuṭṭhī** ābharaṇavassam. Mahājano samanunño jātoti yojanā. **Mātuposakarāmoti** mātari sammāpaṭipanno rāmo nāma eko puriso. **Asamaṅgibhūtānanti** asamanuññānam.

Avakiriyāti asussūsataṃ paṭicca. **Phuliṅgānīti** aggikaṇāni. **Patanti kāyeti** kāye ito cito nipatanti. Ete kira nirayaṃ vivarivā mahājanassa dassenti.

Yathāphāsukaṭṭhānanti mayam kañcipi desaṃ uddissa na gacchāma, yattha pana vasantassa pabbajitassa phāsu hoti, tam yathāphāsukaṭṭhānam gacchāmāti adhippāyo. **Samghāti** samhatā. **Gaṇāti** tamtamseṇibhāvena gaṇitabbatāya gaṇā. **Gaṇibhūtāti** ekajjhāsaya hutvā rāsibhūtā. **Adinnādānanti**-ādīsipi niraye paccivā manussalokaṃ āgatassa vipākāvasesenāti ānetvā yojetabbaṃ.

Paggaṇhissāmīti sambhāvanam uppādessāmi. **Nesam kattabbanti** cintesīti yojanā. Kim cintesi? Āghātam uppādetvā anattakaraṇūpāyam. Tenāha “so dhammakathāpariyosāne”ti-ādi. **Nāgabalapicchillādīnanti** nāgabalasāsapa-aṅkolatelakaniyāsādīnam cikkhallanam. **Vihetḥayimsu** nirayādikathāhi ghaṭṭentā. **Chadvārārammaṇeti** cakkhādīnam channam dvārānam ārammaṇabhūte rūpādivisaye.

Nava vuṭṭhiyoti udakavuṭṭhi sumanapupphavuṭṭhi māsakavuṭṭhi kahāpaṇavuṭṭhi ābharaṇavuṭṭhi āvudhavuṭṭhi aṅgāravuṭṭhi pāsāṇavuṭṭhi vālikāvuṭṭhīti imā nava vuṭṭhiyo. **Avañcayīti** sakkāram karonto viya hutvā asakkāram karonto anattacaraṇena vañcayī. **Adūsaketi** anaparādhe.

“Diṭṭhamaṅgalikā brāhmaṇakaññā”ti jātaṭṭhakathādīsū¹ āgataṃ, idha pana “seṭṭhidhītā”ti. **Vāreyyatthāyāti** āvāhatthāya. **Assāti** pesitapuggalassa. Tādisena nīcakulasamvattaniyena kammunā laddhokāsena **caṇḍālayoniyam nibbatto**.

1. Jātaka-Ṭṭha 4. 377 piṭṭhe.

Cammageheti cammena chādite gehe. **Mātaṅgotvevassa nāmaṃ ahoṣi** jāṭisamudāgataṃ. **Tanti** ghaṇṭaṃ. **Vādentō** tālanena saddaṃ karonto. **Mahāpathaṃ paṭipajji** diṭṭhamaṅgalikāya gehadvārasamīpena.

Tassā veyyāvaccakarā ceva **upaṭṭhākamanussā** paṭibaddhā ca **surāsoṇḍādayo** jāṇukapparādīhi sukotṭitaṃ koṭṭitabhāvena mucchaṃ āpannattā **matoti saññāya chaḍḍesum**.

Atha bodhisatto āyu-avasesassa atthitāya mandamande vāte vāyante cirena saññaṃ paṭilabhati. Tenāha “**mahāpuriso**”ti-ādi. **Gehaṅgaṇeti** gehassa mahādvārato bahi vivaṅgaṅaṇe. **Patitoti** pātaṃ katvā icchitattanipphattim antaraṃ katvā anuppavesena nipanno. **Diṭṭhamaṅgalikāyāti** diṭṭhamaṅgalikākāraṇena.

Yasanti vibhavaṃ kittisaddaṇca. **Candanti** candamaṇḍalaṃ, candavimānanti attho. **Ucchiṭṭhageheti** parehi paribhuttagehe. **Maṇḍapeti** nagaramajjhe mahāmaṇḍape.

Khīramaṇimūlanti khīramūlaṃ, pādesu baddhamaṇimūlaṇca. **Yāvata vācuggatā pariyattīti** yattako manussavacīdvārato uggato nikkhanto pavatto, yaṃkiñci vacīmayanti attho. **ākāsaṅgaṇeti** vivaṅgaṅaṇe.

Dummavāsīti¹ dhūmo dhūsaro, anañjitāmaṇḍitoti adhippāyo. **Okallakoti**² nihīnajjhāsayo, appānubhāvoti attho. **Paṭimuñca kaṇṭheti** yāva galavāṭakā pārupitvā. **Ko re tuvanti** are ko nāma tvaṃ.

Pakatanti paṭiyattaṃ nānappakārato abhisankhataṃ. **Uttiṭṭhapiṇḍanti** antaragharaṃ upagamma ṭhatvā laddhabbapiṇḍaṃ, bhikkhāhāranti attho. **Labhatanti** lacchatu. **Sapākoti** mahāsatto jātivaseṇa yathābhūtaṃ attānaṃ āvikaroti.

Atthattithaṃ saddahatoti samparāyikassa atthassa atthibhāvaṃ saddahantassa. **Apehīti** apagaccha. **Ettoti** imasmā ṭhānā. **Jammāti** lāmaka.

1. Duppavāsīti (Ka) Jātaka-Ṭṭha 4. 380 piṭṭhādīsipi passitabbaṃ.

2. Okallakoti (Ka)

Anūpakhetteti ajaṅgale udakasampanne khette phalavisesaṃ paccāsīsaṅtā. **Etāya saddhāya dadāhi dānanti** ninnam thalañca pūrento meggho viya guṇavante nigguṇe ca dānaṃ dehi, evaṃ dento ca **appeva ārādhaye dakkhiṇeyyeti. Dakkhiṇeyyeti** silādiguṇasamannāgate.

Tānīti te brāhmaṇā. **Veṇupadarenāti** veḷuvilīvena.

Giriṃ nakhena khaṇasīti pabbataṃ attano nakhena khaṇanto viya ahosi. **Ayoti** kālaloḥaṃ. **Padahasīti** abhibhavasi, attano sarīrena abhibhavanto viya ahosi.

Āvedhitanti calitaṃ viparivattetvā ṭhitaṃ. **Piṭṭhitoti** piṭṭhipassena. **Bāhuṃ pasāreti akammaneyyanti** akammakkhamaṃ bāhudvayaṃ thaddhaṃ sukkhadaṇḍakaṃ viya kevalaṃ pasāreti, na samiṅjeti, **setāni akkhīni** parivattanena kaṇhamaṇḍalassa adissanato.

Jīvanti jīvanam.

Vehāyasanti ākāse. **Pathaddhunoti** pathabhūtaḍḍhuno viya.

Saññampi na karotīti “ime kulappasutā”ti saññāmatampi na karoti. **Dantakaṭṭhakucchiṭṭhakanti** khādīdadantakaṭṭhattā vuttaṃ. **Etasseva upari patissati** appaduṭṭhapadosabhāvato, mahāsattassa tadā ukkaṃsagatakhettabhāvato. **Iddhivisayo nāma acinteyyo**, tasmā kathaṃ sūriyassa uggantuṃ nādāsīti na cintetabbaṃ. **Aruṇuggaṃ na paññāyatīti** tasmīṃ padese aruṇapabhā na paññāyati, andhakāro eva hoti.

Yakkhāvaṭṭo nu kho ayaṃ kālavipariyāyo. **Mahāpaññanti** mahantānaṃ paññanaṃ adhiṭṭhānabhūtaṃ. **Janapadassa mukhaṃ passathāti** imassa janapadavāsino janassa upaddavena maṅkubhūtaṃ mukhaṃ passatha.

Etassa kathā etasseva patissatīti yāhi tena pāramitāparibhāvanasamiddhāhi nānāsamāpattivihāraparipūritāhi sīladiṭṭhisampadāhi susaṅkhatasantaṇe mahākaraṇādhivāse mahāsatte ariyūpavādakamma-abhisapasāṅkhātā pharusavācā pavattitā, sā abhisapi tassa khettavisesabhāvato tassa ca ajjhāsaya pharusatāya diṭṭhadhammavedaniyakammaṃ

hutvā sace so mahāsattaṃ na khamāpeti, sattame divase vipaccanasabhāvaṃ jātaṃ, khamāpīte pana mahāsatte payogasampattiṇṇāhitattā avipākadhammatā āpajjati ahoṣikkammabhāvato. Ayaṃ hi ariyūpavādapāpassa diṭṭhadhammavedaniyassa dhammatā. Tena vuttaṃ “etassa kathā etasseva upari patissati”ti-ādi¹. Mahāsatto pana taṃ tassa upari patitum na adāsi, upāyena mocesi. Tena vuttaṃ **cariyāpiṭake**²—

“Yaṃ so tadā maṃ abhisapi, kupito duṭṭhamānaso.
Tasseva matthake nipati, yogena taṃ pamocayin”ti.

Yaṃ hi tattha sattame divase bodhisattena sūriyuggamananivāraṇaṃ kataṃ, ayamettha yogoti adhippeto. Yogena hi ubbalhā sarājjikā parisā nagaravāsino negamā ceva jānapadā ca bodhisattassa santikaṃ tāpasam ānetvā khamāpesuṃ. So ca bodhisattassa guṇe jānitvā tasmim cittaṃ pasādesi. Yaṃ panassa matthake mattikāpiṇḍassa ṭhapanam, tassa ca sattadhā phālanam kataṃ, taṃ manussānam cittaṇurakkhaṇattham. Aññathā hi “ime pabbajitā samānā cittaṃ vase vattanti, na pana cittaṃ attano vase vattāpentī”ti mahāsattampi tena sadisaṃ katvā gaṇheyyum, tadassa tesam dīgharattaṃ ahitāya dukkhāyāti. Tenāha “**athassā**”ti-ādi.

Lohakūṭavassanti ayaguḷavassam. Tadā hi ratanamattāni diyaḍḍharatanamattānīpi tikhiṇamsāni ayaguḷamaṇḍalāni ito cito ca nipatantā manussānam sarīrāni khaṇḍakhaṇḍakāni akaṃsu. **Kalalavassanti** tanukakaddamaṇḍalakaddamaṃ. **Upahaccāti** āghāṭetvā. **Tadeva** majjhāraññaṃ.

67. **Anuviccakāranti** anuviccakaraṇam. Kāraṇehi dvīhi aniyyānikasāsane ṭhitānam attano sāvakattaṃ upagate pagghaniggahāni dassetuṃ “**kasmā**”ti-ādi vuttaṃ.

69. **Anupubbimkathanti**³ anupubbiyā anupubbaṃ kathetabbakathaṃ, kā pana sā? Dānādikathā. **Dānakathā** tāva pacurajanesupi pavattiyā sabbasādhāraṇattā sukarattā sīle patiṭṭhānassa upāyabhāvato ca āditova

1. Ma-Ṭṭha 3. 61 piṭṭhe.

2. Khu 4. 404 piṭṭhe.

3. Dī-Ṭṭi 2. 66; Am-Ṭṭi 3. 221 piṭṭhādīsipi passitabbaṃ.

kathitā. Pariccāgasīlo hi puggalo pariggahavatthūsu nissaṅgabhāvato sukheneva sīlāni samādiyati, tattha ca suppatiṭṭhito hoti. Sīlena dāyakapaṭiggahaṇavisuddhito parānuggaḥaṃ vatvā parapīḷānivattivacanato, kiriyadhammaṃ vatvā akiriyadhammavacanato, bhogayasasampattihetuṃ vatvā bhavasampattihetuvacanato ca dānakathāntaraṃ **sīlakathā** kathitā. Tañca sīlaṃ vaṭṭanissitaṃ, ayaṃ bhavasampatti tassa phalanti dassanattamaṃ, imehi ca dānasīlamayehi paṇītacariyabhedabhinnehi puññakiriyavatthūhi etā cātumahārājikādīsu paṇītarādibhedabhinna aparimeyyā bhogabhavasampattiyoti dassanattamaṃ tadanantaraṃ **saggakathā**. Svāyaṃ saggo rāgādīhi upakkiliṭṭho, sabbadā anupakkiliṭṭho ariyamaggoti dassanattamaṃ saggānantaraṃ **maggo**, maggañca kathentena tadadhigamūpāyasandassanattamaṃ saggapariyāpannāpi pageva itare sabbepi kāmā nāma bahvādīnavā aniccā addhuvā vipariṇāmadhammāti kāmānaṃ **ādīnavo**, hīnā gammā pothujjanikā anariyā anattasañhitāti tesam **okāro** lāmakabhāvo, sabbepi bhavā kilesānaṃ vatthubhūtāti tattha **samkilesa**, sabbaso kilesavippamuttaṃ nibbānanti **nekkhamme ānisaṃso** ca kathetabboti ayamatto **maggantī**ti ettha **iti**-saddena dassitoti veditabbaṃ.

Sukhānaṃ nidānanti diṭṭhadhammikānaṃ samparāyikānaṃ nibbānasañhitānañcāti sabbesampi sukhānaṃ kāraṇaṃ. Yañhi kiñci loke bhogasukhaṃ nāma, taṃ sabbam dānanidānanti pākaṭo ayamatto. Yaṃ pana jhānavipassanāmaggaḥalanibbānapaṭisaṃyuttaṃ sukhaṃ, tassapi dānaṃ upanissayapaccayo hotiyeva. **Sampattīnaṃ mūlanti** yā imā loke padesarajjasirissariyasattaratanasamujjalacakkavattisampadāti evaṃpabhedā mānusikā sampattiyo, yā ca cārimahārājādigatā dībbā sampattiyo, yā vā panaññāpi sampattiyo, tāsam sabbāsam idaṃ mūlakāraṇaṃ. **Bhogānanti** bhūñjitabbaṭṭhena “bhogo”ti laddhanāmānaṃ manāpiyarūpādīnaṃ, tannissayānaṃ vā upabhogasukhānaṃ **patiṭṭhā** niccalādhiṭṭhānatāya. **Visamagatassāti** byasanappattassa. **Tāṇanti** rakkhā tato paripālanato. **Leṇanti** byasanehi paripātiyamānassa¹ olīyanapadeso. **Gatī**ti gantabbaṭṭhānaṃ. **Parāyaṇanti** paṭisaraṇaṃ. **Avassayoti** vinipatitūṃ adento nissayo. **Ārammaṇanti** olubbhārammaṇaṃ.

1. Paripāciyamānassa (Dī-Ṭī 2. 67 piṭṭhe.)

Ratanamayasiḥāsanasadisanti

sabbaratanamayasattaṅgamahāsiḥāsanasadisaṃ mahagghaṃ hutvā sabbaso vinipatitum appadānato. **Mahāpathavisadisam** gatagataṭṭhāne patiṭṭhāsambhavato¹. Yathā dubbalassa purisassa ālambanarajju uttiṭṭhato tiṭṭhato ca upatthambho, evaṃ dānaṃ sattānaṃ sampattibhave upapattiyā ṭhitiyā ca paccayo hotīti āha “**ālambanaṭṭhena ālambanarajjusadisam**”ti.

Dukkhanittharaṇaṭṭhenati duggatidukkhanittharaṇaṭṭhena.

Samassāsaṇaṭṭhenati lobhamacchariyādiṭṭhāṇaṃ sammadeva assāsaṇaṭṭhena. **Bhayaaparittāṇaṭṭhena**ti dālididiyabhayaṃ paripālanaṭṭhena.

Maccheramalādīhiti maccheralobhadosa-

issāmicchadiṭṭhivicikicchādicittamalehi. **Anupalittaṭṭhena**ti

anupakkiliṭṭhatāya. **Tesanti** maccheramalādīnaṃ. Etesaṃ eva

durāsadaṭṭhena. **Asantāsaṇaṭṭhena**ti asantāsaṇaṭṭhena. Yo hi dāyako

dānapati, so sampatipi na kutoci santasati, pageva āyatim. **Balavantaṭṭhena**ti

mahābalavatāya. Dāyako hi dānapati sampati pakkhabalena balavā hoti,

āyatim pana kāyabalādīhi. **Abhimaṅgalasammataṭṭhena**ti “vuḍḍhikāraṇaṃ”ti

abhisammatabhāvena. Vipattito sampattiyā nayanam

khemantabhūmisampāpanam.

Idāni mahābodhicariyabhāvenapi dānaguṇam dassetuṃ “**dānam nāmetan**”ti-ādi vuttam. Tattha **attānam niyyādentena**ti etena dānaphalam sammadeva passantā mahāpurisā attano jīvitampi pariccajanti, tasmā ko nāma viññujātikko bāhira vatthumhi saṅgam kareyyāti ovādam deti. Idāni yā lokiyā lokuttarā ca ukkaṃsagatā sampattiyo, tā sabbā dānatoyeva pavattantīti dassento “**dānañhi**”ti-ādimāha. Tattha

sakkamābrahmasampattiyo attahitāya eva, cakkavattisampatti pana

attahitāya ca parahitāya cāti dassetuṃ sā tāsam parato vuttā. Etā lokiyā, imā

pana lokuttarāti dassetuṃ “**sāvakaṇāpāramiṇāṇaṃ**”ti-ādi vuttam. Tāsupi

ukkaṭṭhukkaṭṭhatarukkaṭṭhatamameva dassetuṃ kamena ñāṇattayaṃ vuttam.

Tesaṃ pana dānassa paccayabhāvo heṭṭhā vuttoyeva. Eteneva tassa

brahmasampattiyāpi paccayabhāvo dīpitoti veditabbo.

Dānañca nāma hitajjhāsayena, pūjāvasena vā attano santakassa paresam pariccajanam, tasmā dāyako purisapuggalo paresam santakam

1. Patiṭṭhāya labhāpanato (Dī-Ṭī 2. 68 piṭṭhe), patiṭṭhānassa labbhāpanato (Am-Ṭī 3. 222 piṭṭhe.)

harissatīti aṭṭhānametanti āha “**dānaṃ dadanto sīlaṃ samādātuṃ sakkotī**”ti.

Sīlālaṅkārasadiso alaṅkāro natthi sobhāvisesāvahattā sīlassa.

Sīlapupphasadisam pupphaṃ natthīti etthāpi eseva nayo. **Sīlagandhasadiso gandho natthīti** ettha “candanaṃ tagaraṃ vāpī”ti-ādikā¹ gāthā, “gandho isīnaṃ ciradikkhitānaṃ, kāyā cuto gacchati mālutenā”ti-ādikā² jātaka-gāthāyo ca āharitvā vattabbā. Sīlaṃ hi sattānaṃ ābharaṇaṅceva alaṅkāro ca gandhavilepanaṅca dassanīyabhāvāvahaṅca. Tenāha “**sīlālaṅkārena hī**”ti-ādi.

Ayaṃ saggo labbhatīti idaṃ majjhimehi chandādihi samādānasīlaṃ sandhāyāha. Tenāha sakko devarājā—

“Hīnena brahmacariyena, khattiye upapajjati.

Majjhimena ca devattaṃ, uttamaṃ visujjhatī”ti³.

Itthoti sukho. Kantoti kamaṇīyo. Manāpoti manavaḍḍhanako taṃ pana tassa itthādhībhāvaṃ dassetuṃ “**niccamettha kīlā**”ti-ādi vuttaṃ.

Dosoti aniccatādinā appassādādinā ca dūsitabhāvo yato te viññūnaṃ cittaṃ nārādhenti. Atha vā ādīnaṃ vāti pavattetīti **ādīnavo**, paramakapaṇatā. Tathā ca kāmā yathābhūtaṃ paccavekkhantānaṃ paccupatiṭṭhanti.

Lāmakabhāvoti aseṭṭhehi sevitabbo, seṭṭhehi sevitabbo nihīnabhāvo.

Saṃkilissananti vibādhakatā upatāpatā ca.

Nekkhamme ānisaṃsanti ettha yattakā kāmesu ādīnavā, tappaṭipakkhato tattakā nekkhamme ānisaṃsā. Apica “nekkhammaṃ nāmetaṃ asambadhaṃ asaṃkiliṭṭhaṃ nikkhantaṃ kāmehi, nikkhantaṃ kāmasaññāya, nikkhantaṃ kāmavitakkehi, nikkhantaṃ kāmāpariḷāhehi, nikkhantaṃ byāpādasaññāyā”ti-ādinā⁴ nayena **nekkhamme ānisaṃse pakāsesi**, pabbajjāya jhānādīsu ca guṇe vibhāvesi vaṇṇesi. **Kallacittanti** heṭṭhā pavattitadesanāya assaddhiyādīnaṃ cittadosānaṃ vigatattā uparidesanāya bhājanabhāvūpagamanena kammakkhamacittaṃ. Aṭṭhakathāyaṃ⁵ pana yasmā assaddhiyādayo cittassa

1. Khu 1. 21; Khu 11. 317 piṭṭhesu.

2. Khu 6. 6 piṭṭhe sarabhaṅgajātaka.

3. Khu 5. 183; Khu 6. 185 piṭṭhesu.

4. Sārattha-Ṭī 3. 194; Dī-Ṭī 2. 69 piṭṭhesu.

5. Ma-Ṭī 3. 65 piṭṭhe.

rogabhūtā, tadā te vigatā, tasmā āha “**arogacittan**”ti.

Diṭṭhimānādikilesavigamena **muducittam**. Kāmacchandādivigamena **vinīvarañacittam**. Sammāpaṭipattiyam uḷārapītipāmojjayogena **udaggacittam**. Tattha saddhāsampattiyā **pasannacittam**. Yadā bhagavā aññāsīti sambandho. Atha vā **kallacittanti** kāmacchandavigamena arogacittam. **Muducittanti** byāpādavigamena mettāvasena akathinacittam. **Vinīvarañacittanti** uddhaccakukkuccavigamena vikkhepassa vigatattā tena apihitacittam. **Udaggacittanti** thinamiddhavigamena sampaggahitavasena alīnacittam. **Pasannacittanti** vicikicchavigamena sammāpaṭipattiyam adhimuttacittanti evamettha sesapadānam attho veditabbo.

Seyyathāpīti-ādinā upamāvasena upālissa saṅkilesappahānam ariyamagganipphādanañca dasseti. **Apagatakāḷakanti** vigatakāḷakam. **Sammadevāti** suṭṭhu eva. **Rajananti** nilapītādiraṅgajātam. **Paṭiggaṇheyyāti** gaṇheyya pabhassaram bhavēyya. **Tasmimyeva āsaneti** tissam eva nisajjāyam. Etenassa lahuvipassakatā tikkhapaññatā sukhapaṭipadākhippābhiññatā ca dassitā hoti. **Virajanti** apāyagamaniyarāgarajādīnam vigamena virajam. Anavaśesadiṭṭhivicikicchāmalāpagamena **vītamalam**. **Tiṇṇam maggānanti** heṭṭhimānam tiṇṇam maggānam. **Tassa uppatti-ākāradassananti** kasmā vuttam, nanu maggañānam asaṅkhatadhammārammaṇanti codanam sandhāyāha “**taṃ hī**”ti-ādi. Tattha **paṭivijjhantanti** asammohapaṭivedhavasena paṭivijjhantam. Tenāha “**kiccavasenā**”ti.

Tatridam upamāsaṃsandanam—vattham viya cittam, vatthassa āgantukamalehi kiliṭṭhabhāvo viya cittassa rāgādimalēhi saṅkiliṭṭhabhāvo, dhovanasilā viya anupubbikathā, udakam viya saddhā, udake temetvā ūsagomayachārikābharehi kāḷakapadese sammadditvā vatthassa dhovanapayogo viya saddhāsinehena temetvā satisamādhipaññāhi dose sithile katvā sutādividhinā cittassa sodhane vīriyārambho, tena payogena vatthe kāḷakāpagamo viya vīriyārambhena kilesavikkhambhanam, raṅgajātam viya ariyamaggo, tena suddhassa vatthassa pabhassarabhāvo viya vikkhambhitakilesassa citassa maggena pariyodapananti.

“**Diṭṭhadhammo**”ti vatvā dassanam nāma nāṇadassanato aññampi atthīti tannivattanattham “**pattadhammo**”ti vuttam. Patti ca nāṇasampattito aññāpi

vijjatīti tato visesanattham **“viditadhammo”**ti vuttaṃ. Sā panesā viditadhammatā dhammesu ekadesanāpi hotīti nippadesato viditabhāvaṃ dassetuṃ **“pariyogālhaddhammo”**ti vuttaṃ. Tenassa saccābhisambodhamyeva dīpeti. Maggaññānaṃ hi ekābhisamayavasena pariññādikiccaṃ sādheṇtaṃ nippadesena catusaccadhammaṃ samantato ogāhantaṃ nāma hoti. Tenāha **“diṭṭho ariyasaccadhammo etenāti diṭṭhadhammo”**ti. **Tiṇṇā vicikicchāti** sappaṭibhayakantārasadisā soḷasavatthukā atthavatthukā ca tiṇṇā vicikicchā **tiṇṇavicikicchā**. **Vigatakathamkathoti** pavatti-ādīsu “evaṃ nu kho, kiṃ nu kho”ti evaṃ pavattikā **vigatā** samucchinnā **kathamkathā**. Sārajjakarānaṃ pāpadhammaṇaṃ pahīnattā tappaṭipakkhesu sīlādiguṇesu suppatiṭṭhitattā **vesārajjam** visāradabhāvaṃ veyyattiyam **patto**. Attanā eva paccakkhato diṭṭhattā na tassa paro paccetabbo atthīti **aparappaccayo**.

71. **Paṇḍitoti** paññavā.

72. **Tena hi sammāti** dovārikena saddhim sallapatiyeva **“etthevā”**ti tena vuttavacanaṃ sutvāpi tassa attham sallakkhento. Kasmā? Paridevatāya. Tenāha **“balavasokena abhibhūto”**ti.

73. **Tenevāti** yena uttarāsaṅgena āsanaṃ sammajjati, **teneva udare parikkhipanto** “māham satthāraṃ mama sarīrena phusin”ti antaraṃ karonto uttarāsaṅgena taṃ udare parikkhipanto pariggahetvā. “Dattapaññattan”ti-ādīsu¹ viya datta-saddo ettha bālapariyāyoti āha **“jaḷosi jāto”**ti. **Upaṭṭhākassa aññathābhāvenāti** pubbe attano upaṭṭhākassa idāni anupaṭṭhākabhāvena.

75. **Aviññānaṃ** dārusākhādimaṃ. **Bahalabahalaṃ pītāvalepanaṃ raṅgajātanti** ativiya bahalaṃ pītavaṇṇamañjīṭṭha-ādi-avalepanarajanaṃ. **Ghaṭṭetvā uppāditacchaviṃ**, yā **raṅgaṃ pivati**. Nillomatanti punappunaṃ anulimpanena. **Khaṇḍakhaṇḍitanti** khaṇḍakhaṇḍitabhāvaṃ. **Raṅgakkhamo** rajaniyo. Tenāha **“rāgamattaṃ janeti”**ti. **Anuyoganti** codanaṃ. **Vīmaṃsanti** vicāraṇaṃ. **Thusekoṭṭetvā taṇḍulapariyesanaṃ viya kadaliyaṃ sārāpariyesanaṃ viya ca nigaṇṭhavāde**

sāravīmaṁsanaṁ. Tato eva ca taṁ vīmaṁsanto **rittako tucchakova hotīti**. Sabbampi buddhavacanaṁ catusaccavinimuttaṁ natthi, tañca vīmaṁsiyamānaṁ viññūnaṁ pītisomanassameva janeti, atappakañca asecañbhāvenāti āha “**catusaccakathāhi**”ti-ādi. **Yathā yathāti** yadi khandhamukhena yadi dhātāyatanādīsu aññataramukhena buddhavacanaṁ ogāhissati, tathā tathā gambhīraññānaṁyeva gocarabhāvato gambhīrameva hoti. Yo cettha paṇḍito nipuṇo kataparappavādo paṇidhāya sabbathāmena codanaṁ ārambhati, tassa codanā kesaggaṁattampi cāletuṁ na sakkoti. Puna sucirampi kālaṁ vicārentesupi vimaddakkhamato, evaṁ tathāgatavādo svākhyātabhāvatoti āha “**anuyogakkhāmo ca vimajjanakkhāmo cā**”ti.

76. Visayapariññāṇena dahati paṭipakkhe sodhetīti **dhīro**, svāyamassa dhīrabhāvo sabbaso sammohavidhamsanatāyāti āha “**yā paññā -pa- tena samannāgatassā**”ti. **Pabhinnakhīlassāti** samucchinnasabbacetokhīlassa. Kilesamaccumāravijayeneva abhisankhārakhandhamārā jītāva hontīti tesam dvinnaṁ idha aggahaṇaṁ. Īgha-saddo dukkhapariyāyoti āha “**niddukkassā**”ti. Tattha sa-upādisesanibbānappattiyā kilesena niddukkhatā, anupādisesanibbānappattiyā vipākadukkheṇa niddukkhatā. Rajjanadussanamuyhanādivasena vividhaṁ īsanato vīsaṁ, vīsameva vesam, rāgādīti āha “**vesantarassāti rāgādivīsaṁ¹ taritvā vitaritvā ṭhitassā**”ti.

Tusitassāti karuṇāyanavasena tusiyā itassa saṁvattassa. Evaṁ sati “**muditassā**”ti idaṁ punaruttameva hoti. **Manujassāti** paṭhamāya jātiyā bhagavā manussajātiyo hutvā vuttānaṁ vakkhamānānañca vasena sadevakaṁ abhibhavitvā ṭhito acchariyō bhagavāti dasseti. Sadevakaṁ lokaṁ saṁsārato nibbānasukhaṁ narati neti pāpetīti naro, nāyakoti attho, tassa **narassa**. Tenāha “**punaruttan**”ti. “Manujassā”ti vatvā “narassā”ti punaruttaṁ padaṁ. Atthavasena **aññathā vuccamāne ekekaḡāthāya dasaḡuṇā nappahonti**, na pūrentīti attho.

Vinetīti vinayo, vinayo eva veneyikoti āha “**sattānaṁ vīnāyakassā**”ti. Viññūnaṁ rucim rāti, īretīti vā **ruciro**, svāyamassa

1. Vesamantarassāti rāgādivīsaṁ (Aṭṭhakathāyaṁ)

rucirabhāvo kusalatāyāti āha “**sucidhammassā**”ti. **Pabhāsakassāti** ñāṇālokena pabhassarabhāvakarassa. **Nissaṅgassāti**¹ aṭṭhasupi parisāsu, sadeve vā sabbasmim loke aggaṇhāpanapariccāgena nissaṭassa.

Gambhīraguṇassāti paresam ñāṇena appatiṭṭhabhāvā gambhīraguṇassa. Tenāha bhagavā “atthi bhikkhave aññevadhammā gambhīrā”ti-ādi². Ariyāya vā tuṇhībhāvena **monappattassa**. **Dhamme ṭhitassāti** dhammakāye suppatiṭṭhitassa. **Saṁvutattassāti** arakkhiyakāyasamācārādītāya saṁvutasabhāvassa.

Āgum na karotīti-ādīhi **catūhi kārāṇehi**, **pantasenāsanassāti** vivittasenāsanassa. **Paṭimantanapaññāyāti** sabbaparappavādānam viparāvattamantanapaññāya. **Monam vuccati ñāṇam** sabbato kilesānam nidhunanato.

Isisattamassāti sabba-isīsu jeṭṭhassa sādhutamassa. **Seṭṭhappattassāti** seṭṭham uttamam sammāsambodhim pattassa. **Akkharādīnīti** akkharapada byañjanākāra nirutti niddesa saṁkāsana pakāsana vivaraṇa vibhajanuttānikaraṇānīti byañjanatthapadāni **samodhānetvā** vineyyajjhāsayanurūpaṁ pakāsanato kathanato padakassa. Puri-saddo “pubbe”ti iminā samānatthoti āha “**purindadassāti sabbapaṭhamam dhammadānadāyakassā**”ti. Bhagavā asayham sahitum samatthoti āha “**samatthassā**”ti. Tenāha “tathāgataṁ buddhamasayhasāhinan”ti³. **Te pattassāti** te guṇe anavasesato pattassa. Vitthāretvā saṁkilesavodānadhammam byākarotīti byākaraṇo byākaraṇo eva **veyyākaraṇo**. **Tantipadanti** tantim āropetvā ṭhipitam padaṁ.

Taṇhābandhanena, sabbena vā kilesabandhanena **abaddhassa**. **Mahāpaññāyāti** mahānubhāvāya paññāya, mahāvisayāya vā paññāya. Sabbā hi bhagavato paññā mahānubhāvā, yathāsakam visaye mahāvisayā ca ekādivasena anavasesato mahāvisayā nāma sabbaññūtāva. **Ānubhāvadassanatṭhenāti** acchariyācinteyyāparimeyyassa attano ānubhāvassa lokassa dassanatṭhena. **Yakkhassāti** vā lokena

1. Pāliyam Aṭṭhakathāyaṅca “nisabhassā”ti dissati.

2. Dī 1. 11 piṭṭhe.

3. Khu 1. 217 piṭṭhe Itivuttake.

pūjanīyassa. Ayaṃ upāsako khujjuttarā viya upāsikā
sekhaṇṇasambhidāppattoti āha “so tāpattimaggeneva paṭisambhidā-āgatā”ti.
Kilesappahānavannaṃ kathentoti kilesappahānaṃ visayaṃ nimittaṃ katvā
vaṇṇaṃ kathento.

77. **Sampiṇḍitā**ti sannicitā¹, ganthitāti attho. **Ime sattā**ti yaṃ yadeva
paribbhamantā sattā. **Attanova cintayanā**ti avītaṇṇatāya sakāmyeva
payojanaṃ cintenti. Tathā hi mate nātaka anusocantāpi tehi sādhetabbassa
attano payojanasseva vasena anusocanti. **Uṇhaṃ aho**ti balavatā cittassa
santāpena santattaṃ abbhantaraṃ hadayaṭṭhānaṃ khadiraṅgārasantāpitāṃ
viya uṇhaṃ aho. Tenāha “**lohitaṃ vilīyitthā**”ti. **Pattamattanti**
ekapattapūramattaṃ. Abhisamayāsādhikāya catusaccadesanāya
saṅkhepeveva desitattā āha “**ugghaṭṭitaññupuggalassa vasena dhammadesanā**
pariniṭṭhitā”ti.

Upālisuttavaṇṇanāya līnatthappakāsanā samattā.

7. Kukkuravatikasuttavaṇṇanā

78. **Koliyesū**ti bahuvacanavasenaṇṇāyaṃ pāli āgatā. **Evamnāmake**
janapadeti atthavacanaṃ kasmā vuttanti āha “so hī”ti-ādi. **Na niyamitoti**
“asukamhi nāma vihāre”ti na niyamevā vutto. **Senāsanevā**ti āvāseveva,
na rukkhamūlādike. Vesakiriyāghāsaggahaṇḍinā samādātabbaṭṭhena
govataṃ, tasmīṃ niyutto **govatiko**. Tenāha “**samādinnavato**”ti. Yaṃ
sandhāyāhu vedavedino “gacchaṃ bhakkheti, tiṭṭhaṃ mutteti, upāhā udakaṃ
dhūpeti, tiṇāni chindati”ti-ādi. **Ayaṃ aceloti** acelakapabbajjāvasena **acelo**,
purimo pana govatiko. **Kukkuravatiko**ti ettha vuttanayānusārena attho
vattabbo. **Palikuṇṭhitvā**² ubho hatthe ubho pāde ca samīñjitvā. “Ukkuṭiko
hutvā”tipi vadanti. Gamaṇaṃ nipphajjanaṃ gatīti āha

1. Sannimmitā (Ka)

2. Palikuṇṭhitvā (Pāliyaṃ Aṭṭhakathāyaṇca.)

“**kā gatīti kā nipphattī**”ti. Nipphattipariyosānā hi vipākadhammappavatti. Katūpacitakammavasena abhisampareti etthāti **abhisamparāyo**, paraloko. Tatthassa ca nipphattim puccatīti āha “**abhisamparāyamhi kattha nibbattī**”ti. **Kukkuravatasamādānanti** kukkurabhāvasamādānam, “ajja paṭṭhāya aham kukkuro”ti kukkurabhāvādhiṭṭhānam.

79. **Paripuṇṇanti** yattakā kukkuravikārā, tehi paripuṇṇam. Tenāha “**anūnan**”ti. **Abbokiṇṇanti** tehi avomissam. **Kukkurācāranti** kukkurānam gamanākāroṭi-ādi-ācārena kukkurabhāvādhiṭṭhānacittamāha. Tatha tathā ākappetabbato **ākappo**, pavatti-ākāro. So panettha gamanādikoti āha “**kukkurānam gamanākāro**”ti-ādi. **Ācārenāti** kukkurasīlacārena. **Vatasamādānenāti** kukkuravatādhiṭṭhānena. Kukkuracariyādiyeva **dukkaratapacaraṇam**. Tena gativipariyesākārena pavattā laddhi. **Assa** kukkuravatikassa **aññā gatinatthī** itaragatim paṭikkhipati, itarāsam pana sambhavo eva natthīti. **Nipajjamānanti** vatasīlādīnam saṅgopanasena sijjhamānam. Yathā sakammakadhātusaddā atthavisesavasena akammakā honti “vibuddho puriso vibuddho kamalasaṅḍo”ti, evam atthavisesavasena akammakāpi sakammakā hontīti dassento “**na paridevāmi na anutthunāmī**”ti-ādīmāha. **Anutthunasaddo** ca sakammakavasena payujjati “purāṇāni anutthunan”ti-ādīsu. **Ayam cettha payogoti** iminā gāthāyañca anutthunanarodanam adhippetanti dasseti.

80. **Vuttanayenevāti** iminā **govatanti** govatasamādānam. **Gosīlanti** gavācāram. **Gocittanti** “ajja paṭṭhāya gohi kātabbam karissāmī”ti uppannacittanti imamattham atidisati. Gvākappe pana vattabham avasiṭṭham “**kukkurākappe vuttasadisamevā**”ti imināva atidiṭṭham, visiṭṭhañca **yathā pana tatthāti**-ādīnā vuttameva. Yam panettha vattabham, tam kukkuravatādīsu vuttanayameva.

81. **Ekaccakammakiriyāvasenāti** ekaccassa akusalakammassa kusalakammassa karaṇappasaṅgena. **Imesanti** govatikakukkuravatikānam. **Kiriyāti** govatabhāvanādivasena pavattā kiriyā. **Pākaṭā bhavissatīti** “imasmim kammacatukke idam nāma kammam bhajati”ti pākaṭā bhavissati.

Kālakanti¹ malinaṃ, cittaṣa apabhassarabhāvakarāṇanti attho. Taṃ panettha kammaṭṭhasampattameva adhippetanti āha “**dasa-akusalakammaṭṭhan**”ti. **Kaṇhanti** kaṇhābhijātihetuto vā kaṇhaṃ. Tenāha “**kaṇhavipāka**”ti. apāyūpapatti manussesu ca dobhaggiyaṃ kaṇhavipāko, yathā tamabhāvo vutto, ekattaniddesena pana “**apāye nibbattanato**”ti vuttaṃ, nibbattāpanatoti attho. **Sukkanti** odātaṃ, cittaṣa pabhassarabhāvakarāṇanti attho, sukkābhijātihetuto vā sukkaṃ. Tenāha “**sukkavipāka**”ti. Saggūpapatti manussaloke sobhaggiyaṃca sukkavipāko, yathā ca jotibhāvo vutto, ekattaniddesena pana “**sagge nibbattanato**”ti vuttaṃ, nibbattāpanatoti attho. **Vomissakakammanti** kālena kaṇhaṃ, kālena sukkanti evaṃ missakavasena katakammaṃ. “**Sukhadukkhavipāka**”ti vatvā sukhadukkhānaṃ pavattī-ākāraṃ dassetuṃ “**missakakammaṃhī**”ti-ādi vuttaṃ. Kammaṣa kaṇhasukkasamaññā kaṇhasukkābhijātihetutāyāti apaccayaḡāmitāya tadubhayavinimuttassa kammakkhayakarakammaṣa idha sukkapariyāyopi² na icchitoti āha “**ubhaya -pa- asukkanti vuttan**”ti. Tattha **ubhayavipākassāti** yathādhigatassa vipākassa. Sampattibhavapariyāpanno hi vipāko idha “**sukkavipāko**”ti adhippeto, na accantaparisuddho.

Sadukkanti attanā uppādetabbena dukkhena sadukkhaṃ, dukkhasaṃvattanikanti attho. “Imasmiṃ sutte cetanā dhuraṃ, upālisutte³ kamman”ti heṭṭhā vuttampi atthaṃ idha sādhaḡati vijānanatthaṃ. **Abhisāṅkharitvāti** āyūhitvā. Taṃ pana paccayasamavāyasiddhito saṃkaḡḡhanaṃ piṇḡanaṃ viya hotīti āha “**saṅkaḡḡhitvā, piṇḡanaṃ katvāti attho**”ti. **Sadukkhaṃlokanti** apāyalokamaṃha. **Vipākaphassātu** phassasīsenā tattha vipākavattamaṃha. **Bhūtakkammato**ti nibbattakammato attanā katūpacitakammato. **Yathābhūtanti** yādisaṃ. **Kammaṣabhāḡavasena**ti kammaṣarikkhakavasena. **Upapatti hotīti** apadāḡibhedā upapatti. **Kammaṣa viya vuttāti** yaṃ karoti, tena upapajjāti ekakammeneva jāyamaṃā viya vuttā apadāḡibhedā. **Upapatti ca nāma vipākena hoti** vipāke sambhavante ekasena te upapattisesā sambhavanti. Yadi evaṃ kasmā “tena upapajjāti”ti upapattikammahetukā vuttāti āha “**yasmā panā**”ti-ādi. **Yena kammavipākena**

1. Am-Ṭi 2. 387 piṭṭhepi passitabbaṃ.

2. Sukkavipākassapi (Ka)

3. Ma 2. 35 piṭṭhe.

nibbattoti yena kammavipākena vipaccamānena ayaṃ satto nibbattoti vuccati. **Taṃkammavipākaphassāti** tassa tassa kammaṣṣa vipākabhūtā phassā. Kammena dātabbāṃ dāyaṃ tabbipākaṃ ādiyantīti **kammadāyādā,** phassā¹. Kammaṣṣa dāyajjatā kammaphalassa dāyajjāṃ, tasmā vuttāṃ “ **kammadāyajjā**”ti. Tenāha “ **kammameva nesaṃ dāyajjāṃ santakaṃ**”ti.

Tisso ca heṭṭhimajjhānacetanāti idaṃ abyābajjhavedanaṃ vediyana-ekantasukhuppattiyā hetubhāvasādhanaṃ. Yadi evaṃ yathāvuttā **jhānacetanā tava hotu** ekantasukhuppattihetubhāvato, **kāmāvacarā kintīti** kāmāvacarā pana kusalacetanā taṃsabhāvābhāvato kinti kena pakārena **abyābajjhamaṇosaṅkhāro nāma jātoti** codeti, itaro pana na sabbā kāmāvacarakusalacetanā tathā gahitā, atha kho ekacca jhānacetanānukūlāti dassento “ **kasiṇasajjanakāle kasiṇāsevanakāle labbhantī**”ti āha. Tattha kasiṇāsevanacetanā gahetabbā, sā upacārajjhānassa sādhikā. Tena **kāmāvacaracetanā paṭhamajjhānacetanāya ghaṭitāti** kasiṇasajjanacetanāpi kadāci tādisā hotīti gahitā. Parikammādivasena hi pavattā bhāvanāmayā kāmāvacarakusalacetanā paṭhamajjhānassa āsannaṭāya vuttā. **Catutthajjhānacetanā tatiyajjhānacetanāya ghaṭitāti** idaṃ ekattakāya-ekattasaññīsattāvāsavatāya taṃsarikkhakā upekkhāpi īdisesu ṭhānesu sukhasarikkhatā, evaṃ santasabhāvātā ṇāṇasahitatā ca. Keci pana catutthajjhānacetanānugūṇāti nidassentā kasiṇasajjanakāle kasiṇajjhānakāle kasiṇāsevanakāle labbhantīti tatiyajjhānacetanāya āsannaḡhaṭitatā vuttāti vadanti, taṃ tesāṃ matimattaṃ, vuttanayeneva tāsāṃ ghaṭitatā veditabbā. **Ubhayamissakavasenā**ti ubhayesaṃ kusalākusalasaṅkhārānaṃ sukhadukkhānaṃca missakabhāvavasena. **Vemānikapetanā**ti idaṃ bhāullato vuttāṃ, itaresampi vinipātikānaṃ kālena dukkhaṃ hotiyeva.

Tassa pahānāyāti tassa yathāvuttassa kammaṣṣa anuppattidhammatā pādanāya. **Yā cetanā**ti yā apacayagāminicetanā. **Kammaṃ patvāti** sukhakammanti vuccamāne **maggacetanāya añño paṇḍarataro dhammo nāma**

1. Kammā (Ka)

natthi accantapārisuddhibhāvato. **Akaṇhā asukkāti āgatāti** ettha sukkabhāvapaṭikkhepakāraṇaṃ heṭṭhā vuttanayameva. Tenāha “**idaṃ pana kammacatukkaṃ patvā**”ti-ādi.

82. **Aniyyānikapakkheti** aceḷakapabbajjāya kukkuravate ca. **Yogeti** ñāyadhammapaṭipattiyanti attho. **Yonenāti** yo titthiyaparivāso tena bhagavatā **paññatto**. **Yaṃ** titthiyaparivāsaṃ samādiyivāti ayamettha yojanā. **Ghaṃsitvā** suvaṇṇaṃ viya nighamsoppale. **Koṭṭetvā** hatthena viya kulālabhājanāṃ.

Vūpakatṭhoti vivitto ekībhūto. **Pesitattoti** nibbānaṃ pati pesitatto. Kāmaṃ **tadanuttaraṃ brahmacariyapariyosānaṃ -pa- vihāsīti** imināva arahattanikūṭena desanā niṭṭhāpitā hoti, āyasmato pana seniyassa paṭipattikittanaparametaṃ ujukaṃ āpanna-arahattabhāvadīpanaṃ¹, yadidaṃ “**aññataro kho paṇā**”ti-ādivacananti āha “**arahattanikūṭenevā**”ti. Arahattādhigamoyeva tassa tesāṃ **abbhantaratā**. Sesāṃ sabbāṃ suviññeyyameva.

Kukkuravatikasuttavaṇṇanāya līnatthappakāsanā samattā.

8. Abhayarājakumārasuttavaṇṇanā

83. Jātiyā asamāno nihīnācariyo paradattūpajjivikāya mātuyā kucchiyaṃ jāto pādasikaputto. Nindāvasena vadati etenāti vādo, aguṇoti āha “**vādaṃ āropehīti dosaṃ āropehī**”ti. Nibbattavasena nirayaṃ arahati, nirayaṃvattaniyena vā kammaṇa niraye niyutto **nerayiko**. **Āpāyikoti** etthāpi eseva nayo. Avīcimhi uppajjitvā tattha āyukappasaññitaṃ antarakappaṃ tiṭṭhatīti **kappaṭṭho**. Nirayūpapattipariharaṇavasena tikicchitūṃ sakkuṇeyyoti tekiccho, na tekiccho **atekiccho**. **Dve ante mocetvāti** pharusāṃ vā appiyaṃ vā kappeyyāti dve koṭṭhāse

1. Āpanna-arahattānametaṃ (Ka)

muñcitvā te anāmasitvā pucchitaṃ atthaṃ tato bahi karonto uggilati nāma. Tam pana evaṃ kātuṃ na sakkotīti āha “**uggilituṃ bahi nīharituṃ na sakkhīti**”ti. Evamevāyaṃ pucchā na gahetabbā, ayamettha dosoti taṃ apucchāṃ karonto apanayanto ogilati nāma, tathā pana asakkonto patiṭṭhāpento na ogilati nāma, bhagavā pana tamatthaṃ okāsampi akaronto ubhayathāpi asakkhīti veditabbo. Kathaṃ? Bhagavā hi “**na khvettha rājakumāra ekaṃsenā**”ti vadanto nigaṇṭhassa adhippāyaṃ viparivatteti, ubho ante mocetvā pañhaṃ vissajjesi, evaṃ tāva uggilituṃ asakkhī. “Na tatra rājakumāra ekaṃsenā”ti vadanto eva ca “nāyaṃ pucchā evaṃ avibhāgena pucchitabbā, vibhajitvā pana pucchitabbā”ti pucchāya dosaṃ dīpento taṃ hārento ogilitumpi sakkhatīti.

Uṭṭhātuṃ na sakkhissati cittassa aññathā pavattiyā. Abhayo dve magge kataparicayo cheko nipuṇo vādasīlo ca hutvā vicarati. Tenāha “**so vādajjhāsayatāya tassa vacanaṃ sampañcchanto ‘evaṃ bhante’ti āhā**”ti.

85. **Evarūpanti** yā paresaṃ appiyā amanāpā duruttavācā, evarūpā vācā, na pana pharusavācā. Pharusavācāya hi setughāto tathāgatānaṃ. Cetanāpharusatāya hi pharusavācā icchitā, na paresaṃ appiyatāmattena. **Naṭṭhā nigaṇṭhā** ogilikādisammatassa pañhassa ekavacanena viddhaṃsitattā.

86. Dārakassa anke nisīdanassa kāraṇaṃ dassetuṃ “**lesavādino**”ti-ādi vuttaṃ. Tattha **lesavādinoti** chalavādino, vādamagge vā aparipuṇṇatāya lesamatteneva vādasīlā. **Osātasāṅgāmoti** anekavāraṃ paravādamaddanavasena¹ otiṇṇavādasāṅgāmo. **Vijjhītvāti** nakhena vijjhītvā. **Imamevāti** yvāyaṃ dārako attano vādabhaṅgapariharaṇatthaṃ iminā anke nisīdāpito, imameva **assa dārakaṃ** upamaṃ nissayaṃ katvā **vādaṃ bhindissāmi**. “Assa vādaṃ appaṭihatāya upamāya bhañjissāmi”ti **cintetvā**.

1. Paravādamathanavasena (Ka)

Apaneyyaṃ assa ahanti assa dāraḥassa mukhato ahaṃ taṃ apaneyyaṃ. Abhūtatthova abhūtaṃ uttarapadalopenāti āha “**abhūtanti abhūtatthan**”ti. Atacchanti tasseva vevacananti āha “**atacchanti na tacchan**”ti. **Abhūtanti** vā asantaṃ avijjamānaṃ. **Atacchanti** atathākāraṃ. **Anatthasamhitanti** diṭṭhadhammikenā, samparāyikenā vā anathena samhitaṃ, anathe vā samhitaṃ, na atthoti vā anatto, atthassa paṭipakkho sabhāvo, tena samhitanti **anatthasamhitaṃ**, piṣuṇavācaṃ samphappalāpaṇcāti attho. Evamettha catubbidhassapi vacīduccaritassa gahitā daṭṭhabbā.

Duppayuttoti duppapanno. **Na taṃ tathāgato bhāsati** abhūtātādidosaduṭṭhattā. **Tampi tathāgato na bhāsati** bhūtathepi anatthasamhitātādidosaduṭṭhattā.

Ṭhānaṃ kāraṇaṃ etissā atthīti ṭhāniyā ka-kāraṇa ya-kāraṇa katvā, na ṭhāniyāti aṭṭhāniyā, nikkāraṇā ayuttiyuttā, sā eva kathāti **aṭṭhāniyakathā**. **Attapaccakkhakaṭṭhaṃ kathamāti** attanā eva paccakkhaṃ katvā pavattiyamānaṃ chalakathaṃ kathaṃ.

Gāmikamahallako “ime maṃ vañcetukāmā, ahameva dāni ime ñcessāmī”ti cintetvā “**evaṃ bhavissati**”ti-ādimāha. “**Na mayaṃ dāsā**”tipi **vattuṃ nāsakkhimsu** pubbe tathākatikāya katattā.

Tatiyaṃ tatiyamevāti dvīsupi pakkhesu tatiyaṃ tatiyameva vācaṃ. **Bhāsitabbakālaṃ anatikkamitvāti** yassa yadā yathā bhāsitabbaṃ, tassa tadā tatheva ca bhāsanato bhāsitabbaṃ kāraṇaṃ bhāsitabbakālaṇca anatikkamitvāva bhāsati.

87. **Ṭhānuppattikañāṇenāti** ṭhāne eva uppajjanakañāṇena. Tasmim tasmim kāraṇe tassa taṃtaṃavattāya uppajjanakañāṇena, dhammānaṃ yathāsabhāvato avabujjhanasabhāvoti **dhammasabhāvo**. Dhamme sabhāvadhamme, anavasese vā yāthāvato upadhāretīti **dhammadhātu**, sabbaññūtā. Tenāha “**sabbaññūtaññāṇassetam adhivacanan**”ti. **Suppaṭividdhanti** sabbaṃ ñeyyadhammaṃ suṭṭhu paṭivijjanavasena, suṭṭhu paṭividdhanti attho. Tenāha “**hatthagataṃ bhagavato**”ti. **Neyyapuggalavasena pariniṭṭhitāti** kathāparivibhāgena

ayameva desanā cattāri ariyasaccāni dassento arahattaṃ paccakkhāsīti.

Abhayarājakumārasuttavaṇṇanāya līnatthappakāsanā samattā.

9. Bahurvedanīyasuttavaṇṇanā

88. **Pañcakaṅgoti** vaḍḍhakīkiccasādhane vāsi-ādīpañcakaṃ aṅgaṃ saṃdhanam etasminti pañcakaṅgo. Thambhādivatthūnaṃ thapanatthēna **thapati. Paṇḍita-udāyitthero**, na Kāḷudāyī therō¹.

89. Pariyāyati attano phalaṃ vatteti **pariyāyo**, kāraṇam. Vedanāsannissito ca kāyikacetāsikabhāvo **kāraṇam**. Tenāha “**kāyikacetāsikavasena dve veditabbā**”ti. Tattha pasādakāya sannissitā kāyikā, cetosannissitā cetāsikā. **Sukhādivasena tissoti** ettha sukhanaḍḍakhanupekkhanāni sukhādivedanāya kāraṇam. Tāni hi pavattinimittāni katvā tattha sukhādisaddappavatti, iminā nayena sesesupi yathārahaṃ kāraṇam niddhāretvā vattabbaṃ. **Upavicāravasenāti** ārammaṇam upecca savisesapavattivasena. Yasmiñhi ārammaṇe somanassavedanā pavattati, ārammaṇatāya taṃ upagantvā itaravedanāhi viṣiṭṭhatāya savisesaṃ tattha pavatti. Tenāha “**somanassatthānīyam rūpaṃ upavicarati**”ti. Esa nayo sesavedanāsu. **Gehassitānīti** gehanissitāni.

90. **Pariyāyenāti** “idamettha dukkhasminti vādāmī”ti vuttaṭṭhānaṃ sandhāya vadati. **Taṃ dassentoti** kāmañcettha sutte “dvepānanda vedanā vuttā”ti dve ādīṃ katvā vedanā dassitā, ekāpi pana dassitā evāti dassento. **Upatthambhetunti** ekāpi vedanā vuttā mayā pariyāyena, evaṃ sati dvepi vattabbāti evaṃ tassa vādāṃ upatthambhetuṃ. Kathaṃ pana ekā vedanā vuttāti? Yaṃ kiñci vedayitaṃ sukhaṃ vā dukkhaṃ vā adukkhamasukhaṃ vā, idamettha dukkhasminti vadāmīti. Yaṃ panettha vattabbaṃ, taṃ **itivuttakavaṇṇanāyam**² paramatthadīpanīyam vuttanayena veditabbaṃ.

1. Na lāḷudāyitthero (Saṃ-Ṭī 2. 359 piṭṭhe.)

2. Itivuttaka-Ṭīha 175 piṭṭhādīsu.

Kathaṃ panettha rūpāvacaracatutthe arūpesu saññāvedayitanirodhe sukhaṃ uddhatanti āha “**ettha cā**”ti-ādi. **Santaṭṭhenā**ti paṭipakkhadhammānaṃ vūpasantabhāvena. **Paṇītaṭṭhenā**ti bhāvanāvisesavisiṭṭhena atappakabhāveneva seṭṭhabhāvena ca, paccayavisesena padhānabhāvaṃ nītantipi paṇītaṃ. **Vedayitasukhaṃ** nāma vedanābhūtaṃ sukhanti katvā. **Avedayitasukhaṃ** nāma yāvatā niddukkhatā, tāvatā sukhanti vuccatīti. Atha vā **nirodho** suṭṭhu khādati khanati kāyikacetasikābādanti vattabbaṃ arahati sattāhampi tattha dukkhassa nirujjhanato. Tenāha “**niddukkhabhāvasaṅkhātena sukhaṭṭhenā**”ti.

91. **Yasmim̐ yasmim̐** bhava, cittuppāde, avatthāya vā niddukkhabhāvo, dukkhassa paṭipakkhatā, anupalabbhanaena dukkhavivittaṃ, taṃ sukhasmim̐yeva paññāpeti. Sesam̐ suviññeyyameva.

Bahurvedanīyasuttavaṇṇanāya līnatthappakāsanā samattā.

10. Aṇṇakasuttavaṇṇanā

93. **Nānāvidhā**ti nānāvidhadiṭṭhikā. **Samaṇabrāhmaṇā**ti pabbajjāmatteṇa samaṇā, jātimatteṇa brāhmaṇā ca. **Dassananti** diṭṭhi. **Gahitanti** abhinivissa gahitaṃ. Iti te attano dassanaṃ gahetukāmā pucchanti. **Vinā dassanena loko na niyyātī**ti vimokkhabhāvanāya ekena dassanena vinā loko saṃsāradukkhato na nigacchati. **Ekadiṭṭhiyampi paṭiṭṭhātur̐ nāsakkhimsu** saddhākārābhāvato. Tathā hi te imāya desanāya saraṇesu paṭiṭṭhahimsu. Yasmā aviparīte saddheyyavattusmim̐ uppannasaddhā “ākāravatī”ti adhippetā, tasmā yo loke aviparītadhammedasano, ayamevesāti pavattā maggasādhanagatāya saddhāya kāraṇabhāvato tannissayā saddhā, sā **ākāravatī**ti vuttā. Avattusmim̐ hi saddhā ayuttakāraṇatāya na ākāravatī. **Ākāravatī**ti ettha **vatī**-saddo na kevalam̐ atthitāmatadīpako, atha kho atisayatthadīpako, pāsamsatthadīpako vā daṭṭhabbo, tena **ākāravatī**ti saddheyyavattuvaseṇa atisayakāraṇavatīti vā pāsamsakāraṇavatīti

vā ayamettha attho. **Apannakoti** ettha yathā kañci atthaṃ sādhetuṃ āraddhassa payogo viraddho, tattha ākārako viya hoti punapi ārabhitabbatāya. **Aviraddho** pana atthassa sādhanato apanṇako, evaṃ ayampi dhammo abhibhavivā pavattanato ekamsato “apanṇako”ti vutto. Tenāha “**aviraddho advejjhāgāmī ekamsagāhiko**”ti.

94. **Tabbipaccanīkabhūtā**ti tassā micchādīṭṭhiyā paccanīkabhūtā.

95. **Nesanti** kusalānaṃ dhammānaṃ. **Akusalato nikkhantabhāveti** asaṅkiliṭṭhabhāve. **Ānisaṃsoti** suddhaviṇṇakāta. **Visuddhipakkhoti** visuddhibhāvo pariyoḍātata. Abhūtadhammassa diṭṭhibhāvassa saññāpanā ācikkhanā **abhūtadhammasaññāpanā**. Sāvajjesu paramavajje micchādassane paggahaṇanti kuto susīlyassa paggahoti āha “**micchādassanaṃ gaṇha ntasseva susīlyam pahīnaṃ hoti**”ti. **Micchādīṭṭhi-ādayoti** ettha micchāsāṅkappoparalokābhāvavacintā, micchāvācā paralokābhāvavādabhūto musāvādo, ariyānaṃ paccanīkatādayo. **Aparāparaṃ uppajjanavasenā**ti punappunaṃ citte uppajjanavasena. **Pāpakā akusalā dhammā**ti paccavekkhaṇasaññāpanādīkāle uppajjanakā¹ tathāpavattā akusalakhandhā.

Kaliggahoti anattapariggaho. So pana yasmā diṭṭheva dhamme abhisamparāyaṇca parājayo hotīti āha “**parājayaggāho**”ti. **Dussamattoti** ettha **du-saddo** “samādinno”ti etthāpi ānetvā yojetabboti āha “**dupparāmaṭṭho**”ti. Yathā dupparāmaṭṭho hoti, evaṃ samādinno dussamatto dusamādinno vutto. **Sakavādameva pharivā**ti attano natthikavādameva “idameva saccaṃ moghamaññaṃ”ti² avadhārento aññaassa okāsa-adānavasena pharivā. Tenāha “**adhimuccitvā**”ti. “Sambuddho”ti-ādi adhimuccanākāradassanaṃ. **Riñcatīti** viveceti apaneti. Tenāha “**vajjeti**”ti.

96. **Kaṭaggahoti** kataṃ sabbaso siddhimeva katvā gahaṇaṃ. So pana jayalābho hotīti vuttam “**jayaggāho**”ti. **Suggahitoti** suṭṭhukaraṇavasena gahito. **Suparāmaṭṭhoti** suṭṭhu parāparaṃ āsevanavasena

1. Uppajjanato (Ka)

2. Ma 2. 150; Ma 3. 22, 23 piṭṭhesu.

āmaṭṭho. Ubhayenapi tassa kammaṣṣa katūpacitabhāvaṃ dasseti,
sotthibhāvāvahattañca saggupapattisaṃvattanato pāpasabhāvapahānato ca.

97. **Sahatthā karontassāti**¹ sahattheneva karontassa.

Nissaggiyathāvarādayopi idha sahatthakaraṇeneva saṅgahitā. **Pacanaṃ**
dahanam vibādhananti āha “**daṇḍena pīlentassā**”ti. **Sokaṃ sayam**
karontassāti parassa sokakāraṇam sayam karontassa, sokaṃ vā
uppādentassa. **Parehi** attano vacanakarehi. **Sayampi phandatoti** parassa
vibādhanapayogena sayampi phandato. **Atipātayatoti** padaṃ suddhakattu-
atthe hetukattu-atthe ca vattatīti āha “**hanantassapi hanāpentassāpī**”ti.

Gharassa titti anto bahi ca sandhitā hutvā ṭhitā **gharasandhi**. Kiñcipi
asesetvā niravasesameva lopoti **nillopo**. Ekāgāre niyutto vilopo **ekāgāriko**.
Parito sabbaso panthe hananam **paripantho**. **Pāpaṃ na kariyati** pubbe asato
uppādetum asakkuṇeyyattā, tasmā **natthi pāpaṃ**. Yadi evaṃ katham sattā
pāpaṃ paṭipajjantīti āha “**sattā pana karomāti evaṃsaññino hontī**”ti. Evaṃ
kirassa hoti “imesañhi sattānaṃ hiṃsādikiriyaṃ na attānaṃ phusati tassa
niccatāya nibbikāratā, sarīraṃ pana acetanaṃ kaṭṭhakaliṅgarūpamaṃ,
tasmim vikopitepi na kiñci pāpan”ti. **Khuranemināti**
nisitakhuramayanaṃ. Gaṅgāya dakkhiṇadisā appatirūpadeso, uttaradisā
patirūpadesoti adhippāyena “dakkhiṇaṅce”ti-ādi vuttanti “**dakkhiṇatīre**
manussā kakkhaḷā”ti-ādimāha.

Mahāyāganti mahāvijitayaññasadisam mahāyāgamam. **Sīlasamīyamenāti**
kāyikavācasikasamvarena. **Saccavācānenāti**² saccavācāya. Tassa visum
vacanam loke garutarapuññasammatabhāvato. Yathā hi pāpadhammesu
musāvādo garu, evam puññadhammesu saccavācā. Tenāha bhagavā “ekam
dhammatītasā”ti-ādi³. **Vuttanayenevāti** kaṇhapakkhe vuttanayena. Tattha
hi “natthi pāpaṃ, natthi pāpassa āgamo”ti āgataṃ, idha “atthi puññam, atthi
puññassa āgamo”ti āgataṃ, ayameva viseso. **Sesam**

1. Dī-Ṭī 1. 221; Saṃ-Ṭī 2. 226 piṭṭhādīsopi Passitabbaṃ.

2. Saccavācānenāti (Ka)

3. Khu 1. 39 piṭṭhe Dhammapade.

vuttasadisamevāti “tesametaṃ pāṭikaṅkhan”ti evamādiṃ sandhāya vadati, taṃ heṭṭhā purimavārasadisam.

100. **Ubhayenāti** hetupaccayapaṭisedhavacanena. **Samkilesapaccayanti** saṃsāre paribbhamanena kilinnassa¹ malinabhāvassa kāraṇaṃ. Vuttavipariyāyena **visuddhipaccayanti** saddattho veditabbo. **Balanti**-ādīsu sattānaṃ saṃkilesāvahaṃ vodānāvahaṅca ussāhasaṅkhātāṃ **balam vā** sūravīrabhāvasaṅkhātāṃ **vīriyam vā** purisena kattabbo **purisathāmo vā** so eva paraṃ paraṃ ṭhānaṃ akkamanappattiyā **purisaparakkamo vā natthi na** upalabbhati.

Satvayogato, rūpādīsu sattavisattatāya ca **sattā**. Pāṇanato assāsapassāsavasena pavattiyā **pāṇā**. Te pana so ekindriyādivasena vibhajitvā vadatīti āha “**ekindriyo**”ti-ādi. Aṇḍakosādīsu bhavanato **bhūtāti** vuccantīti āha “**aṇḍakosa -pa- vadantī**”ti. Jīvanato pāṇaṃ dhārento viya vaḍḍhanato **jīvāti** evaṃ sattapāṇabhūtajīvesu saddattho veditabbo. Natthi etesaṃ saṃkilesavisuddhīsu vasoti **avasā**. Natthi nesaṃ balaṃ vīriyañcāti **abalā avīriyā**. **Niyatatāti** acchejjasuttāvutābhejjamaṇi viya niyatapavattanatāya gatijātibandhapajahavasena² niyāmo. **Tattha tattha gamananti** channaṃ abhijātīnaṃ tāsū tāsū gatīsu upagamaṇaṃ samavāyena samāgamo. **Sabhāvoyevāti** yathā kaṇṭakassa tikkhatā, kabiṭṭhaphalānaṃ parimaṇḍalatā, migapakkhīnaṃ vicittākāratā, evaṃ sabbassapi lokassa hetupaccayena vinā tathā tathā pariṇāmo, ayaṃ sabhāvoyeva³ akittimoyeva. Tenāha “**yena hī**”ti-ādi.

Sakuṇe hanatīti **sakuṇiko**, tathā **sūkariko**. **Lūddhoti** aññopi yo koci māgaviko nesādo. Pāpakammaapasutatāya **kaṇhābhijāti nāma**. **Bhikkhūti** Sākiyā bhikkhū macchamaṃsakhādanato **nīlābhijātīti vadanti**. Ñāyaladdhepi paccaye bhuñjamānā ājīvakasamayassa vilomagāhitāya “**paccayesu kaṇṭake pakkhipitvā khādanti**”ti vadanti. **Eke pabbajitā**, ye savisesaṃ attakilamathānuyogamanuyuttā.

1. Saṃkilissanassa (Dī-Ṭī 1. 222; Saṃ-Ṭī 2. 268 piṭṭhesu.)

2. Gatijātibandhāpavaggavasena (Dī-Ṭī 1. 223; Saṃ-Ṭī 2. 268 piṭṭhesu.)

3. Sayamaṃsabhāvoyeva (Dī-Ṭī 1. 223 piṭṭhe.)

tathā hi te kaṇṭake vattentā viya hontīti **kaṇṭakavuttikā**ti vuttā. Ṭhatvā bhuñjanadānapaṭikkhepādivatasamāyogena¹ **paṇḍaratarā**. **Acelakasāvakā**ti ājīvakasāvake vadati. **Te kira** ājīvakaladdhiyā visuddhacittatāya nigaṇṭhehipi **paṇḍaratarā**. Nandādayo hi tathārūpāya paṭipattiyā pattabbā, tasmā nandādayo nigaṇṭhehi ājīvakasāvakehi ca paṇḍaratarāti vuttā “**sukkābhijātī**”ti.

Ayametesam laddhīti sākuṇikādibhāvūpagamanena kaṇḥābhijātī-ādīsu dukkham sukhañca paṭisamvedentā anukkamena mahākappānam cullāsītisahassāni khepetvā ājīvakabhāvūpagamanena paramasukkābhijātiyaṃ ṭhatvā saṃsārato sujjhantīti ayaṃ tesam niyati ājīvakānam laddhi.

“Natthi dinnan”ti vadanto natthiko dānassa phalaṃ paṭikkhipatīti āha “**natthikadiṭṭhi vipākam paṭibāhati**”ti. Tathā ceva heṭṭhā saṃvaṇṇitaṃ “natthikadiṭṭhi hi natthitamāhā”ti. **Ahetukadiṭṭhi ubhayanti** kammaṃ vipākañca ubhayaṃ. So hi “ahetū apaccayā sattā saṃkilissanti visujjhantī”ti vadanto kammaṃ viya vipākassapi saṃkilesa visuddhīnam paccayattābhāvavacanato tadubhayaṃ paṭibāhati nāma. **Vipāko paṭibāhito hoti** asati kamme vipākābhāvato. **Kammaṃ paṭibāhitaṃ hoti** asati vipāke kammaṃ niratthakabhāvāpattito. **Atthatoti** sarūpena. **Ubhayapaṭibāhakā**ti visum visum taṃtaṃdiṭṭhitā vuttāpi sabbe te natthikādayo natthikadiṭṭhi-ādivasena paccekam tivadhadiṭṭhikā eva ubhayapaṭibāhakattā. “Ubhayapaṭibāhakā”ti hi hetuvacanam. **Ahetukavādā cāti**-ādi paṭiññāvacanam. Yo hi vipākapaṭibāhanena natthikadiṭṭhiko, so atthato kammaṃ paṭibāhanena akiriyadiṭṭhiko, ubhayapaṭibāhanena ahelikadiṭṭhiko ca hoti. Sesadvayepi eseva nayo.

Sajjhāyantīti taṃ diṭṭhidīpakam gantham uggahetvā paṭhanti. **Vīmaṃsantī**ti tassa attham vicārenti. **Tesanti**-ādi vīmaṃsanākārādasānam. **Tasmim ārammaṇeti** yathāparikappitakammaphalābhāvādīpake “natthi dinnan”ti-ādinayappavattāya laddhiyā ārammaṇe. **Micchāsati santiṭṭhatī** “natthi

1. Bhuñjananahāna... (Dī-Ṭī 1. 224; Saṃ-Ṭī 2. 270 piṭṭhesu.)

dinnan”ti-ādivasena anussavūpaladdhe atthe tadākāraparivitakkanehi saviggahe viya sarūpato cittassa paccupaṭṭhite cirakālaparicayena “evametan”ti nijjhānakkhamabhāvūpagamanena nijjhānakkhantiyā tathā gahite punappunam̐ tatheva āsevantassa bahulīkarontassa micchāvitakkena samādiyamānā micchāvāyāmupatthambhitā atamsabhāvam̐ “tamsabhāvan”ti gaṇhantī micchāsatiṭi laddhanāmā tamladdhisahagatā taṇhā santiṭṭhati.

Cittam̐ ekaggam̐ hotīti yathāvuttavitakkādipaccayalābhena tasmim̐ ārammaṇe avaṭṭhitatāya anekaggam̐ pahāya ekaggam̐ appitam̐ viya hoti. Micchāsamādhipi hi paccayavisesehi laddhabhāvanābalehi kadāci samādhānapatirūpakiccakaro hotiyeva vālavijjhanādīsu viyāti daṭṭhabbam̐. **Javanāni javantīti** anekakkhattum̐ tenākārena pubbabhāgiyesu javanavāresu pavattesu sabbapacchime javanavāre satta javanāni javanti. **Paṭhamajavane pana satekicchā honti, tathā dutiyādīsūti** dhammasabhāvadassanametaṃ, na pana tasmim̐ khaṇe tesam̐¹ satekicchabhāvāpādanam̐ kenaci sakkā kātum̐.

Tatthāti tesu tīsu micchādassanesu. **Koci ekam̐ dassanam̐ okkamati** ti yassa ekasmim̐yeva abhiniveso āsevanā ca pavattā, so ekam̐yeva dassanam̐ okkamati. Yassa pana dvīsu, tīsopi vā abhinivesanā pavattā, so **dve tīni okkamati**. Etana yā pubbe ubhayapaṭibāhanatāmukhena vuttā atthasiddhā sabbadiṭṭhikatā, sā pubbabhāgiyā. Yā pana micchattaniyāmokkantibhūtā, sā yathāsakam̐ paccayasamudāgamasiddhito bhinnārammaṇānam̐ viya visesādhigamānam̐ aññamaññam̐ ekajjham̐ anuppattiyā asam̐kiṇṇā evāti dasseti. **Ekasmim̐ okkantepīti**-ādinā tissannampi diṭṭhīnam̐ samānabalataṃ samānaphalatañca dasseti, tasmā tissopi cetā ekassa uppannā aññamaññam̐ abbokiṇṇā eva, ekāya vipāke dinne itarā anubalappadāyikā honti.

Vaṭṭakhāṇu nāmāti idam̐ vacanam̐ neyyattam̐, na nītatthanti tam̐ vivarivā dassetum̐ “**kiṃ panesā**”ti-ādi vuttam̐. Akusalam̐ nāmetam̐ abalam̐ dubbalam̐, na kusalam̐ viya mahābalanti āha “**ekasmim̐ yeva attabhāve niyato**”ti. Aññathā sammattaniyāmo viya micchattaniyāmopi accantiko siyā. Yadi evam̐ vaṭṭakhāṇukajotanā kathanti āha “**āsevanavasena panā**”ti-ādi, tasmā yathā “sakim̐

nimuggo nimuggova hotī”¹ti vuttam, evam vaṭṭakhāṇukajotanā. Yādise hi paccaye paṭicca ayam taṃtaṃdassanam okkanto puna kadāci tappaṭipakkhe paccaye paṭicca tato sīsukkhipanamassa na hotīti na vattabham. Tena vuttam “yebhuyyenā”²ti.

Tasmāti yasmā evam saṃsārakhāṇubhāvassapi paccayo akalyāṇajano, tasmā. **Bhūtikā**moti diṭṭhadhammikasamparāyikaparamatthānam vasena attano guṇehi vaḍḍhikāmo. Yam panettha keci vadanti “yathā cirakālabhāvanāya paripākūpagamaladdhabalattā upanissayakusalā akusale sabbaso samucchindanti, evam akusaladhammā tatopi cirakālabhāvanāsambhavato laddhabalā hutvā kadāci kusaladhammepi samucchindanti. Evañca katvā dalhamicchābhini vesassa micchādiṭṭhikassa vaṭṭakhāṇukabhāvajotanāpi samatthitā hotī”³ti yathā taṃ “vassabhaññānam diṭṭhī”³ti, taṃ na, micchattaniyatadhammānam cirakālabhāvanāmattena na paṭipakkhassa pajahanasamatthā, atha kho dhammatāsiddhena paccayavisesāhitasāmatthiyena attano pahāyakasabhāvena pahāyakabhāvo bhāvanākusalānamyeva vutto, akusalānamyeva ca pahātabbabhāvo “dassanena pahātabbā”³ti-ādinā nayena, akusalānamyeva dubbalabhāvo “abalānam balīyantī”³ti-ādinā² (yuttināpi nāmato vā adhigamaniyo āloko ālokabhāvato bāhirāraṇekā viya na cettha paṭiññatte bhāvesatā sotuno āsamkitabbā visesavassa sādhetabbato sāmāññassa ca sotubhāvena adhippetattā veda-saddassa lopo dīpe sabhāve sādhanē yathā taṃ saddayabhāvassa nāpi visuddhaka-anumānādivirodhasambhāvato. Na hi sakkā antarālokassa bāhirālokassa viya rūpakāyam upādāya rūpatā cakkhuviññeyyattādi ke patiṭṭhāpetum sakkāti vuttam, nanupi antarāloko aviggahattā vedanā viyāti saddheva ñāṇālokassa avijjandhakārā viya vidhamaniyabhāve sabbesampi kusaladhammānam kenacipi akusaladhammena samucchindaniyatā siddhāva hoti.)³ Vaṭṭakhāṇukacodanāya yam vattabham, taṃ heṭṭhā vuttamevāti tiṭṭhatesā bāla janavikatthanā.

1. Am 2. 403 piṭṭhe.

2. Khu 1. 399; Khu 7. 9, 14 piṭṭhesu.

3 () Etthantare pāthā khalitāti maññe.

103. **Jhānacittamayāti** rūpāvacarajjhānacittena nibbattā. Tathā hi tesam̃ viśesena jhānāmanassa nibbattattā “manomayā”ti vuttā, avisesena pana abhisāṅkhāramanasā sabbepi sattā manomayā eva. **Saññāmayāti** etthāpi eseva nayo. Tenāha “**arūpajjhānasaññāyā**”ti. **Ayanti** rūpibhābhāvapaṭipajjanakapuggalo. **Appaṭiladdhajjhānoti** anadhigatarūpajjhāno. **Tassapīti** takkinopi. **Rūpajjhāne kaṅkhā natthi** anussavavasena laddhavinicchayattā.

104. **Sārāgāyāti** sarāgabhāvāya. **Santiketi** samīpe, na thāmagatā diṭṭhinātidūrattā sarāgā, na sampayuttattā. Sā hi na thāmagatā vaṭṭapariyāpannesu dhammesu rajjatīti viññāyatīti āha “**rāgavasena vaṭṭe rajjanassā**”ti. Sabbepi saṃyojanā taṇhāvaseneva sambhavantīti āha “**taṇhāvasena saṃyojanatthāyā**”ti. **Āruppe panassa kaṅkhā natthīti** anussavavasena laddhanicchayaṃ sandhāya vuttaṃ. Kāmaṃ duggatidukkhānaṃ ekantasamvattanena natthikadiṭṭhi-ādīnaṃ apaṇṇakatā pākaṭā eva, nippariyāyena pana anavajjassa atthassa ekantasādhakaṃ apaṇṇakanti katvā codanā, sāvajjassapi atthassa sādhanē ekamsikabhāvaṃ gahetvā parihāro. Tenāha “**gahaṇavasenā**”ti-ādi. Tena ruḥhīvasena “**natthi dinnan**”ti-ādīni apaṇṇakaṅgāni jātānīti dasseti.

105. **Heṭṭhā tayo puggalāva hontīti** attantapo parantapoti imasmiṃ catukke heṭṭhā tayo puggalā honti. Yathāvuttā pañcapi puggalā duppaṭipannāva, tato **atthikavādādayo pañca** puggalā sammāpaṭipannatāya imasmiṃ catukke **eko etutthapuggalova hoti**. **Etamatthaṃ dassetunti** idha heṭṭhā vuttapuggalapañcakadvayaṃ imasmiṃ catukke eva saṅgahaṃ gacchatīti vibhāgena duppaṭipattisuppaṭipattiyō dassetuṃ **bhagavā imarṃ desanarṃ ārabhīti**. Yaṃ panettha atthato avibhattaṃ, taṃ suviññeyyameva.

Apaṇṇakasuttavaṇṇanāya līnatthappakāsanā samattā.

Niṭṭhitā ca gahapativaggavaṇṇanā.

2. Bhikkhuvagga

1. Ambalaṭṭhikarāhulovādasuttavaṇṇanā

107. **Ambalaṭṭhikāyanti** ettha ambalaṭṭhikā vuccati sujāto taruṇambarukkho, tassa pana avidūre kato pāsādo idha “Ambalaṭṭhikā”ti adhippeto. Tenāha “**Veḷuvanavihārassā**”ti-ādi. **Padhānagharasaṅkhepeti** bhāvanāgehappakāre, yogīnaṃ geheti attho. **Tikhiṇova hoti**, na tassa tikhiṇabhāvo kenaci kātabbo sabhāvasiddhattā. **Evameva** attano vimutti-paripācanakammunā tikkhavisadabhāvappattiyā **ayampi āyasmā -patattha vihāsi**. **Pakatipaṇṇattamevāti** pakatiyā paṇṇattaṃ buddhānaṃ upagamanato puretameva cārittavasena paṇṇattaṃ.

108. Udakaṃ anena dhīyati, ṭhapīyati vā etthāti **udakādhānaṃ**. **Udakaṭṭhānanti** ca khuddakabhājanaṃ. “**Ovādadānattaṃ āmantesi**”ti vatvā taṃ panassa ovādadānaṃ na idheva, atha kho bahūsu ṭhānesu bahukkhatturaṃ pavattitanti tāni tāni saṅkhepato dassetvā idha saṃvaṇṇanattaṃ “**bhagavatāhi**”ti-ādi vuttaṃ.

Tattha **sabbabuddhehi avijahitanti** iminā sabbesaṃ buddhānaṃ sāsane kumārapaṇhā nāma hotīti dasseti. Ekakato paṭṭhāya yāva dasakā pavattā dasa pucchā etassāti **dasapucchaṃ**, ekakato paṭṭhāya yāva dasakā ekuttaravasena pavattaṃ vissajjanattāya **pañcapaṇṇāsavissajjanaṃ** sāmaṇerapaṇhanti sambandho. Yaṃ panettha vattabbaṃ, taṃ paramatthajotikāyaṃ **khuddakaṭṭhakathāyaṃ**¹ vuttanayeneva veditabbaṃ. Anādīnavadassitāya abhiṇhaṃ musā samudācaraṇato “**piyamusāvādā**”ti vuttaṃ. Udakāvasesachaḍḍana-udakādhānanikuḷjanakkuḷjanadassanasaññitā **catasso udakādhānūpamāyo**. Sabbassa yuddhakammassa akaraṇakaraṇavasena dassitā **dve hatthi-upamāyo**.

Tattha rāhulasuttanti Suttanipāte āgataṃ Rāhulasuttaṃ². **Abhiṇhovādavasena vuttanti** iminā antarantarā taṃ suttaṃ kathetvā bhagavā therānaṃ ovadatīti dasseti. **Idaṅca panāti** idaṃ yathāvuttaṃ bhagavato taṃtaṃkālanurūpaṃ attano ovādadānaṃ sandhāya. **Bījanti aṇḍhaṃ**. **Passasi**

1. Khuddakapāṭha-Ṭṭha 62 piṭṭhe.

2. Khu 1. 328 piṭṭhe.

nūti nu-saddo anujānane, nanu passasīti attho. Saccadhammaṃ laṅghitvā
 ʈhitassa kiñcīpi akattabbaṃ nāma pāpaṃ natthīti āha “**sampajānamusāvāde**
saṃvararahitassa opammadassanatthaṃ vuttā”ti. Tathā hi—

“Ekam dhammatītassa, musāvādissa jantuno.
 Vitiṇṇaparalokassa, natthi pāpamakāriyaṃ”ti¹.

Urulhavāti urulho hutvā ussito. So pana damavasena abhiruyha
 vadḍhito ārohanayogyo ca hotīti āha “**abhivaddhito ārohasampanno**”ti.
Āgatāgateti attano yogyapadesaṃ āgatāgate. **Paṭisenāya**
phalakakoṭṭhakamuṇḍapākārādayoti paṭisenāya attano ārakkhatthāya ʈhapite
 phalakakoṭṭhake ceva uddhacchadapākārādike ca. **Etam padesanti** etam
 parasenāpadesaṃ. **Ettakenāti** olokanamattena, tassa
 olokanākāradasaneneva. **Satampi sahasampi senānikam dvedhā bhijjati**,
 tīrapātikam madditam hutvā padātā hutvā dvedhā hutvā palāyanti. **Kaṇṇehi**
paharivāti pageva sarānam āgamanasaddam upadhāretvā yathā vogo na
 hoti, evam samuṭṭhāpetvā tehi paharivā **pātanam**. **Paṭihatthipaṭi-assāti**-ādinā
 paccakam pati-saddo yojetabboti. **Dighāsilaṭṭhiyāti** dighalatāya asilaṭṭhiyā.

Karaṇeti kammakaraṇe. **Maññati** hatthāroho. **Ayamuggaranti** tādise
 kāle gahitamuggaram. **Oloketvāti** ñāṇacakkhunā disvā, abhiṇham
 sampajaññaṃ upaṭṭhapetvāti attho.

109. **Sasakkanti**² passitum yuttam katvā ussāham janetvā **na karaṇīyam**,
 tādisaṃ niyamato akattabbaṃ hotīti āha “**ekamseneva na kātabban**”ti.
Paṭisamhareyyāsīti karaṇato saṅkocam āpajjeyyāsi. Yathābhūto asanto
 nivatto akaronto nāma hotīti āha “**nivatteyyāsi mā kareyyāsi**”ti.
Anupadeyyasīti anubalappadāyī bhaveyyāsi. Tenāha “**upatthambheyyāsī**”ti.
 Tam pana anubalappadānam upatthambhanam punappunam karaṇamevāti
 āha “**punappunam**”

1. Khu 1. 93 piṭṭhe Dhammapade.

2. Saṃsakkanti (Ka)

kareyyāsi”ti. **Sikkhamānoti** taṃyeva adhisīlasikkhaṃ tannissayañca sikkhādvayaṃ sikkhanto sampādentō.

111. **Kittake pana ṭhāneti** kittake ṭhāne pavattāni. Avidūre eva pavattānīti dassento “**ekasmim purebhatteyeva sodhetabbāni**”ti āha. Evaṃ hi tāni susodhitāni honti suparisuddhāni. **Paresam appiyam** garuṃ gārayhaṃ, yathāvuttaṭṭhānato pana aññaṃ vā kammaṭṭhānāmanasikārenea kāyakammādīni parisodhitāni hontīti na gahitaṃ. **Paṭigham vāti** ettha vā-saddena asamapekkhaṇe mohassa saṅgaho daṭṭhabbo.

112. Vuttanayena kāyakammādi parisodhanaṃ nāma idheva, na ito bahiddhāti āha “**buddhā -pa- sāvakā vā**”ti. Te hi atthato samaṇabrāhmaṇā vāti. **Tasmāti** yasmā sabbabuddhapacceka buddhasāvakehi āruḷhamaggo rāhula mayā tuyhaṃ ācikkhito tasmā. Tena anusikkhantena tayā evaṃ sikkhitabbanti ovādaṃ adāsi. Sesaṃ vuttanayattā suviññeyyameva.

Ambalaṭṭhikarāhulovādasuttavaṇṇanāya līnatthappakāsanā samattā.

2. Mahārāhulovādasuttavaṇṇanā

113. **Iriyāpathānubandhanenāti** iriyāpathagamanānubandhanena, na paṭipattigamanānubandhanena. Aññaṃeva hi buddhānaṃ paṭipattigamaṇaṃ aññaṃ sāvakanāṃ. **Vilāsitagamanenāti** “dūre pādaṃ na uddharati, na accāsanne pādaṃ nikkhipati, nātisīghaṃ gacchati nātisaṇikan”ti-ādinā¹ vuttena sabhāvasīlena buddhānaṃ cāturiyagamanena. Tadeva hi sandhāya “**pade pādaṃ nikkhipanto**”ti vuttaṃ. **Padānupadikoti** rāhulatherassapi lakkhaṇapāripūriyā tādisameva gamananti yattakaṃ padesaṃ antaraṃ adatvā bhagavato piṭṭhito gantuṃ āraddho, sabbattha tameva gamanapadānupadaṃ gacchatīti padānupadiko.

1. Ma-Ṭṭha 3. 17; Saṃ-Ṭṭha 3. 91; Udāna-Ṭṭha 373; Sārattha-Ṭṭi 3. 311 piṭṭhesu.

Vaṇṇanābhūmi cāyaṃ tattha bhagavantaṃ therāṅca anekarūpāhi upamāhi vaṇṇento “**tattha bhagavā**”ti-ādimāha. **Nikkhantagajapotako** viya virocitthāti padaṃ ānetvā yojanā. Evaṃ taṃ **kesarasīho** viyāti-ādīsupi ānetvā yojetabbaṃ. **Tāraḅarāḅā** nāma cando. **Dvinnāṃ candamaṇḅalānanti-**ādi parikkappavacanaṃ, buddhāveṇikasantaḅaṃ viya buddhānaṃ ākappasotā ahoṣi, aho sirīsampattīti¹ yojanā.

Ādiyamānāti gaṇhanti. “Pacchā jāniṣṣāmā”ti **na aḅḅuḅekkhitaḅbo, idaṃ na kattabbanti vutte**ti idaṃ pāṇatipāṇanaṃ na kattabbanti vutte idaṃ daṇḅhena vā leḅḅunā vā viheṅhanaṃ na kattabbāṃ, idaṃ pāṇinā daṇḅhakadānaṅca antamaso kujjhivā olokanamattampi na kattabbamevāti nayasatenapi nayasahassenapi paṅivijjhati, tathā idha tāva sammajjanaṃ kattabbanti vuttepi tattha paribhaṅḅhakaraṅaṃ vihāraṅgaṅasammajjanaṃ kacavarachaḅḅanaṃ vālikāsamakiraṅanti evamādinā nayasatena nayasahassena paṅivijjhati. Tenāha “**idaṃ kattabbanti vuttepi eseva nayo**”ti. **Paribhāṣanti** tajjanaṃ. **Labhāmīti** paccāṣiṣati.

Sabbametanti sabbāṃ etaṃ mayi labbhamānaṃ sikkhākāmetaṃ. **Abhiññāyāti** jānitvā. **Sahāyoti** raṅṅhapālattherāṃ sandhāyāha. So hi bhagavatā saddhāpabbajitabhāve etadagge ṅhapito. **Dhammārakkhoti** satthu saddhammaratanānupālakō dhammabhaṅḅḅāgāriko. **Pettiyoti** cūlapitā. **Sabbāṃ me jinaṣāṣananti** sabbampi buddhasāṣanaṃ mayhameva.

Chandarāgaṃ ṅatvāti chandarāgaṃ mama citte uppannaṃ ṅatvā. **Aññatarasmim rukkhamūleti** vihārapariyante aññatarasmim rukkhamūlaṅṅhāne anucchavike.

Tadāti aggasāvakehi pasādāpanakāle aññakammaṅṅhānāni caṅkamana-iriyāpathēpi piṅṅhipasāraṅakālepi samijjhanti, na evamidanti āha “**idamassa etissā nisajjāya kammaṅṅhānaṃ anucchavikaṅ**”ti. **Ānāpānassatinti** ānāpānassatikammaṅṅhānaṃ.

Samasīṣi hotīti sace samasīṣi hutvā na parinibbāyati. **Pacceka bodhiṃ sacchikaroti**, no ce paccēkabodhiṃ sacchikaroti. **Khippābhiññoti** khippaṃ lahuṃyeva pattabbachaḅabhiñño.

1. Sarīrasampattīti (Ka)

Paripunnāti soḷasasu ākāresu kassacipi atāpanena sabbaso punṇā. **Subhāvitā**ti samathabhāvanāya vipassanābhāvanāya ca anupubbasaṃpādanena subhāvitā. Gaṇanāvidhānānupubbiyā āsevitattā **anupubbaṃ paricitā**.

Omānaṃ vāti avajānanaṃ uññātanti evaṃvidhaṃ mānaṃ vā. **Atimānaṃ vā**ti “kiṃ imehi, mameva ānubhāvena jīviṣṣāmi”ti evaṃ atimānaṃ vā kuto janessatīti.

114. **Visaṅkharitvā**ti visaṃyutte katvā, yathā saṅgākārena gahaṇaṃ na gacchati, evaṃ vinibhuñjītvāti attho. Mahābhūtāni tāva vitthāretu sammasanūpagattā, asammusanūpagaṃ ākāśadhātuṃ atha kasmā vitthāresīti āha “**upādārūpadassanattā**”ti. Āpodhātu sukhumarūpaṃ, itarāsu oḷārikasukhumatāpi labbhatīti āha “**upādārūpadassanattā**”ti. **Heṭṭhā cattāri mahābhūtāneva kathitāni, na upādārūpanti** tassa panettha lakkhaṇāhāranayena ākāśadassanena dassitatā veditabbā. Tenāha “**iminā mukhena taṃ dassetu**”ti. Na kevalaṃ upādārūpaggahaṇadassanattameva ākāśadhātu vitthāritā, atha kho pariggahasukhatāyapīti dassento “**apicā**”ti-ādimāha. Tattha paricchinditabbassa rūpassa niravasesapariyādānattham “**ajjhattikenā**”ti visesanamāha. Ākāśenāti ākāśadhātuyā gahitāya. **Paricchinnarūpanti** tāya pariccinditakalāpagatampi pākaṭaṃ hoti, vibhūtaṃ hutvā upaṭṭhāti.

Idāni vuttamevatthaṃ sukhaggahaṇattham gāthāya dasseti. **Tassā**ti upādāyarūpassa. **Evaṃ āvibhāvattanti** evaṃ paricchinnatāya ākāśassa vasena vibhūtabhāvattam. **Tanti** ākāśadhātuṃ.

118. **Ākāśabhāvaṃ gatanti** catūhi mahābhūtehi asamphuṭṭhānaṃ tesam paricchadakabhāvena ākāśanti gahetabbataṃ gataṃ, ākāśameva vā ākāśagataṃ yathā “diṭṭhigataṃ¹, atthaṅgataṃ”ti² ca. **Ādinnanti** imanti taṇhādiṭṭhīhi ādinnam. Tenāha “**gahitaṃ parāmatṭhan**”ti. Aññattha kammajaṃ “upādinnan”ti vuccati, na tathā idhāti āha “**sarīraṭṭhakanti attho**”ti.

1. Abhi 1. 93; Khu 7. 37 piṭṭhesu.

2. Am-Ṭṭha 1. 72 piṭṭhe.

pathavīdhātu-ādīsu vuttanayenevāti mahāhatthipadopame¹
vuttanayadassanaṃ sandhāya vadati.

119. **Tādibhāvo** nāma niṭṭhitakiccassa hoti, ayañca vipassanaṃ anuyuñjati, atha kimatthaṃ tādibhāvatā vuttāti?
Pathavīsamatādilakkhaṇācikkhaṇāhi vipassanāya sukhappavatti-atthaṃ.
Tenāha “**iṭṭhāniṭṭhesū**”ti-ādi. **Gahetvāti** kusalappavattiyā okāsadānavasena pariggahetvā. **Na paṭiṭṭhitoti** na nissito na laggo.

120. Brahmavihārabhāvanā asubhabhāvanā ānāpānassatibhāvanā ca upacāraṃ vā appanaṃ vā pāpento vipassanāya pādakabhāvāya aniccādisaññāya vipassanābhāvena ussakkivā maggapaṭipāṭiyā arahattādhigamāya hotīti “**mettādibhāvanāya pana hoti**”ti vuttaṃ. **Yattha katthaci sattesu saṅkhāresu ca paṭihaññanakilesoti** āghātabhāvameva vadati ññāyabhāvato aññesampi. **Asmimānoti** rūpādike paccekam ekajjhaṃ gahetvā “ayamahasmim”ti evaṃ pavattamāno.

121. **Idaṃ kammaṭṭhānanti** ettha gaṇanādivasena āseviyamānā assāsapassāsā yogakammasa paṭiṭṭhānatāya kammaṭṭhānaṃ. Tattha pana tathāpavatto manasikāro bhāvanā. Ettha ca tasseva therassa bhagavatā bahūnaṃ kammaṭṭhānānaṃ desitattā caritaṃ anādiyivā kammaṭṭhānāni sabbesaṃ puggalānaṃ sappāyānīti ayamattho siddho, atisappāyavasena pana kammaṭṭhānesu vibhāgakathā kathitāti viditabbā.

Mahārāhulovādasuttavaṇṇanāya līnatthappakāsanā samattā.

3. Cūḷamālukyasuttavaṇṇanā

122. **Evaṃ ṭhapitānīti** “sassato loko”ti-ādinayappavattāni diṭṭhigatāni anīyānikatāya na byākātabbāni na kathetabbāni, evaṃ ṭhapanīyapakkhe **ṭhapitāni ceva** niyyānikasāsane chaḍḍanīyatāya **paṭikkhittānica**, apicettha atthato paṭikkhepo eva byākātabbato. Yathā

1. Ma 1. 242 piṭṭhe.

eko kammakilesavasena itthattam āgato, tathā aparopi aparopīti satto tathāgato vuccatīti āha “**tathāgatoti satto**”ti. **Tam abyākaraṇam mayham na ruccatīti** yadi sassato loko, sassato lokoti, asassato loko, asassato lokoti, jānāmāti byākātābameva, yaṃ pana ubhayathā abyākaraṇam, tam me cittaṃ na ārādheti ajānanahetukattā abyākaraṇassa. Tenāha “ajānato kho pana apassato etadeva ujukaṃ, yadidaṃ na jānāmi na passāmī”ti. **Sassatoti-ādīsu sassatoti** sabbakālīko, nicco dhuvo avipariṇāmadhammoti attho. So hi diṭṭhigatikehi lokīyanti ettha puññapāpatabbipākā, sayam vā tabbipākākārādibhāvena aviyuttehi lokīyatīti **lokoti** adhippeto. Etena cattāropi sassatavādā dassitā honti. **Asassatoti** na sassato, anicco addhuvo bhedanadhammoti attho, asassatoti ca sassatābhāvapaṭikkhepena ucchedo dīpitoti sattapi ucchedavādā dassitā honti. **Antavāti** parivaṭumo paricchinnaparimāṇo, asabbagatoti attho. Tena “sarīraparimāṇo, aṅguṭṭhaparimāṇo, yavaparimāṇo, paramāṇuparimāṇo attā”ti¹ evamādivādā dassitā honti.

Tathāgato param maraṇāti tathāgato jīvo attā maraṇato imassa kāyassa bhedato param uddham hoti atthi samvijjatīti attho. Etena sassatābhāvamukhena soḷasa saññīvādā, aṭṭha asaññīvādā, aṭṭha ca nevasaññīnāsaññīvādā dassitā honti. **Na hotīti** natthi na upalabbhati. Etena ucchedavādo dassito hoti. Apica **hoti ca na ca hotīti** atthi natthi cāti. Etena ekaccasassatavādo dassito. **Neva hoti na na hotīti** pana iminā amarāvikkhepavādo dassitoti veditabbaṃ. Bhagavatā pana aniyyānikattā anattasamhitāni imāni dassanānīti tāni na byākatāni, tam abyākaraṇam sandhāyāha yaṃ thero “tam me na ruccatī”ti. **Sikkham paṭikkhipivā** yathāsamādinnaikkham pahāya.

1. Udāna-Ṭṭha 308; Dī-Ṭī 1. 172 piṭṭhesupi.

125. **Tvaṃ neva yācakoti** ahaṃ bhante bhagavati brahmacariyaṃ carissāmīti-ādinā. **Na yācitakoti** tvaṃ mālukyaputta mayi brahmacariyaṃ carāti-ādinā.

126. **Parasenāya ʘhitena** purisena. **Bahalalepanenāti** bahalavilepanena. Mahāsupiyādi sabbo muduhidako veṇuviseso **saṅho**. **Maruvāti** makaci. **Khīrapaṇṇinoti** khīrapaṇṇiyā, yassā chindanamatte paṇṇe khīraṃ paggharati. **Gacchanti** gacchato jātaṃ, sayañjātagumbato gahitanti adhippāyo. **Sīthilahanu** nāma dattā kaṇṇo pataṅgo. **Etāya diṭṭhiyā sati na hotīti** “sassato loko”ti etāya diṭṭhiyā sati maggabrahmacariyavāso na hoti, taṃ pahāya eva pattabbato.

127. **Attheva jātīti**-ādinā etā diṭṭhiyo paccekampi saṃsāraparibrūhanā kaṭasivaḍḍhanā nibbānavibandhanāti dasseti.

128. **Tasmātihāti** idaṃ aṭṭhāne uddhaṭaṃ, ʘhāneyeva pana “vuttapaṭipakkhanayena vedītabban”ti imassa parato katvā saṃvaṇṇetabbaṃ. Attano phalena araṇīyato anugantabbato kāraṇampi “attho”ti vuccatīti āha “kāraṇanissitan”ti. Tenāha “brahmacariyassa ādimattampī”ti. **Pubbapadaṭṭhānanti** paṭhamārambho. Sesam suviññeyyameva.

Cūlamālukyasuttavaṇṇanāya līnatthappakāsanā samattā.

4. Mahāmālukyasuttavaṇṇanā

129. Oraṃ vuccati kāmadhātu, tattha pavattiyā saṃvattanato oraṃ bhajantīti **orambhāgiyāni**, heṭṭhimamaggavajjhatāya orambhāge heṭṭhakoṭṭhāse bhajantīti **orambhāgiyāni** ka-kārassa ya-kāraṃ katvā. Tenāha “heṭṭhakoṭṭhāsikāni”ti-ādi. Kammunā hi vaṭṭena ca dukkhaṃ saṃyojentīti **saṃyojanāni**, orambhāgiyasaññitāni saṃyojanāni yassa appahīnāni, tasseva vaṭṭadukkhaṃ. Yassa pana tāni pahīnāni, tassa taṃ natthīti. **Appahīnatāya anusetīti** ariyamaggena asamucchinnatāya

kāraṇalābhe sati uppajjati, appahīnabhāvena anuseti. **Anusayamāno saṃyojanam nāma hotīti** anusayattam pharivā pavattamāno pāpadhammo yathāvuttenatthena saṃyojanam nāma hoti. Etena yadi pana anusayato saṃyojanam pavattam, tathāpi ye te kāmarāgādayo “anusayā”ti vuccanti, teyeva bandhanaṭṭhena saṃyojanānīti dasseti.

Evam santepīti yadeva orambhāgiyasamyojanam bhagavatā pucchitam, tadeva therenapi vissajjitam, tathāpi ayam¹ laddhi sannissayā, tattha dosāropanāti dassetuṃ “**tassa vāde**”ti-ādi vuttam. **Samudācārakkhaṇeyevāti** pavattikkhaṇe eva. Na hi sabbe vattamānā kilesā saṃyojanattham pharantīti adhippāyo. **Tenāti** tena kāraṇena, tathā laddhikattāti attho. Cintesi “dhammam desessāmī”ti yojanā. **Attano dhammatāyevāti** ajjhantāsayeneva. **Visamvāditāti** satthu cittassa anārādhanena vivecitā. **Evamakāsi** evam dhammam desāpesi.

130. Sakkāyaditṭhipariyutṭhitenāti

pariyutṭhānasamatthasakkāyaditṭhikena. Tathābhūtaṅca cittam tāya ditṭhiyā vigayhitam ajjhotthaṅca nāma hotīti āha “**gahitena abhibhūtenā**”ti. **Diṭṭhinissaraṇam nāma** dassanamaggo tena samucchinditabbato, so pana nibbānam āgamma tam samucchindati, tasmā vuttam “**diṭṭhinissaraṇam nibbānan**”ti. **Avinoditā anīhaṭāti** padadvayenapi samucchavedavasena appahīnattamyeva vadati. **Aññam saṃyojanam añño anusayoti vadanti**, sahabhāvo nāma aññena hoti. Na hi tadeva tena sahāti vuccatīti tesam adhippāyo. **Aññenāti** atthato aññena. Avatthāmatto yadipi avayavavinimutto samudāyo natthi, avayavo pana samudāyo na hotīti so samudāyato añño evāti sakkā vattuntī yathāvuttassa parihārassa appāṭihīrakatam āsaṅkīmtvā pakkhantaram āsallitam “**athāpi siyā**”ti-ādinā. Pakkhantarehi parihārā hontīti yathāvuttañāyenapi añño puriso athāpi siyā, ayam panettha añño dosoti āha “**yadi tadevā**”ti-ādi. Athāpi siyā tuyham yadi parivitakko īdiso yadi tadeva saṃyojananti-ādi. **Imamattham sandhāyāti** paramatthato so

1. Yam (Ka)

eva kilesa saṃyojanamanusayo ca, bandhanattha-appahīnatthānaṃ pana attheva bhedoti imamatthaṃ sandhāya.

132. **Tacchedo viya samāpatti** kilesānaṃ samāpattivikkhambhanassa sārachedassa anusayassa dūrabhāvato. **Pheggucchedo viya vipassanā** tassa āsannabhāvato. **Evarūpā puggalāti** abhāvitasaddhādibalatāya dubbalanāmakāyā puggalā, yesaṃ sakkāyanirodhāya -pa- nādhimuccati. **Evam datṭhabbāti** yathā so dubbalako puriso, evaṃ datṭhabbo so puriso gaṅgāpāraṃ viya sakkāyapāraṃ gantum asamatthattā. Vuttavipariyāyena sukkapakkhassa attho veditabbo.

133. **Upadhivivekenāti** iminā **upadhivivekāti** karaṇe nissakkananti dasseti, **upadhivivekāti** vā hetumhi nissakkavacanassa **upadhivivekenāti** hetumhi karaṇavacanena pañcakāmaguṇaviveko kathito. Kāmaguṇāpi hi upadhīyati ettha dukkhanti upadhīti vuccantīti. Thinamiddhapaccayā kāyaviṃsambhūtibhedam **kāyālasiyam**. **Tatthāti** antosamāpattiyam samāpatti-abbhantare jātam. Tam pana samāpattipariyāpannampi apariyāpannampīti tadubhayaṃ dassetuṃ “**antosamāpattikkhaṇeyevā**”ti-ādi vuttam **rūpādayo dhammeti** rūpavedanādike pañcakkhandhadhamme. **Na niccatoti** iminā niccapaṭikkhepato tesaṃ aniccata māha, tato eva udayavayantato vipariṇāmato tāvakālikato ca te aniccāti jotitam hoti. Yam hi niccam na hoti, tam udayabbayapariṇāmatam jarāya maraṇena cāti dvedhā vipariṇāmatam ittarakhaṇameva ca hoti. **Na sukhatoti** iminā sukhapāṭikkhepato tesaṃ dukkhatamāha, ato eva abhiṇham paṭipīḷanato dukkhavatthuto ca te dukkhāti jotitam hoti. Udayabbayavantatāha hi te abhiṇham paṭipīḷanato niranaradukkhātāya dukkhasseva ca adhiṭṭhānabhūtāti. Paccayāpanīyatāya rogamūlatāya ca **rogato**. Dukkhatāsūlayogitāya¹ kilesāsucipaggharaṇato uppādayarābhāṅgehi uddhumātapakkabhijjanato ca **gaṇḍato**. Pīḷājananato antotudanato dunnīharaṇato ca avaddhi-āvahato aghavatthuto ca aserībhāvato ābādhapadaṭṭhānatāya ca **ābādhato**. Avasavattanato avidheyyatāya

1. Dukkhatāmūlarogato (Ka) Visuddhi 2. 247 piṭṭhe passitabban.

parato. Byādhijarāmarañehi palujjanīyatāya **palokato.**

Sāmīnivāsīkārakavedakadhiṭṭhāyakavirahato **suññato.** Attapaṭikkhepaṭṭhena **anattato,** rūpādīdhammāpi na ettha attā hontīti anattā, evaṃ ayampi na attā hotīti anattā. Tena abyāpārato nirīhato tucchato anattāti dīpitaṃ hoti. Lakkhaṇattayameva avabodhatthaṃ ekādasahi padehi vibhajitvā gahitanti dassetuṃ “**tatthā**”ti-ādi vuttaṃ.

Antosamāpattiyanti samāpattīnaṃ sahaajātatāya samāpattīnaṃ abbhantare. **Cittaṃ paṭisaṃharatīti** tappaṭibaddha chandarāgādi upakkilesa vikkhambhanaena vipassanācittaṃ paṭisaṃharati. Tenāha “**mocetī**”ti. **Savanavasenāti** “sabbasaṅkhārasamatho”ti-ādinā savanavasena. **Thutivasenāti** tatheva thomanāvasena guṇato saṃkittanavasena. **Pariyattivasenāti** tassa dhammassa pariyāpuṇanavasena. **Paññattivasenāti** tadatthassa paññāpanavasena. **Ārammaṇakaraṇavaseneva** upasaṃharati maggacittaṃ. **Etam santanti**-ādi pana avadhāraṇanivattitattadassanaṃ. Yathā vipassanā “etaṃ santaṃ etaṃ paṇītan”ti-ādinā asaṅkhatāya dhātuyā cittaṃ upasaṃharati, evaṃ maggo nibbānaṃ sacchikiriyābhisamayavasena abhisamento tattha labbhamāne sabbe visese asammohato **paṭivijānanto tattha cittaṃ upasaṃharati.** Tenāha “**iminā pana ākārenā**”ti-ādi. **So tattha ṭhitoti** so adandhavipassano yogī tattha tāya aniccādīlakkhaṇattayārammaṇāya vipassanāya ṭhito. **Sabbasoti** tassa maggassa adhigamāya nibbattitasamathavipassanāsu. **Asakkonto anāgāmi hotīti** heṭṭhimaggavahāsu eva samathavipassanāsu chandarāgaṃ pahāya aggamaggavahāsu tāsu nikantiṃ pariyādātuṃ asakkonto anāgāmitāyameva saṅghāti.

Samatikkantattāti samathavasena vipassanāvasena cāti sabbathāpi rūpassa atikkantattā. Tenāha “**ayam hī**”ti-ādi. **Anenāti** yoginā. **Tam atikkammāti** idaṃ yo vā paṭhamaṃ pañcavokārabhavapariyāpanne dhamme sammadeva sammasitvā te vivajjetvā tato arūpasamāpattim samāpajjitvā arūpadhamme sammasati, tam sandhāya vuttaṃ. Tenāha “**idāni arūpaṃ sammasatī**”ti.

Samathavasena gacchatoti samathappadhānaṃ pubbabhāgapaṭipadaṃ anuyuñjantassa. **Cittekaggatā dhuraṃ hotīti** tassa vipassanābhāvanāya tathā pubbe pavattattā vuṭṭhānagāminivipassanā samādhippaddhānā hoti, maggepi cittekaggatā dhuraṃ hoti, samādhindriyaṃ pubbaṅgamaṃ balavaṃ hoti. **So cetovimutto nāmaṃ** so ariyo cetovimutto nāma hoti. **Vipassanāvasena gacchatoti** “samathavasena gacchato”ti ettha vuttanayānusārena attho veditabbo. Ayañca puggalavibhāgo suttantanayena idhābhīhito pariyāyo nāma, abhidhammanayena parato kīṭāgirisuttavaṇṇanāyaṃ dassayissāma. **Ayaṃ sabhāvadhammoyevāti** pubbabhāgapaṭipadā samathappadhānā ce samādhi dhuraṃ, vipassanāpaddhānā ce paññā dhuranti ayaṃ dhammasabhāvoyeva, ettha kiñci na āsaṅkitabbaṃ.

Indriyaparopariyattaṃ **indriyavemattatā**. Tenāha “**indriyanānattaṃ vadāmi**”ti. Indriya **nānattatā kāraṇanti** idaṃ dasseti—aniccādivasena vipassanābhīniveso viya samathavasena vipassanāvasena ca yaṃ pubbabhāgagamaṃ, taṃ appamāṇaṃ taṃ vuṭṭhānagāminivipassānaṃ, yassa samādhi dhuraṃ pubbaṅgamaṃ balavaṃ hoti, **so ariyo cetovimutti nāma hoti**. Yassa paññā dhuraṃ pubbaṅgamaṃ balavaṃ hoti, **so ariyo aññāvimutto nāma hoti**. Idāni tamatthaṃ buddhivisiṭṭhena nidassanena dassento “**dve aggasāvaka**”ti-ādīmāha, taṃ suviññeyyameva.

Māhāmālukyāsuttavaṇṇanāya līnatthappakāsanā samattā.

5. Bhaddālisuttavaṇṇanā

134. Asiyatīti asanaṃ, bhuñjanaṃ bhojanaṃ, asanassa bhojanaṃ asanabhojanaṃ, āhāraparibhogo, ekasmiṃ kāle asanabhojanaṃ **ekāsanabhojanaṃ**. So pana kālo sabbabuddhānaṃ sabbapaccekabuddhānaṃ āciṅṅasamāciṅṅavasena pubbaṅho eva idhādhippetoti āha “**ekasmiṃ purebhatte asanabhojanan**”ti. **Vippaṭisāra**kukkuccanti “ayuttaṃ vata mayā kataṃ, yo attano sarīrapakatim ajānanto ekāsanabhojanaṃ bhuñji, yena me idaṃ sarīraṃ kisaṃ jātaṃ brahmacariyānuggaho nāhosī”ti

evaṃ vippaṭṭisāra-kukkuccaṃ bhaveyya. **Etam sandhāya satthā āha**, na bhaddālimeva tādisaṃ kiriyaṃ anujānanto. **Itarathāti** yadi ekaṃyeva bhattaṃ dvidhā katvā tato ekassa bhāgassa bhuñjanaṃ ekadesabhuñjanaṃ adhippetam. **Ko sakkoti** ti ko evaṃ yāpetuṃ sakkoti. Atītajātiparicayopi nāma imesaṃ sattānaṃyeva anubandhatīti āha “**atīte**”ti-ādi. **Viravantassevāti** anādare sāmivacanaṃ. **Tam madditvāti** “ayaṃ sikkhā sabbesampi buddhānaṃ sāsane āciññaṃ, ayañca bhikkhu imaṃ sikkhatevā”ti vatvā tam bhaddāliṃ tassa vā anussāhapavedanaṃ abhibhavivā. Bhikkhācāragamanatthaṃ **na vitakkamālakam** agamāsi, vihāracārikaṃ caranto **tassa vasanaṭṭhānaṃ bhagavā gacchati**.

135. Dūsayanti garahanti etenāti doso, aparādho, so eva kucchitabhāvena **dosako**. Garahāya pavattiṭṭhānato **okāso**. Tenāha “**etam okāsam etam aparādhan**”ti. **Dukkarataranti** patikāravasena atisayena dukkaraṃ. Aparādho hi na khamāpentaṃ yathāpaccayaṃ vitthārito hutvā duppatikāro hoti. Tenāha “**vassam hī**”ti-ādi.

Alaggitvāti imampi nāma apanītaṃ akāsīti evaṃ avinetvā, tam tam tassa hitapaṭipattim nivāraṇaṃ katvāti attho. Nāyapaṭipattim aticca eti pavattatīti **accayo**, aparādho, purisena madditvā pavattito aparādho atthato purisaṃ aticca abhibhavivā pavatto nāma hoti. Tenāha “**accayo maṃ bhante accagamā**”ti. Avasesapaccayānaṃ samāgame eti phalaṃ etasmā uppajjati pavattati cāti **samayo**, hetu yathā “samudāyo”ti āha “**ekam kāraṇam**”ti. Yaṃ panettha bhaddālittherassa aparipūrakāritāya bhikkhū-ādināṃ jānaṃ, tampi kāraṇaṃ katvā “ahaṃ kho bhante na ussahāmi”ti-ādinā vattabbanti dasseti.

136. **Ekacittakkhaṇikāti** paṭhamamaggacittakkhaṇena ekacittakkhaṇikā. **Evaṃ āṇāpetuṃ na yuttanti** saṅkamatthāya āṇāpetuṃ na yuttam payojanābhāvato. Anāciññaṃ cetaṃ buddhānaṃ, yadidaṃ padasā akkamaṃ. Tathā hi—

“Akkamitvāna maṃ buddho, saha sissehi gacchatu.
Mā naṃ kalalaṃ akkamittha, hitāya me bhavissatī”ti¹.

1. Khu 4. 310 piṭṭhe buddhavaṃse.

Sumedhapaṇḍitena paccāsīsitam na katham. Yathāha—

“Dīpaṅkaro lokavidū, āhutīnam paṭiggaho.
Ussīsake maṃ thatvāna, idaṃ vacanamabravī”ti¹.

bhagavatā āṇatte sati tesampi evaṃ kātuṃ na yuttanti etthāpi eseva nayo. **Etesaṃ paṭibāhituṃ yuttanti** idaṃ aṭṭhānaparikappanavaseneva vuttaṃ. Na hi buddhānaṃ kātuṃ āradhānā nāma kiccaṃ kehici paṭibāhituṃ yuttaṃ nāma atthi paṭibāhituṃyeva akaraṇato. Sammattaniyāmassa anokkantattā vuttaṃ “**bāhirato**”ti.

137. **Na kammaṭṭhānaṃ allīyatīti** cittaṃ kammaṭṭhānaṃ na otarati.

140. **Punappunaṃ kārentīti** daṇḍakammaṇāmanādikāraṇaṃ punappunaṃ kārenti. **Sammāvattamhi na vattatīti** tassā tassā āpattiyā vuṭṭhānatthaṃ bhagavatā paññattasammāvattamhi na vattati. **Anulomavatte na vattatīti** yena yena vattena saṃgho anulomiko hoti, tasmim tasmim anuloma vatte na vattati. **Vilomameva gaṇhāti**, paṭilomena hoti. **Nitthāraṇakavattamhīti** yena vattena saṃgho anulomiko hoti, sāpattikabhāvato nitthiṇṇo hoti, tamhi nitthāraṇavattasmim na vattati. Tenāha “**āpattī**”ti-ādi. **Dubbacakarāṇeti** dubbacassa bhikkhuno karaṇe.

144. **Yāpetīti** vattati, sāsane tiṭṭhatīti attho. **Abhiññāpattāti** “asuko asuko ca thero sīlavā kalyāṇadhammo bahussuto”ti-ādinā abhiññātabhāvaṃ pattā adhigata-abhiññātā.

145. **Sattesu hāyamānesūti** kilesabahulatāya paṭipajjanakasattesu parihāyantesu paṭipathesu jāyamānesu. **Antaradhāyati nāma** tadādhāratāya. **Diṭṭhedhammikā** parūpavādādayo. **Samparāyikā** apāyadukkhavisesā. **Āsavanti** tena tena paccayena pavattantīti **āsavā**, **nesanti** parūpavādādi-āsavānaṃ. **Teti** vītikkamadhammā.

Akālaṃ dassetvāti sikkhāpadapaññattiyā akālaṃ dassetvā. **Uppattinti** āsavaṭṭhāniyānaṃ dhammānamuppattim. Sikkhāpadapaññattiyā **kālaṃ**,

1. Khu 4. 311 piṭṭhe buddhavaṃse.

tāva senāsanāni pahonti, tena āvāsamacchariyādihetunā sāsane ekacce āsavaṭṭhāniyā dhammā na uppajjanti. **Iminā nāyena**ti iminā pana hetunā padasodhammasikkhāpadānaṃ saṅgaho daṭṭhabbo.

Yasanti kittisaddaṃ parivāraṅca. Sāgatattherassa nāgadamanakittiyasādivasena surāpānasāṅkhāto āsavaṭṭhāniyo dhammo uppajji.

Rasena rasam saṃsandetvāti upādinnakaphassarasena anupādinnakaphassarasaṃ saṃsandetvā.

146. Na kho bhaddāli eseva hetu, atha kho aññampi atthīti dassento bhagavā **“apicā”**ti-ādimāha. Tena dhammassa sakkaccasavane theram niyojete.

147. **Visevanācāranti** adantakiriyaṃ. **Parinibbāyati**ti vūpasammati. Tattha adantakiriyaṃ pahāya danto hoti. **Yugassāti** rathadhurassa.

Anukkameti anurūpaparigame. Tadvatthānurūpaṃ pādānaṃ **ukkipane nikkhipane** ca. Tenāha **“cattāro pāde”**ti-ādi. **Rajjubandhanavidhānenā**ti pādato bhūmiyā mocanavidhānena. **Evaṃ karaṇatthanti** yathā asse nisinnasseva bhūmiṃ gahetuṃ sakkā, evaṃ cattāro pāde tathā katvā attano niccalabhāvakarāṇatthaṃ. **Maṇḍaleti** maṇḍaladhāvīkāyaṃ. **Pathavīkamaneti** pathaviṃ phuṭṭhamattena gamane. Tenāha **“aggaggakhurehi”**ti. **Okkantakarāṇasminti** okkantetvā parasenāsammaddana-okkantakarāṇe. **Ekasmim ṭhāneti** catūsu pādesu yattha katthaci ekasmim ṭhāne gamaṇaṃ codentīti attho, so panettha sīghataro adhippeto. **Davatteti** mariyādākopanehi nānappayojane, parasenāya pavattamahānādapaharaṇehi attho. Tenāha **“yuddhakālasmin”**ti-ādi.

Raññā jānitabbaguṇeti yathā rājā assassa guṇe jānāti, evaṃ bhena jānitabbaguṇakāraṇaṃ kāreti. **Assarājavamseti** dussahaṃ dukkhaṃ patvāpi yathā ayaṃ rājavamsānurūpakiriyaṃ na jahissati, evaṃ sikkhāpane. Sikkhāpanameva hi sandhāya sabbattha **“kāraṇaṃ kāreti”**ti vuttaṃ tassa karaṇakārāpanapariyāyattā.

Yathā uttamajavo hotīti javadassanaṭṭhāne yathā hayo uttamajavaṃ na hāpesi, evaṃ sikkhāpeti. **Uttamahayabhāve, yathā uttamahayo hotīti** kammakaraṇakāle attano uttamasabhāvaṃ aniguhitvā avajjetvā yathā atthasiddhi hoti, evaṃ paramajavena sikkhāpeti. Yathā kiriyā vinā dabbampi vinā kiriyā na bhavati, evaṃ daṭṭhabbanti dassetuṃ “**tattha pakatiyā**”ti-ādi vuttāṃ.

Tatrāti tasmim̐ pakatiyā uttamahayasseva uttamahayakāraṇārahattā uttamajavapaṭipajjane. **Māsakhādakaghoṭakānanti** māsāṃ khādītva yathā tathā viguṇakhaluṅgakānaṃ. **Valañjakadaṇḍanti** raññā gahetabbasuvaṇṇadaṇḍaṃ. **Dhātupatthaddhoti** attanāva samuppāditadhātuyā upatthambhito hutvā.

Uttame sākhalyeti paramasakhilabhāve sakhilavācāya eva dametabbatāya. Tenāha “**muduvācāya hī**”ti-ādi.

Arahattaphalasammādiṭṭhiyāti phalasamāpattikāle pavattasammāñānaṃ. **Sammā ñānaṃ pubbe vuttasammādiṭṭhiyevāti** pana idaṃ phalasammādiṭṭhibhāvasāmaññena vuttāṃ. Keci pana “paccavekkhaṇāñāna”ti vadanti, taṃ na yujjati “asekkhenā”ti visesitattā. Tampi asekkhañānanti ce? Evampi nippariyāyasekkhaggahaṇe pariyāyasekkhaggahaṇaṃ na yuttameva, kiccabhedena vā vuttanti daṭṭhabbāṃ. Ekā eva hi sā paññā nibbānassa paccakkhakiriyāya sammādassanakiccaṃ upādāya “sammādiṭṭhi”ti vuttā, sammājānanakiccaṃ upādāya “sammāñāna”ti. Aññātāvindriyavasena vā **sammādiṭṭhi**, paññindriyavasena **sammāñānanti** evamettha attho daṭṭhabbo. Maggaphalāvahāya desanāya saṅkhepatova āgatattā vuttāṃ “**ugghaṭitaññupuggalassa vasenā**”ti.

Bhaddālisuttavaṇṇanāya līnatthappakāsānā samattā.

6. Laṭṭukikopamasuttavaṇṇanā

148. **Mahā-udāyittheroti** kāḷudāyi lāḷudāyittherehi añño mahādehatāya mahā-udāyīti sāsane paññāto thero. Apahari apaharati apaharissatīti **apahattā**. Tekāliko hi

ayaṃ saddo. **Upahattā**ti etthāpi eseva nayo. **Apahārakoti** upanetā.

Upahārakoti upanetā.

149. **Yanti** bhummatthe paccattavacanāṃ, tena ca anantaraniddiṭṭhasamayo paccāmaṭṭhoti āha “**yasmim̄ samaye**”ti. **Na bhagavantāṃ paṭiccā**ti na bhagavantāṃ ārammaṇāṃ katvā.

Kammanipphannatthanti attanā āyāciyamānakammasiddhi-atthāṃ. Bhavatīti bhū, na bhūti **abhū**, bhayavasena pana sā itthī “**abhum̄**”ti āha. **Ātu mātū**ti ettha yathā—

“**Āṅgā āṅgā sambhavasi**, hadayā adhiṅyase.

Atthā ve putta nāmāsi, sa jīva saradosatan”ti—

ādīsu¹ putto “**attā**”ti vuccati kulavasena santāne pavattanato, evaṃ pitāpi “**puttassa attā**”ti vuccati, yasmā “**bhikkhussa atthā mātā**”ti vattukāmā bhayavasena “**ātu mātū**”ti āha. Tenāha “**ātūti pitā**”ti-ādi.

150. **Evamevanti** idaṃ garahatthajotananipātapadanti vuttaṃ “**garahanto āhā**”ti. Tathā hi naṃ vācakasaddeneva dassento “**idhekacce moghapurisā**”ti āha. **Āhamsū**ti tesāṃ tathā vacanassa avicchedena pavattidīpananti āha “**vantī**”ti, **kimpanimassa appamattakassā**ti pahātabbavattum avamaññamānehi vuttaṃ. Tenāha “**kim panā**”ti. Tenāha “**appamattakassa hetū**”ti. Nanu appassantena viya asuṅantena viya bhavitabbanti? Satthārā nāma appamattakesu dosesu appassantena viya ca asuṅantena viya ca bhavitabbanti tesāṃ dhippāyena vivaraṇāṃ. **Tesu cā**ti sikkhākāmesu ca appaccayaṃ upaṭṭhāpentīti ānetvā sambandhitabbanti dasseti. **Tesantiye** “**moghapurisā**”ti vuttā puggalā, tesāṃ. **Gale baddham̄ mahākattanti** gale olambetvā baddham̄ rukkhadāṇḍamāha. **Pūtilatāyā**ti galociyā. **Pārājikavattu viya duppajaham̄ hotū**ti chandakappahānavasena taṃ pajahitum na sakkoti.

1. Kosītakī brāhmaṇa-upanisaganthe 2 ajjhāye 11 mante.

151. **Anussukkā**ti tassa pahātabbassa pahāne ussukkarahitā.
Apaccāsīsanapakketi tāya paradattavuttitāya kassaci paccayassa kutoci
 apaccāsīsakapakkhe ʒhitā hutvā suppajamaṃ hoti, na tassa pahāne bhāriyaṃ
 atthi.

152. **Daliddo** duggato. **Assakoti** asāpateyyo. **Gehayatthiyoti**
 gehachadanassa ādhārā, tā ujukaṃ tiriyaṃ ʒhapetabbadaṇḍā. Samantato
 bhittipādesu ʒhapetabbadaṇḍā **maṇḍalā**. **Kākātidāyinti** ito cito kākehi
 atipātavasena uḍḍetabbam. Tenāya “**yattha kiñcivevā**”ti-ādi. **Sūrakākā**ti
 kākānaṃ uḍḍepanākāramāha. **Naparamarūpanti** hīnarūpaṃ.
Vilivamañcakoti tālavettakādihi vītamañcako. Sā panassa santānānaṃ
 chinnabhinnatāya oluggaviluggatā, tathā sati sā visamarūpā hotīti āha
 “**oṇātā**”ti-ādi. So puggalo lūkhabhojī¹ hotīti āha “**dhaññaṃ nāma**
kudrūsako”ti. Samakālaṃ vapitabbatāya **samavāpakam**, yathā-utu
 vapitabbabījaṃ. **Jāyikā**ti kucchitā bhariyā, sabbattha garahāyaṃ ka-saddo.
So vatāhaṃ pabbajeyyanti sohaṃ kesamassuṃ ohāretvā pabbajjeyyaṃ,
 yohaṃ puriso nāma assaṃ vatāti pabbajjāvasena attano purisaṃ bodheyya.
 Taṃsabhāve ʒhitassa bodhā na tu dukkarā, sā **khaṭopikā**. Sā kumbhī.
 Meṇḍhakasetthino **aḍḍhatelāsāni koṭṭhāgārasatāni viya**.

153. **Suvaṇṇanikkhasatānanti** anekesaṃ suvaṇṇanikkhasatānaṃ. **Cayoti**
 santānehi nicayo avīci niccappabandhanicayo. Tenāya “**santānato**
katasannicayo”ti.

154. Heṭṭhā kiñcāpi appajahanakā paṭhamam dassitā, pajahanakā
 padhānā, tesaṅca vasenettha puggalacatukkaṃ dassitam. **Te tañceva**
pajahantīti pajahanakā paṭhāmaṃ gahitā. **Rāsivasenāti** “idhudāyi ekacco
 puggalo”ti-ādinā catukke āgatavibhāgaṃ anāmasitvā “te te”ti pacuravasena
 vuttaṃ. Tenāha “**na pāṭiyekkaṃ vibhattā**”ti. Avibhāgena gahitavatthūsu
 vibhāgato gahaṇaṃ lokasiddhametanti dassetuṃ “**yathā**”

1. Sākabhojī (Ka)

nāmā”ti-ādi vuttaṃ. **Pajahanakapuggalā**ti “te tañceva pajahantī”ti evaṃ pajahanakapuggalā eva.

Upadhi-anudhāvanakāti upadhīsu anu-anudhāvanakā upadhiyo ārabbhavattanakā. **Vitakkāyevā**ti kāmasaṅkappādivitakkāyeva. **Indriyanānattatā**ti vimuttiparipācakānaṃ indriyānaṃ paropariyattaṃ. Tassa hi vaseneva te cattāro puggalā jātā. Aggamaggaṭṭhāya vipassanaṃ ussukkāpetvā yāva na taṃ maggena samuggahānti, tāva nappajahanti nāma. Iti heṭṭhimā tayopi ariyā appahīnassa kilesassa vasena “nappajahantī”ti vuttā, pageva puthujjanā. Vuttanayena pana vipassanaṃ maggena ghaṭentā te cattāro janā aggamaggakkhaṇe pajahanti nāma, te eva tattha sīghakārino khippaṃ pajahanti nāma. Tenāha “**tatthā**”ti-ādi.

Saṃvegaṃ katvā aggim akkantaपुरiso viya. **Maggenā**ti anukkamāgatena aggamaggena. **Mahāhatthipadopameti** mahāhatthipadopamasutte¹. Tattha hi “tassa dhātārammaṇameva cittaṃ pakkhandati pasīdati santiṭṭhati adhimuccatī”ti² ettha atitikkhanātitikkhanātimanda-atimandapuggalavasena aṭṭhakathāyaṃ³ tayo vārā uddhaṭā, tattha majjhimavaseneva pañho kathito. **Indriyabhāvaneti** indriyabhāvanāsutte, tatthāpi majjhimanayeneva pañho kathito. Tenāha “**imesū**”ti-ādi.

Tanti “upadhī”ti vuttaṃ khandhapañcakaṃ. **Dukkhasa mūlanti** sabbassapi vaṭṭadukkhasa kāraṇaṃ. **Niggahaṇoti** nirupādāno. Tenāha “**nittaṇho**”ti.

155. **Ye pajahantī**ti “te tañceva pajahantī”ti evaṃ vuttapuggalā. **Te ime nāma ettake kilese pajahantī**ti ye te puthujjanā lābhino ca pañca kāmaguṇe ettake taṃtaṃjhānādivatthuke ca taṃtaṃmaggavajjhatāya paricchinnattā ettake kilese pajahanti. **Ye nappajahantī**ti ettha vuttanayānusārena attho veditabbo. **Asucisukhaṃ** kāyāsucisannissittā. **Anariyehī**ti aparisuddhehi. **Paṭilābhato bhāyitabbaṃ** kilesadukkhatikattā. **Vipākato bhāyitabbaṃ** apāyadukkhatikattā. **Gaṇatopi kilesatopi vivittasukhanti** gaṇasaṅgaṇikato ca

1. Ma 1. 242 piṭṭhe.

2. Ma 1. 243 piṭṭhe.

3. Ma-Ṭṭha 2. 129 piṭṭhe.

kilesasaṅgaṇikato ca vivittasukhaṃ. **Rāgādivūpasamatthāyāti** rāgādivūpasamāvahaṃ sukhaṃ. **Na bhāyitabbaṃ** sampati āyatiñca ekantahitabhāvato.

156. **Iñjitasminti** paccatte bhumavacananti āha “**iñjanan**”ti-ādi. Iñjati tenāti **iñjitaṃ**, tassa tassa jhānassa khobhakaraṃ oḷārikaṃ jhānaṅgaṃ. **Catutthajjhānaṃ aniñjanaṃ** sannisinnābhāvato. Tathā hi vuttaṃ “ṭhite āneñjappatte”ti¹.

Alaṃ-saddo yuttatthopi hoti “alameva nibbinditum, alaṃ vimuccitum”ti-ādīsu², tasmā **analaṃ** anusaṅgaṃ³ kātuṃ ayuttanti attho. Tenāha “**akattabba-ālayanti vadāmi**”ti. **Sanniṭṭhānanti** sammāpaṭipattiyaṃ alaṃ ettāvatāti ussāhapaṭippassambhanavasena sanniṭṭhānaṃ na kātābanti yojanā. Uddhambhāgiyasaññitaṃ **aṇuṃ vā** orambhāgiyasaññitaṃ **thūlaṃ vā**, rūparāgoti evarūpaṃ **aṇuṃ vā** kāmāsavo paṭighanti evarūpaṃ **thūlaṃ vā**, mudunā pavatti-ākāravisesena **appasāvajjaṃ**, kammabandhanaṭṭhena vā **appasāvajjaṃ**, tabbipariyāyato **mahāsāvajjaṃ** veditabbaṃ. Nātitikkhapaññassa vasena desanāya pavattattā “**neyyapuggalassa vasenā**”ti vuttaṃ. Sabbaso hi pariyādinnaṅkassa ariyapuggalassa vasena saññāvedayitanirodhassa āgatattā “**arahattanikūṭeneva niṭṭhāpitā**”ti vuttaṃ. Yaṃ panettha atthato na vibhattaṃ, taṃ suviññeyyameva.

Laṭukikopamasuttavaṇṇanāya līnatthappakāsanā samattā.

7. Cātumasuttavaṇṇanā

157. **Yathā-upanissayenāti** yo yo upanissayo yathā upanissayo, tena yathā-upanissayena sammāpayogena. **Paṭiṭṭhahissanti** sāsane paṭiṭṭhaṃ paṭilabhissanti. **Vasanaṭṭhānānāti** vassaggādivasena vasanaṭṭhānāni. **Sanṭhāpayamānāti** suvibhattabhāvena ṭhapentā.

Avinibbhogasaddanti vinibhuñjitvā gahetuṃ asakkuṇeyyasaddam. Vacīghosopi hi bahūhi ekaccaṃ pavattito ṭhānato ca dūrataro kevalaṃ

1. Dī 1. 76, 77; Ma 1. 314, 315, 346, 347; Vi 1. 5 piṭṭhesu.

2. Dī 2. 161; Saṃ 1. 387, 390, 393, 397, 398 piṭṭhesu.

3. Anusaṅgāya (Ka)

mahānigghoso eva hutvā sotapathamāgacchati. **Macchavilopeti** macche vilumpitvā viya gahaṇe, macchānaṃ vā nayane.

158. **Vavassaggattheti** nicchayatthe, idaṃ tāva amhehi vuccamānavacanaṃ ekantasotabbaṃ, pacchā tumhehi kātabbaṃ karoṭhāti adhippāyo. **Vacanaparihāro**ti tehi Sakyarājūhi vuttavacanaṃ parihāro. **Lesakappanti** kappiyalesaṃ. **Dhuravahāti** dhuravāhino, dhorayhāti attho. **Pādamūlanti** upacāraṃ vadati. **Vigacchassatī**ti hāyissati. **Paṭippharitoti** na bhagavato sammukhāva, Sakyarājūnaṃ puratopi vippharitova hoti.

159. **Abhinandatūti** abhimukho hutvā pamodatu. **Abhivadatūti** abhirūpavasena vadatu. **pasādaññathattanti** appasādassa vipariṇāmo hīnāyāvattanasaṅkhātaṃ parivattanaṃ. Tenāha “**vibbhamantānaṃ. Vipariṇāmaññatathan**”ti. Kāraṇūpacārena sassesu bījapariyāyoti āha “**bījānaṃ taruṇānanti taruṇasassānaṃ**”ti. Taruṇabhāveneva tassa bhāvino phalassa abhāvena **vipariṇāmo**.

160. Kattabbassa saraseneva karaṇaṃ cittaruciyaṃ, na tathā parassa ussādanenāti āha “**pakkosiyamānānaṃ gamanaṃ nāma na phāsukan**”ti. **Mayampi** bhagavā viya **diṭṭhadhammasukhavihāre**neva viharissāmāti **dīpeti**. Pakatiyā vivekajjhāsayabhāvato viraddho āgatassa bhārassa avahanatoyeva. Tenāha “**attano bhārabhāvaṃ na aññāsī**”ti.

161. **Kasmā ārabhīti?** Sappāyato. Pañcasatā hi bhikkhū abhinavā, tasmā tesāṃ ovādadanatthaṃ bhagavā imaṃ desanaṃ ārabhīti.

162. **Kodhupāyāsassāti** ettha kujjanaṭṭhena kodho, sveva cittassa kāyassa ca atippamaddanamathanuppādanehi daḷhaṃ āyāsattṭhena upāyāso. Anekavāraṃ pavattitvā attanā samavetaṃ sattaṃ ajjhottharivā sīsaṃ ukkhipituṃ adatvā anayabyasanapāpanena kodhupāyāsassa ūmisadisatā daṭṭhabbā. Tenāha “**kodhupāyāse**”ti-ādi.

163. **Odarikattena khāditoti** odarikabhāvena āmisagedhena micchājīvena jīvikākappanena nāsitasīlādiguṇatāya khāditadhammasarīro.

164. **Pañcakāmaguṇāvaṭṭe nimujjivāti** ettha kāmarāgābhibhūte satte ito ca etto, etto ca itoti evaṃ manāpiyarūpādivisayasāṅkhāte āvaṭṭe attānaṃ saṃsāretvā yathā tato bahibhūte nekkhamme cittampi na uppādeti, evaṃ āvaṭṭetvā byasanāpādanena kāmaguṇānaṃ āvaṭṭasadisatā daṭṭhabbā. Tenāha “**yathā hī**”ti-ādi.

165. **Rāgānuddhamṣitenāti** rāgena anuddhamṣitena. **Caṇḍhamaccharṃ āgammāti** susukādicāṇḍhamaccharṃ āgamma. **Mātugāmaṃ āgammāti** mātugāmo hi yonisomanasikārarahitaṃ adhīrapurisaṃ itthikuttabhūtehi attano hāvabhāvavilāsehi abhibhuyya gahetvā dhīrajātiyampi attano rūpādīhi palobhanavasena anavasesaṃ attano upakāradhamme silādike sampādetuṃ asamatthaṃ karonto anayabyasanaṃ pāpeti. Tenāha “**mātugāmaṃ āgamma uppannakāmarāgo vibbhamatī**”ti.

Bhayaṃ nāma yattha bhāyitabbavatthu, tattha otarantasseva hoti, na anotarantassa, taṃ otarivā bhayaṃ vinodetvā tattha kiccaṃ sādhetabbaṃ, itarathā catthasiddhi na hotīti imamatthaṃ upamopamitabbasarūpavasena dassetuṃ “**yathā**”ti-ādi vuttaṃ. Tattha **udakaṃ nissāya ānisaṃso** pipāsavinayanaṃ sarīrasuddhi pariḷāhūpasamo kāya-utuggāhāpananti evamādi. **Sāsanam nissāya ānisaṃso** pana saṅkhepato vaṭṭadukkhūpasamo, vitthārato pana silānisaṃsādivasena anekavidho, so **Visuddhimagge**¹ vuttanayena veditabbo. **Vuttappakāro ānisaṃso hoti** tāni bhayāni abhibhuyya pavattassāti adhippāyo. **Imāni abhāyivāti** imāni kodhūpāyāsādibhayāni abhibhuyya pavattitvā abhāyivā. Kodhūpāyāsādayo hi bhāyati etasmāti bhayanti vuttā. **Theroti mahādhammarakkhitatthero.** Kāmaṃ pahānābhisamayakālo eva sacchikiriyābhisamayo, sammādiṭṭhiyā pana saṃkilesavodānadhammesu kiccaṃ asaṃkiṇṇaṃ katvā dassetuṃ samānakālikampī asamānakālikaṃ viya vuttaṃ “**taṇhāsotaṃ chinditvā nibbānapāraṃ daṭṭhuṃ na sakkotī**”ti. Sesāṃ suviññeyyameva.

Cātumasuttavaṇṇanāya līnatthappakāsanā samattā.

1. Visuddhi 1. 9 piṭṭhe.

8. Naḷakapānasuttavaṇṇanā

166. Yattha bodhisattapamukho vānaro naḷakena pānīyaṃ pivī, sā pokkharāṇī, tassāmano bhūmippadeso, tattha niviṭṭhagāmo ca “naḷakapānan”teva paññāyittha, idha pana gāmo adhippetoti āha “**naḷaka pāneti evarānāmake gāme**”ti. Idāni tamatthaṃ āgamanato paṭṭhāya dassetuṃ “**pubbe kirā**”ti-āraddhaṃ. **Paññāvāti** itikattabbatāya paññāya paññāvā.

Thūladīghabāhulabhāvena mahatīhi dāṭhikāhi¹ samannāgatattā **mahādāṭhiko**. “Udakarakkhaso ahan”ti vatvā vānarānaṃ kañci amuñcitvā “sabbe tumhe mama hatthagatā”ti dassento “**tumhe pana sabbe khādissāmī**”ti āha. **Dhami -pa- pivimsūti** bodhisattena gahitanaḷo anavaseso abbhantare sabbasandhīnaṃ nibbādheṇa² ekacchiddo ahoṣi. **Neva maṃ tvaṃ vadhissasī**ti udakarakkhasa tvaṃ vadhitukāropi mama purisathāmena na vadhissasi.

Evam pana vatvā mahāsatto “ayaṃ pāpo ettha pānīyaṃ pivante aññepi satte mā bādhayitthā”ti karuṇāyamāno “ettha jāyantā naḷā sabbe apabbabandhā ekacchiddāva hontū”ti adhiṭṭhāya gato. Tenāha “**tato paṭṭhāyā**”ti-ādi.

167. Anuruddhappamukhā bhikkhū bhagavatā “kacci tumhe anuruddhā”ti pucchitāti thero “**taggha mayaṃ bhante**”ti-āha.

Sace pabbajati, jīvitaṃ labhissati, no aññathāti raññā pabbajjāya abhinītāti **rājābhinītā**. **Corābhinītāti** etthāpi eseva nayo. **Corānaṃ mūlaṃ chindanto** “kaṇṭakasodhanaṃ karissāmī”ti. **Ājīvikāyāti** ājīvena jīvitavuttiyā. **Imesu pana** Anuruddhattherādīsu.

Vivekanti pubbakālikakiriyappadhānaṃ “abyāpajjaṃ upetan”ti-ādīsu viyāti āha “**viviccā**”ti, viviccitvā vivitto hutvā vinā hutvāti attho. **Pabbajitakiccanti** pabbajitassa sārūpakiccaṃ. **Samaṇakiccanti** samaṇabhāvakaraṇakiccaṃ. Yadaggena hi pabbajitakiccaṃ kātuṃ na sakkoti, tadaggena samaṇabhāvakarampi kiccaṃ kātuṃ na sakkoti. Tenāha “**soyevā**”ti-ādi.

1. Dāṭhāhi (?)

2. Abhāvena (Ka)

168. **Appatisandhike** tāva byākaronto pavattīsu ṭhānaṃ atītoti katvā upapattīsu byākaroti nāma tattha patisandhiyā abhāvakkittanato. **Mahantatuṭṭhinoti** vipulapamodā.

169. **Imassāti** “assā”ti padassa atthavacanāṃ. Imassa ṭhitassa āyasmato sāmāṃ diṭṭho vā hoti anussavasuto vāti yojanā. **Samādhipakkhikā dhammā dhammāti adhippetā**, samādhi pana **evaṃvihārīti** ettha vihārasaddena gahito, **evaṃvimuttāti** ettha pana vimuttisaddena phalavimutti gahitā. **Caratopīti** samathavipassanācārena caratopi viharantassapi. Upāsaka-upāsikāṭhānesu labbamānampi¹ arahattaṃ appakabhāvato² pāḷiyaṃ anuddhaṭanti daṭṭhabbāṃ. Sesāṃ suviññeyyameva.

Naḷakapānasuttavaṇṇanāya līnatthappakāsanā samattā.

9. Goliyānisuttavaṇṇanā

173. **Padasamācāro**ti tamtampaccayabhedadassanāya vigatattā pakārehi daliddasamācāro, sithilasamācāroti attho. Yasmā pana tādiso samācāro thiro dalho nāma na hoti, tasmā vuttaṃ “**dubbalasamācāro**”ti. “Sākhāsamācāro”ti vā pāṭho, tattha tattha lagganaṭṭhena sākhāsadisassiloti attho. Tenāha “**oḷārikācāro**”ti **paccayesu sāpekkhoti** paccayesu sāpekkhatāya eva hissa oḷārikācāratā veditabbā. Garunā kismiñci vutte gāravavasena patissavanaṃ patisso, patissavacanabhūtaṃ taṃsabhāgañca yaṃ kiñci gāravanti attho. Saha patissenāti **sappatissena**, sappatissavena ovādasampañchanena. Patissīyatīti vā patisso, garukātabbo, tena saha patissenāti sabbaṃ pubbe viya. Tenāha “**sajetṭhakenā**”ti. **Serivihāro** nāma attappadhānavāso. Tenāha “**niraṅkusavihārenā**”ti.

Anupakhajjāti anupakaḍḍhitvā, garuṭṭhāniyānaṃ antaraṃ anāpucchā anupavisitvāti imamatthaṃ dassetuṃ “**tattha yo**”ti-ādi vuttaṃ.

1. Labhantampi (Ka)

2. Appatabhāvato (Ka)

Ābhisamācārikanti abhisamācāre bhavaṃ. Kiṃ pana tanti āha “**vattapaṭipattimattampī**”ti. Nātikālasseva saṃghassa purato pavisitabbaṃ, na pacchā paṭikkamitabbanti adhippāyena atikāle ca gāmapaveso atidivā paṭikkamanañca nivāritā, taṃ dassetuṃ “**na atipāto**”ti-ādi vuttaṃ. **Uddhaccapakatikoti** vibbhantacitto. **Avacāpalyenāti** dalhavātāpahatapallavasadisena lolabhāvena.

Pañnavatāti iminā bhikkhusārappesu itikattabbesu upāyapaññā adhippetā, na sutamayapaññā. **Abhidhamme abhivinaye yogoti** iminā bhāvanāpaññā-uttarimanussadhamme yogo pakāsito. **Yogoti** ca paricayo uggaṇhavasena.

Āruppāti iminā catassopi arūpasamāpattiyo gahitā, tā pana catūhi rūpasamāpattihi vinā na sampajjantīti āha “**āruppāti ettāvātā aṭṭhapi samāpattiyo vuttā hontī**”ti. **Kasiṇeti** dasavidhe kasiṇe. **Ekam** **parikkammakammaṭṭhānanti** yaṃ kiñci ekabhāvanāparikkammadīpanaṃ khandhakammaṭṭhānaṃ. Tenāha “**paṇaṇaṃ katvā**”ti. Kasiṇaparikkammaṃ pana taggahaṇeneva gahitaṃ hoti, lokiyā uttarimanussadhammā heṭṭhā gahitāti āha “**uttarimanussadhammeti iminā sabbepi lokuttaradhamme dasseti**”ti. **Neyyapuggalassa vasenāti** jānitvā vitthāretvā nātābbapuggalassa vasenāti.

Goliyānisuttavaṇṇanāya līnatthapakāsanā samattā.

10. Kīṭāgirisuttavaṇṇanā

174. **Pañca ānisaṃseti** appābādhatādike pañca guṇe. Tattha akkhirogakucchirogādīnaṃ abhāvo **appābādhatā**. Sarīre tesāṃ kuppanadukkhassa abhāvo **appātaṅkaṃ**. Sarīrassa uṭṭhānasukhatā **lahuṭṭhānaṃ**. **Balaṃ** nāma kāyabalaṃ. **Phāsuvihāro** iriyāpathasukhatā. **Anupakkhandānīti** duccajanavasena sattānaṃ anupaviṭṭhāni. **Sañjānisathāti** ettha itī-saddo ādi-attho, tasmā itī evaṃ ānisaṃsanti attho.

175. Āvāse niyuttāti **āvāsikā** tassa anativattanato. Tenāha “**nibaddhavāsino**”ti, niyatavāsīnoti attho.

Tannibandhāti nibandham vuccati byāpāro, tattha bandhā pasutā ussukāti tannibandhā. Katham te tattha nibandhāti āha “**akataṃ senāsanam**”ti-ādi. Uppajjanakena kālena pattabbam **kālikam**. So pana kālo anāgato eva hotīti āha “**anāgate kāle pattabban**”ti.

178. **Ettakā vedanā sevitabbā**ti aṭṭhārasapi nekkhammanissitā vedanā sevitabbā, gehassitā **na sevitabbā**.

181. **Tam kataṃ** soḷasavidhassapi kiccassa niṭṭhitattā. **Anulomikānī**ti utusukhabhāvena anurūpāni. Tenāha “**kammaṭṭhānasappāyānī**”ti. **Samānam kurumānā**ti omattataṃ adhimattatañca pahāya samakiccataṃ sampādentā.

182. **Te dve hontīti** te ādito vuttā dve.

Ubhato¹ ubhayathā ubhoḥi bhāgehi vimuttoti **ubhatobhāgavimutto** ekadesasarūpekasesanayena. Tathā hi vuttaṃ **abhidhammaṭṭhakathāyam**² “dvīhi bhāgehi dve vāre vimuttoti ubhatobhāgavimutto”ti. Tattha keci tāva therā “samāpattiyā vikkhambhanavimokkhena, maggena samucchadavimokkhena vimuttoti ubhatobhāgavimutto”ti vadanti. Aññe therā “ayam ubhatobhāgavimutto rūpato muccivā nāmaṃ nissāya ṭhito puna tato muccanato nāmanissitako”ti vatvā tassa ca sādhamam—

“Accī yathā vātavegena khittā, (Upasivāti bhagavā,)

Attham paleti na upeti saṅkham.

Evaṃ muni nāmakāyā vimutto,

Attham paleti na upeti saṅkham”ti³—

imaṃ suttapadam vatvā “nāmakāyato ca rūpakāyato ca suvimuttattā ubhatobhāgavimutto”ti vadanti. Sutte hi ākiñcaññāyatanaḷbhino upasivabrāhmaṇassa bhagavatā nāmakāyā vimuttoti ubhatobhāgavimuttoti akkhātoti. Apare pana “samāpattiyā

1. Am-Ṭī 3. 149 piṭṭhādīsopi passitabham.

2. Abhi-Ṭṭha 3. 41 piṭṭhe.

3. Khu 1. 440; Khu 8. 12, 108, 110 piṭṭhesu.

vikkhambhanavimokkhena ekavāraṃ vimutto, maggena samucchedavimokkhena ekavāraṃ vimuttoti evaṃ ubhatobhāgavimutto”ti vadanti. Ettha paṭhamavāde dvīhi bhāgehi vimuttoti ubhatobhāgavimutto. Dutiyavāde ubhatobhāgato vimuttoti ubhatobhāgavimutto. Tatiyavāde pana dvīhi bhāgehi dve vāre vimuttoti ayametesam viseso. Kilesehi vimutto, kilesā vā vikkhambhanasamucchedehi kāyadvayato vimuttā assāti ayamatto daṭṭhabbo. Tenāha “**dvīhi bhāgeti**”ti-ādi.

Soti ubhatobhāgavimutto. Kāmañcetha rūpāvacaracattahjñānampi arūpāvacarajñānaṃ viya duvaṅgikaṃ āneñjappattanti vuccati, taṃ pana padaṭṭhānaṃ katvā arahattaṃ patto ubhatobhāgavimutto nāma na hoti rūpakāyato avimuttattā. Taṃ hi kilesakāyatova vimuttaṃ, na rūpakāyato, tasmā kato vuṭṭhāya arahattaṃ patto ubhatobhāgavimutto na hotīti āha “**catunnaṃ arūpa -pa- pañcavidho hoti**”ti. “Rūpī rūpāni passatī”ti-ādike nirodhasamāpatti-ante aṭṭha vimokkhe vatvā¹ “yato ca kho Ānanda bhikkhu ime aṭṭha vimokkhe kāyena phusitvā viharati, paññāya cassa disvā āsavā parikkhīṇā honti, ayaṃ vuccati Ānanda bhikkhu ubhatobhāgavimutto”ti yadipi **mahānidāne**² vuttaṃ, taṃ pana ubhatobhāgavimuttaseṭṭhavasena vuttanti idha sabba-ubhatobhāgavimuttasaṅgahaṇatthaṃ “**pañcavidho hoti**”ti vatvā “**pāli panettha -pa- abhidhamme aṭṭhavimokkhalābhino vasena āgatā**”ti āha. Idhāpi hi kīṭāgirisutte “idha bhikkhave ekacco puggalo -pa- ubhatobhāgavimutto”ti arūpasamāpattivasena cattāro ubhatobhāgavimuttā, seṭṭho ca vutto vuttalakkaṇūpapattito. Yathāvuttesu hi pañcasu purimā cattāro nirodhaṃ na samāpajjantīti pariyāyena ubhatobhāgavimuttā nāma. Aṭṭhasamāpattilābhī anāgāmī taṃ samāpajjitvā tato vuṭṭhāya vipassanaṃ vaḍḍhetvā arahattaṃ pattoti nippariyāyena ubhatobhāgavimuttaseṭṭho nāma.

Katamo ca puggaloti-ādīsu katamoti pucchāvacaṇaṃ, **puggaloti** asādhāraṇato pucchitabbavacaṇaṃ. **Idhāti** imasmim sāsane. **Ekaccoti**

1. Patvā (Ka) Mūlaṭṭi 3. 34 piṭṭhe pana passitabbam.

2. Dī 2. 60 piṭṭhe.

eko. **Aṭṭha vimokkhe kāyena phusitvā viharatīti** aṭṭha samāpattiyo sahajātanāmakāyena paṭilabhitvā viharatī. **Paññāya cassa disvā āsavā parikkhīṇā hontīti** vipassanāpaññāya saṅkhāragataṃ, maggapaññāya cattāri saccāni passitvā cattāropi āsavā parikkhīṇā hontīti evamattho daṭṭhabbo.

Paññāvimuttoti visesato paññāya eva vimutto, na tassā¹ paṭiṭṭhānabhūtena aṭṭhavimokkhasaṅkhātena sātisayena samādhināti paññāvimutto. Yo ariyo anadhigata-aṭṭhavimokkhena sabbaso āsavehi vimutto, tassetāṃ adhivacaṇaṃ. Adhigatepi hi rūpajjhānavimokkhe na so sātisayasamādhinissitoti na tassa vasena ubhatobhāgavimutto hotīti vuttovāyamatto. Arūpajjhānesu pana ekasmimpi sati ubhatobhāgavimuttotoyeva nāma hoti. Tena hi aṭṭhavimokkhekadesena taṃnāmadānasamatthena aṭṭhavimokkhalābhīteva vuccati. Samudāye hi pavatto vohāro avayavepi dissati yathā “sattisayo”ti. **Pālīti** abhidhammapāli. **Etthāti** etissaṃ paññāvimuttikathāyaṃ. **Aṭṭhavimokkhapaṭikkhepavasenevāti** avadhāraṇena idhāpi paṭikkhepavaseneva āgatabhāvaṃ dasseti. Tenāha “kāyena phusitvā viharatī”ti.

Phuṭṭhantaṃ sacchikarotīti phuṭṭhānaṃ anto phuṭṭhanto, phuṭṭhānaṃ arūpajjhānānaṃ anantaro kāloti adhippāyo. Accantasāmyoge cetāṃ upayogavacaṇaṃ, phuṭṭhānantarakārameva sacchikaroti sacchikātabbopāyenāti vuttaṃ hoti. Bhāvanapūmsakaṃ vā etaṃ “ekamantaṃ nisīdi”ti-ādīsu² viya. Yo hi arūpajjhānena rūpakāyato nāmakāyekadesato ca vikkhambhanavimokkhena vimutto, tena nirodhasaṅkhāto vimokkho ālocito pakāsito viya hoti, na pana kāyena sacchikato, nirodhaṃ pana ārammaṇaṃ katvā ekaccesu āsavesu khepitesu tena so sacchikato hoti, tasmā so sacchikātabbaṃ nirodhaṃ yathā-ālocitaṃ nāmakāyena sacchikarotīti “kāyasakkhī”ti vuccati, na tu “vimutto”ti ekaccānaṃ āsavānaṃ aparikkhīṇattā.

1. Na tassa (Am-Ṭī 3. 151 piṭṭhe.)

2. Vi 1. 1 piṭṭhe.

Tenāha “**jhānaphassaṃ paṭhamam phusati, pacchā nirodham nibbānam sacchikaroti**”ti. Ayam catunnam arūpasamāpattīnam ekekato vuṭṭhāya saṅkhāre sammasitvā kāyasakkhibhāvam pattānam catunnam, nirodhā vuṭṭhāya aggamaggappatta-anāgāmino ca vasena ubhatobhāgavimutto viya pañcavidho nāma hoti. Tena vuttam **abhidhammaṭīkāyam**¹ “kāyasakkhimhipi eseva nayo”ti.

Diṭṭhantam patti hoti dassanasāṅkhātassa sotāpattimaggañāṇassa anantaram patti hoti. “Diṭṭhattā patto”tipi pāḥo. Etena catusaccadassanasāṅkhātāya diṭṭhiyā nirodhassa pattatam dīpeti. Tenāha “**dukkhā saṅkhārā, sukho nirodhoti ñātam hoti**”ti. Tattha **paññāyāti** maggapaññāya. Paṭhamaphalaṭṭhato yāva aggamaggatṭhā, tāva **diṭṭhippatto**. Tenāha “**sopi kāyasakkhi viya chabbidho hoti**”ti. Yathā pana paññāvimutto pañcavidho vutto, evam ayampi sukkhavipassako, catūhi rūpajjhānehi vuṭṭhāya diṭṭhippattabhāvappattā cattāro cāti pañcavidho hotīti veditaḥho. Saddhāvimuttepi eseva nayo. **Idam dukkhanti** ettakam dukkham na ito uddham dukkhanti. **Yathābhūtam pajānāti** ṭhapetvā taṇham upādānakkhandhapañcakam dukkhasaccanti yathāvato pajānāti. Yasmā pana taṇhā dukkham janeti nibbatteti, tato tam dukkham samudeti tasmā nam “**ayam dukkhasamudayo**”ti **yathābhūtam pajānāti**. Yasmā pana idam dukkham samudayo ca nibbānam patvā nirujjhati appavattim gacchati, tasmā “**ayam dukkhanirodho**”ti **yathābhūtam pajānāti**. Ariyo pana aṭṭhaṅgiko maggo tam dukkhanirodham gacchati, tena “**ayam dukkhanirodhagāminipaṭipadā**”ti **yathābhūtam pajānāti**. Ettāvata nānakkhaṇe saccavavattānam dassitam. Idāni tam ekakkhaṇe dassetum “**tathāgatappaveditā**”ti-ādi vuttam, tassattho āgamissati.

Saddhāya vimuttoti etena sabbathā avimuttassapi saddhāmattena vimuttabhāvo dīpito hoti. **Saddhāvimuttoti** vā saddhāya adhimuttoti attho. **Vuttanayenevāti** “sotāpattiphalan”ti-ādinā vuttanayena. **Saddahantassāti** “ekamsato ayam paṭipadā kilesakkhayaṃ āvahati sammāsambuddhena bhāsitatthā”ti evam saddahantassa. Yasmā panassa

1. Mūlaṭī 3. 35 piṭṭhe.

aniccānupassanādīhi niccasaññāpahānavasena bhāvanāya pubbenāparam
visesam passato tattha tattha pacakkhatāpi atthi, tasmā vuttam
“**saddahantassa viyā**”ti. Sesapadadvayam tasseva vevacanam. Ettha ca
pubbabhāgamaggabhāvanāti vacanena āgamanīyapaṭipadānānattena
saddhāvimuttadīṭhippattānam paññānānattam hotīti dassitam.

Abhidhammaṭṭhakathāyampi¹ “nesam kilesappahāne nānattam natthi,
paññāya nānattam atthiyevā”ti vatvā “āgamanīyanānatteneva saddhāvimutto
dīṭhippattam na pāpuṇātīti sanniṭṭhānam katan”ti vuttam.

Paññāsankhātam dhammam adhimattatāya pubbaṅgamaṃ hutvā
pavattam anussaratīti **dhammānusārī**. Tenāha “**dhammo**”ti-ādi. Saddham
anussarati saddhāpubbaṅgamaṃ maggaṃ bhāvetīti imamattham “**eseva
nayo**”ti atidisati. Paññam vāhetīti **paññāvāhī**, paññam sātisayam pavattetīti
attho. Tenāha “**paññāpubbaṅgamaṃ ariyamaggaṃ bhāveti**”ti. **Saddhāvāhinti**
ettha vuttanayena attho veditabbo. **Ubhatobhāgavimuttādīkathā**ti
ubhatobhāgavimuttādīsu āgamanato paṭṭhāya vattabbakathā. **Etesanti**
yathāvuttānam ubhatobhāgavimuttādīnam. **Idhā**ti imasmim kīṭāgirisutte.
Nanu ca aṭṭhasamāpattilābhivasena ubhatobhāgavimutto kāyasakkhī-ādayo
ca abhidhamme² āgatā, kathamidha arūpajjhānalābhivaseneva uddhaṭāti
codanam sandhāyāha “**yasmā**”ti-ādi.

Phusitvā patvā. **Paññāya cassa disvā āsavā parikkhīṇā hentīti** na āsavā
paññāya passīyanti³, dassanakāraṇā paññāya parikkhīṇā “disvā paññāya
parikkhīṇā”ti vuttā. Dassanāyattaparikkhayattā eva hi dassanam āsavānam
khayassa purimakiriyā hotīti. **Tathāgatena paveditā**ti Bodhimaṇḍe nisīditvā
tathāgatena paṭividdhā viditā pacchā paresam pākaṭīkatā.

“**Catusaccadhammā**”ti vatvā tadantogadhattā sīlādīnam “**imasmim ṭhāne
sīlam kathitan**”ti-ādi vuttam. **Atthenā**ti avippaṭisārādipayojanena tasmim
tasmim pīti-ādīkena⁴ atthena. **Kāraṇenā**ti sappurisūpanissayādīnā kāraṇena
tasmim tasmim

1. Abhi-Ṭṭha 3. 43 piṭṭhe.

3. Passanti (Mūlaṭi 3. 35 piṭṭhe.)

2. Abhi 3. 117 piṭṭhe.

4. Sīlādīkena (Ka)

samādhī-ādīpadaṭṭhānatāya silādīkāraṇe. **Ciṇṇacaritattāti** saddhāciṇṇabhāvena sambodhāvahabhāve. Tattha tattha **vicarītā** viśesena carītā, tesu tena paññā suṭṭhu carāpitāti attho. **Paṭiṭṭhitā hoti** maggena āgatattā. **Mattāya** parittappamāṇena. **Olokanam khamanti**, paññāya gahetabbataṃ upenti.

Tayoti kāyasakkhidiṭṭhippattasaddhāvimuttā. **Yathāṭṭhitova pāli-attho**, na tattha kiñci niddhāretvā vattabbaṃ atthīti suttantapariyāyena avuttam vadati. **Tassa maggassāti** sotāpattimaggassa yaṃ kātappaṃ, tassa adhigatattā. **Upari pana tiṇṇaṃ maggānaṃ atthāya sevamānā** anulomasenāsanam, **bhajaṃānā** kalyāṇamitte, **samannāyamaṇā** indriyāni **anupubbena** bhāvanāmaggaṭṭhāpāṭiyā **arahattaṃ pāpuṇissanti** maggassa anekacittakkaṇikatāyāti ayamettha suttapadesa pāliya attho.

Imameva pāliṃ gahetvāti “katamo ca puggalo saddhānusārī”ti maggaṭṭhe puggale vatvā “imassa kho aham bhikkhave”ti-ādīna tesam vasena anulomasenāsanasevanādīnaṃ vuttattā imameva yathāvuttam pālipadesam gahetvā “**lokuttaradhammo bahucittakkaṇiko**”ti vadati. **So vattabboti** so vitaṇḍavādī evam vattabbo. Yadi maggaṭṭhapuggale vatvā anulomikasevanāsanasevanādi pāliyam vuttanti maggasamaṅgino eva hutvā te tathā paṭipajjanti, evam sante senāsanapaṭisaṃyuttarūpādivipassanaggahaṇasmim tava matena maggasamaṅgino eva āpajjeyyūṃ, na cetam evam hoti, tasmā suttam me laddhanti yaṃ kiñci mā kathehīti vāretabbo. Tenāha “**yadi aññena cittaṇā**”ti-ādī. Tattha **evam santeti** nānācitteneva senāsanapaṭisevanādike sati. Tattha pāliyam yadi lokuttaradhammasamaṅgino eva pañcaviññāṇasamaṅgikālepi lokuttarasamaṅgitaṃ **sace sampaṭicchasi, satthārā saddhīm paṭivirujjhasi** suttavirodhadīpanato. Tenāha “**satthārā hī**”ti-ādī. Dhammavicāraṇā nāma tuyham avisayo, tasmā **yāguṃ pivāhīti uyyojetabbo**.

183. **Ādikenevāti** paṭhameneva. **Anupubbāsikkhāti** anupubbeneva pavattasikkhāya. Tenāha “**karaṇatthe paccattavacanan**”ti. Saddhā jātā etassāti **saddhājāto**, agyāhitātīpakkepena jāta-saddassa

pacchāvacaṇaṃ. Evametanti adhimuccaṇaṃ **okappaniyasaddhā**. **Santike nisīdati** upaṭṭhānavasena. **Sādhukaṃ katvā dhāretīti** yathāsutaṃ dhammaṃ vācuggatakaṇavasena taṃ paḡaṇaṃ katvā sāravasena dhāreti. **Chando jāyatīti** dhammesu niḡhānakkhamesu ime dhamme bhāvanāpaññāya paccakkhato ñassāmīti kattukamyatākusalacchando jāyati. **Ussahatīti** chando uppādamatte aṭṭhatvā tato bhāvanārambhavasena ussahati. **Tulayati** sammasanavasena saṅkhāre. **Tiraṇavipassanāya tulayantoti** tiraṇapariññāya jānitvā upari pahānapariññāya vasena paritulayanto paṭijānanto. **Maggapadhānaṃ padahatīti** maggalakkhaṇaṃ padhānikaṃ maggaṃ padahati. **Pesitacittoti** nibbānaṃ pati pesitacitto. **Nāmakāyenāti** maggappaṭipāṭiyā taṃtaṃmaggasampayuttanāmakāyena. **Na pana kiñci āhāti** dūratāya samānaṃ na kiñci vacanaṃ bhagavā āha te daḡhatarāṃ niggaṇhituṃ.

184. Paṇena vohārena byākaraṇaṃ **paṇaviyā**, paṇaviyā abhāvena **opaṇaviyā**. **Na upetīti** na yujjati. Tanti idaṃ idha adhippetāṃ **paṇopaṇaviyaṃ dassetuṃ**. Tayidaṃ sabbaṃ bhagavā “mayāṃ kho āvuso sāyañceva bhūñjāmā”ti assajipunabbasukehi vuttaṃ sikkhāya avattanabhāvadīpanavacanaṃ sandhāya vadati.

Ukkhipitvāti sīsena gahetvā viya samādāya. **Anudhammoti** anurūpo sabhāvo, sāvaka bhāvassa anucchavikā paṭipatti. **Rohanīyanti** viruḡhibhāvaṃ. Siniyhati ettha, etena vāti sineho, kāraṇaṃ. Taṃ ettha atthīti **sinehavantaṃ**, pādakanti attho. **Taco ekaṃ aṅganti** taco vīrapakkhabhāve ekamaṅgaṃ. Padhānaṃ anuyuñjantassa hi tace palujjamānepi taṃ nimittaṃ avosānaṃ anāpajjanakasseva vīriyassa ekaṃ aṅgaṃ ekaṃ kāraṇaṃ. Evaṃ sesesu vattabbaṃ. Tenāha “**arahattaṃ appatvā na vuṭṭhahissāmīti evaṃ paṭipajjati**”ti. Sesaṃ suviññeyyameva.

Kīṭāgirisuttavaṇṇanāya līnatthappakāsanā samattā.

Niṭṭhitā ca bhikkhuvaggavaṇṇanā.

3. Paribbājakavagga

1. Tevijjavacchasuttavaṇṇanā

185. **Tatthā**ti ekapuṇḍarīkasaññite paribbājakārāme. Anāgatapubbo lokiyasamudāhāravasena “**cirassam kho bhante**”ti-ādinā vuccati, ayaṃ panettha āgatapubbataṃ upādāya tathā vutto. Bhagavā hi kesañci vimuttijanattham, kesañci indriyaparipākattham, kesañci visesādhigamattham kadāci tiṭṭhiyārāmaṃ upagacchati. **Ananuññāya thatvāti** ananujānitabbe thatvā. **Anujānitabbaṃ siyā** anaññātassa ñeyyassa abhāvato. Yāvatakaṃ hi ñeyyaṃ, tāvatakaṃ bhagavato ñāṇaṃ, yāvatakañca bhagavato ñāṇaṃ, tāvatakaṃ ñeyyaṃ. Tenevāha “na tassa adiṭṭhamidhatthi kiñci, atho aviññātamañānitabbaṃ”ti-ādi¹. **Sabbaññutaññāṇena hi** bhagavā **āvajjetvā pajānāti**. Vuttaṃ hetam “āvajjanapaṭibaddham buddhassa bhagavato ñāṇaṃ”ti². Yadi evaṃ “caraṃ samāhito nāgo, tiṭṭham nāgo samāhito”ti³ idaṃ suttapadaṃ kathanti? Vikkhepābhāvadīpanapadametaṃ, na anāvajjanenapī ñāṇaṃ pavattiparidīpanaṃ. Yaṃ panettha vattabbaṃ, taṃ heṭṭhā vitthārato vuttameva.

186. **Yāvadevāti** idaṃ yathārucci pavatti viya aparāparuppattipi icchitabbāti tadabhāvaṃ dassento āha “**sakirā khīṇānaṃ āsavānaṃ puna khettabbābhāvā**”ti. **Paccuppannañānaguṇanti** idaṃ dibbacakkuññāssa paribhaṇḍañāṇaṃ anāgataṃsaññāṇaṃ anādiyitvā vuttaṃ, tassa pana vasena anāgataṃsaññāṇaṃ dassetīti vattabbaṃ siyā.

Gihiparikkhāresūti vatthābharaṇādidhanadhaññādigihiparikkhāresu. Gihiliṅgaṃ pana appamaṇaṃ, tasmā ghibandhanaṃ chinditvā dukkhassantakarā hontiyeva. Sati pana dukkhassantakiriyāya gihiliṅge te na tiṭṭhantiyevāti dassento “**yeṭī**”ti-ādimāha. **Sukkhāpetvā** samucchinditvā. Arahattaṃ pattadivaseyeva pabbajanaṃ vā parinibbānaṃ vāti ayaṃ nayo na sabbasādhāraṇoti āha “**bhūmadevatā pana tiṭṭhanti**”ti. Tattha

1. Khu 7. 280; Khu 8. 93; Khu 9. 127 piṭṭhesu.

2. Khu 11. 109 piṭṭhe.

3. Am 2. 304 piṭṭhe.

kāraṇavacanaṃ “**niliyanokāsassa atthitāyā**”ti.

Araññapabbatādipavivekaṭṭhānaṃ **niliyanokāso. Sesakāmabhaveti** kāmaloke. **Laḷitajanassāti** ābharaṇālankāranaccagītādivasena vilāsayuttajanassa.

Sopīti “so aññatra ekenā”ti vutto sopi. Karato na karīyati pāpanti evaṃ **na kiriyam paṭibāhati**. Yadi attānaṃyeva gahetvā katheti, atha kasmā mahāsatto tadā ājīvakapabbajjāṃ upagacchīti āha “**tadā kirā**”ti-ādi. **Tassapīti** na kevalaṃ aññesaṃ eva pāsaṇḍānaṃ, tassapī. **Vīriyam na hāpesīti** tapojigucchavādaṃ samādiyitvā ṭhito virāgatthāya taṃ samādiṇṇavattaṃ na pariccajī, satthusāsaṇaṃ na chaḍḍesi. Tenāha “**kiriyavādī hutvā sagge nibbattati**”ti.

Tevijjavacchasuttavaṇṇanāya līnatthappakāsanaṃ samattā.

2. Aggīvacchasuttavaṇṇanā

187. Lokassa sassatāpavattipaṭikkhepavasena pavatto vādo ucchedavādo eva hotīti sassataggāhābhāve ucchedaggāhabhāvato puna paribbājakena “asassato loko”ti vadantena ucchedaggāho pucchito, bhagavatāpi so eva paṭikkhittoti āha “**dutiye nāhaṃ ucchedadiṭṭhiko**”ti. **Antānantikādivasenāti** ettha **antānantikaggahaṇena** antavā loko anantavā lokoti imaṃ vādadvayamāha. **Ādi-saddena** “taṃ jīvaṃ taṃ sarīraṃ”ti-ādi vādacatukkaṃ saṅgaṇhāti, itaraṃ pana dvayaṃ sarūpeneva gahitanti. **Paṭikkhepo veditabboti** “tatiye nāhaṃ antavādiṭṭhiko, catutthe nāhaṃ anantavādiṭṭhiko”ti evamādinā paṭikkhepo veditabbo. “Hoti tathāgato paraṃ maraṇā”ti ayampi sassatavādo, so ca kho aparantakappokavasena, “sassato loko”ti pana pubbantakappikavasenaṃ ayametesaṃ viseso. “Na hoti tathāgato paraṃ maraṇā”ti ayampi ucchedavādo, so ca kho sattavasena, “asassato loko”ti pana sattasaṅkhāravasenaṃ vadanti.

189. Sappatibhayaṃ uppajjanato saha dukkhenāti **sadukkhāṃ**. Tenāha “**kilesadukkhena**”ti-ādi. **Tesaṃyevā**ti kilesadukkhavipākadukkhānamyeva. **Sa-upaghātakanti** sabādham. **Sa-upāyāsanti** saporissamaṃ sa-upatāpaṃ sapīḷaṃ. **Saparīḷahanti** sadaratham.

Kiñci diṭṭhigatanti imā tāva aṭṭha diṭṭhiyo mā hontu, atthi pana bho gotama yaṃ kiñci diṭṭhigataṃ gahitaṃ. Na hi tāya diṭṭhiyā vinā kañci samayaṃ pavattetuṃ yujjati adhippāyena pucchati. **Apaviddhanti** samucchadappahānavasena chaḍḍitaṃ. **Paññāya diṭṭhanti** vipassanāpaññāsahitāya maggapaññāya bhagavatā paṭividdham. Yattha uppajjanti, taṃ sattaṃ mathenti sammaddantīti **mathitā**ti āha “**mathitānanti tesaṃyeva vevacanan**”ti. **Kañci dhammanti** rūpadhammaṃ, arūpadhammaṃ vā. **Anupādiyivā**ti aggahetvā.

190. **Na upetī**ti saṅkham na gacchatīti atthoti āha “**na yujjati**”ti. **Anujānitabbaṃ siyā** anupādāvimmuttassa kañcīpi¹ uppattiyā abhāvato. “Evaṃ vimuttacitto na upapajjati”ti kāmāñcetaṃ sabhāvapavedanaṃ parinibbānaṃ, eke pana ucchedavādino “mayampi ‘satto āyatim na upapajjati’ti vadāma, samaṇo gotamopi tathā vadati”ti ucchedabhāveyyeva paṭiṭṭhahissanti, tasmā bhagavā “na upapajjati kho vaccha na upeti”ti āha. “Upapajjati”ti pana vutte sassatameva gaṇheyyāti yojanā. Sesadvayepi eseva nayo. **Appatitṭhoti** ucchedavādādivasena paṭiṭṭhārahito. **Anālamboti** tesaṃyeva vādānaṃ olambārammaṇassa abhāvena anālambo. **Sukhapavesanaṭṭhānanti** tesaññeva vādānaṃ sukhapavesanokāsaṃ **mā labhatūti**. **Ananuññāya ṭhatvā**ti “na upapajjati”ti-ādinā anujānitabbāya paṭiññāya ṭhanahetu. **Anuññampī**ti anujānitabbampi dutiyapañham **paṭikkhipi**. Pariyatto pana dhammo atthato paccayākāro evāti āha “**dhammoti paccayākāradhammo**”ti. **Aññattha payogenā**ti imamahā niyyānikasāsanā aññasmim micchāsamaye pavattappayogena, aniyyānikaṃ vividham micchāpaṭipattim paṭipajjantenāti attho. “Aññavādiyakenā”tipi pāṭho, paccayākārato aññākāradīpaka-ācariyavādam paggayha tiṭṭhantenāti attho.

191. **Appaccayoti** anupādāno, nirindhanoti attho.

192. **Yena rūpenāti** yena bhūtupādādibhedena rūpadhammena. **Tam rūpaṃ** tappaṭibaddhasaṃyojanappahānena khīṇāsavatathāgatassa **pahīnaṃ** anuppattidhammataṃ āpannaṃ. Tena vuttaṃ pāliyaṃ “anuppādadhamman”ti-ādi. Aññesaṃ jānanāya abhāvaguṇatāya **guṇagambhīro**. “Ettakā guṇā”ti **pamāṇaṃ gaṇhituṃ na sakkuṇeyyo**. “Īdisā etassa guṇā”ti pariyogāhituṃ asakkuṇeyyatāya **duppariyogāḷhoti**. **Dujjānoti** agādhatāya gambhīro “ettakāni udakaḷhakasatāni”ti-ādinā pametuṃ na sakkāti appameyyo, tato eva dujjāno. **Evamevāti** yathā mahāsamuddo gambhīro appameyyo dujjāno, evameva khīṇāsavopi guṇavasena tasmā ayaṃ rūpādiṃ gahe tvā rūpīti-ādivohāro bhaveyya, parinibbutassa pana tadabhāvā tathā paññāpetuṃ na sakkā, tato taṃ ārabba upapajjātīti-ādi na yujjeyya. Yathā pana vijjāmāno eva jātavedo byattena purisena nīyamāno puratthimādidisaṃ gatoti vucceyya, na nibbuto, evaṃ khīṇāsavopīti dassento “**evamevā**”ti-ādimāha.

Aniccatāti ettha aniccatāgahaṇaṃ asāranidassanaṃ. Tena yathā so sālārukkho sākḥāpālāsādi-asārāpagamena suddho sāre patiṭṭhito, evamayaṃ dhammavinayo sāsavaśaṅkhāta-asāravigamena lokuttaradhammasāre patiṭṭhitoti dasseti. Sesam suviññeyyameva.

Aggivačchasuttavaṇṇanāya līnatthappakāsanā samattā.

3. Mahāvachchasuttavaṇṇanā

193. Saha kathā etassa atthīti **sahakathī**, “mayam pucchāvasena tumhe vissajjanavasena”ti evam sahapavattakathoti attho. **Etsseva kathitāni**, tattha paṭhame vijjāttayaṃ desitaṃ, dutiye agginā dassitanti tevijjavachchasuttaṃ aggivačchasuttanti nāmaṃ visesetvā vuttaṃ. **Sīghaṃ laddhiṃ na vissajjenti**, yasmā saṅkhārānaṃ niyatoyaṃ vināso anaññasamuppādo, hetusamuppannāpin ne¹ cirena nijjhānaṃ khamanti, na lahurī. Tenāha

1. Hetusamuppannānampi nesaṃ (Ka)

“**vasātela -pa- sujjhantī**”ti. **Pacchimagamanam** nāṇassa paripākaṃ gatattā. Yaṭṭhim ālambitvā udakaṃ taritum otaranto puriso “**yaṭṭhim otaritvā udake patamāno**”ti vutto. **Kammapathavasena vitthāradesananti** saṃkhittadesanam upādāya vuttam. Tenāha “**mūlavasena cettā**”ti-ādi. **Vitthārasadisāti** kammapathavasena idha desitadesanāva mūlavasena desitadesanam upādāya vitthārasadisā. **Vitthāradesanā nāma natthī**ti na kevalam ayameva, atha kho sabbāpi buddhānam nipariyāyena ujukena niravasesato vitthāradesanā nāma natthi desanānāṇassa mahāvisayatāya karaṇasampattiyā ca tadjjāya mahānubhāvattā sabbaññutaññāṇassa. Sabbaññutaññāṇasamaṅgitāya hi avasesapaṭisambhidānubhāvītāya aparimitakālasambhataññāṇasambhārasamudāgatāya kadācīpi parikkhayānarahāya anaññasādhāraṇāya paṭibhānapaṭisambhidāya pahūtajivhāditadanurūparūpakāyasampattisampadāya vitthāriyamānā bhagavato desanā katham parimitā paricchinnā bhaveyya, mahākāruṇikatāya pana bhagavā veneyyajjhāsayanurūpaṃ tatha tatha parimitam paricchinnam katvā niṭṭhapeti. Ayañca attho **mahāsīhanādasuttena**¹ dīpetabbo. **Sabbaram saṃkhittameva** attajjhāsaya vasena akathetvā bodhaneyyapuggalajjhāsaya vasena desanāya niṭṭhāpitattā. Na cettā dhammasāsanavirodho pariyāyam anissāya yathādhammam dhammānam bodhitattā sabbalahuttā cāti.

194. **Satta dhammā kāmāvacarā** sampattasamādānaviratīnam idhādhippetattā.

Aniyametvāti “sammāsambuddho, sāvako”ti vā niyamaṃ visesena akatvā. **Attānameva -pa- veditabbaram**, tathā hi paribbājako “tiṭṭhatu bhavam gotamo”ti āha.

195. **Satthāva arahā hoti** paṭipattiyā pāripūribhāvato. **Tasmim byākateti** tasmim “ekabhikkhupi sāvako”ti-ādinā suṭṭhu pañhe kathite.

196. **Sampādakoti** paṭipattisampādako.

1. Ma 1. 97 piṭṭhe.

197. **Sekhāya vijjāyāti** sekhalakkhaṇappattāya maggapaññāya sātisayaṃ katvā karaṇavasena vuttā, phalapaññā pana tāya pattabbattā kammabhāvena vuttā. Tenāha “**heṭṭhimaphalattayaṃ pattabban**”ti. Imam panettha aviparītamatthaṃ pālito eva viññāyamānaṃ appaṭivijjhanato vitaṇḍavādī “yāvatakaṃ sekkena pattabbaṃ, anuppattaṃ taṃ mayā”ti vacanalesam gahetvā “arahattamaggopi anena pattoyevā”ti vadati. **Evanti** idāni vuccamānāya gāthāya.

Kilesāni pahāya pañcāti pañcorambhāgiyasamyojanasāṅkhāte saṅkilese pahāya pajahitvā, pahānāhetu vā. **Paripuṇṇasekhoti** sabbaso vaḍḍhitasikhadhammo. **Aparihānadhammoti** aparihānasabhāvo. Na hi yassa phāṭigatehi silādiddhammehi parihāni atthi, samādhimhi paripūrakāritāya **cetovasippatto**. Tenāha “**samāhitindriyo**”ti. Aparihānadhammattāva **ṭhitatto**.

Anāgāminā hi asekkhabhāvāvahā dhammā paripūretabbā, na sekhabhāvāvahāti so ekantaparipuṇṇe sekho vutto. **Etam na buddhavacananti** “maggo bahucittakkhaṇiko”ti etaṃ vacanaṃ na buddhavacanaṃ anantarekantavipākādānato, bahukkhattuṃ payoanābhāvato ca lokuttarakusalassa, “samādhimānantarikaññamāhu¹, na pāraṃ diguṇaṃ yanti”ti² evamādīni suttapadāni etassatthasādhakāni. Orambhāgiyasamyojanappahānena sekkhadhammaparipūribhāvassa vuttatāya **attho** tava vacanena **virujjhatīti**. **Assa** āyasmato Vacchassa.

198. **Abhiññā vā kāraṇanti** yaṃ hi taṃ tatra tatra sakkhibhabbatāsāṅkhātāṃ iddhividhapaccanubhavanādi, tassa abhiññā kāraṇaṃ. Atha iddhividhapaccanubhavanādi abhi-aññā, evaṃ sati **abhiññāpādakajjhānaṃ kāraṇaṃ**. **Avasāne** chaṭṭhābhiññāya **pana arahattaṃ**. Ettha ca yasmā paṭhamasutte āsavakkhaya adhippeto, āsavā khīṇā eva, na puna khepetabbā, tasmā tattha “yāvadevā”ti na vuttaṃ, idha phalasaṃpatti adhippetā, sā ca punappunaṃ samāpajjīyati, tasmā “yāvadevā”ti vuttaṃ. Tato eva hi “**arahattaṃ vā kāraṇaṃ**”ti vuttaṃ. Taṃ hi “kudāssu nāmāhaṃ tadāyatanaṃ upasampajja

1. Khu 1. 5, 312 piṭṭhesu.

2. Khu 1. 390 piṭṭhe Suttanipāte.

viharissāmi, yadarihā etarahi upasampajja viharantī”¹ti¹ anuttaresu vimokkhesu piham upaṭṭhapetvā abhiññā² nibbattentassa kāraṇam, tayidaṃ sabbasādhāraṇam na hotīti sādharmaṇavasena nam dassento “**arahattassa vipassanā vā**”ti āha.

200. **Paricaranti nāma** vippakatabrahmacariyavāsattā. **Paricīṇṇo hotisāvakena nāma** satthu dhamme kattabbā paricariyā sammadeva niṭṭhapitattā. Tenāha “**iti -pa-thero evamāhā**”ti. **Tesaṃ guṇānanti** tesaṃ asekkhaguṇānam. **Sesaṃ suviññeyyameva.**

Mahāvaccasuttavaṇṇanāya līnatthappakāsanā samattā.

4. Dīghanakhasuttavaṇṇanā

201. Khananam khatam, sūkarassa khatam ettha atthīti sūkarakhatā, sūkarassa vā imasmim buddhuppāde paṭhamam khatam upādāya **sūkarakhatā**, tāya. **Evamñāmaketi** evam itthilingavasena laddhanāmake. **Paṃsudhoteti**³ dhotapaṃsuke. **Otaritvā abhiruhitabbanti** pakatibhūmito anekehi sopānaphalakehi otaritvā puna leṇadvāram katipayehi abhiruhitabbam.

Ṭhitakovāti mātulassa ṭhitattā tattha sagāravasapatissavasena ṭhitakova. Kiñcāpi sabba-saddo avisesato anavasesapariyādāyako, vatthu-adhippāyānurodhī pana saddappayogoti tamattham sandhāya paribbājako “**sabbarṃ me nakkhamatī**”ti āha. Yā loke manussa-upapattiyoti-ādikā upapattiyō, tā anattasamudāgatā tattha tattheva sattānam ucchijjanato, tasmā समयavādīhi vuccamānā sabbā āyatim uppajjana-upapatti na hoti. Jalabubbulaḷakā viya hi ime sattā tattha tattha samaye uppajjitvā bhijjanti, tesaṃ tattha paṭisandhi natthīti assa adhippāyo. Tenāha “**paṭisandhiyo**”ti-ādi. **Assa adhippāyam muñcitvāti** yenādhippāyena paribbājako “**sabbarṃ me nakkhamatī**”ti āha, tam tassa adhippāyam jānantopi ajānanto viya hutvā tassa **akkhare tāva dosam**

1. Ma 1. 378; Ma 3. 261 piṭṭhesu.

2. Chaṭṭhābhiññam (?)

3. Paṃsudhoto (Aṭṭhakathāyam.)

dassentoti padesasabbaṃ sandhāya tena vuttaṃ, sabbasabbavisayaṃ katvā tattha dosaṃ gaṇhanto. Yathā loke kenaci “sabbaṃ vuttaṃ, taṃ musā”ti vutte tassa vacanassa sabbantogadhattā musābhāvo āpajjeyya, evaṃ imassapi “sabbaṃ me nakkhamatī”ti vadato tathā pavattā diṭṭhipi nakkhamatīti atthato āpannameva hoti. Tenāha bhagavā “esāpi te diṭṭhi nakkhamatī”ti. Yathā pana kenaci “sabbaṃ vuttaṃ musā”ti vutte adhippāyānurodhinī saddappavatti, tassa vacanaṃ muñcitvā tadaññesameva musābhāvo ñāyāgato, evamidhāpi “sabbaṃ me nakkhamatī”ti vacanato yassā diṭṭhiyā vasena “sabbaṃ me nakkhamatī”ti tena vuttaṃ, taṃ diṭṭhiṃ muñcitvā tadaññameva yathādhippettaṃ sabbaṃ nakkhamatīti ayamattho ñāyāgato, bhagavā pana vādīvaro sukhumāya āṇiyā thūlaṃ āṇiṃ nīharanto viya upāyena tassa diṭṭhigataṃ nīharituṃ tassa adhippāyena avatvā saddavasena tāva labbhamānaṃ dosaṃ dassento “**yāpi kho te**”ti-ādimāha. Tena vuttaṃ “assa adhippāyaṃ muñcitvā akkhare tāva dosaṃ dassento”ti.

Paribbājako pana yaṃ sandhāya “sabbaṃ me nakkhamatī”ti mayā vuttaṃ, “ayaṃ so”ti yathāvuttadosapariharaṇattham tasmim atthe vuccamāne esa doso sabbo na hoti, evampi samaṇo gotamo mama vāde dosameva āropeyyāti attano ajjhāsayaṃ niguhitvā yathāvuttadosaṃ pariharitukāmo “**esā me**”ti-ādimāha. Tattha **tampassa tādisamevāti** yaṃ “sabbaṃ me nakkhamatī”ti gahitaṃ vatthu, tampi tādisameva bhaveyyāti. Ayañca sabbantogadhadiṭṭhi mayhampi diṭṭhivatthu, taṃ me khameyyavāti. Yasmā pana “esāpi diṭṭhi tuyhaṃ nakkhamatī”ti yāpi diṭṭhi vuttā bhavatā gotamena, sāpi mayhaṃ nakkhamati, tasmā sabbaṃ me nakkhamatevāti paribbājakassa adhippāyo. Tenāha “**taṃ pariharāmīti saññāya vadatī**”ti. Tathā ca vakkhati “**tasmāpi ucchedadiṭṭhi mayhaṃ nakkhamatī**”ti. “Esā me diṭṭhī”ti yā ṭhitibhūtā diṭṭhi, tāya “sabbaṃ me nakkhamatī”ti panettha sabbaggahaṇena gahitattā āha “**atthato panassa esādiṭṭhi na me khamatīti āpajjati**”ti. Ayaṃ dosoti dassento āha “**yassa panā**”ti-ādi. **Esāti diṭṭhi. Rucitanti diṭṭhidassanena abhinivisitvā rocetvā gahitaṃ. Tena hi diṭṭhi-akkhamena arucitena bhavitabbanti** sati diṭṭhiyā akkhamabhāve tato tāya gahitāya khameyya ruceyya yathā, evaṃ sabbassa

akkhamabhāveti aparabhāge **sabbaṃ khamati ruccatīti āpajjati. Na panesa taṃ sampaticchatīti** esa “sabbaṃ me nakkhamatī”ti evaṃ vadanto ucchedavādī taṃ vuttanayena sabbassa khamanaṃ ruccanaṃ na sampaticchati. Ñāyena vuttamatthaṃ kathaṃ na sampaticchatīti āha “**kevalaṃ tassāpi ucchedadiṭṭhiyā ucchedameva gaṇhātī**”ti. Sabbesaṃ hi dhammānaṃ āyatim upādāṃ aruccitvā taṃ sandhāya ayaṃ “sabbaṃ me nakkhamatī”ti vadati, ucchedadiṭṭhikesu ca ucchinnesu kuto ucchedadiṭṭhisabhāvoti.

Tenāti tena kāraṇena, yasmā idhekacce sattā īdisaṃ diṭṭhim paggayha tiṭṭhanti, tasmāti vuttaṃ hoti. Pajahanakena vā cittena ekajjhaṃ gahetvā pajahanakehi appajahanake niddhāretuṃ bhagavā “**ato -pa- bahutarā**”ti avocāti āha “**pajahanakesu nissakkaṃ**”ti yathā “pañcasīlehi pabhāvanā paññavantatarā”ti. “**Bahū**”ti vatvā na kevalaṃ bahū, atha kho ativiya bahūti dassento “**bahutarā**”ti āha. **Bahū hīti** nayidaṃ nissakkavacanaṃ, atha kho paccattavacanaṃ. Kathaṃ hi-saddoti āha “**hi-kāro nipātamattaṃ**”ti. Anissakkavacanaṃ tāva tassa pajahanakānaṃ bahubhāvato tepi parato “bahutarā”ti vucciyanti. **Mūladassananti** ye tādisaṃ dassanaṃ paṭhamam upādiyanti, tajjātikameva pacchā gahitadassanaṃ. Vijātiyam hi paṭhamam gahitadassanaṃ appahāya vijātiyassa gahaṇaṃ na sambhavati viruddhassa abhinivesassa saha anavaṭṭhānato. Aviruddhaṃ pana mūladassanaṃ avissajjitvā visayādibhedabhinnaṃ aparadassanaṃ gahetuṃ labbhati. Tenāha “**ettha cā**”ti-ādi.

Tattha kiñcāpi ekaccasassatavādo sassatucchedābhinivesānaṃ vasena yathākkamaṃ sassatucchedaggāhanajātiko, ucchedaggāhena pana sassatābhinivesassa taṃgāhena ca asassatābhinivesassa virujhanato ubhayatthapi “**ekaccasassataṃ vā gahetuṃ na sakkā**”ti vuttaṃ, tathā “**sassataṃ, vā ucchedaṃ vā na sakkā gahetuṃ**”ti ca. Mūlasassataṃ hi paṭhamam gahitaṃ. **Āyatanesupi yojetabbanti** paṭhamam cakkhāyatanaṃ sassatanti gahetvā aparabhāge na kevalaṃ cakkhāyatanaṃmeva sassataṃ, sotāyatanaṃpi sassataṃ, ghānāyatanaṃdipi sassatanti gaṇhātīti-ādinā yojetabbaṃ. **Āyatanesupīti pi-saddena dhātūnaṃ indriyānaṃpi gāho daṭṭhabbo. Idam**

sandhāyāti “mūle sassatan”ti-ādinā vuttapaṭhamaggāhassa samānajātiyaṃ aparaggāhaṃ sandhāya.

Dutiyavāre paṭhamavāre vuttasadisam vuttanayeneva veditabbaṃ. **Tattha ādinavaṃ disvāti** “yadi rūpaṃ sassataṃ siyā, nayidaṃ ābādhāya samvatteyya. Yasmā ca kho idaṃ rūpaṃ asassataṃ, tasmā abhiṅhapaṭipīḷanaṭṭhena udayavayavantatāya rūpaṃ aniccaṃ saṅkhataṃ paṭiccasamuppannaṃ, sassatābhiniveso micchā”ti-ādinā tattha sassatavāde ādinavaṃ dosaṃ disvā. **Oḷārikanti** tasmā paṭipīḷanaṭṭhena ayāthāvaggāhatāya rūpaṃ na saṅhaṃ oḷārikameva. Vedanādinampi aniccādibhāvadassanaṃ rūpavedanā-ādinam samānayogakkhamatthā. **Vissajjetīti** pajahati.

Tisso laddhiyoti sassatuccheda-ekaccasassatadiṭṭhiyo. Yasmā sassatadiṭṭhikā vaṭṭe rajjanassa āsannā. Tathā hi te oḷiyantīti vuccanti, bhavābhavadiṭṭhīnaṃ vasena imesaṃ sattānaṃ saṃsārato sīsukkipanaṃ natthīti etāva tisso visesato gahetabbā.

Idhalokaṃ paralokaṅca atthīti jānātīti ettāvataṃ sassatadassanassa appasāvajjatākāraṇamāha, **vaṭṭamassādeti, abhinandatīti** iminā dandhavirāgatāya. tenāha “**tasmā**”ti-ādi. **Idhalokaṃ paralokaṅca atthīti jānātīti** iminā tāsu tāsū gatīsu sattānaṃ saṃsaraṇaṃ paṭikkhipatīti dasseti, **sukatadukkaṭānaṃ kammānaṃ phalaṃ atthīti jānātīti** iminā kammaphalaṃ. **Kusalaṃ na karotīti** iminā kammaṃ, **akusalaṃ karonto na bhāyatīti** iminā puññāpuññāni sabhāvato jāyantīti dasseti. **Vaṭṭam assādeti abhinandati** tanninabhāvato. **Sīghaṃ laddhiṃ jahitum na sakkoti** vaṭṭupacchedassa aruccanato. Uccedavādī hi tasmim bhava uccedaṃ maññati. Tato paraṃ **idhalokaṃ paralokaṅca atthīti jānātīti** sukatadukkaṭānaṃ phalaṃ atthīti jānātīti kammaphalavādībhāvato. Yebhuyyena hi uccedavādī sabhāvaniyatīyadicchābhinivesesu aññatrābhiniveso hoti. **Sīghaṃ dassanaṃ pajahati** vaṭṭābhīratīyā bhāvato. **Pāramiyo pūretum sakkonto paccekabuddho**¹ **hutvā**, lokavohāramatteneva so sammāsambuddho hutvā parinibbāyatīti yojanā. **Asakkontoti** buddho hotum asakkonto.

1. Buddho (Aṭṭhakathāyaṃ.)

Abhinīhāraṃ katvā aggasāvakaḍibhāvassa abhinīhāraṃ sampādetvā. **Sāvako hutvā**ti aggasāvako mahāsāvako hutvā, tatthāpi tevijjo chaḷabhiñño paṭisambhidāppatto vā sukkhavipassako eva vā buddhasāvako hutvā parinibbāyati. Sabbamidaṃ ucchedavāḍino kalyāṇamittanissayena sammattaniyāṃokkamane khippavirāgatāḍassanattaṃ āgataṃ. Tenāha “**tasmā**”ti-āḍi.

202. **Kaṇḍiyenevā**ti āraṇālena, kaṇḍiyasadisena ucchedaḍassanena. **Pūritoti** paripuṇṇajjhāsayo. **Soti** paribbājako. **Appahāyā**ti abhinitvā. **Viggahoti kalaho** idameva saccaṃ, moghamaññanti aññaṃamaññaṃ viruddhaggāhoti katvā. **Vivāḍanti** viruddhavāḍaṃ. **Vighātanti** virodhahetukaṃ cittavighātaṃ. **Vihesanti** viggahavivāḍanimittaṃ kāyikaṃ cetasikaṃca kilamathaṃ. **Āḍīnavaṃ disvā**ti etāsaṃ diṭṭhīnaṃ evarūpo āḍīnavo, aniyyāṇikabhāvatāya pana sampati āyatiṃca mahāḍīnavoti evaṃ āḍīnavaṃ disvā.

205. “Esohamasmi, eso me attā”ti-āḍīnā¹ kāyaṃ anvetīti kāyanvayo, soyeva, tassa vā samūho **kāyanvayatā**, kāyapaṭibaddho kilesa. Tenāha “**kāyaṃ -pa- attho**”ti.

Asammissabhāvanti asaṅkarato vavatthitabhāvaṃ. Tena tāsaṃ yathāsakaṃ paccayānaṃ uppajjitvā vigamaṃ dasseti. Evaṃ hi tāsaṃ kadācīpi saṅkaro natthi. Tenāha “**tatrāyaṃ saṅkhepattho**”ti-āḍi. Sarūpaṃ aggahetvā “aṅñā vedanā”ti aniyamena vuttattā tameva vigamaṃ dassento “**anuppannāva honti antarahitā vā**”ti āha, sarūpato niyametvā vuccamaṇe kāci anuppannā vā hoti, kāci antarahitā vāti.

Cuṇṇavicuṇṇabhāvadaḍsanatthanti khaṇe khaṇe bhijjamāṇabhāvadaḍsanatthaṃ.

Na kenaci samvadaṭīti kenaci puggalena saddhiṃ diṭṭhirāgavasena saṅkiliṭṭhacitto na vadaṭi. Tenāha “**sassataṃ gahetvā**”ti-āḍi. **Na vivadaṭī**ti viruddhabhāvo hutvā na vivadaṭi. **Parivattetvā**ti ucchedaṃ gahetvā ekaccasassataṃ gahetvā evaṃ vuttanayena tayopi vāḍā parivattetvā

1. Ma 1. 188; Saṃ 2. 16 piṭṭhesu.

yojetabbā. **Tena voharatī**ti tena lokavohārena lokasamaññaṃ anatidhāvanto satto puriso puggaloti-ādinā voharati, na pana ito bāhirakā viya abhinivisati. Tenāha “**aparāmasanto**”ti. **Kañci dhammanti** rūpādīsu ekaṃ dhammampi. **Parāmāsaggāhena aggaṇhantoti** “niccaṃ”ti-ādinā, “etaṃ mama”ti-ādinā ca dhammasabhāvaṃ atikkamitvā parato āmasitvā gahaṇena aggaṇhanto.

Katāvīti katakicco. **So vedeyyā**ti khīṇāsavo bhikkhu ahaṅkāramamaṅkāresu sabbaso samucchinnesupi ahaṃ vadāmīti vadeyya. Tattha **ahanti** niyakajjhattasantāne. **Mamanti** tassa santakabhūte vatthusmiṃ lokaniruḷhe. **Samaññanti** tattha sukusalatāya loke samaññā kusalo viditvā. **Vohāramattenā**ti kevalaṃ paccekabuddho hutvā mahābodhipāramiyo pūretuṃ asakkonto sāvako hutvā desavohāramattena na appahīnataṇho viya andhaputhujjano abhinivesanavasena.

206. **Sassatādīsū**ti sassatābhinivesādīsu. **Tesaṃ tesaṃ dhammānanti** niddhāraṇe sāmivacanaṃ. **Sassataṃ abhiññāyā**ti sassatadiṭṭhiṃ samudayato atthaṅgamato assādato nissaraṇato abhivisiṭṭhāya paññāya paṭivijjhitvā. **Pahānanti** accantappahānaṃ samucchedaṃ. **Rūpassa pahānanti** rūpassa tappaṭibaddhasaññojanappahānena pahānaṃ. **Anuppādanirodhena niruddhehi āsavehi aggahetvāva cittaṃ vimucci**, “āsavehi cittaṃ vimucci”ti ettha kiñcipi aggahetvā asesetvā. **Soḷasa paññā**ti mahāpaññādikā soḷasa paññā. **Caturaṅgasamannāgatoti** puṇṇa-uposathadivasatā, kenaci anāmantitameva anekasatānaṃyeva anekasahassānaṃ vā bhikkhunaṃ sannipatitatā, sabbesaṃ ehibhikkhubhāvena upasampannatā, chaḷabhiññatā cāti. Tenāha “**tatrimāni aṅgāni**”ti-ādi. Yaṃ panettha atthato avibhattaṃ, taṃ suviññeyyameva.

Dīghanakhasuttavaṇṇanāya līnatthappakāsanā samattā.

5. Māgaṇḍiyasuttavaṇṇanā

207. **Dve māgaṇḍiyāti** dve māgaṇḍiyanāmakā. **Devagabbhasadisanti** devānaṃ vasana-ovarakasadisāṃ. **Etaṃ vuttanti** “Bhāradvājagottassa brāhmaṇassa agyāgāre tiṇasanthārake”ti etaṃ vuttaṃ. **Na kevalaṃ taṃ divasamevāti** yaṃ divasaṃ māgaṇḍiyo paribbājako tiṇasanthārakaṃ paññattaṃ, na kevalaṃ taṃ divasameva bhagavā yenaññataro vanasaṇḍo, tenapasāṅkamīti yojanā. **Gāmūpacāreti** gāmasamīpe. **Saññānaṃ katvāti** saññānaṃ katvā viya. Na hi bhagavato tassa saññāṇakaraṇe payojanaṃ atthi.

Samaṇaseyyānurūpanti samaṇassa anucchavikā seyyā. Pāsāmsattho hi ayaṃ rūpa-saddo. Tenāha “**imaṃ tiṇasanthārakaṃ**”ti-ādi. **Anākiṇṇoti** viluḷito aghaṭṭito. Hatthapādasāsehi tattha tattha pahateṇa na calito **abhinno**, acalibhattā eva abhinnaṃ attharaṇaṃ. **Paricchinditvā paññatto viyāti** ayaṃ chekena cittakārena cintetvā tulikāya paricchinnalekhāya paricchinditvā likhitā cittakata-seyyā viya. Bhūnaṃ vuccati vaḍḍhitāṃ, taṃ hantīti **bhūnahuno**. Tenāha “**hatavaḍḍhino**”ti. Taṃ panāyaṃ cakkhādīsū saṃvaravidhānaṃ vaḍḍhihananaṃ maññati. Tenāha “**mariyādakārakassā**”ti. **Brūhetabbanti** ulāra-visayūpahāreṇa vaḍḍhetabbaṃ piṇetabbaṃ. Taṃ pana ananubhūtānubhavanena hotīti āha “**adiṭṭhaṃ dakkhitabban**”ti. Anubhūtaṃ pana apaṇītaṃ hotīti vuttaṃ “**diṭṭhaṃ samatikkamitabban**”ti. Sesavāresupi eseva nayo. Paramadiṭṭhadhammanibbānavādī kiresa paribbājako, tasmā **evaṃ chasu dvāresu vaḍḍhiṃ paññapeti**. Yasmā yaṃ channampi cakkhādīnaṃ yathāsakaṃ visayaggahaṇaṃ paṭikkhipanto lokassa avaḍḍhitāṃ vināsameva paññapeti, **tasmā so sayampi vaḍḍhihato hatavaḍḍhito**.

Saṃkilesato ārakattā **ariyo**. Niyyānikadhammabhāvato **ñāyo dhammo**. Vajjalessapi abhāvato **kusalo**. Tenāha “**parisuddhe kāraṇadhamme anavajje**”ti. **Uggatassāti** uccakulīnatādinā ulāraṇassa. **Mukhe ārakkhaṃ ṭhapetvāti** mukhena saṃyato hutvā. **Ambajambū-ādīni gahetvā viya apūrayamānoti** ambajambū-ādīni aññamaññāvisadisāni viya pūraṇakathānayaṇa yaṃ kiñci akathetvā. Tenāha “**mayā kathitaniyāmenā**”ti.

208. **Phalasaṃpattiyā vuṭṭhitoti** divāvihārato vuṭṭhitoti attho. Divāvihāropi hi “paṭisallānaṃ”ti vuccati “rabhogatassa paṭisallīnassa evaṃ cetaso parivitakko udapādi”ti-ādīsu¹. Bhagavā hi phalasaṃpattito vuṭṭhānuttarakālaṃ tesāṃ kathāsallāpaṃ sutvā divāvihārato vuṭṭhāya tattha gato. Saṃvego nāma sahotappañāṇaṃ, taṃ nibbindanavasenaṃ hoti, saṃveganissitaṃ sandhāyāha “**pīṭisaṃvegena saṃviggo**”ti. So pana yasmā purimāvattāya calanaṃ hoti cittaṃ, tasmā āha “**calito kampito**”ti. **Tikhiṇasotena purisenā**ti bhagavantaṃ sandhāyāha.

209. **Dhammadesanaṃ ārabhi** yathā vineyyadamaṇakusalo. **Vasanaṭṭhānaṭṭhenā**ti idaṃ āramitabbabhāvassa bhāvalakkhaṇavacanaṃ. Āramati etthāti āraṃ, rūpaṃ āraṃ etassāti **rūpārāmaṃ**, tato eva tanninabhāvena **rūpe ratanti rūparataṃ**, tena sammoduppattiyā rūpena sammuditanti **rūpasammuditaṃ**, tadetaṃ tadabhihatajavanakiccaṃ tattha āropetvā vuttaṃ. **Dantanti**-ādīsupi eseva nayo. **Dantaṃ** damitaṃ. **Nibbisevananti** vigatavisukāyikaṃ. **Guttanti** satiyā guttaṃ. **Rakkhitanti** tasseva vevacanaṃ. **Sarīvutanti** apanītaṃ pavesanivāraṇena. Tenāha “**pihitaṃ**”ti.

210. **Uppajjanapariḷāhanti** uppajjanakilesapariḷāhaṃ. **Kim vacanaṃ vattabbaṃ** assāti rūpārammaṇaṃ anubhavitvā samudayādiḷāhānaṃ pariggaṇhitvā parinibbinditvā virajjitvā yo vimutto, tattha kiṃ vuddhihatapariyāyo avassaṃ labhati na labhatīti pucchati. Paribbājako tādise sārabbaddhvimuttike² vuddhihatoti na vadeyyāti āha “**na kiñci bho gotamā**”ti.

211. **Teti tayā**, ayameva vā pāṭho. **Vassaṃ vāso vassaṃ** uttarapadalopena, vassitaṃ arahatīti **vassiko**, vassakāle nivāsānucchavikoti attho.

Nāti-ucco hoti nātinīcoti gimhiko viya ucco, hemantiko viya nīco na hoti, atha kho tadubhayavemajjhalakkhaṇatāya nāti-ucco hoti nātinīco. **Nātitanūnī**ti hemantikassa viya na khuddakāni.

1. Vi 1. 8 piṭṭhe.

2. Samsārabandhanavimuttike (?)

Nātibahūnīti gimhikassa viya na atibahūni. **Missakānevāti** hemantikagimhikesu vuttalakkhaṇavomissakāni. **Uṇhapavesanattahāyāti** niyūhesu purebhattam pacchābhattañca patitasūriyobhāsavasena uṇhassa abbhantarapavesanattahāya. **Bhittiniyūhāni nīharīyantī**ti dakkhiṇapasse bhittisu niyūhāni nīharitvā karīyanti. **Vipulajālānī**ti puthulachiddāni. **Udakayantānī**ti udakavāhakayantāni.

Nīluppalagacchake katvāti vikasitehi nīluppalehi gacchake naḷinike katvā. **Gandhakalalanti** gandhamissakakaddamaṃ. **Yamakabhittī**ti yugaḷabhitti, tassā antare nāḷi, yato udakam abhiruhati. **Lohanāḷinti** lohamayayantanāḷim. **Jālanti** tambalohamayaṃ jālam. **Heṭṭhā yantam parivattenti**ti heṭṭhābhāge udakayantam gamenti. Udakaphusite temente vivaṇṇatā māhosīti **nīlapaṭam nivāseti**. **Divākāleti** divasavelāya. **Ajjhattam vūpasantacitto viharāmīti** etena attano phalasamāpattivihāro bhagavatā dassitoti āha “**tāya ratiyā ramamānoti idam catutthajjhānikaphalasamāpattiratim sandhāya vuttan**”ti.

212. **Mahā ca nesam papañcoti** nesam rājūnaṃ mahāpapañco rājiddhivasena sabbadā sampattivisayo ca, anubhavitum na labhantīti adhippāyo. **Mante gavesantā vicaranti**, na bhogasukham. **Gaṇanā** nāma acchinnagaṇanā, na vigaṇagaṇanā na paṇagaṇanā¹. **Āvaṭṭoti** yathādhigate dibbe kāme pahāya kāmahetu āvaṭṭo nivatto parivattito **bhaveyya**. **Evam mānusakā kāmāti** yathā koci kusaggena udakam gahetvā mahāsamudde udakam mineyya, tattha mahāsamudde udakameva mahantaṃ vipulam paṇītañca, evam dibbānaṃ kāmānaṃ samīpe upanidhāya mānusakā kāmā appamattakā oramattakā nihīnā, dibbāva kāmā mahantā vipulā uḷārā paṇītā. **Samadhigayhāti** sammā adhigamanavasena niggayha dibbampi sukham hīnaṃ katvā **tiṭṭhati**.

213. **Ārogyahetukam sukham** assa atthīti **sukhī**, tam panassa rogavigamatovāti āha “**paṭhamaṃ dukkhito pacchā sukhito**”ti. Serī nāma attādhinavuttīti āha “**serī ekako bhaveyyā**”ti. Attano

1. Vigaṇhigaṇanā saṇhigaṇanā (Ka)

vaso sayamvaso, so etassa atthīti **sayamvasī**. **Aṅgārapallam viya** kāmavatthupariḷāhahetuto. **Tacchetvāti** ghaṭṭetvā, kaṇḍūyitvāti attho.

214. Yena kāyo madhurakajāto hoti, taṃ kira kuṭṭham chaviṃ vināseti, cammaṃ chiddajātaṃ viya hoti. Tenevāha “**upahatakāyappasādo**”ti. **Paccalattḥāti** paṭilabhi. Avijjābhūtatāya virodhipaccayasamāyogena **paññindriyassa upahattā**. Āyatim dukkhaphalatāya etarahi ca kilesadukkhahulatāya kāmānaṃ **dukkhasamphassatā**, tadubhayasaṃyuttesu tesu ca taṃ asallakkhitvā ekantasukkhābhiniveso viparītasaññāya, na kevalāya sukhavedanāya sukhāti pavattasaññī.

215. **Tānīti** kuṭṭhasarīre vaṇamukhāni. **Asucīnīti** asubhāni. **Duggandhānīti** vissagandhāni. **Pūtīnīti** kuṇapabhūtāni. **Idānīti** etarahi. Nakhehi vippatacchana-aggiparitāpanehi atinippīlanakāle **pāṇakā -pa-** **paggharanti**, tena vedanā tanukā hoti. **Evanti** vuttanayena vedanāya tanukabhāvato.

Ārogyabhāve dhanalābhādilābhuppattito, asati ca ārogye lābhassa niratthakabhāvato, diṭṭhadhammikādisabbasampattīnaṃ lābhassa nimittabhāvato ca **ārogyaparamā lābhā**. Nibbāne sukhuppattito, asati ca nibbānādhi game tādisassa sukhasa anupalabbhanato, sabbasaṅkhatavivittattā ca sabbaso ca saṃsāradukkhābhāvato, adhigate ca tasmim sakalavaṭṭadukkhābhāvato ca **nibbānaṃ paramaṃ sukhaṃ**. **Pubbabhāgamaggānanti** kāyānupassanādibhedabhinnānaṃ ariyamaggassa pubbhāgiyānaṃ maggānaṃ. Tesaṅca amatagāmitā nāma tanninnatāvaseneva sacchikiriyāvasenāti āha “**pubbhāgagamaneneva amatagāminan**”ti. **Aṭṭhaṅgiko** ariyamaggo **khemo** sabbaparissayasamugghātanena anupaddutattā, taṃsamaṅgīnaṃ sabbaso anupaddutattā, taṃsamaṅgīnaṃ sabbaso anupaddavahetuto ca. **Laddhivasena gahitāti** sassatavādādihi kevalaṃ tesam laddhivasena tathā gahitā. **Khema-** **amatagāminanti** iminā hi “khemaṃ amatagāminan”ti vibhatti-alopena niddeso, attho pana vibhattilopena daṭṭhabboti dasseti.

216. **Anomajjati**ti anu anu omajjati. Aparāparam hattham **heṭṭhā** otārento majjati.

217. **Chekanti** ghanabhāvena vītam. Ghanamaṭṭhabhāvena sundaram¹ hotīti āha “**sampannam**”ti. Sādhūhi paramappicchasantuṭṭhehi lāto gahitoti **sāhuḷi**. **Saṅkāracoḷakam** niccakālakam.

218. Tattha tattha rujanatṭhena vibādhanatṭhena **rogo va bhūto**. Vipassanāñāṇenapi sikhāppattena ārogyam ekadesena passati, nibbānañca vaṭṭapaṭipakkhatoti āha “**vipassanāñāṇaṇceva**”ti.

219. **Antarāti** paṭhamuppatti jarāmarañānam vemajjhe. **Upahatoti** pittasemhādidosēhi dūsitabhāvena kathito. Pittādidosē pana bhesajjasevanāya nivattento upahatam paṭipākatikam karonto **cakkhūni** uppādeti nāma. **Vinatṭhānīti** anuppattidhammatam āpannāni.

220. **Pubbe vutte** sāhuḷiyacīre. **Vaṭṭe anugatacittēnāti** anamatagge saṁsāravatṭe anādīnavadassitāya anugāmicittēna.

221. **Dhammassāti** nibbānassa. **Anudhammanti** anurūpam niyyānadhammam. Tenāha “**anucchavikam paṭipadan**”ti. **Pañcakkhandheti** pañcupādānakkhandhe dasseti. Dīgharattam vata bho”ti-ādīnā pāḷiyam vivaṭṭam dassitam. Tenāha “**upādānanirodhāti vivaṭṭam dassento**”ti. Sesam suviññeyyameva.

Māgaṇḍiyasuttavaṇṇanāya līnatthappakāsanā samattā.

6. Sandakasuttavaṇṇanā

223. Devena vassena kato sobbho devakatasobbho. Tenāha “**vasso -pa-rahado**”ti. **Guhāti** paṁsuguhā pāsāṇaguhā missakaguhāti tisso guhā. Tattha **paṁsuguhā** udakamuttatṭhāne ahosi, ninnatṭhānam pana udakena ajjhotthatam. **Umaṅgam katvāti** heṭṭhā suduggam katvā.

1. Paṇḍaram (Ka)

anamataḅḅiyam paccavekkhitvā “na kho so sattāvāso sulabharūpo, yo iminā dīghena addhunā anāvutthapubbo”¹ti-ādinā¹ idañca taḷākam mayā vutthapubbam bhavissati, tampi ṭhānam so ca attabhāvo apaññattikabhāvam gatoti evam anamataḅḅiyam paccavekkhitvā tādisam ṭhānam gantum vaṭṭati. Iminā nayena samuddapabbatadassanādīsupi paccavekkhaṇāvidhi veditabbo.

Uccam nadamānāyāti uccam katvā saddam karontiyā.

Kāmassādabhavassādādi vatthunti “ayañca ayañca kāmo iṭṭho kanto manāpo, asuko bhavo iṭṭho kanto mānāpo, evamayam loko piyehi piyataro”²ti evam kāmassādabhavassādālokassādādisaṅkhātam vatthum. Duggatito saṁsārato ca niyyāti etenāti niyyānam, saggamaggo mokkhamaggo ca, tam niyyānam arahati, niyyāne vā niyuttāti niyyānikā, niyyānam vā phalam etissā atthāti niyyānikā, vacīduccaritādisaṅkilesato niyyātīti vā niyyānīyā, ī-kārassa rassattam, ya-kārassa ca ka-kāram katvā niyyānikā, cetanāya saddhim samphappalāpā veramaṇi. Tappaṭipakkhato aniyyānikā, tassā bhāvo aniyyānikattam, tasmā **aniyyānikattā**.

Tiracchānabhūtāti tirokaraṇabhūtā. **Gehassitakathāti**

kāmapaṭisaṁyuttakathā. **Kammaṭṭhānabhāveti**

aniccatāpaṭisaṁyuttacatusaccakammaṭṭhānabhāve. Saha atthenāti **sāttakam**, hitapaṭisaṁyuttanti attho. **Visikhāti** gharasanniveso, visikhāgahaṇena ca tannivāsino gahitā “gāmo āgato”²ti-ādīsu² viya. Tenevāha “**sūrā samatthā**”²ti, “**saddhā pasannā**”²ti ca. Kumbhaṭṭhānappadesena kumbhadāsiyo vuttāti āha “**kumbhadāsikathā vā**”²ti.

228. Vohāro viya tesam tathā vohāramattam gahetvā vuttam “**brahmacariyavāse**”²ti. **Akatāti** samena, visamena vā kenaci hetunā na katā na vihitā. Katavidho karaṇavidhi natthi etesanti **akatavidhā**. Padadvayenapi loke kenaci hetupaccayena nesam anibbattatam dasseti. **Iddhiyāpi na nimmitāti** kassaci iddhimato cetovasippattassa devassa, issarādino vā iddhiyāpi na nimmitā. **Animmātāti** kassaci animmāpitā. **Rūpādijanakabhāvanti** rūpasaddādinam paccayabhāvam, rūpādayopi

1. Ma 1. 116 piṭṭhe.

2. Sārattha-Ṭī 1. 174 piṭṭhepi.

pathaviyādīhi appaṭibaddhavuttikāti tassa adhippāyo. Yathā pabbatakūṭaṃ kenaci anibbattitaṃ, kassaci ca anibbattanaṃ, evametepīti āha “**pabbatakūṭā viya ṭhitāti kūṭaṭṭhā**”ti. Yamidaṃ bijato aṅkurādi jāyatīti vuccati, taṃ vijjamānameva tato nikkhamati, nāvijjamānaṃ, aññathā aññatopi aññassa upaladdhi siyāti adhippāyo. **Evam ṭhitāti** evaṃ nibbikārā ṭhitā. **Ubhayenapīti** atthadvayenapīti vadanti. Kūṭaṭṭhā esikaṭṭhāyitṭhitā”ti padadvayenapī. **Tesaṃ** sattannaṃ kāyānaṃ. **Ṭhitattāti** nibbikārābhāvena ṭhitattā. **Na calantīti** vikāraṃ nāpajjanti. Vikārābhāvato hi tesaṃ sattannaṃ kāyānaṃ esikaṭṭhāyitṭhitatā. Aniñjanañca atthato pakatiyā avatṭhānamevāti dassetuṃ “**na vipariṇāmenti**”ti vuttaṃ. Tathā avipariṇāmadhammattā eva te **aññamaññaṃ na byābādhenti**¹. Sati hi vikāraṃ āpādetabbatāya byābādhakatāpi² siyā, tathā anuggahetabbatāya anuggāhakatāti tadabhāvaṃ dassetuṃ pāḷiyaṃ “nālan”ti-ādi vuttaṃ.

Pathavī eva kāyekadesattā **pathavīkāyo. Hantuṃ vā ghātetuṃ vā samattho nāma natthi** jīvasattamānaṃ kāyānaṃ niccatāya nibbikārābhāvato, eteneva nesamahantabbatā aghātetabbatā atthato vuttāyevāti daṭṭhabbā. Tathā hi vuttaṃ “**sattannaṃ tveva kāyānaṃ**”ti-ādi. **Sotuṃ vā sāvetuṃ vā samattho nāma natthīti** paccekaṃ nesaṃ savanesu asamatthattā tadekadesādīsupi asamatthataṃ dīpeti. Yadi koci hantā natthi, kathaṃ satthappahāroti āha “**yathā muggarāsi-ādīsū**”ti-ādi. **Kevalaṃ saññāmattameva hoti**, hananaghātanādi pana paramatthato nattheva kāyānaṃ avikopaniyabhāvatoti adhippāyo. **Kevalaṃ takkamattena niratthakaṃ diṭṭhiṃ dīpetīti** etena yasmā takkikā niraṅkusatāya parikappanassa yaṃ kiñci attanā parikappitaṃ sārato maññaṃanā tattheva abhinivissa takkadiṭṭhiggāhaṃ gaṇhanti, tasmā na tesaṃ diṭṭhivatthusmim viññūhi vicāraṇā kattabbāti dasseti. **Kecīti** sārasamāsācariyā. **Pañcendriyavasenāti** pañcarūpindriyavasena. **Kammanti laddhi** kammabhāvena supākaṭattā. Avaṅkathātāraṇādikā **dvāsaṭṭhi paṭipadā. Ekasmim kappeti** ekasmim mahākappe.

1. Byāpādentī (Ka)

2. Byāpādakatāpi (Ka)

Purisabhūmiyoti padhānapuggalena niddeso, itthīnampetā bhūmiyo icchanteva. **Bhikkhu ca pannakoti-**ādi tesam pāḷiyeva. Tattha **pannakoti** bhikkhāya vicaranakoti vadanti, tesam vā paṭipattim paṭipannako. **Jinoti** jīṇṇo, jarāvasena nihīnadhātukoti vadanti, attano vā paṭipattiyā paṭipakkham jinitvā ṭhito. So kira tathābhūto kassacipi dhammam na katheti. Tenāha “**na kiñci āhā**”ti. **Alābhinti** “so na kumbhimukhā paṭiggaṇhatī”ti-ādinā¹ nayena vutta-alābhahetusamāyogena alābhim. Tato eva jighacchādubbaparetatāya sayanaparāyaṇam **samaṇam pannabhūmīti vadati**.

Ājīvavuttisātānīti sattānam ājīvabhūtāni jīvikāvuttisātāni. Pasuggahaṇena eḷakajāti gahitā, migaggahaṇena rurugavayādisabbamigajāti. **Bahū devāti** cātumahārājikādivasena nesaṃ antarabhedavasena bahū devā. Tattha cātumahārājikānam ekacco antarabhedo **mahāsamayasuttana**² dīpetabbo. **Mānusāpi anantāti** dīpadesakulavaṃsājīvādivibhāgavasena mānusāpi anantabhedā. Pisācā eva **pesācā**, te aparapetādayo **mahantā** veditabbā.

Chaddantadahamandākiniyo **kuḷiramucalindanāmena** vadati. **Gaṇṭhikāti** pabbagaṇṭhikā. **Paṇḍitopi -pa- uddham na gacchati**, kasmā? Sattānam saṃsaraṇakālassa niyatabhāvato.

Aparipakkam saṃsaraṇanimittam sīlādinā **paripāceti nāma** sīghamyeva visuddhipattiyā. **Paripakkam phussa phussa** patvā patvā paripakkabhāvāpādanena **byantim karoti nāma**. **Suttaḡeḷeti** suttavattiyam. **Nibbēhiyamānameva paletīti** upamāya sattānam saṃsāro anukkamena khīyateva, na tassa vaddhīti dasseti paricchinnarūpattā.

229. **Niyativāde pakkhipantoti** sabbaññutam paṭijānitvāpi padesaññutāya asampāyamāno tattha attano aññāṇakiriyam pariharitum asakkonto ca “evamesā niyatī”ti niyativāde pakkhipanto.

1. Dī 1. 157 piṭṭhe.

2. Dī 2. 203 piṭṭhe.

230. Dhammakathāya apassayabhūto anussavo etassa atthīti **anussavī**, tenevassa apassayavādaṃ dassetuṃ “**anussavanissito**”ti āha. **Savanam** **saccatoti** yaṃ kiñci anussavam, taṃ savanam saccanti gahetvā ṭhito. **Piṭakasampadāyāti** ganthasampādanena, tādisaṃ gantham paguṇam vācuggataṃ katvā taṃ nissāya dhammam katheti. Tenāha “**vaggapaṇṇāsakāyā**”ti-ādi.

232. **Mandapaññoti** parittapañño. **Momūhoti** sammuyhako. “Evantipi me no”ti-ādinā vividho nānappākāro khepo vācāya paravādānam khīpanam vācāvikkhepo, taṃ **vācāvikkhepaṃ**, na marati na pacchijjati yathāvutto vādavikkhepo etāyāti amarā, tattha pavattā diṭṭhi amarāvikkhepo, taṃ **amarāvikkhepaṃ**. **Apariyantavikkhepanti** “evampi me no”ti-ādinā pucchitassa apariyosāpanavasena vikkhepaṃ. **Ito cito ca sandhāvati** ekasmiṃ sabhāve anavaṭṭhānato. **Gāham na upagacchatīti** micchāgāhatāya uttaravidhānāya purimapakkaṃ ṭhapetvā gāham na upagacchati. Amarāsadisāya amarāya vikkhepoti **amarāvikkhepo**.

Idam kusalanti ettha **iti**-saddo pakārattho, iminā pakārenāti attho. Amarāvikkhepiko yathā kusale, evaṃ aññasmiṃ yaṃ kiñci kenaci pucchitam attham attano aruccanatāya “evantipi me no”ti-ādinā tattha tattha vikkhepaññeva āpajjati, tasmā “evantipi me no”ti-ādi tattha tattha pucchitākārapaṭisedhanavasena vikkhipanākāradassanam. Nanu cetta vikkhepavādino vikkhepapakkhassa ananujānam vikkhepapakkhe avaṭṭhānam yuttanti? Na, tatthāpi tassa sammūlhasa paṭikkhepavaseneva vikkhepavādassa pavattanato. Tena vuttam “**no**”ti. Tathā hi sañcayo belaṭṭhaputto raññā ajātasattunā sandiṭṭhikam sāmāññaphalam puṭṭho paralokattikādīnam¹ paṭisedhanamukhena vikkhepaṃ byākāsi.

Etthāha “nanu cāyam sabbopi amarāvikkhepiko kusalādayo dhamme paralokattikādīni ca yathābhūtam anavabujjhamāno tattha tattha pañham puṭṭho samāno pucchāya vikkhepamattam āpajjati, tassa katham diṭṭhigatabhāvo. Na hi avattukāmassa viya pucchitamattam ajānantassa

1. Paralokaṭṭhitādīnam (Ka)

vikkhepakaraṇamattena tassa diṭṭhigatikatā yuttā”ti? Vuccate—na heva kho pucchāya vikkhepakaraṇamattena tassa diṭṭhigatikatā, atha kho micchābhinivesavasena. Sassatābhinivesena micchābhiniviṭṭhoyeva hi puggalo mandabuddhitāya kusalādidhamme paralokattikādīni ca yāthāvato appaṭipajjamāno attanā aviññātassa atthassa paramṃ viññāpetum asakkuṇeyyatāya musāvādabhayena ca vikkhepaṃ āpajjatīti. Atha vā puññapāpānaṃ tabbipākānañca anavabodhena asaddahanena ca tabbisayāya pucchāya vikkhepakaraṇaṃyeva sundaranti khantiṃ ruciṃ uppādetvā abhiniṃsantassa uppannā vusumyeva sā ekā diṭṭhi sattabhaṅgadiṭṭhi viyāti daṭṭhabbā, indriyabaddhato ca tatiyaṭṭhānabhāve dassito.

234. **Sannidhikāraṇaṃ kāmēti** ettha anindriyabaddhāni adhippetānīti tilataṇḍulādiggahaṇaṃ, tassa lokassa appasādaparihāratthaṃ kadāci taṇḍulanāli-ādisaṅgahaṇakaraṇaṃ sandhāya vuttaṃ “**tilataṇḍulādayo paññāyanti**”ti.

236. **Ājivakā matā nāmāti** ime ājivakā sabbaso sammāpaṭipattirahitā micchā eva ca paṭipajjamānā adhisīlasaṅkhātassa silājīvitassa abhāvena matā nāma. **Puttamātīti** mataputtā. **Samāṇe gotame brahmacariyavāso atthīti** samaṇaṃ eva gotamaṃ parisuddho suparipuṇṇo takkarassa sammā dukkhakkhayāvaho brahmacariyavāso atthi. Etenettha dhammasudhammatādidīpanena buddhasubuddhatañca dīpeti, **aññattha natthīti** iminā bāhirakesu tassa abhāvaṃ. Sesamṃ suviññeyyameva.

Sandakasuttavaṇṇanāya līnatthappakāsanā samattā.

7. Mahāsakuludāyisuttavaṇṇanā

237. **Abhiññātīti** ediso ediso cāti abhilakkhaṇavasena ñātā. Appasaddassa vinīto, appasaddatāya mandabhāṇitāya vinītoti ca **appasaddavinītoti** vuccamāne aññena vinītabhāvo dīpito hoti, bhagavā pana sayambhuññaṇena sayameva vinīto. Tasmā pāḷiyam “**appasaddavinīto**”ti na vuttaṃ. Tenāha “**na hi bhagavā aññena vinīto**”ti.

238. **Hiyyodivasam upādāya** tato āsannāni katipayāni divasāni **purimāni nāma honti, purimānīti** ca pubbakāni, atītānīti attho. **Tato paranti** yathāvutta-atītadivasato anantaram param purimataram atisayena purimattā. Iti imesu dvīsu pavattito yathākkamaṃ purimapurimatarabhāvo, evaṃ santepi yadetta “purimataran”ti vuttam, tato pabhuti yaṃ yaṃ oram, taṃ taṃ param, yaṃ yaṃ param, taṃ taṃ “purimataran”ti vuttam hoti. Kutūhalayuttā salā **kutūhalasālā** yathā “ājaññaratho”ti. **Ime** dassanādayo.

Ayathābhūtaguṇehīti ayathābhūtam micchādīpita-atthamatteneva ugghositaguṇehi **samuggato** ghosito. Taranti atikkamanti etenāti tittham, aggamaggo. Diṭṭhigatikamaggo pana ayathābhūtopi tesam tathā vitarāṇam¹ upādāya titthanti voharīyatīti taṃ karontā **titthakarā**. **Osaratīti** pavisati.

239. **Sahitanti** pubbāparāvīruddham. **Na kiñci jātanti** paṭiññādosā hetudosa udāharaṇadosa duṭṭhadosaṭāya na kiñci jātam. Tenāha “**āropito te vādo**”ti. Vadanti tena paribhāsantīti **vādo**, doso. **Sabhāvakkosenāti** sabhāvato pavattakoṭṭhāsena.

240. **Piḷeyyāti** madhubhaṇḍena saha bhajane piḷetvā dadeyya. **Sabrahmacārīhi sampayojetvāti** sahadhammikehi viheṭhanapayogaṃ katvā. Tenāha “**vivādam katvā**”ti.

241. **Itarītarenāti** paṇītato itarena. Tenāha “**lāmakalāmakenā**”ti.

242. **Bhattakosakenāti** kosakabhattena, khuddakasarāvabhattakenāti attho. **Beluvamattabhattāhārāti** billapamāṇabhattabhojanā. **Oṭṭhāvattiyāti** mukhavattiyā. **Sabbākārenevāti** sabbappakāreneva. **Anappāhāroti na vattabbo** kadāci appāhāroti katvā. Tattha ativiya aññehi avisayham appāhāratam bhagavato dassetuṃ “**padhānabhūmiyan**”ti-ādi vuttam. **Mayāti** nissakkavacanam. **Visesatarāti** tena dhammena visesavantatarā.

1. Vigamanam (Ka)

Vatasamādānavaseneva paṃsukūlaṃ dhārentīti **paṃsukūlikā**ti āha “**samādinna paṃsukūlikaṅgā**”ti, saddattho pana **Visuddhimagge**¹ vuttanayena veditaḅbo. **Piṇḍapātikā sapadānacārinoti**-ādisupi eśeva nayo. Tattha tattha satthena chinditattā **satthalūkhāni**. Yaṃ yaṃ sappāyaṃ, tasśeva gahaṇaṃ **uccinanti** āha “**uccinitvā -pa- thiraṭṭhānameva gahetvā**”ti. **Alābulomasāni**ti alābulomāni viya sukhumatarāni cīvarasuttaṃsūni etesaṃ santīti alābulomasāni. **Pātitasānapaṃsukūlanti** kaḷevarena saddhim chaḍḍitasāṇamayaṃ paṃsukūlaṃ, yaṃ tumbamate puḷave odhunitvā satthā gaṇhi.

“Yathāpi bhamaro pupphan”ti-ādinā² vuttaṃ madhukarabhikkhācāravataṃ “piṇḍiyālopabhojanaṃ nissāya pabbajjā”ti³ vacanato bhikkhūnaṃ pakatibhūtaṃ vatanti vuttaṃ “**uñchāsake vate ratā**”ti. Vata-saddo cettha pakativatasāṅkhātaṃ sakavataṃ vadati. Tenāha “**uñchācariyasaṅkhāte bhikkhūnaṃ pakativate**”ti. **Uccanīcagharadvāraṭṭhāyino**ti mahantakhuddakagehānaṃ bahidvāraakoṭṭhakaṭṭhāyino. **Kabaramissakaṃ bhattaṃ saṃharitvā**ti kaṇājakamissakaṃ bhattaṃ sampiṇḍitvā. **Ummārato paṭṭhāyāti** gharummārato paṭṭhāya.

Cīvarānuggahatthanti cīvarānurakkhaṇattham. Ettha ca yasmā buddhā nāma sadevake loke anuttaraṃ puññakkhettaṃ, sā cassa puññakkhetatā paramukkamsagatā, tasmā sattānaṃ tādisaṃ upakāraṃ ācikkhitvā te ca anuggaṇhantā gahapaticīvaraṃ sādīyanti, catupaccayasantose pana ne paramukkamsagatā evāti daṭṭhabbaṃ.

244. **Sappaccayanti** sahetukaṃ sakāraṇaṃ hutvā dhammaṃ desetīti ayamettha attho. Codako pana adhippāyaṃ ajānanto “**kiṃ panā**”ti-ādimāha. Itaro “**no na desetī**”ti-ādinā adhippāyaṃ vivarati. **Nidānanti** cettha ñāpakaṃ uppattikāraṇaṃ adhippetam, taṅca tassa tassa anuppattiyuttassa atthassa paṭipakkhaharaṇato “**sappāṭihāriyan**”ti vuccatīti āha “**purimassevetaṃ vevacanan**”ti. Rāgādīnaṃ vā paṭiharaṇaṃ paṭihāriyaṃ, tadeva pāṭihāriyaṃ, saha pāṭihāriyenāti **sappāṭihāriyaṃ**. Rāgādipaṭisedhavaseneva hi satthā dhammaṃ deseti.

1. Visuddhi 1. 59, 60 piṭṭhādīsu.

2. Khu 1. 20 piṭṭhe Dhammapade.

3. Vi 3. 73, 133 piṭṭhesu.

245. **Tassa tassa pañhassāti** yaṃ yaṃ pañhaṃ paro abhisankharitvā bhagavantam upasankamitvā pucchati, tassa tassa pañhassa. **Upari āgamanavādapathanti** vissajjane kate tato upari āgacchanakam vādamaggaṃ. **Visesetvā vadantoti** vattati “bho gotama vattumarahatī”ti attano vādabhedanattham āhataṃ kāraṇam attano māraṇattham āvudham nidassento viya visesetvā vadanto pahārakena vacanena. **Antarantareti** mayā vuccamānakathāpabandhassa antarantare. **Dadeyya** vadeyya. **Evarūpesu thānesūti** paravādīhi saddhim vādapaṭivādaṭṭhānesu. Te niggahetuṃ mayā desitaṃ suttapadam ānetvā **mamayeva anusāsaniṃ ovādam paccāsīsanti.**

246. **Sampādemīti** manoratham sampādemi. **Paripūremīti** ajjhāsayaṃ paripūremi. **Adhisīleti** adhike uttamasīle. Sāvakasīlato ca paccakabuddhasīlato ca buddhānam sīlam **adhikam** ukkaṭṭham paramukkamsato anaññasādhāraṇabhāvato. Tenāha “**buddhasīlam nāma kathitan**”ti. **Thānuppattikapaññāti** tattha tattha thānaso uppannapaññā. Tenāha “**tattā**”ti-ādi. **Avasesā paññāti** idha paḷiyam āgatā anāgatā ca yathāvuttañāṇadvayavinimuttā paññā.

247. **Visesādhigamānanti** satipaṭṭhānādīnam adhigandhabbavisesānam. Abhiññā nāma cha abhiññā, tāsū ukkaṭṭhaniddesena chaḷabhiññārahato¹ aggamaggapaññā idha abhiññāti adhippetā, tassa vosānam pariyoṣānam pāramī paramukkamsāti avakamsāti ca aggaphalam vuccatīti āha “**abhiññā -pa- arahattam pattā**”ti.

Upāyapadhāneti ariyaphalādhigamanassa upāyabhūte padhāne “anuppannapāpakānuppādādi-atthā”ti gahitā tatheva honti, tam attham sādhentiyevāti etassa atthassa dīpako sammā-saddoti yāthā-adhippetatthassa anuppannapāpakānuppādādino upāyabhūte, padhāna-upāyabhūtetī attho. Sammā-saddassa vā yoniso atthadīpakatam sandhāya “yoniso padhāne”ti vuttam. **Chandam janetīti** kattukamyatākusalacchandam uppādeti pavatteti vā. **Vāyamatīti** payogaparakkamam karoti. **Vīriyam ārabhatīti** kāyikacetasikavīriyam karoti. **Cittam**

1. Chaḷabhiññārahattāpi (Ka)

ukkhīpatīti teneva saha-jātavīriyena kosajjapakkhato cittaṃ ukkhīpati. **Padahatī**ti sammappadhānabhūtaṃ vīriyaṃ pavatteti. Paṭipāṭiyā panetāni cattāri padāni āsevanābhāvanābahulīkamma-sātaccakiriyāhi yojetabbāni. “Padahatī”ti vā iminā āsevanādīhi saddhiṃ sikhāpattaṃ usseḥvivīriyaṃ yojetabbaṃ. **Vaḍḍhiyā paripūraṇatthanti** yāvata bhāvanāparipūriyā paripūraṇatthaṃ. **Yā thitī**ti yā kusalānaṃ dhammānaṃ paṭipakkhavigamena avaṭṭhiti. **So asamosoti** so avināso. **Yaṃ vepullanti** yo sabbaso vipulabhāvo mahantatā. **Bhāvanāparipūrīti** bhāvanāya paripūrītā. **Atthotipi veditabbaṃ** purimapacchimapaḍānaṃ samānatthabhāvato.

Pubbabhāgapaṭipadā kathitā tamtaṃvise-sādhigamassa paṭipadāvibhāvanāya āraddhattā. Akusalānaṃ dhammānaṃ anuppajjanena anathāvahatā nāma natthīti vuttaṃ “**uppajjamānā**”ti vacanaṃ uppannānaṃ rāsantarabhāvena gahitattā. Tathā kusalānaṃ dhammānaṃ uppajjanenāti vuttaṃ “**anuppajjamānā**”ti vacanaṃ uppannānaṃ rāsantarabhāvena gahitattā. **Nirujjhamānāti** paṭipakkhasamāyogena vinassamānā, na khaṇanīrodhavasena¹ nirujjhamānā.

Lobhādayo veditabbā, ye āraddhavipassakānaṃ uppajjanārahā. **Sakim uppajjivāti** sabhāvakathanamattametaṃ. Ekavārameva hi maggo uppajjati. **Nirujjhamānoti** saraseneva² nirujjhamāno. Na hi tassa paṭipakkhasamāyogo nāma atthi. **Phalassāti** anantarakāleva uppajjanakaphalassa. **Paccayaṃ datvāva nirujjhatīti** iminā maggo sampatti āyatiṅca ekanteneva atthāvahoti dasseti. **Purimasmimpīti** “anuppannā me kusalā dhammā anuppajjamānā anathāya samvatteyyūn”ti etasmiṃ tatiyavārepi. “**Samathavipassanāva gahetabbā**”ti vuttaṃ aṭṭhakathāyaṃ, **taṃ pana** maggassa anuppannatāya sabbhāvato,³ anuppajjamāne ca tasmiṃ vaṭṭānatthasabbhāvato⁴ maggassapi sādharmaṇabhāvato⁵ **na yuttanti** paṭikkhipati. Yadi samathavipassanānampi anuppatti anathāvahā, maggassa anuppattiyā vattabbaṃ natthīti.

1. Vinassamānā khaṇanīrodhavasena (Ka)

2. Parameneva (Ka)

3. Abhāvato (Ka), bhāvato (Mūlaṭī 2. 162 piṭṭhe.)

4. Vaṭṭānivattasambhavato (Ka), vaṭṭānatthasamvattanato (Mūlaṭī 2. 162 piṭṭhe.)

5. Asādharmaṇakāraṇabhāvato (Ka)

Mahantaṃ gāraṃ hoti, tasmā “saṃghagāraṃ yathāruci vanditum na labhāmi”ti saṃghena saha na nikkhami. **Ettakaṃ dhātūnaṃ nidhānaṃ nāma aññatra natthi**, mahādhātunidhānato hi nīharitvā katipayā dhātuyo tattha tattha cetiye upanītā, idha pana rāmagāmathūpe vinaṭṭhe nāgabhavanaṃ pavitṭhā doṇamattā dhātuyo upanītā. **Atimandāni noti** nanu ativiya mandāni.

Saṃvijjivāti “kathaṃ hi nāma mādiso īdisaṃ anattaṃ pāpuṇissatī”ti saṃvegaṃ janetvā. Īdisaṃ nāma mādisaṃ ārabba vattabbanti **kiṃ vadatīti** taṃ vacanaṃ anādiyanto.

Santasamāpattito aññaṃ santhambhanakāraṇaṃ balavaṃ natthīti tato parihīno sammāpaṭipattiyā patiṭṭhā kathaṃ bhavissatīti āha “**santhāya -pana sakkoti**”ti. Na hi mahārajjuyā chinnāya suddatantū santhambhetum sakkontīti. Samathe dassetvā tena samānagatikā imasmiṃ visaye vipassanāpīti iminā adhippāyenaṃ “**evaṃ uppannā samathavipassanā -pa-saṃvattanti**”ti.

Kāsāvanti kāsāvavattaṃ. **Kacchaṃ pīletvā nivatthanti** pacchimaṃ ovaṭṭikaṃ pīlento viya daḥhaṃ katvā nivattaṃ addasaṃsūti yojanā. ()¹

Vuttanayenāti² “kāmaṃ nāmete aniccā dukkhā vipariṇāmadhammā”ti-ādinā vatthukāmakilesakāmesu ādinavadassanapubbakanekkhammaṃpaṭipattiyā chandarāgaṃ vikkhambhayato samucchindantassa ca “anuppanno ca kāmasavo na uppajjati”ti-ādinā heṭṭhā sabbāsavasuttavaṇṇanādīsu³ vuttanayena. **Ārammaṇarasāṃ anubhavitvā niruddhavipākoti** tadārammaṇamāha. Anubhavitvā bhavitvā ca vigataṃ **bhūtavigataṃ**. Anubhūtabhūtā hi bhūtatāsāmaññaṃ bhūta-saddena vuttā. Sāmaññaṃeva hi upasaggena visesīyatīti. Anubhūtasaddo ca kammavacanicchāya abhāvato anubhavakavācako daṭṭhabbo. Vipāko ārammaṇe uppajjivā niruddho bhutvāvigatoti vattabbataṃ arahati, vikappagāhavasena rāgādīhi tabbipakkhehi ca akusalaṃ kusalaṃca kammaṃ ārammaṇarasāṃ anubhavitvā vigatanti vattabbataṃ

1. (Upaḍḍhajjhāyamānānaṃ dārūnaṃ kalāpaṃ. Imesaṃyeva pādānaṃ pādakathalikam katvā) (Ka)

2. Am-Ṭī 1. 240 piṭṭhādīsu passitabbam.

3. Ma 1. 9; Ma-Ṭīha 1. 69 piṭṭhesu.

arahati. Yathāvutto pana vipāko kevalaṃ ārammaṇarasānubhavanavaseneva pavattatīti anubhavitvā vigatattā nippariyāyeneva¹ vutto, tassa ca tathā vuttattā kammaṃ bhavitvā vigatapariyāyena, yaṃ “uppannānaṃ akusalānaṃ dhammānaṃ pahānāya, uppannānaṃ kusalānaṃ dhammānaṃ ṭhitiyā”ti ettha “uppanna”ti gahetvā taṃsadisānaṃ pahānaṃ, vucchi ca vuttā. Vipacchitum okāsakaraṇavasena uppattitaṃ atītakammañca tato uppajjitum āraddho anāgato vipāko ca “okāsakatuppanno”ti vutto. Yaṃ uppannasaddena vināpi viññāyamānaṃ uppannaṃ sandhāya “nāhaṃ bhikkhave sañcetanikānaṃ”ti-ādi² vuttaṃ.

Tesūti vipassanāya bhūmibhūtesu khandhesu. **Anusayitakilesāti** anusayavasena pavattā appahīnā maggena pahātabbā kilesā adhippetā. Tenāha “**atītā -pa- na vattabbā**”ti. Tesāṃ hi ambarukkhopamāya vattamānādītā na vattabbā maggena pahātabbānaṃ tādisassa vibhāgassa anuppajjanato. **Appahīnāva hontīti** iminā appahīnaṭṭhena anusayaṭṭhoti dasseti. **Idaṃ bhūmiladdhuppannaṃ nāmāti** idaṃ tesu khandhesu uppattirahakilesajātaṃ tāya eva uppattirahatāya bhūmiladdhuppannaṃ nāma, tebhūmakabhūmiladdhā nāma hotīti attho. **Tāsu tāsu bhūmīsūti** manussadevādi-atabhāvasaṅkhātesu upādānakkhandhesu. Tasmim tasmim santāne anuppatti-anāpāditatāya **asamugghātītā**. Ettha ca laddhabhūmikaṃ **bhūmiladdhanti** vuttaṃ aggi-āhito viya.

Okāsakatuppanna-saddepi ca okāso kato etenāti, okāso kato etassāti ca atthadvayepi kata-saddassa paranipāto daṭṭhabbo. Āhatakhīrarukkho viya nimittaggāhavasena adhiggahitaṃ ārammaṇaṃ, anāhatakhīrarukkho viya avikkhambhitatāya antogadhakilesaṃ ārammaṇaṃ. Nimittaggāhakāvikkhambhitakilesā vā puggalā āhatānāhatakhīrarukkhasadisā. **Purimanayenevāti** avikkhambhituppanne viya “imasmim nāma ṭhāne nuppajjissantīti na vattabbā, kasmā? **Asamugghātītattā**”ti yojetvā vitthāretabbaṃ.

Vuttaṃ paṭisambhidāmagge. Tattha ca maggena pahīnakilesānameva tidhā navattabbataṃ apākaṭaṃ supākaṭaṃ kātuṃ **ajātaphalarukkho** upamābhāvena

1. Nissayeneva (Ka)

2. Am 3. 497, 503 piṭṭhesu.

āgato. Atītādīnaṃ appahīnatādassanattampi “**jātapahalarukkheṇa dīpetabban**”ti vuttam. Tattha yathā acchinne rukkhe nibbattārahāni phalāni chinne anuppajjamānāni na kadāci sasabhāvāni ahesum honti bhavissanti cāti tāna atītādibhāvena na vattabbāni, evaṃ maggena pahīnakilesā ca daṭṭhabbā. Yathā chede asati phalāni uppajjissanti, sati ca nuppajjissantīti chedassa sātthakatā, evaṃ maggabhāvanāya ca sātthakatā yojetabbā.

Tepi pajahatiyeva kilesappahāneneva tesampi anuppattidhammatāpādanato. **Abhisankhāravīññāṇassāti** paṭisandhivīññāṇassa. **Upādinna-anupādinnatoti** upādinna-khandhato ceva kilesato ca. Upapattivāsena vuṭṭhāna dassatumāha “**bhavavasena panā**”ti-ādi. Ye sotāpannassa satta bhavā appahīnā, tato pañca ṭhapetvā itare dve “**sugatibhavekadesā**”ti adhippetā. **Sugatikāmbhavatoti** sugatibhavekadesabhūtakāmbhavato. **Arahattamaggo rūpārūpabhavato vuṭṭhāti** uddhambhāgiyasāmyojanasamugghātabhāvato. Yadi arahattamaggo eva ariyamaggo siyā, so eva sabbakilese pajaheyya, sabbabhavehipi vuṭṭhaheyya. Yasmā pana odhisova kilesā pahīyanti, tasmā heṭṭhimahēṭṭhimamaggehi pahīnāvasese kilese so pajahati, iti imaṃ sāmattiyam sandhāya “**sabbabhavehi vuṭṭhātiyevātipi vadantī**”ti vuttam. Tathā hi so eva “vajjirūpamo”ti vutto.

Hotu tāva vuttanayena anuppannānaṃ akusalānaṃ anuppādāya, uppannānaṃ uppannasadisānaṃ pahānāya anuppattidhammatāpādanāya maggabhāvanā, **atha maggakkhaṇe kathaṃ anuppannānaṃ** kusalānaṃ **uppādāya uppannānaṃca ṭhitiyā bhāvanā hoti** ekacittakkhaṇikattā tassāti codeti, itaro “**maggappavattiyāyevā**”ti parihāramāha. Maggo hi kāmañcekacittakkhaṇiko, tathārūpo panassa pavattiviseso, yaṃ anuppannā kusalā dhammā sātisayaṃ uppajjanti, uppannā ca savisesam pāripūriṃ pāpuṇanti. Tenāha “**maggo hī**”ti-ādi. Kiñcāpi ariyamaggo vattamānakkhaṇe anuppanno nāma na hoti, anuppannapubbataṃ¹ upādāya upacāravāsena tathā vuccatīti dassatum “**anāgatapubbaṃ hī**”ti-ādi vuttam. **Ayamevāti** ayaṃ maggassa

1. Anuppannapubbavacanāṃ (Ka)

yathāpaccayapavatti eva **thiti nāmāti**, maggasamaṅgī puggalo maggampi bhāvento eva tassa **thitiyā bhāvetīti vattum vaṭṭati**.

Upasamamānaṃ gacchatīti vikkhambhanavasena samucchadavasena khilese upasamantaṃ vattati. Pubbabhāgindriyāni eva vā adhippetāni. Tenevāha “**kilesūpasamatthaṃ vā gacchatī**”ti.

248. **Adhimuccanattthenāti**¹ adhikaṃ savisesaṃ muccanattthena, tenāha “**suṭṭhu muccanatttho**”ti. Etena satipi sabbassapi rūpāvacarajjhānassa vikkhambhanavasena paṭipakkhato vimuttabhāve yena bhāvanāvisesena taṃ jhānaṃ sātisayaṃ paṭipakkhato vimuccitvā pavattati, so bhāvanāviseso dīpito. Bhavati hi samānajātiyuttopi bhāvanāvisesena pavatti-ākāraviseso. Yathā taṃ saddhāvimuttato diṭṭhippattassa, tathā paccanīkadhammehi suṭṭhu vimuttatāya eva aniggahitabhāvena nirāsankatāya abhiraivasena suṭṭhu adhimuccanattthenapi vimokkho. Tenāha “**ārammaṇe cā**”ti-ādi. **Ayaṃ panatthoti** ayaṃ adhimuccanatttho **pacchimavimokkhe** nirodhe **natthi**. Kevalo vimuttattho eva tattha labbhati, taṃ sayameva parato vakkhati.

Rūpīti yenāyaṃ sasantatipariyāpanna rūpena samannāgato, taṃ yassa jhānassa hetubhāvena viṣiṭṭhaṃ rūpaṃ hoti. Yena viṣiṭṭhena rūpena “**rūpī**”ti vucceyya rūpī-saddassa atisayatthadīpanato, tadeva sasantatipariyāpannarūpanimittaṃ jhānamiva² paramatthato rūpībhāvasādhakanti daṭṭhabbāṃ. Tenāha “**ajjhattan**”ti-ādi. **Rūpajjhānaṃ rūpaṃ** uttarapadalopena. **Rūpānīti** panettha purimapadalopo daṭṭhabbo. Tena vuttaṃ “**nīlakasiṇādīni rūpāni**”ti.

Anto-appanāyaṃ subhanti ābhogo natthīti iminā pubbābhogavasena adhimutti siyāti dasseti. Evaṃ hettha tathāvattabbatā patticodanā anavakāsā hoti. Yasmā suvisuddhesu nīlādīsu vaṇṇakasīnesu tattha katādhikārānaṃ abhiraivasena suṭṭhu adhimutti siyā, tasmā aṭṭhakathāyaṃ tathā tatiyo vimokkho saṃvaṇṇito. Yasmā pana mettādivasena pavattamānā bhāvanā satte appaṭikūlato

1. Dī-Ṭī 2. 118; Am-Ṭī 3. 249 piṭṭhādīsipi passitabbāṃ.

2. Sasantatipariyāpannarūpassa vasena paṭiladdhajjhānaṃ idha (Dī-Ṭī 2. 118; Am-Ṭī 3. 249 piṭṭhesu.)

dahati, te subhato adhimuccitvāva pavattati, tasmā paṭisambhidāmagge¹ brahmavihārabhāvanā “subhavamokkho”ti vuttā, tayidaṃ ubhayampi tena tena pariyaṇena vuttattā na virujjhatīti daṭṭhabbam.

Sabbasoti anavasesato. Na hi catunnaṃ arūpakkhandhānaṃ ekadesopi tattha avasiṭṭhoti. **Vissatṭhattāti** yathāparicchinne kāle nirodhitattā. **Uttamo vimokkho nāma** ariyecheva samāpajjitabbato, ariyaphalapariyāsānattā diṭṭheva dhamme nibbānappattibhāvato ca.

249. Abhibhavatīti abhibhu², parikammaṃ, ñāṇaṃ vā. Abhibhu āyatanāṃ etassāti **abhibhāyatanāṃ**, jhānaṃ. Abhibhavitabbaṃ vā ārammaṇasaṅkhātāṃ āyatanāṃ etassāti **abhibhāyatanāṃ**, jhānaṃ. Ārammaṇābhibhavanato abhibhu ca taṃ āyatanaṅca yogino sukhavisesānaṃ adhiṭṭhānabhāvato manāyatanadhammāyatanabhāvato cātipi sasampayuttaṃ jhānaṃ **abhibhāyatanāṃ**. Tenāha “**abhibhavanakāraṇāni**”ti-ādi. **Tānīti** abhibhāyatanasaññitāni jhānāni. Samāpattito viṭṭhitassa ābhogo pubbabhāgabhāvanāvasena jhānakkhaṇe pavattaṃ abhibhavanākāraṃ gahetvā pavattoti daṭṭhabbo. **Parikammavasena ajjhattaṃ rūpasāññī**, na appanāvasena. Na hi paṭibhāganimitārammaṇā appanā ajjhattavisayā sambhavati. **Taṃ pana** ajjhattaparikammavasena laddhaṃ kasiṇanimittāṃ **asuvissuddhameva hoti**, na bahiddhāparikammavasena laddhaṃ viya visuddhaṃ.

Parittānīti yathāladdhāni suppasarāvamattāni. Tenāha “**avaḍḍhitāni**”ti. **Parittavasenevāti** vaṇṇavasena ābhoge vijjamānēpi parittavaseneva **idamabhibhāyatanāṃ vuttaṃ**. Parittatā hettha abhibhavanassa kāraṇaṃ. Vaṇṇābhoge satipi asatipi abhibhāyatanabhāvanā nāma tikkhapaññasseva sambhavati, na itarassāti “**ñāṇuttariko puggalo**”ti. **Abhibhavitvā samāpajjatīti** ettha abhibhavanāṃ samāpajjanaṅca upacārajjhānādhiḡamasamanantameva appanājjhānāppādananti āha “**saha nimittuppādenevettha appanāṃ pāpeti**”ti. **Saha nimittuppādenāti** ca appanāparivāsābhāvassa lakkhaṇavacanametāṃ. Yo “khippābhiñño”ti

1. Khu 9. 235 piṭṭhe.

2. Dī-Ṭī 2. 159; Aṃ-Ṭī 3. 245 piṭṭhādīsupi passitabbam.

vuccati, tatopi ñāṇuttarasseva abhibhāyatanabhāvanā. **Etthā**ti etasmim nimitte. **Appanam pāpeti**ti bhāvanā appanam neti.

Ettha ca keci “uppanne upacārajjhāne taṃ ārabha ye heṭṭhimantena dve tayo javanavārā pavattanti, te upacārajjhānapakkhikā eva, tadanantarañca bhavaṅgaparivāseṇa upacārasevanāya ca vinā appanā hoti, saha nimittuppādeneva appanam pāpeti”ti vadanti, taṃ tesam matimattam. Na hi pārivāsikaparikammena appanāvāro icchito, nāpi mahaggatappamañajjhānesu viya upacārajjhāne ekantato paccavekkhaṇā icchitabbā, tasmā upacārajjhānādhigamato param katipayabhavaṅgacittāvasāne appanam pāpuṇanto “saha nimittuppādenevettha appanam pāpeti”ti vutto. “Saha nimittuppādenā”ti ca adhippāyikamidam vacanam, na nītattham, adhippāyo vuttanayeneva veditabbo.

Na antosamāpattiyam tadā tathārūpassa ābhogassa asambhavato, samāpattito vuṭṭhitassa ābhogo pubbhāgabhāvanāvasena jhānakkhaṇe pavattam abhibhavanākāram gahetvā pavattoti daṭṭhabbam. **Abhidhammatṭhakathāyam**¹ pana “iminā panassa pubbhāgo² kathito”ti vuttam. Antosamāpattiyam tathā ābhogābhāve kasmā “jhānasaññāyapī”ti vuttanti āha “**abhibhava -pa- atthi**”ti.

Vaḍḍhitappamañānīti vipulappamañānīti attho, na ekaṅguladvaṅgulādi vasena vaḍḍhitappamañānī³ tathā vaḍḍhanassevettha asambhavato. Tenāha “**mahantānī**”ti.

Rūpe saññā rūpasaññā, sā assa atthīti rūpasaññī, na rūpasaññī **arūpasaññī**. Saññāsīseṇa jhānam vadati. Rūpasaññāya anuppādanamevettha **alābhitā**. **Bahiddhāva uppananti** bahiddhāvattusmimyeva uppannam. **Abhidhamme** pana “ajjhattam arūpasaññī bahiddhā rūpāni passati parittāni suvaṇṇadubbaṇṇāni, appamañāni suvaṇṇadubbaṇṇāni”ti evam catunnam abhibhāyatanānam āgatattā **abhidhammatṭhakathāyam**⁴ “kasmā pana yathā suddhante ‘ajjhattam rūpasaññī eko bahiddhā rūpāni passati parittānī’-ti-ādi vuttam, evam avatvā idha catūsupi abhibhāyatanesu

1. Abhi-Ṭṭha 1. 233 piṭṭhe.

2. Pubbābhogo (Ka)

3. Vaḍḍhim pāpitānīti (Dī-Ṭṭi 2. 161; Am-Ṭṭi 3. 247 piṭṭhesu.)

4. Abhi-Ṭṭha 1. 234 piṭṭhe.

ajjhattaṃ arūpasaññitāva vuttā”ti codanaṃ katvā “ajjhattarūpānaṃ anabhibhavanīyato”ti kāraṇaṃ vatvā “tatha vā hi idha vā bahiddhārūpāneva abhibhavittabbāni, tasmā tāni niyamato vattabbānīti tatrāpi idhāpi vuttāni. ‘Ajjhattaṃ arūpasaññī’ti idaṃ pana satthu desanāvīlāsamattamevā”ti vuttaṃ.

Ettha ca vaṇṇābhogarahitāni sahitāni ca sabbāni “parittāni suvaṇṇadubbaṇṇāni”ti vuttāni, tathā “appamāṇāni”ti daṭṭhabbāni. Atthi hi eso pariyāyo “parittāni abhibhuyya tāni ce kadāci vaṇṇavasena ābhujitāni honti suvaṇṇadubbaṇṇāni abhibhuyyā”ti. Pariyāyakathā hi suttantadesanāti. Abhidhamme¹pana nipariyāyadesanattā vaṇṇābhogarahitāni visuṃ vuttāni, tathā sahitāni. Atthi hi ubhayattha abhibhavanapariyāyoti “ajjhattaṃ rūpasaññī”ti-ādinā paṭhamadutiya-abhibhāyatanesu paṭhamavimokkho, tatiyacatutthābhābhāyatanesu dutiyavimokkho, vaṇṇābhābhāyatanesu tatiyavimokkho ca abhibhavanappavattito saṅgahito, abhidhamme¹pana nipariyāyadesanattā vimokkhābhābhāyatānāni asaṅkarato dassetuṃ vimokkhe vajjetvā abhibhāyatānāni kathitāni, sabbāni ca vimokkhakiccāni jhānāni vimokkhadesanāyaṃ vuttāni. Tadetāṃ “ajjhattaṃ rūpasaññī”ti āgatassa abhibhāyatānadvayassa abhidhamme abhibhāyatanesu avacanato, “rūpī rūpāni passatī”ti-ādīnaṅca sabbavimokkhakiccāsādhāraṇavacanabhāvato vavatthānaṃ katanti viññāyati.

“Ajjhattarūpānaṃ anabhibhavanīyato”ti idaṃ abhidhamme katthacipi “ajjhattaṃ rūpāni passatī”ti avatvā sabbattha yaṃ vuttaṃ “bahiddhārūpāni passatī”ti, tassa kāraṇāvacanāṃ. Tena yaṃ aññahetukaṃ, taṃ tena hetunā vuttaṃ, yaṃ pana desanāvīlāsahetukaṃ ajjhattaṃ arūpasaññitāya eva abhidhamme vacanaṃ, na tassa aññāṃ kāraṇaṃ maggitabbanti dasseti. Ajjhattarūpānaṃ anatibhavanīyatā ca tesāṃ bahiddhārūpānaṃ viya avibhūtattā, desanāvīlāso ca yathāvuttavavatthānavasena vedittabbo vencyyajjhāsāyavasena vijjamānapariyāyakathanabhāvato. “Suvaṇṇadubbaṇṇāni”ti eteneva siddhattā nīlādi-abhibhāyatānāni na vattabbānīti ce? Na,

1. Abhi 1. 55 piṭṭhe.

nīlādīsu katādhikārānaṃ nīlādibhāvasseva abhibhavanakāraṇattā. Na hi tesam̐ parisuddhāparisuddhavaṇṇānaṃ parittatā, tadappamāṇatā vā abhibhavanakāraṇaṃ, atha kho nīlādibhāvo evāti. Etesu ca parittādikasiṇarūpesu yaṃ caritassa imāni abhibhāyatanāni ijjhanti, taṃ dassetuṃ “imesu panā”ti-ādi vuttaṃ.

Sabbasaṅgāhikavasenāti sakalanīlavaṇṇanīdassananīlanibhāsānaṃ sādharāṇavasena. **Vaṇṇavasenāti** sabhāvavaṇṇavasena. **Nidassanavasenāti** passitabbatāvasena. **Obhāsavasenāti** sappabhāsatāya avabhāsanavasena. **Umāpupphanti** atasipupphaṃ. **Nīlameva hoti** vaṇṇasaṅkarābhāvato. **Bārāṇasiyaṃ bhavanti** bārāṇasiyaṃ samuṭṭhitaṃ.

Te dhammeti te satipaṭṭhānādiddhamme ceva aṭṭhavimokkhadhamme ca. **Ciṇṇavasībhāvāyeva** tattha abhivisiṭṭhāya paññāya pariyosānuttaraṃ sataṃ¹gatā **abhiññāvosaṇapāramippattā**.

250. **Sakalatṭhenāti**² sakalabhāvena, asubhanimuttādīsu viya ekadese aṭṭhatvā anavesesato gahetabbaṭṭhenāti attho. Yathā khettaṃ sassānaṃ uppattiṭṭhānaṃ vaḍḍhiṭṭhānaṃ, evameva taṃtaṃsampayuttadhammānanti āha “**khettatṭhānā**”ti. **Paricchinditvāti** idaṃ uddhaṃ adho tiriyanti yojetabbaṃ. Paricchinditvā eva hi sabbattha kasiṇaṃ vaḍḍhetabbaṃ. **Tena tena kāraṇenāti** upari-ādīsu tena tena kasiṇena. Yathā kinti āha “**ālokaṃiva rūpadassanakāmo**”ti, yathā dibbacakkhunā uddhaṃ ce rūpaṃ daṭṭhukāmo, uddhaṃ ālokaṃ pasāreti, adho ce, adho, samantato ce rūpaṃ daṭṭhukāmo, samantato ālokaṃ pasāreti, evaṃ sabbakasiṇanti attho. **Ekassāti** pathavīkasiṇādīsu ekekassa. **Aññabhāvānupagamanatthanti** aññakasiṇabhāvānupagamanadīpanatthaṃ, aññassa vā kasiṇabhāvānupagamanadīpanatthaṃ³. Na hi aññena pasāritakasiṇaṃ tato aññena pasāritakasiṇabhāvaṃ upagacchati, evampi nesam̐ aññakasiṇasambhedābhāvo veditabbo. **Na aññaṃ** pathavī-ādi. Na hi udakenaṭṭhitatṭhāne sasambhārapathavī atthi. **Aññakasiṇasambhedoti** āpokasiṇādīna

1. Pariyosānaṃ katakiccatanti bhavitabbaṃ.

2. Dī-Ṭī 3. 267; Am-Ṭī 3. 320 piṭṭhādīsopi passitabbaṃ.

3. Kasiṇabhāvānupagamanatthaṃ (Ka)

saṅkaro. **Sabbatthā**ti sabbesu sesakasiṇesu. Ekadese aṭṭhatvā anavasesapharaṇaṃ pamāṇassa aggahaṇato **appamāṇaṃ**. Teneva hi nesam kasiṇasamaññā. Tathā hi “**tañhi**”ti-ādimāha. Tattha **cetasā pharantoti** bhāvanācittena ārammaṇaṃ karonto. Bhāvanācittaṃ hi kasiṇaṃ parittaṃ vā vipulaṃ vā sakalameva manasi karoti.

Kasiṇugghāṭimākāse pavattaṃ viññāṇaṃ pharaṇa-appamāṇavasena “viññāṇakasiṇaṃ”ti vuttaṃ. Tathā hi taṃ “viññāṇaṃ”ti vuccati.

Kasiṇavasenati ugghāṭitakasiṇavasena kasiṇugghāṭimākāse uddhamadhotiriyatā veditabbā. Yattakaṃ hi ṭhānaṃ kasiṇaṃ pasāritaṃ, tattakaṃ ākāśabhāvanāvasena ākāśaṃ hotīti. Evaṃ yattakaṃ ṭhānaṃ ākāśaṃ hutvā upaṭṭhitaṃ, tattakaṃ ākāśameva hutvā viññāṇassa pavattanato āgamanavasena viññāṇakasiṇepi uddhamadhotiriyatā vuttāti “**kasiṇugghāṭimākāśavasena tattha pavattaviññāṇe uddhamadhotiriyatā veditabbā**”ti āha.

252. **Vuttoyeva** vammikasutte. **Nissitañca** chavatthunissitattā vipassanāñāṇassa. **Paṭibaddhañca** tena vinā appavattanato kāyasaññitānaṃ rūpadhammaṇaṃ ārammaṇakaraṇato ca. Suṭṭhu bhāti obhāsati vā **subho**. Kuruvindajāti-ādi-jātivisesopi maṇi ākarapārisuddhimūlako evāti āha “**suparisuddha-ākarasamuṭṭhito**”ti. Dosaniharaṇavasena parikamma-nipphattīti āha “**suṭṭhu kataparikammo apanītapāsāṇasakkharo**”ti. **Dhovanavedhanādīhī**ti catūsu pāsāṇesu dhovanena ceva kāḷakādi-apaharaṇatthāya suttana āvunanatthāya ca vijjhanena, tāpasaṇhakarāṇādīnaṃ saṅgaho ādi-saddena. **Vaṇṇasampattinti** suttassa vaṇṇasampattiṃ.

Maṇi viya karajakāyo paccavekkhitabbato. **Āvutasuttaṃ viya vipassanāñāṇaṃ** anupavisitvā ṭhitattā. **Cakkhumā puriso viya vipassanālābhī bhikkhu** sammadeva tassa dassanato. **Tadārammaṇānanti** rūpadhammaṇaṇaṃ. **Phassapañcamakacittacetasi**kaggahaṇena gahitadhammāpi vipassanācittuppādapariyāpannā evāti veditabbāṃ. Evaṃ hi tesam vipassanāñāṇagatikattā “**āvutasuttaṃ viya vipassanāñāṇaṃ**”ti vacanaṃ avirodhitaṃ hoti.

Ñānassāti paccavekkhaṇañāṇassa. Yadi evaṃ ñāṇassa vasena vattabbaṃ, na puggalassāti āha “**tassa panā**”ti-ādi. **Maggassa anantaram**, tasmā lokiyābhiññānaṃ parato chaṭṭhābhiññāya purato vattabbaṃ vipassanāñāṇaṃ. **Evaṃ santepīti** yadipāyaṃ ñāṇānupubbaṭṭhiti, evaṃ santepi. **Etassa antarā vāro natthīti** pañcasu lokiyābhiññāsu kathitāsu **ākāṅkheyyasuttādīsu**¹viya chaṭṭhābhiññā kathetabbāti etassa anabhiññālakkhaṇassa vipassanāñāṇassa tāsāṃ antarā vāro na hoti, tasmā tattha avasarābhāvato idheva rūpāvacaracatutthajjhānānantarameva dassitaṃ vipassanāñāṇaṃ. **Yasmā cāti ca-saddo** samuccayatto. Tena na kevalaṃ tadeva, atha kho idampi kāraṇaṃ vipassanāñāṇassa idheva dassaneti imamatthaṃ dīpeti. **Dibbena cakkhunā bheravarūpaṃ passatoti** ettha iddhividhañāṇena bheravaṃ rūpaṃ nimminivā cakkhunā passatoti vattabbaṃ, evampi abhiññālābhino apariññāṇavattukassa bhayasantāso uppajjati uccavālikavāsīmahanāgattherassa viya. **Idhāpīti** imasmim vipassanāñāṇepi, na satipaṭṭhānādīsu evāti adhippāyo.

253. Manomayiddhiyaṃ ciṅṇavasitāya abhiññāvosaṇapāramippattatā veditabbāti yojanā. **Manena nibbattanti** abhiññāmanena nibbattitaṃ. **Tamsadisabhāvadassanattamevāti** saṅghānatopi vaṇṇatopi avayavavisesatopi sadisabhāvadassanattameva. **Sajātiyaṃ thito**, na nāgiddhiyā aññajātirūpo. **Suparikammakatamattikādayo viya iddhividhañāṇaṃ** vikubbanakiriyaṃ nissayabhāvato.

255. **Appakasirenevāti** akiccheneva.

256. Mando uttānaseyyakadārakopi “**daharo**”ti vuccatīti tato visesanatthaṃ “**yuvā**”ti vuttaṃ. Yuvāpi koci anicchanato amaṇḍanasīlo hotīti tato visesanatthaṃ “**maṇḍanakajātiko**”ti vuttaṃ. Tena vuttaṃ “**yuvāpi**”ti-ādi. Kāḷatilappamaṇā bindavo **kāḷatilakāni**. Nātikammāsatilappamaṇā bindavo **tilakāni**. **Vaṅkaṃ** nāma piyaṅgaṃ. Yobbanapīlakādayo **mukhadūsipīlakā**. Mukhagato doso **mukhadoso**, lakkhaṇavacanañcetaṃ mukhe adosassapi pākaṭabhāvassa

1. Ma 1. 39 piṭṭhe.

adhippetattā. Yathā vā mukhe doso, evaṃ mukhe adosopi mukhadoso saralopena, mukhadoso ca mukhadoso ca mukhadosoti ekasesanayenapettha attho daṭṭhabbo. Evaṃ hi **paresaṃ soḷasavidhaṃ cittaṃ pākaṭaṃ hotīti** vacanaṃ samatthitaṃ hoti.

259. **Paṭipadāvasenāti** yathārahaṃ samathavipassanāmaggaṭipadāvasena. **Aṭṭhasu koṭṭhāsesūti** satipaṭṭhānādīsu bodhipakkhiyadhammakotṭhāsesu, vimokkhakotṭhāsesu vāti imesu aṭṭhasu koṭṭhāsesu. **Sesesūti** vuttāvasesesu abhibhāyatanakoṭṭhāsādīsu. Sesaṃ suviññeyyameva.

Mahāsakuludāyisuttavaṇṇanāya līnatthappakāsanā samattā.

8. Samaṇamuṇḍikāputtasuttavaṇṇanā

260. **Uggahitunti** sikkhituṃ. **Uggāhetunti** sikkhāpetuṃ, pāṭhato attanā yathā-uggahitamattaṃ tabbikhāvanatthāya uccāraṇavasena paresaṃ gāhetunti attho. **Samayanti** diṭṭhiṃ. Sā hi saṃyojanabhāvato sameti sambandhā eti pavattati, daḥaggahaṇabhāvato vā saṃyuttā ayanti pavattanti sattā yathābhīnivesaṃ etenāti **samayoti** vuccati. Diṭṭhisamyojana hi sattā ativiya bajjantīti. Sūriyassa uggamanato atthaṅgamā ayaṃ ettako kālo rattandhakāraṇavidhamanato divā nāma, tassa pana majjhimapahārasaññito kālo samujjalitapabhātejadahanabhāvena divānāma. Tenāha “**divasassapi divābhūte**”ti. **Paṭisaṃharitvāti** nivattetvā. Evaṃ cittaṃ paṭisaṃharaṇaṃ nāma gocarakkhetto ṭhapananti āha “**jānaratisevanavasena ekībhāvaṃ gato**”ti. Etena kāyavivekapubbakaṃ cittavivekamāha. Sīlādiguṇavisesayogato manasā sambhāvanīyā, te pana yasmā attano sīlādiguṇehi viññānaṃ manāpā honti (kilesa-aniggahassa pañcapasādāyattattā,¹) tasmā āha “**manavaḍḍhanakānan**”ti-ādi. Tattha **unnamatīti** udaggaṃ hoti. **Vaḍḍhatīti** saddhāvasena vaḍḍhatī. Tenāha bhagavā “anussaraṇampahaṃ bhikkhave tesaṃ bhikkhūnaṃ bahūpakāraṃ vadāmī”ti².

1. () Ayaṃ pāṭho adhiko viya dissati.

2. Khu 1. 267; Saṃ 3. 61 piṭṭhesu.

261. **Paññapemīti** pajānanabhāvena ñāpemi tathā vavatthapemi. Tenāha “**dassemi thapemī**”ti. **Paripuṇṇakusalanti** sabbaso puṇṇakusaladhammaṃ. **Uttamakusalanti** uttamabhāvaṃ seṭṭhabhāvaṃ pattakusaladhammaṃ. **Ayojjhanti** vādayuddhena ayodhanīyaṃ, vādayuddhaṃ hotu, tena parājayo na hotīti dasseti. Tenāha “**vādayuddhenā**”ti-ādi. **Samvarappahānanti** pañcasu samvaresu yena kenaci samvarena samvaralakkhaṇaṃ pahānaṃ. **Paṭisevanappahānaṃ vāti vā**-saddena parivajjanappahānādiṃ saṅgaṇhāti. **Sesapadesūti** “na bhāsati”ti-ādīsu padesu. **Eseva nayoti** iminā “abhāsanamattameva vadatī”ti evamādiṃ atidisati.

Nābhinandīti na sampaṭicchi. Sāsane tiṇṇaṃ duccharitānaṃ micchājīvaṃsa vivajjanaṃ vaṇṇiyati, ayañca evaṃ katheti, tasmā **sāsanassa anulomaṃ viya vadati**, vadanto ca sammāsambuddhe dhamme cassa appasādaṃ na dasseti, tasmā **pasannakārampi vadatīti maññamāno** tassa vādaṃ **na paṭisedheti**.

262. **Yathā tassa vacanaṃ, evaṃ santeti** yathā tassa paribbājakassa vacanaṃ, evaṃ samaṇabhāve sante labbhamāne. **Mayaṃ pana evaṃ navadāmāti** etena samaṇabhāvo nāma evaṃ na hotīti dasseti. Yo hi dhammo yādiso, tatheva taṃ buddhā dīpentī. **Visesaññaṇaṃ na hotīti** kāyavisesavisayaññāṇaṃ tassa tadā natthi, yato parakāye upakkamaṃ kareyyāti dasseti, tassa pana tattha visesaññaṇampi natthevāti. Yasmā kāyapaṭibaddhaṃ kāyakammaṃ, tasmā taṃ nivattento āha “**aññatra phanditamattā**”ti. **Kilesasahagatacittenevāti** dukkhasamphassa asahananimittena domanassasahagatacitteneva. Dutiyavārepi eseva nayo. Jighacchāpipāsadukkhassa asahananimittena domanasseneva. **Vikūjitamattāti** ettha virūpaṃ kūjitaṃ vikūjitaṃ pubbenivāsasannissayaṃ upayaṃ, taṃ panettha rodanahasanasamuṭṭhāpakacittasahagatanti dosasahagataṃ lobhasahagatañcāti daṭṭhābbaṃ. **Cittanti** kusalacittaṃ. Akusalacittaṃ pana atītārammaṇaṃ pavattatīti vattabbameva natthi. **Saritvāti** yāva na satisaṇṭhāpanā dhammā uppajjanti, tāva supinante anubhūtaṃ viya dukkhaṃ saritvā rodanti. **Hasantīti** etthāpi eseva nayo. Ayañca nayo ye laddhasukhārammaṇā hutvā gahitapaṭisandhikā mātukucchitopi sukheveva nikkhamanti, tesam vasena vuttoti daṭṭhabbo. **Pāyantiyāti** attano

janapadadesarūpena pāyantiyā. **Ayampīti** ājīvopi mātu aññavihitakāle ca lokassādavasena **kilesasahagatacitteneva hoti.**

263. **Samadhigayhāti** sammā adhigatabhāvena gahetvā abhibhavitvā vīsesetvā viṣiṭṭho hutvā. **Khīṇāsavaṃ sandhāyāti** byatirekavasena khīṇāsavaṃ sandhāya. Ayam hettha attho—khīṇāsavampi sotāpannakusalam paññāpeti sekkhabhūmiyam ṭhitattā. Sesapadesupi eseva nayo.

Tīṇi padāni nissāyāti na kāyena pāpakam kammaṃ karoti, na pāpakam vācam bhāsati, na pāpakam ājivam ājivatīti imāni tīṇi padāni nissāya kusalasīlamūlakā ca akusalasīlamūlakā cāti **dve paṭhamacatukkā ṭhapitā. Ekaṃ padaṃ nissāyāti** na pāpakam saṅkappaṃ saṅkappetīti imaṃ ekapadaṃ nissāya kusalasāṅkappamūlakā akusalasāṅkappamūlakā cāti ime **dve pacchamacatukkā ṭhapitā.**

264. **Vicikicchuddhaccasahagatacittadvayampi vaṭṭati** balavatā mohena samannāgatattā. Tathā hi tāni “momūhacittāni”ti vuccanti.

Kuhinti kimnimittam. **Kataram ṭhānam pāpuṇivāti** kim kāraṇam āgamma. **Ettheteti etthāti** kāyavacīmanosucaritabhāvanāsājīvanipphattiyam. Sā pana hetthimakoṭiyā sotāpattiphaleṇa dīpetabbāti āha “**sotāpattiphale bhumman**”ti. Yasmā ājivaṭṭhamakam avasiṭṭhañca sīlam pātīmokkhasamvarasīlassa ca pārisuddhipātīmokkhādhigamena sotāpattiphalaṇṇāyā siddho hotīti āha “**pātīmokkha -pa- nirujjhatī**”ti. “Sukhasīlo dukkhasīlo”ti-ādīsu viya pakati-atthasīlasaddam¹ gahetvā vuttam “**akusalasīlan**”ti-ādi.

265. **Kāmāvacarakusalacittameva vuttam** sampattasamādānaviratipubbakassa sīlassa adhippetattā. Tenāha “**etena hi kusalasīlam samuṭṭhātī**”ti.

Sīlavāti ettha vā-saddo pāsamsatthova veditabboti āha “**sīlasampanno hotī**”ti. Yo sīlamatte patiṭṭhito, na samādhipaññāsu,

1. Sakkati-atthasīlasaddam. Tassīla-atthasīlasaddam (Ka)

so silamayadhammapūritatāya **sīlamayo**. Tenāha “**alamettāvata**”ti-ādi. **Yatthāti** yassaṃ cetovimuttiyaṃ paññāvimuttiyañca. Tadubhayañca yasmā arahattaphale saṅgahitaṃ, tasmā vuttaṃ “**arahattaphale bhumman**”ti. **Asesaṃ nirujjhati** sukhavipākabhāvassa sabbaso paṭippassambhānato.

266. Kāmapaṭisaṃyuttā saññā **kāmasaññā**. Sesesupi eseva nayo. **Itarā dveti** byāpādavihiṃsāsaññā.

Anāgāmiphalaṭṭhamajjhānanti anāgāmiphalaṭṭhasahagataṃ ṭṭhamajjhānaṃ. **Etthāti** yathāvutte ṭṭhamajjhāne. Ettha ca ujuvipaccanīkena paṭipakkhappahānaṃ sātisaṃyanti ṭṭhamajjhānaggahaṇaṃ. Tenāha “**aparisesā nirujjhanti**”ti. Nekkhammasaññānaṃ kāmāvacaracittasahagatatā, tassa sīlassa samuṭṭhānatā ca sampayuttanayena veditabbā.

267. Kusalasaṅkappanirodhadutiyaṭṭhamajjhānika-arahattaphala-akusalasaṅkappanirodhapāṭhamajjhānika-anāgāmiphalaṭṭhagahaṇena samaṇo dassito¹. Sesaṃ suviññeyyameva.

Samaṇamuṇḍikāputtasuttavaṇṇanāya līnatthappakāsanā samattā.

9. Cūlasakuludāyisuttavaṇṇanā

271. **Pañhoti** ñātuṃ icchito attho, tadeva dhammadesanā nimittabhāvato **kāraṇaṃ**. **Upaṭṭhātūti** ñāṇassa gocarabhāvaṃ upagacchatu. **Yena kāraṇenāti** yena tuyhaṃ upaṭṭhitena kāraṇena dhammadesanā upaṭṭhaheyya, taṃ pana paribbājakassa ajjhāsayaṇasena tathā vuttaṃ. Tenāha “**etena hi -pa-dīpeti**”ti. **Ekaṅgaṇānīti** pidhānābhāvena ekaṅgaṇasadisāni. Tenāha “**pākaṭānī**”ti.

Jānantoti attano tathābhāvaṃ sayāṃ jānanto. **Sakkaccaṃ sussūsati**ti “tathābhūtaṃyeva maṃ tathā avocā”ti sādaraṃ sussūsati **tasmāti** dibbacakkhulābhino anāgataṃsaññālabhato. **Evamāhāti**

1. Saṃvaṇṇitaṃ (Ka)

“yo kho udāyi dibbena cakkhunā”ti ārabhitvā “so vā maṃ aparantaṃ ārabha pañhaṃ puccheyyā”ti evaṃ avoca.

Itaranti avasiṭṭhaṃ imasmim̐ ṭhāne vattabbaṃ. **Vuttanayamevāti** “yo hi lābhi”ti-ādinā vuttanayameva. **Atīteti** pubbenivāsānussatiñāṇassa visayabhūte atthe. **Anāgateti** anāgataṃsañāṇassa visayabhūte anāgate atthe.

Paṃsupadese nibbattanato paṃsusamokiṇṇasarīratāya **paṃsupisācakaṃ**. **Ekaṃ mūlaṃ gahetvāti** dīghaso heṭṭhimantena caturaṅgulaṃ, uparimantena vidatthikaṃ rukkhagacchalatādīsu yassa kassaci ekaṃ mūlaṃ gahetvā aññajātikānaṃ **adissamānakāyo hoti**. Ayaṃ kira nesaṃ jātisiddhā dhammatā. **Tatrāti** tassa mūlavasena adissamānakatāya. **Na dissati** ññāṇena na passati.

272. **Na ca atthaṃ dīpeyyāti** adhippetamatthaṃ sā vācā sarūpato na ca dīpeyya, kevalaṃ vācāmatamevāti adhippāyo. Paṭiharitabbaṭṭhena parasantāne netabbaṭṭhena paṭihāriya-saddadvārena viññātabbo bhāvattho, sova pāṭihīrako niruttinayena, natthi etassa pāṭihīrakanti **appāṭihīrakataṃ**, ta-saddena padaṃ vaḍḍhetvā tathā vuttaṃ, aniyyānaṃ. Tenāha “**niratthakaṃ sampajjati**”ti. **Subhakiṇṇhadevaloke khandhā viya jotetīti** iminā “dibbo rūpī manomayo sabbaṅgapaccaṅgī ahīnindriyo attā”ti imamatthaṃ dasseti.

273. Sa-upasaggapadassa attho upasaggena vināpi viññāyatīti āha “**viddheti ubbidhe**”ti. Sā cassa ubbidhatā upakkilesavigamena sucibhāvena upaṭṭhānanti āha “**meghavigamena dūrībhūte**”ti. Indanīlamaṇi viya dibbati jotetīti **devo, ākāso**. “**Aḍḍharattasamaye**”ti vattabbe bhummatthe vihitavacanānaṃ accantasamyogābhāvā upayogavacanānaṃ veditabbaṃ. Puṇṇamāsiyaṃ hi gamanamajjhassa purato vā pacchato vā ante ṭhite aḍḍharatte samayo bhinno nāma hoti, majjhe eva pana ṭhito abhinno nāma. Tenāha “**abhinne aḍḍharattasamaye**”ti.

Ye anubhontīti ye devā candimasūriyānaṃ ābhā anubhonti vinibhuñjanti vaḷaṅjanti ca, **tehi** devehi **bahū ceva bahutarā ca** candimasūriyānaṃ

ābhā ananubhonto. Tenāha “**attano sarīrobhāseneva ālokaṃ pharivā viharantī**”ti.

274. **Pucchāmūlho pana jāto** “ayam paramo vaṇṇo”ti gahitapadassa vidhamanena. **Acelakapālīnti** “acelako hoti muttācāro”ti-ādinayappavattam¹ acelakapaṭipattidīpakagantham, ganthasīdeneva tena pakāsītavādāni vadati. Surāmerayapānamanuyuttapuggalassa surāpānato² virati tassa kāyam cittaṅca tāpentī samvattakīti surāpānavirati (tapo, soyeva guṇo. Tenāha “surāpānaviratīti attho”ti.)³

275. Ekantam accantameva sukham assāti **ekantasukham. Pañcasu dhammesūti** “pāṇātipātā paṭivirati”ti-ādīsu pañcasu silācāradhammesu. **Na jāniṃsūti** sammosena anupaṭṭhahanti tadattham na bujjhanti. Buddhuppādena kira vihatatejāni mahānubhāvāni mantapadāni viya bāhirakānam yogāvacaraganthena saddhim yogāvacarapaṭipadā nassati. **Uggaṇhiṃsūti** “pañca pubbhāgadhamme”ti-ādivacanamattam uggaṇhiṃsu. **Tatiyajjhānatoti** kāraṇopacārena phalam vadati, phalabhūtato tatiyajjhānato.

276. Ekantasukhassa lokassa paṭilābhena pattiya tattha nibbatti **paṭilābhasacchikiriyā**. Ekantasukhe loka anabhinibbattitvā eva iddhiyā tattha gantvā tassa sattalokassa bhājanalokassa ca paccakkhato dassanam **paccakkhasacchikiriyā**. Tenāha “**tatthā**”ti-ādi.

277. **Udañcanikoti** udañcano. Viñjhapabbatapassee gāmānam anivittḥattā timsayojanamattam ṭhānam aṭavī nāma, tattha senāsam, tasmim **aṭavisenāsane**⁴. Padhānakammikānam bhikkhūnam bahūnam tattha nivāsena **ekaṃ padhānagharam ahosi**.

Cūḷasakula-udāyisuttavaṇṇanāya līnatthappakāsanā samattā.

1. Dī 1. 157 piṭṭhe. 2. Surāmerayapānamanuyuttapuggalo surāpānam, tato (Ka)

3. (Theroti mahādhammarakkhitatthero āha.) (Ka)

4. Vatthanisenāsane (Aṭṭhakathāyam.)

10. vekhanasasuttavaṇṇanā

280. Saha vatthukāmena kilesakāmo garu garukātabbo etassāti **kāmagaru**. Tesveva kāmesu ninnapoṇapabbhārajjhāsayoti **kāmādhimutto**. Pabbajjāpaṭhamajjhānādikaṃ nekkhammaṃ garu garukātabbaṃ etassāti **nekkhammagaru**. Tattha ninnapoṇapabbhārajjhāsayo **nekkhammādhimutto**. Svāyamattho yathā ekacce gahaṭṭhe labbhati, evaṃ ekacce anagārepīti āha “**pabbajitopi**”ti-ādi. **Ayaṃ pana** vekhanaso paribbājako. So hi vekhanasatāpasapabbajjaṃ upagantvā vekhanasena iminā diṭṭhimādāya samādiyivā ṭhitattā “vekhanaso”ti vuccati. Yathā loko sayam ekādasahi aggīhi ādittopi samāno paccakkhato anubhaviyamānaṃ sālākikaṃ aggisantāpaṃ viya anādikālānugatasammākavacarasantāpaṃ ādittatāya na sallakkheti, sammāsambuddhena pana mahākaruṇāsamussāhitamānasena “sabbam bhikkhave ādittan”ti **ādittapariyāye**¹ desiyamāne sallakkheti, evaṃ ayampi anādikālaparibhāvitaṃ atta-ajjhāsaye avaṭṭhitaṃ kāmādhimuttaṃ sarasena anupadhārento sathārā “pañca kho ime kaccāna kāmagaṇā”ti-ādinā kāmagaṇesu kāmasukhe bhāsiyamāne “kāmādhimuttaṃ vata pabbajitassa cittan”ti upadhāressatīti āha “**imāya kathāya kathiyamānāya attano kāmādhimuttataṃ sallakkhessati**”ti. **Kāmaggasukhanti** kāmatabbavatthūhi aggabhūtaṃ sukhaṃ. Sabbe hi tebhūmakadhammā kāmāniyaṭṭhena kāmā, te paṭicca uppajjanasukhato nibbānasukhameva aggabhūtaṃ sukhaṃ. Yathāha “yāvata bhikkhave dhammā saṅkhatā vā saṅkhatā vā, virāgo tesam aggamakkhāyati”ti², “nibbānaṃ paramaṃ sukhaṃ”ti³ ca. Tena vuttaṃ “**nibbānaṃ adhippetan**”ti.

281. Pubbenivāsañāḷābhino pubbantaṃ ārabha vuccamānakathā anucchavikā tadatthassa paccakkhabhāvato, tadabhāvato vekhanasassa ananucchavikāti āha “**yasmā -pa- natthi**”ti. **Anāgatakathāya -pa- natthi**ti etthāpi eseva nayo. **Ārakkhatthāyati** devatāhi mantapadehi saha

1. Saṃ 2. 251; Vi 3. 44 piṭṭhesu.

2. Khu 1. 254; Aṃ 1. 343 piṭṭhesu.

3. Ma 2. 176, 177; Khu 1. 43 piṭṭhesu.

ṭhitā tattha ārakkhatthāya. **Avijjāyāti** idaṃ lakkhaṇavacanaṃ, taṃmūlakattā
vā sabbakilesadhammānaṃ avijjāva gahitā. **Jānanaṃ**
pahīnakilesapaccavekkhaṇāñāṇena. Sesāṃ suviññeyyameva.

Vekhanasasuttavaṇṇanāya līnatthappakāsanā samattā.

Niṭṭhitā ca paribbājakavaggavaṇṇanā.

4. Rājavagga

1. Ghaṭikārasuttavaṇṇanā

282. **Cariyanti** bodhicariyaṃ, bodhisambhārasambharaṇavasena pavattitaṃ bodhisattapaṭipattinti attho. **Sukāraṇanti** bodhiparipācanassa ekantikaṃ sundaraṃ kāraṇaṃ, kassapassa bhagavato payirupāsanādiṃ sandhāya vadati. Taṃ hi tena saddhiṃ mayā idha katanti vattabbaṃ labhati. **Mandahasitanti** īsakaṃ hasitaṃ. **Kuham kuham** hāsa-saddassa anukaraṇametaṃ. **Haṭṭhapahaṭṭhākāramattanti** haṭṭhapahaṭṭhamattaṃ. Yathā gahitasāṅketā “pahaṭṭho bhagavā”ti sañjānanti, evaṃ ākāradasanamaṭṭam.

Idāni iminā pasaṅgena tāsāṃ samuṭṭhānaṃ vibhāgato dassetuṃ “**hasitañca nāmetan**”ti-ādi āraddhaṃ. Tattha ajjuhekkhanavasenaṃ hāso na sambhavati, pageva domanassavasenaṃ āha “**terasahi somanassasahagatacittēhi**”ti. Nanu ca keci kodhavasenaṃ hasantīti? Na, tesampi yaṃ taṃ kodhavatthu, tassa mayaṃ dāni yathākāmakāritaṃ āpajjissāmāti duviññeyyantarena somanassacitteneva hāsassa uppajjanato. **Tesūti** pañcasu somanassasahagatacittesu. **Balavārammaṇeti** uḷāra-ārammaṇe yamakamahāpāṭihāriyasadise. **Dubbalārammaṇeti** anuḷāre ārammaṇe. **Imasmiṃ pana thāne -pa- uppādesīti** idaṃ porāṇaṭṭhakathāyaṃ tathā āgatattā vuttaṃ, na ahetakasomanassasahagatacittena bhagavato sitaṃ hotīti dassanattamaṃ.

Abhidhammaṭṭikāyaṃ¹ pana “atītaṃsādīsū appaṭihataṃ ṇāṇaṃ vatvā ‘imehi tīhi dhammehi samannāgatassa buddhassa bhagavato sabbaṃ kāyakammaṃ ṇāṇapubbaṅgamaṃ ṇāṇānuparivattan’ti-ādivacanato² ‘bhagavato idaṃ cittaṃ uppajjati’ti vuttavacanāṃ vicāretabban”ti vuttaṃ. Tattha iminā hasituppādacittena pavattiyamānampi bhagavato sitakaraṇaṃ pubbenivāsa-anāgataṃsabbaññutaññāṇānaṃ anuvattakattā ṇāṇānuparivattiyevāti, evaṃ pana ṇāṇānuparivattibhāvesati na koci pāḷi-āṭṭhakathānaṃ virodho. Tathā hi **abhidhammaṭṭhakathāyaṃ**³

1. Mūlaṭī 1. 137 piṭṭhe.

2. Khu 7. 139, 278; Khu 8. 175; Khu 9. 376; Khu 10. 16; Dī-Ṭṭha 3. 176; Mūlaṭī 2. 2; Dī-Ṭṭī 3. 54, 198 piṭṭhesu.

3. Abhi-Ṭṭha 1. 333 piṭṭhe.

“tesaṃ ñāṇānaṃ ciṅṅapariyante idaṃ cittaṃ uppajjati”ti vuttaṃ. Avassaṅca etaṃ evaṃ icchitabbaṃ, aññathā āvajjanassapi bagavato pavatti tathārūpe kāle na saṃyujjeyya. Tassapi hi viññattisamuṭṭhāpakabhāvassa icchitattā. Tathā hi vuttaṃ “evaṅca katvā manodvārāvajjanassapi viññattisamuṭṭhāpakattaṃ upapannaṃ hoti”ti. Na ca viññattisamuṭṭhāpakatte taṃsamuṭṭhitāya viññattiyā kāyakammādibhāvaṃ āpajjanabhāvo vibandhatīti tameva sandhāya vadati. Tenāha “**evaṃ appamattakampī**”ti. Sateritā vijjulatā nāma **sateratāvijjulatā**. Sā hi itaravijjulatā viya khaṇaṭṭhitikā sīghanirodhā ca na hoti, apica kho dandhanirodhā, taṅca sabbakālaṃ catudīpikamahāmeghatova niccharati. Tenāha “**cātuddīpikamahāmeghamukhato**”ti. Ayaṃ kira tāsaṃ rasmivaṭṭīnaṃ dhammatā, yadidaṃ tikkhattuṃ siravaraṃ padakkhiṇaṃ katvā dāṭhaggesuyeva antaradhānaṃ.

283. Yadipi cattāri asaṅkhyeyyāni kappānaṃ satasahassaṅca paññāpāramitā pāribhāvītā, tathāpi idāni taṃ buddhantaraṃ tassā paṭipādetabbattā vuttaṃ “**aparipakkaññattā**”ti. Kāmaṅcassa ñāṇāya idānīpi paṭipādetabbatā atthi, evaṃ santēpi nanu sammāsambuddhesu pasādena sambhāvanāya bhavitabbaṃ tathā cirakālaṃ pāribhāvītattā, kathaṃ tattha hīlanāti āha “**brāhmaṇakule**”ti-ādi. Cirakālaparicitāpi hi guṇabhāvanā appakenāpi akalyāṇamittasaṃsaggena viparivattati aññhattaṃ gacchati. Tena mahāsattopi jātisiddhāyaṃ laddhiyaṃ ṭhatvā jātisiddhena mānena evamāha “**kiṃ pana tena muṇḍhakena samaṇakena diṭṭhenā**”ti. Tathā hi vuttaṃ **aṭṭhakathāyaṃ**—

“Tasmā akalyāṇajanaṃ, āsīvisamivoragaṃ.

Ārakā parivajjeyya, bhūtikāmo vicakkhaṇo”ti¹.

Nhānacūṇṇena suttēna katā **sotti**, kuruvindaguḷikā, sā eva sināyanti kāyaṃ visodhenti etāyāti **sinānaṃ**. Tenāha “**sottisinānati**² **sinānatthāya katasottin**”ti.

284. **Ariyaparihārenāti** ariyānaṃ parihārena, anāgāmīnaṃ nhānakāle attano kāyassa parihāranīyāmenāti attho.

1. Dī-Ṭṭha 1. 150; Ma-Ṭṭha 3. 85 piṭṭhesu.

2. Sottisinānīṃ (Aṭṭhakathāyaṃ.)

attano nāṇasampattiya vibhavasampattiya **pasannakāraṃ kātuṃ sakkhissati.** **Etadatthanti** “ahitanivāraṇaṃ, hite niyyojanaṃ, byasane parivajjanaṃ”ti yadidaṃ, etadatthaṃ mittā nāma honti. Keci “yāvettha ahupī”ti paṭhanti, tesam yāva ettha kesaggagahaṇaṃ, tāva ayaṃ nibandho ahupīti attho.

285. **Satipaṭilābhatthāyā**ti bodhiyā mahābhinihāraṃ katvā bodhisambhārapaṭipadāya pūraṇabhāve satiyā paṭilābhatthāya. Idāni tassa satuppādanīyakathāya pavattitākāraṃ saṅkhepeneva dassetuṃ “**tassa hī**”ti-ādi vuttaṃ. Tattha **na lāmakatṭhānaṃ otiṇṇasattoti** iminā mahāsattassa paṇitādhimuttataṃ dassetvā evaṃ paṇitādhimuttikassa pamādakiriyā na yuttāti dassento “**tādisassa nāma pamādavihāro na yutto**”ti āha. Tadā bodhisattassa nekkhammajjhāsayo telappadīpo viya visesato nibbatti, taṃ disvā bagavā tadanurūpaṃ dhammakathaṃ karonto “**tādisassa -pa-kathesi**”ti. **Parasamuḍḍavāsī therā aññathā vadanti.** **Aṭṭhakathāyaṃ** pana nāyaṃ buddhānaṃ bhāro, yadidaṃ pūritapāramīnaṃ bodhisattānaṃ tathā dhammadesanā tesam mahābhinihārasamanantarampi bodhisambhārassa sayambhuñṇāneva paṭividitattā, tasmā bodhisattabhāvapavedanameva tassa bhāgavā akāsīti dassetuṃ “**satipaṭilābhatthāyā**”ti-ādi vuttaṃ. **Satipaṭilābhatthāyā**ti sammāpaṭipattiya ujjalane pākāṭakarasaṭipaṭilābhāya.

286. Nāṇaṃ hi kilesadhammavidālanapadānānchi siṅgaṃ viyāti **siṅgaṃ.** Tañhi paṭipattiya upatthambhitaṃ ussitaṃ hoti, tadabhāve **patitaṃ** nāma. Keci pana vīriyaṃ siṅganti vadanti. Kasmim sammappadhānavasena pavatte bāhirapabbajjaṃ upagatāpi mahāsattā visuddhāsaya appicchatādiguṇasamaṅgino yathārahaṃ ganthadhuraṃ vāsadhurañcaparibrūhayantā viharanti, pageva buddhasāsane appicchatādīhīti āha “**catupārisuddhisīle panā**”ti-ādi. Vipassanaṃ brūhentā sikhāpattavipassanā hontīti vuttaṃ “**yāva anulomañṇaṃ āhacca tiṭṭhanti**”ti, anulomañṇato orameva vipassanaṃ ṭhapentīti attho. **Maggaphalattaṃ vāyamaṃ na karonti** paññāpāramitāya sabbaññutaññāgabbhassa aparipuṇṇattā aparipakkattā ca.

287. **Therehīti** vuddhatarehi. **Nivāse satīti** yasmim̄ thāne pabbajito, tattheva nivāse. **Vappakālatoti** sassānaṃ vappakālato. Pubbe viya tato paraṃ tikhiṇena sūriyasantāpena payojanaṃ natthīti vuttaṃ “**vappakāle vitānaṃ viya upari vatthakilañjaṃ bandhitvā**”ti. **Puṭaketi** kalāpe.

288. Paccayasāmagghihetukattā dhammappattiyā padesato pariññāvattukāpi ariyā upaṭṭhite cittavighātapaccaye yadetam̄ nātisāvajjam̄, tadevaṃ gaṇhantīti ayamettha dhammatāti āha “**alābham ārabha cittaññathattan**”ti-ādi. **Soti** kikī kāsirājā. **Brāhmaṇabhaddoti** brāhmaṇesu bhaddo. **Deveti** brāhmaṇe sandhāyāha. **Bhūmidevāti** tesam̄ samaññā, tadā brāhmaṇagaruko loko. Tadā hi kassapopi bagavā brāhmaṇakule nibbatti. **Dhītu avaṇṇam̄ vatvāti** “mahārāja tava dhītā brāhmaṇasamayaṃ pahāya muṇḍapāsāṇḍikasamayaṃ gaṇhī”ti-ādinā rājaputtīyā aguṇam̄ vatvā. **Varam̄ gaṇhiṃsu** ñātakā. **Rajjam̄ niyyātesi** “mā me vacanaṃ musā ahosi, aṭṭhame divase niggaṇhissāmī”ti.

Pāvana-asmanayanavasena sammā pāvīkatattā **parisuddhataṇḍulāni**. Pāḷiyam̄ **taṇḍulapaṭibhastānīti** taṇḍulakhaṇḍāni¹. **Muggapaṭibhastakalāyapaṭibhastesupī** eseva nayo.

289. **Ko nu khoti** bhummatthe paccattavacananti āha “**kuhim̄ nu kho**”ti. Pāripūrim̄ yojīyanti byañjanabhojanāni etthāti pariyogo, tato **pariyogā**. Tenāha “**sūpabhājanato**”ti. **Saññaṃ datvāti** vuttaṃ sabbaṃ ācikkhitvā tumhākaṃ atthāya sampādetvā nikkhitto upaṭṭhākotī bagavato ārocethāti saññaṃ datvā. **Ativissatthoti** ativiya vissattho. **Pañcavaṇṇāti** khuddikādivasena pañcappakārā.

290. **Kinti** nissakke paccattavacanaṃ, kasmāti attho. **Dhammikoti** iminā āgamanasuddhim̄ dasseti. **Bhikkhūnaṃ patte bhattasadisoti** iminā upāsakena satthu pariccattabhāvaṃ, tattha satthuno ca aparisaṅkataṃ

1. Taṇḍulakhinnāni taṇḍulavinnāni (Ka)

dasseti. **Sikkhāpadavelā nāma natthīti** dhammassāmibhāvato sikkhāpadamariyādā nāma natthi paṇṇattivajje, pakativajje pana setughāto eva.

291. Chadanaṭṭhāne yadākāsaṃ, tadeva tassa gehassa chadananti **ākāsacchadanam. Pakatiyā utupharaṇamevāti** chādite yādisaṃ utu, chadane uttiṇabhāvepi tamhi gehe tādisameva utupharaṇam ahosi. **Tesaṃyevāti** tesam ghaṭikāraṇassa mātāpitūnam eva.

292. “Catasso muṭṭhiyo eko kuḍuvo, cattāro kuḍuvā eko pattho, cattāro patthā eko āḷhako, cattāro āḷhakā ekam doṇam, cattāri doṇāni ekā mānikā, catasso mānikā ekā khārī, vīsati khārikā eko vāhoti tadeva ekasakaṭan”ti **suttanipātaṭṭhakathādīsu**¹ vuttam, idha pana “**dve sakatāni eko vāho**”ti vuttam. **Telaphāṇitādinti ādi-**saddena sappi-ādīm maricādikaṭukabhaṇḍaṇca saṅgaṇhāti. **Nāham raññā diṭṭhapubbo**, kuto paripphassoti adhippāyo. **Naccivāti** naccam datvā.

Ghaṭikārasuttavaṇṇanāya līnatthappakāsanā samattā.

2. Raṭṭhapālasuttavaṇṇanā

293. Thūlameva thullam, thullā vipulā mahantā koṭṭhā jātā imassāti **thullakoṭṭhikanti** odanapūpapahūtavasena laddhanāmo nigamo. Aṭṭhakathāyaṃ pana “**thullakoṭṭhan**”ti attho vutto. Tena pāḷiyam ika-saddena padavaḍḍhanam katanti dasseti.

294. **Raṭṭhapāloti** idam tassa kulaputtassa nāmam. Paveṇivasena āgatakulavaṃsānugatanti samudāgamato paṭṭhāya dassetum “**kasmā raṭṭhapālo**”ti-ādi vuttam. **Sandhāretunti** vināsanato pubbe yādisaṃ, tatheva sammadeva dhāretum samattho. **Saddhāti** kammaphalasaddhāya sampannā. **Sāmaṇeram disvāti** sikkhākāmatāya etadagge ṭhapiyamānam disvā.

1. Suttanipāta-Ṭṭha 2. 197 piṭṭhe.

Saha raññāti **sarājikaṃ**, raññā saddhiṃ rājaparisaṃ. **Cātuvaṇṇanti** brāhmaṇādicatuvaṇṇasamudāyaṃ. **Posetunti** vaddhetuṃ, dānādīhi saṅgahavatthūhi saṅgaṇhituṃ. **Yaṃ** kulaṃ. **Payossatīti** sakkhissati.

Tena¹ tena me upaparikkhatoti “kāmā nāmete aniccā dukkhā vipariṇāmadhammā, aṭṭhikaṅkalūpamā”²ti ca ādinā yena yena ākārena kāmesu ādīnavāṃ okāraṃ saṅkilesaṃ, tabbipariyāyato nekkhamme ānisaṃsaṃ guṇaṃ pakāseṇaṃ bagavatā dhammaṃ desitaṃ ājānāmi, tena tena pakārena upaparikkhato vīmaṃsantassa mayhaṃ **evaṃ hoti** evaṃ upaṭṭhāti. **Sikkhattayabrahmacariyanti** adhisīlādisikkhattayasāṅghaṃ seṭṭhacariyaṃ. Akhaṇḍādibhāvāpādanena **akhaṇḍaṃ**. Lakkhaṇavacanāṃ hetuṃ. Kañcīpi sikkhekadesaṃ asesetvā ekanteneva paripūretabbatāya **ekantaparipuṇṇaṃ**. Cittuppādamattampi saṅkilesamalaṃ anuppādetvā accantameva visuddhaṃ katvā pariharitabbatāya **ekantaparisuddhaṃ**. Tato eva saṅkhaṃ viya likhitanti **saṅkhalikhitaṃ**. Tenāha **“likhitasāṅkhasadisānaṃ”**ti. Dāṭhikāpi massuggahaṇeṇeva gahetvā **“massu”**tveva vuttaṃ, uttarādharamassunti attho. Kasāyena rattāni **kāsāyāni**. **Ananuññātaṃ puttaṃ na pabbājeti** “mātāpitūnaṃ lokiyamahājanassa cittaññathattaṃ mā hotū”ti. Tathā hi suddhodanamahārājassa tathā varo dinno.

295. Piyāyitabbato **piyoti** āha **“pītijanako”**ti. Manassa appāyanato **manāpoti** āha **“manavaḍḍhanako”**ti. **Sukhedhito** taruṇadārakakāle. Tato parañca sappikhīrādisādurasamanuññabhojanādi-āhārasampattiyā **sukhaparibhato**³. Atha vā dalhabhattikadhātijanādiparijanasampattiyā ceva paricchadasampattiyā ca uḷārapaṇītasukhapaccayūpahārehi ca **sukhedhito**, akiccheneva dukkhappaccayavinodanena **sukhaparibhato**. Ajjhattikaṅgasampattiyā vā **sukhedhito**, bāhiraṅgasampattiyā **sukhaparibhato**. **Kassacīti** upayogathe sāmivacanāṃ, kiñcīti vuttaṃ hoti, ayameva vā pāṭho. Tathā hi **“appamattakampi kalabhāgaṃ dukkhassa na jānāsī”**ti attho vutto. **Evaṃ santeti** nanu mayaṃ raṭṭhapāla maraṇādīsu kenaci upāyena appatīkārena maraṇenapi tayā

1. Sārattha-Ṭī 2. 3 piṭṭhādīsūpi passitabbaṃ.

2. Ma 1. 182; Vi 2. 175; Khu 7. 5, 15 piṭṭhesu.

3. Sukhaparihato (Sārattha-Ṭī 2. 4 piṭṭhe.)

akāmakāpi vinā bhavissāma, evaṃ sati. **Yenāti** yena kāraṇena. **Kim panāti** ettha **kinti** kāraṇatthe paccattavacananti dassento āha “**kena pana kāraṇenā**”ti.

296. **Paricārehīti** parito tattha tattha yathāsakaṃ visayesu cārehi. Tenāha “**ito cito ca upanehī**”ti. **Paricārehīti** vā sukhūpakaraṇehi attānaṃ paricārehi, attano paricaraṇaṃ kārehi. Tathābhūto ca yasmā laṅanto kīḷanto nāma hoti, tasmā “**laḷā**”ti-ādi vuttaṃ. Niccadānaṃ **dānaṃ** nāma, uposathadivasādīsu dātabbaṃ atirekadānaṃ **padānaṃ** nāma. Paveṇīrakkhaṇavasena vā dīyamānaṃ **dānaṃ** nāma, attanāva paṭṭhapetvā dīyamānaṃ **padānaṃ** nāma. Pacurajanasādhāraṇaṃ vā nāti-ujāraṃ **dānaṃ** nāma, anaññasādhāraṇaṃ ati-ujāraṃ **padānaṃ** nāma. **Uddassetabbāti uddham dassetabbā**. Kuto uddham te dassetabbā? Pabbajitato uddham attānaṃ mātāpitaro dassetabbā. Tenāha “**yathā**”ti-ādi.

299. **Balaṃ gahetvāti** ettha balaggahaṇaṃ nāma kāyabalassa uppādanamevāti āha “**kāyabalaṃ janetvā**”ti. **Evaṃ viharantoti** yathā pāḷiyaṃ vuttaṃ, evaṃ eko vūpakaṭṭho appamatto viharanto. **Tasmāti** yasmā neyyo, na ugghaṭṭitaññū, na ca vipaṇcitaññū, tasmā. Cirena pabbajito **dvādasame vasse arahattaṃ pāpuṇi**. Yaṃ pana vuttaṃ pāḷiyaṃ “na cirassevā”ti, taṃ saṭṭhi vassāni, tato adhikampi vipassanāparivāsaṃ vasante upādāya vuttaṃ.

Sattadvāraḷṭṭhakassāti sattagabbhantaradvāraḷṭṭhakasīsena gabbhantarāni vadati. **Pakarāpetīti** vayovuḍḍhānurūpaṃ kappāpanādinā alaṅkārapeti. Antojātatāya nātisadisī dāsī **ñātidāsī**. Pūtibhāveneva lakkhitabbo doso vā abhidoso, sova **ābhidosiko**, abhidosaṃ vā paccūsakālaṃ gato patto atikkantoti **ābhidosiko**. Tenāha “**ekarattātikkantassā**”ti-ādi. **Aparibhogoraho** pūtibhūtabhāvena. **Ariyavohārenāti** ariyasamudācārena. Ariyā hi mātugāmaṃ bhaginivādena samudācaranti. **Nissatṭhapariggahanti** pariccattālayaṃ. **Vattuṃ vaḍḍatīti** nirapekkhabhāvato vuttaṃ, idha pana visesato aparibhogārahattāva vatthuno. Nimīyati saññāyatīti **nimittam**, tathāsallakkhito ākāroti āha “**ākāraṃ aggahesī**”ti.

300. **Gharam pavisitvā** gehasāminiyā nisīditabbaṭṭhānabhūtaṃ antogehaṃ pavisitvā. **Ālapaneti** dāsijanassa ālapanē. **Bahi nikkhamantī** yathāvutta-antogehato bahi nikkhamantiyo. **Gharesu sālāhontī** gharesu ekamante bhojanasālā hontī pākāraparikkhittā susaṃvihitadvārabandhā susammaṭṭhavālikaṅgaṇā.

Anokappanam asaddahanam. **Amarisanam** asahanam. **Anāgatavacanam** anāgatasaddappayogo, attho pana vattamānakālikova. Tenāha “**paccakkhampī**”ti. **Ariyiddhiyanti** “paṭīkūle apaṭīkūlasaṅgī viharatī”ti¹ evaṃ vutta-ariyiddhiyam.

Pūtikummāso chaḍḍanīyadhammo tassa gehato laddhopi na dātabbayuttako dāsijanena dinnoti āha “**deyyadhammasena neva dānam alattamhā**”ti. “Imehi muṇḍakehī”ti-ādinā nitthunanavacanena paccakkhānam atthato laddhameva, tassa pana ujukaphāsusamācāravasena aladdhattā vuttam “**na paccakkhānan**”ti. Tenāha “**paṭisanthāravasena paccakkhānampī na alattamhā**”ti. “Neva dānan”ti-ādi paccāsīsāya akkhantiyā ca vuttam viya pacurajano maññeyyāti tannivattanattham adhippāyamassa vivarituṃ “**kasmā panā**”ti-ādi vuttam. **Suttikāpaṭicchannanti** sippikāchadhāhi channam.

Ukkaṭṭha-ekāsanikatāyāti idam bhūtakathanamattham therassa tathābhavadīpanato. Mudukassapi hi ekāsanikassa yāya nisajjāya kiñcimattam bhojanam bhuttam, vattasīsenapi tato vuṭṭhitassa puna bhiñjitum na vaṭṭati. Tenāha tipītakacūḷabhayatthero “āsanam vā rakkheyya bhojanam vā”ti. **Ukkaṭṭhasapadānacārikoti** purato pacchato ca āhaṭabhikkhampi aggahetvā bahidvāre ṭhatvā pattavissajjanameva karoti. Eteneva therassa ukkaṭṭhapiṇḍhapātikabhāvo dīpito. Tenāha “**svātanāya bhikkham nāma nādhivāsetī**”ti. Atha kasmā adhvāsesīti āha “**mātu anuggahenā**”ti-ādi. Paṇḍitā hi mātāpitūnam ācariyupajjhāyānam vā kātābham anuggaham ajjupekkhitvā dhutaṅgasuddhikā na bhavanti.

301. **Payuttanti** vaddhivasena payojitam, taddhitalopam katvā vuttanti veditabham yathā aññatthāpi “pitāmaham dhanam laddhā, sukham jīvati

1. Am 2. 150 piṭṭhe.

sañcayo”ti. **Jeṭṭhakittiyoti** padhānitthiyo. **Itoti** imasmim kule anubhavitabbavibhavasampattito. **Aññatoti** imassa dinnattā aññasmim kule anubhavitabbasampattito.

302. **Cittavicittanti** kappanāya ceva araharūpena alaṅkāradinā ca cittitañceva vicittitañca. **Vaṇakāyanti** vaṇabhūtaṃ kāyaṃ. **Samantato ussianti** heṭṭhimakāyavasena heṭṭhā upari ca sannissitaṃ. **Niccāturanti** abhiṅhappaṭipīlitaṃ, sadā dukkhitaṃ vā. **Bahusaṅkappanti** rāgavatthubhāvena abhijānehi hāvabhāvavilāsavasena, āmisavasena ca soṇasiṅgālādīhi bahūhi saṅkappetabbaṃ. **Ṭhitīti** avatṭhānaṃ avipariṇāmo natthi. Tenāha “**bhijjanadhammatāva niyatā**”ti, parissavabhāvāpatti ceva vināsapatti ca ekantikāti attho.

Cittakatampīti gandhādīhi cittakatampi. **Rūpanti** sarīraṃ.

Alattakakatāti piṇḍi-alattakena suvaṇṇakatā. Tenāha “**alattakena rañjitā**”ti. **Cuṇṇakamakkhitanti** dosanīharaṇehi tāpadahanādīhi katābhisaṅkhāramukhaṃ gorocanādīhi obhāsanakacuṇṇehi makkhitaṃ. Tenāha “**sāsapakakkenā**”ti-ādi.

Rasodakenāti saralāniyyāsarasamissena¹ udakena. **Āvattanaparivatte katvāti** āvattanaparivattanavasena nate katvā. **Aṭṭhapadakaracanāyāti** bhittikūṭaddhacandādivibhāgāya aṭṭhapadakaracanāya.

Viravamāneti “ayaṃ palāyati, gaṇha gaṇhā”ti viravamāne. Hiraññasuvaṇṇa-orodheti vattabbaṃ.

303. **Ussitāya ussitāyāti** kulavibhavabāhusaccapaññāsampattiyā uggatāya uggatāya. **Abhilakkhito** uḷārabhāvena.

304. **Parijuṅhānāti** parihānāni. Ye byādhinā abhibhūtā sattā jiṇṇakappā vayohānisattā viya honti, tato nivattento “**jarājīṇṇo**”ti āha. **Vayovuḍḍho**, na sīlādivuḍḍho. Mahattaṃ lāti gaṇhātīti mahallako, jātiyā mahallako, na vibhavādināti

1. Chadikaniyyāsarasamissena (Ka)

jātimahallako. Dvattirājaparivattasaṅkhātāṃ saddhānaṃ kālaṃ gato vītivattoti **addhagato.** Tathā ca paṭhamavayaṃ majjhimavayaṃca atīto hotīti āha “**addhānaṃ atikkanto**”ti. Jiṇṇādi-apadehi paṭhamavayamajjhimavayassa bodhitattā anuppattatāvisiṭṭho vaya-saddo osānavayavisayoti āha “**pacchimavayaṃ anuppatto**”ti.

“Appiccho, appaḍaṃsamakasavātātaparīsapasamphasso”ti¹ evamādīsu viya appa-saddo abhāvattoti adhippāyenāha “**appābādhoti arogo, appātānkoti niddukkho**”ti. Appattho vā idha, tatthāpi appa-saddo daṭṭhabbo. Evaṃ hi “yo hi gahapati imaṃ pūtikāyaṃ pariharanto muhuttampi ārogyaṃ paṭijāneyya kimaññatra bālyā”ti² suttapadaṃ samatthitaṃ hoti. Vipaccanaṃ vipāko, so eva vepāko, samo vepāko etissā atthīti **samavepākinī,** tāya. Tenevasamavepākinibhāvena sabbampi sammadeva gaṇhāti dhāretīti **gahaṇī.** Gahaṇisampattiyā hi yathābhutta-āhāro sammadeva jīranto sarīre tiṭṭhati, no aññathā. **Bhuttabhutto āhāro jīrati** gahaṇiyā tikkabhāvena. **Tatheva tiṭṭhatīti** bhuttākārenea tiṭṭhati gahaṇiyā mandabhāvato. **Bhattachando uppajjateva** bhutta-āhārassa sammā pariṇāmaṃ gatattā. **Tenevāti** samavepākinibhāneva. Pattānaṃ bhogaṇaṃ parikkhiyamānaṃ na sahasā ekajjhaṃyeva parikkhayaṃ gacchanti, atha kho anukkamena, tathā nātayopīti āha “**anupubbenā**”ti. **Chātakabhayādināti ādi-saddena** byādhibhayādim saṅgaṇhāti.

305. Uddesaṣīsenā niddeso gahitoti āha “**dhammaniddesā uddiṭṭhā**”ti. Yasmā vā ye dhammā uddisetabbaṭṭhena “uddesā”ti vuccanti, teva dhammā niddisitabbaṭṭhena niddesāti “**dhammaniddesā uddiṭṭhā**”ti attho vutto atha vā ye dhammā aniccatādivibhāvanavasena uddhaṃ uddhaṃ desessanti, te dhammā tatheva nissesato desessantīti evaṃ uddesaniddesapadānaṃ anattantaratā veditabbā. **Tatthāti** jarāmaṇasantike. **Addhuvoti** niddhuvo, na thiro aniccoti attho. Tenāha “**dhuvatṭhānavirahito**”ti, ajātābhūtasaṅkhatadhuvabhāvakāraṇavivittoti attho. **Upaniyyatīti**

1. Am 3. 268 piṭṭhe.

2. Sam 2. 1 piṭṭhe.

vā jarāmarañena loko sammā nīyati, tasmā addhuvoti evamettha attho daṭṭhabbo. **Tāyitunti** jāti-ādibyasanato rakkhitum **samatthena** issarena attanā **virahitoti**. “Imam lokam ito vaṭṭadukkhatō mocessāmi, jarābyādhimaraṇānam¹ tam adhibhavitum na dassāmi”ti evam abhisaratīti abhissaraṇam, lokassa sukhasa dātā hitassa vidhātā koci issaro, tadabhāvato āha “**anabhissaroti asaraṇo**”ti. **Nissako** mamāyitabbavatthu-abhāvato. Tenāha “**sakabhaṇḍavirahito**”ti-ādi. Taṇhāya vase jāto taṇhāya vijitoti² katvā “**taṇhāya dāso**”ti vuttam.

306. Hatthivisayattā, hatthisannissittā vā hatthisippanā “hatthī”ti gahitanti āha “**hatthisminti hatthisippe**”ti. Sesapadesupī eseva nayo. Sātisayam ūrubalam etassa atthīti **ūrupalīti** āha “**ūrubalasampanno**”ti. Tamevattham pākaṭam katvā dassetum “**yassa hi**”ti-ādi vuttam. **Abhinnaṃ** parasenam **bhindaṭo bhinnaṃ** sakasenam sandhārayato upatthambhayato. **Bāhubalīti** etthāpi “yassa hi phalakaṇca āvudhaṇca gahetvā”ti-ādinā attho vattabbo, idha pana parahatthagatam rajjam āharitum bāhubalanti yojanā. Yathā hi “ūrupalī”ti etthāpi bāhubalam anāmasitvā attho, evam “bāhubalī”ti ettha ūrubalam anāmasitvā attho veditabbo. Āhito ahammāno etthāti attā, attabhāvo. Alam samattho attā etassāti alamattoti āha “**samattha-attabhāvo**”ti.

Pariyodhāyāti vā parito ārakkham odahitvā. “Samvijjante kho bho raṭṭhapāla imasmim rājakule hatthikāyāpi -pa- vattissanti”ti **idampi so rājā upari dhammuddesassa kāraṇam āharanto āha**.

Vuttasseva anu pacchā gāyanavasena kathanam **anugīti**. Tā pana gāthā dhammuddesānam desanānupubbim anādiyitvāti yathāraham saṅgaṇhanavasena **anugītāti** āha “**catunnam dhammuddesānam anugītin**”ti.

307. **Ekanti** ekajātiyam. Vatthukāmakilesakāmā visayabhedena bhinditvā tathā vuttāti daṭṭhabbo.

1. Jarābyādhimaraṇānam tam (Ka)

2. Vivasoti (Ka)

Sāgarantenāti sāgarapariyantena.

Aho vatāti socane nipāto “aho vata pāpaṃ kataṃ mayā”ti-ādīsu viya. **Amarāti**-ādīsu **āhūti** kathenti. Mataṃ uddissa “amhan”ti vattabbe sokavasena “amaran”ti vuccati.

Vosānanti niṭṭham, pariyośānanti attho. **Sāvāti** paññā eva. **Netoti** sabbadhanato. **Uttamatarā** seṭṭho. Tenevāha “paññājīviṃ jīvitamāhu seṭṭhun”ti¹.

Tesu pāpaṃ karontesu sattesu. Niddhāraṇe cetam bhumavacanaṃ. **Paramparāyāti** attabhāvaparamparāya. **Samsāraṃ āpajjitvāti** bhavadīsu samsāraṃ āpajjanahetuṃ āpajjanto paralokaṃ upeti, paralokaṃ upentova bahuviddhadukkhasaṅkhātāṃ gabbhaṅca upeti. **Tādisassāti** tathārūpassa gabbhavāsadukkhādīnaṃ adhiṭṭhānabhūtaṃ **appapaññassa añño appapañño** ca **abhisaddahanto** hitasukhāvahanti pattiyāyanto.

“Pāpadhammo”ti vuttatā tādisassa paraloko nāma duggati evāti āha “**paramhi apāyaloke**”ti.

Vividharūpenāti rūpasaddādivasena tatthapi paṇītatārādivasena bahuviddharūpena.

Sāmaññamevāti samaṇabhāvo eva seyyo. Ettha ca ādito dvīhi gāthāhi catuttho dhammuddeso anugīto, catutthagāthāya tatiyo, pañcamagāthāya dutiyo, chaṭṭhagāthāya dutiyatatiyā, sattamagāthāya paṭhamo dhammuddeso anugīto, aṭṭhamādīhi pavattinivattīsu kāmesu nekkhamme ca yathārahaṃ ādīnavānisaṃsaṃ vibhāvetvā attano pabbajjakāraṇaṃ paramato dassento yathāvuttadhammuddesaṃ nigameti. Tena vuttaṃ “tā pana gāthā dhammuddesaṃ desanānupubbim anādiyitvāpi yathārahaṃ saṅgaṇhanavasena anugītā”ti. Sesam suviññeyyameva.

Raṭṭhapālasuttavaṇṇanāya līnatthappakāsanā samattā.

1. Saṃ 1. 216; Khu 1. 306 piṭṭhesu.

3. Maghadevasuttavaṇṇanā

308. **Pubbe maghadevo nāma rājāti** atītakāle imasmim̐ yeva kappe anekavassasahassāyukena manussesu paṭipāṭiyā uppannānaṃ caturāsītisahassānaṃ cakkavattirājūnaṃ ādipuriso maghadevoti evaṃnāmo rājā.

Dhammoti rājadhammoti lokikā vadanti.

Mahābodhinidhānapāramitāsaṅkhāto pana dhammo atthīti **dhammiko**.

Dhammenāti ṅāyena. Tadā brahmavihārādibhāvanādhammassa rañño anadhigatattā tassapi vā anabhihādīhi samāyogakkhamattā vuttaṃ “**dasakusalakammapathe ṭhito**”ti. **Dhammanti** dhammato anapetaṃ. Tathā hi ca so pakkhapātābhāvato “samo”ti vuccatīti āha “**samaṃ caratī**”ti.

Pakatinīyāmenevāti pavenīyā āgataniyāmena. Yasmā nigamajanapadesu yebhuyyena gahapatīnaṃ saṅgaho, tasmā aṭṭhakathāyaṃ

“**gahapatikānaṃ**”tveva vuttaṃ. Pāḷiyaṃ pana aññameva nāgaracārittaṃ, aññaṃ negamajanapadacārittanti te visuṃ gahitā “negamesu ceva

janapadesu cā”ti. Paccuggamananiggamanavasena uposathassa paṭiharaṇaṃ pāṭihāriyo, so eva **pāṭihāriko, pakkho. Ime divasāti** ime cattāro divasā.

309. **Devoti maccu** abhibhavanaṭṭhena. Yathā hi devo pakatisatte abhibhavati, evaṃ maccu satte abhibhavati. “Ahaṃ asukaṃ madditum̐ āgamissāmi, tvaṃ tassa kese gahetvā mā vissajjehī”ti maccudevassa āṇākarā dūtā viyāti **dūtāti vuccanti. Alaṅkatapaṭiyattāyāti** idaṃ attano dībbānubhāvaṃ āvikatvā ṭhitāyāti dassetum̐ vuttaṃ.

Devatābyākaraṇasadisameva hoti na cireneva maraṇasambhavato.

Visuddhidevānanti khīṇāsavabrahmānaṃ. Te hi carimabhava bhodhisattānaṃ jīṇṇādike dassenti.

Dukhitaṅca byādhitanti byādhibhāvena sañjātadukkhanti attho.

Antimabhavikabodhisattānaṃ visuddhidevehi upaṭṭhāpitabhāvaṃ upādāya tadaññesaṃ tehi anupaṭṭhāpitānaṃ paṇḍitānaṃ tathā voharitabbatā pariyāyasiddhāti āha “**iminā pariyāyena**”ti.

Disampatīti vibhatti-alopena niddeso, disāsīsena desā vuttāti desānaṃ adhipatirājāti attho. Uttamaṅge sirasi ruhanṭīti **uttamaṅgaruhā**, kesā. Te panettha yasmā palitattā avisesato sabbapacchimavayasandassakā honti, tasmā **“vayoharā”**ti vuttā.

Purisayugo yasmā tasmiṃ vaṃse sañjātapurisaṭṭhiyā paricchinnō, tasmā āha **“vaṃsasambhave purise”**ti. **Rājāgehato āhaṭabhikkhāya yāpentoti** iminā kumārakapabbajjāya upagatabhāvaṃ dasseti.

Parihariyamānovāti aññena aññena parihariyamāno viya velāya velāya tena mahatā parijanena upaṭṭhiyamāno kumārakīlaṃ kīḷīti attho. Keci pana **“parihariyamāno evā”**ti avadhāraṇavasena atthaṃ vadanti, tathā sati caturāsītivassasahassāni thaññapāyī taruṇadārako ahoṣīti āpajjatīti tadayuttaṃ. Kumārakālaṃ vatvā tadanantaraṃ oparajjavacanato viruddhaṃ cetam. (**Pañcamaṅgalavacanena unnaṅgalamaṅgala** ukkantanamaṅgalakammahāyamaṅgaladussamaṅgalāni samupagatāni eva ahesunti daṭṭhabbaṃ)¹.

311. Savaṃsavasena āgatā puttanattu-ādayo putto ca paputtā ca etissāti **puttapaputtakā**, paramparā. **Nihatanti** nihitaṃ ṭhapitaṃ, pavattitanti attho. **Nihatanti** vā satataṃ patiṭṭhitabhāvena vaḷaṅjitanti attho. Tenāha **“kalyāṇavattan”**ti. **Atirekatarā dve guṇāti** mahāsattassa maghadevakālato atirekatarā dve guṇā itararājūhi pana atirekatarā anekasatasahassappabhedā eva guṇā ahesunti.

312. Tettiṃsa sahapuññakārino ettha nibbāttāti taṃsahacaritaṭṭhānaṃ tettiṃsaṃ, tadeva tāvatīṃsaṃ, taṃnivāso etesanti **tāvatīṃsā**. Nivāsabhāvo ca tesam tatha nibbattanapubbakoti āha **“devānaṃ tāvatīṃsānanti tāvatīṃsabhavane nibbattadevānaṃ”**ti. **Raṅṅoti** nimimahārājassa. **Ovāde ṭhatvāti** **“sīlaṃ arakkhanto mama santikaṃ mā āgacchatū”**ti niggaṇhanavasenapi, **“ekantato mama vijīte vasantena sīlaṃ rakkhitabbaṃ”**ti evaṃ pavattita-ovādavasenapi ovāde ṭhatvā.

1. () Idam ṭhānaṃ atīva byākulaṃ, tasmā suṭṭhu vicāretabbaṃ.

Atha nanti mahājutikaṃ mahāvippahāraṃ mahānubhāvaṃ nimirājānaṃ. “Sakkohamasmi devindo, tava santikamāgato”ti attano sakkabhāvaṃ pavedetvā “**kaṅkhaṃ te paṭivinodessāmi**”ti-āha. Tenāha “**sabbabhūtānamissarā**”ti-ādi.

Sīlaṃ upādāya omakatāya “**kin**”ti hīlento vadati. **Guṇavisitṭhatāyā**ti lābhayasādīnañceva piyamanāpatādīnañca āsavakkhayapariyosānānaṃ nimittabhāvena uttamaguṇatāya. Tadā sakko anuruddhatthero, so attano purimajātiyaṃ paccakkhasiddhaṃva dānato sīlaṃ mahantaṃ vibhāvento “**ahañhi**”ti-ādimāha. Tattha attanā vasiyamānaṃ kāmāvacaradevalokaṃ sandhāya “**pettivisayato**”ti vuttaṃ. Tassa hi kappasatasahassaṃ vivaṭṭajjhāsayassa pūritapāramissa devaloko petaloko viya upaṭṭhāsi. Tenevāha “accharāgaṇasaṃghuṭṭhaṃ, pisācagaṇasevitan”ti¹.

Khattiyeti khattiyajātiyaṃ. **Visujjhatīti** brahmalokūpapattim sandhāya vadati kāmasaṃkilesavisujjhanato. **Kāyāti** ca brahmakāyamāha.

Imassa mama adiṭṭhapubbarūpaṃ disvā “ahudeva bhayan”ti cintetvā āha “**avikampamāno**”ti. Bhāyanto hi cittassa aññathattena kāyassa ca chambhitattena vikampati nāma. Tenāha “**abhāyamāno**”ti. **Sukhaṃ kathetuṃ hotīti** puññaphalaṃ kathetuṃ sukhaṃ hoti.

313. **Manam āgamma yuttāyeva hontīti** mātālissa sakkasseva cittaṃ jānitvā yuttā viya honti, rathe yutta-ājānīyakiccaṃ karonti devaputtā. Evaṃ tādise kāle tathā paṭipajjanti, yathā erāvaṇo devaputto hatthikiccaṃ. **Naddhito paṭṭhāyāti** rathapañjarapariyantena akkhassa sambandhaṭṭhānaṃ naddhim, tato paṭṭhāya. Akkho bajjhati etthāti **akkhabaddho**, akkhena rathassa baddhaṭṭhānaṃ. Yathā devalokato yāva candamaṇḍalassa gamanavīthi, tāva attano ānubhāvena heṭṭhāmukhameva rathaṃ pesesi, evaṃ candamaṇḍalassa gamanavīthito yāva rañño pāsādo, tāva tatheva pesesi. **Dve magge dassetvāti** patodalatṭhiyā ākāsaṃ vilikhanto viya attano ānubhāvena nirayagāmī devalokagāmī cāti dve

1. Saṃ 1. 30 piṭṭhe.

magge dassetvā. **Katamenā**ti-ādi desanāmettaṃ, yathā tena rathena gacchantassa nirayo devaloko ca pākaṭā honti, tathā karaṇaṃ adhippettaṃ.

Vuttakāraṇameva sandhāyāha mahāsatto “**ubhayeneva maṃ mātali nehi**”ti. **Dugganti** duggamaṃ. **Vettaraṇinti** evaṃnāmettaṃ nirayaṃ. **Kuthitanti** pakkuthitaṃ nipakkatelasadisajālaṃ. **Khārasamyuttanti** khārodakasadisamaṃ.

Rathaṃ nivattetvāti nirayābhimukhato nivattetvā. **Biraṇidevadhītāyāti** “biraṇi”ti evaṃnāmettaṃ accharāya. **Soṇadinnadeva puttassāti** “soṇadinnō”ti evaṃnāmettaṃ devaputtassa. **Gaṇadevaputtānanti** gaṇavasena puññaṃ katvā gaṇavaseneva nibbattadevaputtānaṃ.

Pattakāleti upakaṭṭhāya velāya. **Atithinti** paccekasambuddhaṃ. Kassapassa bagavato sāsane ekaṃ khīṇāsavattatheranti vadanti. **Mātāva puttaṃ sakimābhinandīti** yathā pavāsato āgataṃ puttaṃ mātā sakimā ekavāraṃ āgatakele abhinandati, tathā niccakāle abhinandi sakkaccam parivisi. **Samyamā samvibhāgāti** silasamyamā samvibhāgasilā. **Jātake**ti nimijātake¹.

Cittakūṭanti devanagarassa dakkhiṇadisāya dvārakoṭṭhakaṃ. **Sakko cittaṃ sandhāretuṃ asakkontoti** mahāsatte pavattaṃ devatānaṃ sakkārasammānaṃ paṭicca uppannaṃ attano usūyacittaṃ bahi anāvikatvā abbhantareyeva ca naṃ ṭhapetuṃ asakkonto. **Aññesaṃ puññaṃ vasāhīti** sakkassa mahāsattaṃ rosetukāmatāya ārādhanaṃ nidasseti. Purāṇasakko dīghāyuko, taṃ upādāya jarājiṇṇaṃ viya katvā “**jarasakko**”ti vuttaṃ.

315. **Sesaṃ sabbanti** pabbajjupagamaṇā sesaṃ attano vaṃse porāṇarājūnaṃ rājacārittaṃ. **Pākatikanti** puna sabhāvattameva gato ahoṣi, apabbajitabhāvavacanenevassa brahmavihārabhāvanādīnaṃ pabbajjāguṇānaṃ abhāvo dīpito hoti.

316. **Vīriyaṃ akaronto samucchindati**, na tāva samucchinnaṃ, kalyāṇamittasamsaggādipaccayasamavāye sati silavataṃ kalyāṇavattaṃ pavattetuṃ

1. Khu 6. 187 piṭṭhe.

sakkoti. **Dussīlena samucchinnam nāma hoti** tassa tattha nirāsabhāvena paṭipattiyā eva asambhavato. **Satta sekhā pavattenti** kalyāṇavattassa apariniṭṭhitakiccattā. **Khīṇāsavena pavattitam nāma** pariniṭṭhitakiccattā. Sesam suviññeyyameva.

Maghadevasuttavaṇṇanāya līnatthappakāsanā samattā.

4. Madhurasuttavaṇṇanā

317. **Madhurāyanti** uttaramadhurāyaṃ. **Gundāvaneti** kālasippalivane. Atimuttakavaneti ca vadanti. Catūsu vaṇṇesu **brāhmaṇova seṭṭho vaṇṇo**. **Paṇḍaroti** parisuddho. **Kālakoti** aparisuddho. **Jātigottādipaññāpanaṭṭhānesūti** jātigottādivasena suddhacintāyaṃ brāhmaṇā eva suddhajātikā, na itareti adhippāyo. Saṃsārato vā suddhacintāyaṃ brāhmaṇāva sujjhanti vedavihitassa suddhavidhino aññesaṃ avisayattāti adhippāyo. Tam panetaṃ tesam virujjhati khattiyavessānampi mantajjhenassa anuññātattā, mantajjhenavidhinā ca saṃsārasuddhiyābhāvato. Puttā nāma anorasāpi honti, na tathā imeti āha “**orasā**”ti. Ure saṃvaḍḍhitaputtopi “**orasan**”ti vuccati, ime pana mukhato niggato hutvā ure saṃvaḍḍhāti dassetuṃ “**orasā mukhato jātā**”ti vuttaṃ. Tato eva brahmato jātāti **brahmajā**, brahmasambhūtāpi “**brahmajā**”ti vuccanti, na tathā ime, ime pana paccakkhato brahmunā nimmitāti **brahmanimmitā**, tato eva brahmato laddhabbavijjādīdayajjadāyādāti **brahmadāyādāti** sabbametaṃ brāhmaṇānaṃ katthanāpalāpasadisam¹ viññūnaṃ appamāṇaṃ avimaddakkhamaṃ vācāvattumattaṃ brahmakuttasseva² abhāvato. Yaṃ panettha vattabbaṃ, taṃ **visuddhimaggavaṇṇanāyaṃ**³ vuttameva. Tenāha “**ghosoyevā**”ti-ādi. **Vohāramattamevetanti** etaṃ “brāhmaṇova seṭṭho vaṇṇo”ti-ādi vacanamattameva, na tassa attho tehi adhippetabbakāro atthi.

318. **Samijjheyāti** diṭṭhidīpanavasena attano ajjhāsayo nipphajjeyya. Tenāha “**manoratho pūreyyā**”ti. **Khattiyopīti**

1. Attanoṭṭhālātasadisam (Ka)

2. Brahmagottasseva (Ka)

3. Visuddhi-Ṭī 2. 121 piṭṭhe.

parakhattiyopi. **Assāti** samiddhadhanādim pattassa. Tenāha “**issariyasampattassā**”ti. **Nesanti** etesaṃ catunnaṃ vaṇṇānaṃ ettha pubbuṭṭhāyibhāvādinā itarehi upacaritabbatāya na kiñci nānākaraṇanti yojanā.

322. Ahaṃ cīvarādīhi upaṭṭhāko, tumhākaṃ icchiticchitakkhaṇe vadeyyātha yenatthoti yojanā. Corādi-upaddavanisedhanena **rakkhāgutti**, dānādinimitta-upaddavanisedhanena **āvaraṇagutti**. Paccuppannānatthanisedhanena vā **rakkhāgutti**, āgāmi-anatthanisedhanena **āvaraṇagutti**. Ettha ca khattiyādīsu yo yo issaro, tass itarena anuvattetabbabhāve, kusalākusalakaraṇena nesaṃ vasena laddhabba-abhisamparāye, pabbajitehi laddhabbasāmīcikiriyāya ca aṇumattopi viseso natthi tasmā so visesābhāvo pāḷiyaṃ tattha tattha vāre “**evaṃ sante**”ti-ādinā vibhāvito. Sesaṃ suviññeyyameva.

Madhurasuttavaṇṇanāya līnatthappakāsanā samattā.

5. Bodhirājakumārasuttavaṇṇanā

324. **Olokanakapadumanti** līlā-aravindaṃ. **Tasmāti** kokanadasaṅṭhānattā **Kokanadoti saṅkhaṃ labhi**.

325. **Yāva pacchima -pa- phalakaṃ vuttaṃ** tassa sabbapacchā santhatattā uparimaphalagataṃ hi sopānamatthakaṃ. **Olokanatthamīyevāti** na kevalaṃ bagavato āgamanaññeva olokanattham, atha kho attano patthanāya santharāpitāya celapaṭikāya akkamanassapi.

Sakuṇapotaketi kādambaṭṭibhaputtake¹. **Añño va bhaveyyāti** tasmim attabhāve mātugāmato añño idāni bhariyābhūto mātugāmo bhaveyya. **Puttaṃ labheyyāti** attano kammavasena puttaṃ no tassa. **Ubhohīti** imehi eva ubhohi. **Imehi kāraṇehīti** tassa rājakumārassa buddhaṃ paṭicca micchāgahaṇaṃ, tittiyānaṃ ujjhāyanaṃ, anāgate manussaṇaṃ bhikkhūnaṃ uddissa vippaṭisāroti imehi tīhi kāraṇehi. **Paññattanti** santhatam celapaṭikam. Maṅgalaṃ icchantīti **maṅgalikā**.

1. Khajjadīpavirabhaṅgaputtake (Ka)

326. **Tatīyaṃ kāraṇanti** iminā bhikkhūsu vippaṭṭisārānuppādanamāha. Yaṃ kiñci paribhuñjanasukhaṃ kāmasukhallikānuyogoti adhippāyena **kāmasukhallikānuyogasaññī hutvā -pa- maññamāno evamāha.**

327. Atha naṃ bagavā tato micchābhīnivesato vivecetukāmo “so **kho ahan**”ti-ādinā attano dukkaracariyaṃ dassetuṃ ārabhi. **Mahāsaccake**¹ **vuttanayeneva veditabbaṃ** “so kho ahan”ti-ādīpāṭhassa tattha āgataniyāmeneva āgatattā. **Pāsārāsīsutte**² **vuttanayenāti** etthāpi eseva nayo.

343. Aṅkusam gaṇhanti etena, tassa gahaṇe cheko hotīti **aṅkusagahaṇasipparāṃ. Megha-utunti** meghaṃ paṭicca uppannasīta-utuṃ. **Pabbata-utunti** pabbataṃ paṭicca uṇha-utuṃ. Ubhayavasena ca tassa tathā sītuṇha-ututo eno āgatoti ta-kārassa da-kāraṃ katvā **udenoti nāmaṃ akāsi.**

Tāpaso ogāḷhañāṇavasena **rañño matabhāvaṃ ñatvā. Ādīto paṭṭhāyāti** Kosambinagare parantaparañño aggamahesibhāvato paṭṭhāya. **Pubbeti** sīlavantakāle. **Hatthiganthanti** hatthīnaṃ attano vase vattāpanasattham. Tenevassa taṃ sikkhāpeti, kiccaṇca ijjhati.

344. **Padahanabhāvoti** bhāvanānuyogo. Padhāne vā niyutto padhāniyo, padhāniyassa bhikkhuno, tasseva padhāniyabhāvassa aṅgāni kāraṇāni **padhāniyaṅgāni.** Saddhā etassa atthīti **saddho.** Kiñcāpi paccekabodhisattānampi abhinīhārato paṭṭhāya āgatā āgamanasaddhā eva, mahābodhisattānaṃ pana saddhā garutarāti sā eva gahitā. **Acalabhāvena okappanaṃ** “sammāsambuddho bagavā, svākhyāto dhammo, suppaṭipanno saṃgho”ti kenaci akampiyabhāvena ratanattayagūṇe ogāhitvā kappanaṃ. **Pasāduppatti** ratanattaye pasādanameva. **Bodhinti catumaggañāṇanti** vuttam taṃnimittattā sabbaññutaññāṇassa, **bodhīti** vā sammāsambodhi. Sabbaññutaññāṇapadaṭṭhānaṃ hi maggañāṇaṃ, maggañāṇapadaṭṭhānaṃ ca sabbaññutaññāṇaṃ “sammāsambodhī”ti vuccati. Nicchitasubbuddhatāya dhammassa sudhammatā saṃghassa suppaṭipatti vinicchitā

1. Ma 1. 299 piṭṭhe.

2. Ma 1. 216 piṭṭhe.

eva hotīti āha “**desanāsīsameva cetan**”ti-ādi. **Tassa padhānaṃ vīriyaṃ ijjhati** ratanattayasaddhāya “imāya paṭipadāya jarāmarañato muccissāmī”ti padhānānuyoge avam̐mukhasambhavato.

Appābādhoti-ādi heṭṭhā vuttameva. **Aguṇaṃ pakāsetā** āyatim̐ samvaram̐ āpajjitā sammāpaṭipattiyā visodhanattham̐. **Udayaṇca atthaṇca gantunti** “avijjāsamudayā”ti-ādinā pañcannaṃ upādānakkhandhānaṃ udayaṇca vayaṇca jānitum̐. Tenāha “**etenā**”ti-ādi. **Parisuddhāya** upakkilesavinimuttāya. **Nibbijhitunti** tadaṅgavasena pajahitum̐ samucchadappahānassa paccayo bhavitum̐. **Yaṃ dukkhaṃ khīyatīti** kilesesu appahīnesu tena tadupanissayakammaṃ paṭicca yaṃ dukkhaṃ uppajjeyya, taṃ sandhāya vuttam̐.

345. **Sesadivaseti** sattadivasato paṭṭhāya yāva dve rattindivā.

346. Kucchisannissito gabbho nissayavohārena “kucchī”ti vuccati, so etissā atthīti **kucchimati**. Tenāha “**āpannasattā**”ti. **Ārakkho panassa paccupaṭṭhito hotīti** mātarā gahitasaraṇaṃ gabbhavuṭṭhitassa tassa saraṇagamanam̐ pavedayitassa kusalam̐ saraṇam̐ nāma, mātu katarakkho puttassapi paccupaṭṭhitoti. **Mahallakatāleti** vacanattham̐ jānanakāle. **Sārentīti** yathādiṭṭham̐ yathābalaṃ ratanattayaguṇapatiṭṭhāpanavasena assa sārenti. **Sallakkhetvāti** vuttamattham̐ upadhāretvā. **Saraṇam̐ gahitam̐ nāma hoti** ratanattayassa saraṇabhāvasallakkhaṇapubbakatanninnacittabhāvatova. **Sesaṃ suviññeyyameva**.

Bodhirājakumārasuttavaṇṇanāya līnatthappakāsanā samattā.

6. Aṅgulimālasuttavaṇṇanā

347. **Aṅgulīnaṃ mālaṃ dhāretīti** iminā anvatthā tassa samaññāti dasseti. **Tatrāti** tasmim̐ ācariyavacanena aṅgulimālassa dhāraṇe, **karīsasahassakhette ekasālisīsam̐ viya** apaññāyamānasakakicco¹ hotīti adhippāyo. **Takkasīlaṃ pesayimsu** “tādisassa ācariyassa

1. Apaññāyamānasukātiko (Ka)

santike sippuggahasammāpayogena diṭṭhadhammike samparāyike ca atthe jānanto bhāriyaṃ na kareyyā”ti. **Bāhirakā ahesuṃ** ahimsakassa vattasampattiyā ācariyassa cittasabhāvato nibbattanatibhāvena. **Sineheneva vadanteti** sinehena viya vadante.

Gaṇanampi na uggaṇhātīti gaṇanavidhimpī na sallakkheti. Tattha kāraṇamāha “**pakatiyā**”ti-ādinā. **Ṭhapitaṭṭhāneti** rukkhagacchantarādike ṭhapitaṭṭhāne sakuntasīṅgālānaṃ vasena **aṅguliyo vinassanti**. **Bhaggavoti** kosalarañño purohitaṃ gottena vadati. **Coro avissāsaniyo** sāhasikabhāvato. **Purāṇasanthatā sākḥā avissāsaniyā** vicchikādīnaṃ pavesanayogyattā. **Rājā avissāsaniyo** issariyamadena dhanalobhena ca kadāci jīvite saṅkābhāvato. **Itthī avissāsaniyā** lolasīlacittabhāvato. **Anuddharaṇiyo bhavissati** saṃsārapaṅkato.

348. **Saṅkaritvāti** “mayāṃ ekajjhaṃ sannipatitvā coraṃ māretvā vā palāpetvā gamissamā”ti saṅkaraṃ katvā. **Iddhābhisāṅkhāranti** abhisāṅkharāṇaṃ adhiṭṭhānaṃ. **Abhisāṅkhāsīti** adhiṭṭhahi. **Samharitvāti** saṅkhipitvā. **Orabhāgeti** corassa orabhāge.

349. **Daṇḍoti** paharaṇahatthacchedanādiko daṇḍanasāṅkhāto daṇḍo. **Pavattayitabboti** ānetabbo. **Apanetvāti** attano santānato samucchedavasena pahāya. **Paṭisaṅkhāyāti** paṭisaṅkhānena. **Avihimsayāti** karuṇāya. **Sāraṇiyadhammesūti** chasupi sāraṇiyadhammesu **ṭhito** aṭṭhitānaṃ pāpadhammānaṃ bodhimūle eva samucchinnattā. Yathā atīte aparimitaṃ kālaṃ sandhāvitaṃ, evaṃ imāya paṭipattiyā anāgatepi sandhāvissatīti dassento “**idāni**”ti-ādimāha.

Ittevāti iti eva, **iti**-saddo nidassanatto. Tenāha “**evaṃ vatvāyevā**”ti. **Akirīti** ākiri, pañcapi āvudhāni vikiri. Tena vuttaṃ “**khipi chaḍḍesī**”ti.

350. **Ettovāti** ato eva āgatamaggeneva sāvattim **gatā**. **Adhivāsessatīti** “coraṃ paṭisedhetuṃ gamissāmī”ti vutte tuṅhī

bhavissati. **Dāruṇakammena uppannānāmantī** “aṅgulimālo”ti imaṃ nāmaṃ sandhāya vadati.

351. **Hatthī araṇṇahatthī** hontī manussānaṃ tattha gantuṃ asakkuṇeyyattā, evaṃ **assāpi**. **Kūṭasahassānaṃ bhijjanakāraṇaṃ hotī** therassa āgamanabhayena ghaṭe chaḍḍetvā palāyanena. **Gabbhamūḷhāyāti** byākulagabbhāya. **Pabbajjābalenāti** vuttaṃ, satthu desanānubhāvenāti pana tattabbaṃ. So hi tassāpi kāraṇanti. **Ariyā nāma jāti** pabbajjā ariyabhāvatthāya jātīti katvā.

Mahāparittaṃ nāmetanti mahānubhāvaṃ parittaṃ nāmetāṃ. Tathā hi naṃ thero sabbabhāvena ariyāya jāto saccādhīṭṭhānena akāsi. Tenāha “**saccakiriyakataṭṭhāne**”ti. **Gabbhamūḷhanti** mūḷhagabbhaṃ. Gabbho hi paripakko sampajjamāno vijāyanakāle kammajavātehi sañcāletvā parivattito uddhampādo adhosīso hutvā yonimukhābhimukho hotī, evaṃ so kassaci alaggo sotthinā bahi nikkhamati, vipajjamāno pana viparivattanavasena yonimaggaṃ pidahitvā tiriyaṃ nipajjati, tathā yassā yonimaggo pidahati, sā tattha kammajavātehi aparāparaṃ parivattamānā byākulā mūḷhagabbhāti vuccati, taṃ sandhāya vuttaṃ “**gabbhamūḷhan**”ti.

Saccakiriyā nāma buddhāsayaṃ attano sīlaṃ paccavekkhitvā katā, tasmā saccakiriyā vejjakammaṃ na hotīti daṭṭhabbaṃ. **Therassapi cāti-ādinā** upasaṅkamitabbakāraṇaṃ vadati. Ime dve hetū paṭicca bagavā therāṃ saccakiriyāṃ kāresi. **Jātinti** mūlajātīṃ.

352. Pariyādāya āhacca **bhinnena sīsenā**. **Sabhāgadiṭṭhadhammavedanīyakammanti** niraye nibbattanasakakammasabhāgabhūtaṃ diṭṭhadhammavedanīyakammaṃ. Sabhāgatā ca samānavatthukatā samānārammaṇatā ekavīthipariyāpannatādivasena sabbathā sarikkhatā, sadisampi ca nāma tadevāharīyati yathā “tasseva kammaṃ vipāko”ti ca “sā eva tittirī tāneva osadhānī”ti ca. Idāni tameva sabhāgataṃ dassetuṃ “**kammaṃ hī**”ti-ādi āraddhaṃ. **Kariyamānamevāti** paccayasamavāyena paṭipāṭiyā nibbattiyamānameva. **Tayo koṭṭhāse pūreti**, diṭṭhadhammavedanīya-aparāpariyāyavedanīya-upapajjavedanīyasaṅkhāte tayo bhāge pūreti, tesāṃ tiṇṇaṃ bhāgānaṃ vasena pavattati.

Diṭṭhadhammo vuccati paccakkhabhūto paccuppanno attabhāvo, tattha veditabbaphalaṃ kammaṃ **diṭṭhadhammavedanīyaṃ**. Paccuppannabhavato anantaraṃ veditabbaphalaṃ kammaṃ **upapajjavedanīyaṃ**.

Diṭṭhadhammānantarabhavato aññasmiṃ attabhāvapariyāye attabhāvaparivatte veditabbaphalaṃ kammaṃ **aparāpariyāyavedanīyaṃ**. Paṭipakkhehi anabhibhūtatāya, paccayavisesena paṭiladdhavisēsātāya ca balavabhāvappattā tādisassa pubbābhisāṅkhārassa vasena sātisayā hutvā pavattā paṭhamajavanacetanā tasmimyeva attabhāve phaladāyini diṭṭhadhammavedanīyā nāma. Sā hi vuttākārena balavati javanasantāne guṇavisesayuttesu upākārānupakāravasappavattiyā āsevanālābhena appavipākatāya ca itaradvayaṃ viya pavattasantānuparamāpekkhaṃ okāsalābhāpekkhaṃca kammaṃ na hotīti idheva pupphamattaṃ viya pavattivipākamattaṃ phalaṃ deti.

Tathā asakkontanti kammassa phaladānaṃ nāma upadhipayogādipaccayantarasamavāyeneva hotīti tadabhāvato tasmimyeva attabhāve vipākaṃ dātuṃ asakkontaṃ. **Ahosikammanti** kammaṃyeva ahosi, na tassa vipāko ahosi, atthi bhavissati vāti evaṃ vattabbaṃ kammaṃ. **Atthasādhikā**ti dānādipāṇātipātādi-atthassa nipphādikā. Kā pana sāti āha “**sattamajavanacetanā**”ti. Sā hi sanniṭṭhāpakacetanā vuttanayena paṭiladdhavisēsā purimajavanacetanāhi laddhāsevanā ca samānā anantare attabhāve vipākadāyini upapajjavedanīyakammaṃ nāma. Tenāha “**anantare attabhāve vipākaṃ detī**”ti. **Sati saṃsārappavattiyā**ti iminā asati saṃsārappavattiyā ahosikammaṃpakke tiṭṭhati vipaccanokāsassa abhāvatoti.

Samugghāṭitāni vipaccanokāsassa anuppattidhammatāpādanena. **Diṭṭhadhammavedanīyaṃ atthi** vipākārahābhāvassa anibbattitattā vipaccanokāsassa anupacchinnattā. Katūpacitaṃ hi kammaṃ sati vipaccanokāse yāva na phalaṃ deti, tāva attheva nāma vipākārahābhāvato. “Yassa kho”ti idaṃ aniyāmākāravacanaṃ bagavatā kammaśarikkhatāvasena sādharmaṇato vuttanti āha “**yādisassa kho**”ti.

Pamādakilesavimuttoti pamādahetukehi sabbehi kilesehi vimutto.

Pāpassa pidhānaṃ nāma avipākadhammatāpādananti āha “**appaṭṭisandhikaṃ kariyati**”ti. **Buddhasāsane**ti sikkhāttayasaṅgahe buddhassa bagavato sāsane. **Yuttappayutto viharatī**ti akattabbassa akaraṇavasena, kattabbassa ca paripūraṇavasena pavattati.

Dissanti kujjhantīti **disā**, paṭipakkhāti āha “**sapattā**”ti. **Tappasaṃsapakāraṇanti**¹ mettānisamsakittanākāraṃ. **Kālenā**ti āmeḍitalopena niddesoti āha “**khāṇe khāṇe**”ti. **Anukarontū**ti yesaṃ kalyāṇamittānaṃ santike suṇanti, yathāsutaṃ dhammaṃ tesāṃ anukarontu, diṭṭhānagatikaraṇaṃ āpajjantu, attano veripuggalānampi bagavato santike dhammassavanaṃ sammāpaṭipattiṃca paccāsīsatī.

Tasanti gatiṃ patthayanti **tasā** bhavantarādīsu saṃsaraṇabhāvato. Tenāha “**tasā vuccanti satanḥā**”ti.

Netabbaṭṭhānaṃ udakaṃ nayanti **nettikā**. **Bandhitvā**ti daḷhaṃ bandhitvā. **Telakañjikenā**ti telamissitena kañjikenā.

Yādisova anīṭṭhe, tādisova iṭṭheti iṭṭhānīṭṭhe nibbikārena **tādī**. Yesaṃ pana kāmāmisādīnaṃ vantattā rāgādīnaṃ cattattā kāmoghādīnaṃ tiṇṇattā tātibhāvo bhaveyya, tesāṃ bagavatā sabbaso vantā cattā tiṇṇā, tasmā bagavā **vantāvīti tādi, cattāvīti tādi, tiṇṇāvīti tādi**, yehi anaññasādhāraṇehi sīlādiguṇehi samannāgatattā bagavā tātibhāvena ukkaṃsapāramippatto taṃniddeṣo, tehi guṇehi yāthāvato niddisitabbatopi **tādī**. Yathā yantarajjuyā yantaṃ nīyati, evaṃ yāya taṇhāya bhavo nīyati, sā “bhavanetti bhavarajjū”ti vuttā. Tenāha “**tāya hī**”ti-ādi. Kammāni kusalādīnaṃ vipaccayanti apaccayanti etāyāti **kammavipāko**. Apaccayabhāvo nāma ariyamaggacetanāyāti āha “**maggacetanāyā**”ti. Yāva na kilesā pahīyanti, tāva ime sattā sa-ṇṇā eva aserivihārabhāvatoti āha “**aṇaṇo nikkilesa jāto**”ti.

Theyyaparibhogo nāma sāmiparibhogābhāvato. Bhagavatāpi hi attano sāsane sīlavato paccayā anuññātā, na dussīlassa,

1. Mettāpasamsakānaṃ (Aṭṭhakathāyaṃ.)

dāyakānaṃ sīlavatoyeva pariccāgo, na dussīlassa attano kārānaṃ mahapphalabhāvassa paccāsīsanato. Iti satthāro ananuññātattā dāyakehi ca apariccattattā **“dussīlassa paribhogo theyyaparibhogo nāmā”**ti vuttaṃ. Ināvasena paribhogo **inaparibhogo**. Paṭiggāhakato dakkhiṇāvisuddhiyā abhāvato ināṃ gahetvā paribhogo viyāti attho. Yasmā sekkhā bagavato orasaputtā, tasmā te pitusantakānaṃ paccayānaṃ dāyādā hutvā te paccaye paribhuñjantīti tesāṃ paribhogo **dāyajjaparibhogo nāma**. Kiṃ pana te bagavato paccaye paribhuñjanti, udāhu gihīhi dinnanti? Gihīhi dinnāpi te bagavatā anuññātattā bagavato santakā honti ananuññātesu sabbena sabbāṃ paribhogābhāvato, anuññātesuyeva paribhogasambhavato.

Dhammadāyādasuttaṃ¹ cettha sādhaṃ.

Avītarāgānaṃ taṇhāparavasatāya paccayaparibhoge sāmibhāvo natthi, tadabhāvena vītarāgānaṃ tatha sāmibhāvo yathāruciparibhogasambhavato. Tato hi te paṭikūlampi appaṭikūlakārena, appaṭikūlampi paṭikūlakārena tadubhayaṃ vivajjetvā upekkhākārena ca paccaye paribhuñjanti, dāyakānaṃ manorathaṃ paripūrenti. Sesamettha yaṃ vattabbaṃ, taṃ **Visuddhimagge**², **taṃsaṃvaṇṇanāsu**³ ca vuttanayeneva veditabbaṃ. **Kilesa-inānaṃ abhāvaṃ sandhāya “aṇaṇo”**ti vuttaṃ, na paccavekkhitaparibhogamattaṃ. Tenāha āyasmā ca bākulo “sattāhameva kho ahaṃ āvuso saraṇo raṭṭhapiṇḍaṃ bhūñjin”ti⁴.

Vatthukāmakilesakāmehi taṇhāya pavatti-ākāraṃ paṭicca atthi ramaṇavohāroti āha **“duvidhesupi kāmesu taṇhāratisanthavan”**ti. **Mantitanti** kathitaṃ. **Uppannehi** satthupaṭiññehi. **Saṃvibhattā**ti kusalādivasena khandhādīhi ākārehi vibhattā. Sundaraṃ āgamananti **svāgataṃ**. Tato eva na kucchitaṃ āgataṃ. Soḷasavidhakiccassa apariyositattā āha **“taṃ sabbāṃ mayā katan”**ti. Maggapaññāyameva tatiyavijjāsamaññāti āha **“tīhi vijjāhi navahi ca lokuttaradhammehī”**ti.

Āṅgulimālasuttavaṇṇanāya līnatthappakāsanā samattā.

1. Ma 1. 15 piṭṭhe.

3. Visuddhi-Ṭī 1. 72 piṭṭhe.

2. Visuddhi 1. 29 piṭṭhādīsu.

4. Ma 3. 168 piṭṭhe.

7. Piyajātikasuttavaṇṇanā

353. **Pakatiniyāmenā**ti yathā sokuppattito pubbe iti kattabbesu asammohavasena cittaṃ pakkhandati, tāni cassa upaṭṭhahanti, na evaṃ sokassa cittasaṅkocasabhāvato. Tena vuttaṃ “**pakatiniyāmena pana na paṭibhantī**”ti. Keci pana “sāmantā katipaye na kuṭumbaṃ sandhāreti. Tenāha ‘**na sabbena sabbaṃ paṭibhantī**’ti” vadanti. **Etthā**ti dutiyapade. Anekatthattā dhātūnaṃ “na paṭibhāti”ti padassa “na rucati”ti atthamāha. **Na paṭibhāti**ti vā bhuñjitukāmatācittaṃ na upaṭṭhitanti attho. **Paṭiṭṭhitokāsanti** indriyāvīṭṭhatṭhānaṃ vadati. Piyāyitabbato piyo jāti uppattiṭṭhānaṃ etesanti **piyajātikā**. Piyo pabhuti etesanti piyappabhutikāti vattabbe u-kārassa va-kāraṃ, ta-kārassa ca lopam katvā “**piyappabhāvika**”ti vuttaṃ. Tenāha “**piyato pabhavanti**”ti.

355. Para-saddena samānattham ajjhatikabhāvanisedhanattham “pire”ti padanti āha “**amhākaṃ pare**”ti. **Pireti** vā “parato”ti iminā samānattham nipātapadanti āha “**cara pireti parato gacchā**”ti.

356. **Dvidhā chetvā**ti ettha yadi itthi tassa purisassa piyā, katham dvidhā chindatīti āha “**yadi hī**”ti-ādi.

357. **Katham katheyanti** yathā bagavā etassa brāhmaṇassa kathesi, so ca me kathesi, tathā cāham katheyam. **Marāṇavasena vipariṇāmo** attabhāvassa parivattattā. **Palāyivā gamanavasena** aññathābhāvo mittasanthavassa samāgamassa ca aññathābhūtattā.

Chaḍḍitabhāvenāti parivattitabhāvena. **Hatthagamanavasena aññathābhāvo** pubbe savase vattitānaṃ idāni vase avattanabhāvena.

Ācamehīti ācamaṇaṃ mukhavikkhālanam kārehi. Yasmā mukham vikkhālentā hi hatthapāde dhovivā vikkhāleti, tasmā “**ācamivā**”ti vatvā pacchāpi tassa attham dassento “**mukham vikkhāletvā**ti āha. Sesam suviññeyyameva.

Piyajātikasuttavaṇṇanāya līnatthappakāsanaṃ samattā.

8. Bāhitikasuttavaṇṇanā

359. Sāvajjatāya upārambham¹ arahatīti **opārambho**². Tenāha “**dosam āropanāraho**”ti. Bālā upārambhavattumaññaṃ amūlakampi naṃ āropento ugghosenti, tasmā te anāmasitvā “**viññūhī**”ti **idam padam gahetvā** pañhena ñātum icchitena atthena upārambhādīnaṃ upari uttaram **paripūretum nāsakkhimhā. Tam kāraṇanti** tam uppattikāraṇam. Yadi hi mayā “**viññūhī**”ti padam pakkhipitvā vuttam bhavēyya, pañhā me paripuṇṇā bhavēyya, na pana vuttā, idāni pana tam kāraṇam uttaram **āyasmatā** ānandena “**viññūhī**”ti **evam vadantena paripūritam.**

360. Kosallapaṭipakkhato akosallam vuccati avijjā, taṃsamuṭṭhānato **akosallasambhūto**. Avajjam vuccati garahitabham, saha avajjehīti **sāvajjo**, gārayyo. Rāgādīdosehi **sadoso**, tehi eva **sabyābajjho**, tato eva sampati āyatiṇca **sadukkho**. Sabyābajjhādiko **nissandavipāko**.

Tathā attho vutto bhavēyyāti pucchāsabhāgenapi attho vutto bhavēyya, pucchantassa pana na tāva cittārādhanam. Tenāha “**evam byākaraṇam pana na bhāriyan**”ti, garukaraṇam na hoti visārajjam³ na siyāti adhippāyo. Tenāha “**appahīna-akusalopi hi pahānam vaṇṇeyyā**”ti. Evarūpo pana yathākārī tathāvādī na hoti, na evam bagavāti āha “**bagavā**”ti-ādi. **Evambyākāsī**ti “sabbākusaladhammapahīno kho mahārāja Tathāgato”ti evam byākāsī. **Sukkapakkhepi eseva nayoti** iminā “sabbesaṃyeva kusalānam dhammānam upasampadam vaṇṇetī”ti vutte yathā pucchā, tathā attho vutto bhavēyya, evam byākaraṇam pana na bhāriyam, asampāditakusaladhammopi upasampadam vaṇṇeyya. Bhagavā pana sammadeva sampāditakusalattā yathākārī tathāvādīti dassetum “**evam byākāsī**”ti imamattham dasseti. Sesam suviññeyyameva.

Bāhitikasuttavaṇṇanāya līnatthappakāsanā samattā.

1. Upārambham (Ka)

2. Opārambho (Ka)

3. Sārajjanantipi yujjati.

9. Dhammacetiyasuttavaṇṇanā

364. Medavaṇṇā uḷupavaṇṇā ca tattha tattha pāsāṇā ussannā ahesunti **medāḷupanti** gāmassa samaññā jātā. **Uḷupavaṇṇāti** candasamānavaṇṇataya medapāsāṇā vuttāti keci. Aṭṭhakathāyaṃ pana “**medavaṇṇā pāsāṇā kirettha ussannā ahesun**”ti idam vuttaṃ. **Assāti** senāpatissa.

Kathāsamuṭṭhāpanatthanti mallikāya

sokavinodanadhammakathāsamuṭṭhāpanatthaṃ.

Raññāti pasenadīkosalaraññā. **Magaccāti** mahatīyā. Padavipallāsenā cetam vuttaṃ. Pasādamarahantīti **pāsādikāni**. Tenāha “**saha rañjanakāni**”ti. Yāni pana pāsādikāni, tāni passitum yuttāni. **Pāsādikāni**ti vā saddahanasahitāni. Tenāha “**pasādajanakāni**”ti. “Appābādhan”ti-ādīsu¹ viya appasaddo abhāvathoti āha “**nissaddāni**”ti. Aniyamatthavāci ya-saddo aniyamākāravācakopi hotīti “yatthā”ti padassa “yādisesū”ti-ādīmāha. Tathā hi **aṅgulimālasutte**² “yassa kho”ti padassa “yādisassa kho”ti attho vutto.

366. **Paṭicchadanti** paṭicchādakaṃ. **Rājakakudhabhaṇḍāni**ti rājabhaṇḍabhūtāni. **Rayāhatīti** raho karoti, maṃ ajjhesatīti attho.

367. Yathāsabhāvato ñeyyaṃ dhāreti avadhāretīti **dhammo**, ñāṇanti āha “**paccakkhañāṇasaṅkhātassa dhammassā**”ti. **Anunayoti** anugacchanako. Diṭṭhena hi adiṭṭhassa anumānaṃ. Tenāha “**anumānaṃ anubuddhī**”ti. **Āpāṇakoṭikanti** yāva pāṇakoṭi, tāva jīvitapariyosānaṃ. **Etanti** dhammanvayasaṅkhātāṃ anumānaṃ. **Evanti** “idha panāhan”ti vuttappakārena.

369. **Cakkhum abandhante viyāti** apāsādikatāya passantānaṃ cakkhum attani abandhante viya. Kulasantānānubandho rogo **kularogo**. **Uḷāranti** sānubhāvaṃ. Yo hi ānubhāvasamanno, taṃ “mahesakkhān”ti vadanti. **Arahattaṃ gaṇhantoti** ukkaṭṭhaniddesoṃ, heṭṭhimaphalāni gaṇhantopi.

1. Ma 2. 227 piṭṭhe.

2. Ma-Ṭṭha 3. 235 piṭṭhe.

373. Jīvikā jīvitavutti.

374. Dhammaṃ ceteti saṃvedeti etehīti **dhammacetiyaṇi**, dhammassa pūjāvacaṇāni. Nanu cetāni buddhasaṃghaguṇadīpanānipi santi, kathaṃ **“dhammacetiyaṇīti dhammassa cittaṅkāravacaṇāni”**ti vuttanti āha **“tisu hī”**ti-ādi. Tattha yasmā buddharatanamūlakāni sesaratanāni tassa vasena laddhabbato, kosalarāññā cettha buddhagāravena dhammasaṃghagāravam paveditaṃ, tasmā **“bagavati cittaṅkāre kate dhammopi katova hoti”**ti vuttaṃ. Yasmā ca ratanattayapasādapubbikā sāsane sammāpaṭipatti, tasmā vuttaṃ **“ādibrahmacariyaṅkānīti maggabrahmacariyassa ādibhūtaṇi”**ti. Sesaṃ suviññeyyameva.

Dhammacetiyaṇisuttavaṇṇanāya līnatthappakāsanā samattā.

10. Kaṇṇakatthalasuttavaṇṇanā

375. **Anantarassutte vuttakaraṇīyenevāti** “pāsāde vā nāṭakesu vā cittaṇṇādam alabhamāno tattha tattha vicarituṃ āradḍho”ti vuttakaraṇīyena. Appaduṭṭhapadosīnaṃ hi evaṃ hotīti.

376. **Pucchitoti** “aṅṅaṃ dūtaṃ nālatthun”ti pucchito. **Soti rājā. Tasaṃ vandanā sace uttarakālaṃ, attano āgamanakāraṇaṃ kathessati.**

378. **Ekāvajjanenāti** ekavīthijavanena. Tena ekacittaṃ tāva tiṭṭhatu, ekacittavīthiyāpi sabbaṃ jānituṃ na sakkāti dasseti. “Idaṃ nāma atītaṃ jānissāmī”ti aniyamtvā āvajjato yaṃ kiñci atītaṃ jānāti, niyamite pana niyamitamevāti āha **“ekena hi -pa- ekadesameva jānāti”**ti. **Tena cittenāti** “atītaṃ sabbaṃ jānissāmī”ti evaṃ pavattacittena. **Itaresūti** anāgatapaccuppannesu. **Kāraṇajātikanti** yuttisabhāvaṃ, yuttiyā yuttanti attho. **Samparāyaguṇanti** samparāye katakammaṃ viśesaṃ.

379. **Lokuttaramissakāni kathitāni** Bodhirājakumārasutte viya lokiyā ceva lokuttarā ca. Yathālābhavasena cettha

padhāniyaṅgānaṃ lokuttaraggahaṇaṃ veditabbaṃ. Paccekaṃ eva nesañca padhāniyaṅgatā daṭṭhabbā yathā “aṭṭhavimokkhā sannissanti lokuttaramissakā”ti. **Lokuttarānevā**ti cetha yaṃ vattabbaṃ, taṃ parato āvibhavissati. **Padhānanānatthanti** padahananānattam, bhāvanānuयोगavisesanti attho. Saṅkhāre parimadditvā paṭipakkhadhamme ekadesato pajahitvā ṭhitassa bhāvanānuयोगo sabbena sabbam aparimadditasāṅkhārassa appahīnapaṭipakkhassa bhāvanānuयोगato sukhumo visadova hoti, saccābhisamayena santānassa āhitavisesattāti āha “**aññādisameva hi puthujjanassa padhānaṃ, aññādisaṃ sotāpannassa**”ti-ādi. Ayañca viseso na kevalaṃ anariya-ariyapuggalato eva, atha kho ariyesupi sekkhādivisesatopi labbhati abhisāṅkhāravisesato abhinīhārato ca ijghanatoti dassento “**aññādisaṃ sakadāgāmino**”ti-ādimāha. **Na pāpuṇā**ti yasmā puthujjano sabbathāva padhānaṃ padahanto sotāpattimaggam adhigacchati, sotāpanno ca sakadāgāmimagganti heṭṭhimaṃ uparimato oḷārikaṃ, uparimañca itarato sukhumaṃ tena pahātuṃ asakkuṇeyyassa pajahanato, iti adhigantabbavisosena ca adhigamapaṭipadāya saṅhasukhumatā tikkhavisadatā ca viññāyatīti āha “**puthujjanassa padhānaṃ sotāpannassa padhānaṃ na pāpuṇā**”ti-ādi.

Akūṭakaraṇanti avañcanakiriyaṃ. **Anavacchindananti** atiyānaṃ. **Aviñchanam**¹ na ākaḍḍhanaṃ, niyuttataṃ viniveṭhetvā samantā viparivattitvā samadhārāya chaḍḍanaṃ vā. Tassa kāraṇaṃ **taṃkāraṇaṃ, taṃkāraṇanti** vā taṃ kiriyaṃ taṃ adhikāraṃ. **Dantehi gantabbabhūminti** dantehi pattabbaṭṭhānaṃ, pattabbavatthum vā. **Cattāropi assaddhā nāma** uparima-uparimasaddhāya abhāvato. Yena hi yaṃ appattaṃ, tassa taṃ natthi. **Ariyasāvaka**ssa -pa- **natthi** paṭhamamaggeneva māyāsāṭṭheyyānaṃ pahātabbattā. **Tenevā**ti sammadeva viruddhapakkhānaṃ saddhādīnaṃ idhādhippetattā. Yadi evaṃ kathaṃ missakakathāti āha “**assakhaḷḷukasuttante panā**”ti-ādi. **Cattārova honti** puthujjanādivasena.

Opammasāmsandane **adantahatthi-ādayo viyāti-ādinā** kaṇhapakkhe **yathā pana dantahatthi-ādayoti-ādinā** sukkapakkhe ca sādharmaṇato

1. Acchindanaṃ (Aṭṭhakathāyaṃ.)

ekajjhaṃ katvā vuttaṃ, asādhāraṇato bhinditvā dassetuṃ “**idaṃ vuttaṃ hotī**”ti-ādi vuttaṃ.

380. **Sammappadhānā** nibbiṣiṭṭhavīriyā. Tenāha “**na kiñci nānākaraṇaṃ vadāmi, yadidaṃ vimuttiyā vimuttin**”ti. Na hi sukkhavipassakatevijjachaḷabhiññānaṃ vimuttiyā nānākaraṇaṃ atthi. Tena vuttaṃ “**yaṃ ekassā**”ti-ādi. Kiṃ tvamṇa jānāsīti sambandho. **Āgacchantīti** uppajjanavasena āgacchanti. **Nāgacchantīti** etthāpi eseva nayo. **Idaṃ pucchantoti** idaṃ pucchāmīti dassento. **Appahīnacetasikadukkhā** anadhigata-anāgāmitā. Tenāha “**upapattivaseṇa āgantāro**”ti. **Samucchinnaḍḍikkhāti** samugghāṭitacetasikadukkhā.

381. **Tamhā ṭhānāti** tato yathādhigata-issariyaṭṭhānato. Puna **tamhā ṭhānāti** tato duggatā. **Sampannakāmaguṇanti** uḷarakāmaguṇasamannāgataṃ.

Tatthāti kāmadevaloke. **Ṭhānabhāvatoti** arahattañce adhigataṃ tāvadeva parinibbānato. **Uparideve cāti** uparūpari bhūmivāse deve ca, cakkhuviññānadassanenapi dassanāya nappahontīti yojanā.

382. **Vuttanayenevāti** devapucchāya vutteneva nayena. **Sā kira kathāti** “natthi so samaṇo vā brāhmaṇo vā, yo sakideva sabbaṃ neyyan”ti kathā. **Teti Viṭaṭṭubhasañjayā. Imasmimyeva ṭhāneti** imasmim migadāyeyeva. **Sesaṃ suviññeyyameva.**

Kaṇṇakatthalasuttavaṇṇanāya līnatthappakāsanā samattā.

Niṭṭhitā ca rājavaggavaṇṇanā.

5. Brāhmaṇavagga

1. Brahmāyusuttavaṇṇanā

383. “Mahāsatto¹ mahiddhiko mahānubhāvo”ti-ādīsu² uḷaratā visayo, “mahājanakāyo sannipatī”ti-ādīsu sambahulabhāvavīṣayo, idha pana tadubhayampissa atthoti “mahatāti guṇamahattenapi mahatā”ti-ādi vuttaṃ. **Appicchatādīti ādi**-saddena santuṭṭhisallekhapaviveka-asaṃsagga-vīriyārambhādīnaṃ saṅgaho. **Diṭṭhisīlasāmaññasāṅghātasāṅkhātenā**ti ettha “niyato sambodhiparāyaṇo”³, “aṭṭhānametaṃ bhikkhave anavakāso, yaṃ diṭṭhisampanno puggalo sañcicca pāṇaṃ jīvītā voropeyyāti netāṃ ṭhānaṃ vijjati”ti-ādivacanato diṭṭhisīlānaṃ niyatasabhāvattā sotāpannāpi aññamaññaṃ diṭṭhisīlasāmaññaṇa saṃhata, pageva sakadāgāmi-ādayo. “Tathārūpāya diṭṭhiyā diṭṭhisāmaññaṅgato viharati”⁴ tathārūpehi sīlehi sīlasāmaññaṅgato viharati”ti vacanato puthujjanānampi diṭṭhisīlasāmaññaṇa saṃhatabhāvo labbhatiyeva.

Oṭṭhapahatakaraṇavasena atthavibhāgavasena. **Sanighaṇḍukeṭubhānanti** ettha **nighaṇḍū**ti vacanīyavācakahāvena atthaṃ saddaṅca khaṇḍati vibhajja dasseti **nikhaṇḍu**. So eva idha kha-kārassa gha-kāraṃ katvā “**nighaṇḍū**”ti vutto. Kiṭṭi⁶ gameti kiriyādivibhāgaṃ, taṃ vā anavasesapariyādānato gamento pūreti **keṭubhaṃ**. **Vevacanappakāsakanti** pariyāyasaddadīpakāṃ, ekekassa atthassa anekapariyāyavacanavibhāvakanti attho. Nidassana-mattañcetāṃ anekesampi atthānaṃ ekasaddavacanīyatāvibhāvanavasenaṃ pi tassa ganthassa pavattattā. Vacībhedaḍilakkhaṇā kiriyā kappiyati etenāti kiriyākappo, so pana vaṇṇapadasambandhapadatthavibhāgato bahuvikappoti āha “**kiriyākappavikappo**”ti. Idaṅca mūlakiriyākappavantaṃ sandhāya vuttaṃ. So hi sataśahassaparimāṇo nalacariyādīpakaraṇaṃ⁷.

1. Ma-Ṭṭha 3. 60 piṭṭhe.

2. Vi 3. 33 piṭṭhādīsu.

3. Saṃ 1. 297; Saṃ 3. 299, 311 piṭṭhesu.

4. Dī 3. 204, 237; Ma 1. 379; Ma 3. 39 piṭṭhesu.

5. Dī 3. 203; Ma 1. 397; Ma 3. 39; Aṃ 2. 256; Vi 5. 168 piṭṭhesu.

6. Kirati (Ka) Dī-Ṭṭi 1. 291; Aṃ-Ṭṭi 2. 131 piṭṭhādīsūpi passitabbaṃ.

7. Nayacariyādīpakaraṇaṃ (Dī-Ṭṭi 1. 291 piṭṭhe), namācariyādīpakaraṇaṃ (Aṃ-Ṭṭi 2. 131 piṭṭhe.)

Ṭhānakaraṇādivibhāgato nibbacanavibhāgato ca akkharā pabhedīyanti etehīti **akkharappabhedā**, sikkhāniruttiyo. **Etesanti** vedānaṃ. Te eva vede padaso kāyatīti **padako**. Tam tam saddaṃ tadatthaṅca byākaroti byācikkhati etenāti **byākaraṇaṃ**, saddasatthaṃ. Āyatīṃ hitaṃ tena loko na yatati na ihatīti **lokāyatam**. Tam hi ganthaṃ nissāya sattā puññakiriya cittaṃpi na uppādentī. Vayatīti vayo, na vayo avayo, na avayo **anavayo**, ādimajjhapariyosānesu katthaci aparikilanto avitthāyanto te ganthe sandhāreti pūretīti attho. Dve paṭisedhā pakatiṃ gamentīti dassento “**avayo na hotī**”ti vatvā tatha avayaṃ dassetuṃ “**avayo -pa- na sakkoti**”ti vuttam.

384. **Garūti** bhāriyaṃ attānaṃ tato mocetvā gamaṇaṃ dukkaraṃ hoti. **Anatthopi uppajjati** nindābyārosa-upārambhādi. **Abbhuggatoti** ettha abhisaddayogena **itthambhūtākhyānatthe upayogavacanaṃ**.

Lakkhaṇānīti lakkhaṇādīpanāni mantapadāni. **Antaradhāyantīti** na kevalaṃ lakkhaṇamantāniyeva, aññānīpi brāhmaṇānaṃ ṇāṇabalābhāvena anukkamena antaradhāyanti. Tathā hi vadanti “ekasataṃ addhāriyaṃ dipaññāsamattato sāmā”ti-ādi¹. Paṇidhimahato samādānamahatoti-ādinā paccekaṃ **maha-saddo** yojetabbo. Paṇidhimahantatādi cassa **buddhavaṃsacariyāpiṭakavaṇṇanādivaseneva**² veditabbo. **Niṭṭhāti** nipphattiyo. **Jātisāmaññatoti** lakkhaṇajātiyā lakkhaṇabhāvena samānabhāvato. Yathā hi buddhānaṃ lakkhaṇāni suvisuddhāni supariyattāni paripuṇṇāni ca honti, na evaṃ cakkavattīnaṃ. Tenāha “**na teheva buddho hotī**”ti.

Abhirūpatā, dīghāyukatā, appātaṅkatā, brāhmaṇādīnaṃ piyamaṇāpatāti **catūhi acchariyadhammehi**. Dānaṃ piyavacanaṃ atthacariyā samānattatāti imehi **catūhi saṅgahavatthūhi**. **Rañjanatoti** pītijānāto. Cakkaṃ cakkāraṇaṃ vatteti pavattetīti **cakkavattī**, sampatticakkehi sayāṃ vattati, tehi ca paraṃ sattānikāyaṃ vatteti pavattetīti **cakkavattī**, parahitāvaho iriyāpathacakkānaṃ vatto vattanaṃ etassa atthīti **cakkavattī**, appaṭīhataṃ

1. Ekasataṃ addhāriyaṃ sākāḥ saḥsavattako sāmāti-ādi (Dī-Ṭī 1. 292 piṭṭhe.)

2. Buddhavaṃsa-Ṭīṭha 85; Cariyāpiṭaka-Ṭīṭha 21 piṭṭhādīsu.

vā āṇasaṅkhātāṃ cakkam vattetīti **cakkavattī**, khattiyamaṇḍalādīsaññitāṃ cakkam samūham attano vase vattetīti **cakkavattī**. dhammāṃ caratīti **dhammiko**. Dhammato anapetattā dhammo rañjanatthena rājāti **dhammarājā**. **Kopādīti ādi**-saddena kāmalobhamānamadādike saṅgaṇhāti. **Vijitāvīti** vijitavā. Kenaci akampiyatthena **janapadatthāvariyaṃ patto**. Daḷhabhattabhāvato vā janapado thāvariyaṃ patto etthāti **janapadatthāvariyaṃ patto**. Cittīkatabhāvādināpi¹ cakkassa ratanaṭṭho veditabbo. Esa nayo sesesupi. Ratinimittatāya vā cittīkatādībhāvassa ratijanaṇṭṭhena ekasaṅgahatāya visum aggahaṇam.

Imehi pana ratanehi rajā cakkavattī yaṃ yamattham paccanubhoti, tam tam dassetuṃ “**imesu panā**”ti-ādi vuttam. **Ajitaṃ jināti** mahesakkhataṣaṃvattaniyakammanissandabhāvato. **Vijite yathāsukham anuvicarati** hatthiratanam assaratanañca abhiruhitvā tesam ānubhāvena antopātarāseyeva sakalam pathaviṃ anusamyāyitvā rājadhāniyam paccāgamanato. **Pariṇāyakaratanena vijitamanurakkhati** tena tattha tattha kattabbakiccassa saṃvidhānato. **Sesehīti** maṇiratana-itthiratanagahapatiratanehi. Tattha maṇiratanena yojanappamāṇe dese andhakāram vidhamitvā ālokadassanādīnā sukhamanubhavati, itthiratanena atikkantamānusrūpasampattidassanādivasena, gahapatiratanena icchiticchitamaṇikanakaraajatādīdhanappaṭilābhavasena. **Ussāhasattiyogo** yena kenaci appaṭihatāṇācakkabhāvasiddhito. Hatthi-assaratanādīnam mahānubhāvattā kosasampattiyāpi pabhāvasampattisiddhito “**hatthi -pa-yogo**”ti vuttam. Koso hi nāma sati ussāhasampattiyam (uggatejassa sukumārāparakkamassa pasannamukhassa sammukhe pāpuṇāti.)² **Pacchimenāti** pariṇāyakaratanena. Tam hi sabbarājakicesu kusalam avirajjhanapayogaṃ. Tenāha “**mantasattiyogo**”ti. Tividhasattiyogaphalam paripuṇṇam hotīti sambandho. **Sesehīti** sesehi pañcahi ratanehi. **Adosakusalamūlajanitakammānubhāvenāti** adosasaṅkhātēna kusalamūlena sahaṇṭṭādīpaccayavasena

1. Khuddakapāṭha-Ṭṭha 143; Dī-Ṭṭha 2. 35; Saṃ-Ṭṭha 3. 190;

Suttanipāta-Ṭṭha 1. 172; Mahāniddeśa-Ṭṭha 231 piṭṭhesupi passitabbam.

2. (Duggaṃ tejaṃ kusumoraṃ parakkamaṃ pabbato mukhaṃ amosapaharaṇam) (Dī-Ṭṭha 1. 294 piṭṭhe), (uggatejaṃ sukumārāparakkamassa passatthato mukhaṃ pamukhapāraṇam) (potthake)

uppāditakammasa ānubhāvena **sampajjanti** sommatararatanajātikattā. **Majjhimāni** maṇi-itthigahapatiratanāni. **Alobha -pa- kammānubhāvena sampajjanti** uḷāradhanassa uḷāradhanapaṭilābhakāraṇassa ca pariccāgasampadāhetukattā. **Pacchimanti** pariṇāyakaratanam. Tañhi **amoha -pa- kammānubhāvena sampajjati** mahāpaññeneva cakkavattirājakiccassa pariṇetabbattā.

Saraṇato paṭipakkhavidhamanato **sūrā**. Tenāha “**abhīrukajātakā**”ti. Asure vijñitvā ṭhitattā vīro, sakko devānamindo, tassa aṅgam devaputto senaṅgabhāvatoti vuttam “**vīraṅgarūpāti devaputtasadisakāyā**”ti. **Sabhāvoti** sabhāvabhūto attho. **Vīrakāraṇanti** vīrabhāvakāraṇam. **Vīriyamayasarirā viyāti** saviggahavīriyasadisā, saviggahañce vīriyam siyā, taṃsadisāti attho. Nanu rañño cakkavattissa paṭisenā nāma natthi, yamassa puttā pamaddeyyum, atha kasmā “parasenapamaddanā”ti vuttanti codanam sandhāyāha “**sace**”ti-ādi. Tena parasenā hotu vā mā vā, te pana evam mahānubhāvāti dasseti. **Dhammenāti** katūpacitena attano puññadhammena. Tena hi sañcoditā pathaviyam sabbarājāno paccuggantvā ”svāgataṃ te mahārājā”ti-ādim vatvā attano rajjam rañño cakkavattissa niyyādenti. Tena vuttam “**so imam -pa- ajjhāvasati**”ti. Aṭṭhakathāyam¹ pana tassa yathāvuttadhammasa cirataram vipaccitum paccayabhūtam cakkavattivattasamudāgataṃ payogasampattisaṅkhātam dhammam dassetum “**pāṇo na hantabboti-ādinā pañcasīladhammānā**”ti vuttam. Evam hi “adaṇḍena asatthenā”ti idam vacanam suṭṭhutam samatthitam hoti, yasmā rāgādayo pāpadhammā uppajjamānā sattasantānam chādetvā pariyanandhitvā tiṭṭhanti, kusalapavattim nivārenti, tasmā te “chadanā, chadā”ti ca vuttā.

Vivaḍḍetvā parivattetvā. **Pūjārahata vuttā** “arahatīti arahan”ti. **Tassāti** pūjārahataya. **Yasmā sammāsambuddho**, tasmā arahanti. **Buddhattahetubhūtā vivatṭacchadatā vuttā** savāsanasabbakilesappahānapubbakattā buddhabhāvasiddhiyā. **Araham vatṭābhāvenāti** phalena hetu-anumānadassanam. **Sammāsambuddho chadanābhāvenāti** hetunā phalanumānadassanam. **Hetudvayam vuttam** “vivaṭṭo vicchadocā”ti. **Dutiya vesārajjenāti** “khīṇāsavassa te paṭijānato”ti-ādinā² āgatena vesārajjena.

1. Ma-Ṭṭha 3. 252 piṭṭhe.

2. Ma 1. 103 piṭṭhe.

Purimasiddhīti purimassa padassa attasiddhi. **Paṭhamenā**ti “sammāsambuddhassa te paṭijānato”ti-ādinā¹ āgatena vesārajjena. **Dutiyasiddhī**ti buddhattasiddhi. **Tatīyacatutthetī**ti “ye kho pana te antarāyikā dhammā”ti-ādinā¹, “yassa kho pana te atthāyā”ti-ādinā¹ ca āgatehi tatīyacatutthehi vesārajjehi. **Tatīyasiddhī**ti vivaṭṭacchadanatā siddhi. Yāthāvato antarāyikaniyyānikadhammāpadesena hi satthu vivaṭṭacchadabhāvo loke pākaṭo ahosi. **Purimaṃ dhammacakkhū**ti purimapadaṃ bagavato dhammacakkhūṃ **sādheti** kilesārīnaṃ saṃsāracakkassa ca arānaṃ hatabhāvadīpanato. **Dutiyam** padaṃ **buddhacakkhūṃ sādheti** sammāsambuddhasseva taṃsambhavato. **Tatīyam** padaṃ **samantacakkhūṃ sādheti** savāsanasabbakilesappahānadīpanato. “sammāsambuddho”ti hi vatvā “vivaṭṭacchado”ti vacanaṃ buddhabhāvāvahameva sabbakilesappahānaṃ vibhāvetīti. **Sūrabhāvanti** lakkhaṇavibhāvanena visadaññaṇataṃ.

385. **Gavesī**ti² nāṇena pariyesanaṃ akāsi. **Samānaya**ti nāṇena saṅkalento samānaṃ ānaya samāhari. **Na sakkoti** saṅkucite iriyāpathe yebhuyyena tesāṃ dubbibhāvanato. **Kaṅkhatī**ti padassa ākaṅkhatīti ayamatthoti āha “**aho vata passeyyanti patthanaṃ uppādeti**”ti. **Kicchatī**ti kilamati. “Kaṅkhati”ti padassa pubbe āsīsanatthataṃ vatvā idāni tassa saṃsayatthattameva vikappantaravasena dassento “**kaṅkhāya vā dubbalā vimati vuttā**”ti-ādi vuttaṃ. **Tīhi dhammehi** tippakārehi saṃsayadhammehi. **Kālussiyabhāvoti** appasannatāya hetubhūto āvilabhāvo. Yasmā bagavato kosohitaṃ sabbabuddhāveṇikaṃ vatthaguyhaṃ suvisuddhakañcanaṃaṇḍalasannikāsaṃ attano saṅghānasannivesasundaratāya ājāneyyagandhahatthino varaṅgacārubbhāvaṃ vikasamānatapaniyāravindasamujjalakesarāvattavilāsaṃ sañjhāpabhānarañjitaḷavanantarābhilakkhitasampuṇṇacandamaṇḍalasobhaṅ ca attano siriya abhibhuyya virajati, yaṃ bāhirabbhantaramalehi anupakkiliṭṭhatāya cirakālaṃ supericitabrahmacariyādhikāratāya susaṅghitasanḷhānasampattiyā ca kopīnampi santaṃ akopīnameva, tasmā vuttaṃ “**bhagavato hi**”ti-ādi,

1. Ma 1. 103 piṭṭhe.

2. Dī-Ṭī 1. 309 piṭṭhādīsūpi passitabbaṃ.

pahūtabhāvanti puthulabhāvaṃ. Ettheva hi tassa saṃsayo, tanumudusukumāratādīsu panassa guṇesu tassa vicāraṇā eva nāhosi.

Hirikaraṇokāsanti hiriyitabbaṭṭhānaṃ. **Chāyanti** paṭibumbaṃ. Kīdisanti āha “iddhiyā”ti-ādi. **Chāyārūpanti** bagavato paṭibumbarūpaṃ. Tañca kho buddhasantānato vinimuttaṃ rūpakamattaṃ bagavato sarīravaṇṇasaṅṭhānāvayavaṃ iddhiyamaṃ bimbakamattaṃ, taṃ pana dassento bagavā yathā attano buddharūpaṃ na dissati, tathā katvā dasseti. **Nīharitvāti** pharitvā.

Kaṇṇasotānaṃ upacitatanutambalomatāya dhotarajatapanālikāsadisatā vuttā. **Mukhapariyanteti** kesante.

Kiriyaḅkaraṇanti kiriyāya kāyikassa vācasikassa paṭipatti. **Tatthāti** tesu kiccesu. Dhammakathikānaṃ vattaṃ dassetuṃ **bījaniggahaṇaṃ** kataṃ. Na hi aññathā sabbassapi lokassa alaṅkārabhūtaṃ paramukkaṃsagataṃ sikkhāsaṃyamānaṃ buddhānaṃ mukhacandaṃḍalaṃ paṭicchādetabbaṃ hoti.

Pattharivitāna-olambitagandhadāmakusumadāmake **gandhamaṇḍalamāle**. **Pubbabhāgena paricchinditvāti** “ettakaṃ velaṃ samāpattiyā vītināmessāmi”ti evaṃ pavattena pubbabhāgena kālaṃ paricchinditvā. Paccayadāyakesu anurodhavasena **parisaṃ ussādentō vā** paggaṇhanto, adāyakesu virodhavasena **parisaṃ apasādentō vā**.

Yogakkhemaṃ antarāyābhāvaṃ. **Sabhāvaguṇenevāti** yathāvuttaguṇeneva. Bhoto gotamassa guṇaṃ saviggahaṃ **cakkavālaṃ atisambādhiraṃ** vitthārena sandhāretuṃ appahontato. **Bhavaggaṃ atinīcaṃ** uparūpari sandhāretuṃ appahontato.

386. Ṭhānagamanādīsu¹ bhūmiyaṃ suṭṭhu samaṃ paṭiṭṭhitā pādā etassāti **suppatiṭṭhitapādo**. Taṃ pana bagavato suppatiṭṭhitapādātāṃ byatirekamukhena vibhāvetuṃ “yathā hī”ti-ādi vuttaṃ. Tattha **aggatalanti** aggapādātalaṃ. **Paṇhīti** paṇhitalaṃ. **Passanti** pādātālassa dvīsu passesu ekekaṃ, ubhayameva vā pariyaṃtaṃ passaṃ. **Suvaṇṇapādukatalaṃ viya** ujukaṃ nikkhipiyamānaṃ. **Ekappahārenevāti** ekakkhaṇeyeva. **Sakalaṃ pādātalaṃ bhūmim phusati** nikkhipane. Ekappahāreneva sakalaṃ pādātalaṃ bhūmito utṭhahatīti yojanā.

1. Dī-Ṭī 2. 36 piṭṭhādīsūpi passitabbaṃ.

Tatrāti tāya suppatiṭṭhitapādatāya anupubbaninnāva acchariyabbhutaṃ idaṃ vuccamānaṃ nissandaphalaṃ. Vuttamevatthaṃ satthu tidivagamanena supākaṭaṃ kātuṃ “**tathā hī**”ti-ādimvatvā “**na hī**”ti-ādinā taṃ samattheti. Tena paṭhamalakkhaṇatopi dutiyalakkhaṇaṃ mahānubhāvanti dasseti. Tathā hi vakkhati “antamaso cakkavattirañño parisam upādāya sabbopi cakkalakkhaṇasseva parivāro”ti¹. Yugandharapabbatassa tāvatimsabhavanassa ca pakatipadanikkhepaṭṭhānupasaṅkamane neva buddhānaṃ, na devatānaṃ ānubhāvo, atha kho buddhānaṃ lakkhaṇānubhāvoti imamatthaṃ nidassitaṃ. **Sīlatejēna -pa- dasannaṃ pāramīnaṃ ānubhāvenā**ti idampi lakkhaṇanibbattakammavisesakittanamevāti daṭṭhabbaṃ. **Sabbāvante**hīti sabbapadesavantehi.

Nābhiparicchinnāti nābhiyaṃ paricchinnā paricchedavasena ṭhitā. **Nābhimukhaparikkhepa**ṭṭoti pakaticakkassa akkhabbhāhatapariharāṇatthaṃ nābhimukhe ṭhapetabbaparikkhepaṭṭo. **Nemimaṇikā**ti nemisaṃ āvaḷibhāvena ṭhitamaṇikālekhā.

Sambahulavāroti bahuvidhalekhaṅgavibhāvanavāro. **Sattī**ti āvudhasatti. **Sirivacchoti** sirimukhaṃ. **Nandī**ti dakkhiṇāvattaṃ. **Sovattikoti** sovatti-aṅko. **Vaṭamsakoti** āveḷaṃ. **Vaḍḍhamānakanti** purisaḥāri purisaṅgaṃ². **Morahatthakoti** morapiṅchakalāpo, morapiṅcha parisibbito vā bījaniviseso. **Vālabījanī**ti cāmarivālaṃ. Siddhatthādipunṇaghaṭapunṇapātiyo. “**Cakkavālo**”ti vatvā tassa padhānāvayave dassetuṃ “**himavā sineru -pa- sahasāni**”ti vuttaṃ.

Āyatapaṇhīti idaṃ aññesaṃ paṇhito dīghataṃ sandhāya vuttaṃ, na pana atidīghatanti āha “**paripunṇapaṇhī**”ti. Yathā pana paṇhilakkhaṇaṃ paripunṇaṃ nāma hoti, taṃ byatirekamukhena dassetuṃ “**yathā hī**”ti-ādi vuttaṃ. **Āraggenā**ti maṇḍalāya sikhāya. **Vaḍḍetvā**ti yathā suvaṭṭaṃ hoti, evaṃ vaṭṭetvā. **Rattakambalagenḍukasadisā**ti rattakambalamayagenḍukasadisā.

Makkaṭassevāti vānarassa viya. Dīghabhāvena samataṃ sandhāyetaṃ vuttaṃ, **niyyāsate**lenāti chadikaniyyāsādiniyyāsasammissena³ telena.

1. Ma-Ṭṭha 3. 258 piṭṭhe.

2. Purimahādīsu dīpaṅkaṃ (Dī-Ṭī 2. 37 piṭṭhe.)

3. Chattiritaniyyāsādiniyyāsasammissena (Dī-Ṭī 2. 37 piṭṭhe.)

Talunāti sukumārā.

Cammenāti aṅgulantaraveṭhitacammena. **Paṭibaddha-aṅgulantaroti** ekato sambaddha-aṅgulantaro. **Ekappamāṇāti** dīghato samānappamāṇā. **Yavalakkhaṇanti** abbhantarato aṅgulipabbethitaṃ yavalakkhaṇaṃ. **Paṭivijjhivāti** taṃtaṃpabbānaṃ samānadesatāya aṅgulīnaṃ pasāritakāle aññamaññaṃ vijjhitaṇi viya phusitvā tiṭṭhanti.

Saṅkhā vuccanti gopphakā, uddhaṃ saṅkhā etesanti **ussaṅkhā**, pādā. **Piṭṭhipādeti** piṭṭhipādasamīpe. **Sukhena pādā parivattanti** pādanāmanādīsu, teneva gacchantānaṃ tesam heṭṭhā **pādatalāni** dissanti. **Tenāti** gopphakānaṃ piṭṭhipādato uddhaṃ patiṭṭhitattā. Caturaṅgulamattaṃ hi tāni uddhaṃ ārohitvā patiṭṭhahanti, nigulhāni ca honti, na aññesaṃ viya paññāyamānāni. Satipi desantarappavattiyaṃ niccaloti dassanattamaṃ **nābhiggahaṇaṃ**.

Yasmā eṇīmigassa samantato ekasadisamaṃsā anukkamena uddhaṃ thūlā jaṅghā honti, tasmā vuttaṃ “**eṇīmigasadisajaṅgho**”ti. **Paripuṇṇajaṅghoti** samantato maṃsūpacayena paripuṇṇajaṅgho. Tenāha “**na ekato**”ti-ādi.

Etenāti “anonamanto”ti-ādivacanena, jāṇuphāsubhāvādīpanenāti attho. **Avasesajanāti** iminā lakkhaṇena rahitā janā. **Khujjā vā honti** heṭṭhimakāyato uparimakāyassa rassatāya. **Vāmanā vā** uparimakāyato heṭṭhimakāyassa rassatāya. Etena ṭhapetvā sammāsambuddhaṃ cakkavattinaṃca itare sattā khujjā vāmanā cāti dasseti.

Ohitanti samohitaṃ antogadhaṃ. Tathābhūtaṃ pana taṃ tena channaṃ hotīti āha “**paṭicchannaṃ**”ti.

Suvaṇṇavaṇṇoti suvaṇṇavaṇṇavaṇṇoti ayamettha atthoti āha “**jātihiṅgulakenā**”ti-ādi. Svāyamattho āvuttiñāyena ca veditabbo. Sarīrapariyāyo idha vaṇṇasaddoti adhippāyena paṭhamavikappaṃ vatvā tathārūpāya pana ruḥhiyā abhāvaṃ manasi katvā vaṇṇadhātupariyāyameva paṇṇasaddaṃ gahetvā dutiyavikappo vutto.

Rajoti sukhumarajo. **Jallanti** malīnabhāvāvaho reṇusañcayo. Tenāha “**malaṃ vā**”ti. Yadi vivatṭati, kathaṃ nhānādīti āha “**hatthadhovanā**”ti-ādi.

Āvatṭapariyosāneti padakkhiṇāvavattāya ante.

Brahmuno sarīraṃ purato vā pacchato vā anonamitvā ujukameva uggatanti āha “**brahmā viya ujugatto**”ti. **Passavaṅkāti** dakkhiṇapassena vā vāmapassena vā vaṅkā.

Hatthapiṭṭhi-ādivasena satta ussādā etassāti **sattussado**.

Sīhassa pubbaddhaṃ sīhapubbaddhaṃ, paripuṇṇāvayavatāya sīhapubbaddhaṃ viya sakalo kāyo assāti **sīlapubbaddhakāyo**. **Sīhassevāti** sīhassa viya. **Sanṭhantīti** sanṭhahanti. **Nānācittēti** vividhacittēna. **Puññacittēti** pāramitāpuññacittarūpena. **Cittitoti** sañjātacittabhāvo.

Dvinnāṃ koṭṭānamantaranti dvinnāṃ piṭṭhibāhānaṃ vemajjhaṃ, piṭṭhimajjhassa uparibhāgo. **Citaṃ paripuṇṇanti** aninnabhāvena citaṃ, dvīhi koṭṭehi samatalatāya paripuṇṇaṃ. **Uggammāti** uggantvā.

Nigrodhaparimaṇḍalo viya parimaṇḍalo **nigrodhaparimaṇḍalo** ekassa parimaṇḍalasaddassa lopaṃ katvā. Na hi sabbo nigrodho maṇḍalo. Tenāha “**samakkhandhasākho nigrodho**”ti. Parimaṇḍalasaddasannidhānena vā parimaṇḍalova nigrodho gayhatīti parimaṇḍalasaddassa lopena vināpi ayamatto labhatīti āha “**nigrodho viya parimaṇḍalo**”ti. **Yāvatakvasāti** o-kārassa va-kārādesaṃ katvā vuttaṃ.

Samavatṭitakkhandhoti samaṃ suvatṭitakkhandho. Koñcā viya dīghagalā, bakā viya vaṅkagalā, varāhā viya puthulagalāti yojanā. **Suvaṇṇāliṅgasadisoti** suvaṇṇamayakhuddakamudiṅgasadisoti.

Rasaggasaggīti madhurādibhedāṃ rasaṃ gasanti anto pavesantīti rasaggasā, rasaggasānaṃ aggā rasaggasaggā, tā etassa santīti rasaggasaggī. **Tenāti** ojāya apharaṇena hīnadhātukattā **te bahvābādhā honti**.

“Hanū”ti sannissayadantādhārassa samaññā, taṃ bagavato sīhahanusadisam, tasmā bagavā **sīhahanu**. Tattha yasmā buddhānaṃ rūpakāyassa dhammakāyassa ca upamā nāma nihīnupamāva, natthi samānupamā, kuto adhikūpamā, tasmā ayampi nihīnupamāti dassetuṃ “**tatthā**”ti-ādi vuttaṃ. Tibhāgavasena maṇḍalatāya **dvādasiyaṃ pakkhassa candasadisāni**.

Dantānaṃ uccanīcatā abhantarabāhirapassavasenapi veditabbā, na aggavaseneve. Tenāha “**ayapaṭṭachinnasaṅkhaṭṭalaṃ viyā**”ti. **Ayapaṭṭanti** ca kakacaṃ adhippetam. **Visamāti** visamaṣaṅghānā.

Vicchinditvā vicchinditvā pavattasaratāya **chinnassarāpi**. Anekākāratāya **bhinnassarāpi**. Kākassa viya amanuññasaratāya **kākassarāpi**. **Apalipuddhattāti** anupaddutavatthukattā. **Vatthunti** ca akkharuppattiṭṭhānamāha. **Aṭṭhaṅgasamannāgatoti** ettha aṭṭhaṅgāni parato āgamissanti. **Mañjughosoti** madhurassaro.

Karavīkasaddo yesam sattānaṃ sotapatham upagacchati, te attano sarasampattiyā pakatim jāhāpetvā avase karonto attano vase vatteti, evam madhuroti dassento “**tatridan**”ti-ādimāha. **Tam pītinti** taṃ buddhagataṃ pītim. Teneva nīhārena punappunam pavattantaṃ avijahitvā vikkhambhitakilesā therānaṃ santike laddhadhammassavanasappāyā upanissayasampattiyā paripakkaññatāya “**sattahi -pa- patiṭṭhāsī**”ti. Sattasatamattena orodhajanena saddhim padasāva therānaṃ santikaṃ upagattā “**sattahi jāṅghāsatehi saddhin**”ti vuttaṃ.

Abhinīlanettoti adhikanīlanetto. Adhikanīlatā ca sātisayaṃ nīlabhāvena veditabbā, na nette nīlavaṇṇasseva adhikabhāvatoti āha “**na sakalanīlanettovā**”ti-ādi. Pītalohitavaṇṇā setamaṇḍalagatarājivasena, nīlasetakāḷavaṇṇā pana taṃtaṃmaṇḍalavaseneva veditabbā.

Cakkhubhaṇḍanti akkhidalanti keci, akkhidalapattanti aññe. Akkhidalehi pana saddhim akkhibimbanti veditabban. Evam hi viniggaṭagambhīrajotanāpi yuttā hoti.

Uṇṇāsaddo loke avisesato lomapariyāyo, idha pana lomavisesavācakoti āha “uṇṇaloman”ti. Nalāṭamajjhajātāti nalāṭamajjhagatā. Odātātāya upamā, na mudutāya. Rajatapubbulaḷakāti rajatamayatārakā.

Dve atthavase paṭicca vuttanti yasmā buddhā cakkavattino ca paripuṇṇanalāṭātāya paripuṇṇasīsabimbatāya ca “uṇḥisasīsā”ti vuccanti, tasmā te dve atthavase paṭicca “uṇḥisasīsō”ti idaṃ vuttaṃ. Idāni taṃ atthadvayaṃ bagavati suppatiṭṭhitanti dassetuṃ “tathāgatassahī”ti-ādi vuttaṃ. Saṅhatamatāya suvaṇṇavaṇṇatāya ca rañño baddha-uṇḥisapaṭṭo viya virocāti. Kappasīsāti dvidhābhūtasīsā. Phalasisāti phalasadisasīsā¹. Atṭhisīsāti maṃsassa abhāvato tacopariyonaddha-aṭṭhimattasīsā. Tumbasīsāti lābusadisasīsā. Pabbhārasīsāti piṭṭhibhāgena olambamānasīsā. Purimanayenāti paripuṇṇanalāṭatāpakkhena. Uṇḥisaveṭṭhitasīsō viyāti uṇḥisapaṭṭena veṭṭhitasīsapadeso viya. Uṇḥisam viyāti chekena sippinā viracita-uṇḥisamaṇḍalaṃ viya.

Kammanti yena yena kammaṃ yaṃ yaṃ lakkhaṇaṃ nibbattaṃ, taṃ taṃ kammaṃ. Kammasarikkhakanti tassa tassa lakkhaṇassa taṃsammānurūpatā. Lakkhaṇanti tassa mahāpurisalakkhaṇassa aviparītasabhāvo. Lakkhaṇānisānti taṃlakkhaṇapaṭilābhena laddhabbaṅgo. Imāni kammādīnīti imāni anantaraṃ vuttāni kammakammasarikkhakādīni dassetvā taṃ sarūpato vibhāvetvā kathetabbāni samvaṇṇakena.

Ratanavicittasuvaṇṇatorāṇaṃ tasmim kāle manussaloke natthīti vuttaṃ “devanagare”ti. Sabbaso supupphitasālarukkho asādhāraṇasobho manussūpacāre na labbhatīti āha “selantaramhī”ti. Kiriyācāranti kāyikavācasikakiriyāpavattim.

387. Satatapāṭihāriyanti satataṃ carimabhava sabbakālaṃ lakkhaṇanibbattakammānubhāvahetukaṃ buddhāveṇikaṃ pāṭihāriyaṃ. Buddhānaṃ atidūre pādaṃ nikkhipitukāmānampi nātidūre eva nikkhipanaṃ hotīti “na atidūre”²

1. Phalitasīsā (Dī-Ṭī 2. 42 piṭṭhe.)

2. Avidūre (Ka)

ṭhāpessāmīti uddharatī”ti vuttaṃ. Pakatisañcaraṇavasenetam vuttaṃ, tādīsena pādena anekayojana ṭhāpessāmīti uddharaṇampi hotiyeva. **Atidūram hīti**-ādi pamāṇātikame dosadassanaṃ. **Evam satīti** evaṃ dakkhiṇapādavāmapādānaṃ yathādhīppetapatiṭṭhitaṭṭhāne sati. **Padavicchedoti** padavāravicchedo. Yādisaṃ pasārento vāmapādassa uddharaṇaṃ patiṭṭhānaṃca, dakkhiṇapādassa tādīsameva, iti nesaṃ uddharaṇapatiṭṭhānaṃ samānato aññamaññabhāvena anūnādhikatāya vuttaṃ **“dakkhiṇapādakiccaṃ vāmapādena niyamitaṃ, vāmapādakiccaṃ dakkhiṇapādena niyamitaṃ”**ti.

Divāti upakaṭṭhāya velāya. **Vihārabhattatṭhāyāti** vihāre yathāvuddhaṃ gehetabbabhattatṭhāya. **Pacchato āgacchantoti** pakatigamaṇena pacchato āgacchanto. **Okāsaṃ na labhatīti** padanikkhepaṭṭhānaṃ na labhati. Ūrupariyāyo idha **satthi**-saddoti āha **“na ūruṃ unnāmetī”**ti. Daṇḍaṅkusaṃ vuccati dīghadaṇḍo aṅkuso, tena rukkhasākhaṃ chindato purisassa yathā pacchābhāgena pādānaṃ osakkaṇaṃ hoti, evaṃ Bhagavato pādā na osakkantīti āha **“rukkhasākhāchedana -pa- osakkāpetī”**ti. **Obaddhānābaddhaṭṭhānehi pādānaṃ koṭṭento viyāti** ābaddhaṭṭhānena anābaddhaṭṭhānena ca¹ pādakhaṇḍaṃ koṭṭetvā thaddhaṃ² karonto viya. **Na ito cito ca cāletīti** aparāparaṃ na cāleti. Ussaṅkhaṇḍatāya sukheṇeva pādānaṃ parivattanato nābhito paṭṭhāya uparimakāyo na iñjati **hetṭhimakāyova iñjati**. Tenāha **“uparima -pa- niccalo hotī”**ti. **Na jānāti** aniñjanato. **Kāyabalena**ti gamanapayogasaṅkhātena kāyagatena viśesabalena, javagamaṇatubhūtena vā **kāyabalena**. Tenāha **“bāhā khipanto”**ti-ādi. Javena gacchanto hi bāhā khipati, sarīrato sedā muccanti. **Nāgāpalokitavasena**ti nāgassa apalokanamiva sakalakāyeneva parivattetvā apalokanavasena.

Anāvarenaññānassāti anāvarenaññānabalena dassanassa. Anāvarenaṇvāro pana kāye patiṭṭhitarūpadassanampi anāvarenaṇamevāti dassanattamaṃ vutto. **Indakhīlato paṭṭhāyāti** nagaradvāre indakhīlato paṭṭhāya.

1. Ovattaṭṭhāvattaṭṭhānampi sāṭaṃ koṭṭento viyāti āvattaṭṭhānena anavaṭṭhānēvāti (Ka)

2. Tiṇṇaṃ (Ka)

pakati-iriyāpathenevāti onamanādim akatvā ujukagamanādinā eva. Yadi evaṃ koṭṭhakadvāragehappavese kathanti āha “**daliddamanussānan**”ti-ādi. **Parivattentenāti** nipajjanattham kāyam parivattentena.

Hatthehi gahetvāti ubhohi hatthehi ubhosu kaṭippadesesu pariggahetvā. **Patati** nisīdanatṭhāne nipajanavasena patati. **Orimam aṅgam nissāya nisinnoti** pallaṅkamābhujitvā ukkuṭikanisajjāya uparimakāyam heṭṭhimakāye patiṭṭhapentoyeva bhārīkaraṇavasena orimaṅgam nissāya nisinno. **Ghaṃsantoti** ānisadadesena āsanatṭhānam ghaṃsanto. **Pārimaṅganti** satthibhāgasammaddam ānisadapadesam. **Tathevāti** ghaṃsanto eva. **Olambakam dhārento viyāti** olambakasuttam otārento viya. Tena ujukameva nisīdanamāha. Sarīrassa garukabhāvahetūnam dūrato¹ samupāyitabhāvena sallahukabhāvato **tūlapicum ṭhapento viya**.

Appesakkhānam mahānubhāvagehappavese siyā chambhitattam, cittakkhobho, darathavasena nānappakārakappanam, bhayavasena taṇhāvasena paritassanam, tam sabbam bagavato natthīti dassetum pāḷiyam “na chambhati”ti-ādi² vuttanti āha “**na chambhati**”ti-ādi.

Udakam diyati etenāti **udakadānam**, bhinkārādi udakabhājanam. **Baddham katvāti** hatthagatamattikam viya attano vase avattantam katvā. **Parivattetvāti** kujjitvā. **Vichaddayamāno** udakassa vikkhipanavasena chaḍḍayamāno.

Tathā na gaṇhāti, byañjanamattāya eva gaṇhanto³. Bhattam vā amanāpanti ānetvā yojanā. Byañjanena ālopa-atināmanam, ālopena byañjana-atināmananti imesu pana dvīsu paṭhamameva asārūppatāya anitṭham vajjetabbanti pāḷiyam paṭikkhittanti daṭṭhabbam. **Sabbatthevāti** sabbasmim āharitabbavatthusmim supaṇītabhāvena **raso pākato hoti** nāṇena pariññātattā. **Rasagedho pana natthi** setughātattā.

Assāti “neva davāyā”ti-ādipadassa. **Vuttametanti** “Visuddhimagge⁴ vinicchayo āgato”ti sabbāsavasutte⁵ samvaṇṇayantena vuttametam,

1. Dūrassa (Ka)

2. Ma 2. 339 piṭṭhe.

3. Gaṇhāti (?)

4. Visuddhi 1. 30 piṭṭhe.

5. Ma 1. 12 piṭṭhe.

tasmā na ettha taṃ vattabbanti adhippāyo, tasmā yo tasmim tasmim
vinicchaye visesavādo icchitabbo, so paramatthamañjūsāya
visuddhimaggavaṇṇanāya¹ vuttanayeneva veditabbo. **Pattassa**
gahaṇaṭṭhānanti hatthena pattassa gahaṇapadesaṃ. **Vinivattitvāti** patte
sabbaṃ āmisagataṃ saddhim bhattena vinivattitvā gacchati.
Pamāṇātikkantanti kelāyanavasena atikkantapamāṇaṃ ārakkhaṃ ṭhpeti.
Cīvarabhogantaranti cīvarapaṭalantaraṃ. **Udarena akkamitvāti** udareneva
sannirumbhitvā.

Appattakālaṃ abhimukhaṃ nāmeti upanāmetīti **atināmeti**, pattakālaṃ
atikkāmento nāmeti apanetīti **atināmeti**. Ubhayampi ekajjhaṃ gahetvā
pāḷiyam “na ca anumodanassa kalamatināmetī”ti vuttanti dassento “**yo hi**”ti-
ādimāha.

Vegagamanena paṭisaṃmuñcitvā² dhāvitvā **gacchati**. **Accukkaṭṭhanti**
ativiya uddhaṃ katvā kaḍḍhitapārutaṃ. Tenāha “**yo hi yāva hanukaṭṭhito**
-pa- hotī”ti. **Accokkaṭṭhanti** ativiya heṭṭhā katvā kaḍḍhitapārutaṃ. Tenāha
“**yāva goppakā otāretvā**”ti. **Ubhato ukkhipitvāti** dakkhiṇato vāmatoti
ubhosu passesu uttarāsaṅgaṃ ukkhipitvā. **Thananti** dakkhiṇathanam.

Vissaṭṭhoti vimutto. Tenāha “**vissaṭṭhattāyeva cesa viññeyyo**”ti. Yasmā
amuttavādino vacanaṃ avissaṭṭhatāya na siniyhati, na evaṃ muttavādinoti
āha “**siniddho**”ti. **Viññeyyoti** supariyattatāya akkharato ca byañjanato ca
viññātuṃ sakkuṇeyyo. Tenāha “**pākaṭo**”ti. **Viññāpaniyoti** vijānitabbo.
Byañjanavaseneva cettha viññeyyatā veditabbā ghosassa adhippetattā.
Madhuroti piyo pemaṇīyo apalibuddho. Savanamarahati, savanassa sotassa
hitoti vā **savanīyo**. **Sampiṇḍitoti** sahito. Bhagavato hi saddo
uppattiṭṭhānakatāsañcittatā sahitākāreneva āpāthamāgacchati, na ayosalākāya
pahaṭakaṃ sathālaṃ viya vippakiṇṇo. Tenāha “**avisārī**”ti. **Gambhīroti** yathā
gambhīravatthuparicchindanena ñāṇassa gambhīrasamaññā, evaṃ
gambhīraṭṭhānasambhavato saddassa gambhīrasamaññāti āha “**gambhīroti**

1. Visuddhi-Ṭī 1. 56 piṭṭhādīsu.

2. Parisaṃ muñcitvā (Ka)

gambhīrasamuṭṭhito”ti. **Niddādavā**ti savisesaṃ ninnādavā. Svāyaṃ viseso gambhīrabhāvasiddhoti āha “**gambhīrattāyeva cesa ninnādi**”ti. Evamettha cattāri aṅgāni caturaṅganipphādīni veditabbāni. **Akāraṇā mā nassīti** buddhānubhāvena viya sarassa parisapariyantatā vuttā, dhammatāvaseneva pana sā veditabbā tassa mūlakāraṇassa tathā avatṭhitatthā.

Paccosakkivāti paṭinivattivā. **Samussitakañcanapabbataṃ viya** upari indanīlaratanavitatasikhaṃ vijjullatābhūsitāṃ. Mahāpathavī-ādayo satthuguṇapaṭibhāgatāya nidassanaṃ¹, kevalaṃ mahantatāmattaṃ upādāya nidassitā.

390. **Appaṭisaṃviditoti** anārocito. Āgamanavasena cettha paṭisaṃveditanti āha “**aviññāta-āgamaṇo**”ti. **Uggatabhāvanti** kulabhogavijjādīhi uḷārabhāvaṃ. **Anuddayasampannāti** kāruṇikā.

391. Sahasāva-okāsakaraṇena uccakulīnatā dīpitā hotīti āha “**vegena utṭhāya dvidhā bhijjivā**”ti-ādi.

Nārisamānanāmanti itthi-atthajotakanāmaṃ. Tenāha “**itthilīṅgaṇo**”ti **avhātābbāti** kathetābbā.

394. Ekañhārenea **aṭṭha pañhe byākaronto**. “Pubbenivāsaṃ -pavuccatī”ti iminā pubbenivāsassa viditakāraṇaṃ vuttanti āha “**tassa pubbenivāso pākaṭo**”ti. **Dibbacakkhuññaṇaṃ kathitaṃ** tassa paribhaṇḍaññabhāvato yathākammūpagaññaṇassa. “Jātikkhayaṃ patto, abhiññā vosito”ti ca vuttattā munīti asekkhamuni idhādhippetoti āha “**arahattañña-oneyyena samannāgato**”ti.

Kilesarāgehi kilesavivaṇṇatāhi. **Jātikkhayappattattā** “atho jātikkhayaṃ patto”ti vuttattā. **Abhijānitvā**ti abhivisiṭṭhatāya aggamaggapaññāya ñatvā. Idāni Paṭisambhidāyaṃ² āgatanayena pariññāpahānabhāvanāsacchikiriyāsamāpattīnaṃ pāragamanena **pāragūti** ayamettha atthoti dassetuṃ “**pāragūti vā**”ti-ādi vuttaṃ. Abhiññeyyadhammānaṃ jānanaṃ avasena **abhiññāpāragū**. **Tādisoti** yādiso “pāragū sabbadhammānaṃ”ti

1. Nidassanato (Ka)

2. Khu 9. 23 piṭṭhādisu.

padadvayena vutto, tādiso. **Chahi ākārehi**ti pajānanādīhi yathāvuttehi chahi ākārehi.

Kāmaṃ cettha dve eva pucchāgāthā dve ca vissajjanāgāthā, pucchāpaṭipāṭiyā pana asaṅkarato ca vissajjanaṃ pavattati, taṃ niddhāretum “**kiṃ panā**”ti-ādi vuttaṃ. **Vedehi gatattā**ti vedehi maggañāṇehi pāraṅgahattā. **Pubbenivāsanti-ādīhi vijjānaṃ atthitāya** bodhitattā. **Pāpadhammānanti** chattimsapāpadhammānaṃ sotthānaṃ maggaṃ pāpanena nissesato sodhitattā.

395. **Dhammo nāma arahattamaggo** kusaladhammesu ukkaṃsapāramippattiyā ukkaṭṭhaniddesena. Tassa anurūpadhammabhāvato **anudhammo nāma** heṭṭhi-amamaggaphaladhammā. Yo satthu santike dhammaṃ sutvā yathānusiṭṭhaṃ na paṭipajjati, so Tathāgataṃ dhammādhikaraṇaṃ viheṭṭheti nāma. Yo pana paṭipajjanto ca dandhābhiññatāya kammaṭṭhānasodhanatthaṃ antarantarā bhagavantaṃ upasaṅkamitvā anekavāraṃ kathāpeti, so ettāvataṃ dhammādhikaraṇaṃ tathāgataṃ viheṭṭhetīti na vattabbo. Na hi bagavato dhammadesanāya parissamo atthi, ayaṅca attho **mahāsudassanasuttādīhi**¹ dīpetabbo, tasmā “saccadhammassa anudhammaṃ”ti vattabbe vuttameva byatirekamukhena vibhāvetum “**na ca maṃ dhammādhikaraṇaṃ vihesesīti** vuttanti daṭṭhabbaṃ. **Tattha parinibbāyīti** parakāle cettha parinibbānampi saṅgayhati, taṃ pana imasmiṃ gahitameva hotīti āha “**desanāya arahatteneva kūṭaṃ gahitaṃ**”ti.

Brahmāyusuttavaṇṇanāya līnatthappakāsanā samattā.

2. Selasuttavaṇṇanā

396. **Keṇiyoti tassa nāmaṃ**, pubbe keṇiyā jīvikākappanatoti vadanti. **Jaṭiloti** jaṭadhāro. Brāhmaṇajātikattā koṭisāratāya ca **brāhmaṇamahāsālo**. Payojetvā nissayo hutvā vasati, rattiṃ kāmasampattiṃ anubhavatīti vā yojanā. **Susaṅkhatanti** sappimadhusakkarādīhi ceva maricasīṅgīverādīhi ca suṭṭhu abhisāṅkhatāṃ.

1. Dī 2. 139 piṭṭhe.

Paṭikkhepapasannatāyāti ahovatāyaṃ appiccho, yo nimantiyamānopi na sādīyatīti upanimantiyamānassa paṭikkhepe titthiyānaṃ pasannabhāvatoti. Tam katham? Viruddhametanti “**akāraṇametan**”ti paṭikkhipati.

398. **Kappasahashehipi -pa- aho**sīti idaṃ nānussavasiddhaṃ anumānaggahaṇaṃ sandhāyāha. **Padeti** uttarapadalopena niddesoti āha “**padappamāṇe**”ti. Pajjati nikkhipati etthāti vā padaṃ, pakatiyā pādanikkhipaṭṭhānaṃ, tasiṃ **pade**. Kīlāpasutatādinā **pamādaṃ āpajjati**. **Bodhisattacārikanti** dukkaracariyaṃ sandhāya vadati.

399. **Paripuṇṇatāyā**ti anūnatāya. **Ahīnaṅgatāyā**ti avekallabhāvato. Rocatīti ruci, dehappabhā, sobhaṇā ruci etassāti **suruci**. **Ārohasampatti** kāyassa pamāṇayutta-uccatā. **Pariṇāhasampatti** kisathūlabhāvavajjitapariṇāhatā. **Sanṭhānasampatti** avayavānaṃ susaṅghitatā. **Cārudassanoti** piyadassano. Tenāha “**sucirampī**”ti-ādi. **Suvaṇṇasadisavaṇṇoti** jātihiṅgulakena madditvā silānighamaṃseneva parikammaṃ katvā ṭhapitaghanasuvaṇṇarūpavaṇṇo. Mahāpurisabhāvaṃ byañjenti pakāsetīti **byañjanāni**, mahāpurisalakkhaṇānīti āha “**paṭhamam vuttabyañca nānevā**”ti.

Pubbe vuttanti “suruci”ti pubbe vuttaṃ, “ādiccova virocasi”ti **puna vuttaṃ**. “Cārudassano suvaṇṇavaṇṇosi”ti pubbe vuttaṃ, “kalyāṇadassano bhikkhu kañcanābhattaco”ti puna vuttanti imamatthaṃ sandhāyāha “**uttaragāthāyapi eseva nayo**”ti. Sātisaṃ uttamavaṇṇe vaṇṇetvā **uttamavaṇṇinoti** padena santaṃ pakāsetīti āha “**uttamavaṇṇasampannassā**”ti **uttamasārathīti** seṭṭhapurisasārathi. Tattha tattha jambuvanaṣaṇḍamaṇḍitathāya jambudīpo “**jambusaṇḍo**”ti¹ vuccati. **Issariyanti** cakkavattissariyaṃ.

Jātikhattiyāti jātimanto khattiyā. **Rājābhirājāti** ettha **abhi-saddo** pūjathoti āha “**rājūnaṃ pūjanīyo**”ti.

Appamāṇāti aparimāṇā lokadhātuyo. “Yāvatā pana ākaṅkheyyā”ti² hi vuttaṃ. **Dhammarājā anuttaroti** ettha vutta-anuttarabhāvaṃ

1. Jambumaṇḍoti (Ka)

2. Am 1. 229 piṭṭhe. Asaṅkheyyāti (Ka)

“Yāvata hī”ti-ādinā pākaṭataram katvā dhammarājabhāvaṃ vibhāvetuṃ
 “svāhan”ti-ādi vuttam. **Dhammenāti** paṭivedhadhammena.
 Tenāha”**anuttarenevā**”ti. **Anuttarenāti** visiṭṭhena uttamena. Imasiṃ pakkhe
dhammenāti paṭipattidhammenātipi saṅgayhati. **Pariyattidhammenāti**
 desanādhhammena āṇacakkam pavattemīti yojanā.
 Desanāñāṇapaṭivedhañāṇavibhāgam **dhammacakkameva vā.**
Appaṭivattiyanti paṭivattituṃ asakkuṇeyyam.

Tathāgatena jātoti tathāvatena hetunā ariyāha jātiyā jāto. Hetu-atthe
 karaṇavacanam. **Anujātoti** ca vutte anu-saddassa vasena **tathāgantanti** ca
 upayogavacanameva hoti, so ca anu-saddo hetu-atthajotakoti āha
 “**tathāgataṃ hetuṃ anujāto**”ti. Avaññātabbhāvena jātoti **avajāto**
 duppaṭipannattā. Tenāha “**dussīlo**”ti. Tathā hi vuttam kokālikam ārabha
 “purisantakali avajāto”ti. **Putto nāma na hoti** tassa ovādānusāsaniyam
 aṭṭhitattā. **Evamāhāhi** “anujāto tathāgatan”ti evamāha.

Vijjāti maggavijjā. Ukkaṭṭhaniddesena **vimuttīti** phalavimutti. Nanu ca
 maggo bhāvetabbena gahitoti? Saccam gahito, sabbe ca pana satta dhammā
 abhiññeyyāti vijjāya abhiññeyyabhāvo vutto. Iminā vā nayena sabbesampi
 abhiññeyyabhāvo vutto evāti veditabbo. Phalena vinā hetubhāvasseva
 abhāvato **hetuvacanena phalasiddhi**, nirodhassa ca sampāpanena maggassa
 hetubhāvo, dukkhassa nibbattanena taṇhāya samudayabhāvoti imamattham
 saṅgahitameva atthato āpannattā. **Yuttahetunāti** yuttittena hetunā
buddhabhāvaṃ sādheti saccavinimuttassa bujhitabbassa abhāvato
 saccasambodhaneneva ca tassa anavasesato buddhattā. Atthavacanam cetam,
 payogavacanāni pana—brāhmaṇa aham sammāsambuddho sabbathā
 aviparītadhammadesano, sammāsambuddhattā sabbattha aviparītamācikkhati
 yathāham sabbamaggadesakoti. Kim pana bagavā sayameva attano
 sammāsambuddhabhāvaṃ ārocetīti? Mahākaruṇāya aññesaṃ mahāvisayato.
 Tattha “ekomhi sammāsambuddho, sabbābhibhū sabbavidūhamasmiṃ”ti-
 ādīni¹ suttapadāni idameva ca suttapadam etassa atthassa sādhamam.

1. Vi 3. 12; Ma 1. 227; Ma 2. 295; Abhi 4. 218 piṭṭhesu.

Sallakantanoti sallānaṃ samucchinnattā. **Rogassāti** kilesarogassa. **Tasmāti** apunapavattipādanena ticicchanato. Brahmaṃ vā seṭṭhaṃ sammāsambodhiṃ pattoti **brahmabhūto**. **Evam āgatāyāti** iminā—

“Kāmā te paṭhamā senā, dutiyā arati vuccati.
Tatiyā khuppipāsā te, catutthī taṇhā pavuccati.

Pañcamaṃ thinamiddhaṃ te, chaṭṭhā bhīrū pavuccati.
Sattamī vicikicchā te, makkho thambho te aṭṭhamo.

Lābho siloko sakkāro,
Micchāladdho ca yo yaso.
Yo cattānaṃ samukkaṃse, pare ca avajānati.

Esā namuci te senā, kaṇhassābhippahārini”¹.

Evam vuttaṃ navavidhaṃ senaṃ saṅgayhati. **Vase vattetvāti** samucchindanena anuppādatāpādanena vase vattetvā. **Kutoci abhayo** nibbhayo.

Sayameva daṭṭhabbanti yena yena adhigato, tena tena parasaddhāya gantabbaṃ hitvā asammohato paccavekkhaṇāññāneva sāmaṃ daṭṭhabbaṃ. Tenāha “**pacchakkhan**”^{ti}. Pasaṭṭhā diṭṭhi sandiṭṭhi. Yathā rathena jayatīti rathiko, evaṃ idaṃ maggabrahmacariyaṃ sandiṭṭhiyā jayatīti **sandiṭṭhikaṃ**. Atha vā diṭṭhanti dassanaṃ vuccati, diṭṭhameva sandiṭṭhaṃ, sandassananti attho. Santiṭṭhaṃ arahatīti **sandiṭṭhiko** yathā vatthayugam arahatīti vatthayugiko. Sandiṭṭhikaṃ phaladānaṃ sandhāya nāssa kāloti akālaṃ, akālemeva **akālikaṃ**, na kālantaraṃ khepetvā phalaṃ deti, attano pana pavattisamanantameva phalaṃ detīti attho. Atha vā attano phalappadāne pakaṭṭho kālo patto assāti kālika, lokiyo kusaladhammo, idaṃ pana samanantaraphalattā na kālikaṃ.

400. “Mahāyaññaṃ pavattayī”^{ti}—ādīsu kevalaṃ dānadhammādīsu yaññāpariyāyasambhavato “**brāhmaṇānaṃ yaññābhāvato**”^{ti} vuttaṃ. Brāhmaṇā hi “aggimukhā devā”^{ti} aggijuhanapubbakaṃ yaññaṃ vidahanti. Tenāha “**aggijuhanappadhānāti attho**”^{ti}. “*Bhūrbhuvah svah*”^{iti}² **sāvittihī** pubbakattā **mukhaṃ**

1. Khu 1. 342 piṭṭhe Suttanipāte.

2. Idaṃ manudhammasatthe dutiyajjhāye ekāsītimagāthaṃ nissāya vuttaṃ.

pubbaṅgamaṃ. “Mukhamiva mukhan”ti-ādīsu viya idhāpi padhānapariyāyo **mukha**-saddoti dassento “**manussānaṃ seṭṭhato rājā ‘mukhan’ti vutto**”ti āha. **Ādhāratoti** ogāhantīnaṃ nadīnaṃ ādhārabhāvato. **Paṭisaraṇato** gantabbaṭṭhānabhāvato. **Saññāṇatoti** candayogavasena ajja asukanakkhattanti paññāyanato. **Ālokakaraṇatoti** nakkhattāni abhibhavivā ālokakaraṇato. **Sommabhāvatoti** sītahimavāsītavātūpakkharabhāvato. **Tapantānanti** dīpasikhā aggijālā asanivicakkanti evamādīnaṃ vijjalantānaṃ. **Āyamukhaṃ** aggadakkhiṇeyyabhāvena.

Dibbacakkhu cammacakkhu paññācakkhu buddhacakkhu samantacakkhūti imehi **pañcahi cakkhūhi**. **Te saraṇassāti** te saraṇassa ca, te saraṇabhāvamūlakattā itaradvayassa ca, yathāvuttate-padena vuttatthato parassa cāti attho. Idaṃ vuttaṃ hoti “te tuyhaṃ, itarassa ca saraṇassa aho ānubhāvo”ti. Āvuttivasena vā **te saraṇassāti** ettha attho vibhāvetabbo—tuyhaṃ saraṇabhūtassa ca itarasaraṇassa ca ānubhāvoti. Sesam suviññeyyameva.

Selasuttavaṇṇanāya līnatthappakāsānā samattā.

3. Assalāyanasuttavaṇṇanā

401. Aññamaññavisitṭhattā visadisam rajjam virajjam, virajjato āgatā, tattha jātāti vā **verajjakā**, evam jātā kho pana te yasmā vatthābharaṇādivibhāvena nānappakārā honti, tasmā vuttaṃ “**nānāverajjakānaṃ**”ti. Aṭṭhakathāyaṃ pana verajjasseva vasena nānappakaratā vuttā. **Yaññupāsānādināti** yaññānubhavanamantajjhenadakkhiṇapariyesanādinā. **Catuvāṇṇasādhāraṇanti** khattiyādīnaṃ catunnaṃ vaṇṇanaṃ sādharmaṇaṃ sāmsārasuddhipāpatassanaṃ. **Nhānasuddhiyāti** titthasamuddakhatesu mantajappanapubbakaṃ sāyaṃtatiya-udakorohanādinhānasuddhiyā. **Bhavanāsuddhiyāti** paramajotibhūtāya purisabhāvanāsaṅkhātāya suddhiyā. **Vāpitasiroti**¹ oropitakeso. Tameva hi siro vāpitanti vuccati.

1. Vopitasiroti (Ka)

Sabhāvavādīti yathābhūtavādī. **Pabbajantā**¹ brāhmaṇapabbajjāṃ upagacchantā, tasmā brāhmaṇānaṃ pabbajjāvidhānaṃ sikkhantena bhotā “brāhmaṇāva sujjhanti, no abrahmaṇā”ti ayaṃ vidhi sahetuko sa-upādāno sakkaccaṃ uggahito, **tasmā tuyhaṃ parājayo natthi -pa- evamāhamsu.**

402. **Laddhibhīdanatthanti** “brāhmaṇāva brāhmuno puttā orasā mukhato jātā brahmajā”ti evaṃpavattaladdhiyā viniveṭhanatthaṃ. **Puttapaṭilābhatthāyāti** “evaṃ mayāṃ pettikaṃ iṇadhāraṃ sodheyyāmā”ti laddhiyaṃ ṭhatvā puttapaṭilābhatthāya. Ayaṃ hettha adhammikānaṃ brāhmaṇānaṃ ajjhāsayo. **Nesanti** brāhmaṇānaṃ. **Saccavacanaṃ siyāti** “brahmuno puttā”ti-ādivacanaṃ saccaṃ yadi siyā, **brāhmaṇīnaṃ -pa-bhaveyya**, na cetāṃ atthi. Mahābrahmuno mukhato jātāti vādachedakavādo **mukhatojātacchedakavādo**. Assalāyano viññujātiko “nirakkhepaṃ samaṇena gotamena vuttan”ti jānantopi sahatānaṃ brāhmaṇānaṃ cittānurakkhaṇatthaṃ “**kiñcāpi bhavaṃ gotamo**”ti-ādimāha.

403. Idāni “brāhmaṇova seṭṭho vaṇṇo”ti vādaṃ bhindituṃ “**sutaṃ te yonakakambojesū**”ti-ādi āradhaṃ. Yadi brāhmaṇova seṭṭho vaṇṇo, sabbattha brāhmaṇova seṭṭho bhaveyya, atha kasmā yonakakambojādijanapadesu brāhmaṇānaṃ seṭṭhabhāvo natthi? Evaṃ hi tattha vaṇṇā, tasmā “brāhmaṇova seṭṭho”ti laddhimattametaṃ. Tesu hi janapadesu janā ekajjhaṃ sannipatitvā sammantayitvā katikaṃ akaṃsu, dāsaṃ sāmikaṃ katvā itare sabbe taṃ pūjetvā tassa vase vattanti, yo tesāṃ ayyo hoti, itare sabbe tassa dāsā honti, te katipayasaṃvaccharātikkamena tassa kiñci dosaṃ disvā taṃ tato ṭhānato apanetvā aññaṃ ṭhapenti, iti so **ayyo hutvā dāso hoti**, itaro **dāso hutvā ayyo hoti**, evaṃ tāva keci “ayyo hutvā dāso hoti, dāso hutvā ayyo hoti”ti ettha atthaṃ vadanti. Aṭṭhakathāyaṃ pana purimavaseneva tamatthaṃ dassetuṃ “**brāhmaṇo sabhariyo**”ti-ādi vuttan. **Vayappatte putte asatī**ti idaṃ vakkhamānassa dārakassa dāyajjasāmikabhāvassa tāva dassanaṃ. **Mātito suddhoti**

ettha yo mātito suddhattā ayyo, pitito asuddhattā dāso hoti, so eva pitito asuddhattā dāso hutvā mātito ayyo hotīti jātim sambhedeti. Sova sabbena sabbam hotīti na sakkā vattunti apare. **Ko thāmoti** mahante lokasannivāse anamatagge atīte kāle itthīnam vā citte anavaṭṭhite dāsā dāsā eva hontī, ayyā ayyā eva hontīti ettha ko ekantiko sahetuko avassayo, tassa sādhamo siddhanto, kim nidassananti attho.

404. **Sukkachedakavādo nāmāti**¹ “brāhmaṇova sukko vaṇṇo”ti evam vutto sukkachedakavādo nāma.

408. **Sabbasmim aggikiccam karonteti** etena yathā yato kutoci nissayato uppanno aggi-upādānasampanno aggikiccam karoti, evam yasmim kismiñci dāsakule jāto upanissayasampanno sammāpaṭipajjamāno saṃsārato sujjhati evāti dasseti.

409. **Pādasikavaṇṇoti** antarālavaṇṇo. **Etesanti** khattiyakumārena brāhmaṇakaññāya uppannaputto, brāhmaṇakumārena khattiyakaññāya uppannaputtoti etesam dvinnam māṇavakānam. **Matakabhatteti** mate uddissa katabhatte. **Thālipāketi** katamaṅgalabhatte.

410. **Tumheti** jātisāmaññato māṇavam brāhmaṇehi saddhim ekajjham saṅgaṇhanto āha. **Ko nu khoti** avamsiro isivādo. Tesam brāhmaṇīsīnam asāmatthiyadassanena jātiyā apamāṇatam vibhāvetum gāmadārakavesena upagacchi. Tena vuttam “**gāmaṇḍalarūpo viyā**”ti. **Koṇḍadamakoti** adantadamako.

411. Janetīti **janikā**, janetti. **Janako pitāti** etthāpi eseva nayo. **Gandhabbapañhanti** gandhabbassa mātukucchiyam uppajjanakasattassa khattiyabhāvādipuccham. **Dabbigahaṇasippampi** ekāvijjāveditabbā. Tattha kira kusalo yam kiñci āhārūpagapaṇṇapupphaphalabījam antamaso elālukampi gahetvā bhesajjehi yojetvā pacanto sappimadhuphāṇitehi samānarasam katvā

1. Suttachedakavādā nāma (Aṭṭhakathāyam.)

sampādetum sakkoti, puṇṇopi tādiso. Tena nātaṃ tvaṃ
dabbigahaṇasippamattampi na jānāsīti sambandho. **Saddhoti**
kammaphalasaddhāya saddho, pothujjanikeneva ratanattayapasādena
pasanno. Tenevāha “**upāsakaṃ maṃ bhavaṃ -pa- saraṇaṃ gatan**”ti.

Assalāyanasuttavaṇṇanāya līnatthappakāsanā samattā.

4. Ghoṭamukhasuttavaṇṇanā

412. Khemiyā nāma rañño deviyā ropitattā taṃ ambavanaṃ
khemiyambavananti vuccatīti vadanti. **Dhammikoti** dhammayutto sabbasova
adhammaṃ pahāya dhamme ʘhito. Paribbajati pabbajati etenāti **paribbajo**,
gharāvāsato nikkhamaṇapubbakaṃ liṅgaggahaṇavasena sīlasamādānaṃ.
Etthāti etasmim paribbaje. **Sabhāvoti** taṃ paribbājaniyaṃ, tehi tehi
paribbājakehi anuṭṭhātabbo paṭipattidhammasaṅkhāto sabhāvo. **Dhammova**
pamāṇanti etena mayaṃ ahirimaṇā cittassa yathā-upaṭṭhitam kathema, tasmā
taṃ appamāṇam, yo panettha avitatho dhammo, tadeva pamāṇam. Tumhehi
adhigatapaṭipattisaṅkhāto sabhāvo atthi, tassa tumhehi **bahunā**
nānāsandassanādikammaena **idha bhavitabbaṃ**, bahudevuttha vattabbanti
adhippāyo.

414. **Sārattarattāti** sārājanavasena rattā, bahularāgavasena abhirattāti
attho. Attanā nāpetabbamatthaṃ anuggahāpeti bodhetīti anuggaho,
nāpitakāraṇam, saha anuggahenāti **sānuggahā**. Tenāha “**sakāraṇā**”ti. Kim
pana taṃ kāraṇam? Imassādhippāyo “natthi dhammiko paribbajo”ti mayā
vutto, addhā panāyasmā udeno yāthāvato dhammikaṃ paribbajam me
ācikkhatīti. Tenāha “**vuttaṃ hetan**”ti-ādi.

421. Sabbamidam thāvarajaṅgamaṃ purisakataṃ, tasmā yaṃ kiñci
katvā atthā posetabbo rakkhitabboti lokāyatanissito nītimaggo
ghoṭamukhakanto, tasmā āha “**etassa kira jānanaṣippe**”ti-ādi.

sagge nibbatta nāma natthi akattabbameva karaṇato.
Devalokapariyāpannadhanam manussānam upakappapuññābhāvato pubbe
attanā nihitadhanam “**asuke cā**”ti ācikkhitvā gato. Sesam suviññeyyameva.

Ghoṭamukhasuttavaṇṇanāya linatthappakāsanā samattā.

5. Caṅkīsuttavaṇṇanā

422. Tasmimnti sālavane. Uttarena opāsādanti opāsādagāmassa
uttaradisāyam. Uttarenāti ena-saddayogena hi opāsādanti upayogavacanam.
Ajjhāvasatīti ettha adhi-ā-saddānam anattantaratam hadaye katvā āha
“**vasatī**”ti. Idāni tesam atthavisesabhāvitam dassento “**abhibhavitvā vā
āvasatī**”ti-ādimāha. Etthāti opāsādapade. Sattussadanti-ādīsu pana kathanti
āha “**tassa anuppayogattāva sesapadesū**”ti. Upa-anu-adhi-iti-evam-pubbake
vasanakiriyāṭṭhāne upayogavacanameva pāpuṇātīti saddavidū icchantīti āha
“**lakkhaṇam saddasatthato pariyesitabban**”ti. Tathā hi vuttam
“**upasaggavasena panettha bhummatthe upayogavacanam veditabban**”ti.
Ussadatā nāmettha bahulatāti tam bahulatam dassetuṃ “**bahujanam**”ti-ādi
vuttam. **Āvajjitvāti**¹ parikkhipivā.

Raññā viya bhuñjitabbanti vā **rājabhoggam**. Rañño dāyabhūtanti
kulaparamparāya bhoggabhāvena raññā laddhadāyabhūtam. Tenāha
“**dāyajjanti attho**”ti. Rājanīhārena paribhuñjitabbato uddham
paribhogalābhassa setṭhadeyyatā nāma natthīti āha “**chattam ussāpetvā
rājasānkhepena paribhuñjitabban**”ti. Tittapabbatādīsūti nadītittha-
pabbatapādagāmadvāra-aṭavimukhādīsu. **Nissatṭhapariccattanti**
muttacāgavasena pariccattam katvā. **Etesam** brāhmaṇagahapatikānam.

423. **Samhatāti** sannipatitā. Yo koci viññūnam icchito pañho, tassa
pucchitassa yāthāvato kathanasamattho **pucchitapañhabyākaraṇasamattho**.
Kulāpadesādinā mahatī mattā etassāti **mahāmatto**.

1. Āvikatvā (Ka), āvijjhitvā (Aṭṭhakathāyam), āvajjhitvāti parikkhipivā (Dī-Ṭī 1. 289
piṭṭhe.)

424. **Teti** “nānāverajjakā”ti vuttabrāhmaṇā. “Ubhato sujāto”ti¹ ettake vutte yehi kehici dvīhi bhagehi sujātata viññāyeyya, sujātassaddo ca “sujāto cārudassano”ti-ādīsu² ārohapariṇāhasampattipariyāyoti jātivaseneva sujātataṃ vibhāvetuṃ “**mātito ca pitito cā**”ti vuttaṃ. Anorasaputtavaseneva loke mātupitusamaññā dissati, idha panassa orasaputtavaseneva icchiyatīti dassetuṃ “**sāmsuddhagahaṇiko**”ti vuttaṃ. Pitā ca mātā ca pitaro, pitūnaṃ pitaro pitāmahā, tesaṃ yugo pitāmahayugo, tasmā **yāva sattamā pitāmahayugā**ti evamettha attho daṭṭhabbo. Yugasaddo cetha ekasesanayena daṭṭhabbo “yogo ca yogo ca yugā”ti. Evaṃ hi tattha tattha dvinnāṃ gahitameva hoti. Tenāha “**tato uddham sabbepi pubbapurisā pitāmahagahaṇeneva gahitā**”ti. Purisaggahaṇaṃ cetha ukkaṭṭhaniddesavasena katanti daṭṭhabbāṃ. Evaṃ hi “mātito”ti pālīvacanaṃ samatthitaṃ hoti. **Akkhittoti** appattakhepo. **Anavakkhittoti** saddhathālipākādīsu na avakkhitto. **Jātivādenā**ti hetumhi karaṇavacananti dassetuṃ “**kena kāraṇenā**”ti-ādī vuttaṃ. Ettha ca **ubhato -pa-pitāmahayugā**ti etena brāhmaṇassa yonidosābhāvo dassito sāmsuddhagahaṇikabhāvakittanato. **Akkhittoti** iminā kiriyāparādhābhāvo. Kiriyāparādhena hi sattā khepaṃ pāpuṇanti. **Anupakkuṭṭhoti** iminā ayuttasāmsaggābhāvo. Ayuttasāmsaggampi hi paṭicca sattā akkosāṃ labhanti.

Issaroti adhipateyyasaṃvattaniyakammaphalena īsanasiḷo. Sā panassa issaratā vibhavasampattipaccayā pākaṭā jātāti aḍḍhatāpariyāyabhāvena vadanto “**aḍḍhoti issaro**”ti āha. Mahantaṃ dhanamassa bhūmigatañceva vehāsaṭṭhañcāti **mahaddhano**. **Tassā**ti³ tassa tassa. **Vadanti** “anvayato byatirekato ca anupasaṅkamanakāraṇaṃ kitemā”ti.

Adhikarūpoti visiṭṭharūpo uttamasarīro. Dassanaṃ arahatīti **dassanīyo**. Tenāha “**dassanayoggo**”ti. Pasādaṃ āvahaṭīti **pāsādiko**. Tenāha “**cittapasādajananato**”ti. **Vaṇṇassā**ti

1. Dī-Ṭī 1. 314; Am-Ṭī 3. 44 piṭṭhādīsupi passitabbaṃ.

2. Ma 2. 351; Khu 1. 367; Khu 2. 331 piṭṭhesu.

3. Tassa tassa (Aṭṭhakathāyaṃ.)

vaṇṇadhātuyā. **Sarīranti** sannivesaviṣiṭṭho karacaraṇagīvāsīsādi
 avayavasamudāyo, so ca saṅghānamukhena gayhatīti “**paramāya**
vaṇṇapokkharatāyāti paramāya -pa- sampattiyā cā”ti vuttam. Sabbavaṇṇesu
 suvaṇṇavaṇṇova uttamoti vuttam “**setṭhena suvaṇṇavaṇṇena**
samannāgato”ti. Tathā hi buddhā cakkavattino ca suvaṇṇavaṇṇāva honti.
Brahmavacchasīti uttamasarīrābho, suvaṇṇabhōti attho. Imameva hi attham
 sandhāyāha “**mahābrahmuno sarīrasadisena sarīrena samannāgato**”ti, na
 brahmujugattatam. **Akhuddāvakaṇṇo dassanāyāti** ārohapariṇāhasampattiyā
 avayavapāripūriyā ca dassanāya okāso na khuddako. Tenāha “**sabbānevā**”ti-
 ādi.

Yamaniyamalakkhaṇam **sīlamassa atthīti sīlavā**, tam panassa
 rattaññutāya **vuddham vaḍḍhitam sīlam assa atthīti vuddhasīlī**, tena ca
 sabbadā samāyogato **vaḍḍhasīlena samannāgato. Pañcasīlamattameva**
sandhāya vadanti tato param sīlassa tattha abhāvato tesaṅca ajānanato.

Ṭhānakaraṇasampattiyā sikkhāsampattiyā ca katthacipi anūnatāya
 parimaṇḍalapadāni byañjanāni akkharāni etissāti **parimaṇḍalapadabyañjanā**.
 Atha vā pajjati attho jetenāti padaṁ, nāmādi, yathādhīppetamattham
 byañjetīti byañjanam, vākyaṁ, tesam paripuṇṇatāya
parimaṇḍalapadabyañjanā. Atthañāpanasādhanatāya vācāva karaṇanti
vākkaraṇam, udāharaṇaghoso. **Guṇaparipuṇṇabhāvena** tassa brāhmaṇassa,
 tena vā bhāsītabba-atthassa. **Pūre** puṇṇabhāve. **Pūreti** ca purimasmiṁ atthe
 ādhāre bhummaṁ, dutiyasmiṁ visaye. **Sukhumālattanenāti** iminā tassā
 vācāya mudusaṇhabhāvamāha. **Apalibuddhāya** pīttasemhādīhi. **Sandiṭṭham**
 sabbam dassetvā viya ekadesakathanam. **Vilambitam** saṅkham cirāyitvā
 kathanam. “Sandiddhivilambitādī”ti vā pāṭho. Tattha **sandiddham**
 sandehajanakam. **Ādi-saddena** khalitānukaḍḍhitādim saṅgaṇhāti.
Ādimajjhapariyosānam pākaṭam katvāti iminā cassa vācāya atthapāripūrim
 vadanti.

425. **Sadisāti** ekadesena sadisā. Na hi buddhānam guṇehi sabbathā
 sadisā kecipi guṇā aññesu labbhanti. **Itareti** attano guṇehi asadisaguṇe.
Idanti idam atthajātam. **Gopadakanti** gāviyā pade ṭhita-udakam.
Kulapariyāyenāti kulānukkamena.

Tatthāti mañcake. **Sīhaseyyaṃ kappesīti** yathā rāhu asurindo āyāmato vitthārato ubbedhato ca bagavato rūpakāyassa paricchedaṃ gahetuṃ na sakkoti, tathārūpaṃ iddhābhisaṅkhāraṃ abhisaṅkharonto sīhaseyyaṃ kappesi.

Parisuddhaṭṭhena ariyanti āha “**ariyaṃ uttamaṃ parisuddhaṃ**”ti. **Anavajjattṭhena kusalaṃ**, na sukhavipākaṭṭhena. Katthaci **caturāsīti pāṇasahassāni** katthaci **aparimāṇāpi devamanussā** yasmā catuvīsatiyā ṭhānesu asaṅkhyeyyā aparimeyyā **maggaphalāmataṃ pivanti**. Koṭisatasahassādīparimāṇenapi bahū eva, tasmā anuttarācārasikkhāpanavaseneva bagavā **bahūnaṃ ācariyo**. Teti kāmārāgato aññe bagavato pahīnakilese.

Apāpapurekkhāroti apāpehi purakkharīyati, na vā pāpaṃ purato karotītipi apāpapurekkhāroti imamatthaṃ dassetuṃ “**apāpe nava lokuttaradhamme**”ti-ādi vuttaṃ. Tattha **apāpeti** pāpapaṭipakkhe pāparahite ca. Brahmani bhavā, brahmuno vā hitā garukaraṇādinā, brahmānaṃ vā maggaṃ jānātīti brahmaññā, tassā **brahmaññāya pajāya**.

Tiroraṭṭhā tirojanapadāti ettha rajjaṃ raṭṭhaṃ rājanti rājāno etenāti katvā, tadekadesabhūtā padesā pana janapado janā pajjanti ettha sukhajīvikaṃ pāpuṇantīti katvā. Pucchāya dosaṃ sallakkhetvāti sambandho. **Bhagavā vissajjeti** tesam upanissayasampattiṃ cintetvāti adhippāyo. **Navakā**ti āgantukabhāvena amhākaṃ abhinavā.

426. **Opāteti** nipātetīti attho. Tathābhūto ca tattha pesitā hotīti vuttaṃ “**pavesetī**”ti. **Saṃpurekkharontī**ti sakkaccaṃ pubbaṅgamaṃ karonti. Tenāha “**purato katvā vicarantī**”ti.

427. Sudde bahi katvā raho bhāsitaḥḥatṭhena mantā eva taṃtamattṭhapaṭipattihetutāya padanti **mantapadaṃ**, vedaṃ. Tenāha “**vedo**”ti. **Evam kirāti paramparabhāvena ābhatanti**¹ ācariyaparamparāya ābhatam.

1. Āgatanti (Aṭṭhakathāyaṃ.)

pāvacaṇasaṅkhātasampattiyāti pamukhavacaṇamhi udattādisampattiyā. **Sāvitti-ādīhi chandabandhehi vaggabandhehi cā**ti gāyattī-ādīhi ajjhāyānuvākādīhi¹ chandabandhehi ca vaggabandhehi ca. **Sampādetvā**ti padasampattiṃ ahāpetvā. **Pavattāro**ti vā pāvacaṇavasena vattāro. **Sajjhāyanti** gāyanaṇavasena sajjhāyitaṃ, taṃ pana padeneva icchitanti āha “**padasampattivasenā**”ti. **Aññesaṃ vuttanti** pāvacaṇavasena aññesaṃ vuttaṃ. **Rāsikatanti** iruvedayajurvedasāṃvedādivasena, tathāpi paccekāṃ mantabrahmādivasena ajjhāyānuvākādivasena rāsikataṃ. **Dibbena cakkhunā oloketvā**ti dibbacakkhuparibhaṇḍena yathākammūpagaññāṇena sattānaṃ kammaṇsakataṃ², paccakkhato dassanaṭṭhena dibbacakkhusadisena pubbenivāsaññāṇena atītakappe brāhmaṇānaṃ mantajjhenavidhiṇca oloketvā. **Pāvacaṇena saha saṃsandetvā**ti kassapasammāsambuddhasa yaṃ vacaṇaṃ vaṭṭasaṇṇissitaṃ, tena saha aviruddhaṃ katvā. Na hi tesāṃ vivaṭṭasaṇṇissito attho paccakkho hoti. **Aparāpareti** aṭṭhakādīhi aparāpare pacchimā okkākarājakālādīsu uppanā. **Pakkhipitvā**ti aṭṭhakādīhi gandhitamantapadesu kilesasaṇṇissitapadānaṃ³ tattha tattha pade pakkhipanaṃ katvā. **Viruddhe akaṃsūti brāhmaṇadhammikasuttā**dīsu⁴ āgatanayeneva saṅkilesikatthadīpanato paccanīkabhūte akaṃsu.

428. **Paṭipāṭiyā ghaṭṭitā**ti paṭipāṭiyā sambaddhā. **Paramparāsaṃsattā**ti ādāniyāya yaṭṭhiyā saṃsattā. Tenāha “**yaṭṭhiggāhakena cakkhumatā**”ti. **Purimassā**ti maṇḍalākāreṇa ṭhitāya andhaveṇiyā sabbapurimassa hatthena sabbapacchimassa kacchaṃ gaṇhāpetvā. **Divasampī**ti anekadivaṇsampi. Cakkhumassa anāgatabhāvaṃ ṇatvā yathā-akkantaṭṭhāneyeva anupatitvā akkamaṇaṃva sallakkhetvā “**kahaṃ cakkhumā kahaṃ maggo**”ti **pariveditvā**.

Pālāgatesu dvīsūti saddhā anussavoti imesu dvīsū. **Evarūpeti** yathā saddhānussavā, evarūpe eva paccakkhaggāhinoti attho. **Tayoti** ruci-ākāraparivitakkadīṭṭhinijjhānakkhantiyo. **Bhūtavipākā**ti bhūtatthaniṭṭhāyakā adhippetatthasādhakā, vuttavipariyāyena abhūtatthavipākā

1. Obhati-ābhavehi (Ka) 2. Kammaṇsakatādīṃ (Dī-Ṭī 1. 308; Am-Ṭī 3. 57 piṭṭhesu.)

3. Kilesasaṇṇissitapadāni (Ka)

4. Khu 1. 322 piṭṭhe Suttanipāte.

veditabbā. **Etthā**ti etesu saddhāyitādivatthūsu. **Ekamseneva niṭṭhaṃ ganturinnālaṃ** anekantikattā saddhādiggāhassa. **Upari pucchāya maggaṃ vivarivā ṭhapesi** saccānurakkhāya nātukāmatāya uppāditattā. Passati hi bagavā—mayā “saccamanurakkhatā -pa- niṭṭhaṃ gantun”ti vutte saccānurakkhaṇaṃ nātukāmo māṇavo “kittāvatā”ti-ādinā pucchissati, tassa taṃ vissajjetvā saccānubodhe pucchāya avasaraṃ datvā tassa upanissaye upakāradhamme kathessāmīti. Tena vuttaṃ “upari pucchāya maggaṃ vivarivā ṭhapesī”ti.

430. **Attānaññeva sandhāya vadati**, yato vuttaṃ pāḷiyāṃ “yaṃ kho paṇāyamāyasmā dhammaṃ deseti, gambhīro so dhammo duddaso duranubodho”ti-ādi. Lubbhantīti **lobhanīyā** yathā “apāyagamanīyā”ti āha “**lobhanīyesu dhammesūti lobhadhammesū**”ti. Yathā vā rūpādidhammā lobhanīyā, evaṃ lobhoti āha “**lobhanīyesu dhammesūti lobhadhammesū**”ti. Tenevāha “yaṃ loke piyarūpaṃ sātārūpaṃ, etthesā taṇhā uppajjamānā uppajjati, ettha nivisaṃānā nivisaṃī”ti¹. Esa nayo sesapadadvayepi.

432. **Nivesetīti ṭhabeti paṭṭhabeti. Payirupāsati**ti upaṭṭhānavasena upagantvā nisīdati. Suyyati etenāti **sotanti** āha “**pasādasotan**”ti. Taṃ hi sāvanāya odahitabbanti. **Dhāreti** sandhāreti vattheva manāṃ ṭhabeti. **Atthatotī** yathāvuttassa dhammassa atthato. **Kāraṇatotī** yuttito hetudāharaṇehi upapattito. **Olokananti** evametanti yathāsabhāvato paññācakkhunā daṭṭhabbatāṃ khamanti, tañca mahantassa maṇino pajjalantassa viya āvikatvā atthassa citte upaṭṭhānanti āha “**idhā**”ti-ādi. **Kattukamyatāchandoti** kattukāmatāsaṅkhāto kusalacchando. **Vāyamatīti**-ādito catunnampi vīriyānaṃ vasena vāyāmaṃ parakkamaṃ karoti. **Maggapadhānaṃ padahatīti** maggāvahaṃ maggapariyāpannañca sammappadhānaṃ padahati, padahanavasena taṃ paripūreti. **Paramasaccanti** amoghadhammattā paramatthasaccaṃ. **Sahajātanāmakāyenāti** maggapaññāsahajātanāmakāyena. **Tadevāti** tadeva paramasaccaṃ nibbānaṃ. Tenevāha “**sacchikiriyābhisamayena vibhūtaṃ pākaṭaṃ karonto passatī**”ti.

1. Dī 2. 246; Ma 1. 85; Abhi 2. 106 piṭṭhesu.

433-4. **Maggānubodhoti** maggapaṭipāṭiyā bodho bujjanam, yesam kilesanam samucchindanasena maggappaṭivedho, tesam paṭippassambhanavasena pavattamānam sāmāññaphalam, maggena paṭividdhāni saccāni, paramatthasaccameva vā anurūpabujjhananti adhippāyo. “**Saccānuppattīti phasacchikiriyā**”ti vuttaṃ. Evaṃ hi sati heṭṭhā vuttā saddhāpaṭilābhādayo dvādasā dhammā saccānuppattiyā upakārā honti, tasmā vuttaṃ “**tesāmyevāti heṭṭhā vuttānam dvādasannam**”ti. **Nāyam** “tesāmyevā”ti padassa **attho**. Satipi kusalavipākādibhāvena nānatte vatthārammaṇabhūmikiccādivasena pana sadisāti upāyatova maggadhammā āsevitā bahulikatā phalabhūtāti vattabbatam arahatīti taṃsadise tabbohāram katvā “**tesam maggasampayuttadhammānam**”ti vuttaṃ. Evaṃ hi āsevanāgahaṇam samatthitam, na aññathā. Na hi ekacittakkaṇikānam maggadhammānam āsevanā, bahulīkammaṃ vā atthīti. **Tulanāti** vipassanā. Sā hi vuṭṭhānagāminibhūtā maggappadhānassa bahukārā tassa abhāve maggappadhānasseva abhāvato, evaṃ ussāho tulanāya chando ussāhassa bahukāroti-ādinā heṭṭhimassa uparimūpakārataṃ suviññeyyamevāti āha “**iminā nayena sabbapadesu attho veditabbo**”ti. Sesam suviññeyyameva.

Caṅkīsuttavaṇṇanāya līnatthappakāsanā samattā.

6. Esukārīsuttavaṇṇanā

437. **Koṭṭhāsanti** maṃsabhāgam. **Laggāpeyyunti** nhārunā vā vākena vā bandhitvā purisassa hatthe vā vasaṇagehe vā olambapavasena bandheyyum. **Satthadhammanti** satthikesu satthavāhena paṇetabbam āṇādhammam. **Tassa nikkhamanattanti** taṃ mūlam satthikehi nittharaṇattham. **Pāpam assāti** paricarantassa pāricariyāya ahitamva assa. Tenāha “na seyyo”ti. **Uccākulīnā**dayo dutiyavārādīhi vuccanti, idha upadhivipattisampattiyo pāpiyādipadehi vuttāti adhippāyo. Tenāha “**pāpiyoti pāpako lāmako attabhāvo assā**”ti. **Seyyamsoti** hitakoṭṭhāso, hitasabhāvoti attho. **Uccākulīnatāti** karaṇatthe paccattavacananti āha “**uccākulīnattenā**”ti. “Vaṇṇo na khīyetha

tathāgatassā”ti-ādīsu¹ viya **vaṇṇasaddo** idha pasamsāpariyāyoti āha “**vessopi hi ulāravaṇṇo hotī**”ti.

440. “Niravo padasaddo soḷāragottassa akiṇṇamattikāpatto tiṭṭheyya asaṅgacārī”ti² vuttattā **bhikkhā caritabbāva**, ayaṃ tesāṃ kuladhammoti adhippāyo. **Haritvāti** apanetvā. **Sattajīvo** sattavāṇijako. Gopeti rakkhatīti **gopo**, ārakkhādhikāre niyutto. Asanti lūnanti tenāti **asitaṃ**, lavittaṃ. Vividhaṃ bhāraṃ ābhañjanti olamandhi etthāti **byābhaṅgī**, kājaṃ.

441. **Anussaratoti** anussaraṇahetu kulavaṃsānussaraṇakkhaṇe khattiyoti-ādinā **saṅkhyāṃ gacchati**. Tenāha “**porāṇe -pa-anussarīyamāne**”ti. Uccanīcattajānanatthañca kulavavattthānaṃ kataṃ hotīti khattiyādikulakammunā tesāṃ catunnaṃ vaṇṇānaṃ sandhanaṃ jīvikaṃ paññapenti brāhmaṇā, tathāgato pana lokuttaradhamameva purisassa sandhanaṃ paññapeti tena sattassa lokaggabhāvasiddhito. Sesāṃ suviññeyyameva.

Esukārīsuttavaṇṇanāya līnatthappakāsanā samattā.

7. Dhanañjānisuttavaṇṇanā

445. **Rājagahaṃ parikkhipitvā tthitapabbatassāti** paṇḍavapabbataṃ sandhāyāha. Rājagahanagarassa dakkhiṇadisābhāge pabbatassa samīpe tthito janapado **dakkhiṇāgiri**. Taṇḍhulapuṭakānaṃ pāli etthāti **taṇḍhulapāli**.

-
1. Dī-Ṭṭha 1. 257; Dī-Ṭṭha 3. 61; Ma-Ṭṭha 3. 289; Udāna-Ṭṭha 305; Apādāna-Ṭṭha 2. 91; Buddhavaṃsa-Ṭṭha 163; Cariyāpiṭaka-Ṭṭha 9. 324; Dī-Ṭṭī 1. 9; Ma-Ṭṭī 1. 10; Saṃ-Ṭṭī 1. 9; Aṃ-Ṭṭī 1. 12; Vajira-Ṭṭī 10; Sārattha-Ṭṭī 1. 6; Netti-Ṭṭī 8 piṭṭhesu.
 2. Nirave padasaddo soḷārago tathā akiṇṇapattikā pahotiyevāti asaṅkucārī, (potthakesu.) Appamatto care bhikkhaṃ, sāyanhe nātilakkhito. Bhikkhūhi rahite gāme, yātrāmattamalolupo. . (Gāruḍe 103 ajjhāyo.) Pāṇa yātrānimittaṃ, byāṅgāre bhuttavajjane. Kāle pasatthavaṇṇanāṃ, bhikkhatthaṃ gehamācare. (Bisaṇupurāṇe 3 aṃse 9 ajjhāyo.)

Tassa kira dvārasamīpe taṇḍulavāṇijā taṇḍulapasibbake vivarivā paṭipāṭiyā ṭhapetvā nisīdanti, tenassa “**taṇḍulapālīdvāran**”ti samaññā ahoṣi.

Sabbameva sassam gaṇhātīti daliddakassakānaṃ divasaparibbayamattameva vissajjetvā sabbameva āyato nipphannaṃ dhaññaṃ gaṇhāti. **Mandasassānī**ti mandanipphattikāni sassāni.

446. **Iminā nāyena**ti dāsakammakarassa nivāsanabhattavetanānuppādānena maṅgaladivasesu dhanavattahālaṅkāraṇuppadānādina ca **posetabbo**. Mittāmaccaṇaṃ piyavacana-atthacariyāsamaṇattatādi **mittāmaccakaṇṇiyam kattabbam**, tathā **ñāṭisālohitānaṃ**. Tattha āvāhavivāhasambaddhena “ambhākaṃ ime”ti ñāyantīti **ñāṭī**, mātāpitādisambaddhatāya samānalohitāhi **sālohitā**. Sammā dadantesupi asajjanato natthi etesaṃ tithīti **atithi**, tesam attanā samānaparibhogavasena **atithikaṇṇiyam kātabbam**, atithibalīti attho. Ñātakabhūtapubbā pettivisayaṃ upagatā **pubbapetā**, dakkhiṇeyyesu kālena kālaṃ dānaṃ datvā tesam uddisaṇaṃ **pubbapetakaraṇṇiyam**, petabalīti attho. Gandhapupphavilepanajālābhattehi kālena kālaṃ devatānaṃ pūjā **devatākaraṇṇiyam**, devatābalīti attho. Rājakkicakaraṇaṃ upaṭṭhānaṃ **rājakaṇṇiyam**. **Ayampi kāyoti** attano kāyaṃ sandhāya vadati. Imamatthaṃ sandhāyāha “**iminā nāyena attho veditabbo**”ti.

447. **Pañca dussīlyakammānī**ti nīccasīlapaṭipakkhadhammā. Dasa-akusalakammamāpathadhammā **dasa dussīlyakammāni**. Adhammacārī eva **visamacārī** kāyavisamādicaraṇatoti **visamacārī**padassa attho visum na vutto.

448-453. **Osaranti** apasakkanti, khīyantīti attho. Tenāha “**parihāyanti**”ti. **Abhisaranti**ti abhivaḍḍhanavasena pavattanti. Tenāha “**vaḍḍhanti**”ti. **Tatrā**ti brahmaloke. **Assā**ti brahmaloke uppanassa dhanañjānisa. **Tato paṭṭhāyā**ti yadā bagavatā “eso bhikkhave sārīputto”ti-ādi vuttaṃ, tato paṭṭhāya. **Catusaccavimuttanti** niddhāretvā vibhajivā vuccamānehi sacchehi vimuttaṃ. Atthato pana tato pubbepi **saccavimuttaṃ kathaṃ na kathesiyeva** saccavimuttassa niyyānassa abhāvato.

Dhanañjānisuttavaṇṇanāya līnatthappakāsanā samattā.

8. Vāseṭṭhasuttavaṇṇanā

454. **Jātirī** sodhetukāmo **hontī**ti sahaṅvāsīnaṃ brāhmaṇānaṃ kiriyāparādhena vā asāruppattena vā jātiyā upakkilesaṃ āsaṅkāya taṃ sodhetukāmā honti. **Mante sodhetukāmā hontī**ti mantavacana ācariyamaticodanāya aññena vākyena kenaci kāraṇena saṃsaye uppanne taṃ sodhetukāmā honti. **Antarā**ti vemajjhe. Aññatthe vā antarā-saddoti tassa **aññā kathā**ti¹ vacanaṃ avagantabbaṃ. Khantimettānuddayādiguṇasampanno eva “**sīlavāti guṇavā**”ti āha. Tehi sīlassa vissajjanakālepi “**sīlavā**”ti vuccati. Sampannasīlattā vā tehi samannāgato eva hotīti āha “**sīlavāti guṇavā**”ti. **Ācārasampannoti** sādhu-ācāravatto.

455. **Sikkhitā**ti tevijjānaṃ sikkhitā tumhe, na dāni tumhehi kiñci kattabbaṃ atthīti attho. **Paṭiññātā**ti paṭijānitvā ṭhitā.

Vedattayaṅkhatā tisso vijjā ajjhayanāntīti **tevijjā**. Tenāha “**tevedāna**”ti. Tayo vede aṅanti ajjhayanāntīti **brāhmaṇā**, tesāṃ. Yaṃ ekaṃ padampi akkhātāṃ, taṃ atthato byañjanato ca **kevalino** adhiyino appapayogena. **Niṭṭhāgatamhā**ti nipphattiṃ gatā amhā tevijjāya sakasamayassa kathane.

Manokammato hi vattasampadātikāraṇūpacārenayamattho vutthoti āha “**tena samannāgato hi ācārasampanno hotī**”ti.

Khayātīnti vaḍḍhipakkhe ṭhitanti attho. Sukkapakkhapāṭipadato paṭṭhāya hi cando vaḍḍhatīti vuccati, na khīyatīti. **Vandamānā** jānā namakkāraṃ karonti.

Atthadassanenāti vivaraṇena dassanapariṇāyakaṭṭhena lokassa **cakkhuhutvā samuppannaṃ**.

456. **Tiṭṭhatu tāva brāhmaṇacintā**ti “kiṃ jātiyā brāhmaṇo hoti, udāhu bhavati kammunā”ti ayaṃ brāhmaṇavicāro tāva

1. Aññathā (Ka)

tiṭṭhatu, jātidassanattamaṃ tiṇarukkhaḱīṭapaṭaṅgato paṭṭhāya loke jātivibhaṅgaṃ vitthārato kathessāmīti tesam cittasampamaṃsanattamaṃ desetabbamatthamaṃ paṭijānāti. Tattha aññamañña hi jātiyoti idaṃ kāraṇavacanamaṃ, yasmā imā jātiyo nāma aññamaññaṃ visiṭṭhā, tasmā jātivibhaṅgaṃ byākarissāmīti.

Yasmā idha upādinnakajāti byākātabbhāvena āgatā, tassā pana nidassanabhāvena itarā, tasmā “**jātivibhaṅgaṃ pāṇānaṃ**”ti pāḷiyam vuttaṃ, tesam tesam pāṇānaṃ jātiyoti attho. **Evanti** nidassanaṃ kathetvā nidassitabbe kathiyamāne. **Tassāti** Vāseṭṭhassa. Kāmaṃ “tesam vohaṃ byakkhissaṃ”ti ubhopi māṇave nissāya desanā āgatā, tathāpi tattha tattha “evaṃ Vāseṭṭha jānāhi”ti-ādina Vāseṭṭhameva ālapanto bagavā tameva iminā niyāmena pamukhaṃ akāsi. Tena vuttaṃ “tassāti Vāseṭṭhassa”ti. **Jātibhedo** jātiviseso jātiyā bhedo **pākaṭo bhavissati** nidassanena vibhūtabbhāvaṃ āpāditeṇa paṭiññātassa atthassa vibhūtabbhāvāpattito. **Āmanavaṭṭatīti** kammanānatāya eva upādinnakanānatāya paṭikkhepapadametaṃ, na bījanānatāya anupādinnakanānatāya paṭikkhepapadanti dassetuṃ “**kammaṃ hi**”ti-ādi vuttaṃ. Tassattho— taṃtaṃyonikhipanamattaṃ kammaṃ sāmattiyam, taṃtaṃyoninīyatā pana ye vaṇṇavisesā, te taṃtaṃyonisiddhiyāva siddhā hontīti taṃ pana ye yonikhipanakammaṃ taṃtaṃyonivisiṭṭhāvisesābhībhūtāya payoganipphattiyā, asaṃmucchitāya eva vā paccayabhūtāya bhavapatthanāya abhisankhata mevāti viññātābapaccayavisesena vinā phalavisesābhāvato etaṃ samīhitakammaṃ patthanādīhi ca bhinnasattitaṃ visiṭṭhasāmattiyam vā āpajjitvā cakkhundriyādivisiṭṭhaphalanibbattakam jāyati, evam yonikhipanataṃyoninīyatavisesāvahatā hotīti. Therena hi bījanānatā viya kammanānatāpi upādinnakanānatāya siyā nu kho paccayoti codanaṃ paṭikkhipitvā paccayavisesavisiṭṭhā kammanānatā pana paccayoti nicchitanti daṭṭhabbam.

Nānavaṇṇāti nānappakāra vaṇṇā. Tālanāḷikerādīnaṃ loke abhiññātatiṇajātibhāvato **visesena gayhati** abhiññātasotanayena. **Jātiyā brāhmaṇovāti** aṭṭhānapayutto **eva-saddo**,

jātiyāva brāhmaṇo bhaveyyāti yojanā. **Na ca payhatī**ti tīnarukkhādīsu viya brāhmaṇesu jātinīyatassa liṅgassa anupalabbhanato, pivana bhuñjana kathana hasanādikiriya brāhmaṇabhāvena ekantikaliṅganiyatāya mantajjhenādimvinā anupalabbhanato ca. **Vacībhedenevā**ti āhaccavacaneneva.

Kīṭe paṭaṅgeti-ādīsu jātinānatā labbhati aññamaññaliṅgavisitṭhatādassanā. **Kunthā** kīṭakā, khajjakhādakā **kipillikā**. **Uppatitvā**ti udḍetvā udḍetvā. Paṭabhāvaṃ gacchantīti vā **paṭaṅgā**, na khuddakapaṇakā kīṭī nāma. **Tesampi** kīṭakānaṃ.

Kāḷakādayoti kalandakādayo.

Udaraṃyeva nesam pādā-udareneva sampajjanato.

Saññāpubbako vidhi¹ aniccoti dassento “**udake**”ti āha yathā “vīrassa bhāvo vīriyan”ti.

Pattasamudāye pakkhasaddoti “**pattehi yantī**”ti vuttaṃ. Na hi avayavabyatirekena samudāyo atthi.

Saṅkhepena vutto “jātivasena nānā”ti-ādinā. Ettha padatthe dubbhiṇṇeyyaṃ natthīti sambandhamattaṃ dassetuṃ “**tatrāyaṃ yojanā**”ti-ādi vuttaṃ. “Na hi brāhmaṇānaṃ edisaṃ sīsaṃ hoti, khattiyānaṃ edisanti niyamo atthi yathā hatthi-assamigādīnaṃ”ti idameva vākyāṃ sabbattha netabbaṃ. Taṃ saṅkhipitvā dassento “**iminā nayena sabbam yojetabban**”ti āha.

Tassāti yathāvuttanigamanavacanassa **ayaṃ yojanā** idāni vuccamānā yojanā veditabbā.

457. **Vokāraṇti** vokaraṇaṃ, yena visitṭhatāya na vokarīyati jātibhedoti attho. Tenāha “**nānattan**”ti.

Gorakkhādi-upajīvanena **ājīvavipanno**, himsādinā **sīlavipanno**, nikkhattavattatādīnā **ācāravipanno**ti. Sāmaññajotanā visese nivitṭhā hotīti āha “**gorakkhantī khetarakkhan**”ti, “**goti hi pathaviyā nāman**”ti. Tehi tehi upāyehi sikkhitabbaṭṭhana **sippaṃ**, tattha kosallaṃ.

1. Vuddhi (?)

Paresaṃ īsanaṅgheṇa hiṃsanaṅgheṇa issa, so assa atthīti issa, yodhājīviko, issassa kammaṃ paharaṇaṃ usuraṃ sattiṅca nissāya pavattā jīvikā **issattaṃ**. Tenāha “**āvudhajīvikaṃ**”ti. Yaṃ nissāya assa jīvikā, tadeva dassetuṃ “**usuṅca sattiṅcā**”ti vuttaṃ.

Brahmaṃ vuccati vedo, taṃ aṇati jānāṭīti brāhmaṇo, jānanaṅca porāṇehi brāhmaṇehi vihitaniyāmena brāhmaṇehi katopasamena anuṅgheṇa yathā “ājīvasīlācāravipanno natthī”ti brāhmaṇadhammikehi lokiyapaṇḍitehi ca sampatiṅchito, tathā paṭipajjanamevāti āha “**evaṃ brāhmaṇasamayena -pa- sādhetvā**”ti. **Evaṃsanteti evaṃ ājīvasīlācāravipannassa abrahmaṇabhāve sati na jātiyā brāhmaṇo hoti, guṇehi pana ājīvasīlācārasampattisaṅkhātehi brāhmaṇo hoti, tasmā guṇānaṃyeva brāhmaṇabhāvakaraṇato catuvaṇṇavibhāge yathā kattacikule jāto yo sīlādiguṇasampannatāya guṇavā, so vuttalakkhaṇena nippariyāyato bāhi tapāpatāya brāhmaṇoti ayamettha brāhmaṇabhāve nīyoti evaṃ nīyaṃ atthato āpannaṃ katvā. Nanti tameva yathāvuttaṃ nīyaṃ. Yo brāhmaṇassa saṃvaṇṇitāyāti mātuyā¹ ubhato sujātātādikulavaṇṇena saṃvaṇṇitāya pasatthāya yathārūpāya brāhmaṇassa mātā bhavituṃ yuttā, tathārūpāya mātārisambhūto. Etena catunnaṃ yonīnaṃ yathā katthaci visesaniṅgheṇa katā. Tenāha “**tatrāpi visesenā**”ti. Evaṃ sāmāññato visesaniṅgheṇa “yonijaṃ mattisambhavaṃ”ti padassa atthaṃ vatvā idāni sāmāññajotanaṃ anādiyitvā visesajotanaṃvaseneva atthaṃ vattuṃ “**yācāyaṃ**”ti-ādi vuttaṃ. **Parisuddha-uppattimaggasaṅkhātā yoni vuttāti** anupakkuṅgheṇa parisuddha-uppattimaggasaṅkhātā yā cāyaṃ yoni vuttāti sambandho. **Tatopi jātasambhūtattāti** tato yonito jatattā mātāpettisampattito sambhūtattā.**

Visiṅgheṇa samudāyabhūtā manussa rāgādinā visiṅgheṇa. Rāgādinā saha kiṅcanenāti **sakiṅcano**. Tatheva rāgādisaṅkhāteṇa palibodhanaṅgheṇa saha palibodhenāti **sapalibodho**. **Sabbagahaṇapaṭinissaggenāti** upādānaṅgheṇa sabbassa gahaṇassa paṭinissajjanena. **Yasmā bāhitapāpo attano santānato bahikatapāpo, tasmā tamahaṃ brūmi**

1. Mātādihi (Ka)

brāhmaṇanti attho vattabbo. Evarūpo etissā kathāya upadeso nānappakārato vibhatto, tasmā tattha tattha vuttanayeneva veditabbo.

458. **Gahitadaṇḍesūti** paresaṃ daṇḍena viheṭṭhanaṃ anidhāya ādinnadaṇḍesu.

459. **Kiñci gahaṇanti** taṇhāgāhādīsu kiñci gāhaṃ.

Yena kāmabhavena mānusakehi pañcahi kāmaguṇehi yuñjati, taṃ **mānusakaṃ yogam**. “Mānusakaṃ yogan”ti ettha ca ekadesaṃ gahetvā vuttaṃ, esa nayo “dībbayogan”ti etthāpi. **Sabbayogavisamūyuttanti** padadvayena vuttehi sabbakilesayogehi vippayuttaṃ.

Ratinti abhiratiṃ āsattiṃ. **Kusalabhāvanāyāti** kāyabhāvanādikusalahammabhāvanāya ukkaṇṭhitam. **Vīriyavantanti** vīriyasambhāvena vīraṃ niddisati. Vīrabhāvo hi vīriyanti.

Sundaram ṭhānanti nibbānaṃ. **Sundarāya paṭipattiyā** ariyapaṭipattiyā.

Nibbattinti pariyosānaṃ. **Atīteti** atītakoṭṭhāse. **Kiñcanakārakoti** palibodhahetubhūto.

Asekkhe sīlakkhandhādike **mahante guṇe**. Pañcannaṃ mārānaṃ vijitattā **vijitavijayaṃ**.

460. **Idaṃ ajānantāti** “jātiyā brāhmaṇo”ti idaṃ lokasamaññāmattanti ajānantā. Ye brāhmaṇesu nāmagottaṃ nāma tatiyaṃ diṭṭhātinivesaṃ janenti, **sāva nesaṃ diṭṭhi**. **Kataṃ abhisankhatanti** parikappanavaseneva kataṃ ṭhapitaṃ tadupacitaṃ, na hetupaccayasamāyogena. **Sammuccāti** sammutiyā. Kā pana sā sammutīti āha “**samaññāyā**”ti, lokasamaññātenāti attho. Sammā pana paramatthato ajānantānaṃ nāmagottaṃ evaṃ kappetīti āha “**no ce**”ti-ādi. Taṃ pana asantampi paramatthato santatāyeva abhinivisanti, tesamayaṃ dosoti dassetuṃ “**evaṃ pakappitan**”ti-ādi vuttaṃ. Tenāha bagavā “janapadaniruttiṃ

nābhiniveseyyā”ti¹. **Ajānantā** noti ettha **no**-saddo avadhāraṇattho “na no samaṃ atthi tathāgatenā”ti-ādīsu² viyāti āha “**ajānantāva evaṃ vadanti**”ti.

Nipariyāyanti bhāvanapuṃsakaniddeso, nipariyāyena ujukamevāti attho, na pubbe viya “yo hi kocī”ti pariyāyavasena. “Na jaccā”ti gāthāya pubbaddhena **jātivādam paṭikkhipanto** pacchimaddhena **kammavādam paṭiṭṭhapento**. Tatthāti tissaṃ gāthāyaṃ. **Upaḍḍhagāthāya vitthāraṇatthanti** upaḍḍhagāthāya atthaṃ vitthāretuṃ “**kassako kammunā**”ti vuttaṃ. Tattha purimāya catūhi pādehi, pacchime dvīhi dvinnampi sādharmaṇato attho vitthārito. Tattha **kasikammādīti ādi**-saddena sippakammavāṇijādisaṅgaho.

Paṭiccasamuppādapadhānavacanaviññeyyo paccayo paṭiccasamuppādasaddassa attho paccayuppannāpekkhāya hotīti āha “**iminā paccayena evaṃ hoti**”ti. Yaṃ panettha vattabbaṃ, taṃ **Visuddhimagge**³ **taṃsaṃvaṇṇanāyaṇca**⁴ vuttanayena veditabbaṃ. **Sammānāvamānārahakuleti** sammānārahe khattiyādikule, avamānārahe caṇḍālādikule **kammavasena upapatti hoti** kammassa vipaccamāno kāsakarātāya vinā tādisāya uccanīcakulanibbattiyā abhāvato. Aḍḍhadaliddatādi **aññapi hīnapanītatā**.

Kammunāti cettha yathā lokapajāsattasaddhehi eko evattho vutto, evaṃ sesasaddhepi, adhippāyaviseso pana tattha atthīti dassetuṃ “**purimapadena cetthā**”ti-ādī vuttaṃ. Nāyaṃ loko brahmanimmitto kammena uppajjanato. Na hi sannihitakāraṇānaṃ phalānaṃ aññena uppattidiṭṭhi yujjati. Tenāha “**diṭṭhiyā paṭisedho veditabbo**”ti. Yaṃ panettha tattabbaṃ, taṃ **visuddhimaggasaṃvaṇṇanādīsu**⁵ vuttanayena veditabbaṃ. Tathā lokassa paṭhamuppattina brahmunāti⁶ “**kammunā hi tāsu tāsu**”ti-ādī vuttaṃ. **Tatiyena** “ayaṃ loko ādito pabhuti pabhavakammunā vattati”ti vuttamatthaṃ **nigameti**. Vuttassevatthassa sūcanaṃ hi nigamanaṃ. Taṃ pana niyamatthaṃ hotīti āha “**kammeneva baddhā hutvā pavattanti, na**

1. Ma 3. 278 piṭṭhe.

3. Visuddhi 2. 148 piṭṭhādīsu.

5. Visuddhi-Ṭī 2. 328 piṭṭhādīsu.

2. Khu 1. 5, 312 piṭṭhesu.

4. Visuddhi-Ṭī 2. 226 piṭṭhādīsu.

6. Na brahmani (Ka)

aññathā”ti. **Catutthena** padena. **Yāyatoti** gacchato. **Nibbattatoti** nibbattantassa. **Pavattatoti** pavattantassa.

Dhutadhammā visesato taṇhāya santattavasena vattantīti āha **“tapenāti dhutaṅgatapenā**”ti. Methunavirati visesato brāhmaṇānaṃ brahmacariyanti sā idha brahmacariyenāti adhippetāti āha **“brahmacariyenāti methunaviratiyā**”ti. **Etenāti** iminā “tapenā”ti-ādīhi catūhi paḍehi vuttena. **Seṭṭhenāti** uttamena. Saṃkilesavisuddhiyā **parisuddhena**. **Brahmanti** brahmabhāvaṃ seṭṭhabhāvaṃ. So panettha atthato brāhmaṇabhāvoti āha **“brāhmaṇabhāvaṃ āvahatī**”ti.

Brāhmā ca sakko cāti sakkagarukānaṃ sakko sakkenapi garukātabbato, brahmagarukānaṃ brahmā brahmunāpi garukātabbato. **Vijānatanti** paramatthabrāhmaṇassa visesaṃ jānantānaṃ viññunaṃ. Aviññuno hi appamaṇaṃ. Tenāha **“paṇḍitānaṃ**”ti. Sesam suviññeyyameva.

Vāseṭṭhasuttavaṇṇanāya līnatthappakāsanaṃ samattā.

9. Subhasuttavaṇṇanā

462. Tudisaññāto gāmo nigamo etassāti todeyyo, tassa attajo **todeyyaputtoti** āha **“tudigāmā**”ti-ādi. **Ārodhakoti** samrādhako. Dhammanisanti yasmā sampādanena paripūraṇena icchitā, tasmā vuttaṃ **“sampādako paripūrako**”ti. Ñāyati nicchayena gameti nibbānaṃ, taṃ vā ñāyati paṭivijjhīyati etenāti ñāyo, tato etassa sampādakahetubhāvato ñāyo dhammo, ariyamaggo, taṃ **ñāyaṃ dhammaṃ**. Tenāha **“kāraṇadhammaṃ**”ti. **Anavajjanti** avajjapaṭipakkhaṃ.

463. Vaṭṭacārakato niyyātīti niyyānikaṃ ikārassa rassattaṃ, ya-kārassa ca ka-kāraṃ katvā, niyyāne vā niyuttaṃ, niyyānaṃ silanti vā niyyānikaṃ, tappaṭipakkhato **aniyyānikaṃ**. Sā pana atthato akusalakiriyāti āha **“akusalapaṭipadan”**ti.

Bahubhāvavācako idha **mahāsaddo** “mahājano”ti-ādisu¹ viyāti āha “**mahantehi bahūhi**”ti. **Atthoti** payojanam. **Mahantānīti** bahulāni. **Kiccānīti** kātabbāni. **Adhikaraṇānīti** adhikārajīvikārūpāni. **Ghārāvāsakammameva** pañcabalikaraṇadasa-atthaṭṭhānabhāvato lokayātrāya ca sampavattiṭṭhānabhāvato jīvitavuttiyā vā hetubhāvato **ghārāvāsakammaṭṭhānam**.

“Appakenapi medhāvī, pābhatena vicakkhaṇo.

Samuṭṭhāpeti attānam, aṇum aggim va sandhaman”ti²—

gāthāya vuttanayena **cūlantevāsikassa viya**.

464. Ayoniso pavattitam vāṇijjakammaṃ viya apāyabhūtam kasikammaṃ nidassanabhāve ṭhapetvā ayonisomanasikaraṇavasena pavattam gharāvāsakiccam sandhāyāha “**yathā kasi -pa- evam gharāvāsakammaṭṭhānampi**”ti. **Brāhmaṇabhatto** ahoṣīti so kira bahū brāhmaṇe dhanam datvā yaññam kāresi. **Uparīti** “upari upaṭṭhātīti vadehī”ti brāhmaṇehi attano samayena ācikkhāpitopi yathā-upaṭṭhitameva kathetvā kālam katvā niraye nibbatto, atha brāhmaṇā “iminā amhākaṃ yaññe doso dinno”ti kujjhitvā tassa kaḷevaram susānam netum nādaṃsu, athassa nātakehi sahasse dinne tam sahasam gahetvā gehato nīharitum adamsu. Kassapa sammāsambuddhakāle chattimsa itthiyo “ekā vattham adāsi, ekā gandham, ekā sumanamālan”ti-ādinā tam tam dānamayam puñnam katvā āyupariyosāne tāvatimsabhavane sakkassa devaraṇño paricārikā hutvā nibbattimsu sahasa-accharāparivārikā, sakkassa devaraṇño vejyantaratham pesetvā pakkosāpitena guttilācariyabhūtena mahābodhisattena pucchitā tam tam attanā kataṃ puñnam byākarimsu. Tam sandhāya vuttam “**sakalāya guttilavimānakathāya dīpetabban**”ti. **Vaṇijjakammaṭṭhānam vipajjamānanti** ettha tassa vipajjamānakāro heṭṭhā vutto. Evam pabbajjakammaṭṭhānampi vipajjamānam appaphalam hotīti ānetvā sambandho. **Sīlesu aparipūrakāniroti**-ādi tassa vipajjanākāradassanam. **Jhānādisukhanti** ettha **ādi**-saddena abhiññāvīpassanādisukhassa viya sabrahmacārīhi saddhim

1. Ma-Ṭṭha 3. 54 piṭṭhe.

2. Khu 5. 2 piṭṭhe Jātake.

sīlasampadādisukhassa saṅgaho daṭṭhabbo. **Arahattampi pāpuṇāti**, pageva sekkhaputhujjanasampattiyoti adhippāyo.

Cāgasīsenāti padhānabhūtena cāgena dānena taṃ avassayaṃ katvā. Ettha te **na koci aphāsukabhāvoti**. **Ujuṃ katvā** aviruddhaṃ katvā, sampayojetvāti attho. **Tapacariyanti** aggiparicaraṇaṃ, tapacariyañca brahmacariyaggahaṇā duṭṭhullabhāvato.

466. **Ajānanabhāvanti** asabbaññubhāvaṃ. Bhagavato pana sabbaññubhāvo sadevake loke jalatale pakkhattatelaṃ viya pattharivā ṭhito, na me idaṃ patirūpaṃ, tato parivattissāmīti “brāhmaṇo bho gotamā”ti-ādimāha. **Paccāharituṃ** paṭipakkhena apaharituṃ. **Setapokkharasadisoti** puṇḍarīkapattasadisavaṇṇo. **Suvaṭṭitāti** vaṭṭabhāvayuttaṭṭhāne suvaṭṭā. **Nāmakāmyevāti** nāmamattameva vacanamattameva. Tathābhūtānaṃ bhāvassapi abhāvena nihīnaṃ nāma hoti, nāma-saddo nihīnapariyāyo. Tenāha “**lāmakāmyevā**”ti.

467. **Katamā vācā tesam seyyoti** tesam caṅkiyādīnaṃ brāhmaṇamahāsālānaṃ vuccamānavibhāgāsu vācāsu katamā vācā seyyāti. “Seyyo”ti līngavipallāsenā vuttaṃ. **Sammutiyāti** avilaṅghitasādhumariyādāya lokasammutiyā. Tenāha “**lokavohārenā**”ti. **Mantāti** mantāsāṅkhātāya paññāya antetvā jānitvā. Tenāha “**tulayitvā**”ti. **Atthasamhīhanti** hetusañhitaṃ. Taṃ pana ekaṃsato yuttiyuttaṃ hotīti āha “**kāraṇanissitaṃ**”ti. **Āvutoti**-ādīsu ādito abhimukhaṃ ñāṇagatiyā vibandhanena **āvuto**, āvariyeṇa viṣesato ñāṇagatiyā nibandhanena **nivuto**, evaṃ **ophuṭo** paliguṇṭhito. **Pariyonaddhoti** samantato onaddho chādito. Tenāha “**paliveṭhito**”ti.

468. **Sace etaṃ kāraṇamatthīti** “nissaṭṭhatīṇakaṭṭhupādāno aggijalati”ti etaṃ kāraṇaṃ sace atthi yadi siyā, so aparā tiṇakaṭṭhupādāno aggi yadi bhavēyya. **Sadoso** sādīnavo sapaṛikkilesa. **Parisuddhoti** upakkilesābhāvena sabbaso suddho. **Jāti-ādīnaṃ abhāvenāti** jātipaccayānaṃ kammakilesānaṃ niggamena.

469. **Na niccalā tiṭṭhanti** tatha pakkhipitabbassa labbhamānattā yathāpaññattaṃ hutvā niccalā akampiyā na tiṭṭhanti. **Taṃ dosaṃ** taṃ ūnatādosam.

Aññasmiṃ asatīti atthabhañjakamusāvāde asati. So hi attano santakassa adātukāmatādivasena pavattassa akammapathappattassa musāvādabhāvassa viparīto añño idha adhippeto. Tathā hi itaro yebhuyyena vaḷaṅgitabbato voharitabbato **vaḷaṅjakamusāvādoti** āha. Na kadāci musāvādīti **dve kathā na kathenti**. Bāhirakānaṃ anavañjatapasammatāyapi nissitoti vattum āha “**sīlavā tapanissitako hoti**”ti. Vivaṭamukhā mantajjhenamaṇḍitā sabbaso sajjhāyā honti, na itareti āha “**pabbajitā niccaṃ sajjhāyanti**”ti.

470. **Ciraṃ nikkhantoti** niggato hutvā cirakāle. **Na sabbaso paccakkhā honti** satisammosato maggānañca aññathā karaṇato. **Cirāyitattanti** “ayam maggo”ti kathanassa cirāyanaṃ. **Vitthāyitattanti** asappaṭibhānaṃ. Taṃ pana sa-upamāya dassetuṃ “**yathā**”ti-ādi vuttaṃ.

Balasampannoti kāyabalena samannāgato. Pamāṇakataṃ kammaṃ nāma pamāṇakarānaṃ rāgādikilesānaṃ avikkhambhitattā “**pamāṇakataṃ kammaṃ nāma kāmāvacaran**”ti āha, tesam pana vikkhambhitattā vuttaṃ “**appamāṇakataṃ kammaṃ nāma rūpārūpāvacaran**”ti. Tatthāpi visesato appamaññabhāvanā sambhavatīti āha “**tesupī**”ti-ādi. Nirīhakattā¹ yathā appamaṇasamaññā labbhati, taṃ dassetuṃ “**pamāṇaṃ -pa- vuccati**”ti āha. **Na ohīyati na tiṭṭhanti** katūpacitampi kāmāvacarakammaṃ yathādhigate mahaggatajjhāne aparihīne taṃ abhibhavitvā āsīdetvā passe ohīyakaṃ katvā paṭisandhiṃ dātuṃ samatthabhāvena na tiṭṭhati. **Laggitunti** āvaritum. **Thātunti** paṭiṭṭhātum. **Pharivāti** paṭippharivā. **Pariyādiyivāti** tassa sāmattiyaṃ khepetvā. Kammasa pariyādiyaṃ nāma vipākuppādabandhanamevāti āha “**tassa vipākaṃ paṭibāhitvā**”ti. Sesam suviññeyyameva.

Subhasuttavañṇanāya līnatthappakāsanā samattā.

10. Saṅgāravasuttavaṇṇanā

473. **Abhippasannā**ti abhisamecca pasannā. Tenāha “**aveccappasādavasena pasannā**”ti. Brāhmaṇī vigatamalamaccheratāya “**tuyhaṃ deyyadhammaṃ rucchanakatthāne dehi**”ti āha. Maggeneva hissā macchariyassa pahīnattā buddhapakkhabrāhmaṇapakkhavasena ubhatopakkhikā.

Kimsūti kinti pucchāvacaṇaṃ. **Chetvā** anādiyivā vināsetvā. **Sukhaṃ setī**ti cittasantāpābhāvena sukkena supati. **Na socatī**ti tato eva sokaṃ nāma vināseti. **Kodhanti** kujjhanalakkhaṇaṃ kodhaṃ. **Chetvā** samucchindivā. **Sukhaṃ setī**ti kodhapariḷāhena aparīḍayhamānattā sukhaṃ supati. Kodhavināseṇa vinaṭṭhadomanassattā **na socati**. **Visamūlassā**ti dukkhavipākassa. **Madhuraggassā**ti akkosakassa paccakkosanena, pahārakassa paṭippaharaṇena yaṃ sukhaṃ uppajjati, taṃ sandhāyeva “**madhuraggo**”ti vutto. Imasmim hi ṭhāne pariyosānaṃ “**aggaṃ**”ti vuttaṃ. **Ariyā**ti buddhādayo ariyā.

Pañhaṃ kathesīti brāhmaṇo kira cintesi “**samaṇo gotamo lokapūjito, na sakkā yaṃ vā taṃ vā vatvā santajjetuṃ, ekaṃ saṅhapañhaṃ pucchissāmi**”ti. So ekaṃ pucchāgāthaṃ abhisankharitvā “**sace asukassa nāma vadhaṃ rocemīti vakkhati, ye tuyhaṃ na ruccanti, te māretukāmosi, lokavadhāya uppanno kiṃ tuyhaṃ samaṇabhāvenāti niggahessāmi. Sace na kassaci vadhaṃ rocemīti vakkhati, atha naṃ tvaṃ rāgādīnampi vadhaṃ na icchasi, kasmā samaṇo hutvā āhiṇḍasīti niggaṇhissāmīti imaṃ ubhatokoṭikaṃ pañhaṃ puṭṭho samaṇo gotamo neva gilituṃ na uggituṃ sakkhissatī**”ti evaṃ cintevā imaṃ pañhaṃ pucchi. Tassa bagavā ajjhāsayanurūpaṃ kathesi. So pañhabyākaraṇena ārādhitacitto pabbajjaṃ yāci. Sathā taṃ pabbājesi, so pabbajjākkiccaṃ matthakaṃ pāpesi. Tena vuttaṃ “**pabbajitvā arahattaṃ patto**”ti.

Avabhūtāti adhobhūtā. Adhobhāvo sattānaṃ avaddhi avamaṅgalanti āha “**avaḍḍhibhūtā avamaṅgalabhūtāyevā**”ti. **Parabhūtā**¹ paribhavappattā. **Vijjamānā**nanti pāliyaṃ anādare sāmivacaṇanti tadattaṃ dassento “**vijjamānesū**”ti āha. Pakattham, pavaḍḍham vā ñāṇanti **paññānanti** bagavato ñāṇaṃ visesetvā vuttaṃ.

1. Paribhūtāti (Ka)

474. **Abhijānitvā**ti abhivisiṭṭhena nāṇena jānitvā. **Vositavosānā**ti katakaraṇīyatāya sabbaso parisositaniṭṭhā. **Pāramisaṅkhātanti** paramukkamsabhāvato pāramīti saṅkhātam. Tenāha “**sabbadhammānaṃ pārabhūtaṃ**”ti, **brahmacariyassā**ti sāsana brahmacariyassa ādibhūtā. Tenāha “**uppādakā janakā**”ti. “Idamevaṃ bhavissati idamevaṃ”ti takkanaṃ takko, so etassa atthīti **takkī**. Yasmā so taṃ taṃ vatthum tathā tathā takkitvā gaṇhāti, tasmā vuttaṃ “**takkagāhī**”ti. Vīmaṃsanasiḷo **vīmaṃsī** paccakkhabhūtamattaṃ vīmaṃsanabhūtāya paññāya kevalaṃ vīmaṃsanato. Tenāha “**paññācāraṃ carāpetvā evaṃvādī**”ti. Yathāvuttatakkīvīmaṃsībhāvena takkapariyāhataṃ vīmaṃsānucaritaṃ sayamaṃpaṭibhānaṃ evametanti vatvā.

485. **Aṭṭhatapadhānavatanti** aññattha kismiñci puggale aṭṭhitapadhānavataṃ anaññasādhāraṇaṃ bhoto gotamassa padhānaṃ ahoṣi. **Sappurisapadhānavataṃ ahoṣi** sappurisapadhānavatādhigatānaṃ etādisānaṃ arahataṃ acchariyapuggalānaṃyeva āveṇikapadhānavataṃ ahoṣi. **Ajānantova pakāsetī**ti ayaṃ pucchitamattaṃ sayamaṃ paccakkhato ajānanto eva kevalaṃ saddaṃ uppādetvāva pakāsetīti saññāya āha. **Ajānanabhāve santeti** ime adhidevāti paccakkhato jānane asati. **Paṇḍitena manussenā**ti lokavohāra kusaleṇa manussena, tvaṃ pana lokavohārepi akusalo. Vacanattañhi ajānanto yaṃ kiñci vadati. **Uccena sammatanti** uccaṃ supākaṭaṃ sabbaso taruṇadārakehipi sammataṃ. Nātametaṃ yadidaṃ atthi devāti. Tenāha “**susudārakāpī**”ti-ādi. **Devā**ti upapattidevā. **Adhidevā nāma** sammutidevehi adhikadevāti katvā, tadaññe ca manusse adhikabhāve kimeva vattabbaṃ. Sesamaṃ suviññeyyameva.

Papañcasūdaniyā majjhimanikāyaṭṭhakathāya
Saṅgāravasuttavaṇṇanāya līnatthappakāsanā samattā.

Niṭṭhitā ca brāhmaṇavaggavaṇṇanā.

Majjhimaṇṇāsaṭṭikā samattā.

Majjhimanikāya

Uparipaṇṇāsaṭṭikā

Namo tassa Bhagavato Arahato Sammāsambuddhassa.

1. Devadahavagga

1. Devadahasuttavaṇṇanā

1. Dibbanti kāmagaṇehi kiḷanti laḷanti, tesu vā viharanti, vijayasamatthāyogena paccatthike vijetum icchanti, issariyaṭṭhānādisakkārādānaggahaṇaṃ taṃtaṃmatthānusāsanañca karontā voharanti, puññānubhāvappattāya jutiyā jotenti vāti **devā vuccanti rājāno**. Tathā hi te catūhi saṅghavattūhi janaṃ rañjayantā sayam yathāvutthehi visesehi rājanti dibbanti sobhantīti ca “**rājāno**”ti vuccanti. **Tatthāti** tasmim nīgamadesse. **Sāti** pokkharāṇi. **Tanti** taṃ “devadahan”ti laddhanāmaṃ pokkharāṇim upādāya tassa adūrabhavattāti keci. **Sabbaṃ** sukhādibhedam vedayitam. **Pubbeti** purimajātiyaṃ. **Katakamma**paccayāti katassa kamma paccayabhāvato jātam kammaṃ paṭicca. Tena sabbāpi vedanā kammaphalabhūtā eva anubhavitabbāti dasseti. Tenāha “**iminā**”ti-ādi. **Aniyamtvā vuttanti** “santi bhikkhave eke samaṇabrāhmaṇā evaṃvādino”ti evaṃ ime nāmāti avisesetvā vuttamattham. **Niyamtvāti** “evaṃvādino bhikkhave nigaṇṭhā”ti evaṃ visesetvā dasseti.

Kalisāsananti parājayaṃ. Kalīti hi anatto vuccati, kalīti sasati vippharatīti **kalisāsanam**, parājayo. Kalīti vā kodhamānādikilesajāti, tāya pana yuttavādītā **kalisāsanam**. Taṃ āropetukāmo

vibhāvetukāmo. **Ye** kammaṃ kataṃ akataṃ vāti **na jānanti, te kathaṃ** taṃ edisanti **jānissanti**. Ye ca kammaṃ pabhedato na jānanti, te kathaṃ tassa vipākaṃ jānissanti, vipākāpariyositabhāvaṃ jānissanti, ye ca pāpassa kammaṃ paṭipakkhameva na jānanti, te kathaṃ tassa pahānaṃ kusalakammaṃ ca sampādanavidhiṃ jānissantīti imamattaṃ dassento “**uttaripucchāyapi eseva nayo**”ti āha.

2. Kiñcāpi **cūladukkhakkhandhepi**¹ “**evaṃ sante**”ti iminā tesam nigañṭhānaṃ ajānanabhāvo eva ujukaṃ pakāsito heṭṭhā desanāya tathā pavattattā. Tathā hi aṭṭhakathāyaṃ² vuttaṃ “**evaṃ santeti tumhākaṃ evaṃ ajānanabhāve satī**”ti, tathāpi tattha uparidesanāya sambaddho evamattho vuccamāno yujjati, na aññathāti dassetuṃ idha “**mahānigañṭhassa vacane sacce santeti attho**”ti vuttaṃ. **Ettakassa ṭhānassāti** yathāvuttassa pañcaparimāṇassa kāraṇassa.

3. Anekavāraṃ visarañjanaṃ idha gāḷhāpalepanaṃ, na sātakaṃ viya littaṭṭhāti āha “**bahalūpa -pa- littena viyā**”ti. **Vuttameva**, na puna vattabbaṃ, tattha vuttanayeneva veditabbanti adhippāyo.

Imesaṃ nigañṭhānaṃ tādisassa tesam abhāvato “**jānanakālo siyā**”ti parikappavasena vadati. Tena evaṃ jānituṃ tehi sakkā siyā, tesañca dassanaṃ saccaṃ siyā. Yasmā tesam dassanaṃ asaccaṃ, tasmā te na jāniṃsūti dasseti. **Catūsu kālesūti** vaṇamukhassa parikantanakālo, sallassa esanakālo, abbuhanakālo, vaṇamukhe agadaṅgāra-odahanakāloti imesu catūsu kālesu. **Suddhanteti** suddhakoṭṭhāse, dukkhassa anavasesato nijjīraṇaṭṭhena niddukkhabhāveti attho. **Ekāya upamāyāti** “sallena viddhassa hi viddhakāle vedanāya pākāṭakālo viyā”ti imāya ekāya upamāya. **Tayo atthāti** pubbe ahuvamhā vā no vā, pāpakammaṃ akarimhā vā no vā, evarūpaṃ vā pāpakammaṃ akarimhāti ime tayo attho. **Catūhi upamāhīti** vaṇamukhāparikantanādīhi catūhi upamāhi. **Eko atthoti** “**ettakaṃ dukkhaṃ**

1. Ma 1. 130 piṭṭhe.

2. Ma-Ṭṭha 1. 368 piṭṭhe.

nijjiṇṇan”ti-ādinā vutto eko attho. So hi dukkhanijjīraṇabhāvasāmaññā eko atthoti vutto.

4. **Ime pana** nigaṇṭhā. Āsaṅkāya **viddhosmīti saññaṃ uppādetvā.** **Paccāharitunti** paccāvattitum, pariharitunti attho.

5. **Atītavādaṃ saddahantānanti** “atthi kho bho nigaṇṭhā pubbe pāpakammaṃ katan”ti evaṃ atītaṃsaṃ ārabba pavattaṃ mahānigaṇṭhassa vādaṃ saddahantānaṃ. **Bhūtattāti** yathābhūtattā kiṃ aviparītameva atthaṃ ārammaṇaṃ katvā pavattāti pucchati. Sesapadesupi eseva nayo. Saha dhammenāti sahadhammo, so eva **sahadhammiko** yathā “venayiko”ti¹. “Dhammo”ti ettha kāraṇaṃ adhippetanti āha “**sahetukāmsakāraṇaṃ**”ti. Paṭiharati paṭivattetīti paṭihāro, vādo eva paṭihāro **vādapaṭihāro**, taṃ, uttaranti attho. Tenāha “**paccāgamanakavādan**”ti, codanaṃ parivattetvā paṭipākatikakaraṇanti attho. **Tesanti** idaṃ āvuttivasena gahetabbaṃ “tesaṃ saddhāchedakavādaṃ nāma tesaṃ dasseti”ti.

6. **Avijjā aññāṇā sammohāti** pariyāyavacanametāṃ. **Avijjāti** vā avijjāya karaṇabhūtāya. **Aññāṇenāti** ajānanena. **Sammohenāti** sammuyhanena mahāmulhatāya. Sāmaṇyeva opakkamikā etarahi attano upakkamahetu dukkhavedanaṃ vediyamānaṃ “yaṃkiñcāyaṃ -pa- pubbekatahetū”ti **viparītato saddahatha**. Pubbekatahetuvādasaññitaṃ **vipallāsaggāhaṃ gaṇhatha**.

7. Diṭṭhadhammo vuccati paccakkhabhūto, tattha veditabbaṃ phalaṃ **diṭṭhadhammavedanīyaṃ**. Tenāha “**imasmiṃyeva attabhāve vipākadāyakan**”ti. **Payogenāti** kāyikena payogena vā vācasikena vā payogena. **Padhānenāti** padahanena cetasikena ussāhanena. Āsanne bhavantare vipācetum na sakkā, pageva dūreti dassetum “**dutiye vā tatiye vā attabhāve**”ti vuttaṃ. Nibbattakabhāvato sukhavedanāya hitanti **sukhavedanīyaṃ**. Sā pana vipākavedanābhāvato ekantato iṭṭhārammaṇā eva hotīti āha “**iṭṭhārammaṇavipākadāyakan**”ti.

1. Ma 1. 191; Aṃ 3. 20; Vi 1. 3 piṭṭhesu.

viparīanti aniṭṭhārammaṇavipākadāyakaṃ. **Nipphan**neti saddhim aññaena kammena nibbatte. **Samparāyavedanīy**assāti upapajjavedanīyassa aparāpariyavedanīyassa. **Evam̐ santepī**ti kāmam̐ paripakkavedanīyanti diṭṭhadhammavedanīyameva vuccati, tathāpi atthettha abhisayo diṭṭhadhammavisesabhāvato paripakkavedanīyassāti dassetuṃ “**ayametthā**”ti-ādi vuttam̐. Yasmiṃ divase kataṃ, tato **sattadivasambhantare**.

Tatrāti tasmim̐ paripakkavedanīyakammassa sattadivasabbhantare vipākadāne. **Ekavāram̐ kasitvā nisī**di chātājḥatto hutvā. **Āgacchantī āha** “ussūre bhattam̐ ahariyitthā”ti domanassam̐ anuppādetvā yathā katapuññaṃ anumodati. **Vijjotamānam̐ disvā** “kiṃ nu kho idampi tappakāro, mama cittavikappamattam̐, udāhu suvaṇṇamevā”ti vīmaṃsanto **yatṭhiyā paharivā**.

Vālayakkhasañcaraṇattā rājagahūpacārassa **nagare sahas**sabhaṇḍikaṃ cāresuṃ. Uppannarāgo **cūlāya ḍamsi**. **Raṇṇo ācikkhitvā**ti tam̐ pavattim̐ raṇṇo ācikkhitvā. **Mallikāya vatthu** dhammapadavatthumhi¹ āgatena nayena kathetabban̐.

Marāṇasantikepi kataṃ, pageva tato puretaram̐ atītattabhāvesu ca kataṃ. **Idha nibbattitavipākoti vutto** avassambhāvibhāvato. **Samparāyavedanīyameva** bhavantare vipākadāyakabhāvato. **Idha nibbattitaguṇotveva vutto**, na idha nibbattitavipākoti vimuttibhāvato. **Paripakkavedanīyanti veditabban̐** heṭṭhā vuttaparipakkavedanīyalaḥkhaṇānativattanato. **Sabbalahum̐ phaladāyikā**ti etena phaluppādanasamatthatāyogena kammassa paripakkavedanīyatāti dasseti.

Catuppañcakkhandhaphalatāya **saññābhavūpagaṃ** kammam̐ **bahuvedanīyanti** vuttam̐. Ekakhandhaphalattā **asaññābhavūpagaṃ** kammam̐ **appavedanīyam̐**. Keci pana “arūpāvacharakammam̐ bahukālam̐ veditabbaphalattā bahuvedanīyam̐, itaram̐ appavedanīyam̐. Rūpārūpāvacharakammam̐ vā bahuvedanīyam̐, parittakammam̐ appavedanīyan”ti vadanti. **Savipākam̐ kammanti** paccayantarasamavāye vipākuppādanasamattham̐, na āradhāvipākameva. **Avipākam̐ kammanti** paccayavekallena vipaccituṃ asamattham̐ ahosikammādibhedam̐.

1. Dhammapada-Ṭṭha 2. 75 piṭṭhe.

8. **Diṭṭhadhammavedanīyādīnanti** diṭṭhadhammavedanīyādīnaṃ dasannaṃ kammānaṃ upakkamena kammānaṃ aññathābhāvassa anāpādanīyattā yathāsabhāveneva kammāni tiṭṭhanti. Tattha nigaṇṭhānaṃ upakkamo nippayojanoti āha “**aphalo**”ti. Nigaṇṭhānaṃ padahanassa micchāvāyāmassa nipphalabhāvappavedano **padhānacchedakavādo**. **Parehi** vuttakāraṇehī¹ yehi kāraṇehi nigaṇṭhānaṃ vādesu dosaṃ dassenti, tehi parehi vuttakāraṇehi. Na hi lakkhaṇayuttena hetunā vinā paravādesu dosaṃ dassetuṃ sakkā. Tenāha “**sakāraṇā hutvā**”ti. **Nigaṇṭhānaṃ vādā ca anuvādā cāti** nigaṇṭhehi vuccamānā sakasakasamayappavedikā vādāceva sāvakehi vuccamānā tesam anuvādā ca. **Viññūhi garahitabbaṃ kāraṇaṃ āgacchantīti** “ayamettha doso”ti tattha tattha viññūhi paṇḍitehi garahārahaṃ kāraṇaṃ upagacchanti, pāpuṇantīti attho. **Tassatthoti**-ādīsu ayaṃ saṅkhepattho “vuttanayena parehi vuttana kāraṇena sakāraṇā hutvā dosadassanavasena nigaṇṭhānaṃ vādā anuppattā, tato eva taṃ vādaṃ appasādanīyabhāvadassanena sosentā hetusampattivohārasukkhanaena milāpentā dukkaṭakammakārinoti-ādayo dasa gārayhāpadesā upagacchantī”ti.

9. **Saṅgatihāvahetūti**² tattha tattha yadicchāya samuṭṭhitasāṅganimittaṃ. Sā pana saṅgati niyatilakkhaṇāti āha “**niyatibhāvakāraṇā**”ti. Acchejjasuttāvuta-abhejjamaṇi viya hi paṭinīyatatā niyatipavattīti. **Chalabhijātīhetūti** kaṇhābhijāti nilābhijāti lohītābhijāti haliddābhijāti sukkābhijāti paramasukkābhijātīti imāsu abhijātīsu jātinimittaṃ. **Pāpasāṅgatikāti** nihīnasaṅgatikā.

10. **Anaddhabhūtanti** ettha adhi-saddena samānattho **addha-saddoti** āha “**anaddhabhūtanti anadhibhūtan**”ti. Yathā āpāyiko attabhāvo mahatā dukkhena abhibhuyyati, na tathā ayanti āha “**dukkhena anadhibhūto nāma anussattabhāvo vuccatī**”ti. “Acelako hotī”ti-ādīnā³ vuttāya **nānappakārāya dukkarakārikāya** kilamathena. Yadi

1. Vuttakāraṇena (Aṭṭhakathāyaṃ.)

2. Visuddhi-Ṭī 2. 218; Anuṭṭi 2. 64, 65 piṭṭhesupi passitabbaṃ.

3. Dī 1. 157 piṭṭhe.

evaṃ katham̃ dhutaṅgadharāti āha “**ye panā**”ti-ādi. **Niyyānikasāsanasmim̃ hi vīriyanti** vivaṭṭasannissitam̃ katvā pavattiyamānam̃ vīriyam̃ sarīram̃ khedantampi **sammāvāyāmo nāma hoti** ñāyāraddhabhāvato.

Theroti ettha āgatamahārakkhitatthero. **Tisso sampattiyo** manussadevanibbānasampattiyo, sīlasamādhipaññāsampattiyo vā. **Khurageyevāti** khure sīsagge eva, khure sīsaggato apanīte evāti adhippāyo. **Ayanti** “issarakule nibbatto”ti-ādinā vutto. Na sabbe eva sakkārapubbakam̃ pabbajitvā arahattam̃ pāpuṇantīti āha “**yo dāsikucchiyan**”ti-ādi. **Rajatamuddikanti** rajatamayaṃ aṅgulimuddikaṃ. **Gorakapiyaṅkumattenapīti** kapitthachallikaṅgupphagandhamattenapi.

Dhammena ñāyena āgatasukham̃ dhammasukhanti¹ āha “**saṅghato vā -pa- paccayasukhan**”ti. **Amucchitoti** anajjhāpanno. Idāni tam̃ anajjhāpannataṃ tassa ca phalam̃ dassetuṃ “**dhammikaṃ hī**”ti-ādi vuttam̃. **Imassāti** samudayassa. So hi pañcakkhandhassa dukkhassa kāraṇabhūtattā āsanno paccakkho katvā vutto. Tenāha “**paccuppanānan**”ti-ādi. **Saṅkhāranti** yathāraddhāya sātisayaṃ karaṇato saṅkhāranti laddhanāmaṃ balavavīriyam̃ ussoḷhim̃. **Padahatoti** payuṅjantassa pavattentassa. **Maggena virāgo hotīti** ariyamaggena dukkhanidānassa virajjanā hoti. Tenāha “**idaṃ vuttam̃ hotīti**”ti. **Iminā sukhāpaṭipadā khippābhiññā kathitā** akasireneva sīghataram̃ maggapajānatāya bodhitattā. **Majjhattatākāroti** vīriyūpekkhamāha. **Saṅkhāram̃ tattha padahatīti** padhānasaṅkhāram̃ tattha dukkhanidānassa virajjananimittam̃ virajjanattham̃ padahati. Katham̃? **Maggappadhānena** catukiccappadhāne ariyamagge vāyāmena **padahati** vāyamati. **Ajjhūpekkhatoti** vīriyassa anaccāraddhanātisithilatāya vīriyasamatāyojane byāpārākaraṇena ajjupekkhato. Tenāha “**upekkham̃ bhāventassā**”ti. Upekkhābhāvanā ca nāmettha tathāpavattā ariyamaggabhāvanā evāti āha “**maggabhāvanāya bhāvetī**”ti.

Ettha ca evaṃ pāḷiyā padayojanā veditabbā “so evaṃ pajānāti, katham̃? Saṅkhāram̃ me padahato saṅkhārapadahanā imassa dukkhanidānassavirāgo

1. Dhammikaṃ sukham̃ (Aṭṭhakathāyam̃.)

hoti, ajjupekkhato me upekkhanā imassa dukkhanidānassa virāgo hoti”ti.

Paṭipajjamānassa cāyaṃ pubbhāgavīmaṃsassaṭi gahetabbaṃ. Tattha **saṅkhārappadhānā**ti sammasanapadena sukheneva khippataraṃ bhāvanā-ussukkāpanavīriyaṃ dassitanti sukhāpaṭipadā khippābhiññā dassitā.

Ajjupekkhatoti ettha kassaci nātidalham katvā pavattitavīriyenapi dukkhanidānassa virāgo hoti, vipassanamanuyuñjatiṭi dassitaṃ.

Ubhayatthāpi catutthīyeva¹ paṭipadā vibhāvitāti daṭṭhabbaṃ. Idāni “yassa hi khvāssa -pa- upekkham tattha bhāveti”ti vārehi tāsāmyeva paṭipadānaṃ vasena tesāṃ puggalānaṃ paṭipatti dassitā. Vaṭṭadukkhanidānassa pariṇiṇṇaṃ imehi vārehi dukkhakkhaya vibhāvito.

11. **Baddhacittoti** sambaddhacitto. **Bahalacchandoti** bahalataṇhāchando. **Aticaritvāti** atikkamitvā. Naṭasatthavidhinā naccanakā **naṭā**, **naccakā**, itare. **Somanassaṃ uppajjati** “īdisaṃ nāma itthiṃ pariccajin”ti. **Chijjāti** dvidhā hotu. **Bhijjāti** bhijjatu. “Chijja vā bhijjavā”ti padadvayenapi vināsameva vadati. **Ñatvāti** pubbhāgāñāṇena jānitvā. **Tadubhayanti** saṅkhārāpadahana-upekkhābhāvanānaṃ.

12. **Pesentassāti** vāyamantassa. **Tam sandhāyāti** dukkhāya paṭipadāya niyyānataṃ sandhāya.

Usukāro viya yogī tejanassa viya cittassa ujukaraṇato. Gomuttavaṅkaṃ candalekhā **kuṭilaṃ** naṅgalakoṭi **jimhaṃ** cittaṃ. **Alātā viya vīriyaṃ** ātāpanaparitāpanato. **Kaṅcikatelaṃ viya saddhā** sinehanato.

Namanadaṇḍako viya lokuttaramaggo nibbānārammaṇe cittassa nāmanato.

Lokuttaramaggena cittassa **ujukaraṇaṃ** bhāvanābhisamayato daṭṭhabbaṃ.

Antadvayavajjitā majjhimā paṭipattīti katvā **kilesagaṇavijjhanam**²

pahānābhisamayo. Itarā pana paṭipadā dandhābhiññāti imesaṃ dvinnaṃ

bhikkhūnaṃ **imāsu dvīsu** yathāvuttāsu khippābhiññāsu **kathitāsu itarāpi**

kathitāva honti lakkhaṇahāranayena paṭipadāsāmaññato. **Sahāgamanīyāpi vā**

paṭipadā kathitāva “na heva anaddhabhūtaṃ attānaṃ”ti-ādinaṃ

pubbhāgapaṭipadāya kathitattā. “Āgamanīyapaṭipadā pana na

1. Tetthimsayeva (Ka)

2. Kilesaganavisajjanaṃ (Ka)

kathitā”ti idaṃ savisesaṃ ajjupekkhassa akathitataṃ sandhāya vuttanti daṭṭhabbaṃ. **Nikkhamanadesananti** nikkhamanupāyaṃ desanaṃ. Sesaṃ suviññeyyameva.

Devadahasuttavaṇṇanāya līnatthappakāsanā samattā.

2. Pañcattayasuttavaṇṇanā

21. **Eketi** ettha eka-saddo aññattho, na gaṇanādi-atthoti taṃ dassento “**ekacce**”ti āha. Yaṃ pana pāḷiyaṃ “**santi**”ti vuttaṃ. Tena tesam diṭṭhigatikānaṃ vijjamānatāya avicchinnatā, tato ca nesaṃ micchāgahaṇato sithilakaraṇavivecanaḥi attano desanāya kiccakāritā avitathatā ca dīpitā hoti. Paramatthasamaṇabrāhmaṇesu aparantakappikatāya lesopi natthīti āha “**paribbajupagatabhāvenā**”ti-ādi. Sassatādivasena aparantaṃ kappentīti aparantakappino, te eva **aparantakappikā**. Yasmā tehi aparantaṃ purimatarasiddhehi taṇhādiṭṭhikappehi kappetvā āsevanabalavatāya ca vikappetvā aparabhāgasiddhehi abhinivesabhūtehi taṇhādiṭṭhiggāhehi gaṇhanti abhinivisanti parāmasanti, tasmā vuttaṃ “**aparantaṃ kappetvā vikappetvā gaṇhanti**”ti. Taṇhupādānavasena kappanagahaṇāni veditabbāni. Taṇhāpaccayā hi upādānaṃ. **Vuttampi cetam** mahānidde¹. **Uddānato** saṅkhepato. **Taṇhādiṭṭhivasenā**ti taṇhāya diṭṭhiyā ca vasena, diṭṭhiyā vā upanissayabhūtāya sahaḷātāya abhinandanakāya ca taṇhāya sassatādi-ākārena abhinivisantassa micchāgāhassa ca vasena.

Anāgatadhammavisayāya adhippetattā anāgatakālavācako idha **apara**-saddo, rūpādikhandhavinimuttassa kappanavatthuno abhāvā **anta**-saddo bhāgavācako^{ti} āha “**anāgataṃ kandhakoṭṭhāsan**”ti. **Kappetvā**ti ca tasmim aparante taṇhāya nābhinivesānaṃ samattanaṃ pariniṭṭhāpanamāha. **Ṭhitā**ti tassā laddhiyā avijahanam.

Anugatāti ārammaṇakaraṇavasena anu anu gatā aparante pavattā. **Ārabbhā**ti ālambivā. Visayo hi tassā diṭṭhiyā paranto.

1. Khu 7. 74 piṭṭhe.

Visayabhāvato eva hi so tassā āgamaṇaṭṭhānaṃ ārammaṇapaccayo cāti vuttaṃ “**āgamma paṭicca**”ti. **Adhivacanapadānī**ti paññattipadāni, dāsādīsu sirivaḍḍhakādisaddo viya vacanamattameva adhikāraṃ katvā pavattiyā adhivacanaṃ paññatti. Atha vā adhi-saddo uparibhāve¹, vuccatīti vacanaṃ, upari vacanaṃ **adhivacanaṃ**, upādānabhūtarūpādīnaṃ upari paññāpiyamānā upādāpaññattīti attho, tasmā paññattidīpakapadānīti attho. Paññattimattaṃ hettaṃ vuccati, yadidaṃ “attā, loko”ti ca, na rūpavedanādayo viya paramattho. Adhikavuttitāya² vā **adhivuttiyoti diṭṭhiyo vuccanti**. Adhikaṃ hi sabhāvadhammesu sassatādīnaṃ pakati-ādīnaṃ drabyādīnaṃ jīvādīnaṃ kāyādīnaṃ abhūtamattaṃ ajjhāropetvā diṭṭhiyo pavattantīti. **Abhivadantīti** “idameva saccaṃ moghamaññaṃ”ti abhinivisitvā vadanti, “ayaṃ dhammo, nāyaṃ dhammo”ti-ādīnaṃ vivadanti. Abhivadanakiriyāya ajjāpi avicchedabhāvadassanattaṃ vattamānakālavacanaṃ.

Sañña etassa atthīti saññīti āha “**saññāsamaṅgī**”ti. Natthi etassa rogo bhaṅgoti **arogoti** arogasaddassa niccapariyāyatā veditabbā. Rogarahitatāsīsena vā nibbikāratāya niccataṃ paṭijānāti diṭṭhigatikoti āha “**arogoti nippo**”ti. **Imināti** “saññī attā arogo paraṃ maraṇā”ti iminā vacanena. **Soḷasa saññīvādāti** rūpīcatukkaṃ, arūpīcatukkaṃ, antavācatukkaṃ, ekantasukhīcatukkanti imesaṃ catunnaṃ catukkānaṃ vasena soḷasa saññīvādā kathitā, imesuyeva purimānaṃ dvinnaṃ catukkānaṃ vasena aṭṭha saññīvādā aṭṭha ca nevasaññīnāsaññīvādā veditabbā. **Satta ucchedavādāti** manussatābhāve kāmāvacaradevattābhāve rūpāvacaradevattābhāve catubbidhārūpattābhāve cavitvā satta ucchedapaññāpanavasena satta ucchedavādā kathitā. Asato vināsāsambhavato atthibhāvanibandhana ucchedavādoti vuttaṃ “**satoti vijjamānassā**”ti. Yāvāyaṃ attā na ucchijjati, tāva vijjati evāti gahaṇato nirudaya vināso idha ucchedoti adhippetoti āha “**upacchedan**”ti. Visesena nāso **vināso**, abhāvo, so pana maṃsacakkhupaññācakkhudassanapathātikkamovāti āha “**adassanan**”ti.

1. Uparibhāge (Saṃ-Ṭī 2. 228; Aṃ-Ṭī 3. 319 piṭṭhesu; Dī-Ṭī 1. 141 piṭṭhepi passitabbaṃ.)

2. Adhivuttitāya (Aṃ-Ṭī 3. 320 piṭṭhe.)

Adassane hi nāsa-saddo loke niruḷho. **Bhavavigamanti** sabhāvāpagamanam. Yo hi nirudayavināsavasena ucchijjati, na so attano sabhāveneva tiṭṭhati.

Pañca diṭṭhadhammanibbānavādāti

pañcakāmaguṇasukhamanubhogavasena
catubbidharūpajjhānasukhaparibhogavasena ca diṭṭhadhamme
nibbānappattipaññāpanavādā. **Diṭṭhadhammoti** dassanabhūtena ñāṇena
upaladdhadhammo. Tatha yo anindriyavisayo, sopi supākaṭabhāvena
indriyavisayo viya hotīti āha “**diṭṭhadhammoti paccakkhadhammo
vuccatī**”ti. Teneva ca “**tattha tattha paṭiladdha-attabhāvasetaṃ
adhivacanan**”ti vuttaṃ. **Saññīti ādivasena tihākārehi santanti** saññī asaññī
nevasaññīnāsaññīti imehi ākārehi vijjamānaṃ, sadā upalabbhamānaṃ
sasantanti attho. **Saññī attāti-ādīni tīṇi** dassanāni. **Santa-atthavasena ekanti**
sassatassa attano vasena ekaṃ dassanaṃ. **Itarāni dveti**
ucchedavādadiṭṭhadhammanibbānavādasaññītāni dve dassanāni. **Tīṇi hutvā
pañca hontīti** idaṃ “santa-atthavasena ekan”ti saṅghavasena vuttassa
saññīti ādivibhāgavasena vuttattā suviññeyyanti aṭṭhakathāyaṃ na uddhaṭaṃ.

22. **Rūpimvāti** ettha¹ yadi rūpaṃ assa atthīti rūpīti ayamattho
adhippeto, evaṃ sati rūpavinimuttana attanā bhavitabbaṃ saññāya viya
rūpassapi attaniyattā. Na hi saññī attāti ettha saññā attā. Tathā hi vuttaṃ
sumaṅgalavilāsiniyaṃ² “tatha pavattasaññañcassa saññāti gahetvāti³
vuttan”ti. Evaṃ sante “kasiṇarūpaṃ attāti gaṇhātī”ti idaṃ kathanti? Na kho
panetaṃ evaṃ datṭhabbaṃ “rūpaṃ assa atthīti rūpī”ti, atha kho “ruppanasīlo
rūpī”ti. Ruppanañcetta rūpasarikkhatāya kasiṇarūpassa
vaḍḍhitāvaḍḍhitakālavasena visesāpatti, sā ca natthīti na sakkā vattum
parittavipulatādivisesasabbhāvato. Yadi evaṃ imassa vādassa
sassatadiṭṭhisaṅgaho na yujjātīti? No na yujjati kāyabhedato uddhaṃ attano
nibbikāratāya tena adhippetattā. Tathā hi vuttaṃ “**arogo paraṃ maraṇā**”ti.
Atha vā “rūpaṃ assa atthīti rūpī”ti vuccamānepi na doso.
Kappanāsiddhenapi hi bhedenā sāmīniddesadassanato yathā “silāputtakassa

1. Dī-Ṭī 1. 170 piṭṭhādīsupi passitabbaṃ.

2. Dī-Ṭītha 1. 109 piṭṭhe.

3. Kappetvāti (Ka)

sarīran”ti. Ruppenam vā ruppenasabhāvo rūpam, tam etassa atthīti **rūpī**, attā “rūpino dhammā”ti-ādīsu¹ viya. Evañca katvā rūpasabhāvattā attano “rūpam attā”ti vacanam nāyāgatamevāti “**kasiṇarūpam attāti gaṇhātī**”ti vuttam.

Arūpinti etthāpi vuttanayānusārena yathāraham attho vattabbo.

Santasukhumam muñcitvā tabbiparītassa gahaṇe kāraṇam natthīti lābhī “kasiṇarūpam attā”ti gaṇhātīti lābhittakino ṭhapetvā sesatakkī lābhiggahaṇeneva gahitā. Anussuttikkopi suddhatakkikopi vā niraṅkusattā² takkanassa kasiṇarūpampi attāti kadācīpi gaṇheyyāti vuttam “**ubhopi rūpāni gaṇhātiyevā**”ti. Suddhatakkikassa ubhayaggahaṇam na katham³, tasmā sāsaṅkavacanam.

Kasiṇugghāṭimākāsapaṭhamāruppaviññāṇanattibhāva-
ākiñcaññāyatanāni **arūpasamāpattinimittam**. Ṭhapetvā saññākkhandhanti idaṃ saññāya attaniyatam hadaye katvā vuttam. “Rūpim vā”ti ettha vuttanayena pana atthe vuccamāne saññākkhandham bahiddhā akatvā “**arūpadhamme**” icceva vattabham siyā. **Missakaggāhavasenāti** rūpārūpasamāpattīnam nimittāni ekajjham katvā “eko attā”ti, tattha pavattasaññāncassa “saññā”ti gahaṇavasena. Ayam hi diṭṭhigatiko rūpārūpasamāpattilābhītāya taṇnimittam rūpabhāvena arūpabhāvena ca gahetvā upatiṭṭhati, tasmā “rūpī arūpī cā”ti abhinivesam janeti ajjhattavādino viya, takkamatteneva vā rūpārūpadhamme missakavasena gahetvā “rūpī ca arūpī ca attā hotī”ti. **Takkagāhenevāti** saṅkhārāvasesasukhumabhāvappattadhammā viya ca accantasukhumabhāvapattiyā sakiccasāadhanāsamatthatāya thambhakuṭṭhatthapādānam saṅghāto viya neva rūpī, rūpasabhāvānavattanato na arūpīti evam pavattatakkagāhena. Lābhivasenapi vā antānantikacattutthavāde⁴ vakkhamānanayena aññamaññapaṭipakkhavasena attho veditabbo. Kevalam pana tattha desakālabhedavasena tatiyacattutthavādā icchitā, idha kālavatthubhedavasenāti ayameva viseso. Kālabhedavasena cettha tatiyavādassa pavatti rūpārūpanimittānam saha anupaṭṭhānato, cattutthavādassa pana

1. Abhi 1. 5 piṭṭhe.

3. Na pākaṭam (?)

2. Nirāsaṅkattā (Ka)

4. Attānam tatiyacattutthavāde (Ka)

vatthubhedavasena pavatti rūpārūpadhamānaṃ samūhato “eko attā”ti takkavasenaṅgi tatha vakkhamānanayānusārena veditabbaṃ.

Yadipi aṭṭhasamāpattilābhino diṭṭhigatikassa vasena samāpattibhedena saññānānattasambhavato dutiyadiṭṭhiṃ samāpannakavasena labbhati, tathāpi samāpattiyaṃ ekarūpeneva saññāya upaṭṭhānato **“paṭṭhamadiṭṭhi samāpannakavārena kathitā”**ti āha. Tenevettha samāpannakaggahaṇaṃ kataṃ. Ekasamāpattilābhino eva vā vasena attho veditabbo. Samāpattibhedena saññābhedasambhavepi bahiddhā puthuttārammaṇe saññānānattena oḷārikena nānattasaññīti **“dutiyaḍḍhi asamāpannakavārenā”**ti āha. Avaḍḍhitakasiṇavasena parittasaññītaṃ, vaḍḍhitakasiṇavasena appamāṇasaññītaṃ dassetuṃ **“tatiyaḍḍhi suppamattena vā sarāvamattena vā”**ti-ādi vuttaṃ. “Aṅguṭṭhappamāṇo vā attā yavappamāṇo, aṇumatto vā attā”ti-ādidassanavasena¹ paritto saññīti **parittasaññī**. Kapilakaṇḍādayo² viya attano sabbagatabhāvapaṭiḷānanavasena appamāṇo saññīti **appamāṇasaññīti** evampettha attho daṭṭhabbo.

Etanti “rūpiṃ vā”ti-ādinā yathāvutta-attavādaṃ. **Ekesanti** ekaccānaṃ. **Upātivattatanti** atikkamantānaṃ. Niddhāraṇe cetāṃ sāmivacanaṃ. Viññāṇakasiṇameke abhivadantiṅgi yojanā. Tenāha “saññaṃ -pa-abhivadantiṅgi”ti. Tatha “saññaṃ ṭhapetvā sesāni tīṇi”ti idaṃ saññāya catukkampi paripuṇṇameva gahetvā **apare aṭṭhakanti vadanti**. **Tadubhayanti** taṃ saññā-aṭṭhakanti vuttaṃ ubhayaṃ. **Parato āvi bhavissatiṅgi** “catasso rūpasāññi”ti-ādinā upari pakāsesati. Vakkhati hi “koṭṭhāsato aṭṭha, atthato pana satta saññā hontiṅgi”ti³. **Etthāti** “etaṃ vā panā”ti etasmiṃ vākye. **Samatikkamituṃ sakkonti** tatha ādinavaddassanena taduddhaṃ ānisaṃsadassanena ca brūhitasaddhādiguṇattā, vipariyāyena asakkuṇaṃ veditabbaṃ. **Ye sakkonti, teva gahitā** tesāmyeva vasena vakkhamānassa visesassa vattum sakuṇeyyattā. Sakkontānaṃca nesaṃ upātivattanaṃ attano ñāṇabalānurūpanti imamatthaṃ upamāya dassetuṃ **“tesaṃ panā”**ti-ādi vuttaṃ. Tatha **appamāṇanti**

1. Udāna-Ṭṭha 308; Dī-Tī 1. 172 piṭṭhesupi.

2. Anuṭṭi 2. 65 piṭṭhe passitabbaṃ.

3. Ma-Ṭṭha 4. 12 piṭṭhe.

appamāṇārammaṇo, appamāṇārammaṇatā cassa āgamanavasena veditabbā anantārammaṇato vā. Na hi ārammaṇe anantanti paramānantassa pamāṇam vā gaṇhāti. Sukhadukkhehi aniṇjanato rūpavirāgabhāvanāvisesatāya ca āneṇjam patvā tiṭṭhati, ayaṁ no attāti abhivadantā tiṭṭhanti.

Viññāṇakasiṇameketi viññāṇaṇcāyatanam eke diṭṭhigatikā attāti vadanti.

Tenāha “**viññāṇaṇcāyatanam tāva dassetun**”ti. Tassa pana ārammaṇabhūtam kasiṇugghāṭimākāse pavattaviññāṇanti apare. Tam hi kasiṇam manasikāravasena “viññāṇakasiṇan”ti, viññāṇaṇca tam ārammaṇaṭṭhena āyatanaṇcāti “viññāṇaṇcāyatanan”ti ca vuccati. **Ākiṇcaññāyatanameketi** etthāpi eseva nayo.

Tayidanti ya-kāro padasandhikaroti āha “**tam idan**”ti. **Diṭṭhigatanti** yathā vuttam “saññī attā”ti, evam vuttam diṭṭhim. Diṭṭhiyeva hi **diṭṭhigatam** “muttagatam¹, saṅkhāragatan”ti-ādīsu² viya. Gantabbābhāvato vā diṭṭhiyā gatamattam **diṭṭhigatam**, diṭṭhiyā gahaṇamattanti attho. Diṭṭhipakāro vā **diṭṭhigatam**. Lokiyā hi vidhayuttagatapakāra-sadde samānatthe icchanti. **Diṭṭhipaccayo** diṭṭhikāraṇam, avijjādi diṭṭhiṭṭhānanti attho. Tatha **avijjāpi** hi **diṭṭhiṭṭhānam** upanissayādibhāvato. Yathāha “assutavā bhikkhave puthujjano ariyānam adassāvī ariyadhammassa akovido”ti-ādī³. **Phassopi diṭṭhiṭṭhānam**. Yathāha “tadapi phassapaccayā”ti⁴. **Saññāpi diṭṭhiṭṭhānam**. Yathāha “saññānidānā hi papaṇcasāṅkhā”ti⁵. **Vitakkopi diṭṭhiṭṭhānam**. Yathāha “takkaṇca diṭṭhisu pakappayitvā, saccam musāti dvayadhammamāhū”ti⁶. **Ayonisomanasikāropi diṭṭhiṭṭhānam**. Yathāha “tassevam manasikaroto channam diṭṭhīnam aññatarā diṭṭhi uppajjati, atthi me attāti tassa saccato thetato diṭṭhi uppajjati”ti⁷. **Diṭṭhārammaṇanti** diṭṭhi-ārammaṇabhūtam upādānakkhandhapaṇcakanam. Tenāha “rūpam attato samanupassati”ti-ādī⁸. Rūpavedanādivinimuttassa diṭṭhiyā ārammaṇassa abhāvato anādiyitvā

1. Ma 2. 87; Am 3. 181 piṭṭhesu.

3. Abhi 1. 208 piṭṭhe.

5. Khu 1. 414; Khu 7. 216 piṭṭhesu.

7. Ma 1. 10 piṭṭhe.

2. Khu 7. 96 piṭṭhe.

4. Dī 1. 38 piṭṭhe.

6. Khu 1. 416; Khu 7. 228 piṭṭhesu.

8. Khu 9. 137 piṭṭhe Paṭisambhidāmagge.

idameva dasseti “**iminā paccayena idaṃ nāma dassanaṃ gahitaṃ**”ti. **Iminā paccayenā**ti vā ettha paccayaggahaṇena ārammaṇampi gahitamevāti daṭṭhabbāṃ.

Tadevāti diṭṭhigatañceva diṭṭhipaccayañca. **Rūpasaññānanti** ettha **iti-**saddo ādi-attho, **evaṃ**-saddo pakārattho, “**yadi rūpasaññānan**”ti-ādinā pakārena vuttasaññānanti attho. **Nirupakkilesā** nīvaraṇādi-upakkilesavimuttito. **Uttamā** paṇītabhāvappattito, tato eva **setṭhā**, setṭhattā eva uttaritarābhāvato **anuttariyā**. **Akkhāyatī**ti upaṭṭhāti. **Ākiñcaññāyatanasaññāya** visum vuccamānattā, catutthārūpasaññāya ca imasmiṃ saññīvāde anotarāṇato “**yadi āruppasaññānanti iminā ākāsaññāyatanaviññāṇaṇcāyatanasaññā**” icceva vuttam. **Itarehi pana dvīhī**ti “yadi ekattasaññānaṃ, yadi nānattasaññānan”ti imehi dvīhi padehi. **Samāpannakavāro ca** tathā idha kathitoti adhippāyo. **Koṭṭhāsato aṭṭha saññā** catukkadvayasaṅgahato. Ekattasaññīpadaṃ ṭhapetvā **atthato pana satta saññā honti** aggahitaggahaṇenāti adhippāyo. Tenāha “**samāpannaka -pa-saṅgahitoyevā**”ti.

Saññāgatanti saññāvasena gataṃ, saññāsaṅgahaṃ gataṃ vā. Tassa pana adiṭṭhigatassapi upalabbhamānattā “**saddhiṃ diṭṭhigatenā**”ti vuttam. **Paccayehi samāgantvā katanti** saha kāraṇabhūtehi paccayehi teneva saha kāraṇabhāvena samāgantvā nibbattitaṃ, paṭiccasamuppānanti attho. **Saṅkhatattā oḷārikaṃ** uppādavayaññathattasabbhāvato. Yassa hi uppādo paññāyati vayo paññāyati, ṭhitassa aññatthattaṃ paññāyati, taṃ khaṇe khaṇe bhijjanasabhāvato passantassa pākaṭabhūtavikāraṃ oḷārikaṃ siyā. Na cettha maggaphaladhammā nidassetabbā tesam tathā ananupassitabbato, tesampi saṅkhatabhāvena itarehi samānayogakkhamatāya dunnivārayabhāvato. Tathā hi “asesavirāganirodhā”¹ti vacanato maggassapi nissaraṇabhāvena “**atthi kho pana saṅkhārānaṃ nirodho**”ti nibbānamevettha paṭiyogabhāvena uddhaṭam “nirujjhanti etthā”ti katvā. **Nirodhasaṅkhātāṃ nibbānaṃ nāma atthī**ti ettha “atthi bhikkhave

1. Khu 1. 79; Vi 3. 1 piṭṭhesu.

ajātaṃ abhūtaṃ asaṅkhatan”ti suttapadaṃ¹ ānetvā vattabbaṃ. **Nibbānadassīti** sacchikiriyābhisamayavasena nibbānadassī, tato eva itarābhisamayatthasiddhiyā **taṃ saṅkhatan atikkanto**.

23. **Aṭṭhasu asaṅṅivādesūti** idam brahmajāle² āgatanayena vuttameva hi sandhāya heṭṭhā “saṅṅīti iminā aṭṭha asaṅṅivādā kathitā”ti vuttam. Idha pana cattāro vādā eva uddhaṭā. Tenāha “**asaṅṅī**”ti-ādi. Esa nayo parato “**aṭṭhasu nevasaṅṅīnāsaṅṅivādesū**”ti etthāpi. Saṅṅāya sati tāya vedanāgāhasabbhāvato “**ābādhanatṭhena saṅṅā rogo**”ti vuttam. Dukkhatāsūlayogato kilesāsucipaggharaṇato uppādajarābhangehi uddhumātapakkapabhijjanato ca **saṅṅāgaṇḍo**, svāyamattho dosaduṭṭhatāya eva hotīti āha “**sadosatṭhena gaṇḍo**”ti. Piḷājananato antotudanato duruddharaṇato ca saṅṅā sallam, svāyamattho attabhāvaṃ anupavisitvā avatṭhānenāti āha “**anupavitṭhatṭhena sallan**”ti. Paṭisandhiggahaṇe viññāṇaṃ kutoci āgataṃ viya hotīti vuttam “**paṭisandhivasena āgatin**”ti. **Gatinti** pavattim. Sā pana tāsu tāsu gatīsu vutti hotīti vuttam “**cutivasena**³ **gatin**”ti, vaḍḍhanavasena ghanapabandhavasenāti attho. Tenāha “**aparāparan**”ti. Aparāparaṃ hi pabandhavasena pavattamānaṃ viññāṇaṃ nandūpasecanaṃ, itaraṃ khandhattayaṃ vā nissāya abhivuddhim paṭiṭṭhaṃ mahantaṅca pāpuṇātīti. Pavaḍḍhavasena vā gatim, nikkhepavasena cutim, tato aparāparaṅca rūpapavattanavasena upapattim, indriyaparipākavasena vuḍḍhim, tassa tassa kammaṣa katūpacitabhāvena viruḷhim, tassa kammaṣa phalanibbattiyā vepullanti yojetabbaṃ.

Kāmañcāti-ādinā “aṅṅātra rūpā”ti-ādikā codanā lakkhaṇavasena vuttāti dassetvā ayaṅca nayo codanāya avisitṭhavisayatāyā siyā, visiṭṭhavisayā panāyaṃ codanāti dassetuṃ “**ayam pana pañho**”ti-ādi vuttam. **Ettake khandheti** yathāvutte rūpavedanādi ke cattāro khandhe. **Aṅṅātra rūpāti** iminā yattha katthaci rūpena vinā viññāṇassa pavatti natthīti dīpītaṃ hoti. Bhavavisesacodanāya

1. Khu 1. 178 piṭṭhe Udāne.

2. Dī 1. 28 piṭṭhe.

3. Gativasena (Ka)

sabhāvato eva viññāṇena vinā rūpassapi pavatti natthīti dīpitaṃ hotīti āha “**arūpabhavēpi rūpaṃ, asaññābhavē ca viññāṇaṃ atthī**”ti.

Nirodhasamāpannassāti saññāvedayitanirodhaṃ samāpannassapi viññāṇaṃ atthi. **Byañjanacchāyāya ce atthaṃ paṭibhāsīti** yadi saddatthameva gahetvā adhippāyaṃ na gaṇhasi neyyatthaṃ suttanti. Ettha ca asaññābhavē nibbattasattavasena paṭhamavādo, saññaṃ attato samanupassatīti ettha vuttanayena saññaṃyeva attāti gahetvā tassa kiñcanabhāvena ṭhitāya aññāya saññāya abhāvato asaññīti pavatto dutiyavādo, tathā saññāya saha rūpadhamme, sabbe eva vā rūpārūpadhamme attāti gahetvā pavatto tatiyavādo, takkaggāhavaseneva pavatto catutthavādo. Tesu yaṃ vattabbaṃ, taṃ heṭṭhā vuttanayeneva veditabbaṃ. Nevasaññānāsaññāivādepi asaññābhavē nibbattassa sattassa cutipaṭisandhīsu, sabbattha vā paṭusaññākiccaṃ kātuṃ asamatthāya sukhumāya saññāya atthibhāvapaṭijānanavasena paṭhamavādo, asaññāivāde vuttanayena sukhumāya saññāya vasena sañjānanasabhāvatāpaṭijānanavasena ca dutiyavādādayo pavattāti evamettha etesaṃ vādānaṃ sabbhāvo veditabbo. Sesaṃ vuttanayemeva.

24. Yattha na saññā, tattha ñāṇassa sambhavo eva natthīti āha “**asaññā sammoho**”ti, asaññābhāvo nāma sammohappavattīti attho. Yathā niyyantīti niyyāniyāti bahulaṃ vacanato kattusādhanō niyyāniyasaddo, evaṃ idha viññātabbasaddoti āha “**viññānāti viññātabban**”ti, vijānaṃ viññāṇanti attho. Tena¹ **diṭṭhasutamutaviññātabbamattenāti** diṭṭhasutamutaviññāṇappamāṇenāti attho daṭṭhabbo. Tenāha “**pañcadvārikasaññāpavattimattenā**”ti, nibbikappabhāvato pañcadvārikasaññāpavattisamena bhāvanābhinihārenāti attho. **Oḷārikasaṅkhārappavattimattenāti** oḷārikānaṃ saṅkhārānaṃ pavattiyā. **Oḷārikasaṅkhārāti** cettha ākiñcaññāyatanapariyosānā samāpattidhammā adhippetā. **Upasampadanti** ye saññāya, asaññābhāve ca dosaṃ disvā nevasaññānāsaññāyatanānaṃ vaṇṇentāpi rūpajjhānapaṭilābhamattena tassa sampādanaṃ paṭilābhaṃ adhigamaṃ paññāpenti, tesaṃ tassa byasaṃ

1. Tenāha (Ka)

akkhāyati anupāyabhāvato. Tenāha “**vināso**”ti-ādi. **Vuṭṭhānanti** ()¹ sadisasamāpajjanapubbakam parivuṭṭhānam. Samāpatti eva tesam natthi anadhigatattā. **Olārikasaṅkhārappavattiyā** antamaso ākiṅcaññāyatanasaṅkhārappavattiyāpi **pattabbanti na akkhāyati** tepi samatikkamitvā pattabbato. **Saṅkhārānanti** niddhāraṇe sāmivacanam. **Avasesāti** ito paraṃ sukhumabhāvo nāma natthīti sukhumabhāvāpattiyā avasesā. Tenāha “**bhāvanāvasena sabbasukhumabhāvaṃ pattā saṅkhārā**”ti. **Etanti** nevasaññānāsaññāyatanam **pattabban nāma hoti** tādīsasaṅkhārappattiyam tabbohārato. **Saṅkhataṃ** samecca sambhuyya paccayehi katattā.

25. “Ye te samaṇabrāhmaṇā sato sattassa ucchedaṃ vināsaṃ vibhavaṃ paññapentī”ti² vakkhamānattā sabuddhiyam³ viparivattamāne ekajjham gahetvā “tatrā”ti bagavatā vuttanti āha “**tatrāti sattu ucchedavādesu bhumman**”ti. **Uddham saranti** uddham gataṃ sarantāti taṃ dassento āha “**uddham vuccatī**”ti-ādi. **Sarantāti** yattha patthenti na labhanti, taṃ jānantā. **Āsattinti** āsīsanam. **Peccāti** paraloke. **Vāṇijūpamā viyāti** bhavapariyāpannaphalavisesāpekkhāya paṭipajjanato. **Sakkāyassa bhayāti** santo kāyoti sakkāyo, paramatthato vijjamāno dhammasamūhoti katvā upādānakkhandhapañcakam, tato bhāyanena. **Mā khīyi** mā parikkhayaṃ agamāsi. **Mā osīdi** mā heṭṭhā bhassi. **Abbhanti**⁴ ākāsaṃ **mā undriyi** mā bhijjitvā pati. Gaddulena baddho **gaddulabaddho**. **Daḷhathambho viya khīlo viya ca** sakkāyo dummocanīyato. **Sā viya ditṭhigatiko** tassa anuparivattanato. **Daṇḍako viya ditṭhi** chedanakaraṇāya⁵ asamatthabhāvakaraṇato. **Rajju viya taṇhā** bandhanato ca, ārammaṇakaraṇavasena samannāgamanavasena ca sambaddhabhāvato. Tena vuttaṃ “**ditṭhidaṇḍake pavesitāya taṇhārajjuyā**”ti.

26. Bhagavā attano desanāvilāsenā veneyyajjhāsayasena (Catucattārīsa aparantakappikavādā tattha tattha antogadhāti)⁶ uddesavasena pañceva saṅgahetvā yathuddesaṃ nigamento “**imāneva**

1. (Na) (?)

2. Ma 3. 21 piṭṭhe.

3. Taṃvuddhiyam (Ka)

4. Ambhā (Aṭṭhakathāyam.)

5. Bandhaniyakaraṇāya (Ka)

6. (Catucattārīsāya aparantakappikavāsesu kattha antogadhāti) (Ka)

pañcāyatanāni”ti āha. Tattha dukkhassa nimittabhāvato diṭṭhitānaṃ kāraṇaṭṭhena āyatanatthoti vuttaṃ “**imāneva pañca kāraṇāni**”ti. Saññī-ādivasena tīṇi, ucchedavādoti **cattāri bhājitāni**. Itaraṃ pana **diṭṭhadhammanibbānaṃ kuhiṃ pavitṭhaṃ?** Sarūpato abhājitattā yathābhājitesu vādesu kattha antogadhanti pucchati. Uddese pana sarūpato gahitameva “diṭṭhadhammanibbānaṃ vā paneke abhivadanti”ti. Itaro ekattasaññīvāde nānattasaññīvāde antogadhanti dassento “**ekatta -paveditabban**”ti āha. Yathāsukhañcetaṃ vuttaṃ. Paṭhamo hi diṭṭhadhammanibbānavādo nānattasaññīvāde antogadho, itare cattāro ekattasaññīvāde.

27. **Atītakotṭhāsasaṅkhātanti** atītaṃ khandhakoṭṭhāsasaṅkhātānaṃ pubbantānaṃ. Pubbe nivutthadhammavisayā kappanā idhādhippetā, tasmā atītakālavācako idha pubba-saddo, rūpādikhandhavinimuttaṅca kappanāvattu natthi, antasaddo ca koṭṭhāsavācako¹. Tena vuttaṃ “**atītakotṭhāsasaṅkhātānaṃ pubbantānaṃ kappetvā**”ti. “Kappetvā”ti ca tasmim pubbante taṅhāyanābhinivisaṅgaṃ samatthanaṃ pariniṭṭhāpanaṃ vadati. **Sesampīti** “pubbantānudiṭṭhī”ti evamādikaṃ. **Pubbe vuttappakāraṇanti** “aparantānudiṭṭhino”ti-ādīsu vuttappakāraṇaṃ. Ekekaṣmiṅca **attāti** āhito ahaṃmāno etthāti katvā, **lokoti** lokiyanti ettha puñṇapāpāni tabbipākā cāti katvā taṃ taṃ gahaṇavisesaṃ upādāya pañṇāpanaṃ hotīti āha “**rūpādīsu aññataraṃ attāti ca lokoti ca gahetvā**”ti. Sabbadābhāvena **sassato**. **Amaro nicco dhuvoti** tasseva vevacanāni. Maraṇābhāvena **amaro**, uppādābhāvena sabbakālaṃ vattanato **nicco**, thiraṭṭhena vikārābhāvena **dhuvo**. **Yathāhāti-**ādinā yathāvuttamatthaṃ niddesapaṭisambhidāpālīhi vibhāveti. Ayaṅca attho “rūpaṃ attato samanupassati, vedanaṃ, saññaṃ, saṅkhāre, viññāṇaṃ attato samanupassati”ti² imissā pañcavidhāya sakkāyadiṭṭhiyā vasena vutto. “Rūpavantaṃ”ti-ādikāya² pana pañcadasavidhāya sakkāyadiṭṭhiyā vasena cattāro cattāro khandhe “attā”ti gahetvā tadaññaṃ “loko”ti pañṇapentīti ayampi attho labbhati, tathā ekaṃ khandhaṃ “attā”ti gahetvā tadaññe “loko”ti pañṇapentīti evamettha attho daṭṭhabbo. **Eseva nayoti** iminā yathā “rūpādīsu aññataraṃ

1. Bhāvavācako (Ka)

2. Khu 9. 137 piṭṭhe Paṭisambhidāmagge.

attāti ca lokoti ca gahetvā sassato -pa- dhuvo”ti attho vutto, evaṃ asassato anicco adhuvo ucchijjati vinassati na hoti paraṃ maraṇā, nicco ca anicco ca nevanicco nāniccoti evamādimatthaṃ atidisati.

Cattāro sassatavādāti lābhīvasena tayo, takkīvasena ekoti evaṃ cattāro. Pubbenivāsañāṇalābhī titthiyo mandapañño anekajātisatasahassamattaṃ anussarati, majjhimapañño dasa saṃvaṭṭavivaṭṭakappāni, tikkhapañño cattārīsa saṃvaṭṭavivaṭṭakappāni, na tato paraṃ, so evaṃ anussaranto attā ca loko cāti abhivadati. Takkī pana takkapariyāhataṃ vīmaṃsānucaritaṃ sayamṇapaṭibhānaṃ sassato attā ca loko cāti abhivadati. Tena vuttaṃ “lābhīvasena tayo, takkīvasena ekoti evaṃ cattāro sassatavādā”ti. Eteneva ca adhiccasamuppattikavādo viya sassatavādo kasmā duvidhena na vibhattoti ce? Paṭikkhittattāti daṭṭhabbaṃ.

Ettha ca “sassato attā ca loko cā”ti vāde ayamayuttatāvibhāvanā—yadi hi parena parikappito attā, loko vā sassato siyā, tassa nibbikāratāya purimarūpāvijahanato kassaci visesādhānassa¹ kātuṃ asakkuṇeyyatāya ahitato nivattanatthaṃ hite ca paṭipatti-atthaṃ upadeso eva nippayo jano siyā sassatavādino, kathaṃ vā so upadeso pavattiyati vikārābhāvato, evaṃca attano ajaṭākāsassa viya dānādikiriyaṃ himsādikiriyaṃ ca na sambhavati, tathā sukhasa dukkhasa ca anubhavananibandho eva sassatavādino na yujjati kammabaddhābhāvato, jāti-ādīnaṃ asambhavato kuto vimokkho. Atha pana dhammamattaṃ tassa uppajjati ceva vinassati ca, yassa vasaṇāyaṃ kiriyaḍivohāroti vadeyya, evampi purimarūpāvijahanena avaṭṭhitassa attano dhammamattanti na sakkā sambhāvetuṃ, te vā panassa dhammā avatthābhūtā tato aññe vā siyuṃ anaññe vā, yadi aññe, na tāhi tassa uppannāhipi koci viseso atthi. Yo hi karoti paṭisaṃvedeti cavati upapajjati cāti icchitaṃ, tasmā tadavattho eva yathāvuttadoso, kiṃca dhammakappanāpi niratthakā siyā, atha anaññe, uppādavinaṣavantihi

1. Visesakaraṇassa (Ka)

avatthāhi anaññassa attano tāsam viya uppādivināsasambhavāpattito kuto niccatāvakāso, tāsampi vā attano viya niccatāti¹ bandhanavimokkhānam asambhavo evāti na yujjati eva sassatavādo, na cettha koci vādī dhammānam sassatabhāve parisuddham yuttim vattum samattho atthi, yuttirahitañca vacanam na paṇḍitānam cittamārādhētīti viññūhi chaḍḍito evāyam sassatavādoti.

Satta ucchedavādāti ettha te sarūpamattato heṭṭhā dassitā eva, tattha dve janā ucchedadiṭṭhim gaṇhanti lābhī ca alābhī ca. Tattha lābhī nāma dibbacakkhuññalābhī dibbena cakkhunā arahato cutim disvā upapattim apassanto, yo vā puthujjanānampi cutimattameva daṭṭhum sakkoti, pubbayogābhāvena parikkammākaṇeṇa vā upapātam daṭṭhum na sakkoti, so “tattha tattheva attā ucchijjati”ti ucchedadiṭṭhim gaṇhāti. Alābhī “ko paralokam jānāti, ettako jīvavisayo, yāva² indriyagocaro”ti attano dhītuyā hatthaggaṇhanakarājā viya kāmasukhagiddhatāya vā, “yathā rukkhapaṇṇāni rukkhato patitāni na paṭisandhiyanti, evam sabbepi sattā appaṭisandhikamaṇeṇa gacchanti, jalabubbulaḥkūpamā sattā”ti takkamattavasena vā ucchedadiṭṭhim gaṇhāti. Tattha yaṃ heṭṭhā vuttam “manussatabhāve kāmāvacaradevattabhāve rūpāvacaradevattabhāve catubbidha-arūpattabhāve cavitvā sattassa ucchedapaññāpanavasena satta ucchedavādā kathitā”ti, tattha yuttam tāva purimesu tisu vādesu “kāyassa bheda”ti vuttam pañcavokārabhavapariyāpanam attabhāvam ārabha pavattattā tesam vādānam, na yuttam catuvokārabhavapariyāpanam attabhāvam nissāya pavattesu catutthādīsu catūsu vādesu “kāyassa bheda”ti vuttam. Na hi arūpīnam kāyo atthīti? Saccametam, rūpabhāve pavattavohāreneva diṭṭhigatiko arūpabhāvepi kāyavohāramāropetvā āha “kāyassa bheda”ti. Yathā diṭṭhigatikehi diṭṭhiyo paññattā, tatheva bagavā dassesīti. Arūpakāyabhāvato vā phassādidhammasamūhahūte arūpattabhāve kāyaniddeso daṭṭhabbo.

Etthāha “kāmāvacaradevattabhāvādiniravasesavibhavapattitṭhāpakānam dutiyavādādīnam yutto aparantakappikabhāvo anāgataddhavisayattā

1. Niccabhāvāpattīti (Ka)

2. Ettako eva visayo, yoyam (Ka) Visuddhi-Ṭī 2. 120 piṭṭhe passitabham.

tesaṃ vādānaṃ, na pana
 diṭṭhigatikapaccakkhabhūta-manussattabhāvasamucchedapatiṭṭhāpakassa
 paṭhamavādassa paccuppannavisayattā”ti. Yadi evaṃ yathā hi
 dutiyādivādānaṃ, purimapurimavādasaṅgahitasseva attano
 uttaruttarabhavopapattiyā samucchedanato yujjati aparantakappikatā, tathā
 ca “no ca kho bho ayaṃ attā ettāvataṃ sammā samucchinno hoti”ti-ādi
 vuttaṃ. Evaṃ anāgatasseva manussattabhāvasamucchedassa adhippetattā
 paṭhamavādassapi aparantakappikatā yujjati. Evaṃ sabbassapi pubbantato
 āgatassa ucchedapaññāpanavasena idha pubbantakappikesu desanā gatā. Ete
 ucchedavādā heṭṭhā aparantakappikesu tattha tattheva ucchijjati, na tato
 uddhaṃ pavatti atthīti dassanattamaṃ vuttā. Jalabubbulaḥkūpamā hi sattāti
 tassa laddhi.

Idhāti pubbantakappikesu. **Idheva** manussattabhāvādikē **ucchijjati**
 vinaṭṭhavināsavasena. Evaṃ anāgate anuppattidassanaparānaṃ
 ucchedavādānaṃ aparantakappikesu gahaṇaṃ, pubbantato pana āgatassa
 attano idheva ucchedadassanaparānaṃ pubbantakappikesu gahaṇaṃ. **Ito**
paraṃ na gacchatīti pana idaṃ atthato āpannassa atthassa dassanaṃ. Sattesu
 saṅkhāresu ca ekaccasassatanti pavatto ekaccasassatavādo, so pana
 brahmakāyikakhiḍḍāpadosikamanopadosikattabhāvato cavitvā idhāgatānaṃ
 takkino ca uppajjanavasena catubbidhoti āha “**cattāro ekaccasassatavādā**”ti.
 “Saṅkhārekaccasassatikā”ti idaṃ tehi sassatabhāvena gayhamānaṃ
 dhammānaṃ yathāsabhāvadassanavasena vuttaṃ, na
 paneccasassatikamatadassanavasena. Tassa hi sassatābhimataṃ
 asaṅkhatamevāti laddhi. Tathā hi vuttaṃ **brahmajāle**¹ “cittanti vā manoti vā
 viññāṇanti vā ayaṃ attā nicco dhuvo sassato avipariṇāmadhammo
 sassatisamaṃ tatheva ṭhassatī”ti. Na hi yassa bhāvassa paccayehi
 abhisāṅkhatabhāvaṃ paṭijānāti, tasseva niccadhuvādibhāvo anumattakena
 na sakkā² paṭiññātuṃ. Etena “uppādavayadhuvatāyuttabhāvā siyā niccā, siyā
 aniccā, siyā navattabbā”ti-ādinā pavattassa sattabhaṅgavādassa ayuttatā
 vibhāvitā hoti.

1. Dī 1. 20 piṭṭhe.

2. Sakkā (Dī-Ṭī 1. 152 piṭṭhe.)

Tatthāyaṃ¹ ayuttatāvibhāvanā—yadi “yena sabhāvena yo dhammo atthīti vuccati, teneva sabhāvena so dhammā natthī”ti-ādinā vuccayya, siyā anekantavādo, atha aññena, siyā na anekantavādo, na cettha desantarādisambaddhabhāvo yutto vattum tassa sabbalokasiddhattā vivādābhāvato. Ye pana vadanti “yathā suvaṇṇaghaṭe makuṭe kate ghaṭabhāvo nassati, makuṭabhāvo uppajjati, suvaṇṇabhāvo tiṭṭhatiyeva, evaṃ sabbabhāvānaṃ koci dhammo nassati, koci uppajjati, sabhāvo pana tiṭṭhati”ti, te vattabbā—kiṃtaṃ suvaṇṇaṃ, yaṃ ghaṭe makuṭe ca avatṭhitaṃ, yadi rūpādi, so saddo viya anicco, atha rūpādisamūho, samūho nāma sammutimattaṃ, tassa vohāramattassa atthitā natthitā niccatā vā na vattabbā tassa paramatthasabhāvena² anupalabbhanatoti anekantavādo na siyā, dhammā ca dhammito aññe vā siyūṃ anaññe vā, yadi aññe, na tesāṃ aniccatāya dhammī anicco aññattā. Na hi rūpā cakkhuvīññāṇaṃ aññattā, na ca³ rūpe cakkhuvīññāṇasaddo⁴ hoti, kiñca dhammakappanāpi niratthikā⁵ siyā dhammino niccāniccatāya asijjhanato. Atha anaññe, uppādivināsavantehi anaññassa dhammino tesāṃ viya uppādivināsasabbhāvato kuto niccatāvakāso, tesampi vā dhammino viya niccatāpatti siyā. Apica niccāniccanavattabbarūpo attā ca loko ca paramatthato vijjamānatāpaṭijānanato yathā niccādīnaṃ aññataraṃ rūpaṃ, yathā vā dīpādayo. Na hi dīpādīnaṃ udayabbayasabhāvānaṃ niccāniccanavattabhasabhāvātā sakko vattum jīvassa niccādīsu aññataraṃ rūpaṃ viyāti evaṃ sattabhaṅgassa viya sesabhaṅgānampi asambhavoyevāti sattabhaṅgavādassa ayuttatā veditabbāti.

Ettha ca “issaro nicco, aññe sattā aniccā”ti evaṃ pavattavādāsattakaccasassatavādā seyyathāpi issaravādādayo, “paramāṇavo niccā dhuvā, dvi-aṇukādayo aniccā”ti⁶ evaṃ pavattavādā saṅkhārekaccasassatavādā seyyathāpi kaṇḍavādādayo. Nanu ca “ekacce dhammā sassatā,

1. Dī-Ṭī 1. 152 piṭṭhādīsupi passitabbaṃ.

2. Purimattabhāve (Ka)

3. Cakkhuvīññāṇatthā na hi (Ka)

4. Cakkhuvīññeyyasaddo (Ka)

5. Kiñci dhammaṃ niratthakaṃ (Ka) Dī-Ṭī 1. 149 piṭṭhe passitabbaṃ.

6. Visesikadassane sattamapariccede paṭhamakaṇḍe passitabbaṃ.

ekacce asassatā”ti etasmim vāde cakkhādīnaṃ asassatatāsanniṭṭhānaṃ
yathāsabhāvāvabodho eva, tayidaṃ kathaṃ micchādassananti, ko evamāha

“cakkhādīnaṃ asassatabhāvasanniṭṭhānaṃ micchādassanan”ti?

Asassatesuyeva pana kesañci dhammānaṃ sassatabhāvābhiniveso idha
micchādassanaṃ, tena pana ekavāre pavattamānena cakkhādīnaṃ
asassatabhāvāvabodho vidūsito saṃsaṭṭhabhāvato, visasaṃsaṭṭho viya
sappimaṇḍo sakiccakāraṇāsamattatāya sammādassanapakke ṭhapetabbataṃ
nārahati. Atha vā asassatabhāvena nicchitāpi cakkhu-ādayo
samāropitajīvasabhāvā eva diṭṭhigatikehi gayhantīti tadavabodhassa
micchādassanabhāvo na sakkā nivāretuṃ. Tathā hi vuttaṃ **brāhmajāle**¹
“cakkhanti vā -pa- kāyoti vā ayaṃ me attā”ti-ādi. Evañca katvā asaṅkhatāya
saṅkhatāya ca dhātuyā vasena yathākkamaṃ ekacce dhammā sassatā, ekacce
asassatāti evaṃ pavatto vibhajjavādopi ekaccasassatavādo āpajjatīti
evaṃpakārā codanā anokāsā hoti
aviparītadhammasabhāvasampañjātibhāvato.

Na maratīti amarā. Kā sā? “Evantipi me no”ti-ādinā² nayena
pariyantarāhitā diṭṭhigatikassa diṭṭhi ca vācā ca, amarāya diṭṭhiyā vācāya
vividho khepoti amarāvikkhepo, so etassa atthīti **amarāvikkhepo**. Atha vā
amarāti ekā macchajāti, sā ummujjananimujjanādivasena udake
sandhāvamānā gāhaṃ na gacchati, evamevaṃ ayampi vādo ito cito ca
sandhāvati gāhaṃ nāgacchati amarāvikkhepo, so eva **amarāvikkhepiko**.
Svāyaṃ vādo musāvāda-anuyogachandarāgamohahetukatāya catudhā
pavattoti āha “**cattāro amarāvikkhepikā vuttā**”ti. Nanu cettha³ catubbidhopi
amarāvikkhepiko kusalādike dhamme paralokattikādīni ca yathābhūtaṃ
anavabujjhamāno tattha tattha pañhaṃ puṭṭho pucchāya vikkhepanamattaṃ
āpajjatīti tassa kathaṃ diṭṭhigatikabhāvo. Na hi avattukāmassa viya
pucchitamattaṃ ajānantassa vikkhepakaraṇamattena diṭṭhigatikatā yuttāti?
Na hevaṃ pucchāvikkhepakaraṇamattena tassa diṭṭhigatikatā icchitā, atha
kho micchābhinivesena. Sassatavasena micchābhiniṭṭhoyeva hi
mandabuddhitāya kusalādidhamme

1. Dī 1. 20 piṭṭhe. 2. Dī 1. 24 piṭṭhe. 3. Dī-Ṭī 1. 165 piṭṭhādīsipi passitabbaṃ.

paralokattikādīni ca yāthāvato appaṭipajjamāno attanā aviññātassa atthassa param̃ viññāpetum̃ asamatthatāya musāvādādibheyena ca vikkhepaṃ āpajjatīti. Tathā hissa vādassa sassatadiṭṭhisāṅgaho vutto. Atha vā puññapāpānam̃, tabbipākānañca anavabodhena, asaddahanena ca “tabbisayāya pucchāya vikkhepakaraṇamyeva yuttam̃ sundarañcā”ti khantiṃ ruciṃ uppādetvā abhinivisantassa uppannā visum̃yevekā eṣā diṭṭhi sattabhaṅgadiṭṭhi viyāti daṭṭhābbā. Tathā ceva vuttam̃ “pariyantarahitā diṭṭhigatikassa diṭṭhi ceva vācā cā”ti¹. Katham̃ panassā sassatadiṭṭhisāṅgaho? Ucchedavasena anabhinivesato. “Natthi koci dhammānam̃ yathābhūtavēdī vivādabahulattā lokassa, ‘evamevan’ti pana saddantarena dhamme nijjhānanā anādikālikā loke”ti gāhavasena sassatalesopettha labbhatiyeva.

Amati gacchati ettha sabhāvo osānanti anto, mariyādo, so etassa atthīti **antavā**. Tenāha “**sapariyanto**”ti. Avaḍḍhitakasiṇassa puggalassa evam̃ hotīti yojanā. **Dutiyavādo** “anantavāloko”ti vādo. **Tatīyavādo** “antavāca-anantavācā”ti vādo. **Catutthavādo** “nevantavānānantavā”ti vādo. Ete eva cattāro vādino sandhāya **brahmajāle**² “antānantikā antānantam̃ lokassa paññāpenti catūhi vatthūhī”ti vuttam̃. Tattha³ yuttam̃ tāva purimānam̃ tiṇṇam̃ vādīnam̃ antattañca anantattañca antānantattañca ārabha pavattavādattā antānantikattam̃, pacchimassa pana tadubhayapaṭisedhavasena pavattavādattā kathamantānantikattanti? Tadubhayapaṭisedhavasena pavattavādattā eva. Yasmā paṭisedhavādopi antānantavisayo eva tam̃ ārabha pavattattā. Apare āhu—“yathā tatiyavāde sambhedavasena etasseva antavantatā anantatā ca sambhāvati, evam̃ takkīvādepi kālabhedavasena ubhayasambhavato aññamaññapaṭisedhena ubhayaññeva vuccati. Katham̃? Antavantatāpaṭisedhena hi anantatā vuccati, anantatāpaṭisedhena ca antavantatā, antānantānañca tatiyavādabhāvo kālabhedassa adhippetattā. Idam̃ vuttam̃ hoti yasmā ayam̃ lokasaññito attā jhāyīhi adhigatavisesehi ananto kadāci sakkhi diṭṭho anusuyyati, tasmā nevantavā, yasmā pana

1. Dī-Ṭṭha 1. 106 piṭṭhesu.

2. Dī 1. 21 piṭṭhe.

3. Dī-Ṭṭi 1. 161 piṭṭhādīsopi passitabbam̃.

tehi eva kadāci antavā sakkhi diṭṭho anusuyyati, tasmā na pana anantavā”ti. Yathā ca anussutitakkīvasena, evaṃ jātissaratakki-ādīnañca vasena yathāsambhavaṃ yojetabbaṃ. Ayaṃ hi takkiko avaḍḍhitabhāvapubbakattā paṭibhāganimittānaṃ vaḍḍhitabhāvassa vaḍḍhitakālavasena apaccakkhakāritāya anussavādimatte ṭhatvā “nevantavā”ti paṭikkhipati, avaḍḍhitakālavasena pana “nānanto”ti. Na pana antavantatānantatānaṃ accantamabhāvena yathā taṃ “nevasaññīnāsaññī”ti, avassaṃ ca etaṃ evaṃ viññātabbaṃ, aññathā vikkhepapakkhaṃyeva bhajeyya catutthavādo. Na hi antavantatānantatānadubhayavimutto attano pakāro atthi, takkīvādī ca yuttimaggako, kālabhedavasena ca tadubhayampi ekasmiṃ na na yujjatīti. **Anantaracatukkanti** ekattasaññīti āgatasaññīcatukkaṃ.

Ekantasukhīti ekanteneva sukhī. Taṃ panassa sukhaṃ dukkhena avomissaṃ hotīti āha “**nirantarasukhī**”ti. **Ekantasukhamevāti** idaṃ sukhabahulataṃ sandhāya vuttaṃ. **Atītāsu sattu jātīsūti** idaṃ tato paraṃ jātissaraññāna anussarītum na sakkoti katvā vuttaṃ. **Tādisamevāti** sukhasamaṅgimeva attabhāvaṃ. “Evaṃ sukhasamaṅgī”ti taṃ **anussarantassa. Jātissarassa**¹ atītajātiyampi idha viya dukkhaphuṭṭhassa taṃ anussarantassa.

Sabbesampīti lābhīnaṃ takkīnampi. **Tathāti** iminā “sabbesampī”ti idaṃ padaṃ ākaḍḍhati. Kāmāvacaraṃ nāma adukkhamasukhaṃ anuḷāraṃ avibhūtanti āha “**catutthajjhānavasena**”ti. Catutthajjhānaṃ kāraṇabhūtaṃ etassa atthi, tena vā nibbattanti **catutthajjhānikaṃ. Majjhataṭṭhāni** majjhatabhūtassa majjhattavedanābahulassa. **Majjhatabhūtaṭṭhānameva** attano majjhattatāpattameva bhūtapubbaṃ anussarantassa. **Ekaccasassatikāti** ekaccasassatavādino vuttā. Puggalādhiṭṭhānena hi ekaccasassatikā. Esa nayo sesesupi. Adhiccasamuppannavādo sassatavādasamuddiṭṭhoti katvā “**dve adhiccasamuppannikā**”ti ca vuttaṃ.

28. **Diṭṭhuddhāranti** yathāvuttānaṃ diṭṭhīnaṃ aniyyānikabhāvadassanavasena paduddharaṇaṃ. **Paccattaṃyeva ñāṇanti** parappaccayaṃ attaniyeva ñāṇaṃ. Taṃ pana

1. Evaṃ sukhasamaṅgī evaṃ jātiṃ sarantassa (Ka)

attapaccakkham hotīti āha “**paccakkhaññāṇan**”ti. Suvanṇassa viya dosāpagamena upakkilesavigamena ñāṇassa visuddhanti āha “**parisuddhanti nirupakkilesan**”ti. Kilesandhakāravigamato sappabhāsamujjalameva hotīti vuttam “**pariyodātanti pabhassaran**”ti. **Bāhirasamayasmimpi honti** jhānassa samijjhanato. **Mayamidam jānāmāti** “sassato attā ca loko ca idameva saccam moghamaññan”ti ca micchāgāhavasena aññābhāgameva paribrūhetvā tato eva yathāgahitam gāham sandhāya “mayamidam attham tattha jānāmā”ti **evam tattha** micchāgāhe¹ avijjamānam **ñāṇakoṭṭhāsam otarentiyeva** anuppavesentiyeva. **Na tam ñāṇam, micchādassanam nāmetam,** kim pana tam micchādassanam nāma? Sassato attā ca loko cāti-ādinā micchābhinivesabhāvato. Tenāha “**tadapi -pa- attho**”ti. Yam tam diṭṭhiyā upanissayabhūtam ñāṇam, tam sandhāyāha “**jānanamattalakkhaṇattā ñāṇabhāgamattamevā**”ti. Ñāṇampi hi diṭṭhiyā upanissayo hotiyeva lābhino itarassa ca tathā tathā micchābhinivesato. **Anupātivattanato** anatikkamanato. Asādhāraṇato na upātivattanti etenāti anupātivattanam, tato. **Upādānapaccayatoti** upādānassa paccayabhāvato. Etena phalūpacāreneva upādānamāha. Yadi brahmajāle² āgatā sabbāpi diṭṭhiyo idha kathitā honti, **evam sante idam suttaṃ brahmajālasuttena ekasadisanti āha “brahmajāle panā**”ti-ādi. “Aññatra rūpaṃ aññatra vedanā sakkāyamyeva anuparidhāvanti”ti vacanato idha sakkāyadiṭṭhi āgatā. **Brāhmajālam kathitameva hoti** tattha āgatānam dvāsattḥhiyāpi diṭṭhinam idhāgatattā. Sassatucchedābhiniveso attābhinivesapubbako “attā sassato attā ucchedo”ti pavattanato.

30. **Dvāsattḥhi -pa- dassetunti** katham panāyamatto “idha bhikkhave ekacco”ti-ādi pāliyā dassito hotīti? Appahīnasakkāyadiṭṭhikassa pubbantāparantadiṭṭhi-upādiyanajotanato. **Pariccāgenāti** vikkhambhanena. **Catutthajjhānanirodhā tatiyajjhānam upasampajja viharatīti** ettha na parihīnacatutthajjhānassa tatiyajjhānam bhavati, tatiyajjhānā vuṭṭhitassa pana catutthajjhānā vuṭṭhitassa ca tatiyam paṭilomanayena sambhavati. Tenāha

1. Micchāgāho (Ka)

2. Dī 1. 21 piṭṭhādīsu.

“ayaṃ panetthā”ti-ādi. **Evaṃsampadamidaṃ veditabbanti** “pavivekā pīti nirujjhatī”ti idaṃ “nirāmisasukhassa nirodhā”ti ettha viya vuṭṭhānanirodhavasena vuttanti veditabbanti attho.

Hīnajjhānapariyādānakadomanassanti nīvaraṇasahagatadomanassamāha. Tam hi jhānapariyādānakaraṃ. **Kammaṇiyabhāvoti** samāpattim patto viya samāpattisamāpajjanabhāve kammakkhamabhāvo. Somanassavidhurattā domanassaṃ viyāti domanassanti vuttaṃ. “Uppajjati pavivekā pīti”ti puna vuttā pīti **jhānavyapīti**. **Yaṃ ṭhānaṃ chāyā jahatī**ti yaṃ padesaṃ ātapena abhibhuyyamaṇaṃ chāyā jahati. Tattha ātape chāyāti padesena ātapasaññitānaṃ bhūtasankhatānaṃ pahānaṭṭhānamāha. Tenāha “**yaṣmim ṭhāne**”ti-ādi.

31. **Nirāmiṣaṃ sukhanti tatiyajjhānasukhaṃ**
dūrasamussarītakāmāmisattā.

32. **Adukkhamasukhanti catutthajjhānavedanaṃ**, na yaṃ kiñci upekkhāvedanaṃ.

33. **Niggahaṇoti** mamaṅkārabhāvena kiñcipi agaṇhanto. **Nibbānassa sappāyanti** nibbānādhimagassa, nibbānasseva vā avilomavasena ekantikupāyatāya sappāyaṃ. Tenāha “**upakārabhūtaṃ**”ti. **Sabbatthāti** sabbesu tebhūmakadhammesu. **Etanti** etaṃ yathāvuttasamathabhāvanāya kilesānaṃ vikkhambhanaṃ. Sabbattha nikantiyā asukkhāpitattā kathaṃ nibbānassa **upakārapaṭipadā nāma jātaṃ?** Na jāyate vātyadhippāyo. **Sabbatthāti** pubbantānudiṭṭhi-ādike sabbasmim. **Aggaṇhanavasena**ti taṇhāgāhena aggaṇhavasena. Yattha hi taṇhāgāto vimocito, tattha diṭṭhimānaggāhā sukkhā viya honti tadekaṭṭhabhāvato. Tādisassa nibbānagāminī paṭipadā eva āsanne, na dūre. Tena vuttaṃ “**upakārapaṭipadā nāma jātaṃ**”ti. Tādisassa ca santohamaṣmīti-ādikā samanupassanā adhimānapakkhe tiṭṭhatīti āha “**abhivadatīti abhimānena upavadatī**”ti. Idameva upādiyātīti niyamābhāvato “**aṭṭhārasavidhampi**”ti vuttaṃ. Sesapadepe eseva nayo. Diṭṭhupādāne sati sesa-upādānasambhavo avuttasiddhoti tadeva uddhaṭaṃ.

Se āyatane¹ veditabbeti nirodhassa kāraṇaṃ nibbānaṃ² veditabbaṃ.
Dvinnāṃ āyatanānanti cakkhāyatanādīnaṃ dvinnāṃ āyatanānaṃ.
Paṭikkhepena nibbānaṃ dassitaṃ veneyyajjhāsaya vasena.

1. Sesāyatanena (Ka)

2. Nirodhassa ca kāraṇaṃ nibbānanti (Ka)

Na **gādhātī**ti na patiṭṭhāti. **Atoti** asmā nibbānā. **Sarāti** taṇhā. **Saṅkhārapaṭikkhepenāti** saṅkhārekadesabhūtānaṃ catunnaṃ mahābhūtānaṃ paṭikkhepena.

Viññāṇanti visiṭṭhena ñāṇena jānitabbaṃ. Tato eva **anidassanaṃ** acakkhuviññeyyaṃ anindriyagocaraṃ. **Anantanti** antarahitaṃ, niccanti attho. **Sabbato pabhanti** kilesandhakārābhāvato ca samantato pabhassaraṃ. “Sabbato papan”ti vā pāṭho, sabbato patatitthanti attho, cattārīsakammaṭṭhānasāṅkhātehi titthehi otaritvā anupavisiṭṭabbaṃ amatasaranti vuttaṃ hoti. Anupādā kañci dhammaṃ aggahetvā vimuccanti etthāti **anupādāvimokkho**, nibbānaṃ. Anupādā vimuccati etenāti **anupādāvimokkho**, aggamaggo. Anupādāvimokkhantikātāya pana arahattaphalaṃ **anupādāvimokkhoti** vuttaṃ. Sesāṃ suviññeyyameva.

Pañcattayasuttavaṇṇanāya līnatthappakāsanā samattā.

3. Kintisuttavaṇṇanā

34. **Bhavoti** paritto. **Abhavoti** mahanto. Vuddhi-attho hi ayaṃ a-kāro “saṃvarāsaṃvaro, phalāphalan”ti-ādīsu viya, tasmā **bhavābhavahetūti** khuddakassa mahantassa vā bhavassa hetu, taṃ paccāsīsamānoti attho. Tenāha “**tasmim tasmim bhave sukhaṃ vedissāmi**”ti-ādi.

35. Lokuttarabodhipakkhiyadhamme uddissa puthujjanānaṃ vivādo sambhavatīti āha “**lokiyalokuttarāva kathitā**”ti. Lokiyāpi hi bodhipakkhiyadhammā lokuttaradhammādhigamassa āsanna-kāraṇattā visesakāraṇanti yāva aññehi lokiyadhammehi abhivisiṭṭhoti katvā “**imesu sattatimsabodhipakkhiyadhammesū**”ti avisesena vuttaṃ. **Atthato nānaṃ hotīti** atthato bhedo hoti bodhipakkhiyadhammānaṃ samadhigatattā. Na hi kāyādayo bhāvetabbā, satiyeva pana bhāvetabbāti. **Byañjanato nānaṃ** bhedaṃ. **Imināpi kāraṇenāti** imāyapi yuttiyā. Idāni taṃ yuttim dassento “**atthañca byañjanañcā**”ti

ādimāha. Tattha **samānetvā**ti suttantarato samānetvā, suttantarapadehi ca samānetvā. **Aññathā**ti aññato, bhūtaṭo apagataṃ katvāti attho. **Micchā ropitabhāvoti** ayāthāvato ṭhapitabhāvo. **Atthañca byañjanañca viññāpanakāraṇamevā**ti aviparītatthassa saddassa ca bujghanahetutāya.

37. Idha dhammavinayaṭṭhāne **satiyeva satipaṭṭhānanti gahitā**, atthato sameti nāma yāthāvato atthassa gahitattā. Asabhāvaniruttibhāvato byañjanato nānattanti taṃ liṅgabhedena vacanabhedena ca dassento “**satipaṭṭhānoti vā satipaṭṭhānāti vā micchā ropethā**”ti āha. **Appamattakanti** aṇumattaṃ sallahukaṃ, na garutaraṃ adhanitaṃ katvā vattabbampi **dhanitaṃ** ghosavantaṃ **katvā ropite** vuttadosābhāvototi. Tenāha “**nibbutiṃ pattuṃ sakkā hoti**”ti.

Byañjanassa micchāropanaṃ na visesantarāyakaraṃ hotīti nāpanatthaṃ **catūsu maggesu pañhaṃ kathetvāva parinibbuto. Suttantabyañjanaṃ sandhāyetaṃ vuttaṃ** “appamattakaṃ kho panā”ti.

38. **Atha catutthavāre vivādo kasmā jāto?** Yāvataṃ nesaṃ vacanaṃ atthato ceva sameti byañjanato cāti adhippāyo. **Saññāya vivādoti** kiñcāpi sameti atthato ceva byañjanato ca, saññā pana nesaṃ avisuddhā, tāya saññāya vasena vivādo jātoti dassento “**ahan**”ti-ādimāha. Ahaṃ satipaṭṭhānanti vādāmi, ayaṃ satipaṭṭhānoti vadatīti evaṃ tesam nāṇaṃ hotīti imamatthaṃ “**eseva nayo**”ti iminā atidisati.

39. **Na codanattāya vegāyitabbanti** sīghaṃ sīghaṃ na codanā kātabbāti attho. **Tasmāti** yasmā ekacco kodhanabhāvena evaṃ paṭipphari, tasmā. **Anādānadiṭṭhīti** ādiyivā anabhinivisanato anādānadiṭṭhī adalḥaggāhī. **Pakkhipanto viyāti** gilitvā pakkhipanto viya.

Upaghātoti cittappaghāto pharasupaghāto viya. **Vaṇaghaṭṭitassa viyāti** vaṇe ghaṭṭitassa viya **dukkhuppatti** cittadukkhuppatti. **Dve vāre vatvāpi vissajjetīti** suppaṭinissaggī evaṃ pageva coditamatte vissajjeti ceti

adhippāyo. Kathanavasena ca **kāyacittakilamatho**. **Evarūpoti** sahasā avissajjentena codakassa vihesāvādo hutvāpi akkodhanādisabhāvo.

Upekkhāti sakena kammena paññāyissatīti tasmim̐ puggale ajjhupekkhaṇā. **Upekkham̐ atimaññati nāma** tassa anācārassa anajjhupekkhaṇato.

40. **Vacanasañcāroti** pesuññavasena aññathāvacanusamhāro. **Diṭṭhipaḷāsoti** yugaggāhavasena laddhi. Sā pana **cittassa anārādhanīyabhāvo** sathucittassa anārādhakabhāvo. **Kalahoti** adhikaraṇuppadavasena pavatto viggaho bhaṇḍanassa pubbabhāgo.

Yena kāraṇenāti yena dhammena satthusāsanena. Temeva hi sandhāya vadati “**dhammoti sāraṇīyadhammo adhippeto**”ti. **Etthāti** “dhammassa cānudhamman”ti ettha. **Dhammoti** sambuddhassa tassa tathā pavattam̐ byakaraṇam̐ yathā vivādāpannā saññattim̐ gacchanti. Tenāha “**tesam̐ bhikkhūnam̐ saññattikaraṇam̐**”ti. Tadeva byākaraṇam̐ anudhammoti bhikkhunā vuccamāno anupavatto dhammo. Tenāha “**tadeva byākaroti nāmā**”ti. **Kocīti** yo koci. **Sahadhammiko** sakāraṇo. Aññattho ayam̐ kimsaddoti āha “**añño**”ti. **Assāti** vuttanayena paṭipannabhikkhuno, tassa paṭipatti na kenaci garaṇīyā hotīti attho. Sesam̐ sabbam̐ suviññeyyameva.

Kintisuttavaṇṇanāya līnatthappakāsanā samattā.

4. Sāmagāmasuttavaṇṇanā

41. **Dvedhikajātāti** jātadvedhikā¹ sañjātabhedā. **Dvejjhajātāti** duvidhabhāvam̐ pattā. Bhaṇṭhanti paribhāsanti etenāti **bhaṇḍanam̐**, viruddhacittatā. **Tanti** bhaṇḍanam̐. **Dhammavinayanti** pāvacanam̐. **Vitujjantā** mukhasattīhi. **Sahitam̐ meti** mayham̐ vacanam̐ sahitam̐ siliṭṭham̐ pubbāparasambandham̐ atthayuttam̐.

1. Dveḷhakajātāti jātadveḷhakā (Ka)

Tenāha “**atthasamhitan**”ti. **Adhiciṇṇanti** āciṇṇam. **Viparāvattanti** virodhadassanavasena parāvattitam, parāvattam dūsitanti attho. Tenāha “**cirakālavasena -pa- nivattan**”ti. **Pariyesamāno cara**, tattha tattha gantvā sikkhāhīti attho. **Sace sakkosi**, idānimeva mayā veṭṭitadosam nibbeṭṭhehi. **Maraṇamevāti** aññamaññaghātavasena maraṇameva.

Nāṭaputtassa imeti **nāṭaputtiyā**. Te pana tassa sissāti āha “**antevāsikesū**”ti. Purimapaṭipattito paṭinivattanam paṭivānam, tam rūpaṃ sabhāvo etesanti **paṭivānarūpā**. Tenāha “**nivattanasabhāvā**”ti. **Kathanam** atthassa ācikkhanam. **Pavedanam** tassa hetudāharaṇāni āharitvā bodhanam. Na upasamāya samvattatīti anupasamasamvattanam, tadeva **anupasamasamvattanikam**, tasmim. Samussitam hutvā paṭiṭṭhāhetubhāvato **thūpaṃ** paṭiṭṭhāti āha “**bhinnathūpeti bhinnapaṭiṭṭhe**”ti. **Thūpoti** vā dhammassa niyyānabhāvo veditabbo aññadhamme abhibhuyya samussitaṭṭhena. **So** nigaṇṭhassa samaye kehici bhinnasammatopi **bhinno** vinaṭṭhoyeva sabbena sabbam bhāvatoti bhinnathūpo. So eva niyyānabhāvo vaṭṭadukkhato muccitukāmānam paṭisaraṇam, tam ettha natthīti appaṭisaraṇo, tasmim **bhinnathūpe appaṭisaraṇeti** evamettha attho veditabbo.

Ācariyappamāṇanti ācariyamutṭhi hutvā pamāṇabhūtam. **Nānānihārenāti** nānākārena. “Vivādo na uppajji”ti vatvā tassa anuppattikāraṇam dassento “**satthā hi -pa- avivādakāraṇam katvāva parinibbāyī**”ti vatvā tam vivaritum “**bagavatā hī**”ti-ādi vuttam. **Paṭiṭṭhā ca avassayo ca** “ayaṃ dhammo ayaṃ vinayo idaṃ satthusāsanam”ti vinicchayane mahāpadesā, pañhabyākaraṇāni ca, yasmā tesu paṭiṭṭhāya te avassāya dhammavinayadharā ca nicchayam gacchanti. Tathā hi suttantamahāpadesato vinaye kenaci pucchito attho catunnam pañhabyākaraṇānam vasena suvinicchitarūpo, tasmā dhammavinayo idha satthu kiccam kātum sakkotīti āha “**tenevā**”ti-ādi, tasmā uḷārāya desanāya bhājananti adhippāyo.

42. Paṭipaviṭṭham katvā¹ āharitabbato, saccam kāritabbato pāhatam mūlanti āha “**kathāpābhatan**”ti, dhammakathāya mūlakāraṇanti attho.

1. Paṭiviṭṭham gantvā (Ka)

Yesam̄ vasena vivādo uppanno, teyeva adhammavādino, tesam̄ tāva so ahitāya dukkhāya samvattatu, tato aññesam̄ deva manussānam̄ kathanti codanā. Paramparāya samkilesavatthubhāvatoti parihāro. Tenāha “kosambakakkhandhake viyā”ti-ādi.

43. **Abhiññā desitāti** abhivisiṭṭhāya paññāya jānitvā bodhitā.

Patissayamānarūpāti apadissa patissayamānā¹ garukavasena nissayamānasabhāvā. Tenāha “**upanissāya viharanti**”ti, garutaram̄ nissayam̄ katvā viharanti attho. **Parivāre paññattānīti** “ājīvahetu ājīvakāraṇā”ti evam̄ niddhāretvā Parivārapāḷiyam̄² asaṅkaravasena ṭhapitāni. “Evañca pana bhikkhave imam̄ sikkhāpadaṃ uddiseyyā”ti³ vibhaṅgapāṭhavaseneva hi tāni bagavatā paññattāni. **Tāni ṭhapetvā sesāni sabbasikkhāpadāni adhipātīmokkham̄ nāmāti** idam̄ gobalībaddaṇāyena vuttanti daṭṭhabbam̄ tesampi adhipātīmokkhabhāvato.

Tatrāyam̄ nayoti tasmiṃ suppajahanāya appamattakabhāve ayam̄ vakkhamāno. **Tānīti** paṇītabhojanāni. **Yo kocīti** bhikkhu vā bhikkhunī vā. **Dukkaṭavatthukanti yam̄ kiñci** dukkaṭāpattivatthukam̄. **Tenāti** suppajahanabhāvena mūlāpattivītikkamassa aṇumattatāya.

Pubbabhāgamagganti lokiyamaggam̄. **Tatrāti** tasmiṃ pubbabhāgamaggam̄ nissāya vivāduppāde. **Obhāsaññanti** obhāsassa uppattihetubhūtam̄ ñāṇam̄. Tattha pana so maggasaññibhāvena maggo ca catubbidhoti sutattā “**paṭhamamaggo nāmā**”ti-ādimāha. **Evanti** evam̄ asandiddham̄ aparisaṅkitam̄ pariccattam̄ katvā kammaṭṭhānam̄ kathetum̄ na sakkoti.

Cetiyam̄ na diṭṭhanti tassa katarṃ thūpaṃ vadati. Nindiye puthujjanabhāve ṭhitam̄ pāsamsam̄ ariyabhāvam̄ āropetvā tam̄ micchāladdhim̄ abhinivissa paggayha voharaṇato **saggopi maggopi vāritoyevāti**. Vuttam̄ hetam̄—

“Yo nindiyam̄ pasamsati, tam̄ vā nindati yo pasamsiyo.

Vicināti mukhena so kalim̄, kalinā tena sukham̄ na vindati”ti⁴.

1. Asadisapatissāyamānā (Ka) 2. Vi 5. 258 piṭṭhe. 3. Vi 1. 24, 26, 28 piṭṭhādīsu.

4. Khu 1. 381; Sam̄ 1. 151, 154; Am̄ 1. 319; Khu 10. 111 piṭṭhesu.

“Khaṇeneva arahattaṃ pāpuṇitum samatthakammaṭṭhānakathaṃ ācikkhissāmī”ti hi iminā tattha kohaññampi dissati, itaresu pana vattabbameva natthi. **Uppāṭetvā**ti uddharitvā. “Atha te bhikkhū”ti-ādi **sesaṃ** nāma. “Amataṃ te paribhuñjanti, ye kāyagatāsatiṃ paribhuñjanti”ti¹ vacanaṃ duggahitaṃ gaṇhāpetvā **“ettāvata vo amataṃ paribhuttaṃ nāma bhavissati”**ti āha.

44. **Evanti** ākāralakkhaṇametaṃ, na ākāraniyamaṇaṃ. Tena imināva kāraṇena ca yo vivādo uppajjeyyāti vuttaṃ hoti. Garusmiṃ garūti pavattaṃ cittaṃ garuvisayattā taṃsahacaritattā garu, tassa bhāvo gāraṇaṃ, garukaraṇaṃ, taṃ ettha natthīti **agāraṇo**. Tenāha **“gāravavirahito”**ti. Garussa gāravavasena patissayanaṃ patissoti vuccati nīcavuttitā, tappaṭipakkhato **appatissoti** āha **“appatissayo anīcavuttī”**ti. Ettha yathāyaṃ puggalo satthari agāraṇo nāma hoti, taṃ dassetuṃ **“ettha panā”**ti-ādi vuttaṃ. Tattha **tīsu kālesu upaṭṭhānaṃ na yātī**ti-ādi samudāyakittana-anavasesadassanaṃ, avayavato pana agāraṇasiddhi yathā taṃ sāmāññato sikkhāpadasamādānaṃ tabbiseso bhedo. Esa nayo sesesupi.

Sakkaccaṃ na gacchatīti ādaravasena na gacchati. **Samghe katoyeva hoti** saṃghapariyāpannattā tassa, yathā saṃghaṃ uddissa dinnam ekena bhikkhunā paṭiggahitaṃ saṃghassa dinnameva hoti. **Aparipūrayamānova** sikkhāya agāraṇo. Tenāha bagavā **“sikkhāya na paripūrakārī”**ti². Attano parisāya uppannaṃ vivādāmūlaṃ visesato attanā vūpasametabbato attano ca anattāhāvahato **“ajjhattan”**tveva vuttaṃ. Esa nayo **bahiddhāti** etthāpi.

46. **Chatṭhānānī**ti chamūlāni. Yathā samanavasena samathānaṃ vivādādāsiu adhikattubhāvo, evaṃ vivādādānaṃ tehi adhikatabbatāpīti āha **“vūpasamanatthāya -pa- adhikaraṇānī”**ti. Tena adhikaraṇasaddassa kammattataṃ āha. Samathā vā samanavasena adhikarīyanti etthāti **adhikaraṇāni**, vivādādayo.

1. Am 1. 47 piṭṭhe.

2. Ma 2. 102 piṭṭhe.

Vivādo uppannamattova hutvā parato kakkhaḷatthāya saṁvattanato yaṁ vatthuṁ nissāya paṭhamāṁ uppanno vivādānusārena mūlakāṁ viya anubandharogo tameva tadaññaṁ vā vatthuṁ katvā pavaḍḍhanto vivādādhikaraṇaṁ patvā upari vaḍḍhati nāma, anuvādāpattikiccādhikaraṇaṁ patvā vivādassa ca vaḍḍhanaṁ pākaṭameva. Tena vuttaṁ “**cattāri adhikaraṇāni patvā upari vaḍḍhanto so vivādo**”ti. **Uppannānaṁ uppannānanti**¹ uṭṭhitānaṁ uṭṭhitānaṁ. **Samathatthanti** samanattham.

Aṭṭhārasahi vatthūhi lakkhaṇavacanametam yathā “yadi me byādhi dāheyyum, dātabbamidamosadhan”ti², tasmā tesu aññatarena vivadantā “aṭṭhārasahi vatthūhi vivadanti”ti vuccanti. **Upavadanāti** akkoso. **Codanāti** anuyogo.

Adhikaraṇassa sammukhāva vinayanato **sammukhāvinayo**. Sannipatitaparisaṅgāya dhammavādīnaṁ yebhuyyatāya yebhuyyasikakamassa karaṇaṁ **yebhuyyasikā**. **Kāraṇasamāgāhassa sāmaggivasena sammukhībhāvo**, na yathā tathā kāraṇapuggalānaṁ sammukhatāmatam. **Bhūtatāti** tacchatā. Saccapariyāyo hi idha dhamma-saddo “dhammavādī”ti-ādīsu³ viya. Vineti etenāti vinayo, tassa tassa adhikaraṇassa vūpasamāya bagavatā vuttavidhi, tassa vinayassa sammukhatā **vinayasammukhatā**. Vivādavatthusankhāte atthe paccatthikā atthapaccatthikā, tesam **atthapaccatthikānaṁ**. **Samāgāhasammukhatā parihāyati** sammatapuggaleheva vūpasamanato.

Nanti vivādādhikaraṇaṁ. “Na chandāgatiṁ gacchatī”ti-ādīna⁴ vuttaṁ **pañcaṅgasamānāgataṁ**. Guḷhakādīsu alajjussannāya parisāya guḷhako **salākaggāho** kātabbo, lajjussannāya **vivaṭako**, bālussannāya **sakaṇṇajappako**. Yassā kiriyāya dhammavādīno bahutarā, sā yebhuyyasikāti āha “**dhammavādīnaṁ yebhuyyatāyā**”ti-ādī.

Evaṁ vinicchitanti āpattiṁ dassetvā ropanavasena vinicchitam, paṭikammaṁ pana āpattādhikaraṇasamathe parato āgamissati. Na samaṇasārappaṁ **assāmaṇakam**, samaṇehi akātabbam, tasmim. **Ajjhācāre** vītikkame sati.

1. Dī-Ṭī 3. 260 piṭṭhādīsupi passitabban.

2. Saṁ-Ṭī 2. 218; Sārattā-Ṭī 2. 354; Kaṅkhā-Ṭī 445 piṭṭhesupi.

3. Dī 1. 4, 60 piṭṭhesu.

4. Vi 5. 295, 296 piṭṭhesu.

Paṭīcaratoti paṭicchādentassa. Pāpussannatāya pāpiyo, puggalo, tassa kātabbakammaṃ **tassapāpiyasikaṃ**.

Sammukhāvinayeneva vūpasamo natthi paṭiññāya, tathārūpāya khantiyā vā vinā avūpasamanato. **Etthāti** āpattidesanāyaṃ. Paṭiññāte āpannabhāvādike karaṇakiriya “āyatim saṃvareyyāsi”ti, parivāsadānādivasena ca pavattaṃ vacīkammaṃ **paṭiññātakaraṇaṃ**.

Yathānurūpanti “dvīhi catūhi tīhi ekenā”ti evaṃ vuttanayena yathā nurūpaṃ. **Etthāti** imasmim̐ sutte, etasmim̐ vā samathavicāre. **Vinicchayanayoti** vinicchaye nayamattaṃ. Tenāha “**vitthāro panā**”ti-ādi.

47. **Saṅkhepatova vutto**, na samathakkhandhake¹ viya vitthārato. **Tathāti** iminā “dhammā”ti padaṃ ākaḍḍhati, ettha **iti**-saddo ādi-attho, evamādinā iminā pakārenāti vāti vuttaṃ hoti. Bodhipakkhiyadhammānaṃ ekantānavajjabhāvato natthi adhammabhāvo, bagavato desitākāraṃ hāpetvā vaḍḍhetvā vā kathanāṃ yathādhammaṃ akatanti katvā adhammabhāvoti dassento āha “**tayo satipaṭṭhānā**”ti-ādi.

Niyyānikanti sapāṭihīraṃ appaṭivānaṃ² hutvā pavattati. **Tathevāti** iminā “evaṃ amhākan”ti-ādinā vuttamatthaṃ ākaḍḍhati. **Bhūtena -pa-kātabbakammaṃ dhammo nāma** yathādhammaṃ karaṇato, vuttavipariyāyato ito paraṃ **adhammo**. **Ayaṃ vinayo nāma** rāgādīnaṃ saṃvaraṇato pahānato paṭisaṅkhānato ca, **ayaṃ avinayo nāma** rāgādīnaṃ avinayanato. **Ayaṃ vinayo nāma** yathāvinayakaraṇato, vuttavipariyāyena itaro **avinayo**. Vatthusampatti-ādinā eva sabbesaṃ vinayakammānaṃ akuppatāti āha “**vatthusampatti -pa- ayaṃ vinayo nāmā**”ti, tappaṭipakkhato avinayo veditabbo. Tenāha “**vatthuvipattī**”ti-ādi.

Sammāpaṭipattiyā nayanaṭṭhena yathāvutto dhammo eva netti, tato eva sattassa viya rajju asithilapavattihetutāya **dhammarajjūti** attho vutto. Suttantapariyāyena tāva dasa kusalakammaphā dhammoti evaṃ vuttā, sā eva vā hotu dhammanetti, yo idha imissā vaṇṇanāya “chattimsabodhipakkhiyadhammā”ti-ādinā dhammena ca vinayena ca vutto, so

1. Vi 4. 188 piṭṭhe.

2. Appaṭihīnaṃ (Ka)

eva vā dhammanetti hotūti ānetvā yojanā. **Tāya dhammanettiyā sameti** tāya yathāvuttāya dhammanettiyā saṃsandati, ekalakkhaṇameva hotīti attho. Evaṃ vivādavatthubhūto dhammo ce “dhammo”ti, adhammo ce “adhammo”ti, vinayo ce “vinayo”ti, avinayo ce “avinayo”ti nicchinantena **ekaccānaṃ vivādādhikaraṇameva dassitaṃ** tassa vūpasamadhammānaṃ apariyosāpitattā.

48. **Taṃ panetanti** vivādādhikaraṇaṃ paccāmasati. **Vāre** atthasaṃvaṇṇanāvāsena **pattepi**. **Dvīhīti** yasmim āvāse vivādādhikaraṇaṃ uppannaṃ, tattha vāsīhi **dvīhipi** bhikkhūhi **atirekatarā**.

49. **Khandhasāmantanti** āpattikkhandhabhāvena samīpaṃ. **Āpattisāmantaṃ nāma** pubbhāgā āpajjitabba-āpatti. Methunarāgavasena kāyasāṃsagge dukkaṭassa vatthūti āha “**paṭhamapārājikassa pubbhāge dukkaṭaṃ**”ti. **Sesānaṃ** tiṇṇaṃ pārājikānaṃ pubbhāge thullaccayameva.

50. **Parikkamitvā** upakkamitvā. **Āpattādhikaraṇaṃ dassitaṃ** tattheva visesato paṭiññāya kāretabbatāya icchitabbattā.

52. **Kamassa vatthu dassitaṃ**, na samathoti adhippāyo. Nanu cāyaṃ samathādhikāroti? Saccāṃ, samathassa pana kāraṇe dassite samatho dassitova hotīti dassetuṃ “**evarūpassa hī**”ti-ādi vuttaṃ.

53. **Idaṃ kamanti** “idaṃ amhākaṃ bhaṇḍanaajātānaṃ”ti-ādinā vuttakammaṃ. **Tiṇavatthārakasadisattāti** taṃsadisatāya tabbohāroti dasseti yathā “esa brahmadatto”ti. **Ākāramattameva** tiṇavatthārakakammaṃ nāma, na pana tassa sabbaso karaṇavidhānaṃ. Tenāha “**khandhake**”ti-ādi. **Gihīnaṃ hīnena khusānambhanaṃ** yathā “tilasaṃguḷikā natthī”ti. **Dhammikapaṭissavesu** visāmvādanavasena **āpannā āpatti**. **Assāti** kiccādhikaraṇassa. **Sammukhāvinayeneva vūpasamo** saṃghasammukhatādināva vūpasamanato.

54. **Sotāpattiphalasaccikiriyavacanato kosambiyasutte**¹ **sotāpattimaggasammādiṭṭhi kathitā**, idha pana “diṭṭhisāmaññagato

1. Ma 1. 397 piṭṭhe.

viharati”ccheva vuttatā **“imasmiṃ sutte sotāpattiṃ phalāsammādiṭṭhi vuttāti veditabbā”**ti vuttaṃ. Pāpakammaṃ appatā mahantatā sāvajjabhāvassa mudutikkhabhāvena veditabbāti āha **“aṇunti appasāvajjam. Thūlanti mahāsāvajjam”**ti. Sesam suviññeyyameva.

Sāmagāmasuttavaṇṇanāya līnatthappakāsanā samattā.

5. Sunakkhattasuttavaṇṇanā

55. Heṭṭhimamaggehi nātamariyādāya pajānanato **aññā**, maggapaññā. Tassa phalabhāvato aggaphalapaññā, taṃsahagatā sammāsaṅkappādayo ca **“aññā”**ti vuttāti āha **“aññāti arahattan”**ti. **Catūhi padehi kathitā**, “pariciṇṇā me bagavā”ti-ādīsū viya na ekapadeneva. “Lokuttaro dhammo adhigato mayā”ti maññanāmettaṃ adhimānoti dassento **“appatte pattasaññino”**ti-ādīmāha.

56. **Idam thānanti** idam obhāsādisammutihetubhūtam uḷārataram udayabbayaññam. Uḷāratarabhāvena hi tam maggaphalapaññāya paccayo hutvā yāthāvato dubbhiññeyyatāya vipassakam visamvādeti. Tenāha **“avibhūtam andhakāraṇam”**ti. **Imam pañhanti** imam suttam gambhīram lokuttarapaṭisaṃyuttam attanā nātum icchitam attham. **Uggahetvāti** kevalam piṭakasampādanavaseneva uggaṇhitvā. Tenāha **“ajānitvā”**ti. **Visevamānāti** kilesavise avamānentā, sāsanassa vā anupakāravirūpapaccaye sevamānā. **Evamassāti** evam vuttanayena tesam karaṇahetu assa cittassa dhammadesanāvasena pavattassa. **Aññathābhāvo** adesetukāmatā **hoti**. **Tanti** yathāvuttamattham **sandhāya**. **Etanti** “tassapi hoti aññatathan”ti evam vuttam.

58. Kilesehi āmasīyatīti āmisam, loke pariyāpannam āmisanti idha pañca kāmaguṇā adhippetāti tesu vaṭṭāmisabhāvepi labhite kāmāmisabhāvo siddhoti āha **“vaṭṭāmisakāmā misalokāmisabhūtesū”**ti. Kāmaguṇā hi vaṭṭassa vaḍḍhanato vaṭṭāmisam, kāmatabbato kāmataṇhāya āmasitabbato kāmāmisam, yebhuyyato sattalokassa

āmisabhāvato lokāmisam. **Kāmaguṇasabhāgā**ti kāmaguṇānulomā kāmaguṇapaṭisaṃyuttā. **Āneñjasamāpattipaṭisaṃyuttāyā**ti kilesiñjanarahitatāya idha āneñjāti adhippetāhi heṭṭhimāhi arūpasamāpattīhi paṭisaṃyuttāya. **Evarūpoti** lokāmisabhūtesu paccayesu adhimutto tanninno taggaruko tappabbhāro. **Ettāvatāti** evaṃ saddhānaṃ manussānaṃ dassanena tesam pavattitāsayena ca. **Sīsam nikkhantaṃ hotīti** lābhāsāya sīsam bahi nikkhantaṃ viya hoti. **Udaram phalitaṃ**¹ atibahubhaṇḍaṃ pakkhipiyamānaṃ pasibbakaṃ viya laddhabbassa atipahūtabhāvena udaram phītaṃ hoti.

59. Yathā purimā dve arūpasamāpattiyo attano paccanīkakilesehi aniñjanato “aniñjā”ti vuccanti, evaṃ itarāpi. **Tam pavuttanti** lokāmisasāmyojanaṃ vigataṃ.

60. **Nighmsanti** “ettako ayan”ti paricchanti attho. **Silesenāti** cammakārasilesādisilesena, vajiralepasilese vattabbameva natthi. **Tam bhinnanti** āneñjasāmyojanaṃ bhinnaṃ vidhamitaṃ samatikkantaṃ tāsū samāpattīsū apekkhābhāvato. Ajjhāsāyena asambaddhattāvuttaṃ “**dvedhābhinnā selā viya hotī**”ti. Tenāha “**tam samāpajjissāmīti cittaṃ na uppajjati**”ti.

61. **Vantanti** chaḍḍitaṃ, vissaṭṭhanti attho.

62. **Uparisamāpattilābhinoti** ettha **uparisamāpattī** arahattaphalasalāpatti adhippetā, arahato ca maggādhigameneva anāgāmiphalasamāpatti, sekkhānaṃ visayā heṭṭhimā phalasalāpattiyo paṭippassaddhā. Lokiyā pana nikantippahānena paṭinissaṭṭhāti āha “**heṭṭhā -pa- na uppajjati**”ti.

63. “Pañca kho ime sunakkhatta kāmaguṇā”ti-ādinā āraddhadesanā “sammā nibbānādhimutto purisapuggalo”ti arahattakittanena niṭṭhāpitāti tato paraṃ “**ṭhānaṃ kho panā**”ti-ādikā desanā “**pāṭiyekko**

1. Phālitaṃ (Aṭṭhakathāyaṃ.)

anusandhī”ti vuttā. Tenāha “**heṭṭhā hī**”ti-ādi. Tattha yathā khīṇāsavassa samāpattilābhinoti yojanā, evaṃ vā khīṇāsavassa sukkhavipassakassāti yojetabbā. **Paṭikkhittam** aṭṭhakathāyaṃ. Tassa paṭikkhepassa kāraṇaṃ dassetuṃ “**samāpattilābhino hī**”ti-ādi vuttam. Yathā sukkhavipassako adhimāniko samāpattilābhino samānayogakkhamo appatte pattasaññitāya bhedābhāvato, evaṃ sukkhavipassako khīṇāsavo samānayogakkhamo khīṇāsavabhāvena visesābhāvato, tasmā “samāpattilābhimhi kathite itaropi kathitova hotī”ti vuttam. **Dvinnam bhikkhūnanti** samāpattilābhino adhimānikassa khīṇāsavassa ca. Tenevāha “**puthujjanassa tāvā**”ti-ādi.

Yadaggenāti yena bhāgena. Yadi pi khīṇāsavassa asappāyārammaṇaṃ kilesānaṃ uppattiyā paccayo na hoti tesam sabbaso samucchinnattā. Santavihāraparipantho pana siyā visabhāgatoti vuttam “**khīṇāsavassapi asappāyamevā**”ti. Tenāha “**visam nāma -pa- visamevā**”ti. Etena “yathā visajānanaṃ appamāṇaṃ, vikāruppādanato pana taṃ pariharitabbaṃ, evaṃ pariññātampi vatthu atthavisesābhāvena ekarūpamevāti taṃ pariharitabbamevā”ti dasseti. Tenāha “**na hī**”ti-ādi. **Na hi asamvutena bhavitabbaṃ** asārubbabhāvato. **Yuttapayuttenevāti** sabhāgārammaṇassa ālokanādīsu yutteneva **bhavitum vaṭṭati**.

64. Yattha sayam nipatati uppajjati, tassa santānassa vipasannavasena ruppanato, visasankhātassa dukkhassa mūlabhāvato ca “**avijjāsankhāto visadoso**”ti vuttam. **Ruppatīti** kattabbādimumucchāpādanena vikāraṃ uppādeti. **Anuddhariseyyāti** vibādheyya. Rāgo hi uppajjamānova kusalacittappavattiyā okāsaṃ adento taṃ vibādhati, tathābhūto saddhāsinehassa samathavipassanābhivuḍḍhiyā vamaṇena ca taṃ visoseti milāpeti. Tenāha “**soseyya milāpeyyā**”ti. **Sagahaṇasesanti** gahetabbavisam sāvasesam katvāti attho. Na alaṃ na samatthanti **analaṃ**. Sūkapariyāyo pāḷiyam vutto **suka-**saddoti āha “**vīhisukādi ca sūkan**”ti.

Sa-upādānasalluddhāro viya appahīno avijjāvisadoso daṭṭhabbo mahānatthuppādanato. **Asappāya -pa- asaṃvutakālo daṭṭhabbo** attabhāvassa apariharaṇabhāvato. **Maraṇaṃ viya sikkhaṃ paccakkhāya hīnāyāvattanaṃ** adhisīlasaṅkhātassa āyuno apetattā. **Maraṇamattaṃ dukkhaṃ viya āpattiyā āpajjanaṃ** yathāvuttassa āyuno upapīlanakabhāvato. **Imināva nayena opammasaṃsandananti** ettha anupādisesasalluddhāro viya pahīno avijjāvisadoso, sappāya -pa- susaṃvutakālo, tadubhayena vaṇe puthuttaṃ na gate maraṇābhāvo viya sikkhāya apaccakkhānaṃ, maraṇamattadukkhabhāvo viya aññatarāya saṃkiliṭṭhāya āpattiyā anāpajjananti yojanā veditabbā.

65. **Satiyāti** ettha yasmā “ariyāyā”ti na visesitanti āha “**sati paññāgatikā**”ti-ādi. Paññā cettha lokiyā adhippetā, na lokuttarāti āha “**parisuddhāya vipassanāpaññāyā**”ti.

Khīṇāsavassa balanti uḷāratamesu dibbasadisesupi ārammaṇesu manacchaṭṭhānaṃ indriyānaṃ anupanamanahetubhūtaṃ susaṃvutakārisaṅkhātaṃ khīṇāsavabalaṃ dassento “**samvutakāri**”ti vuttaṃ, ukkaṃsagatasativepullattā yathā asaṃvarassa asaṃvaro hoti, evaṃ satisampajaññabalena cakkhādīdvārāni saṃvaritvā dassanādikiccakārī. **Evaṃ jānitvāti** “upadhi dukkhassa mūlan”ti evaṃ vipassanāpaññāsahitāya maggapaññāya jānitvā. Upadhīyati dukkhaṃ etehīti upadhī, kilesāti āha “**kilesupadhipahānā nirupadhī**”ti. Tato eva upādīyati dukkhaṃ etehīti kilesā “upādānā”tipi vuccantīti āha “**nirupādānoti attho**”ti. Upadhī sammadeva khīyanti etthāti **upadhisaṅkhayo**, nibbānanti āha “**upadhīnaṃ saṅkhayabhūte nibbāne**”ti. **Ārammaṇatoti** ārammaṇaṃ katvā tadārammaṇāya phalavimuttiyā **vimutto**. **Kāmupadhismim kāyaṃ upasaṃharissatīti** “kāme sevissāmī”ti tathā kāyaṃ upanāmessati, kāyūpasamhāro tāva tiṭṭhatu, tathā cittaṃ vā uppādessatīti etaṃ kāraṇaṃ natthīti. Sesam suviññeyyameva.

Sunakkhattasuttavaṇṇanāya līnatthappakāsanā samattā.

6. Āneñjasappāyasuttavaṇṇanā

66. Khaṇapabhaṅgutāya na niccā na dhuvāti **aniccā**. Tato eva paṇḍitehi na iccā na upagantabbāti **aniccā**. So cāyaṃ aniccatho udayavayaparicchinnatāya veditabboti dassento **“hutvā abhāvatt̥hena aniccā”**ti āha, uppajjitvā vinassanatoti attho. Ayañca aniccataṃ vakkhamānā ca tucchādītā dvinnampi kāmānaṃ sādharmaṇoti āha **“vatthukāmāpi kilesakāmāpi”**ti. **Rittā** vivittā, tesāṃ niccasārādīnaṃ attani abhāvato tehi visumbhūtā. Yathā pana sabbaso sabhāvarahitamākāsaṃ “tucchāṃ rittā”ti vuccati, na evamete. Ete pana kevalaṃ niccasārādivirahato eva tucchā rittāti dassento **“na panā”**ti-ādīmāha. “Na hi tucchamuṭṭhi nāma natthī”ti idaṃ lokasamaññāvasena vuttaṃ, lokasamaññā lokiyakathā na laṅghitabbā.

Musāti ittarapaccupaṭṭhānatāya na dissatīti āha **“musāti nāsanakā”**ti. Visamvādanaṭṭhena vā **musā**. Ete hi asubhādisabhāvāpi bālānaṃ subhādibhāvena upaṭṭhahantā subhādiggahaṇassa paccakkhabhāvena satte visamvādenti. **Nassanasabhāvāti** khaṇapabhaṅgattā ittarapaccupaṭṭhānatāya dissamānā viyapi hutvā apaññāyanakapakatikā. Tenāha **“khettaṃ viyā”**ti-ādi. Dhamma-saddo cettha “jātidhammānaṃ”ti-ādīsu¹ viya pakatipariyāyo, tathā sabhāvasaddo cāti daṭṭhabbaṃ. **Mosadhammoti** mosanapakatikā, kusalabhaṅḍaharaṇasabhāvāti attho. **Māyākatanti** māyāya kataṃ udakādimaṇi-ādi-ākārena māyādinā upaṭṭhāpitaṃ, māyākataṃ viya māyākataṃ aññasabhāvā hutvā atathā upaṭṭhahanatā. Tenāha **“yathā”**ti-ādi. Cakkhupathe eva katavijjāya, na tato paranti vuttaṃ **“dassanūpacāre t̥hitasseva tathā paññāyati”**ti. Tayidaṃ sambaravijjāvasena vuttaṃ.

Evam tāvakālikabhāvena kāmānaṃ māyākatabhāvaṃ dassetvā idāni tato aññenapi pakārena dassetuṃ **“yathā cā”**ti-ādi vuttaṃ. Aniccādisabhāvānaṃ kāmānaṃ niccādisabhāvadassanaṃ vipallāsasahagatatāya veditabbaṃ. **Bālānaṃ lāpanatoti** apariññātavatthukānaṃ andhabālānaṃ puggalānaṃ vipallāsahetuto. Manussaloke

1. Dī 2. 245 piṭṭhe.

ṭhatvā manussānaṃ vā vasena bagavatā bhāsittā vuttaṃ **“diṭṭhadhammikā kāmāti mānusakā pañca kāmaguṇā”**ti. Tato eva ca **“samparāyikāti te ṭhapetvā avasesā”**ti-ādi vuttaṃ. Tattha diṭṭhadhammā paccakkhabhāvā ārammaṇabhūtā etāsaṃ atthīti **diṭṭhadhammikā**. Samparāyike kāme ārabba uppannasaññā **samparāyikā**. Te samecca dhīyati ettha āṇāti dheyyaṃ, āṇāpavattiṭṭhānaṃ. Mārassa dheyanti **māradheyyaṃ** tasa issariyapavattanattā. Tenāha **“yehī”**ti-ādi. **Gahitanti** visayavisayībhāvena gahitaṃ, ārammaṇavasena ārammaṇakaraṇavasena ca gahitanti attho. Tattha ārammaṇakaraṇavasena gahaṇaṃ nāma “idaṃ mayhan”ti avibhāgena pariggahakaraṇaṃ, ārammaṇavasena pana gahaṇaṃ bhāgaso ārammaṇānubhavananti vadanti. Ubhayassapi pana taṇhārāgavasena gahaṇaṃ sandhāya **“ubhayametaṃ gahitaṃ”**ti vuttaṃ. **Māroti** kilesamāro. Yadaggena kilesamāro, tadaggena devaputtamāropi te attano vasam vatteti. **Tam sandhāyāti** dhammukhena puggalaggahaṇaṃ sandhāya.

Appahīnavipallāsā hi puggalā kāmādhimuttā mārassa issariyavattanaṭṭhānatāya “māradheyyaṃ”ti vuttā, tathā mārassa nivāpagocarapariyāyehipi te evaṃ vuttāti dassento **“yathā coḷassā”**ti-ādimāha. Nivapatīti nivāpo, so eva bijanti **nivāpabijaṃ**. Teti kāmaguṇā. **Yatthāti** yasmim padese.

Manasi bhavāti **mānasāti** āha **“cittasambhūtā”**ti. Te pana avijjādayo pāḷiyaṃ āgatā. Evaṃ hi lohitasannissayo pubbo viya anurodhūpanissayo virodhoti dassento **“mamāyite vatthusmin”**ti-ādimāha. **Tedhāti**¹ ettha **idhāti** nipātamattaṃ “idhāhaṃ bhikkhave bhuttāpī assaṃ”ti-ādīsu² viya. **Kāmalokanti** kāmaguṇasaṅkhātaṃ saṅkhāralokaṃ, yattha vā loke kāmaguṇavantaṃ lokaṃ. **Cittena adhiṭṭhahitvāti** jhānārammaṇaṃ paṭibhāganimittaṃ bhāvanācittena uppādetvā. **Parittaṃ nāma** vikkhambhana-asamatthattā kilesehi parito khaṇḍitaṃ viya hoti. **Tassa paṭikkhepenāti** parittabhāvapaṭikkhepena. **Pamāṇantipi**

1. Teva (Pāḷiyaṃ Atthakathāyañca.)

2. Ma 1. 16 piṭṭhe.

kāmāvacarameva pāpakānaṃ pamāṇakaraṇadhammānaṃ vikkhambhanavasena appajahanato. Tappaṭikkhepavasena **appamāṇaṃ** nāma mahaggatanti āha “**rūpāvacaraṃ arūpāvacaraṃ**”ti. Samucchedavasena kilesānaṃ appahānena mahaggatajjhānampi subhāvitānaṃ nāma na hoti, pageva parittajjhānanti āha “**subhāvitaṃ -pa-** lokuttarassevetānaṃ nāmaṃ”ti. **Etassa vasenāti** “subhāvitaṃ”ti padassa vasena.

Tameva paṭipadanti tameva abhijjhānipahānāvahaṃ jhānapaṭipadaṃ. Arahatte tassa upāyabhūtāya vipassanāya vā catutthajjhāne tassa upāyabhūte upacāre vā sati cittaṃ pasannaṃ eva hotīti āha “**arahattaṃ vā -pa-** upacāraṃ vā”ti. **Adhimokkhasampasādoti** “ajjeva arahattaṃ gaṇhissamī”ti vā vipassanāya vīthipaṭipannatā, “ajjeva catutthajjhānaṃ nibbattessamī”ti vā upacārasamādhinā cittaṃ samāhitatā adhimuccanabhūto sampasādo. **Paṭilābhasampasādoti** arahattassa, catutthajjhānassa vā adhigamasāṅkhāto sampasādo. Paṭilābhopi hi kilesakālusiyābhāvanato cittaṃ suppasannabhāvāvahattā “sampasādo”ti vutto. **Paccayāti** nāmarūpapaccayā avijjādayo. **Sabbathāti** samudayato atthaṅgamato assādato ādīnavato nissaraṇatoti sabbappakārena. **Āsāti** adhimuccanavasena āsīsanā. Tenāha “**āsā santiṭṭhati, adhimokkhaṃ paṭilabhati**”ti.

Pādakanti padaṭṭhānaṃ. **Kilesā sannisīdanti** nīvaraṇasahagatā eva kilesā vikkhambhanavasena vūpasamanti. **Satīti** upacārajjhānāvahā sati **santiṭṭhati**. **Saṅkhāragatanti** bhāvanāya samatāya pavattamānattā ime dhammavicayasambojjhaṅgādayo ekarasā hutvā pavattantīti bhāvanācittuppādapariyāpannaṃ saṅkhāragataṃ **vibhūtaṃ pākaṭaṃ hutvā upaṭṭhāti**. **Cittuppādoti** bhāvanācittuppādo. **Lepapiṇḍeti** silesapiṇḍe **laggamāno viya** appito viya hoti. **Upacārena samādhīyati** upacārajjhānena samādhīyati. **Ayanti** ayaṃ duvidhopi adhimuccanākāro adhimokkhasampasādo nāma. **Tasmim sampasāde satīti** etasmim vipassanālakkaṇe, upacārajjhāne vā adhimokkhasampasāde sati. **Yo pana arahattaṃ vā paṭilabhati catutthajjhānaṃ vā, tassa cittaṃ vipassannaṃ hotiyeva,** ayaṃ nipariyāyato **paṭilābhasampasādo,** evaṃ santepi idhādhippetameva

dassetum **“idha panā”**ti-ādi vuttam. **vipassanā hīti**-ādi vuttassa samatthanam. Tattha **paññāyāti** arahattapaññāya. **Adhimuccanassāti** saddahanam ussukkāpajjanassa. **Upacāranti** upacārajjhānam. Āneñjasamāpattiyā adhimuccanassa kāraṇanti yojanā.

Etarahi vāti idānimeva. **Āneñjam vāti** catutthajjhānam vā. **Samāpajjati** adhigacchati. **Idam hīti**-ādinā saṅkhepato vuttamattham vivarati. Arahattasacchikiriyā nāma aggamaggabhāvanāya sati atthato āpannā hoti, aggamaggapaññā eva tadattham adhimuccitabbāti dassento **“atha vā”**ti vikappantaramāha. Tattha yathā nāma pāsādassa atthāya samānīdadabbasambhāravayave appahonte kūṭāgāram kātum na pahontiyeva, evamsampadamidanti dassento **“tam anabhisambhuṇanto āneñjam vā samāpajjati”**ti āha. **Catusaccam vā sacchikaroti** heṭṭhimamaggādhighamanavasena āneñjam vā samāpajjati ubhayassapi hetupariggahitattā.

Tatrāti tasmim **“paññāya vā adhimuccati, āneñjam vā samāpajjati”**ti yathāvutte visesādhighame ayam idāni vuccamāno yojanānayo. **Evaṃ hotīti** idāni vuccamānākārena cittābhinihāro hoti. **Kiccanti** pabbajitakiccam. **Tatoti** arahattādhighamanato. **Osakkitamānasoti** saṅkucitacitto. **Antarā na tiṭṭhatīti** asamāhitabhūmiyam na tiṭṭhati. Idāni yathāvuttamattham upamāya vibhāvetum **“yathā”**ti-ādi vuttam. Tatrāyam saṅkhepattho—yathā tassa purisassa vanamahimsam ghetum ussāhavato osakkantassa sasagodhādiggahaṇe vattabbameva natthi, evam imassapi bhikkhuno arahattam ghetum ussāhavato tato osakkitvā catutthajjhānasamāpajjane vattabbameva natthīti. **Eseva nayoti** yathāvuttam upamam upamāsaṃsandanaṅca maggabhāvanāyojanāyam catusaccasacchikiriyāyojanāyaṅca atidisati.

Hetu-atthajotano **yanti** nipāto, karaṇe vā etam paccattavacananti āha **“yena kāraṇenā”**ti. Tassa samvattanam arahati, tam vā payojanam etassāti **taṃsamvattanikam**. **Viññāṇanti** vipākaviññāṇam. Āneñjasabhāvaṃ upagacchatīti **āneñjūpagaṃ**. Yathā kusalam āneñjasabhāvaṃ, evam tam vipākaviññāṇampi āneñjasabhāvaṃ upagatam assa bhaveyya. Tenāha **“kādisameva bhaveyyāti attho”**ti. **Kecīti** abhayagirivāsino.

Kusalaviññānti vipākaviññānti taṃ kusalaṃ viya vadanti.
Tannāmakamevāti kusalaṃ viya āneñjanāmakameva siyā. Ettha ca purimavikappe “āneñjūpagan”ti taṃsadisatā vuttā, dutiyavikappe tato eva taṃsamaññatā. **So panāyamatthoti** āneñjasadisatāya vipākakālepi taṃnāmakameva assāti yathāvutto attho. **Iminā nāyenti** iminā vuttanāyena. Ettha hi āneñjābhisāṅkhārahetu vipākaviññānaṃ “āneñjūpagaṃ hoti viññānaṃ”ti vuttattā taṃnāmakameva katvā dīpitaṃ. **Arahattassāpīti** apīsaddena aggamaggabhāvanāyapī¹ heṭṭhimamaggabhāvanāyapīti attho saṅgahitoti daṭṭhabbo. **Samādhivasena osakkanā kathitāti** “vipulena mahagatena cetasā vihareyyan”ti samathanāyaṃ dassetvā desanā kathitā.

67. **Ayaṃ hi bhikkhūti** yaṃ uddissa ayaṃ dutiyāneñjasappāyadesanāya bhikkhu vutto. **Paññavantataroti** vatvā taṃ dassetuṃ “**dvinnampi kammatṭhānaṃ ekato katvā sammāsati**”ti vuttaṃ. Heṭṭhimassa hi “ye ca diṭṭhadhammikā kāmā”ti-ādinā rūpasaddagandharasaphoṭṭhabbāneva rūpamukhena vipassanābhīniveso kato, imassa pana “yaṃ kiñci rūpaṃ”ti-ādinā sakalarūpadhamavasena. Bhagavā hi kammatṭhānaṃ kathento kammatṭhānikassa bhikkhuno kāraṇabalānurūpeva paṭhamāṃ bhāvanābhīnivesaṃ dasseti, so pacchā nāṇe vipulaṃ gacchante anavasesato dhammaṃ pariggaṇhāti. **Rūpapaṭibāhanenāti** rūpavirāgabhāvanāya sabbaso samatikkamena. **Sabbatthāti** sabbesu tatiyāneñjādīsu.

Paññavantataroti paññuttaro. **Tiṇṇampi kammatṭhānaṃ ekato katvāti** kāmagaṇā sabbarūpadhammā kāmasaññāti evaṃ tiṇṇaṃ puggalānaṃ kammatṭhānavasena tidhā vutte sammasanūpagadhamme ekato katvā “sabbametaṃ aniccaṃ”ti ekajjhaṃ gahetvā sammāsati yathā “yaṃ kiñci samudayadhammaṃ, sabbaṃ taṃ nirodhadhammaṃ”ti². Tenāha “**ubhayametaṃ aniccaṃ**”ti-ādi. Kāmarūpasaññāvasena diṭṭhadhammikasamparāyikabhedato aṭṭha ekekakoṭṭhāsāti evaṃ kataṃ ubhayanti vuttanti āha “**diṭṭhadhammika -pa- vasena saṅkhipitvā ubhayanti vuttan**”ti. **Taṇhādiṭṭhivasenāti** taṇhābhīnandanāvasena “etaṃ mama”ti,

1. Aggamaggassa bhāvanāya (Ka)

2. Dī 1. 102; Saṃ 3. 371; Vi 3. 16; Khu 8. 31, 34, 38, 40, 43, 46, 71, 75, 77; Khu 9. 332 piṭṭhesu.

diṭṭhābhinandanāvasena “eso me attā”ti evaṃ **abhinanditum**. **Eseva nayoti** iminā taṇhādiṭṭhivasena “etaṃ mama, eso me attā”ti abhinanditum ajjhosāya gilitvā pariniṭṭhāpetvā ṭhātunti imamatthaṃ atidisati. **Kāmapaṭibāhanenāti** idam āgamanapaṭipadādassanatthaṃ, vaṇṇabhaṇanatthaṃca vuttam.

Rūpapaṭibāhanam hissa āsannaṃ, tatopi ākāśānañcāyatanasamatikkamo, taṃsamatikkamena saheva sabbe tā **vipassanāvasena osakkanā kathitā** “ubhayametam aniccan”ti-ādivacanato.

68. Idha **attano cāti** ākiñcaññāyatanakammaṭṭhānam sandhāyāha. **Nirujjhanti** tappaṭibaddhachandarāganirodhena, samāpajjanakkhaṇe pana anuppādanenapi. Tenāha “**ākiñcaññāyatanam patvā**”ti. **Atappakattthenāti** uḷāratarabhāvena jhānasamāpattiyā atittikarabhāvena. **Tameva paṭipadanti** ākiñcaññāyatanabhāvanamāha. **Samādhivasena osakkanā kathitā** tatiyāruppakammaṭṭhānassa vuttattā “yatthetā”ti-ādinā.

Idha **attanoti** dvikoṭikasusuññatāmanasikārasaṅkhātāṃ vipassanākammaṭṭhānam. **Heṭṭhā vuttapaṭipadanti** anantaram vutta-ākiñcaññāyatanakammaṭṭhānam. Sati samathabhāvanāyāṃ suññatāmanasikārassa idha sātisayattā vuttam “**dutiyaikiñcaññāyatane vipassanāvasena osakkanā kathitā**”ti.

70. Tatiyaikiñcaññāyatane **attanoti** catukoṭikasusuññatāmanasikārasaṅkhātāṃ vipassanākammaṭṭhānam. **Etthāti** etasmiṃ suññatānupassanādhikāre. **Kvacīti** katthaci ṭhāne, kāle, dhamme vā. Atha vā **kvacīti** ajjhataṃ, bahiddhā vā. **Attano attānanti** sakattānam. “Ayaṃ kho bho brahmā -pa- viṣī pitā bhūtabhabyānan”ti-ādinā¹ paraparikappitam attānañca kassaci kiñcanabhūtam na passatīti dassento “**kassaci**”ti-ādimāha. Tattha **parassāti** “parā pajā”ti² “paro puriso”ti ca evaṃ gahitassa. **Na ca mama kvacanīti** ettha **mama-saddo** aṭṭhānapayuttoti āha “**mamasaddam tāva ṭhapetvā**”ti. **Parassa cāti** attato aññassa, “paro puriso nāma atthi mamatthāya sajito³, tassa vasena mayham

1. Dī 1. 17 piṭṭhe.

2. Parajāti (Visuddhi-Ṭī 2. 456 piṭṭhe.)

3. Paro purisoti evaṃ bhūto attho mamatthāya ṭhito (Visuddhi-Ṭī 2. 456 piṭṭhe.)

sabbaṃ ijjhātī”ti evaṃ ekaccadiṭṭhigatikaparikkappitavasena paraṃ attānaṃ, tañca attano kiñcanabhūtaṃ na passatīti dassento “**na ca kvacani**”ti-ādimāha. Ettha ca **nāhaṃ kvacani**ti saka-attano abhāvaṃ passati. **Na kassaci kiñcanatasminti** saka-attano eva kassaci anattaniyataṃ passati. **Na ca, mamā**ti etaṃ dvayaṃ yathāsaṅkhyāṃ sambandhitabbaṃ, **atthī**ti paccekāṃ. “Na ca kvacani parassa attā atthī”ti parassa attano abhāvaṃ passati, “tassa parassa attano mama kismiñci kiñcanatā na catthī”ti parassa attano anattaniyataṃ passati. Evaṃ ajjhattaṃ bahiddhā ca khandhānaṃ attattaniyasuññatā suddhasaṅkhārapuñjatā catukoṭikasūññatāpariggaṇhanena diṭṭhā hoti. **Heṭṭhā vuttapaṭipadanti** idhāpi ākiñcaññāyatanakammaṭṭhānameva vadati. **Vipassanāvaseneva osakkanā kathitā** catukoṭikasūññatādassanavisesabhāvato, tappadhānattā cassa manasikārassa.

Idha **attanoti** nevasaññānāsaññāyatanakammaṭṭhānamāha. **Sabbasaññāti** rūpasaññā paṭighasaññā nānattasaññā heṭṭhimā tisso arūpasaññāti evaṃ sabbasaññā anavasesā nirujjhantīti vadanti. “**Heṭṭhā vuttā**”ti pana visesitattā imasmim āgatā catutthajjhānasaññādayo api saññāti apare. **Tanti** sammutimattaṃ kāmasaññāpaṭibāhanavaseneva tesāṃ nānattasaññādinirodhassa atthasiddhattā. **Samādhivasena osakkanā kathitā** nevasaññānāsaññāyatanabhāvanāya samathakammaṭṭhānabhāvato.

71. **Pubbe pañcavidhaṃ kammavaṭṭanti** purimakammabhavasmiṃ moho avijjā āyūhanā saṅkhārā nikantitaṇhā upagamaṇaṃ upādānaṃ cetanā bhavoti evamāgato sapaṭikkhāro kammappabandho. **Na āyūhitaṃ assāti** na cetitaṃ pakappitaṃ bhaveyya. **Etarahi evaṃ pañcavidhaṃ vipākavaṭṭanti** viññāṇanāmarūpasaṭṭāyatanaphassavedanāsaṅkhāto paccuppanno vipākappabandho **nappavattheyya** kāraṇassa anipphannattā. **Sace āyūhitaṃ na bhavissatīti** yadi cetitaṃ pakappitaṃ na siyā. **Yaṃ atthī**ti yaṃ paramatthato vijjamānakaṃ. Tenāha “**bhūtan**”ti. Taṃ hi paccayanibbattaṭṭāya “**bhūtan**”ti vuccati. **Taṃ pajahāmīti** tappaṭibaddhachandarāgappahānena tato eva āyatim anuppattidhammatāpādanavasena pajahāmi pariccajāmi.

Parinibbāyīti¹ saha parikappanena² atītattheti āha “**parinibbāyeyyā**”ti. **Parinibbāyeyya nu khoti vā pāṭho, so evattho. Na kiñci kathitanti** nevasaññānāsaññāyatanasamāpattiyā saṅkhārāvasesasukhumabhāvena ñāṇuttarasseva visayabhāvato sarūpato na kiñci kathitaṃ, nayena panassa viśesaṃ ñāpetukāmatā. Bhagavato kira etadahosi “imissaṃyeva parisati nisinnō ānando anusandhikusalatāya nevasaññānāsaññāyatanasamāpattiyā pādakaṃ katvā ṭhitassa bhikkhuno paṭisandhiṃ arahattañca sandhāya pañhaṃ pucchissati, iminā pucchānusandhinā tamatthaṃ desessāmi”ti. Osakkanāya ca idhādhippetattā bhinnarasadesanā hotīti pucchānusandhi pucchitā. Tasmim hi asati anusandhibhedabhinnesā desanā, na ca buddhāciñṇā bhinnarasadesanāti. **Vipassanānissitanti** tannissitaṃ. **Tassa** bhikkhuno. Upādiyati etenāti ca **upādānaṃ. Na parinibbāyati** pahātabbassa appajahanato. Tenāha bagavā “dhammāpi kho bhikkhave pahātabbā, pageva adhammā”ti³. **Upādānasetṭhanti** idaṃ nevasaññānāsaññāyatanabhavassa sabbabhavaggaṭāḍassanaparaṃ, na pana ariyabhavaggassa upādānasetṭhatāpaṭisedhaparaṃ.

73. **Nissāyāti** bhavapariyāpannaṃ nāma dhammaṃ nissāya tappariyāpannaṃ nāma nissāya oghanittharaṇā bagavatā akkhātā, aho acchariyametaṃ, aho abbhutametaṃ.

Navasupi ṭhānesu samathayānikasseva vasena desanāya āgatattā, idha ca kassacipi pādakajjhānassa anāmatṭhattā vuttaṃ “**ariyasāvakoti sukkhavipassako ariyasāvako**”ti. **Navannampi kammaṭṭhānaṃ ekato katvā sammasatīti** idaṃ jhānadhammepi⁴ anussavaladdhe gahetvā sammasanaṃ sambhavatīti katvā vuttaṃ, tebhūmakasaṅkhāragataṃ idha vuttanti anavasesato pariggahaṇaṃ sandhāya vuttaṃ “**yāvatā sakkāyo**”ti.

Etaṃ amatanti amataṃ nibbānaṃ ārabha pavattiyā etaṃ arahattaṃ amatarasaṃ. Tenāha “**etaṃ amataṃ santaṃ, etaṃ paṇītaṃ**”ti. “Anupādāya kiñcipi aggahetvā cittaṃ vimuccī”ti vuttatāpi **anupādā cittaṃ vimokkho** nibbānaṃ aññattha sutte vuccati.

1. Parinibbāyīti padaṃ etarahi Pāli-aṭṭhakathāsu na dissati.

3. Ma 1. 188 piṭṭhe.

2. Paraparikappanena (Ka)

4. Nāmadhammepi (Ka)

Tiṇṇaṃ bhikkhūnanti abhinivesabhedena tividhānaṃ. Pādaḥ katvā
 ʈhitassa osakkanāya abhāve kāraṇaṃ heṭṭhā vuttanayeneva veditaḥ.
Samodhānetvāti sammadeva odahitvā tasmim̄ tasmim̄ ʈhāne asaṅkarato
 vavattapetvā. **Sukathitaṃ nāma hoti** kathetabbassa anavasesetvā kathitattā.

Āneñjasappāyasuttavaṇṇanāya līnatthappakāsānā samattā.

7. Gaṇakamoggallānasuttavaṇṇanā

74. Yathā heṭṭhimasopānaphalakaṃ orohantassa pacchimaṃ nāma hoti,
 evaṃ ārohantassa paṭhamaṃ nāma hotīti vuttaṃ “**yāva**
pachimasopānakaḷevarāti yāva paṭhamasopānaphalakā”ti. **Vatthuṃ**
sodhetvāti vatthuvijjācariyena vuttavidhinā pāsādatthuno sodhanavidhiṃ
 katvā. **Etthā**ti pāsādakaraṇe. Sattadhā bhinnassa vālaggassa
 aṃsukoṭṭivedhako **vilavedhi** nāma. **Ṭhānasampādananti**
 vesākhamañḍhalādīnaṃ sampādanaṃ. **Muṭṭhikaraṇādīhī**ti
 usumuṭṭhikaraṇajiyāgāhajiyāvijjhādīhi. **Evaṃ gaṇāpema**ti ekaṃ nāma
 ekameva, dve dukā cattāri, tiṇi tikāni nava, cattāri catukkāni soḷasāti-ādinā
 evaṃ gaṇanaṃ sikkhāpema.

75. **Kerāṭikā hontī**ti samayassa anupakkiliṭṭhakaraṇamāyāsāṭheyyena
 samannāgatā honti. **Taṃ** damanaṃ **jīvitahetupi nātikkamati**, ayamassa
 jātidosaḥbhāvo.

76. **Satisampajaññāhi samaṅgibhāvattāyā**ti satatavihāribhāvasādhanehi
 satisampajaññehi samannāgamattāya. Nanu ca khīṇāsavā sativepullappattā
 paññāvepullappattā ca, kathaṃ tassa satisampajaññaṃ payogasādhanaṃ
 pavattanti āha “**dve hī**”ti-ādi. **Satatavihārī**ti satataṃ samāpattivihāribahulā,
 tasmā te icchitacchitakkhaṇe phalasaṃpattim̄ samāpajanti,
 vuttavipariyāyena nosatatavihārino daṭṭhabbā. Tenāha “**tatthā**”ti-ādi.
Appetuṃ na sakkoti anāciṇṇabhāvato.

Taṃ vitakkentoti “sāmaṇerassa senāsaṇaṃ natthi, araṇṇāṇca sīhādīhi
 saparissayaṃ, kim̄ nu kho tassa bhavissati”ti taṃ vitakkento.

Evarūpoti ediso yathāvuttasāmaṇerasadiso khīṇāsavo. **Ime dhammeti** imasmiṃ sutte āgate silādidhamme. **Āvajjitvāvāti** attano parisuddhasīlatādi-āvajjanahetu eva samāpajjitum sakkhissati.

78. “Yeme bho gotamā”ti vacanassa sambandham dassetum “**tathāgate kirā**”ti-ādi vuttaṃ. **Evanti** “yeme bho gotamā”ti-ādi ākārehi **vatthumāraddho**.

Ajjadhammesūti apurātanadhammesu. Takkanamattāni hi tehi kappetvā sayamṇaṭṭhānaṃ viracitāni. Purātanatāya paripuṇṇatāya ekantaniyyānikatāya ca paramo uttamo. Tenāha “**tesu -pa- uttamoti attho**”ti. Sesam suviññeyyameva.

Gaṇakamoggallānasuttavaṇṇanāya līnatthapakāsanā samattā.

8. Gopakamoggallānasuttavaṇṇanā

79. Kammaniyeva kammanto, so ettha atthīti kammakaraṇaṭṭhānaṃ “**kammanto**”ti vuttaṃ. Tenāha “**kammantaṭṭhānaṃ**”ti. **Tehi dhammehīti** buddhaguṇehi. Te pana sabbaññutaññāṇappamukhāti katvā āha “**sabbaññutaññāṇadhammehī**”ti. **Sabbena sabbanti** sabbappakārena anavasesam, ettako guṇānaṃ pakārabhedo, tesu kiñcipi pakāraṃ anavasesetvā. **Sabbakoṭṭhāsehi sabbanti** yattakā guṇabhāgā, tehi sabbehi anavasesam nissesameva katvā. **Yopi ahoṣīti** yopi kosambivāsīnaṃ bhikkhūnaṃ vasena kosambiyam kalaho ahoṣi. **Sopi tattheva** uppanaṭṭhāneyeva uppannamatto **vūpasamito. parinibbutakāle panassāti** assa sammāsambuddhassa parinibbutakāle pana. Bhiyyoso mattāya bhikkhū samaggā jātā, kathaṇca samvego jātoti dassetum “**aṭṭhasaṭṭhī**”ti-ādi vuttaṃ. Sātisayam abhiṇhaṇca upasamappattiyā **ativiya upasantupasantā**. **Anusamyāyamānoti** anu anu sammadeva jānanto vicārento vosāsamāno. “Anusaññāyamāno”ti vā pāṭho. Tattha ya-kārassa ña-kāraṃ katvā niddesoti āha “**anuvicaramāno**”ti.

80. **Heṭṭhimapucchamevā**ti gopakamoggallānena pucchitapucchameva. So hi “tehi dhammehī”ti-ādinā “atthī koci tumhākaṃ sāsanaṃ sārabhūto bhikkhū”ti pucchi, ayañca tameva “paṭisaraṇo”ti pariyāyena pucchi. **Appaṭisaraṇeti** yaṃ tumhe bhikkhuṃ paṭibodheyyātha, tādisassa abhāvena appaṭisaraṇe. Tathāgatena pavedito dhammo paṭisaraṇaṃ etesanti **dhammapaṭisaraṇā**. Tenāha “**dhammo avassayo**”ti.

81. **Āgacchatī**ti vācugataabhāvena āgacchati. Vatthuvītikamasāṅkhāte garugarutaralahularādibhede ajjhācāre āpattisamaññāti āha “**āpatti -pa-āñātikkanamevā**”ti. **Yathādhammanti** dhammānurūpaṃ. **Yathāsiṭṭhanti**¹ yathānusiṭṭhaṃ. **Dhammo noti** ettha **no-saddo** avadhāraṇe “na no samaṃ atthi tathāgatenā”ti-ādīsu² viya. Tenevāha “**dhammova kāreti**”ti.

83. “Yathā taṃ tumhādisiṭṭhi rakkhakehi gopakehī”ti evaṃ pasannavesena³ attānaṃ ukkaṃsāpetukāmo. Ariyūpavādapāpaṃ khamāpane sati antarāyāya na hotīti āha “**iccetam kusalan**”ti. **Gonaṅgalamakkaṭoti** gonaṅguṭṭha-akkaṭo.

84. Ayaṃ ukkaṃsāpetuṃ icchitaṃ yathāraddhamatthaṃ visaṃvādeti avaṇṇitampi vaṇṇitaṃ katvā kathento, imassa vacanassa paṭikkhepena iminā kātabbapiṇḍapātassa antarāyo mā hotūti evaṃ piṇḍapātaṃ rakkhituṃ na kho pana sakkāti yojanā. **Idanti** “na kho brāhmaṇa so bagavā”ti-ādidesanaṃ. **Abbhantaram karitvā**ti nibbānantogadhaṃ katvā, antaram vā tassa nijjhānassa kāraṇaṃ katvā. Kāmarāgavasena hi taṃ nijjhānaṃ hotīti. **Idhāti** imasmim suttapadeso. **Sabbasaṅgāhikajjhānanti** lokiyalokuttarassa antarāyo mā hotūti evaṃ katvāpi rūpāvacarassa maggajjhānassa phalajjhānassāti sabbassapi saṅgaṇhanavasena desitattā sabbasaṅgāhikajjhānaṃ nāma kathitaṃ.

Yaṃ no mayanti ettha **noti** nipātamattaṃ. **Taṃ noti** ettha pana **noti** amhākanti attho. **Usūyati** rājajiccapasutatādhīnatāya

1. Yathānusiṭṭhaṃ (Pāliyaṃ Aṭṭhakathāyañca.)

2. Khu 1. 5, 312 piṭṭhesu.

3. Vanapasamaṃsāvasena (?)

ekatthābhinivesabhāvato. Mandapaññatāya vassakāragata-
issābhibhūtacittatāya paripuṇṇaṃ katvā vuttampi atthaṃ anupadhārento āha
“**ekadesameva kathesī**”ti. Sesāṃ suviññeyyameva.

Gopakamoggallānasuttavaṇṇanāya līnatthappakāsanā samattā.

9. Mahāpuṇṇamasuttavaṇṇanā

85. **Tasmim ahūti** tasmim ahanīti āha “**tasmim divase**”ti. **Anasanenāti** sabbaso āhārassa abhuñjanena sāsānikasīlena bāhiraka-anasanena upetā hutvāti yojanā. **Vā**-saddena khīrapānamadhusāyanādividhaṃ saṅgaṇhāti. Upecca vasitabbato **uposatho**, pātimokkhuddeso. Upetena samannāgatena hutvā vasitabbato santāne vāsetabbato **uposatho**, sīlaṃ. Anasānādiddhammādiṃ vā upecca vasanaṃ upavāso **uposatho**. Tathārūpe hatthijātiviseṣe uposathoti samaññāmatanti āha “**uposatho nāma nāgarājāti-ādīsu paññatti**”ti. Vuttanayena upavasanti etthāti **uposatho**, divaso. **So panesa** uposatho. **Māsapuṇṇatāyāti** māsassa pūritabhāvena. **Sampuṇṇāti** sabbaso puṇṇā. Tāya hi rattiyā vasena māso anavasesato puṇṇo hoti. Māsaddhamāsādibhedam kālāṃ māti minanto viya hotīti ca “**mā**” **iti cando vuccati**. **Etthāti** etissā rattiyā. Puṇṇo paripuṇṇakalo jātoti **puṇṇamā**. Tam hi candapāripūriyā māsapāripūriyā evamāha. Etena tassa uposathabhāvaṃ dasseti.

Dissati phalaṃ sandissatīti **deso**, hetūti āha “**desanti kāraṇaṃ**”ti. **Sabbaṃ kathenti** sabbaṃ attanā pariggahitappakāraṃ kathenti. **Kathetuṃ na sakkonti** avisayattā. **Pāsādapariveṇeti** pāsādassa purato vivaṭaṅgaṇe. **Heṭṭhā vuttanayenāti** sekhasutte¹ vuttanayena vitthāretabbaṃ.

86. **Ime nu khoti** ettha **nūti** saṃsayajotanoti āha “**vimatipucchā viya kathitā**”ti. **Jānantenāti**-ādi pucchāvattadassanaparaṃ daṭṭhabbaṃ.

1. Ma-Ṭṭha 3. 15 piṭṭhe.

na pucchakassa satthu attano ajānanabhāvadīpanaparam. Jānāti hi bagavā.
Ajānantena viya hutvā pucchite. Yathābhūtasabhāvaṃ **jānanto viya pucchati**
 kohaññe ṭhatvā. Tenāha “**thero evarūpaṃ vacanaṃ kiṃ karissati**”ti
 kāraṇassa suppahīnattāti adhippāyo.

Chandamūlakāti taṇhāchandamūlakā. Taṇhā hi dukkhasamudayo.
 Kusalasañño vā thiravisadanipuṇasañño vā, kusalasaṅkhāro vā
 tikhiṇathiravisadasaṅkhāro vā, suvisuddhavipulodāraviññāṇo vāti
 imamatthaṃ “**saññādisupi eseva nayo**”ti iminā atidisati. Kasmā panettha
 anāgatakālavaseneva desanā āgatāti āha “**yasmā panā**”ti-ādi.

Khandhānaṃ khandhapaṇṇattīti khandhasaddābhidheyānaṃ
 ruppanānubhavana-añjānanābhisaṅkharaṇavijānanasabhāvānaṃ atthānaṃ
 “khandho”ti ayaṃ samaññā. **Kittakenā**ti kiṃ parimāṇena atthena,
 rāsattabhāgatthādīsu kīdisenāti adhippāyo.

Hetuhetūti hetupaccayabhūto hetu. Yo hi lobhādīnaṃ
 sahajātadhammesu mūlaṭṭhenapakārahābhāvo nippariyāyena hetuttho, so
 pathavī-ādīsipi paccayabhāvamattena hetupariyāyadassanato dutiyena hetu-
 saddena visesetvā vutto “**hetuhetū**”ti. Avijjā puññābhisaṅkhārādīnaṃ
 sādharmaṇapaccayattā sādharmaṇahetu, “atītānāgatapaccuppanānaṃ
 kammasamādānaṃ ṭhānaso hetuso vipākaṃ”ti ettha vijjamānesupi aññesu
 paccayesu iṭṭhāniṭṭhaviṇṇāniyāmakattā kammaṃ tassa padhānakāraṇanti
 āha “**kusalākusalaṃ attano attano vipākādāne uttamahetū**”ti. “Mahābhūtā
 hetū”ti ayamevattho “mahābhūtā paccayo”ti imināpi vuttoti
 hetusaddapaccayasaddānaṃ samānatthattā paccayo eva hetu **paccayahetu**, yo
 ca rūpakkhandhassa hetu, so eva tassa paññāpanāya paccayoti vuttoti āha
 “**idha paccayahetu adhippeto**”ti. Yadaggena paccayadhammo attano
 paccayuppanassa uppādāya ṭhitiyā ca paccayo, tadaggena tassa bhāvato
 samaññāto paññāpanāyapi so paccayoti vattabataṃ arahatīti. Pāḷiyaṃ
 avibhāgena vuttamatthaṃ vibhāgena dassetuṃ “**tattha pathavīdhātū**”ti-ādi
 vuttaṃ. Tattha **paññāpanāyā**ti sahetu-ahetukanti-ādi ākārehi

bodhanāya. Tam pana sambodhanam ñāṇena dassanam hotīti vuttam
“dassanattāyā”ti.

Phassoti phassasamaṅgībhāvo. So cettha sakiccanipphādanasamatthassa phassassa nibbatti. Nibbatto hi phasso thathārūpāya vedanāya paccayo hotīti. Etadatthamevettha bagavatā puggalādhiṭṭhānā desanā katā, tasmā paccuppannātītakālavasena dvikāliko phassasaddo veditabbo. Phasse sati vedeti phassapaccayā vedanā-icceva vuttam hoti. Sesapadadvayepi eseva nayo. Yatheva hi vedanāya evam saññāya saṅkhārānampi phasso visesapaccayo tasmiṃ asati abhāvato. Cetanāggahaṇena āyūhanānurūpatāya tappadhānattā saṅkhārakkhandhadhammā gahitā. Tathā hi suttantabhājanīye saṅkhārakkhandhabhājanīye¹ ca “cakkhusamphassajā cetanā”ti-ādinā cetanāva niddiṭṭhā. **Viññāṇakkhandhassā**ti ettha ekasmiṃ bhave ādibhūta viññāṇassa nāmarūpapaccayatam dassetum **“paṭisandhiviññāṇena tāvā”**ti-ādi vuttam. Tattha gabbhaseyyakassa sabhāvakassa rūpapavattim² sandhāya **“uparimaparicchedenā”**ti vuttam samatimsato upari paṭisandhikkhaṇe tassa rūpānam asambhavato. Idāni pavattiviññāṇassa nāmarūpapaccayam dvāravasena dassetum **“cakkhudvāre”**ti-ādi vuttam. Nanu ca viññāṇassapi phasso paccayo, kasmā tayo eva khandhā phassapaccayā vuttāti? Saccametaṃ, yathā pana viññāṇasahito phasso vedanādīnam paccayo, na evam viññāṇassa. Tenāha bagavā “tiṇṇam saṅgati phasso”ti³ phasso viya nāmarūpam viññāṇassa visesapaccayo yathā nāmarūpapaccayāpi viññāṇanti, tasmā imam visesam dassetum nāmarūpasseva viññāṇapaccayatā vuttā, na phassassa.

87. Yāva sakkāyadiṭṭhi samuppajjati, tāva vaṭṭassa pariyanto natthevāti appahīnasakkāyadiṭṭhiko vaṭṭe paribbhamatīti āha **“katham pana bhanteti vaṭṭam pucchanto”**ti. Yathā ca sakkāyadiṭṭhijotanā vaṭṭapucchā, evam tabbhedanajotanā vivaṭṭapucchāti āha **“sakkāyadiṭṭhi na hotīti vivaṭṭam pucchanto”**ti.

1. Abhi 2. 8 piṭṭhe.

2. Rūpūpapattim (Ka)

3. Ma 1. 158, 326; Ma 3. 328, 332, 333; Saṃ 1. 301, 302; Saṃ 2. 261;

Abhi 4. 248, 249 piṭṭhesu.

88. **Ayaṃ rūpe assādoti** yāthāvato dassanaṃ pariññābhisamayo, dukkhasaccapariyāpannañca rūpanti āha “**iminā pariññāpaṭivedho ceva dukkhasaccañca kathitaṃ**”ti. “Yaṃ rūpaṃ aniccann”ti-ādivacanato aniccādibhāvo tattha ādīnavo, so cassa paccayādhīnavuttitāya paccayo samudayasaccanti samudayappahānena ādīnavasamatikkamoti ādīnavaggahaṇena siddhamatthamāha “**pahānapaṭivedho ceva samudayasaccañcā**”ti. Sabbasaṅkhatanissaraṇaṃ nibbānañca sacchi kiriyābhisamayavasena paṭivijjhitaṃbanti āha “**iminā sacchikiriyāpaṭivedho ceva nirodhasaccañcā**”ti. **Imesu tīsu thānesūti** yathāvuttesu dukkhādīsu tīsu abhisamayaṭṭhānesu. **Ye sammādiṭṭhi-ādayo dhammāti** ye ariyamaggasaññitā sammādiṭṭhi-ādayo aṭṭha, satta vā dhammā. **Bhāvanāpaṭivedho maggasaccanti** bhāvanābhisamayavasena pavattaṃ maggasaccaṃ. **Sesapadesupīti** “ayaṃ vedanāya assādo”ti-ādipadesupi.

89. **Imasminti āsannapaccakkhatāya saka-attabhāvo** gahito, tadeva ajjhataṃ khandhāti tappaṭiyogitāya “**bahiddhāti parassa saviññāṇake kāye**”ti vuttaṃ. **Sabbanimittesūti** sabbesu rūpanimittādīsipi. Tāni pana indriyabaddhānipi anindriyabaddhānipi taṃsabhāvānīti āha “**anindriyabaddhampi saṅgaṇhāti**”ti. Viññāṇaggahaṇenevettha vedanādayopi gahitā avinābhāvatoti “**saviññāṇake kāye**”ti vuttaṃ. “**Kāyo**”ti vā khandhasamūhoti attho.

90. **Anattani ṭhatvāti** attarahite anattasabhāve khandhakoṭṭhāse ṭhatvā taṃ ādhāraṃ katvā **katāni** kammāni. **Katarasmim attani ṭhatvāti** kīdise attani nissayavipākāṃ dassanti vipaccissanti. Etena kārakavedakarāhitattā attapakkhakammakāni na yujjantīti dasseti, khandhānaṃ khaṇikattā ca katanāsa-akatabbhāgamadoso ca āpajjatīti.

Tatrāyaṃ¹ codanāsodhanāvidhi—pāṇātipātavasena tāva kamma pathasambandhavibhāvanā, khaṇe khaṇe hi nirujjhanasabhāvesu saṅkhāresu ko hanti, ko vā haññati, yadi cittacetasikasantāno, so

1. Itivuttaka-Ṭṭha 218; Sārattha-Ṭṭi 1. 342 piṭṭhādīsipi passitabbaṃ.

arūpattā na chedanabhedanādivasena vikopanasamattho, napi vikopaniyo.
 Atha rūpasantāno, so acetanattā kaṭṭhakaliṅgarūpamoti na tattha
 chedanādinā pāṇātipātāpuññaṃ pasavati yathā matasarīre. Payogopi
 pāṇātipātassa paharaṇappahārādiko atītesu vā saṅkhāresu bhaveyya,
 anāgatesu, paccuppannesu vā, tattha na tāva atītānāgatesu sambhavati, tesam
 abhāvato, paccuppannesu ca saṅkhārānaṃ khaṇikattā saraseneva
 nirujjhanasabhāvatāya vināsābhimukhesu nippayojano payogo siyā,
 vināsassa ca kāraṇarahitattā na paharaṇappahārādippayogahetukaṃ
 maraṇaṃ, nirīhakatāya ca saṅkhārānaṃ kassa so payogo? Khaṇikattā
 vadhādhippāyasamakālabhijjanakassa kiriyāpariyosānakālānavatṭhānato
 kassa pāṇātipātakammabaddhoti?

Vuccate—yathāvuttavadhakacetanāsahito saṅkhārapuñjo sattasaṅkhāto
 hanti. Tena pavattitavadhappayoganimittaṃ apagata-
 usmāviññāṇajīvitindriyo matavohārapavattinibandhano
 yathāvuttavappegakaraṇe uppajjanāraho rūpārūpadhammasamūho
 haññati, kevalo vā cittacetasikasantāno. Vadhappayogāvisayabhāvepi tassa
 pañcavokārabhave rūpasantānādhīnavuttitāya rūpasantāne parena
 payojitajīvitindriyupacchedakapayogavasena
 tannibbattitavibandhakavisadisarūpuppattiyā vigate vicchedo hotīti na
 pāṇātipātassa asambhavo, nāpi ahetuko pāṇātipāto, na ca payogo
 nippayojano paccuppannesu saṅkhāresu katappayogavasena tadanantaraṃ
 uppajjanārahassa saṅkhārakalāpassa tathā anuppattito, khaṇikānaṃ
 saṅkhārānaṃ khaṇikamaraṇassa idha maraṇabhāvena anadhippetattā
 santatimaraṇassa ca yathāvuttanayena sahetukabhāvato na ahetukaṃ
 maraṇaṃ, na ca katturahito pāṇātipātappayogo nirīhakesupi saṅkhāresu
 sannihitatāmattena upakārakesu attano attano anurūpaphaluppādane niyatesu
 kāraṇesu kattuvohārasiddhito yathā “padīpo pakāseti, nisākaro candimā”ti.
 Na ca kevalassa vadhādhippāyasahabhuno cittacetasikakalāpassa pāṇātipāto
 icchito santānavasena avatṭhitasseva paṭijānanato, santānavasena

pavattamānānañca padīpādīnaṃ atthakiriyasiddhi dissatīti attheva pāṇātipātena kammunā baddho, tato eva yasmim̄ santāne pāṇātipātacetanā pavattā, tattheva santāne paccayantarasamavāyena bhavantare nirayādīsu tassā phalappavattīti nattheva katavināso akatabbhāgamo ca. Iminā nayena adinnādānādīnañca vasena yathārahaṃ kamma pathasambandhavibhāvanā veditabbāti.

Sabbo diṭṭhiggāho taṇhāvasagatasseva hotīti āha “**taṇhādhipeyyenā**”ti. **Tesu tesu dhammesūti** mayā desiyamānadassanadhammesu. **Pakatikammaṭṭhānanti** tassa therassa santike gahetvā parihariyamānakammaṭṭhānaṃ. **Aññaṃ navakammaṭṭhānanti** bagavato desanānusārena gahitaṃ aññaṃ navaṃ kammaṭṭhānaṃ. Sesam̄ suviññeyyameva.

Mahāpuṇṇamasuttavaṇṇanāya līnatthappakāsanā samattā.

10. Cūlapuṇṇamasuttavaṇṇanā

91. **Tuṇhībhūtaṃ tuṇhībhūtanti** āmedītavacanaṃ byāpanicchāvasena vuttanti āha “**yaṃ yaṃ disaṃ**”ti-ādi. **Anu viloketvāti** ettha **anu** saddopi byāpanicchāyamevāti anu anu viloketvāti attho. Tenevāha “**tato tato viloketvā**”ti. Asanto nīco purisoti **asappurisoti** āha “**pāpapuriso lāmakapuriso**”ti. **Soti asappuriso. Tanti asappurisaṃ jānituṃ na sakkoti** asappurisa dhammānaṃ yāthāvato ajānanato. **Pāpadhammasamannagatoti** kāyaduccaritādi-asantuṭṭhitādīlāmakadhammasamannāgato. Asappurise bhaddi etassāti **asappurisa bhaddi**. Tenāha “**asappurisa sevano**”ti. Asappurisa dhammo asappuriso uttarapadalopena, tesmā cintanasīloti **asappurisa cintī**. Tenāha “**asappurisa cintāya cintako**”ti, ducintitacintīti attho. **Asappurisa mantananti** asādhujanavicāraṃ asappurisa vimamsaṃ. **Asappurisa vacanti** catubbidhaṃ dubbhāsitaṃ. **Asappurisa kammaṃ** nāma tividhampi kāyaduccaritaṃ. **Asappurisa diṭṭhi** nāma visesato dasavatthukā micchādiṭṭhi, tāya samannāgato **asappurisa diṭṭhiyā samannāgato**,

asappurisdānaṃ nāma asakkaccadānādi. Sabbopāyamattho pālito eva viññāyati.

“Pāṇaṃ hanissāmī”ti-ādikā cetanā kāmaṃ parabyābādhāyapi hotiyeva, yathā pana sā attano balavataradukkhatthāya hoti, tathā na parassāti imamatthaṃ dassetuṃ **“attano dukkhatthāya cinteti”** icceva vutto. **Yathā asuko asukanti**-ādīhi pāpako pāpavipākekadesaṃ balavaṃ garutaraṃ vā paccanubhontopi yathā paro paccanubhoti, na tathā sayanti dasseti. Tenāha **“parabyābādhāya”**ti. **Gahetvāti** pāpakiriyāya sahāyabhāvena gahetvā.

Asakkaccanti anādaraṃ katvā. Deyyadhammassa asakkaraṇaṃ appasannākāro, puggalassa asakkaraṇaṃ agarukaraṇanti imamatthaṃ dassento **“deyyadhammaṃ na sakkaroti nāmā”**ti-ādimāha. **Acittīkatvāti** na citte katvā, na pūjetvāti attho. Pūjento hi pūjetabbavatthum citte ṭhpeti, tato na bahi karoti. Cittaṃ vā acchariyaṃ katvā paṭipatti **cittīkaraṇaṃ**, sambhāvanakiriyā. Tappaṭikkhepato **acittīkaraṇaṃ**, asambhāvanakiriyā. **Apaviddhanti** ucchiṭṭhādichaḍḍanīyadhammaṃ viya avakhittakaṃ. Tenāha **“chaḍḍetukāmo viyā”**ti-ādi. **Rogaṃ pakkhipanto viyāti** rogikasarīraṃ odanādīhi pamajjitvā vammike rogaṃ pakkhipanto viya. Addhā imassa dānassa phalaṃ mameva āgacchatīti evaṃ yassa tathā diṭṭhi atthi, so āgamanadiṭṭhiko, ayaṃ pana na tādīsoti āha **“anāgamanadiṭṭhiko”**ti. Tenāha **“no phalapāṭikaṅkhī hutvā detī”**ti.

Kāmañcāyaṃ yathāvuttapuggalo asaddhammādīhi pāpadhammehi samannāgato, tehi pana sabbehipi micchādassanaṃ mahāsāvajjanti dassetuṃ **“tāya micchādiṭṭhiyā niraye upapajjati”**ti vuttaṃ. **Vuttapaṭipakkhanayenāti** kaṇhapakkhe vuttassa atthassa vipariyāyena sukkapakkhe attho veditabbo. “Sadevakaṃ lokan”ti-ādīsu¹ devasaddo chakāmāvacaradevesu, evamidhāti āha **“chakāmāvacaradevā”**ti. Tattha brahmānaṃ visuṃ gahitattā kāmāvacaradevaggahaṇanti ce? Idha dānaphalassa adhippetattā

1. Vi 1. 1 piṭṭhe.

kāmāvacaradevaggahaṇaṃ, tatthāpi chakāmāvacaraggahaṇaṃ daṭṭhabbaṃ devamahattatādivacanato. **Tiṇṇaṃ kulānaṃ sampattī**ti khattiyamahattādīnaṃ tiṇṇaṃ kulānaṃ sampatti, na kevalaṃ kulasampadā eva adhippetā, atha kho tattha āyuvaṇṇayasabhoga-issariyādisampadāpi adhippetāti daṭṭhabbaṃ uḷārassa dānamayapuññaṃ vasena tesampi samijjhanato.

Suddhavaṭṭavaseneva kathitaṃ sukkaṃ sukkaṃ sabbaso vivaṭṭassa anāmaṭṭhattā. Saddhādayo hi lokiyakusalasambhārā evettha adhippetāti. Sesāṃ suviññeyyameva.

Cūḷapūṇṇamasuttavaṇṇanāya līnatthappakāsanā samattā.

Niṭṭhitā ca devadahavaggavaṇṇanā.

2. Anupadavagga

1. Anupadasuttavaṇṇanā

93. **Iddhimāti guṇo pākaṭo** paratoghosena vinā pāsādakampanadevacārikādīhi sayameva pakāsabhāvato, dhutavādādiguṇānampi tathābhāve eteneva nayena tesam̐ guṇānam̐ pākaṭayogato ca paresam̐ nicchitabhāvato ca. **Paññavato guṇāti** paññāpabhedapabhāvite guṇavisesse sandhāya vadati. Te hi yebhuyyena paresam̐ avisayā. Tenāha “**na sakkā akathitā jānitun**”ti. Visabhāgā sabhāgā nāma ayonisomanasikārabahulesu puthujjanesu, te pana appahīnarāgadosatāya parassa vijjamānampi guṇam̐ makkhetvā avijjamānam̐ avaṇṇameva ghosentīti āha “**visabhāga -pa- kathentī**”ti.

Yā aṭṭhārasannam̐ dhātūnam̐ samudayato atthaṅgamato assādato ādinavato yathābhūtam̐ pajānanā, ayam̐ **dhātukusalatā. Āyatanakusalatāyapi** eseva nayo. Avijjādīsu dvādasasu paṭiccasamuppādaṅgesu kosallam̐ **paṭiccasamuppādakusalatā**. Idam̐ imassa phalassa ṭhānam̐ kāraṇam̐, idam̐ aṭṭhānam̐ akāraṇanti evam̐ ṭhānañca ṭhānato, aṭṭhānañca aṭṭhānato yathābhūtam̐ pajānanā, ayam̐ **ṭhānāṭṭhānakusalatā**. Yo pana imesu dhātu-ādīsu pariññābhisamayādivasena nissaṅgagatiyā paṇḍāti laddhanāmena ñāṇena ito gato pavatto, ayam̐ **paṇḍito** nāmāti āha “**imehi catūhi kāraṇehi paṇḍito**”ti. Mahantānam̐ atthānam̐ pariggaṇhanato mahatī paññā etassāti **mahāpañño**. Sesapadesupi eseva nayoti āha “**mahāpaññādīhi samannāgatoti attho**”ti.

Nānattanti yāhi mahāpaññādīhi samannāgatattā thero “mahāpañño”ti-ādinā kittiyati, tāsam̐ mahāpaññādīnam̐ idam̐ nānattam̐ ayam̐ vemattatā. Yassa kassaci¹ visesato arūpadhammassa mahattam̐ nāma kiccasiddhiyā veditabbanti tadassa kiccasiddhiyā dassento “**mahante sīlakkhandhe pariggaṇhātīti mahāpaññā**”ti-ādimāha. Tattha hetumahantatāya paccayamahantatāya nissayamahantatāya pabhedamahantatāya

1. Dī-Ṭī 3. 113; Saṃ-Ṭī 1. 161; Aṃ-Ṭī 1. 277 piṭṭhādīsupi passitabban̐.

kiccamahantatāya phalamahantatāya ānisaṃsamahantatāya ca
 sīlakkhandhassa mahantabhāvo veditabbo. Tattha **hetū** alobhādayo, **paccayā**
 hirottappasaddhāsativīriyādayo. **Nissayā**
 sāvakabodhipaccekabodhisammāsambodhiniyatatā taṃsamaṅgino ca
 purisavisesā. **Pabhedo** cārittādivibhāgo. **Kiccam** tadaṅgādivasena
 paṭipakkhassa vidhamanaṃ. **Phalam** saggasampadā nibbānasampadā ca.
Ānisaṃso piyamaṇapatādi. Ayamettha saṅkhepo, vitthāro pana
 Visuddhimagge¹ ākaṅkheyyasuttādīsu² ca āgatanayena veditabbo. Iminā
 nayena **samādhikkhandhā**dīnampi mahantatā yathārahaṃ niddhāretvā
 veditabbā, **ṭhānāṭṭhānā**dīnaṃ pana mahantabhāvo mahāvisayatāya veditabbo.
 Tattha **ṭhānāṭṭhānā**naṃ mahāvisayatā bahudhātukasutte³ sayameva
 āgamissati. **Vihārasamāpatīnaṃ** samādhikkhandhe niddhāritanayena
 veditabbā, **ariyasaccānaṃ** sakalasāsanasaṅgahaṇato saccavibhaṅge⁴
 taṃsamvaṇṇanāsu⁵ āgatanayena. **Satipaṭṭhānā**dīnaṃ vibhaṅgādīsu⁶
 taṃsamvaṇṇanādīsu⁷ ca āgatanayena. **Sāmaññaphalānaṃ** mahato hitassa
 mahato sukhasa mahato atthassa mahato yogakkhepamassa
 nipphattibhāvato santapaṇītanipuṇa-atakkāvacarapaṇḍhitavedanīyabhāvato
 ca. **Abhiññānaṃ** mahāsambhārato mahāvisayato mahākiccato
 mahānubhāvato mahānipphattito ca. **Nibbānassa**
 madanimmadanādīmahatthasiddhito mahantatā veditabbā.

Puthupaññāti etthāpi vuttanayānusārena attho veditabbo. Ayaṃ pana
 viseso—**nānākkhandhesu ñāṇaṃ pavattatī**ti “ayaṃ rūpakkhandho nāma -pa-
 ayaṃ viññāṇakkhandho nāma”ti evaṃ pañcannaṃ khandhānaṃ
 nānākaraṇaṃ paṭicca ñāṇaṃ pavattati, tesupi “ekavidhena rūpakkhandho,
 ekādasavidhena rūpakkhandho, ekavidhena vedanākkhandho, bahuvadhena
 vedanākkhandho, ekavidhena saññākkhandho -pa- ekavidhena
 viññāṇakkhandho, bahuvadhena viññāṇakkhandho”ti evaṃ ekekassa
 khandhassa ekavidhādivasena atītādibhedavasenaṃ pi nānākaraṇaṃ paṭicca
 ñāṇaṃ pavattati. Tathā “idaṃ cakkhāyatanaṃ nāma -pa- idaṃ
 dhammāyatanaṃ nāma. Tattha dasāyatanaṃ kāmāvacarā, dve catubhūmakāti
 evaṃ āyatanañānattaṃ paṭicca ñāṇaṃ pavattati.

1. Visuddhi 1. 9 piṭṭhe.

2. Ma 1. 39 piṭṭhe.

3. Ma 3. 109 piṭṭhe.

4. Abhi 2. 104 piṭṭhe.

5. Abhi-Ṭṭha 2. 78 piṭṭhādīsu.

6. Abhi 2. 220 piṭṭhe.

7. Abhi-Ṭṭha 2. 204 piṭṭhādīsu.

Nānādhātūsūti “ayaṃ cakkhūdhātu nāma -pa- ayaṃ manoviññādhātu nāma. Tattha soḷasa dhātuyo kāmāvacarā, dve catubhūmakā”ti evaṃ nānādhātūsu paṭicca ñāṇaṃ pavattati. Tayidaṃ upādiṇṇakadhātuvaseṇa vuttanti veditabbaṃ. Paccekabuddhānaṃ hi dvinnaṅca aggasāvakaṇaṃ upādiṇṇakadhātūsuyeva nānākaraṇaṃ paṭicca ñāṇaṃ pavattati, taṅca kho ekadesatova, no nippadesato, anupādiṇṇakadhātūnaṃ pana nānākaraṇaṃ na jānantiyeva, sabbaññubuddhānaṃyeva pana “imāya nāma dhātuyā ussannattā imassa rukkhassa khandho seto hoti, imassa kaṇho, imassa bahalattaco, imassa tanuttaco, imassa pattaṃ vaṇṇasaṅghānādivaseṇa evarūpaṃ, imassa pupphaṃ nīlaṃ pītaṃ lohitaṃ odātaṃ sugandhaṃ duggandhaṃ, phalaṃ khuddakaṃ mahantaṃ dīghaṃ vaṭṭaṃ susaṅghānaṃ maṭṭhaṃ pharusaṃ sugandhaṃ madhuraṃ tittakaṃ ambilaṃ kaṭukaṃ kasāvaṃ, kaṇṭako tikhiṇo atikhiṇo ujuko kuṭilo lohito odāto hoti”ti dhātunānattaṃ paṭicca ñāṇaṃ pavattati.

Atthesūti rūpādīsu ārammaṇesu. **Nānāpaṭiccasamuppādesūti** ajjhatabbahiddhābhedaṭo santānabhedato ca nānappabhedesu paṭiccasamuppādaṅgesu. Avijjādi-aṅgānaṃ hi paccekaṃ paṭiccasamuppādasāññitāti. Tenāha saṅkhārapiṭake “dvādasa paccayā dvādasa paṭiccasamuppādā”ti. **Nānāsuññatamanupalabbhesūti** nānāsbhāvesu nīccasārādivirahato suññasbhāvesu, tato **eva** itthipurisa-atta-attaniyādivaseṇa anupalabbhesu sbhāvesu¹. Ma-kāro hettha padasandhikaro. **Nānā-atthesūti** atthapaṭisambhidāvisayesu paccayuppannādinānā atthesu. **Dhammesūti** dhammapaṭisambhidāvisayesu paccayādinānādhamesu. **Niruttisūti** tesāmyeva atthadhammānaṃ niddhāraṇavacanasāṅkhātāsu nānāniruttīsu. **Paṭibhānesūti** ettha atthapaṭisambhidādīsu visayabhūtesu “imāni idamatthajotakāni”ti² tathā tathā paṭibhānato paṭibhānānīti laddhanāmesu ñāṇesu. **Puthu nānāsīlakkhandhesūti**-ādīsu sīlassa puthuttaṃ nānattaṅca vuttameva. Itaresaṃ pana vuttanayānusāreṇa suviññeyyattā pākāṭameva. Yaṃ pana abhinnaṃ ekameva nibbānaṃ, tattha upacāravaseṇa puthuttaṃ gahetabbanti āha “**puthu nānājanasādhāraṇe dhamme samatikkammā**”ti. Tenassa madanimmadanādi-pariyāyena puthuttaṃ paridīpitaṃ hoti.

1. Anupalabbhanabhāvesu (Ka)

2. Abhi 2. 309, 310 piṭṭhādīsu.

Evam visayavasena paññāya mahattam puthuttañca dassetvā idāni sampayuttadhammasena hāsabhāvam, pavatti-ākārasena javanabhāvam, kiccavasena tikkhādibhāvañca dassetum “**katamā hāsapaññā**”ti-ādi vuttam. Tattha **hāsabahuloti** pītibahulo. Sesapadāni tasseva vevacanāni. **Sīlam paripūretīti** haṭṭhapahaṭṭho udaggudaggo hutvā pītisahagatāya paññāya. Pītisomanassasahagatā hi paññā abhiritivasena ārammaṇe phullā vikasitā viya pavattati, na upekkhāsahagatāti pātimokkhasīlam ṭhapetvā hāsaniyam param tividhampi sīlam paripūretīti attho. Visum vuttattā puna **sīlakkhandhamāha**. **Samādhikkhandhanti**-ādīsupi eveda nayo.

Rūpam aniccato khippam javatīti rūpakkhandham aniccanti sīgham vegena pavattiyā paṭipakkhadūrībhāvena pubbābhisaṅkhārassa sātīsayattā indena vissaṭṭhavajiram viya lakkhaṇam paṭivijjhatī adandhāyanti rūpakkhandhe aniccalakkhaṇam vegasā paṭivijjhati, tasmā sā **javanapaññā** nāmāti attho. Sesapadesupi eveda nayo. Evam lakkhaṇārammanīkavipassanāvasena javanapaññam dassetvā balavavipassanāvasena dassetum “**rūpan**”ti-ādi vuttam. Tattha **khayatṭhenāti** yattha yattha uppajjati, tattha tattheva bhijjanato khayasabhāvattā. **Bhayatṭhenāti** bhayānakabhāvato. **Asārakatṭhenāti** attasāravirahato nicasārādivirahato ca. **Tulayitvāti** tulābhūtāya vipassanāpaññāya tuletvā. **Tīrayitvā** tāya eva tīraṇabhūtāya tīretvā. **Vibhāvayitvāti** yāthāvato pakāsetvā pañcakkhandham **vibhūtam katvā**. **Rūpanirodheti** rūpakkhandhassa nirodhabhūte **nibbāne** ninnapoṇapabbhārasena. Idāni sikhāppattavipassanāvasena javanapaññam dassetum puna “**rūpan**”ti-ādi vuttam. Vuṭṭhānagāminivipassanāvasenāti keci.

Ñāṇassa tikkhabhāvo nāma savisesam paṭipakkhasamucchindanena veditabboti “**khippam kilese chindatīti tikkhapaññā**”ti vatvā te pana kilese vibhāgena dassento “**uppannam kāmavitakkan**”ti-ādimāha. Tikkhapañño hi khippābhiñño hoti, paṭipadā cassa na calatīti āha “**ekasmim āsane cattāro ariyamaggā adhigatā hontī**”ti-ādi.

“Sabbe saṅkhārā aniccā dukkhā vipariṇāmadhammā saṅkhatā paṭiccasamuppannā khayadhammā vayadhammā nirodhadhammā”ti yāthāvato dassanena saccasampaṭivedho ijjhati, na aññathāti kāraṇamukhena nibbedhikapaññam dassetum

“**sabbasaṅkhāresu ubbegabahulo hoti**”ti-ādi vuttaṃ. Tattha **ubbegabahuloti** vuttanayena sabbasaṅkhāresu abhiñhaṃ pavattasaṃvego. **Uttāsabahuloti** ñāṇutrāsavasena sabbasaṅkhāresu bahuso utrastamānaso. Tena ādīnavānupassanamāha. **Ukkaṇṭhanabahuloti** pana iminā nibbidānupassanaṃ āha, **aratibahuloti**-ādinā tassā eva aparāparuppattiṃ. **Bahimukhoti** sabbasaṅkhārato bahibhūtaṃ nibbānaṃ uddissa pavattañāṇamukho, tathā vā pavattitavimokkhamukho. Nibbijjhanam nibbedho, so etissā atthi, nibbijjhatīti vā nibbedhā, sāva paññā **nibbedhikā**. Yam panettha atthato avibhattaṃ taṃ heṭṭhā vuttanayattā suviññeyyameva.

Pajjati etena vipassanādikoti **padam**, samāpatti, tasmā **anupadanti** anusamāpattiyoti attho. **Padam** vā sammasanupagā dhammā vipassanāya pavattiṭṭhānabhāvato. Tenāha “**samāpattivāsena vā**”ti. **Jhānaṅgavasena vāti** jhānaṅgavasenāti ca attho. Aṭṭhakathāyaṃ pana kamattho idha padasaddo, tasmā anupadam anukkamenāti ayamettha atthoti āha “**anupaṭipāṭiyā**”ti. **Dhammavipassananti** taṃtaṃsamāpatticittuppādapariyāpanānaṃ dhammānaṃ vipassanaṃ. **Vipassatīti** samāpattiyo jhānamukhena te te dhamme yāthāvato pariggahetvā “**ītipi dukkhā**”ti-ādinā sammasati. **Addhamāsenā arahattaṃ patto** ukkaṃsagatassa sāvakānaṃ sammasanacārassa nippadesena pavattiyamānattā, sāvakapāramiññānassa ca tathā paṭipādetabbattā. **Evam santepīti** yadipi Mahāmogallānatthero na cirasseva arahattaṃ patto, dhammasenāpati pana tato cirena, evaṃ santepi yasmā Mogallānattheropi mahāpaññova, tasmā Sāriputtattherova mahāpaññataroti. Idāni tamatthaṃ pākaṭataraṃ kātuṃ “**Mahāmogallānatthero hi**”ti-ādi vuttaṃ. Sammasanaṃ carati etthāti sammasanacāro, vipassanābhūmi, taṃ **sammasanacāraṃ**. **Ekadesamevāti** saka-attabhāve saṅkhāre anavasesato pariggahetuñca sammasituñca asakkantaṃ attano abhinīhārasamudāgataññābalānurūpaṃ ekadesameva pariggahetvā sammasanto. Nanu ca “**sabbaṃ bhikkhave anabhijānaṃ aparijānaṃ avirājayaṃ appajahaṃ abhabbo dukkhakkhayāyā**”ti¹ vacanato vaṭṭadukkhato muccitukāmena sabbaṃ pariññeyyaṃ parijānitabbameva? Saccametaṃ, tañca kho sammasanupagadhammavasena² vuttaṃ, tasmā sasantānagate

1. Saṃ 2. 249, 250 piṭṭhesu.

2. Sammasanarūpadhammavasena (Ka)

sabbadhamme, parasantānagate ca tesam santānavibhāgamā akatvā bahiddhābhāvasāmaññato sammasanam, ayaṃ sāvakanam sammasanacāro. Thero pana bahiddhādhammepi sanatāvibhāgena keci keci uddharitvā sammasi, tañca kho ñāṇena phuṭṭhamattam katvā. Tena vuttam **“yaṭṭhikoṭiyā uppīlento viya ekadesameva sammasanto”**ti. Tattha ñāṇena nāma yāvataṃ neyyam pavattitabham, tathā apavattanato **“yaṭṭhikoṭiyā uppīlento viyā”**ti-ādi vuttam. Anupadadhammavipassanāya abhāvato **“ekadesameva sammasanto”**ti vuttam.

Buddhānam sammasanacāro dasasahasilokadhātuyam sattasantānagatā, anindriyabaddhā ca saṅkhārāti vadanti, koṭisatasahassacakkavāḷesūti apare. Tathā hi addhattayavasena paṭiccasamuppādanayam osarivā chattimsakoṭisatasahassamukhena buddhānam mahāvajirañāṇam pavattam. Paccekabuddhānamasantānagatehi saddhim majjhimadesavāsīsattasantānagatā anindriyabaddhā ca sammasanacāroti vadanti, jambudīpavāsīsattasantānagatāti keci. Dhammasenāpatinopi yathāvuttasāvakanam vipassanābhūmiyeva sammasanacāro. Tattha pana thero sātisayam niravasesam anupadadhammam vipassi. Tena vuttam **“sāvakanam sammasanacāram nippadesam sammasi”**ti.

Tattha **“sāvakanam vipassanābhūmi”**ti ettha sukkhavipassakā lokiyābhiññappattā pakatisāvakā aggasāvakā paccekabuddhā sammāsambuddhāti chasu janesu sukkhavipassakānam jhānābhiññāhi anadhigatapaññānepuññattā andhānam viya icchitapadesokkamanam vipassanākāle icchiticchitadhammavipassanā natthi. Te yathāpariggahitadhammatteyeva ṭhatvā vipassanam vaḍḍhenti. Lokiyābhiññappattā pana pakatisāvakā yena mukhena vipassanam ārabhanti, tato aññena vipassanam vitthārikam kātum sakkonti vipulaññattā. Mahāsāvakā abhinīhārasampannattā tato sātisayam vipassanam vitthārikam kātum sakkonti. Aggasāvakesu dutiyo abhinīhārasampattiyā samādhānassa sātisayattā vipassanam tatopi vitthārikam karoti. Samādhānassa sātisayattā vipassanam tatopi vitthārikam karoti. Paṭhamo pana tato mahāpaññatāya sāvakehi asādhāraṇam vitthārikam karoti. Paccekabuddhā tehipi mahābhinīhāratāya attano abhinīharānurūpam tatopi vitthārikavipassanam karonti. Buddhānam sammadeva paripūritapaññāpāramipabhāvitasabbaññūtaññādhigamanassa anurūpāyāti.

Yathā nāma katavāvedhaparicayena sarabhaṅgasadisena dhanuggahena khitto saro antarā rukkhalatādīsu asajjāmāno lakkhaṇeyeva patati, na sajjati na virajjhati, evaṃ antarā asajjamānā avirajjhamānā vipassanā sammāniyadhammesu yāthāvato nānāyehi pavattati. Yaṃ mahāñāṇanti vuccati, tassa pavatti-ākārabhedo gaṇato vuttoyeva.

Etesu ca sukkhavipassakānaṃ vipassanācāro khajjotapabhāsadiso, abhiññappattapakatisāvakānaṃ dīpapabhāsadiso, mahāsāvakānaṃ okkāpabhāsadiso, aggasāvakānaṃ osadhitārakāpabhāsadiso, paccekabuddhānaṃ candapabhāsadiso, sammāsambuddhānaṃ rasmisahassapaṭimaṇḍita saradasūriyamaṇḍalasadiso upatthāsi. Tathā sukkhavipassakānaṃ vipassanācāro andhānaṃ yatthikoṭiyā gamanasadiso, lokiyābhiññappattapakatisāvakānaṃ daṇḍakasetugamanasadiso, mahāsāvakānaṃ jaṅghasetugamanasadiso, aggasāvakānaṃ sakaṭasetugamanasadiso, paccekabuddhānaṃ mahājaṅghamaggagamanasadiso, sammāsambuddhānaṃ mahāsakaṭamaggagamanasadisoti veditabbo.

Arahattañca kira patvāti ettha **kira**-saddo anussavaladdhoyamatthoti dīpetuṃ vutto. **Patvā aññāsi** attano vipassanācārassa mahāvisayattā tikkhavisadasūrabhāvassa ca sallakkhaṇena. Kathaṃ panāyaṃ mahāthero dandhaṃ arahattaṃ pāpuṇanto sīghaṃ arahattaṃ pattato paññāya attānaṃ sātisayaṃ katvā aññāsiti āha “**yathā hī**”ti-ādi, **mahājaṇanti** mahājālasākhaṃ ativiya sibbitajālaṃ. **Yatthim pana sāraṃ vā ujum vā na labhati** veṇuggahaṇe anuccinitvā veṇussa gahitattā. **Evaṃsampadanti** yathā tesu purisesu eko veḷuggahaṇe anuccinitvā veḷuyatthim gaṇhāti, eko uccinitvā, evaṃ nipphattikaṃ. **Padhānanti** bhāvanānuyuñjanaṃ.

Sattasaṭṭhi ñāṇanti paṭisambhidāmagge¹ āgatesu tesattatiyā ñāṇesuṭhapetvā cha asādhāraṇañāṇāni sutamayañāṇādīni paṭibhānapaṭisambhidāñānapariyosānāni sattasaṭṭhi ñāṇāni. Tāni hi sāvakehi pavicitabbāni, na itarāni. **Soḷasavidhaṃ paññanti**² mahāpaññādikā, navānupubbavihārasamāpattipaññāti idam soḷasavidhaṃ paññaṃ.

1. Khu 9. 1, 5 piṭṭhādīsu.

2. Saṃ-Ṭṭha 3. 257; Saṃ-Ṭī 2. 480 piṭṭhesu soḷasavidhapañhā saṃvaṇṇitā, na soḷasavidhapañhā.

Tatrāti tassa. **Idaṃ hotīti** idaṃ dāni vuccamānaṃ anupubbasaṃmasanaṃ hoti. **Vipassanākoṭṭhāsanti** vitakkādisammaṣitabbadhammavibhāgena vibhattavipassanābhāgaṃ.

94. **Paṭhame jhāneti** upasilese bhummaṃ, tasmā **ye paṭhame jhāne dhammāti** ye paṭhamajjhānasamsaṭṭhā dhammāti attho. **Antosamāpattiyanti** ca samāpattisahagata cittuppāde samāpattisamaññaṃ āropetvā vuttaṃ. **Vavatthitāti** katavavatthanā nicchitā. **Paricchinnāti** ñāṇena paricchinnā salakkhaṇato paricchijja ñātā. **Oloketoti** ñāṇacakkhunā paccakkhato passanto. **Abhiniropanaṃ** ārammaṇe cittassa āropanaṃ. **Anumajjanaṃ** ārammaṇe cittassa anuvicāraṇaṃ. **Pharaṇaṃ** paṇītarūpehi kāyassa byāpanaṃ, vipphārikabhāvo vā. **Sātanti** sātamadhuratā. **Avikkhepo** vikkhepassa paṭipakkhabhūtaṃ samādhānaṃ. **Phusanaṃ** indriyavisayaviññāṇassa tato uppajjitvā ārammaṇe phusanākārena viya pavatti. **Vedayitaṃ** ārammaṇānubhavanaṃ. **Sañjānanaṃ** nilādivasena ārammaṇassa sallakkhaṇaṃ. **Cetayitaṃ** cetaso byāpāro. **Vijānanaṃ**¹ ārammaṇūpaladdhi. **Kattukamyatā** cittassa ārammaṇena atthikatā. Tasmim ārammaṇe adhimuccanaṃ, sannitṭhānaṃ vā **adhimokkho**. Kosajjapakkhe patitum adatvā cittassa paggaṇhanaṃ **paggāho**, adhiggahoti attho. **Ārammaṇaṃ** upagantvā ṭhānaṃ, anissajjanaṃ vā **upaṭṭhānaṃ**. Samappavattesu assesu sārathi viya sakiccapasutesu sampayuttesu ajjupekkhanaṃ **majjhattatā**. Sampayuttadhammānaṃ ārammaṇe anunayanaṃ saṃcaraṇaṃ **anunayo**. **Sabhāvatoti** yathābhūtasabhāvato. Soḷasanaṃ eva cettha dhammānaṃ gahaṇaṃ tesamīyeva therena vavatthāpitabhāvato, te evassa tadā upaṭṭhahimsu, na itareti vadanti. Vīriyasatiggahaṇena cettha indriyabhāvasāmaññaṇato saddhāpaññaṃ, sabhiggahaṇeneva ekantānavajjabhāvasāmaññaṇato passaddhi-ādayo cha yugaḷā, alobhādosā ca saṅgahitā jhānacittuppādapariyāpanattā tesam dhammānaṃ, therena ca dhammā² vavatthānasāmaññaṇato āradhā, ()³ te na upaṭṭhahimsūti na sakkā vattunti apare.

Viditā uppajantīti uppādepi⁴ nesaṃ vedanānaṃ pajānanaṃ hotiyevāti attho. Sesapadadvayepi eseva nayo. Tam jānātīti tamñāṇo,

1. Abhisandhānaṃ (Ka)

3. (Tasmā) (?)

2. Dhammabhāva (?)

4. Uppādakkhaṇepi (?)

tassa bhāvo **taṁñānatā**, ñāṇassa attasaṁvedananti attho.

Taṁsamānayogakkhamā hi sampayuttadhammā. **Ñāṇābahutāti** ñāṇassa bahubhāvo, ekacittuppāde anekañānatāti attho. Idāni tamevatthaṁ vivaritum “**yathā hī**”ti-ādi vuttaṁ. **Na sakkā jānitum** ārammaṇakaraṇassa abhāvato. Asammohāvabodho ca īdisassa ñāṇassa natthī¹. **Ekekameva** ñāṇaṁ **uppajjati** tasmim̐ khaṇe ekasseva āvajjanassa uppajjanato, na ca āvajjanena vinā cittuppatti atthi. Vuttaṁ hetam̐—

“Cullāsītisahassāni, kappā tiṭṭhanti ye marū.

Na tveva tepi jīvanti, dvīhi cittehi saṁyutā”ti² ca,

“Natthi citte yugā gati”ti ca.

Vatthārammaṇānaṁ pariggahitatāyāti yasmim̐ ca ārammaṇe ye jhānadhammā pavattanti, tesam̐ vatthārammaṇānaṁ pageva ñāṇena paricchijja gahitattā. Yathā nāma migasūkarādīnaṁ āsaye pariggahite tatra ṭhitā migā vā sūkarā vā tato uṭṭhānatopi āgamanatopi nesādassa sukhaḅgahaṇā honti, evaṁ sampadamidaṁ. Tenāha “**therena hī**”ti-ādi. **Tenāti** vatthārammaṇānaṁ pariggahitabhāvena. **Assāti** therassa. **Tesam̐ dhammānanti** jhānacittuppādapariyāpannānaṁ dhammānaṁ. **Uppādaṁ āvajjantassāti**-ādinā uppādādīsu yaṁ yadeva ārabba ñāṇaṁ uppajjati, tasmim̐ tasmim̐ khaṇe tassa tasseva cassa pākaṭabhāvo dīpito. Na hi āvajjanena vinā ñāṇaṁ uppajjati. **Ahutvā sambhontīti** pubbe avijjamānā hutvā sambhavanti, anuppannā uppajjantīti attho. **Udayaṁ passati** tesam̐ dhammānaṁ “ahutvā sambhontī”ti uppādakkhaṇasamaṅgibhāvadassanato. Pubbe abhāvabodhako hi attalābho dhammānaṁ udayo. **Hutvāti** uppajjitvā. **Paṭiventīti** paṭi khaṇe khaṇe vinassanti. **Vayaṁ passati** “hutvā paṭiventī”ti tesam̐ dhammānaṁ bhaṅgakkhaṇasamaṅgibhāvadassanato. Viddhamsabhāvabodhako hi dhammānaṁ vijjamānato vayo.

Tesu dhammesu natthi etassa upayo rāgavasena upagamananti **anupayo**, ananurodho. Hutvā viharatīti yojanā. Tathā natthi etassa apāyo paṭighavasena apagamananti **anapāyo**, avirodho. “Etaṁ

1. Atthi (Ka)

2. Khu 7. 32, 90 piṭṭhesu.

mama, eso me attā”ti tassa taṇhādīṭṭhi-abhinivesābhāvato taṇhādīṭṭhinissayehi **anissito**. **Appaṭibaddhoti** anupayānissitabhāvato vipassanāya paribandhavasena chandarāgena na paṭibaddho na vibandhito. **Vippamuttoti** tato eva vikkhambhanavimuttivasena kāmarāgato vimutto. **Visaṃyutto** vikkhambhanavaseneva paṭipakkhadhammehi visaṃyutto.

Kilesamariyādā tena katā bhaveyyāti antosamāpattiyāṃ pavatte soḷasa dhamme ārabba pavattamānaṃ vipassanāvīthiṃ bhinditvā sace rāgādayo uppajjeyyūṃ, tassa vipassanāvīthiyā kilesamariyādā tena cittena, cittasamaṅginā vā katā bhaveyya. **Tesūti** tesu dhammesu. **Assāti** therassa. **Ekopīti** rāgādīsu ekopīti ca vadanti. Vuttākārena ekaccānaṃ anāpāthagamane sati vipassanā na tesu¹ dhammesu nirantarappavattāti **ārammaṇamariyādā bhaveyya**. **Vikkhambhitapaccanīkattāti** vipassanāya paṭipakkhadhammānaṃ pageva vikkhambhitattā idānipi vikkhambhetabbā kilesā natthīti vuttaṃ.

Itoti paṭhamajjhānato. **Anantaroti** uparimo jhānādiviseso. **Tassa pajānanassāti** “atthi uttari nissaraṇaṃ”ti evaṃ pavattajānanassa. **Bahulīkaraṇenāti** punappunaṃ uppādanena.

Sampasādanaṭṭhenāti kilesakālusiyāpagamanena, tassa vicārakkhobhavigamena vā cetaso sammadeva pāsādikabhāvena.

Vīriyaṃ sati upekkhāti āgataṭṭhāne pārisuddhi-upekkhā, adukkkhamasukhāvedanāti ettha jhānupekkhāti “**sukhaṭṭhāne vedanupekkhā vā**”ti vuttaṃ. **Sukhaṭṭhāneti** ca paṭhamajjhānādīsu sukhasa vuttaṭṭhāne. **Passaddhattāti** samadhuracetayitabhāvena ārammaṇe viṣaṭavittathatabhāvato yo so cetaso ābhogo vutto. Sāmaññaphalādīsu satiyā pārisuddhi, sā pana atthato sativinimuttā natthīti āha “**pārisuddhāsatiyevā**”ti. **Pārisuddhi-upekkhā**, na jhānupekkhādayo.

95. Īdisesu ṭhānesu satiyā na kadācipi nāṇaviraho atthīti āha “**nāṇena sampajāno hutvā**”ti. Tathā hi tatiyajjhāne “satimā sukhavīhārī”ti ettha sampajānoti ayamatto vutto eva

1. Āpāthagamane sati vipassanā tesu (Ka)

hoti. Na **sāvakānaṃ anupadadhamvipassanā hoti**

saṅkhārāvesesasukhumappavattiyā diviññeyyattā vinibbhujitvā gahetum asakkuṇeyyabhāvato. Tenāha “**kalāpavipassanaṃ dassento evamāhā**”ti.

96. **Paññāya cassa disvā āsavā parikkhīṇā hontīti** dassanasamakālaṃ khīyamānā āsavā “disvā parikkhīṇā hontī”ti vuttā. Samānakālepi hi ediso saddappayogo dissati—

“Cakkhuñca paṭicca rūpe ca uppajjati cakkhuviññāṇanti¹,

“Nihantvā timiraṃ sabbaṃ, uggatejo samuggato.

Verocano rasmimālī, lokacakkhupabhaṅkaro”ti² ca—

evamādīsu. Hetu-attho vā ayaṃ **disvāsaddo** asamānakattuko yathā “ghataṃ pivitvā balaṃ hoti, sīhaṃ disvā bhayaṃ hotī”ti³. Dassanahetuko hi āsavānaṃ parikkhayo pariññāsacchika-iriyābhāvanābhisaṃmaye sati pahānābhisaṃmayassa labbhanato. **Yuganaddhaṃ āharitvāti** paṭhamajjhānaṃ samāpajjitvā vuṭṭhāya tattha jhānadhamme sammasanto samathavipassanaṃ yuganaddhaṃ bhāveti. Evaṃ yāva nevasaññānāsaññāyatanāṃ samāpajjitvā vuṭṭhāya tattha sammasanto samathavipassanaṃ yuganaddhaṃ katvā yathā thero arahattaṃ pāpuṇi, taṃ sandhāya vuttaṃ “**arahattaṃ pattavāro idha gahito**”ti. **Idhāti** imasmiṃ sutte. Dīghanakhasuttadesanāya⁴ hi thero arahattaṃ patto. Tadā ca anāgāmī hutvā nirodhaṃ samāpajjatīti vacana-avasaro natthi, tasmā vuttaṃ “arahattaṃ pattavāro idha gahito”ti. Yadi evaṃ “sabbaso nevasaññānāsaññāyatanāṃ samatikkamma saññāvedayitanirodhaṃ upasampajja viharatī”ti idaṃ kasmā vuttanti? There vijamāne paṇḍitaguṇe anavasesato dassetvā arahattanikūṭena desanaṃ niṭṭhāpetum. Nirodhasamāpajjanaṃ pana therassa āciṇṇasamāciṇṇaṃ. Tenāha “**nirodhaṃ pana -pa- vadantī**”ti. Tena phalasaṃpattimpī antarā samāpajjatiyevāti dasseti.

1. Ma 1. 158, 326; Ma 3. 328, 332, 333; Saṃ 1. 301, 302; Saṃ 2. 261;

Abhi 4. 248, 249 piṭṭhesu.

2. Visuddhi-Ṭī 2. 238; Anuṭī 3. 270 piṭṭhesupī atthato samānaṃ.

3. Visuddhi-Ṭī 2. 477; Sārattha-Ṭī 2. 1; Anuṭī 3. 47 piṭṭhesupī.

4. Ma 2. 168 piṭṭhe.

Vomissaṃ vivarituṃ “**tatthassā**”ti-ādi vuttaṃ. Tattha “nirodhaṃ samāpajjissāmi”ti ābhogena samathavipassanaṃ yuganaddhaṃ āharitvā t̥hitassa **nirodhasamāpatti sīsaṃ** nāma hoti, tassa ābhogavasena **nirodhassa vāro āgacchati. Phalasaṃpatti gūlhā hoti** “phalasaṃpattiṃ samāpajjissāmi”ti ābhogassa abhāvato. **Phalasaṃpatti sīsaṃ hotīti** etthāpi vuttanayena atthā veditabbo. Etena ābhogapaṭibaddhametesāṃ āgamananti dīpitanti veditabbaṃ. **Jambudīpavāsino therā panāti-ādi** aṭṭhakathāruḷhameva taṃ vacanaṃ. **Antosaṃpattiyanti** nirodhaṃ samāpannakāle. **Tisaṃmuṭṭhānikarūpadhammeti** utukammāhārasena tisaṃmuṭṭhānikarūpadhamme.

97. **Ciṇṇavasitanti**¹ paṭipakkhadūribhāvena subhāvitavasībhāvaṃ. **Nippattiṃ pattoti** ukkaṃsapariniṃppattiṃ patto. Ure vāyāmajanitāya **oraso. Pabhāvitanti** uppāditaṃ. **Dhammenāti** ariyamaggadhammena. Tassa hi adhigamena ariyāya jātiyā jāto nibbattoti katvā “**dhammajo dhammanimmitto**”ti vuccati. **Dhammadāyassāti** navavidhassa lokuttaradhammadāyassa. **Ādiyanatoti** gaṇhanato, sasantāne uppādanatoti attho. Sesāṃ suviññeyyameva.

Anupadasuttavaṇṇanāya līnatthappakāsanā samattā.

2. Chabbisodhanasuttavaṇṇanā

98. **Khīṇā jātīti** attano ()² jātikkhayaṃ paṭijānantaṃ arahattaṃ byākataṃ hoti arahato tadabhāvato. Tathā **vusitaṃ brahmacariyanti** maggabrahmacariyavāso me pariyoṣitoti paṭijānantaṃ. **Kataṃ karaṇīyanti** catūhi maggehi catūsu saccesu pariññādivasena soḷasavidhassapi kiccassa attanā niṭṭhāpitabhāvaṃ paṭijānantaṃ. **Nāparaṃ itthattāyāti** āyatim punabbhavābhāvaṃ, āyatim vā pariññādikaraṇīyābhāvaṃ paṭijānantaṃ. **āha “ekenapi padena aññā byākatāva hotī”ti.** Dvikkhattuṃ baddhaṃ pana subaddhaṃ viyāti vuttaṃ. **Idha pana aññābyākaraṇaṃ catūhi padehi āgataṃ,** tasmā vattabbameva cettha

1. Heṭṭhāciṇṇavasitanti (Ka)

2. (Ariyāya) (Ka)

natthīti adhippāyo. **Cetanāya diṭṭhavādītā nāma** ariyavohāro. **Sabhāvoti** pakati-attho hi ayaṃ dhamma-saddo “jātidhammā jarādhammā”ti-ādīsu¹ viya, tasmā **anudhammoti** ariyabhāvaṃ anugatā pakatīti attho. Paramappicchatāya ariyā attano guṇe anāvikarontāpi sāsanaṃ niyyānikabhāvaṃ pavedanattañceva sabrahmacārīnaṃ sammāpaṭipattiyāṃ ussāhajananatthañca tādīsānaṃ parinibbānasamayeyeva āvikarontīti adhippāyenaṃha “**parinibbutassa -pa- kātabbo**”ti.

99. **Dubbalanti** pheggu viya subhejjanīyaṃ balavirahitaṃ, asāranti attho. **Virāgutanti**² palujjanasabhāvaṃ. **Vigacchanasabhāvanti** vināsagamanaṃ sabhāvaṃ. Aniccadukkhavipariṇāmatā assāsaṃ assāpī abhāvato **assāsavirahitaṃ**. Āramaṇakaraṇavasena samannāgamanaṃ vasena ca yathārahaṃ upenti upagacchantīti **upayā**³, “etaṃ mama, eso me attā”ti upādiyanti dalhaggāhaṃ gaṇhantīti **upādānā**. Adhitiṭṭhati cetaso abhinandanabhūtāti **cetaso adhiṭṭhānaṃ**. **Tāhīti** taṇhādīṭṭhīhi. **Tanti** cittaṃ. **Abhinivisatīti** atirativasena nivisati, ayaṃ hettha attho—sakkāyadhammesu cittaṃ abhinivisati, “etaṃ mama, eso me attā”ti ajjhosāya tiṭṭhati etāti abhinivesāhi, tathā sakkāyadhammesu cittaṃ anuseti etāhīti **anusayā**, taṇhādīṭṭhiyo. Yadaggena hi tebhūmakadhammesu rāgādayo anusenti, tadaggena taṃsahagatadhammā tattha anusenti pariyāyena “**taṃ anusetī**”ti vuttaṃ. **Khayā virāgāti** hetumhi nissakkavacanaṃti “**khayena virāgenā**”ti hetumhi karaṇavasena attho vutto. **Virāgenāti** ca itisaddo ādi-attho. Tena “nirodhenā”ti evamādikāṃ gahitaṃ hoti. **Aññamaññavevacanāneva** upayādīnaṃ samucchedaṃseva bodhanato.

100. Patiṭṭhāti ettha sesabhūtattayaṃ upādārūpañcāti patiṭṭhānā, nijjīvaṭṭhena dhātu cāti **patiṭṭhānadhātu**. Nhānīyacuṇṇaṃ bāhira-udakaṃ viya sesabhūtattayaṃ ābandhatīti **ābandhanaṃ**. Pacanīyabhattaṃ bāhiratejo viya sesabhūtattayaṃ paripācetīti **paripācanaṃ**. Bāhiravāto viya sesabhūtattayaṃ vitthambhetīti **vitthambhanaṃ**. Dhātusaddattho vuttōyeva.

1. Ma 1. 217, 218 piṭṭhesu.

2. Virāgunaṃ (Aṭṭhakathāyaṃ.)

3. Upāyā (Ka)

Asamphuṭṭhadhātūti asamphusitabhāvo tesam viparimaṭṭhatābhāvato. **Vijānanam** ārammaṇūpaladdhi. **Aham**¹ **attā**ti aham¹ “rūpadhammo me attā”ti **attakoṭṭhāsena** attabhāvena **na upagamim** na gaṇhim. Nissitanissitāpi nissitā eva nāmāti āha “**pathaviḍhātunissitāvā**”ti. Attanā vā pana tannissitāti “**ekena pariyāyenā**”ti. Upādārūpampi kāmam nissitampi hoti, tathāpi tam nissitam hotiyevāti tam na uddhaṭam. Paricchedakarattā² paricchedākāsassa “**avinibbhogavasenā**”ti vuttam. Tena ca tathā paricchinnattā **sabbampi bhūtopādārūpam ākāsadhātunissitam nāma**. Tam nissāya pavattiyā upādārūpam viya bhūtarūpāni, arūpakkhandhā viya ca vatthurūpāni “**taṃnissitarūpavatthukā arūpakkhandhā**”ti vuttanayena ākāsamātunissitacakkhādirūpadhammavattukā vedanādayo arūpakkhandhā ākāsadhātunissitā nāmāti imamattham **tathā**-saddena upasamharati. **Idhāpī**ti ākāsadhātunissitapadepi, na pathaviḍhātunissitapadādīsu eva. **Rūpārūpanti** sabbampi rūpārūpam **gahitameva hoti**, aggahitam natthi. **Sahajāta -pa-****nissitanti** idam nippariyāyasiddham nissayattam gahetvā vuttam. Heṭṭhā vuttanayena pariyāyasiddhe nissayatte gayhamāne “pacchājātapaccayoti pacchājātā cittacetasikā dhammā purejātassa imassa kāyassa pacchājātapaccayena paccayo”ti³ vacanato sabbam catusamuṭṭhānikarūpam “**viññāṇadhātunissitan**”ti vattabham. Tathā anantaraviññāṇadhātupaccayā pavattanato “viññāṇadhātunissitan”ti vattabham.

101. Ruppanti vaṇṇavikāram āpajjamānam hadayaṅgatabhāvam pakāsetīti **rūpanti** ayamattho cakkhudvāre āpāthagate rūpāyatane nippariyāyato labbhati, na āpāthamanāgate. Cakkhuviññāṇaviññātabbhāvo pana āpāthamanāgatepi tasmim labbhateva taṃsabhāvānativattanato. Rūpāyatanam **dvidhā** vibhajivā. Thero pana āpātham anāgatassapi rūpāyatanassa rūpabhāvam na sakkā paṭikkhipitunti dvidhākaraṇam nānujānanto channovādam nidasseti “**upari channovāde kinti karissathā**”ti. Tattha hi “cakkhum āvise channa cakkhuviññāṇam cakkhuviññāṇaviññātabbe dhamme”ti⁴ āgataṃ, na cettha cakkhudvāre āpātham āgatameva rūpāyatanam cakkhuviññāṇaviññātabbapadena gahitam, na āpātham anāgantanti sakkā

1. Ayam (Ka)

3. Abhi 8. 7 piṭṭhe Paṭṭhāne.

2. Viṇḍhakaraṇattā (Ka)

4. Ma 3. 309 piṭṭhe.

viññātum aviseseneva rūpātanena taṇhāmānadiṭṭhigāhābhāvassa jotitattā. Tenāha “**nayidaṃ labbhati**”ti. **Rūpamevāti** rūpāyataneva. Yadi evaṃ “cakkhuviññāṇaviññātabbesu dhammesū”ti padaṃ kathaṃ netabbanti āha “**cakkhuviññāṇasampayuttā panā**”ti-ādi. **Cakkhuviññāṇena saddhiṃ viññātabbesūti** yena manoviññāṇena cakkhuviññāṇaṃ aniccanti-ādinā cakkhuviññāṇena saddhiṃ tena viññātabbesu taṃsampayuttadhammesūti attho. **Taṇhāchandoti** tassanasabhāvo chando, na kattukamyatāchandoyevāti taṇhāchando. **Rajjanavasenāti** vatthaṃ viya raṅgajātaṃ cittassa anurañjanavasena. **Abhinandanavasenāti** ārammaṇe abhiraṃitvā nandanavasena. Sappītikataṇhā hi **nandīti** vuccati, taṇhāyanavasena **taṇhā**.

102. **Ahaṅkāroti** “seyyohamasmi”ti-ādinā¹ ahaṅkaraṇaṃ. Yena hi mamaṃ karoti, etaṃ **mamaṅkāro**. **Svevāti** “ahaṅkāro”ti vuttamāno. Evaṃ catutthajjhāne niddiṭṭhe sabbāsu lokiyābhiññāsu vuccamānāsu heṭṭhā vijjādvayaṃ vattabbanti adhippāyena “**pubbenivāsaṃ dibbacakkuṅca avatvā kasmā vuttan**”ti āha. Itaro idha sabbavāresupi lokuttaradhammapucchā adhikatā, tasmā “so evaṃ samāhite”ti-ādinā tatiyā vijjā kathitāti dassento “**bhikkhū lokiyadhammaṃ na pucchanti**”ti-ādimāha. **Ekavissajjitasuttaṃ nāmetaṃ** tatiyavijjāya eva āgatattā. Ariyadhammavasenaṇapissa samaññā atthevāti dassento “**chabbisodhanantipissa nāman**”ti vatvā tesu dhammesu bhedaṃ dassetuṃ “**ettha hī**”ti-ādi vuttaṃ. **Visuddhāti** tassā codanāya sodhanavasena visodhitā. **Ekameva katvāti** ekavāraseneva pāḷiyaṃ ekajjhaṃ āgatattā ekameva akoṭṭhāsaṃ katvā. Yadi evaṃ kathaṃ vā chabbisodhanatāti āha “**catūhi āhārehi saddhin**”ti. Kathaṃ panettha cattāro āhārā gahetabbāti? Keci tāva āhu—“sādhūti bhāsitaṃ abhinanditvā anumoditvā uttari pañho pucchitabbo”ti heṭṭhā āgatena nayena āhāravāro āharitvā vattabboti. “Bahiddhā sabbanimittesū”ti ettha āhārānampi saṅgahitattā āhārā atthato āgatā evāti aññe. Apare pana rūpakkhandhaggahaṇena kabaḷīkāro

1. Abhi 1. 255, 245; Abhi 2. 359, 366; Sam 2. 308; Khu 7. 61, 336 piṭṭhesu.

āhāro, saṅkhārakkhandhaggahaṇena phassāhāro,
manosañcetanāhāraggahaṇena viññāṇāhāro sarūpatopi gahitoti vadanti.

“Chabbisodhanan”ti imassa suttassa samaññāya anvatthataṃ dassetvā
āyatimpi tādisena byākaraṇena bhikkhūnaṃ paṭipattimpi dassanattham **“ime
panā”**ti-ādi āradhām. **Vinayaniddesapariyāyenā**ti vinayaniddese āgatenā
kāraṇena, **vinaye**¹ vā āgataniddesānukkamena.

Adhigantabbato **adhigamo**, jhānādi-adhigamapucchā. Tenāha
“jhānavimokkhādīsū”ti-ādi. **Upāyapucchā**ti adhigamopāyapucchā. **Kintī**
kena pakārena vidhināti attho.

Katamesaṃ tvaṃ dhammānaṃ lābhīti idaṃ pana pubbe “kiṃ te
adhigatan”ti aniddhāritabhedā jhānādivisesā pucchitāti idāni tesam
niddhāretvā pucchanākāradassanaṃ. **Tasmāti** yasmā yathāvuttehi ākārehi
adhigamabyākaraṇaṃ sodhetabbaṃ, tasmā. **Ettāvatāvāti** ettakena
byākaraṇamatteneva na sakkāro katabbo. Byākaraṇaṃ hi ekaccassa
ayāthāvatopi hoti, yathā nāma jātarūpapatirūpaṃ jātarūpaṃ viya khāyatīti
jātarūpaṃ nighamsanatāpanachedanehi sodhetabbaṃ, evamevaṃ **imesu**
idāneva vuttesu **chasu thānesu** pakkhipitvā **sodhanattham vattabbo**.

Vimokkhādīsūti ādi-saddena

samādhisamāpattiñāṇadassanamaggabhāvanāphalāsacchikiriyā saṅgaṇhāti.

Pākaṭo hoti adhigatavisesassa satisammosābhāvato. Sesapucchāsūpi
“pākaṭo hoti”ti pade eseva nayo. **Uggahaparipucchākusalāti**
sajjhāyamaggasaṃvaṇṇanāsu nipuṇā. Yāya paṭipadāya yassa ariyamaggo
āgacchati, sā pubbabhāgapaṭipatti **āgamanapaṭipadā**. **Sodhetabbāti** suddhā
udāhu asuddhāti vicāraṇavasena sodhetabbā. **Na sujjetatīti** tattha tattha
pamādapāṭipattibhāvato. **Apanetabbo** attano paṭiññāya. **“Sujjetatī”**ti vatvā
sujjhanākāraṃ dassetuṃ **“dīgharattan”**ti-ādi vuttaṃ. **Paññāyatīti** ettha
“yadi”ti padaṃ ānetvā yadi so bhikkhu tāya paṭipadāya yadi paññāyatīti
sambandho. **Khīṇāsavapaṭipattisadisā paṭipadā hoti** dīgharattaṃ
vikkhambhitakilesatā.

1. Vi 1. 117 piṭṭhe.

Nadiyā samuddaṃ pakkhandanaṭṭhānaṃ **nadīmukhadvāraṃ**.
Maddamānoti badarasāḷavaṃ sarasaṃ patte pakkhitto hutvā maddamāno.
 Sesam suviññeyyameva.

Chabbisodhanasuttavaṇṇanāya līnatthappakāsanā samattā.

3. Sappurisadhammasuttavaṇṇanā

105. **Sappurisadhammanti** sappurisabhāvakaraṃ dhammaṃ. So pana yasmā sappurisānaṃ paveṇiko dhammo hoti, tasmā āha “**sappurisānaṃ dhammaṃ**”ti, esa nayo **asappurisadhammanti** etthāpi. Evaṃ padhānaṃ anuṭṭhātabbaṅca sappurisadhammaṃ ādiṃ katvā mātikaṃ ṭhapetvā ayathānupubbīyā niddisanto “**katamo ca bhikkhave asappurisadhammo**”ti-ādimāha. Tathā pana niddisanto udāharaṇapubbakam hetuṃ dassetuṃ “**yathā nāma**”ti-ādi vuttaṃ. Tena icchitabbapariccāgapubbakam gaheṭṭabbagahaṇam nāma nāyapaṭipatti, tasmā sappurisadhammā sampādetabbāti dīpento satthā ayathānupubbīyā niddhārīyatīti imamatthaṃ dasseti, tathā aññatthāpi “asevanā ca bālānaṃ, paṇḍitānaṃca sevana”ti. **Etadeva hi kuladvayaṃ “uccakulan”ti vuccati** nippariyāyato. Tathā hi antimabhavikā bodhisattā tattheva paṭisandhiṃ gaṇhanti. **Soti sāmīcippaṭipanno bhikkhu. Antaram karitvāti** taṃ kāraṇam katvā. Paṭipadā hi viññūnaṃ pūjāya kāraṇam, na uccakulīnatā. **Mahākulāti** vipulakulā, upāditoditakulasampavattikāti attho.

106. **Yasasaddo** parivāravācako, **yasassīti** ca sātisayaparivāravantatā vuccatīti āha “**parivārasampanno**”ti. Ādhipateyyābhāvato paresam upari natthi etesaṃ īso īsanaṃ issariyanti akkhātabbāti **appesakkhā**. Tenāha “**appaparivārā**”ti. Abhāvattho hi idha **appa-saddo**.

107. **Naveva dhutaṅgāni āgatānīti** ettha yathā ukkaṭṭhampaṃsukūlikassa tecīvarikatā sukarā, evaṃ ukkaṭṭhapiṇḍapātīkassa sapadānacārikatā sukarā, ekāsanīkassa ca pattapiṇḍīkakkhalupacchābhattikatā sukarā evāti “paṃsukūliko hotī”ti-ādivacaneneva pāḷiyā anāgatānampi āgatabhāvo vedītabbo parihaṇasukaratāya tesampi samādānasambhavato. Tenāha “**terasa hontī**”ti.

108. Kāmatanḥādikāya tāya taṇhāya nibbattāti tammayā, puthujjanā, pakatibhāvūpagamanena tesam bhāvo tammayatā, tappaṭikkhepato **atammayatā**, nittaṇhatā. **Taṃyeva kāraṇam katvāti** paṭhakajjhānepi taṇhāpahānaṃyeva kāraṇam katvā. **Citte uppādetvāti** atammayatāpariyāyena vutte taṇhāya paṭipakkhadhamme sampādetvā. **Na maññatīti** maññanānaṃ ariyamaggena sabbaso samucchinnatā kismiñci okāse kāmabhavādike kenaci vatthunā hatthi-assakhattavatthādinā pattacīvaravihārapariveṇādinā ca puggalaṃ na maññati. Sesam suviññeyyameva.

Sappurisadhammasuttavaṇṇanāya līnatthappakāsanā samattā.

4. Sevitabbāsevitabbasuttavaṇṇanā

109. **Aññamaññanti** aññaṃ aññaṃ. Tenāha “**aññaṃ sevitabban**”ti-ādi. **Sattahi padehīti** sattahi vākyehi. Pajjati etena yathādhippeto atthoti padaṃ, vākyam. **Sāriputtatherassa okāsakaraṇam** dhammadāyāde¹ vuttanayena veditabban.

113. Diṭṭhiyeva paccayavasena paṭiladdhatāya **diṭṭhipaṭilābho**. **Saññāpaṭilābhepi** eseva nayo. **Micchādiṭṭhisammādiṭṭhiyo -pa- na gahitā** kammaṭṭhappattānaṃ tesam manosamācārabhāvena gahitattā. Yadi evaṃ kasmā diṭṭhi cittuppādavāre na gahitāti? Kāmaṃ micchādiṭṭhiyā avayavibhāvo labbhati, tathāpi cittuppādakkhaṇe lokiyalokuttaracittuppādesu kammaṭṭhakoṭṭhāso na uddhaṭo.

115. **Kāmasaññādīnanti** ettha **ādi**-saddena yathā byāpādavihimsāsāññā saṅgahitā, evaṃ anabhijjhā-abyāpāda-avihimsāsāññā saṅgahitā paṭhamena ādisaddena “anabhijjhāsahagatāya saññāyā”ti-ādipāṭhassa saṅgahitattā.

117. **Bhavānaṃ apariniṭṭhitabhāvāyāti** kāmabhavādīnaṃ apariyosānāya pariyosānaṃ icchatopi tādisassa bhavānaṃ apariyosānameva

1. Ma 1. 17 piṭṭhe.

hoti. **Cattāro honti** puggalavasena. Tenāha “**puthujjanopi hī**”ti-ādi. **Akusalā dhammā vaḍḍhantī**ti tesam pahānāya appaṭipajjamānassāti adhippāyo, tato eva **kusalā dhammā pariyāhanti**. Tenassa kilesadukkhena vipākadukkhena ca **sadukkhameva attabhāvaṃ abhinibbatteti**. Orambhāgiyasamyojanāni pahāya suddhāvāsesu nibbattanāraho **anāgāmīkathaṃ -pa- abhivaḍḍhantī**ti āha “**anāgāmīpī**”ti-ādi. **Sadukkhameva attabhāvaṃ abhinibbatteti**, yāya labbhamāna-akusalābhivuddhiṃ kusalapariyāniñca gahetvā anāgāminopi sabyābajjha-attabhāvābhinibbattanaṃ vuttaṃ. Evaṃ yathālabbhamānaṃ akusalaparihāniṃ kusalābhivuddhiñca gahetvā puthujjanassapi antimabhavikassa abyābajjha-attabhāvābhinibbattanaṃ vuttanti daṭṭhabbam. Tenāha “**puthujjanopi**”ti-ādi. **Akusalameva hāyati**, na kusalaṃ tassa buddhipakkhe ṭhitattā. Tatthāpi **vipassanameva gabbhaṃ gaṇhāpeti**, na vaṭṭagabbhaṃ antimabhavikatāya, vivaṭṭūpanissitattā ajjhāsayaassa, ñāṇassa ca pākagamanato.

119. **Ekaccassāti** sāmivacanaṃ “abhinandatī”ti-ādīsu paccattavasena pariṇāmetabbaṃ, tathā “nibbindatī”ti-ādīsopi. **Uggaṇhītvāpīti pi-saddo luttaniddiṭṭho**. Bhagavato bhāsītassa atthaṃ ajānantā tāva dīgharattaṃ hitasukhato paribāhirā hontu, jānantānampi sabbesaṃ dīgharattaṃ hitāya sukhāya hotīti anekamsikataṃ codento “**evaṃ santepī**”ti-ādimāha. Itaro sabbesampi dīgharattaṃ hitāya sukhāya hotiyevāti “**appaṭisandhikā**”ti-ādinā anekamsikataṃ pariharati. Sesam suviññeyyameva.

Sevitabbāsevitabbasuttavaṇṇanāya līnatthappakāsanā samattā.

5. Bahudhātukasuttavaṇṇanā

124. **Bhayanti**¹ cittasamsappatāti āha “**cittutrāso**”ti. **Upaddavoti** antarāyo. Tassa pana vikkhepakāraṇattā vuttaṃ “**anekaggatākāro**”ti. **Upasaggoti** upasajjanaṃ. Tato

1. Arī-Ṭī 2. 75 piṭṭhepi passitabbaṃ.

appatīkāravighātāpatti yasmā patīkārābhāvena vihaññamānassa kiñci kātuṃ asamatthassa ośīdanakāraṇaṃ, tasmā vuttaṃ “**tattha tattha lagganākāro**”ti. Vañcetaṃ āgantūṃ **yathāvutte divase anāgacchantesu**. Bahi anikkhamaṇatthāya **dvāre aggiṃ datvā**.

Naḷehīti naḷacchannasaṅkhepena upari chādetvā tehiyeva dārukacchadananiyāmena paritopi chādita¹. **Eseva nayoti** iminā tiṇehi channataṃ, sesasambhārānaṃ rukkhamayatañca atidisati. **Vidhavāputteti** adantabhāvopalakkaṇaṃ. Te hi nippitīkā avinīta asaṃyatā akiccakāriṇo honti.

Matthakaṃ apāpetvāva niṭṭhāpitāti kasmā bagavā evamakāsīti? Ānandattherassa pucchākosalladīpanatthameva, tattha nisinnānaṃ sannipatitabhikkhūnaṃ desanāya jānanatthañca². Te kira saṅkhepato vuttamatthaṃ ajānantā andhakāraṃ pavīṭṭhā viya ṭhitā, pucchānusandhivasena pariggayha jānissantīti³.

125. **Rūpapariggahova kathito**, na aññaṃ kiñcīti attho. Idāni tato saccāni niddhāretvā catusaccakammaṭṭhānaṃ dassetuṃ “**sabbāpi**”ti-ādi vuttaṃ. **Pañcakkhandhā hontīti** addhekādasa dhātuyo rūpakkhando, addhaṭṭhamā dhātuyo yathārahaṃ vedanādayo cattāro arūpino khandhāti evaṃ aṭṭharasa dhātuyo pañcakkhandhā honti. **Pañcapi khandhā** taṇhāvajjā **dukkhasaccaṃ**. **Appavattīti** appavattinimittaṃ. **Nirodhapajānanāti** paññāsīsenā maggakiccamāha. Sammādiṭṭhipamukho hi ariyamaggo. **Matthakaṃ pāpetvā kathitaṃ hoti** sammasanassa bhūmiyā nippattiyā ca kathitattā. **Jānāti passatīti** iminā ñāṇadassanaṃ kathitaṃ, taṃ pana lokiyaṃ lokuttaranti duvidhanti tadubhayampi dassento āha “**saha vipassanāya maggo vutto**”ti.

Etthāvatāpi khoti pi-saddaggaṇena aññaṇa pariyaṇena satthā dhātukosallaṃ desetukāmoti therō “siyā pana bhante”ti pucchātīti bhagavā pathavīdhātu-ādivasenāpi dhātukosallaṃ vibhāveti. Tattha pathavīdhātu-ādisaddena desanākāraṇaṃ vibhāvento “**pathavīdhātu -pa- vutta**”ti āha. **Tāpi** hi ādito cha dhātuyo.

1. Chādetvā (Ka)

2. Ajānanatthañca (Ka)

3. Pariggayhatīti (Ka)

“**Viññāṇadhātuto nīharitvā pūretabbā**”ti vatvā kathaṃ rūpadhātuyo nīharīyantīti codanaṃ sandhāya taṃ nayaṃ dassetuṃ “**viññāṇadhātū**”ti-ādi vuttaṃ. Kāmaṃ cettha kāyaviññāṇadhātuyā ārammaṇaṃ phoṭṭhabbadhātupathavīdhātu-ādivasena desanāruḷhameva, kāyadhātu pana nīharitabbāti ekamsameva nīharaṇavidhiṃ dassento “**esa nayo sabbatthā**”ti āha. **Purimapacchimavasena manodhātūti** pacchimabhāgavasena kiriyāmanodhātu gahetabbā tassānurūpabhāvato. Nanu cettha manodhātu nāmāyaṃ manoviññāṇadhātuyā asaṃsaṭṭhā, visuṃyeva cesā dhātūti? Saccametaṃ aṭṭhārasadhātudesanāya, cittavibhattiniddese chaviññāṇakāyadesanāyaṃ pana sā manoviññāṇakāyasaṅgahitāvāti daṭṭhabbaṃ. Yaṃ panettha vattabbaṃ, taṃ **Visuddhimaggasaṃvaṇṇanāyaṃ**¹ vuttanayena veditabbaṃ. Atha vā **purimapacchimavasena**ti purecarānucaravasena. **Manodhātūti** vipākamanodhātu gahetabbā purecaraṇato, parato uppajjanakiriyāmanoviññāṇadhātuyā anantaraṃ manodhātuyā, kiriyāmanodhātuyā anantaraṃ manoviññāṇadhātuyā anuppajjanato ca.

Dhammānaṃ yāvadeva nissattanijjīvabhāvanatthāya satthu dhātudesanāti aññesu sabhāvadhāraṇādi-atthesu labbhamānesupi ayamettha attho padhānoti āha “**esa nayo sabbatthā**”ti. **Sappaṭipakkhavasena**ti sappaṭibhāgavasena sukhaṃ dukkhena sappaṭibhāgaṃ, dukkhaṃ sukkena, evaṃ somanassadomanassāti. Yathā sukhādīnaṃyeva samudācāro vibhūto, na upekkhāya, evaṃ rāgādīnaṃyeva² samudācāro vibhūto, na mohassa, tena vuttaṃ “**avibhūtabhāvenā**”ti. **Kāyaviññāṇadhātu pariggahitāva hoti** tadavinābhāvato. **Sesāsu** somanassadhātu-ādīsu **pariggahitāva hoti** avinābhāvato eva. Na hi somanassādayo manodhātuyā vinā vattanti. **Upekkhādhātuto nīharitvāti** ettha cakkhuviññāṇadhātu-ādayo catasso viññāṇadhātuyo tāsāṃ vatthārammaṇabhūtā cakkhudhātu-ādayo cāti aṭṭha rūpadhātuyo, manodhātu, upekkhāsahagatā manoviññāṇadhātu, upekkhāsahagatā eva dhammadhātūti evaṃ pannarasa dhātuyo upekkhādhātuto nīharitabbā. Somanassadhātu-ādayo pana catasso dhātuyo

1. Visuddhi-Ṭī 2. 176 piṭṭhādīsu.

2. Saṅkhārādīnaṃyeva (Ka)

dhammadhātu-antogadhā, evaṃ sukhadhātuto kāyaviññādhātuyā tassā vatthārammaṇabhūtānaṃ kāyadhātuphoṭṭhabbadhātūnaṃ nīharaṇā heṭṭhā dassitanayāti “**upekkhādhātuto nīharitvā pūretabbā**” icceva vuttaṃ.

Kānavitakkādayo idha kāmadhātu-ādipariyāyena vuttāti “**kāmadhātu-ādināṃ dvedhāvitakke kānavitakkādīsu vuttanayena attho veditabbo**”ti āha. Tattha hi “kānavitakkoti kāmapaṭisaṃyutto vitakko, byāpādavitakkoti byāpādapaṭisaṃyutto vitakko, vihiṃsāvitakkoti vihiṃsāpaṭisaṃyutto vitakko, nekkhammapaṭisaṃyutto vitakko nekkhammavitakko, so yāva paṭhamajjhānā vaṭṭati. Abyāpādapaṭisaṃyutto vitakko abyāpādavitakko, so mettāpubbabhāgato paṭṭhāya yāva paṭhamajjhānā vaṭṭati. Avihimsāpaṭisaṃyutto vitakko avihimsāvitakko, so karuṇāya pubbabhāgato paṭṭhāya yāva paṭhamajjhānā vaṭṭati”ti vuttaṃ. Ayaṃ panattho abhidhamme vitthārato āgato evāti dassetuṃ “**abhidhamme**”ti-ādi vuttaṃ. **Kāmadhātuto nīharitvāti** ettha **kāma**ggahaṇena gahitā rūpadhātu-ādayo cha, taṃvisayā satta viññādhātuyo, tattha pañcannaṃ viññādhātūnaṃ cakkhuhātu-ādayo pañcāti aṭṭhārasa. Nekkhammadhātu-ādayo pana dhammadhātu-antogadhā eva.

Kāmatāṇhāya visayabhūtā dhammā kāmadhātūti āha “**pañca kāmāvacarakkhandhā kāmadhātū**”ti. Tathā rūpataṇhāya visayabhūtā dhammā rūpadhātu, arūpataṇhāya visayabhūtā dhammā arūpadhātūti āha “**cattāro arūpāvacarakkhandhā**”ti-ādi. Kāmatāṇhā kāmo uttarapadalopena, evaṃ rūpārūpataṇhā rūpārūpaṃ. Ārammaṇakaraṇavasena tā yattha avacaranti, te kāmāvacarādayoti evaṃ kāmāvacarakkhandhādīnaṃ kāmatāṇhādibhāvo veditabbo. **Ādinā nāyenāti** etena “uparito paranimitavasavattideve antokarivā etthāvacarā”ti-ādipālim¹ saṅgaṇhāti. **Etthāvacarāti** avīciparanimitaparicchinnokāsāya kāmatāṇhāya visayabhāvaṃ sandhāya vuttaṃ, tadokāsatā ca taṇhāya tanninnattā veditabbā. Sesapadadvayepi eseva nayo. Paripuṇṇa-aṭṭhārasadhātukattā kāmāvacaradhammānaṃ “**kāmadhātuto nīharitvā**

1. Abhi 2. 436 piṭṭhe.

pūretabbā”ti vuttaṃ. Manoviññāṇadhātudhammadhātu-ekadesamattameva hi rūpārūpāvacaradhammāti.

Samāgantvāti sahitā hutvā. Yattakaṃ hi paccayadhammā attano phalassa kāraṇaṃ, tattha tannibbattane samāgatā viya hoti vekalle tadanibbattanato. **Saṅkhatadhātuto nīharitvā pūretabbā** asaṅkhatāya dhātuyā dhammadhātu-ekadesabhāvato.

126. Evaṃ pavattamānā mayaṃ attāti gahaṇaṃ gamissāmāti iminā viya adhippāyena attānaṃ adhikicca uddissa pavattā ajjhata, tesu bhavā tappariyāpannattāti **ajjhattikāni**. Tato bahibhūtāni **bāhirāni**. Āyatanakathā paṭiccasamuppādakathā ca **Visuddhimagge**¹ vuttanayeneva veditabbāti na vittharitā.

127. Avijjāmānaṃ ṭhānaṃ **aṭṭhānaṃ**, natthi ṭhānanti vā **aṭṭhānaṃ**². **Anavakāsoti** ettha eseva nayo. Tadatthanigamanameva hi “netāṃ ṭhānaṃ vijjati”ti vacananti. Tenāha **“ubhayenapī”**ti-ādi. **Yanti** kāraṇe paccattavacanaṃ, hetu-attho ca kāraṇattho āha **“yanti yena kāraṇenā”**ti. Ukkaṭṭhaniddesena ettha diṭṭhisampatti veditabbāti vuttaṃ **“maggadiṭṭhiyā sampanno”**ti. Kuto panāyamatto labbhatī? Liṅgato. Liṅgaṃ hetāṃ, yadidaṃ niccato upagamanapaṭikkhepo. **Catubhūmakesūti** idaṃ catutthabhūmakasaṅkhārānaṃ ariyasāvakaṃ visayabhāvūpagamanato vuttaṃ, na pana te ārabha niccato upagamanasabbhāvato. Vakkhati ca “catutthabhūmakasaṅkhārānaṃ”ti-ādinā. Abhisāṅkhatasaṅkhāra-abhisāṅkharānakasaṅkhārānaṃ sappadesattā nippadesasaṅkhārāgahaṇatthaṃ **“saṅkhatasaṅkhāresū”**ti vuttaṃ. Lokuttarasāṅkhārānaṃ pana nivattane kāraṇaṃ sayameva vakkhati. **Etāṃ kāraṇaṃ natthi** setughātattā. **Tejussadattāti** saṅkilesavidhamanatejassa adhikabhāvato. Tathā hi te gambhīrabhāvena duddasā. **Akusalānaṃ ārammaṇaṃ na hontīti** idaṃ pakaraṇavasena vuttaṃ. Appahīnavipallāsānaṃ sattānaṃ kusaladhammānampi te ārammaṇaṃ na honti.

Asukhe “sukhan”ti vipallāso ca idha sukhato upagamanassa ṭhānanti adhippetanti dassento **“ekanta -pa- vuttan”**ti. **Attadiṭṭhivasenāti**

1. Visuddhi 2. 112, 148 piṭṭhādīsu.

2. Am-Ṭī 1. 211; Mūlaṭī 2. 207 piṭṭhādīsopi passitabbari.

padhānadiṭṭhimāha. Diṭṭhiyā nibbānassa avisayabhāvo heṭṭhā vutto evāti
“kasiṇādipaṇṇattisaṅghatthan”ti vuttaṃ. **Paricchedoti** saṅkhārānaṃ
 paricchedo saṅkhārānaṃ paricchijja gahaṇaṃ. Svāyaṃ yesaṃ niccādito
 upagamaṇaṃ bhavati, tesāmyeva vasena kātabboti dassento
“sabbavāresū”ti-ādimāha. **Sabbavāresū**ti niccādisabbavāresu. **Puthujjano hīti**
hi-saddo hetu-attho, yasmā yaṃ yaṃ saṅkhāraṃ¹ niccādivasena
 puthujjanakāle upagacchati, taṃ taṃ ariyamaggādhigamena aniccādivasena
 gaṇhanto yāthāvato jānanto taṃ gāhaṃ taṃ diṭṭhiṃ viniveṭheti vissajjeti,
 tasmā yattha gāho, tattha vissajjanāti catutthabhūmakasaṅkhārā idha
 saṅkhāraggahaṇena na gayhatīti attho.

128. Puttasambandhena mātāpītusamaññā, dattakittimādivasenapi
 puttavohāro loke dissati, so ca kho pariyāyato nippariyāyasiddhaṃ taṃ
 dassetuṃ **“janikāva mātā janako pitā”**ti vuttaṃ. Tathā ānantariyakammaṃ
 adhippetattā **“manussabhūtova khīṇāsavo arahāti adhippeto”**ti vuttaṃ.
“Aṭṭhānametan”ti-ādinā mātu-ādīnaṃyeva jīvitā voropane ariyasāvakaṃ
 abhabbābhāvadassanato tadaññaṃ ariyasāvako jīvitā voropetīti idaṃ atthato
 āpannamevāti maññaṃ vadaṃti **“kiṃ pana ariyasāvako aññaṃ jīvitā**
voropeyyā”ti. **“Aṭṭhānametaṃ bhikkhave anavakāso, yaṃ diṭṭhisampanno**
 puggalo sañcicca pāṇaṃ jīvitā voropeyya, netāṃ ṭhānaṃ vijjati”ti vacanato
“etampi aṭṭhānaṃ”ti vuttaṃ. Tenāha **“sacepi hī”**ti-ādi. **Baladīpanathanti**
 saddhādibalasamannāgamadīpanatthaṃ.
 Ariyamaggenāgatasaddhādīvalavasena hi ariyasāvako tādisaṃ sāvajjaṃ na
 karoti.

Pañcahi kāraṇehīti idaṃ atthanipphādakāni tesāṃ pubbabhāgiyāni ca
 kāraṇāni kāraṇabhāvasāmaññaṇa ekajjhaṃ gahetvā vuttaṃ, na pana
 sabbesaṃ pañcannaṃ sahayogakkhamato. **Ākārehi**ti kāraṇehi.
Anussāvanenāti anurūpaṃ sāvanena. Bhedassa anurūpaṃ yathā bhedo hoti,
 evaṃ bhinditabbānaṃ bhikkhūnaṃ attano vacanassa sāvanena viññāpanena.
 Tenāha **“nanu tumhe”**ti-ādi. **Kaṇṇamūle vacībhedāṃ katvāti**

1. Saṅkhārānaṃ (Ka)

etena “pākaṭaṃ katvā bhedakaravatthudīpanaṃ **vohāro**, tattha attano nicchitamatthaṃ rahassavasena viññāpanaṃ **anussāvanaṃ**”ti dasseti.

Kammameva uddeso vā pamāṇanti tehi saṅghabhedasiddhito vuttaṃ, itare pana tesaṃ pubbabhāgabhūtā. Tenāha “**vohārā**”ti-ādi. **Tatthāti** vohāre. Cuti-anantaraṃ phalaṃ anantaraṃ nāma, tasmim̐ anantare niyuttāni, tannibbattanena anantarakaraṇasīlāni, anantarappayojanāni cāti ānantariyāni, tāni eva “**ānantariyakammāni**”ti vuttāni.

Kammatoti “evaṃ ānantariyakammaṃ hoti, evaṃ anantariyakammasadisānaṃ”ti evaṃ kammavibhāgato. **Dvāratoti** kāyādidvārato. **Kappaṭṭhitiyatoti** “idaṃ kappaṭṭhitikavipākaṃ, idaṃ na kappaṭṭhitikavipākaṃ”ti evaṃ kappaṭṭhitiyavibhāgato. **Pākāti** “idamettha vipaccati, idaṃ na vipaccatī”ti vipaccanavibhāgato. **Sādhāraṇādīhīti** gahaṭṭhapabbajitānaṃ sādhāraṇāsādhāraṇato, **ādi**-saddena vedanādivibhāgato ca.

Yasmā manussabhāve ṭhitasseva ca kusaladhammānaṃ tikkhavisadasūrabhāvāpatti, yathā taṃ tiṇṇampi bodhisattānaṃ bodhittayanibbattiyāṃ, evaṃ manussabhāve ṭhitasseva akusaladhammānampi tikkhavisadasūrabhāvāpattīti āha “**manussabhūtassevā**”ti. Pākatikamanussānampi ca kusaladhammānaṃ visesappatti Vimānavatthu-aṭṭhakathāyaṃ¹ vuttanayena veditabbā. Yathā vutto ca attho samānajātiyassa vikopane kammaṃ garutaraṃ, na tathā vijātiyassāti vuttaṃ “**manussabhūtaṃ mātaraṃ vā pitaraṃ vā**”ti. Liṅge parivatte ca so eva ekakammanibbatta bhavaṅgappabandho, jīvitindriyappabandho ca, na aññoti āha “**api parivattaliṅgaṃ**”ti. Arahantepi esseva nayo. **Tassa vipākanti**-ādi kammaṃ ānantariyabhāvasamatthanaṃ, catukoṭikaṃ cettha sambhavati. Tattha paṭhamā koṭi dassitā, itarāsu visaṅketaṃ dassetuṃ “**yo panā**”ti-ādi vuttaṃ. Yadiapi tattha visaṅketo, kammaṃ pana garutaraṃ ānantariyasadisānaṃ bhāyitabbanti āha “**ānantariyaṃ āhacceva tiṭṭhati**”ti. **Ayaṃ pañhoti** nāpanicchānibbattā kathā.

Ānantariyaṃ phusati maraṇādhippāyeneva ānantariyavatthuno vikopitattā. **Ānantariyaṃ na phusati** ānantariyavatthu-abhāvato.

1. Vimāna-Ṭṭha 16 piṭṭhe.

Sabbattha hi purimaṃ abhisandhicittaṃ appamāṇaṃ, vadhakacittaṃ pana tadārammaṇaṃ jīvitindriyaṅca ānantariyanānantariyabhāve¹ pamāṇanti daṭṭhabbaṃ. Saṅgāmacatukkaṃ sampattavasena yojetabbaṃ.

Tenevāti teneva payogena. **Arahantaghāto hotiyeva** arahato māritattā. **Puthujjanasseva dinnam hotīti** yasmā yathā vadhakacittaṃ paccuppannārammaṇampi pabandhavicchedavasena ca jīvitindriyaṃ ārammaṇaṃ katvā pavattati, na evaṃ cāgacetaṇā. Sā hi cajitabba-atthum ārammaṇaṃ katvā cajanamattameva hoti, aññasantakabhāvakarāṇaṅca tassa cajanam, tasmā yassa taṃ santakam kataṃ, tasseva dinnam hotīti.

Lohitam samosaratīti abhighātena pakuppamānaṃ sañcitaṃ hoti. **Mahantataranti** garutaraṃ. **Sarīrapaṭijaggane viyāti** satthurūpa-kāyapaṭijaggane viya.

Asannipatiteti idaṃ sāmaggīyadīpanaṃ. **Bhedo ca hotīti** saṅghassa bhedo hoti. **Vaṭṭatīti saññāyāti** īdisakaraṇaṃ saṅghassa bhedāya na hotīti saññāya. **Navato ūnaparisāyam** karontassa tathāti yojetabbaṃ. **Tathāti** iminā “na ānantariyakammaṃ”ti imaṃ ākaḍḍhati, na pana “bhedo hotī”ti idaṃ. Heṭṭhimantena hi navannameva vasena saṅghabhedo. **Dhammavādino anavajjā** yathādhammaṃ avaṭṭhānato. Saṅghabhedassa pubbabhāgo saṅgharāji.

Kāyadvārameva pūrenti kāyakammabhāveneva lakkhitaḍḍato.

Sañṭhahante hi² -pa- muccatīti idaṃ kappāṭṭhakathāya na sameti. Tathā hi kappāṭṭhakathāyaṃ³ vuttam “āpāyikoti idaṃ suttam yaṃ so ekaṃ kappam asītibhāge katvā tato ekabhāgamattaṃ kālam tiṭṭheyya, taṃ āyukappaṃ sandhāya vuttan”ti. **Kappavināseyevāti** pana āyukappavināseyevāti atthe sati natthi virodho. Ettha ca **sañṭhahanteti⁴** idampi “sveva vinassissatī”ti viya abhūtaparikappavasena vuttam. **Ekadivasameva niraye paccati** tato paraṃ kappābhāve āyukappassapi abhāvatoti

1. Ānantariyabhāve (Am-Ṭī 1. 213 piṭṭhe.)

3. Abhi-Ṭītha 3. 234 piṭṭhe.

2. Saṅgaṭṭehi (Ka)

4. Saṃvaṭṭeti (Ka)

avirodhato atthayojanā daṭṭhabbā. **Sesānī**ti saṅghabhedato aññāni ānantariyakammāni.

Ahosikammaṃ -pa- saṅkhyam̐ gacchanti, evaṃ sati katham̐ nesaṃ ānantariyatā cuti-anantaram̐ vipākadānābhāvato. Atha sati phaladāne cuti-anantaro eva etesaṃ phalakālo, na aññoti phalakānīyamena niyatatā nicchitā, na phaladānaniyamena, evampi niyataphalakālānaṃ aññesampi upapajjavedanīyānaṃ diṭṭhadhammavedanīyānaṃca niyatatā āpajjeyya, tasmā vipākadhammadhammānaṃ paccayantaravikalatādīhi avipaccamānānampi attano sabhāvena vipākadhammatā viya balavatā ānantariyena vipāke dinne avipaccamānānampi ānantariyānaṃ phaladāne niyatasabhāvā ānantariyasabhāvā ca pavattīti attano sabhāvena phaladānaniyameneva niyatatā ānantariyatā ca viditabbā. Avassaṅca ānantariyasabhāvā tato eva niyatasabhāvā ca tesam̐ pavattīti sampatīcchitabbametam̐ aññassa balavato ānantariyassa abhāve cuti-anantaram̐ ekantena phaladānato.

Nanu evaṃ aññesampi upapajjavedanīyānaṃ aññasmiṃ vipākadāyake asati cuti-anantaram̐ ekantena phaladānato niyatasabhāvā anantariyasabhāvā ca pavatti āpajjatīti? Nāpajjati asamānajātikena cetopaṇidhivasena upaghātakena ca nivattetabbavipākattā anantare ekantaphaladāyakattābhāvā, na pana ānantariyakānaṃ paṭhakajjhānādīnaṃ dutiyajjhānādīni viya asamānajātikaṃ phalanivattakaṃ atthi sabbānantariyānaṃ avīciphalattā, na ca heṭṭhūpapattim̐ icchato sīlavato cetopaṇidhi viya uparūpapattijanakaṃ kammaphalaṃ ānantariyaphalaṃ nivattetuṃ samattho cetopaṇidhi atthi anicchantasseva avīcipātanato, na a ānantariyopaghātakaṃ kiñci kammaṃ atthi, tasmā tesam̐yeva anantare ekantavipākajanakasabhāvā pavattīti. Anekāni ca ānantariyāni katāni ekanteneva vipāke niyatasabhāvattā uparatāvipaccanasabhāvāsaṅkattā nicchitāni sabhāvato niyatāneva. Tesu pana samānasabhāvesu ekena vipāke dinne itarāni attanā kātabbakiccessa teneva katattā na dutiyam̐ tatiyam̐ vā paṭisandhim̐ karonti, na samatthatāvighātattāti natthi tesam̐ ānantariyakatā nivatti, garutarabhāvo pana tesu labbhatevāti saṅghabhedassa

siyā garutarabhāvoti “**yena -pa- vipaccatī**”ti āha. Ekassa pana aññāni upatthambhakāni hontīti daṭṭhabbāni. **Paṭisandhivasena vipaccatīti** vacanena itaresaṃ pavattivipākadāyitā anuññātā viya dissati. **No vā tathā sīlavatīti** yathā pitā sīlavā, tathā sīlavatī no vā hotīti yojanā. Sace mātā sīlavatī, mātughāto paṭisandhivasena vipaccatīti yojanā.

Pakatattoti anukkhitto. **Samānasarivāsakoti** apārājiko. **Samānasīmāyanti** ekasīmāyaṃ.

Satthukiccaṃ kātuṃ asamatthoti yaṃ satthārā kātabbakkiccaṃ anusāsanādi, taṃ kātuṃ asamatthoti bhagavantam paccakkhāya. **Aññam titthakaranti** aññam satthāraṃ.

129. Abhijāti-ādīsu¹ pakappanena devatūpasaṅkamanādinā jātacakkavāḷena samānayogakkhamam dasasahassaparimāṇam ṭhānam **jātikhettaṃ**, saraseneva āṇāpavattiṭṭhānam **āṇākhettaṃ**, visayabhūtam ṭhānam **visayakhettaṃ**. **Dasasahassī lokadhātūti** imāya lokadhātuyā saddhim imaṃ lokadhātum parivāretvā ṭhitā dasasahassī lokadhātu. Tattakānamyeva jātikhettabhāvo dhammatāvasena veditabbo. “Pariggahavasenā”ti keci. “Sabbesampi buddhānam tatthakaṃ eva jātikhettaṃ tannivāsīnamyeva ca devatānam dhammābhisamayo”ti ca vadanti. Mātukucchi-okkamanakālādīnam channaṃ eva gahaṇam nidassanamattaṃ mahābhinihārādīkālepi tassa pakampanassa labbhamānato. **Āṇākhettaṃ nāma** yaṃ ekajjham samvaṭṭati ca vivaṭṭati ca. **Āṇā vattati** āṇāya tannivāsīnam devatānam siraṣā sampaṭicchenena, tañca kho kevalam buddhānam ānubhāveneva, na adhippāyavasena, adhippāyavasena pana “yāvatā vā pana ākaṅkheyyā”ti² vacanato tato parampi āṇā pavatteyya.

Na uppajjantīti pana atthīti “na me ācariyo atthi, sadiso me na vijjati”ti-ādīm³ imissaṃ lokadhātuyam ṭhatvā vadantena bhagavatā, “kiṃ panāvuso sārīputta atthetarahi aññe samaṇā vā brāhmaṇā

1. Am-Ṭī 1. 216; Dī-Ṭī 3. 81 piṭṭhādīsūpi passitabbaṃ.

2. Am 1. 229 piṭṭhe.

3. Ma 1. 227; Ma 2. 295; Vi 3. 12; Abhi 4. 218; Khu 11. 228, 230 piṭṭhesu.

vā bhagavatā samasamā sambodhiyanti, evaṃ puṭṭho ahaṃ bhante noti vadeyyan”ti¹ vatvā tassa kāraṇaṃ dassetuṃ “aṭṭhānametaṃ anavakāso, yaṃ ekissā lokadhātuyā dve arahanto sammāsambuddhā”ti imaṃ suttaṃ² dassentena dhammasenāpatinā ca buddhakhettabhūtaṃ imaṃ lokadhātuṃ ṭhapetvā aññattha anuppatti vuttā hotīti adhippāyo.

Ekatoti saha, ekasmiṃ kāleti attho. So pana kālo kathaṃ paricchinnoti carimabhava paṭisandhiggahaṇato paṭṭhāya yāva dhātuparinibbānāti dassento “**tatthā**”ti-ādimāha. **Nisinnakālato paṭṭhāyāti** paṭilomakkamena vadati. **Parinibbānato paṭṭhāyāti** anupādisesāya nibbānadhātuyā parinibbānato paṭṭhāya. **Etthantareti** carimabhava bodhisattassa paṭisandhiggahaṇaṃ dhātuparinibbānanti etesaṃ antare.

Aññassa buddhassa uppatti na nivāritā, tattha kāraṇaṃ dassetuṃ “**ṭṭhihī**”ti-ādi vuttaṃ. Paṭipatti-antaradhānena hi sāsanaṃ osakkittatā aparassa buddhassa uppatti laddhāvasarā hoti. **Paṭipadāti** paṭivedhāvahā pubbhāgapaṭipadā. “**Pariyatti pamāṇan**”ti vatvā tamatthaṃ bodhisattaṃ nidassanaṃ katvā dassetuṃ “**yathā**”ti-ādi vuttaṃ, tayidaṃ hīnaṃ katanti daṭṭhabbaṃ. Niyyānikadhammassa ṭhitim hi dassento aniyānikadhammaṃ nidasseti.

Mātikāya antarahitāyāti “yo pana bhikkhū”ti-ādinayappattā sikkhāpadapāli mātikā, tāya antarahitāya nidānuddesasaṅkhāte pātimokkhuddese pabbajjāyupāsampadākammesu ca sāsanaṃ tiṭṭhatīti attho. Atha vā³ pātimokkhe dharanteyeva pabbajjā upāsampadā ca, evaṃ sati tadubhayaṃ pātimokkhe antogadhaṃ tadubhayābhāve pātimokkhābhāvato, tasmā tayidaṃ tayaṃ sāsanaṃ ṭhitihetūhi āha “**pātimokkhapabbajjā-upāsampadāsu ṭhitāsu sāsanaṃ tiṭṭhati**”ti. Yasmā vā upāsampadādhīnaṃ pātimokkhaṃ, upāsampadā ca pabbajjādhīnā, tasmā pātimokkhe siddhe, siddhāsu pabbajjā-upāsampadāsu ca sāsanaṃ tiṭṭhati. Pacchimapaṭivedhato hi paraṃ paṭivedhasāsanaṃ, pacchimasīlato ca paraṃ paṭipattisāsanaṃ vinaṭṭhaṃ nāma hoti. **Osakkitaṃ nāmāti** pacchimakapaṭivedhasīlabhedadvayaṃ ekato katvā tato paraṃ vinaṭṭhaṃ nāma hotīti attho.

1. Dī 3. 94 piṭṭhe.

2. Dī 3. 95 piṭṭhe.

3. Yathā vā (Dī-Ṭī 3. 83 piṭṭhe.)

Tena kāmam “sāsanaṭṭhitiyā pariyatti pamāṇan”ti vuttaṃ, pariyatti pana paṭipattihetukāti paṭipattiyā asati appaṭiṭṭhā hoti, tasmā paṭipatti-antaradhānam sāsanosakkanassa visesakāraṇanti dassetvā tayidaṃ sāsanosakkanam dhātuparinibbānosānanti dassetum “**tīṇi parinibbānāni**”ti vuttaṃ.

Kāruṇṇanti paridevanakāruṇṇam. Jambudīpe dīpantaresu devanāgabrahmalokesu ca vippakiritvā ṭhitānam dhātūnam mahābodhipallaṅke ekajjham sannipatanam¹, rasmi vissajjanam, tattha tejodhātuyā uṭṭhānam, ekajālībhāvo cāti sabbametaṃ satthu adhiṭṭhānavaseneva veditabbam.

Anacchariyattāti dvīsupi uppajjamānesu acchariyattābhāvadosatoti attho. Buddhā nāma majjhe bhinnam suvaṇṇam viya ekasadisāti tesam desanāpi ekarasā evāti āha “**desanāya ca visesābhāvato**”ti. Etenapi anacchariyattameva sādheti. **Vivādabhāvato**ti etena vivādābhāvattam dve² ekato na uppajjantīti dasseti.

Tatthāti milindapaṇhe³. Ekam buddham dhāretīti **ekabuddhadhāraṇi**. Etena evaṃsabhāvā ete buddhaguṇā, yena dutiyabuddhaguṇe dhāretum asamatthā ayam lokadhātūti dasseti. Paccayavisesanipphanānam hi guṇadhammānam bhāriyoviseso⁴ na sakkā dhāretunti. “**Na dhāreyyā**”ti vatvā tameva adhāraṇam pariyaṇantarenapi pakāsentō “**caleyyā**”ti-ādimāha. Tattha **caleyyāti** paripphandeyya. **Kampeyyāti** pavedheyya. **Nameyyāti** ekapassena nameyya. **Onameyyāti** osīdeyya. **Vinameyyāti** vividham ito cito ca nameyya. **Vikireyyāti** vātena thusamuṭṭhi viya vippakireyya. **Vidhameyyāti** vinasseyya. **Viddhamseyyāti** sabbaso viddhattā bhaveyya. Tathābhūtā ca katthaci na tiṭṭheyyāti āha “**na ṭhānamupagaccheyyā**”ti.

Idāni tattha nidassanam dassentō “**yathā mahārājā**”ti-ādimāha. Tattha **samupādikāti** samam uddham pajjati pavattatīti samupādikā, udakassa upari samam gāminīti attho. **Vaṇṇenāti** saṇṭhānena. **Pamāṇenāti**

1. Sannipatitānam (Ka)

2. Te (Ka)

3. Khu 11. 231 piṭṭhe.

4. Sabhāvaviseso (Dī-Ṭī 3. 84; Mūlaṭī 2. 209 piṭṭhesu.)

ārohena. **Kisathūlenāti** kisathūlabhāvena, pariṇāhenāti attho.

Chādentanti rocentaṃ ruciṃ uppādentāṃ. **Tandīkatoti**¹ tena bhojanena tandībhūto. **Anonamitadaṇḍajātoti** yāvadatthaṃ bhojanena onamituṃ asakkuṇeyyatāya anonamitadaṇḍo viya jāto. **Sakiṃ bhutto vameyyāti**² ekampi ālopaṃ ajjhoharivā vameyyāti attho.

Atidhamabhārena pathavī calatīti dhammena nāma pathavī tiṭṭheyya. Sā kiṃ teneva calati vinassatīti adhippāyena pucchati. Puna thero “ratanāṃ nāma loke kuṭumbaṃ sandhārentāṃ abhimatañca lokena attano garusabhāvātāya sakaṭabhaṅgassa kāraṇaṃ atibhārabhūtaṃ diṭṭhaṃ, evaṃdhammo ca hitasukhavisesehi tamsamaṅginaṃ dhārento abhimato ca viññūnaṃ gambhīrappameyyabhāvena garusabhāvattā atibhārabhūto pathavīcalanassa kāraṇaṃ hotī”ti dassento “**idha mahārāja dve sakaṭā**”ti-ādimāha. Eteneva tathāgatassa mātukucchi-okkamanādikāle pathavīkampanakāraṇaṃ saṃvaṇṇitanti daṭṭhabbaṃ. **Ekasakaṭato**³ **ratananti** ekasmā, ekassa vā sakaṭassa ratanaṃ, tasmā sakaṭato gahetvāti attho.

Osāritanti uccāritaṃ, vuttanti attho. **Aggoti** sabbasattehi aggo.

Sabhāvapakatīti sabhāvabhūtā akittimā pakati. **Kāraṇamahantatāyāti** mahantehi buddhakāradhammehi pāramitāsankhātehi kāraṇehi buddhaguṇānaṃ nibbattitoti vuttaṃ hoti. Pathavi-ādīni mahantāni vatthūni, mahantā ca sakkabhāvādayo attano attano visaye ekeka eva, sammāsambuddhopi mahanto attano visaye ekova, ko ca tassa visayo? Buddhabhūmi, yāvatakaṃ vā ñeyyaṃ. Evaṃ “ākāso viya anantavisayo bhagavā ekova hotī”ti vadanto paracakkavāḷesu dutiyassa buddhassa abhāvaṃ dasseti.

1. Daṇḍībhūtoti (Ka)

2. Sakiṃ bhuttova mareyyāti (Aṭṭhakathāyaṃ.) Dī-Ṭī 3. 85; Mūlaṭī 2. 209 piṭṭhesu passitabbaṃ.

3. Ekasmā sakaṭato (Aṭṭhakathāyaṃ.)

Imināva padenāti “ekissā lokadhātuyā”ti iminā eva padena. **Dasa cakkavālasahassāni gahitāni** jātikhettattā. **Ekacakkavālenevāti** iminā ekacakkavāleneva. Yathā **“imasmimyeva cakkavāle uppajjantī”**ti vutte imasmimpi cakkavāle jambudīpeyeva, tatthapi majjhimapadese evāti paricchinditum vaṭṭati, evaṃ “ekissā lokadhātuyā”ti jātikhette adhippetepi imināva cakkavālena paricchinditum vaṭṭati.

Vivādupacchedatoti vivādupacchedakāraṇā. Dvīsu uppannesu yo vivādo bhaveyya, tassa anuppādoyevettha vivādupacchedo. **Ekasmim dīpeti-ādinā** dīpantarepi ekajjhaṃ na uppajjanti, pageva ekadīpeti dasseti. **So parihāyethāti** cakkavālassa padese eva vattitabbattā parihāyeyya.

130. **Manussattanti** manussabhāvo tasseva pabbajjādiguṇasampatti-ādināṃ yoggabhāvato. **Liṅgasampattīti** purisabhāvo. **Hetūti** manovacīpaṇidhānapubbikā hetusampadā. **Satthāradassananti** satthusammukhībhāvo. **Pabbajjāti** kammakiriyavādīsu tāpasesu, bhikkhūsu vā pabbajjā. **Guṇasampattīti** abhiññādiguṇasampadā. **Adhikāroti** buddhaṃ uddissa adhiko sakkāro. **Chandatāti** sammāsambodhim uddissa sātisayo kattukamyatākusalacchando. **Aṭṭhadhammasamodhānāti** etesaṃ aṭṭhannaṃ dhammānaṃ samāyogena. **Abhinīhāroti** kāyapaṇidhānaṃ. **Samijjhatīti** nipphajjatīti ayamettha saṅkhepo, vitthāro pana paramatthadīpaniyā **cariyāpiṭakavaṇṇanāya**¹ vuttanayeneva veditabbo.

Sabbākāraparipūramevāti paripuṇṇalakkhaṇatāya sattussadādīhi sabbākārehi sampannameva. Na hi itthiyā kosohitavatthaguyhatā sambhavati, dutiyapakati ca nāma paṭhamapakatito nihīnā eva. Tenevāha anantarevāre “yasmā”ti-ādi.

Idha purisassa tattha nibbattanatoti imasmim manussaloke purisabhūtassa tattha brahmaloke brahmattabhāvena nibbattanato. Tena asatipi purisaliṅge purisākārā brahmāno hontīti dasseti. Taṃyeva hi

1. Catiyāpiṭaka-Ṭṭha 274 piṭṭhādīsu.

purisākāraṃ sandhāya vuttaṃ “**yaṃ puriso brahmattaṃ kareyyā**”ti.
Tenevāha “**samaṇepī**”ti-ādi. Yadi evaṃ itthiyo brahmaloke na uppajjantīti
āha “**brahmattan**”ti-ādi.

131. “**Kāyaduccaritassā**”ti-ādipāḷiyā kammaniyāmo nāma kathito.
Samañjanaṃ samaṅgo, so etassa atthīti **samaṅgī**, samannāgato.
Samañjanasīlo vā **samaṅgī**. Pabbabhāge **āyūhanasamaṅgitā**,
sanniṭṭhāpakacetanāvasena **cetanāsamaṅgitā**. Cetanāsantativasena vā
āyūhanasamaṅgitā, taṃtaṃcetanākhaṇavasena **cetanāsamaṅgitā**.
Katūpacitassa avipakkavipākassa kammassa vasena **kammasamaṅgitā**,
kamme pana vipaccitum āradde vipākappavattivasena **vipākasamaṅgitā**.
Kammādīnaṃ upaṭṭhānakālavasena **upaṭṭhānasamaṅgilā**.
Kusalākusalakammāyūhanakkhaṇeti kusalakammassa ca akusalakammassa
ca samīhanakkhaṇe. **Tathā**ti iminā kusalākusalakammapadaṃ ākaḍḍhati.
Yathā kataṃ kammaṃ phaladānasamatthaṃ hoti, tathā kataṃ **upacitaṃ**.
Vipākārahanti dutiyabhavādīsu vipaccanārahaṃ. Uppajjamānānaṃ
upapattinimittaṃ upaṭṭhātīti yojanā. **Calatī**ti parivattati. Ekena hi kammunā
tajje nimitte upaṭṭhāpīte paccayavisesavasena tato aññaena kammunā aññaassa
nimittassa upaṭṭhānaṃ parivattanaṃ.

Sunakhajīvikoti sunakhehi jīvanasīlo. **Talasantharaṇapūjanti**
bhūmitalassa pupphehi santharaṇapūjaṃ.
Āyūhanacetanākammasamaṅgitāvasenāti kāyaduccaritassa aparāparaṃ
āyūhanena sanniṭṭhāpakacetanāya tasseva pakappane
kammakkhayakaraññaena akhepitattā yathūpacitakammunā ca
samaṅgībhāvassa vasena.

132. **Evaṃ sassirikanti** vuttappakārena anekadhātu vibhajanādinā
nānāyavicittatāya paramanipuṇagambhīratāya ca atthato byañjanato ca
sasobhaṃ katvā.

Naṃ dhārehīti ettha **nanti** nipātamattaṃ. Dhātu-ādivasena parivaṭṭīyanti
atthā etehīti parivaṭṭā, desanābheda. Cattāro parivaṭṭā etassa, etasmim vāti
catuparivaṭṭo, dhammapariyāyo. Dhammo ca so pariyaṭṭibhāvato
yathāvuttenatthena ādāsoti **dhammādāso**. Upaṭṭhānaṭṭhena yathādhammānaṃ
ādāsotipi **dhammādāso**. Yathā hi

ādāsena sattānaṃ mukhe maladosaharaṇaṃ, evaṃ imināpi suttena yogīnaṃ mukhe maladosaharaṇaṃ. **Tasmāti** yasmā iminā suttena kilese madditvā samathādhigamena yogino jayappattā, tasmā amatapurappavesane ugghosanamahābheritāya ca **amatadundubhi**¹. **Idha vuttanti** imasmiṃ sutte vuttaṃ. **Anuttaro saṅgānavijayoti** anuttarabhāvato kilesasaṅgānavijayo “vijeti etenā”ti katvā. Sesāṃ suviññeyyameva.

Bahudhātukasuttavaṇṇanāya līnatthappakāsanā samattā.

6. Isigilisuttavaṇṇanā

133. Samaññāyati etāyāti **samaññā**, nāmanti attho. Ayamayaṃ nāmāti paññāpentī etāya, tathāpaññāpanamattanti vā **paññatti**, nāmameva. Tenāha “**purimapadasseva vevacanan**”ti. **Sesesupīti** “paṇḍavassa pabbatassā”ti-ādīsu tīsu vāresupī.

Samuṭṭhānaṃ tāva suttassa kathetvā atthasaṃvaṇṇanaṃ kātuṃ “**tadā kirā**”ti-ādī vuttaṃ. **Na pabbatehi atthoti** na bhagavato pabbatehi kathitehi attho atthi. **Isigilibhāvoti** isigilināmatā. **Itīti** iminā kāraṇena, imaṃ aṭṭhuppattim avekkhantoti attho.

Cetiyagabbheti cetiyaghare cetiyassa abbhantare. **Yamakamahādvāranti** yamakakavāṭayuttaṃ mahantaṃ dvāraṃ. **Dvedhā katvāti** pabbatassa abbhantare maṇḍapasānkhepena leṇaṃ² nimminivā dvedhā katvā tadā te tattha vasimsu.

Vasitakālaṅca kathento tesāṃ mātuyā yāva tatiyabhāvato paṭṭhāya samudāgamaṃ dassetuṃ “**atīte kirā**”ti-ādī vuttaṃ. **Patthesīti** tassā kira khettakuṭiyā vīhaya bhajjantiyā tattha mahākaraṅjapupphappamāṇā mahantā manoharā pañcasatamattā lājā jāyimsu. Sā tā gahetvā mahante paduminipatte ṭhapesi. Tasmiṅca samaye eko paccekabuddho tassā anuggahatthaṃ avidūre khettapāḷiyā gacchati. Sā taṃ

1. Amatadudrabhi (Ka)

2. Dīghaṃ (Ka)

disvā pasannamānasā supupphitaṃ mahantaṃ ekaṃ padumaṃ gahetvā tatha lāje pakkhipitvā paccekabuddhaṃ upasaṅkamtivā pañcapaṭiṭṭhitena vanditvā “imassa bhante puññassa ānubhāvena ānubhāvasampanne pañcasataputte labheyyaṃ”ti pañca puttasaṭāni patthesi. **Tasmimyeva khaṇeti** yadā sā yathāvuttaṃ patthanaṃ paṭṭhapesi, tasmimyeva khaṇe pañcasatā mīgaluddakā sambhata-sambhārā paripakkapaccekabodhiññāṇā tasseva paccekabuddhassa madhuramaṃsaṃ datvā “etissā putā bhaveyyāmaṃ”ti patthayimsu. Atītāsu anekajātīsu tassā puttabhāvena āgatattā tathā tesam ahoṣīti vadanti. **Pāduddhāreti** pāduddhāre pāduddhāre. Pāduddhārasīsenā cettha nikkhipanaṃ āha.

Gabbhamalaṃ nissāyāti bahi nikkhantaṃ gabbhamalaṃ nissayaṃ katvā saṃsedajabhāvena nibbattā. Opaṭīkabhāvenāti keci. **Khayavayaṃ paṭṭhapetvāti** vipassanaṃ ārabhitvā. **Vipassanāti** aniccānupassanāpubbikā sappaccayanāmarūpadassanapubbikā ca, saṅkhāre sammasantassa aniccalakkhaṇe diṭṭhe “yadaniccaṃ taṃ dukkhaṃ, yaṃ dukkhaṃ tadanattā”ti sesalakkhaṇāni suviññeyyāneva honti. **Paccekabodhiññāṇaṃ nibbattayimsūti** dve asaṅkhyeyyāni kappānaṃ sata-sahasāṇca paccekabodhipāramitāya parinipphannattā ñāṇassa paripākattā vuttanayena sayameva vipassanaṃ pavattetvā matthakaṃ pāpetvā paccekabodhiññāṇaṃ adhigacchimsu. Sabbepi te tamiyeva gāthaṃ abhāsimsūti āha “**ayaṃ tesam byākaraṇagāthā ahoṣī**”ti.

Saroruhanti sarasi jātaṃ. **Padumapalāsapattajanti** khuddakamahantehi kamaladalehi saha-jātaṃ. Khuddakamahantakamaladalasaṅkhātāni vā padumapalāsapattāni ettha santīti padumapalāsapattaṃ, padumagacchaṃ. Tatha jātanti **padumapalāsapatta-jānaṃ**. **Supupphitanti** suṭṭhu pupphitaṃ sammā vikaṣitaṃ. **Bhamaragaṇānuciṇṇanti** bhamaragaṇehi anukulañceva anuparibbhamitaṇca. **Aniccatāyupagatanti** khaṇe khaṇe vaṇṇabhedādivasena aniccatāya upagataṃ. **Viditvāti** vipassanāpaññāsahitāya maggapaññāya jānitvā. **Eko careti** tasmā aññopi mādiso hotukāmo evaṃ paṭipajjitvā eko care khaggavisāṇakappoti.

135. Satisārasīlasārādisamannāgamanena sattesu **sārabhūtā**. Sabbaso vaṭṭadukkhassa vigatattā **niddukkhā**. Samucchinnataṇhatāya **nittaṇhā**. **Mānacchidoti** thutivacanaṃ.

Etesaṃ ekanāmakāyevāti etesaṃ āgatānaṃ paccekabuddhānaṃ pāḷiyaṃ anāgatā aññe paccekabuddhā samānanāmakā eva. Vuttamevattham pākaṭikaraṇattham **“imesu hi”**ti-ādi vuttam. **Visuṃ visuṃ avatvā**ti paccekam sarūpato avatvā. **Aññe cāti** asādhāraṇattā āha. Sesaṃ suviññeyyameva.

Isigilisuttavaṇṇanāya līnatthappakāsanā samattā.

7. Mahācattārīsakasuttavaṇṇanā

136. Dosehi ārakāti **ariyaṃ**. Tenāha **“niddosan”**ti. Sā pana niddosatā lokuttarabhāvena savisesāti āha **“lokuttaran”**ti. Sammā sundaro pasattho niyyāniko samādhī **sammāsamādhī**ti āha **“sammāsamādhinti maggasamādhin”**ti. Upanisīdati ettha phalaṃ tappaṭibaddhavuttitāyāti **upanisaṃ**, kāraṇanti āha **“sa-upanisaṃti sappaccayan”**ti. Parikaroti parivāretīti **parikkhāroti** āha **“saparikkhāranti saparivāran”**ti.

Parivāritāti sahaḷāṭāḍipaccayabhāvena parivārantehi viya upagatā. **Purecārikāti** vuṭṭhānagāminibhāvanā sahaḷāṭāḍipaccayavasena paccayattā purassarā. Tenāha **“vipassanāsammādiṭṭhi cā”**ti. Idāni tāni kiccato dassetuṃ **“vipassanāsammādiṭṭhi”**ti-ādi vuttam. Tattha **parivīmaṃsaggahaṇaṃ** tattha tattha cittuppāde vīmaṃsādhīpateyyena pavattiyā sammādiṭṭhiyā pubbaṅgamabhāvadassanattam. Tenassa maggasamādhissa nānākhaṇikaṃ pubbaṅgamabhāvaṃ dasseti. **Vīmaṃsanapariyosāneti** tathāpavatta-anulomañāṇassa osāne. **Bhūmiladdhaṃ vaṭṭam samugghāṭayamānāti** attano santāne dīgharattam anusayitam kilesavaṭṭam samucchindanti. **Vūpasamayamānāti** tasseva vevacanaṃ. **Vūvasamayamānāti** vā tato eva avasiṭṭhampi vaṭṭam appavattikaraṇavasena vūpasamenti. Tenevāha **“maggasammādiṭṭhi -pa- uppajjati”**ti. **Sāti** sammādiṭṭhi.

Duvidhāpīti yathāvuttā duvidhāpi. **Idha adhippetā** vipassanāpaññāsahitāya maggapaññāya kiccassa dassitattā.

Lakkhaṇe paṭivijjhamāne lakkhaṇiko dhammo paṭividdho hotīti āha “**micchādiṭṭhim -pa- ārammaṇato pajānāti**”ti. Vipassanāsammādiṭṭhiyampi eseva nayo. **Kiccatoti** bhavanākiccato. Sammādiṭṭhiyaṃ tadadhigata-asammohatāya **asammohato pajānāti**. **Kiccatoti** paṭivedhakiccato. Tam pana sabbathā asammuyhanamevāti āha “**asammohato**”ti. **Evaṃ pajānanāti** micchādiṭṭhi micchādiṭṭhīti yāthāvato avabodho. **Assāti** taṃsamaṅgino puggalassa.

Dvāyanti a-kāro dīghaṃ katvā vutto. Tenāha “**dvayaṃ vadāmi**”ti. Dve avayavā etassāti dvayaṃ. Tenāha “**duvidhakoṭṭhāsaṃ vadāmi**”ti. Puññassa eko bhāgo so eva puññabhāgiko, ka-kārassa ya-kāraṃ katvā itthilingavasena “**puññabhāgiyā**”ti vuttaṃ. **Upadhisāṅkhātassāti** khandhapabandhasāṅkhātassa.

Amatadvāranti ariyamaggaṃ. **Paññāpetīti** niyyānādipakārato paññāpeti. Tenāha “**vibhajivā dasseti**”ti. Tattha sammohassa vidhamsanena asammohato dasseti. **Tasmim attheti** amatadvārapaññāpane atthe. **Bojjhaṅgappattāti** bojjhaṅgabhāvappattā. Maggabhāvena niyyānabhāvena pavattiyā maggapaññāya aṭṭhannampi sādharmaṇattā samudāyassa ca avayavo aṅganti katvā sesadhamme aṅgikabhāvena dassento “**ariyamaggaṃ aṅgaṃ**”ti āha. **So bhikkhūti** micchādiṭṭhim “micchādiṭṭhi”ti, sammādiṭṭhim “sammādiṭṭhi”ti jānanto bhikkhu. **Pajahanatthāyāti** samucchavedavasena pajahanāya. **Paṭilābhatthāyāti** maggasammādiṭṭhiyā adhigamāya. **Kusalavāyāmoti** vipassanāsampayuttova kosallasambhūto vāyāmo. Saratīti **sato**. Tam panassa saraṇaṃ satisamaṅgitāyāti āha “**satiyā samannāgato**”ti. Kāmaṃ cettha vipassanāsammādiṭṭhim yathābhūtā sammāvāyāmasatiyo sahaajātā ca purejātā ca hutvā parivārenti, “itiyime tayo dhammā sammādiṭṭhim anuparidhāvanti anuparivattanti”ti pana vacanato “**ettha hī**”ti-ādinā maggasammādiṭṭhiyā eva sesadhammaṇaṃ yathārahaṃ saha caraṇabhāvena parivāraṇaṃ yojitaṃ. **Sammāsāṅkappādinanti ādi-**saddena sammāvācākammantājīvānaṃ gahaṇaṃ itaresaṃ parivārabhāvena

gahitattā. Na hi sakkā te eva parivāre parivāravante ca katvā vattum saṅkarato sammohajananato ca. **Tayoti sammādiṭṭhivāyāmasatiyo sahajātaparivārāva honti** maggakkhaṇikānaṃ tesam adhippetattā vipassanākhaṇaviratīnaṃ asambhavato.

137. **Takkanavasena** lokasiddhenāti adhippāyo. “Evañcevañca bhavitabban”ti vividhaṃ takkanaṃ kūpe viya udakassa ārammaṇassa ākaḍḍhanaṃ vitakkaṃ **vitakko. Saṅkappanavasena**ti taṃ taṃ ārammaṇaṃ gahe tvā kappanavasena. Takkanaṃ kappananti ca atamaṃsahajātānamevāti daṭṭhabbaṃ. **Ekaggoti** iminā samādhinā laddhupakārasseva vitakkassa appanāpariyāyo hotīti dasseti. Visesena vā appanā vitakkassa vasena cittaṃ ārammaṇaṃ abhiropeti, vitakke asati kathanti āha “**vitakke panā**”ti-ādi. **Attanoyeva dhammatāya cittaṃ ārammaṇaṃ abhiruhatīti** etena ārammaṇadhammānaṃ gahaṇaṃ nāma sabhāvasiddhaṃ, na dhammantaramapekkhati, vitakko pana pavattamāno ārammaṇābhiniropanavaseneva pavattatīti dasseti. Evaṃ santepi sabhāvāvitakkacittuppādato savitakkacittuppādassa ārammaṇaggahaṇaviseso vitakkena jātoti katvā vitakko cittaṃ ārammaṇaggahaṇe visesapaccayoti pākaṭṭoyamattho. Apare pana bhaṇanti—yathā koci rājavallabhaṃ, taṃsambandhīnaṃ mittam vā nissāya rājagehaṃ ārohati anupavisati, evaṃ vitakkaṃ nissāya cittaṃ ārammaṇaṃ ārohati vitakkassa ārammaṇābhiniropanasabhāvattā, aññesaṃ dhammānañca avitakkasabhāvato. Tenāha bhagavā “cetaso abhiniropanā”ti¹.

Yadi evaṃ kathaṃ avitakkacittaṃ ārammaṇaṃ ārohatīti? Vitakkabaleneva. Yathā hi so puriso paricayena tena vināpi nirāsaṅko rājagehaṃ pavisati, evaṃ paricayena vitakkena vināpi avitakkaṃ cittaṃ ārammaṇaṃ ārohati. **Paricayenāti** ca santāne pavattavitakkabhāvanāsankhātena paricayena. Vitakkassa hi santāne abhiṇṇaṃ pavattassa vasena cittaṃ ārammaṇābhiruhanaṃ ciraparicitaṃ, tena taṃ kadāci vitakkena vināpi tattha pavattateva, yathā nāṇasahagataṃ cittaṃ sammasanavasena ciraparicitaṃ

1. Abhi 1. 18 piṭṭhe.

kadāci nāṇarahitampi sammasanavasena pavattati, yathā vā kilesasahitaṃ hutvā pavattaṃ sabbaso kilesarahitampi paricayena kilesavāsanāvasena pavattati, evaṃsampadamidaṃ daṭṭhabbāṃ.

Vācaṃ saṅkharotīti vācaṃ uppādeti, vacīghosuppattiyā visesapaccayo hotīti attho. **Lokiyavitakko** dvattimsacittasahagato **vācaṃ saṅkharoti** vacīviññattijananato. **Vacīsaṅkhārotveva panassa nāmaṃ hoti** ruḥhito, taṃsamattatānirodhato vā sambhavato¹ pana saṅkhāroti. **“Lokuttarasammāsaṅkappaṃ parivārentī”**ti vatvā tividhe sammāsaṅkappe kadāci katamaṃ parivārentīti codanaṃ sandhāyāha **“ettā”**ti-ādi. **nānācittesu labbhanti** nānāsamannāhārahetukattā, pubbhāgeyeva ca te uppajjantīti. **Tiṇi nāmāni labhati** tividhassapi paṭipakkhassa samucchindanena sātisayaṃ tiṇṇampi kiccakaraṇato. Esa nayo sammāvācādīsipi.

138. Viramati etāyāti **veramaṇī** virati vuccati. Sā musāvādato viramaṇassa kāraṇabhāvato cetanāpi verassa maṇanato vināsanato viratipīti āha **“viratipi cetanāpi vaṭṭati”**ti. **Ārakā ramatīti** samucchinnehi dūrato samussāreti. **Vinā tehi ramatīti** accantameva tehi vinā bhavati. **Tato tatoti** diṭṭhe adiṭṭhavādādito musāvādā. Visesto anuppattidhammattā **paṭinivattā hutvā**.

140. **Tividhena kuhanavattahunāti** paccayapaṭisevanasāmanta-jappana-iriyāpathapavattanasāṅkhātena pāpicchatānibbattena tividhena kuhanavattahunā. **Etāya** kuhanāya karaṇabhūtāya. ()² paccayuppādanatthaṃ **nimittam** sīlam etesanti yojanā. Attavisaya-lābhahetu akkosanakhumsanavambhanādivasena pisanam ghaṭṭanam viheṭhanam **nippeso**. Ito laddham aññassa, tato laddham parassa datvā evam lābhena lābham nijjīsati **lābhena lābham nijjīsana**. **Pāḷiyam āgato** kuhanādivasena **micchā-ājīvo**. Ko pana soti āha **“ājīvahetu”**ti-ādi. **Tāsaṃyevāti** avadhāraṇam **“ājīvo kuppamāno kāyacavīdvāresu eva kuppātī”**ti katvā vuttam.

1. Asambhavato (Ka)

2. (Anekāpi kiriyā hoti yathā anesarañjāya dīpikā yathāti kathenti.) (sabbattha)

141. Sammā pasatthā sobhanā niyyānikā diṭṭhi etassāti **sammādiṭṭhi**, puggalo. Tassa pana yasmā sammādiṭṭhi saccābhisamayassa nibbānasacchikiriyāya avassayo, tasmā vuttam **“maggasammādiṭṭhiyam ṭhitassā”**ti. **Pahoti** bhavati tāya saheva uppajjati pavattati. Paccavekkhaṇāṇaṇam yāthāvato jānanaṭṭhena sammāñāṇanti idhādhippetam, tañca kho maggasamādhimhi ṭhite eva hotīti imamattham dassetum āha **“maggasammāsamādhimhi -pa- sammāñāṇam pahoti”**ti-ādi. Iminā kim dassetīti? Yathā maggasammādiṭṭhiyam ṭhito puggalo **“sammādiṭṭhi”**ti vutto, evam maggaphalapaccavekkhaṇāṇe ṭhito **“sammāñāṇo”**ti vutto, tassa ca maggaphalasammāsamādhipavattiyā pahoti sammāñāṇassa sammāvimuttiyā pahotīti imamattham dasseti. Phalasangāhī tāva pavattatu, maggasamādhī pana kathanti? Tampi akuppabhāvatāya accantasamādhībhāvato kiccanipphattiyā pavattatevāti vattabbatam labhati. **Ṭhapetvā aṭṭhaphalaṅgānī**ti phalabhūtāni sammādiṭṭhi-ādīni aṭṭhaṅgāni **“sammādiṭṭhissa sammāsankappo pahoti”**ti-ādīni visum gahitattā ṭhapetvā. **Sammāñāṇam paccavekkhaṇam katvāti** paccavekkhaṇāṇam sammāñāṇam katvā. **Phalam kātunti** phaladhammasahacaritatāya vipākasabhāvatāya ca **“phalan”**ti laddhanāme phalasampayuttadhamme sammāvimuttiṃ kātum vaṭṭatīti vuttam. Tathā ca vuttam **sallekhasuttavaṇṇanāyam**¹ **“phalasampayuttāni pana sammādiṭṭhi-ādīni aṭṭhaṅgāni ṭhapetvā sesadhammā sammāvimuttīti veditabbā”**ti.

142. **Nijjīṇṇāti** nijjiritā, viddhastā vināsītāti attho. **Phalam kathitanti** **“sammādiṭṭhissa bhikkhave micchādiṭṭhi nijjīṇṇā hotī”**ti iminā varena sāmāññaphalam kathitanti vadanti, nijjīraṇam paṭippassambhananti adhippāyo. Nijjīraṇam pana samucchindananti katvā **majjhimabhāṇakā -pa- maggo kathitoti vadanti**. **Dassanaṭṭhenāti** pariññābhisamayādivasena catunnam saccānam paccakkhato dassanaṭṭhena. **Viditakaraṇaṭṭhenāti** paccakkhena yathādiṭṭhānam maggaphalānam pākāṭakaraṇaṭṭhena. **Tadadhimuttatṭhenāti** tasmim yathāsacchikate nibbāne adhimuccanabhāvena.

Kusalapakkhāti anavajjakotṭhāsā. **Mahāvīpākādānenāti** mahato vipulassa lokuttarassa sukhavīpākassa ceva kāyikādidukkhavīpākassa ca dānena.

1. Ma-Ṭṭha 1. 192 piṭṭhe.

Yathā mahāvīpākassa dānena mahācattārīsakaṃ, tathā bahutāyapi mahācattārīsakoti dassetuṃ “**imasmiñca pana sutte pañca sammādiṭṭhiyo kathitā**”ti-ādi vuttaṃ. Bahu-atthopi hi mahāsaddo hoti “mahājano”ti-ādīsu¹. Ettha ca “natthi dinnan”ti-ādinā vatthubhedena dasa micchādiṭṭhidhammā kathitā, vatthubhedeneva “atthi dinnan”ti-ādinā dasa sammādiṭṭhidhammāti vīsati hoti. Yathā “sammādiṭṭhissa bhikkhave sammāsaṅkappo pahoti”ti-ādinā maggavasena dasa sammattadhammā, tappaṭipakkabhūtā “micchādiṭṭhissa micchāsaṅkappo pahoti”ti-ādinā atthato dasa micchattadhammāti vīsati, tathā phalavasena tesu evaṃ vīsati. Kathaṃvārepi sammādiṭṭhi-ādayo dasāti vīsati. Evamete dve cattārīsakāni purimena saddhiṃ tayo cattārīsakā vibhāvitāti veditabbā.

143. Pasaṃsiyassa ujuvipaccanīkaṃ nindiyāṃ pasaṃsantopi atthato pasaṃsiyāṃ nindanto nāma hoti. Pasaṃsiyassa guṇaparidhamśanamukheneva hi nindiyassa pasaṃsāya pavattanatoti āha “**micchādiṭṭhi nāmāyaṃ sobhanāti vadantopi sammādiṭṭhiṃ garahati nāmā**”ti-ādi. **Evamādīti ādisaddena** “natthi hetu natthi paccayo sattānaṃ saṅkilesāyā”ti² evamādiṃ saṅgaṇhāti, tasmā **evamvādinoti** evaṃ hetupaṭikkhepavādinoti attho. **Okkantaniyāmāti** ogāḷhamicchattaniyāmā. **Evarūpaṃ laddhiṃ gahetvāti**-ādīsu yaṃ vattabbaṃ, taṃ **cūlapuṇṇamasuttavaṇṇanāyaṃ** vuttanayameva, tasmā tatha vuttanayeneva veditabbā. Ediso hi “buddhānampi atekiccho”ti-ādi vuttasadiṣo.

Attano nindābhayenāti “sammādiṭṭhiñca nāmete garahantī”ti-ādinā upari parehi vattabbanindābhayena. **Ghaṭṭanabhayenāti** tathā paresaṃ āsādanābhayena. Sahadhammena parena attano upari kātabbaniggaho upārambho, garahato parittāso upārambhabhayāṃ, taṃ pana atthato upavādabhayāṃ hotīti āha “**upavādabhayenā**”ti. Sesāṃ suviññeyyameva.

Mahācattārīsakasuttavaṇṇanāya līnatthappakāsanā samattā.

1. Ma-Ṭṭha 3. 54 piṭṭhe.

2. Di 1. 50; Ma 2. 185 piṭṭhesu.

8. Ānāpānassatisuttavaṇṇanā

144. **Pubbenāti** nissakke karaṇavacanaṃ. “Aparaṃ visesaṃ”ti vuttattā visesavisayo ca pubbasaddoti āha “**sīlaparipūraṇādito pubbavisesato**”ti.

145. **Āraddho** yathānusiṭṭhaṃ paṭipattiyā ārādhito. Yadatthāya sāsane pabbajjā, visesāpatti¹ ca, tadevettha appattanti adhippetam, taṃ jhānavipassanānimitanti āha “**appattassa arahattassā**”ti. **Komodīti** kumudavati. Tadā kira kumudāni supupphitāni honti. Tenāha “**kumudānaṃ atthitāya komudī**”ti. Kumudānaṃ samūho, kumudāni eva vā komudā, te ettha atthīti **komudīti**. **Pavāraṇasaṅgahanti** mahāpavāraṇaṃ akatvā āgamaṇīyasaṅgahaṇaṃ.

Āraddhavipassakassāti ārabhitavipassanassa, vipassanaṃ vaḍḍhetvā usukkāpetvā vipassissa. **Bhikkhū idha osarissanti** vutthavassā pavāritapavāraṇā “bhagavantaṃ vandissāma, kammaṭṭhānaṃ sodhessāma, yathāladhamṃ visesaṅca pavedissāmā”ti ajjhāsayena. **Ime bhikkhūti** ime taruṇasamathavipassanā bhikkhū **visesaṃ nibbattetuṃ na sakkhissanti** senāsanaṃ appāyādi-alābhena. **Apalibuddhanti** aññehi anupaddutaṃ. **Senāsanaṃ gahetuṃ na labhanti** antovassabhāvato. **Ekassa dinnopi sabbesaṃ dinnoyeva hoti**, tasmā sutasutaṭṭhāneyeva ekamāsaṃ vasitvā osariṃsu.

146. **Alanti yuttaṃ**, opāyikanti attho “alameva nibbinditun”ti-ādīsu² viya. Puṭabaddham parihaṇitvā asitaṃ **puṭhosam** a-kārassa o-kāraṃ katvā. Tenāha “**pātheyyan**”ti.

147. **Vipassanā kathitāti** aniccasaññāmukheneva vipassanābhāvanā kathitā. Na hi kevalāya aniccānupassanāya vipassanākkiccam samijjhati. **Bahū bhikkhū** te ca vitthārarucikāti adhippāyo. Tenāha “**tasmā**”ti-ādi.

1. Paṭipatti (?)

2. Dī 2. 161; Saṃ 1. 387, 390, 393, 397, 398 piṭṭhesu.

149. **Sabbatthā**ti sabbavāresu. “Tasmātiha bhikkhave vedanānupassī”ti-
 ādisupi pītipaṭisaṃveditādivaseneva vedanānupassanāya vuttattā
 “**sukhavedanaṃ sandhāyetaṃ vuttan**”ti āha.
 Satipaṭṭhānabhāvanāmanasikāratāya vuttam “**sādhukam manasikāran**”ti.
Saññānāmena paññā vuttā tesam payogattā. **Manasikāranāmena vedanā**
vuttā bhāvanāya paricitattā ārammaṇassa manasikāranti katvā.
Vitakkavicāre tḥapetvāti vuttam vacīsaṅkhārattā tesam.

Evaṃ santepīti yadipi manasikārapariyāpannatāya “manasikāro”ti
 vuttam, evaṃ sante vedanānupassanābhāvo na yujjati. Assāsapassāsā hissa
 ārammaṇam. **Vatthunti** sukhādīnam vedanānam pavattiṭṭhānabhūtam
 vatthum **ārammaṇam katvā vedanāva vediyati**, vedanāya
 ekantabhāvadassanena tassa vedanānupassanābhāvo yujjati evāti
 imamattham dasseti. **Etassa** anuyogassa.

Dvīhākārehīti ye sandhāya vuttam, te dassento “**ārammaṇato**
asammohato cā”ti āha. **Sappī**tike dve **jhāneti** pītisahagatāni
 paṭhamadutiyajjhānāni paṭipāṭiyā **samāpajjati**. **Samāpattikkhaṇeti**
 samāpajjanakkhaṇe. **Jhānapaṭilābhenā**ti jhānena samaṅgībhāvena.
Ārammaṇato ārammaṇamukhena tadārammaṇajhānapariyāpannā **pīti**
paṭisaṃviditā hoti ārammaṇassa paṭisaṃviditattā. Yathā nāma
 sappapariyesanam carantena tassa āsaye paṭisaṃvidite sopi paṭisaṃviditova
 hoti mantāgadabalena tassa gahaṇassa sukarattā, evaṃ pītiyā āsayabhūte
 ārammaṇe paṭisaṃvidite sā pīti paṭisaṃviditā eva hoti salakkhaṇato
 sāmāññalakkhaṇato ca tassā gahaṇassa sukarattā. **Vipassanākkhaṇeti**
 vipassanāpaññāpubbaṅgamāya maggapaññāya visesato dassanakkhaṇe.
Lakkhaṇapaṭivedhāti pītiyā salakkhaṇassa sāmāññalakkhaṇassa ca
 paṭivijjhanena. Yañhi pītiyā visesato sāmāññato ca lakkhaṇam, tasmim
 vidite sā yāthāvato viditā hoti. Tenāha “**asammohato pīti paṭisaṃviditā**
hoti”ti.

Idāni tamattham pāṭiyā vibhāvetum “**vuttampi cetan**”ti-ādi vuttam.
 Tattha **dīgham assāsavasenā**ti dīghassa assāsassa ārammaṇabhūtassa vasena.
Cittassa ekaggaṭam avikkhepaṃ pajānatoti jhānapariyāpannam avikkhepoti

laddhanāmaṃ cittassekaggataṃ taṃsampayuttāya paññāya pajānato. Yatheva hi ārammaṇamukhena pīti paṭisaṃviditā hoti, evaṃ taṃsampayuttadhammāpi ārammaṇamukhena paṭisaṃviditā eva honti. **Sati upaṭṭhitā hotīti** dīghaṃ assāsavasena jhānasampayuttā sati tasmim ārammaṇe upaṭṭhite ārammaṇamukhena jhānepi upaṭṭhitā eva nāma hoti. **Tāya satiyāti** evaṃ upaṭṭhitāya tāya satiyā yathāvuttena **tena ñāṇena** suppaṭividditattā ārammaṇassa tassa vasena tadārammaṇā **sā pīti paṭisaṃviditā hoti**. **Avasesapadānipīti** “dīghaṃ passāsavasena”ti-ādipadānipi.

Evaṃ **paṭisambhidāmagge** vuttamatthaṃ imasmim sutte yojetvā dassetuṃ “**iti**”ti-ādi vuttaṃ. Imināpi yoginā manasikārena paṭilābhitabbato paṭilābhoti vuttaṃ “**jhānasampayutte vedanāsaṅkhātamanasikārapaṭilābhenā**”ti.

Assāsapassāsanimittanti assāsapassāse nissāya paṭiladdhapatiḥhāganimittam ārammaṇam kiñcāpi karoti, satiñca sampajaññaṇca upaṭṭhapetvā pavattanato ārammaṇamukhena tadārammaṇassa paṭisaṃviditattā citte cittānupassīyeva nāmesa hoti. Evaṃ cittānupassānāpi satisampajaññabaleneva hotīti āha “**na hī**”ti-ādi. Pajahati etena, sayam vā pajahatīti **pahānam**, ñāṇam. **Domanassavasena byāpādanīvaraṇam dassitam** tadekaṭṭhabhāvato. **Tassāti** nīvaraṇapabbassa. **Pahānakaraññanti** pajahanaññam. **Vipassanāparamparanti** paṭipāṭiyā vipassanamāha. **Samathapaṭipannanti** majjhimasamathanimittam paṭipannacittam ajjuhekkhati. **Ekato upaṭṭhānanti** paṭipakkhavigamena ekabhāvena upaṭṭhānam. **Sahajatānam ajjuhekkhanā hotīti** paggahaniggahasampahamsanesu byāpārassa anāpajjitattā ārammaṇānam ajjuhekkhanā “yadatthi yaṃ bhūtam taṃ pajahati upekkham paṭilāhatī”ti evaṃ vuttajjuhekkhanā pavattāti paṭipannā. **Kevalam nīvaraṇādidhammeti** nīvaraṇādidhamme eva pahīne disvā, atha kho tesam pajahanaññampi yāthāvato paññāya disvā ajjuhekkhitā hoti. Vuttaṃ hetam bhagavatā “dhammāpi kho bhikkhave pahātabbā, pageva adhammā”ti¹.

1. Ma 1. 188 piṭṭhe.

150. **Aniccādivasena pavicinatīti** aniccādippakārehi vicinati passati. **Nirāmisāti** kelesāmisarahitā. **Kāyikacetasikadarathapaṭippassaddhiyāti** kāyacittānaṃ sādhubhāvūpagamanena vikkhambhitatā. Sahajātadhammānaṃ ekasabhāvena pavattiyā **sahajāta-ajjupekkhanāya ajjupekkhitā hoti**.

Tasmim kāye pavattā kāyārammaṇā **sati**, pubbabhāgiyo **satisambojjhaṅgo**. Esa nayo sesesupi. Somanassasahagatacittuppādavasena cetam okkamanam oliyanam kosajjam, tato ativattanam atidhāvanam uddhaccam, tadubhayavidhurā bojjhaṅgupekkhābhūtā anosakkana-anativattanasankhātā majjhattākāratā. Idāni **yatheva hīti-ādinā** tameva majjhattākāram upamāya vibhāveti. **Tudanam vā** patodena. **Ākaḍḍhanam vā** rasminā. **Natthi** na kātabbam atthi. **Ekacittakkhaṇikāti** ekekasimim citte vipassanāvasena saha uppajjanakā. **Nānārasalakkhaṇāti** nānākiccā ceva nānāsabhāvā ca.

152. **Vuttatthāneva** sabbāsavasuttavaṇṇanāyam¹ ānāpānārammaṇā aparāparam pavattasatiyo ārammaṇasīsena tadārammaṇā dhammā gahitā, tā panekasantāne lokiyacittasampayuttāti **lokiyā**, tā vaḍḍhamānā **lokiyam** catubbidhampi **satipaṭṭhānam paripūrenti**. **Vijjāvimutti phalanibbānanti** vimuttīnam phalabhūtā tehiyeva veditabbam kilesanibbānam, amatamahānibbānameva vijjāvimuttīnam adhigamena adhigantabbatāya tathā vuttam. Paripūraṇaṅcassa ārammaṇam katvā amatassānubhavanameva. Idha sutte lokiyāpi bojjhaṅgā kathitā lokuttarāpīti ettakam gahetvā “**iti lokiyassa āgataṭṭhāne lokiyam kathitan**”ti ca atthavaṇṇanāvasena aṭṭhakathāyam kathitam. **Theroti** mahādhammarakhitatthero. **Aññattha evam hotīti** aññasmim lokiyalokuttaradhammānam tattha tattha vomissakanayena āgatasutte evam lokiyam āgataṃ. Idha lokuttaram āgatanti kathetabbam hoti. **Lokuttaram upari āgatanti** vijjāvimuttiṃ paripūrentīti evam lokuttaram upari desanāyam āgataṃ, tasmā lokiyā eva bojjhaṅgā vijjāvimutti paripūrikā

1. Ma-Ṭṭha 1. 88 piṭṭhe.

kathetabbā lokuttarānaṃ bojjaṅgānaṃ vijjāgahaṇena gahitattā, tasmā
therena vuttoyevettha attho gahetabbo. Sesaṃ vuttanayattā suviññeyyameva.

Ānāpānassatisuttavaṇṇanāya līnatthappakāsanā samattā.

9. Kāyagatāsatisuttavaṇṇanā

153-4. Tappaṭisaraṇānaṃ kāmāvacarasattānaṃ paṭisaraṇaṭṭhena gehā
kāmaguṇā, gehe sitā ārabba pavattiyā allīnāti **gehassitā**. **Sarantīti** vegasā
pavattanti. Vegena hi pavatti dhāvattīti vuccati. **Saṅkappāti** yekeci
micchāsaṅkappā, byāpādavihimsāsaṅkappādayopi kāmaguṇasitā evāti.
Gocarajjhattsamimyevāti pariggahite kammaṭṭhāne eva vattanti. Tam hi
dhammasena upaṭṭhitāya bhāvanāya gocarabhāvato “gocarajjhattan”ti
vuttaṃ. Assāsapassāsakāye gatā pavattāti kāyagatā, tam **kāyagatāsatiṃ**.
Satisīsenā taṃsahagate bhāvanādhamme vadati assāsapassāsakāyādike
taṃtaṃkoṭṭhāse samathavattubhāvena pariggahetvā satiyā pariggahitattā,
tathāpariggahite vā te ārabba aniccādīmanasikārasena
pavattākāyārammaṇā satī satibhāvena vatvā ekajjhaṃ dassento
“**kāyapariggāhikan**”ti-ādimāha.

Satipaṭṭhāneti mahāsatiṭṭhānasutte¹ **cuddasavidhena kāyānupassanā**
kathitā, cuṇṇakajātāni aṭṭhikāni pariyoṣānaṃ katvā kāyānupassanā niddiṭṭhā,
idha pana kesādīsu vaṇṇakasiṇavasena nibbattitānaṃ catunnaṃ jhānānaṃ
vasena uparidesanāya vaḍḍhitattā aṭṭhārasavidhena kāyagatāsatiṭṭhāvanā.

156. **Tassa bhikkhuno** yo kāyagatāsatiṭṭhāvanāya vasībhūto, tassa
bhikkhuno. **Sampayogavasena vijjaṃ bhajantīti** sahaajāta-
aññaṃaññaṃmissayasampayutta-atthi-avigatapaccayavasena vijjaṃ bhajanti,
tāya saha ekībhāvamīva gacchantīti attho. **Vijjābhāge**

1. Dī 2. 234; Ma 1. 73 piṭṭhesu.

vijjakoṭṭhāse vattantīti vijjāsabhāgatāya tadekadese vijjakoṭṭhāse vattanti. **Tāhi sampayuttadhammā** phassādayo. Nanu cettha vijjānaṃ vijjābhāgiyatā na sambhavatīti? No na sambhavati. Yāya hi vijjāya vijjāsampayuttānaṃ vijjābhāgiyatā, sā taṃnimittāya vijjāya upacariyati. **Ekā vijjā vijjā, sesā vijjābhāgiyā**ti aṭṭhasu vijjāsu ekaṃ “vijjā”ti gahetvā itarā tassā bhāgatāya “vijjābhāgiyā”ti veditabbā. Saddhim pavattanasabhāvāsu ayameva vijjāti vattabbāti niyamassa abhāvato vijjābhāgo viya vijjābhāgiyāpi pavattati evāti vattabbaṃ. **Āpopharaṇanti** paṭibhāganimittabhūtena āpokasiṇena sabbaso mahāsamuddapharaṇaṃ āpopharaṇaṃ nāma. Dibbacakkhuñāṇassa kiccaṃ pharaṇanti katvā, dibbacakkhu-atthaṃ vā ālokapharaṇaṃ **dibbacakkhupharaṇanti** daṭṭhabbaṃ. Ubhayasmimpi pakkhe samuddaṅgamānaṃ kunnadīnaṃ samuddantogadhattā tesā cetasā phuṭatā veditabbā. **Kunnadi**ggahaṇaṃcettha kaṅcimeva kālaṃ sanditvā tāsāṃ udakassa samuddapariyāpannabhāvūpagamanattā, na bahi mahānadiyo viya parittakālaṭṭhitikāti.

Otāraṇanti kilesupattiyaṃ avasaraṃ, taṃ pana vivaraṃ chiddanti ca vuttaṃ. **Ārammaṇanti** kilesupattiyaṃ olambanaṃ. **Yāva pariyoṣānāti** mattikāpuñjassa yāva pariyoṣānā.

158. **Abhiññāyāti** iddhividhādi-abhiññāya. **Sacchikātabbassāti** paccakkhato kātabbassa adhiṭṭhānavikubbanādiddhammassa. **Abhiññāva kāraṇanti** āha “sacchikiriyāpekkhāya, abhiññākāraṇassa pana siddhiyā pākaṭā”ti. **Mariyādabaddhāti** udakamātikāmukhe katā.

Yuttayānaṃ viya katāya icchicchite kāle sukkena paccavekkhitabbattā. **Paṭiṭṭhakatāyāti** sampattīnaṃ paṭiṭṭhābhāvaṃ pāpitāya. **Anuppavattitāyāti** bhāvanābahulikārehi anuppavattitāya. **Paricayakatāyāti** āsevanadaḥhatāya suciraṃ paricayāya. **Susampaggahitāyāti** sabbaso ukkaṃsaṃ pāpitāya. **Susamāradhāyāti** ativiya sammadeva nibbattikatāya. Sesāṃ suviññeyyameva.

Kāyagatāsatisuttavaṇṇanāya linatthappakāsanā samattā.

10. Saṅkhārupapattisuttavaṇṇanā

160. **Saṅkhārupapattinti** vipākakkhandhasaññitānaṃ saṅkhārānaṃ uppattiṃ, nibbattinti attho. Yasmā avadhāraṇaṃ etasmim̐ pade icchitabbanti “**saṅkhārānaṃyeva upapattin**”ti vatvā tena nivattitaṃ dassento “**na sattassā**”ti āha. Tena satto jīvo uppajjati micchāvādaṃ paṭikkhipati. Evaṃ uppajjanakadhammavasena uppattiṃ dassetvā idāni uppattijanakadhammavasenapi taṃ dassetuṃ “**puññābhisāṅkhārena vā**”ti-ādi vuttaṃ. Tattha kāmesu puññābhisāṅkhārenapi upapatti hoti, sā pana imasmim̐ sutte gahitāti. **Puññābhisāṅkhārena vāti vā**-saddo avuttatthāpekkhaṇavikappattho, avuttatthāpekkhāya pana na āgato “āneñjābhisāṅkhārenā”ti. Atha vā upapatti āgatā, evaṃ kiccaṃ āgataṃ, āneñjābhisāṅkhāro panettha sarūpena anāgatopi puññābhisāṅkhāraggaṇeṇeva gahitoti daṭṭhabbaṃ. Keci pana “puññāneñjābhisāṅkhārenā”ti paṭhanti. **Bhavūpagakkhandhānanti** sugatibhavūpagānaṃ upādānakkhandhānaṃ.

161. **Lokikā vaṭṭanti** kammavaṭṭassa gahaṇato. Bhāvūpapattihetubhūtā okappanīyasaddhā catupārisuddhisīlaṃ tādisaṃ buddhavacanabāhusaccaṃ āmisapariccāgo kammassakataññānaṃ kammaphaladiṭṭhi ca ime **saddhādayo** veditabbā. **Ṭhāpetīti** paṇidahanavasena ṭhāpeti. Paṇidahaṭīti hi ayamettha attho. **Paṭiṭṭhāpetīti** tattha suppatiṭṭhitaṃ katvā ṭhāpeti. **Saha patthanāyāti** “aho vatāhaṃ -pa- upapajjeyyan”ti evaṃ pavattapatthanāya saha. **Saddhādayovāti** yathāvuttā saddhādayo eva **pañca dhammā** upapattiyā saṅkhāraṇaṭṭhena saṅkhārā, tasmā eva aññehi viṣiṭṭhabhavūpaharaṇaṭṭhena vihārā nāmāti. **Tasmim̐ ṭhāneti** tasmim̐ upapattiṭṭhāne.

Pañcadhammāva taṃsamaṅgīpuggalo upapattiṃ maggati gavesati etenāti **maggo**. Paṭipajjati etāyāti **paṭipadā**. Cetanā panettha suddhasaṅkhāratāya saddhādiggahaṇeṇeva gahitā, tasmā avadhāraṇaṃ kataṃ. Upapattipakappanavaseneṇeva pavattiyā patthanāgahaṇeṇeva tassā gahaṇanti keci. Cittatarayuttagatinibbattanadhammavasena avadhāraṇassa katattā. Cetanā hi nāma kammaṃ, tassā upapattinibbattane vattabbameva natthi, tassā pana kiccakaraṇā saddhādayo pattanā cāti ime dhammā sahakārino bhavūpapattiyā niyāmakā hontīti tatrūpapattiyā pavattantīti tesam̐ maggādibhāvo vutto.

Tenāha “**yassa hī**”ti-ādi. Tena saddhā patthanā cāti ubhaye dhammā sahitā hutvā kammaṃ visesentā gatim niyamentīti dasseti, paṭisandhiggahaṇaṃ aniyataṃ kevalassa kammassa vasenāti adhippāyo. Kāmañcetha “**kammaṃ katvā**”ti vuttaṃ, kammāyūhanato pana pageva patthanam ṭhapetumpi vaṭṭatiyeva. **Kammaṃ katvāti** cetha “tāpetvā bhuñjati, bhutvā sayati”ti-ādīsu viya na kālaniyamo, kammaṃ katvā yadā kadāci patthanam kātuṃ vaṭṭatīti ca idaṃ cārittadassanaṃ viya vuttaṃ. Yathā hi bhavapatthanā yāva maggena na samucchijjati, tāva anuppannābhinavakatūpacitassa kammassa paccayo hotiyeva. Puna tathā visesapaccayo, yathā niyametvā uppādītā. Tena vuttaṃ “**yassa pañca dhammā atthi, na patthanā, tassa gati anibaddhā**”ti.

165. **Sabbasovāti** “idaṃ kāḷakaṃ sāmaṃ setaṃ haritaṃ maṇḍalaṃ aparimaṇḍalaṃ caturaṃsaṃ¹ paripuṇṇaṃ khuddakaṃ mahantaṃ”ti-ādinā sabbasova **pākaṭaṃ hoti**.

167. **Sundaroti** kāḷakādidosarahitatāya sobhano. **Ākarasampanno** sampanna-ākaruppattiyā. **Dhovanādīhīti** dhovanatāpanamajjanādīhi.

168. Lokadhātūnaṃ sataśahassaṃ attano vase vattanato **sataśahasso**. Tassa pana tattha obhāsakaraṇaṃ pākaṭanti āha “**ālokaḥparaṇabrahmā**”ti. Ayameva nayo heṭṭhā “sahasso brahmā”ti-ādīsupi. **Nikkhena katanti** nikkhaparimāṇena jambonadena kataṃ. Nikkhaṃ pana vīsatisuvaṇṇanti keci. Pañcavīsatisuvaṇṇanti apare. Suvaṇṇaṃ nāma catudharaṇanti vadanti. **Ghaṭṭanamajjanakkhamaṃ na hoti** parittabhāvato. **Atirekenāti** pañcasuvaṇṇa-atirekena nikkhappamāṇaṃ asampattena. **Vaṇṇavantaṃ pana na hoti** avipulatāya uḷāraṃ hutvā anupaṭṭhānato. Avaṇṇavantaṭāya eva **pharusadhātukaṃ khāyati**. Tāsūti tāsu bhūmīsu, yatthā sākha vaddhitvā ṭhitā. Teti suvaṇṇaṅkurā. **Pacitvāti** tāpetvā. **Sampahaṭṭhanti** samujjalīkatanti āha “**dhotaghaṭṭitamajjitaṃ**”ti, tambamattikalepaṃ katvā dhotañceva pāsāṇādinā ghaṭṭitañca eḷakalomādinā pamajjitañcāti attho.

1. Anuttacaṃ (Ka)

Etadevāti ālokaṃ vaḍḍhetvā ettha ālokapharaṇameva. Atha vā yaṃ dibbacakkhupharaṇaṃ, ālokapharaṇampi **etadeva**. Yattakaṃ hi ṭhānaṃ yogī kasiṇālokena pharati, tattakaṃ ṭhānaṃ dibbacakkhuññaṇaṃ phusatīti dibbacakkhupharaṇe dassite ālokapharaṇaṃ dassitamevāti attho. **Sabbatthā**ti sabbasmim “pharivā”ti āgataṭṭhāne. **Avināsentenā**ti asambhinnena.

Kasiṇapharaṇaṃ viyāti kasiṇobhāseṇa pharaṇaṃ viya **dissati** upaṭṭhāti, maṇipabhāpharaṇassa viya brahmaloke dhātupharaṇassa dassitattāti adhippāyo. Sarīrapabhā pana nikkhapabhāsadisāti “**nikkhopamme sarīrapharaṇaṃ viya dissati**”ti vuttaṃ. **Aṭṭhakathā nāma natthī**ti pāḷipadassa atthavaṇṇanāya nāma nicchitāya bhavitabbaṃ, avinicchitāya pana natthi viyāti akathanāṃ nāma aṭṭhakathāya anāciṇṇanti tassa vādaṃ **paṭikkhipivā**. Yathā hi vattabbaṃ, tathā avatvā “viyā”ti vacanaṃ kimatthiyanti adhippāyo. Buddhānaṃ byāmapabhā byāmappadese sabbakālaṃ adhiṭṭhāti viya tassa brahmuno **sarīrapharaṇaṃ** sarīrābhāya pattharaṇaṃ **sabbakālikaṃ**. **Cattārimā**ni itarāni pharaṇāni **avināsetvā** aññamaññaṃ abhinditvā **kathetabbaṃ**. **Pharaṇapadasseva vevacanaṃ** “adhimuccaneneva pharaṇaṃ”ti. **Pattharatī**ti yathāvuttaṃ pharaṇavasena pattharati. **Jānātī**ti adhimuccanavasena jānāti.

169. **Ādayoti ādi**-saddena subhe saṅgaṇhāti. **Ābhāti** dutiyajjhānabhūmike deve ekajjhaṃ gahetvā sādharmaṇato vuttaṃ. Tato **subhāti** tatiyajjhānabhūmike. Tenāha “**pāṭiyekkā devā natthī**”ti-ādi. Sādharmaṇato katāyapi patthanāya jhānaṅgaṃ parittaṃ bhāvitañce, parittābhesu upapatti hoti, majjhimañce, appamāṇābhesu, maṇītañce, ābhassaresu upapatti hotīti daṭṭhabbaṃ. **Subhāti** etthāpi eseva nayo. Heṭṭhā vuttanayeneva suviññeyyoti āha “**vehapphalādivārā pākāṭāyevā**”ti.

Kāmāvacaresu **nibbattatū**ti-ādinā saddhādīnaṃ ajjhānavipassanānaṃ kathaṃ tadadhiṭṭhānaṃ hotīti āsaṅkati. Itaro saddhādīnaṃ ajjhānasabhāvattepi jhānavipassanānaṃ adhiṭṭhānaṃ nissayapaccayādivasena sappaccayattā brahmalokūpapattim nibbānañca āvahantīti dassento “**ime pañca**

dhammā”ti-ādimāha. Tattha **sīlanti** sambhārasīlaṃ. Anāgāmī samucchinnorambhāgiyaśaṃyojano samāno sace sabbaso upapattiyo atikkamituṃ na sakkoti, ariyabhūmīsū eva nibbattati yathūpacitajhānakammunāti āha “**anāgāmi -pa- nibbattati**”ti. **Uparimagganti** aggamaggaṃ bhāvetvā. **Āsavakkhayanti** sabbaso āsavānaṃ khayāṃ pahānaṃ pāpuṇāti. Sesāṃ suviññeyyameva.

Saṅkhārupapattisuttavaṇṇanāya līnatthappakāsanā samattā.

Niṭṭhitā ca anupadavaggavaṇṇanā.

3. Suññatavagga

1. Cūlasuññatasuttavaṇṇanā

176. **Kālaparicchedaṃ katvāti** samāpajjantehi nāma kālaparicchedo kātabbo, thero pana bhagavato vattakaraṇatthaṃ kālaparicchedaṃ karoti “ettake kāle vītivatte idaṃ nāma bhagavato kātabban”ti. So tattakāmyeva samāpattiṃ samāpajjitvā vuṭṭhāti, taṃ sandhāya vuttaṃ “kālaparicchedaṃ katvā”ti. **Suññatāphalasaṃpattiṃ appetvāti** etena itare “na sotāpannasakadāgāmi phalasaṃpattiṃ samāpajjanti”ti vadanti, taṃ vādaṃ paṭisedheti. **Suññatoti** attasuññato ca niccasuññato ca saṅkhārā upaṭṭhahimsu. Sekkhānaṃ hi suññatāpaṭivedho pādesiko subhasukhasaññānaṃ appahīnattā, tasmā so thero suññatākathaṃ sotukāmo jāto. **Dhurena dhuraṃ paharantena viyāti** rathadhurena rathadhuraṃ paharantena viya katvā ujukameva suññatā -pa- vattum na sakkāti yojanā. **Ekaṃ padanti** ekaṃ suññatāpadaṃ.

Pubbepāhanti-ādinā bhagavā paṭhamabodhiyampi attano suññatāvihārabāhullaṃ pakāsetīti dassento “**paṭhamabodhiyampi**”ti āha. **Ekoti**-ādi therassa suññatākathāya bhājanabhāvadassanattamaṃ. **Sotunti** aṭṭhiṃ katvā manasi katvā sabbacetasaṃ samannāharitvā sotumpi. **Uggahetumpīti** yathābhūtaṃ dhammaṃ dhāraṇaparipucchāparicayavasena hadayena uggahitaṃ suvaṇṇabhājane pakkhittasihasasā viya avinaṭṭhe kātumpi. **Kathetumpīti** vitthārena paresaṃ dassetumpi sakkā. **Tatthāti** migāramātupāsāde. **Kaṭṭharūpapotthakarūpacittarūpavasena katāti** thambhādīsu ukkiritvā katānaṃ kaṭṭharūpānaṃ, niyyūhādīsu paṭimāvasena racitānaṃ potthakarūpānaṃ, bhittipasse cittakammavasena viracitānaṃ cittarūpānaṃ katā niṭṭhapitā. **Vessavaṇamaṇḍhātādīnanti** paṭimārūpena katānaṃ vessavaṇamaṇḍhātusakkādīnaṃ. **Cittakammavasenaṇāti** āramādicittakammavasena. **Saṅghitampīti** avayavabhāvena saṅghitaṃ hutvā ṭhitampi. **Jiṇṇapaṭisaṅkharaṇatthanti** jiṇṇānaṃ niyyūhakūṭāgārapāsādāvayavānaṃ abhisaṅkharaṇatthāya tasmim tasmim ṭhāne rahassasaññānaṃ ṭhapitaṃ. “Paribhuñjissāmi”ti

tasmim̐ tasmim̐ kicce viniyuñjanavasena **paribhuñjitabbassa**. **Etam̐ vuttanti** “ayam̐ migāramātupāsādo suñño”ti-ādikaṃ vuttam̐.

Niccanti sabbakālam̐ rattiñca divā ca. **Ekabhāvaṃ ekaṃ asuññatanti** paccatte upayogavacanam̐, ekattam̐ eko asuññatoti attho. **Gāmoti pavattanavasenā**ti gehasannivesavīthicaccarasiṅghātakādike upādāya gāmoti lokuppattivasena. **Kilesavasenā**ti tatha anunayapaṭiḅhavasena. **Eseva nayoti** iminā “pavattavasena vā kilesavasena vā uppannam̐ manussasaññan”ti imamattham̐ atidisati. Ettha ca yathā gāmaggaḅhaṇena gharādisaññā saṅgahitā, evam̐ manussaggaḅhaṇena itthipurisādisaññā saṅgahitā. Yasmā rukkhādike paṭicca araññasaññā tatha pabbatavanasaṅḅādādayo antogadhā, tasmā tatha vijjamānampi taṃ vibhāgaṃ aggahetvā ekaṃ araññam̐yeva paṭicca araññasaññam̐ manasi karoti. **Otaratī**ti anuppavisati. **Adhimuccatī**ti nicchinoti. **Pavattadarathā**ti tathārūpāya passaddhiyā abhāvato oḅārikadhammappavattisiddhā darathā. **Kilesadarathā**ti anunayapaṭiḅhasambhavā kilesadarathā. **Dutiyapadeti** “ye assu darathā manussasaññam̐ paṭiccā”ti imasmim̐ pade. Manasikārasantatāya “nāyam̐ pubbe viya oḅārikā dhammappavattī”ti saṅkhāradassanadarathānam̐ sukhumatā sallahukatā ca caritatthāti āha “**pavattadarathamattā atthī**”ti.

Yam̐ kilesadarathajālam̐, taṃ imissā darathasaññāya na hotīti yojanā. Pavattadarathamattam̐ avasiṭṭham̐ hoti, vijjamānameva atthi idanti pajānātīti yojanā. **Suññatānibbattī**ti suññatanti pavatti. Suññatāsahacaritam̐ hi suññam̐, idha suññatāti vuttā.

177. **Assā**ti bhagavato **evam̐** idāni vuccamānākārena cittappavatti ahosi. **Accantasuññatanti** “paramānuttaran”ti vuttam̐ arahattam̐ desessāmīti. **Araññasaññāya visesānadhigamanatoti** “araññam̐ araññan”ti manasikārena jhānādivisesassa adhigamābhāvato, “pathavī”ti manasikārena visesādhigamanato. Idāni tamevattham̐ upamāya vibhāvetum̐ “**yathā hī**”ti-ādi vuttam̐. **Evam̐ santeti** evam̐ vapite sāli-ādayo **sampajjanti**. **Dhuvasevananti** niyatasevanam̐ pārihāriyakammaṭṭhānam̐. **Paṭiccā**ti ettha “sambhūtan”ti vacanaseso icchitoti āha “**paṭicca sambhūtan**”ti. Pathavim̐ paṭicca sambhūtā hi saññāti.

Pathavīkaṣiṇe so pathavīsaññī hoti, na pakatipathaviyaṃ. **Tassāti** pathavīkaṣiṇassa. **Tehīti**¹ gaṇḍādīhi. **Suṭṭhu vihatanti** yathā valīnaṃ lesopi na hoti, evaṃ sammadeva ākoṭitaṃ. Nadītaḷākādīnaṃ tīrappadeso udakassa ākaraṭṭhena kūlaṃ, unnatabhāvato uggataṃ kūlaṃ viyāti **ukkūlaṃ**, bhūmiyā uccaṭṭhānaṃ. Vigataṃ kūlanti **vikkūlaṃ**, nīcaṭṭhānaṃ. Tenāha **“uccanīcan”**ti. **Ekam saññanti** ekam pathavītisaññāmyeva.

182. Satipi saṅkhāranimittavirahe yādisānaṃ nimittānaṃ abhāvena **“animittan”**ti vuccati, tāni dassetuṃ **“niccanimittādivirahito”**ti vuttaṃ. **Catumahābhūtikaṃ** catumahābhūtanissitaṃ. **Saḷāyatanapaṭisaṃyuttaṃ** cakkhāyatanādisaḷāyatanasahitaṃ.

183. **Vipassanāya paṭivipassananti** dhammānaṃca puna vipassanaṃ. **Idhāti** attano paccakkhabhūtayathādhigatamaggaphalaṃ vadatīti āha **“ariyamagge ceva ariyaphale cā”**ti. **Upādisesadarathadassanattanti** sabbaso kilesupadhiyā pahīnāya khandhopadhi avisiṭṭhā, tappaccayā darathā upādisesadarathā, taṃdassanattam. Yasmā visayato gāmasaññā oḷārikā, manussasaññā sukhumā, tasmā **manussasaññāya gāmasaññam nivattetvā**. Yasmā pana manussasaññāpi sabhāgavatthupariggahato oḷārikā, sabhāgavatthuto araññasaññā sukhumā, tasmā **araññasaññāya manussasaññam nivattetvā**. Pathavīsaññādinivattane kāraṇaṃ heṭṭhā suttantaresu ca vuttameva. **Anupubbenāti** maggapaṭipāṭiyā. **Niccasarādīnaṃ** sabbaso avatthutāya accantameva suññattā **accantasuññatā**.

184. **Suññataphalasaṃpattinti** suññatavimokkhasa phalabhūtatā, suññatānupassanāya vasena samāpajjitabbattā ca suññataphalasaṃpattinti laddhanāmaṃ arahattaphalasaṃpattiṃ. Yasmā atīte paccekasambuddhā ahesuṃ, anāgate bhavissanti, idāni pana buddhasāsanassa dharamānattā paccekabuddhā na vattanti, tasmā paccekabuddhaggahaṇaṃ akatvā **“etarahipi buddhabuddhasāvakaśākhātā”**icceva vuttaṃ. Na hi buddhasāsane dharante paccekabuddhā bhavanti. Sesam suviññeyyameva.

Cūlasuññatasuttavaṇṇanāya līnatthappakāsanā samattā.

2. Mahāsuññatasuttavaṇṇanā

185. **Chavivaṇṇena so kāḷo**, na nāmena. **Palālasanthāroti-ādīnīti ādi-**saddena kocchacimilikākaṭasārādīnaṃ gahaṇaṃ. **Gaṇabhikkhūnanti** gaṇabandhanavasena bhikkhūnaṃ.

Yadi saṃsayo nāma natthi, “sambahulā nu kho”ti idaṃ kathanti āha “**vitakkapubbabhāgā**”ti-ādi. Tattha vitakko pubbabhāgo etissāti **vitakkapubbabhāgā, pucchā**. Sā “sambahulā no ettha bhikkhūviharaṇṭī”ti vacanaṃ, vitakko pana “sambahulā nu kho idha bhikkhū viharantī”ti iminā ākārena tadā bhagavato uppanno cittasaṅkappo, tassa parivitakkassa tabbhāvajotanoyaṃ nu-kāro vuttoti dassento āha “**vitakkapubbabhāge cāyaṃ nu-kāro nipātamatto**”ti. Kiñcāpi gacchanto disvā “sambahulā no ettha bhikkhū viharantī”ti pucchāvasena bhagavatā vutto, atha kho “na kho Ānanda bhikkhu sobhati saṅgaṇikārāmo”ti-ādi¹ uparidesanāvasena matthakaṃ gacchante avinicchito nāma na hoti, atha kho visuṃ vinicchito eva hoti, disvā nicchinitvāva kathāsamuṭṭhāpanatthaṃ tathā pucchati. Tathā hi vuttaṃ “jānantāpi tathāgatā pucchantī”ti². Tenāha “**ito kirā**”ti-ādi.

Yathā nadī-otiṇṇaṃ udakaṃ yathāninnaṃ pakkhandati, evaṃ sattā dhātuso saṃsandanti, tasmā “**gaṇavāso nadī-otiṇṇa-udakasadiṣo**”ti vuttaṃ. Idāni tamatthaṃ vitthārato dassetuṃ “**nirayatiracchānayoṇī**”ti-ādi vuttaṃ. Kuruvindādinhānīyacuṇṇāni saṅhasukhumabhāvato nāḷiyaṃ pakkhittāni nirantarāneva tiṭṭhantīti āha “**cuṇṇabharitā nāḷi viyā**”ti. **Sattapaṇṇāsa kulasatasahassānīti** sattasatasahassādhikāni paññāsa kulānaṃyeva satasahassāni, manussānaṃ pana vasena satta koṭiyo tadā tattha vasimsu.

Tato cintesi, kathaṃ? Kāmañcāyaṃ lokapakati, mayhaṃ pana sāsane ayuttova soti āha “**mayā**”ti-ādi. **Dhammanti** sabhāvasiddhaṃ. **Saṃvegoti** sahottappañāṇaṃ vuccati. **Na kho panetaṃ sakkā** gilānupaṭṭhāna-ovādānusāsani-ādivasena samāgamassa icchitabbattā. **Gaṇabhedananti** gaṇasaṅgaṇikāya vivecanaṃ.

1. Ma 3. 152 piṭṭhe.

2. Vi 1. 7 piṭṭhe.

186. **Kataparibhaṇḍanti** pubbe katasamvidhānassa cīvarassa vuttākārena paṭisaṅkharāṇaṃ. **Noti** amhākaṃ. **Anattamanoti** anārādhitaṅgacitto.

Sakagaṇena sahabhāvato **saṅgaṇikā**ti āha “**sakaparisasamodhāna**”ti. **Gaṇoti** pana idha janasaṃmūhoti vuttaṃ “**nānājanasamodhāna**”ti. **Sobhati** yathānusiṭṭhaṃ paṭipajjamānato. Kāmato nikkhamatīti **nikkhamo**, evaṃ nikkhamavasena uppannaṃ **sukhaṃ**. Gaṇasaṅgaṇikākilesasaṅgaṇikāhi pavivitti **paviveko**. Pavivekavasena uppannaṃ **sukhaṃ**. Rāgādīnaṃ upasamāvahaṃ sukhaṃ **upasamasukhaṃ**. Maggasambodhāvahaṃ sukhaṃ **sambodhisukhaṃ**¹. Nikāmetabbassa, nikāmaṃ vā lābhī **nikāmalābhī**. Nidukkhaṃ sukheva labhatīti **adukkhalābhī**. Kasiraṃ vuccati appakanti āha “**akasiralābhīti vipulalābhī**”ti.

Samāyikanti samaye kilesavimuccanaṃ accantamevāti sāmāyikaṃ ma-kāre a-kārassa dīghaṃ katvā. Tenāha “**appitappitasamaye kilesehi vimuttan**”ti. **Kantanti** aṅgasantatāya ārammaṇasantatāya ca kamaṇīyaṃ manorammaṃ. **Asāmāyikaṃ** accantavimuttaṃ.

Ettāvatāti-ādinā saṅgaṇikārāmaṃssa viśesādhigamaṃssa antarāyikabhāvaṃ anvayato byatirekato ca saha nidassanena dasseti. Tattha sā duvidhā antarāyikatā vodānadhammānaṃ anuppattihetukā, saṃkilesadhammānaṃ uppattihetukā ca.

Te paṭhamaṃ “saṅgaṇikārāmo”ti-ādinā vibhāvetvā itaraṃ vibhāvetuṃ “**idāni dosuppattim dassento**”ti-ādi vuttaṃ. “Aṭṭhiṅca paṭiccanhāruṅca paṭicca cammaṅca paṭicca maṃsaṅca paṭicca ākāso parivārito rūpantveva saṅkhaṃ gacchatī”ti-ādīsu² viya idha **rūpasaddo** karajakāyapariyāyoti “**rūpanti sarīran**”ti āha. “Nāhaṃ Ānanda -pa- domanassupāyāsā”ti kasmā vuttaṃ, nanu kāye ca jīvite ca anapekkhacittānaṃ āradhāvippassakānampi asappāyavajjanasappāyasevanavasena kāyassa pariharaṇaṃ hotīti? Saccāṃ, taṃ pana yo kallasarīraṃ nissāya dhammasāadhanāya anuyuñjitukāmo hoti, tasseva dhammasāadhanatāvasena. Dhammasāadhanabhāvaṃ hi apekkhitvā asappāyaṃ vajjetvā sappāyavasena posetvā suṭṭhutarāṃ

1. Sambodhasukhaṃ (Ka)

2. Ma 1. 248 piṭṭhe.

hutvā anuyuñjanato kāyassa pariharaṇaṃ, na so kāye abhirato nāma hoti paccavekkhaṇāyattattā apekkhāya vinoditabbo tādisoti. **Upāligahapatinoti** etthāpi “dasabalasāvakattupagamanaśaṅkhātenā”ti ānetvā yojetabbaṃ.

187. Mahākaruṇāvasena parivutāya **parisāya majjhe nisinnopi** ekantavivekajjhāsayattā **ekakova**. Etena satthuno pavivittassa pavivekattena vivittataṃ dasseti. Rūpārūpapaṭibhāganimittehi nivattanatthaṃ “**rūpādīnaṃ saṅkhatanimittānaṃ**”ti vuttaṃ. Ativiya santatarapaṇītatamabhāvena visesato sinoti bandhatīti **visayo**, so eva sasantatipariyāpannatāya **ajjhattaṃ**. Kiṃ pana tanti āha “**suññatanti suññataphalasaṃpattin**”ti. Upadhivivekatāya asaṅkhatā dhātu idha vivekoti adhippetoti āha “**vivekaninnaṃ**”ti-ādi. Bhaṅgamattampi asasetvā āsavaṭṭhāniyānaṅca dhammānaṃ tattha vigatattā tesāṃ vasena **vigatantena**, evambhūtaṃ tesāṃ byantibhāvaṃ pattanti pāḷiyāṃ “byantibhūtenā”ti vuttaṃ. Uyyojanaṃ vissajjanaṃ, taṃ etassa atthi, uyyojeti vissajjetīti vā uyyojanikaṃ, yasmā na sabbakathā uyyojanavaseneva pavattati, tasmā vuttaṃ “**uyyojanikaṇṭhasaṃyuttaṃ**”ti.

Telapākaṃ gaṇhanto viyāti yathā telapāko nāma paricchinnakālo na atikkamitabbo, evaṃ attano samāpattikālaṃ **anatikkamitvā**. Yathā hi kusalo vejjo telaṃ pacanto taṃ taṃ¹ telakiccaṃcintevā yadi vā patthinnapāko, yadi vā majjhimapāko, yadi vā kharapāko icchitabbo, tassa kālaṃ upadhāretvā pacati, evaṃ bhagavā dhammaṃ desento veneyyānaṃ ṇāṇaparipākaṃ upadhāretvā taṃ taṃ kālaṃ anatikkamitvā dhammaṃ desetvā parisāṃ uyyojento ca **vivekaninneneva cittena uyyojeti**. **Dve pañcaviññāṇānipi** tadabhinihatamanoviññāṇavasena **nibbānaninnaṃ**. Buddhānaṃ hi saṅkhārānaṃ suṭṭhu pariññātātāya paṇītanampi rūpādīnaṃ āpāthagamane pageva itaresāṃ paṭikūlatāva supākaṭā hutvā upaṭṭhāti, tasmā ghammābhittassa viya sīlajalaṭṭhānaninnaṃ nibbānaninnaṃ eva cittaṃ hoti tassa ativiya santapaṇītabhāvato.

1. Tikāṃ (Ka)

188. **Ajjhattamevā**ti idha jhānārammaṇaṃ adhippetanti āha “**gocarajjhattamevā**”ti. **Idha niyakajjhattaṃ** suññataṃ. Apagaṇapādakajjhānaṃ hi ettha “niyakajjhattan”ti adhippetam vipassanāvisesassa adhippetattā. **Niyakajjhattaṃ** nijjīvanissattataṃ, anattatanti¹ attho. **Asampajjanabhāvajānanenā**ti idāni me kammaṭṭhānaṃ vīthipaṭipannaṃ na hoti, uppathameva pavattatīti jānana.

Kasmā panettha bhagavatā vipassanāya eva pādake jhāne avatvā pādakajjhānaṃ gahitanti āha “**appagaṇapādakajjhānato**”ti-ādi. **Na pakkhandati** sammā na samāhitattā. So pana “ajjhattadhammā mayham nijjaṭā nigumbā hutvā na upaṭṭhahanti, handāham bahiddhādhamme manasi kareyyam, ekaccesu saṅkhāresu upaṭṭhitesu itarepi upaṭṭhaheyyumevā”ti **parassa -pa- manasi karoti**. Pādakajjhānavasena viya sammasitajjhānavasenapi ubhatobhāgavimutto hotiyevāti āha “**arūpasamāpattiyam nu kho kathanti āneñjam manasi karoti**”ti. **Na me cittaṃ pakkhandatīti** mayham vipassanācittaṃ vīthipaṭipannaṃ hutvā na vahatīti. **Pādakajjhānamevā**ti vipassanāya pādakabhūtameva jhānaṃ. **Punappunaṃ manasi kātabbanti** punappunaṃ samāpajjitabbaṃ vipassanāya tikkhavisadatāpādanāya. **Avahante** nipuṇābhāvena chedanakiriyāya appavattante. Samāpajjitvā vipassanāya tikkhakammakaraṇaṃ samathavipassanāvihārenāti āha “**kammaṭṭhāne manasikāro vahati**”ti.

189. **Sampajjati meti** vīthipaṭipattiyā pubbenāparaṃ visesābhāvato sampajjati me kammaṭṭhānanti jānana. **Iriyāpatham ahāpetvā**ti yathā parissamo nāgacchati, evaṃ attano balānurūpaṃ tassa kālaṃ netvā pamānameva pavattanena iriyāpatham ahāpetvā. **Sabbavāresūti** ṭhānanisajjāsayanavāresu. Kathāvāresu pana visesaṃ tattha tattha vadanti. **Idam vuttanti** idam “iminā vihārenā”ti-ādivacanaṃ vuttaṃ.

190. Kāma vitakkādayo oḷārikakāmarāgabyāpādasabhāgāti āha “**vitakkapahānena dve magge kathetvā**”ti. **Kāmaguṇesūti** niddhāraṇe bhuttaṃ. **Kismiñcīdeva kilesuppattikāraṇeti** tassa puggalassa

1. Gocarajjhattattā nidinisattatanti anantataṃ (Ka)

kilesupattikāraṇaṃ sandhāya vuttaṃ, aññathā sabbepi pañca kāmagaṇā
kilesupattikāraṇameva. Samudācaratīti **samudācāro**ti āha
“**samudācaraṇato**”ti. So pana yasmā cittassa, na sattassa, tasmā vuttaṃ
pāḷiyam “cetaso”ti. Ma-kāro padasandhikaro e-kārassa ca a-kāro katoti āha
“**evaṃ sante etan**”ti.

191. **Anusayoti** mānānusayo bhavarāgānusayo avijjānusayoti tividhopi
anusayo **pahīyati** arahattamaggena. **Vuttanayenevā**ti “tato maggānantaram
phalaṃ, phalato vuṭṭhāya paccavekkhamāno pahīnabhāvaṃ jānāti, tassa
jānanena sampajāno hotī”ti vuttanayena.

Kusalato āyātīti āyato, so etesanti **kusalāyatikā**. Tenāha “**kusalato
āgatā**”ti. Taṃ pana nesam kusalāyatikattaṃ upanissayavasena hoti
sahajātavasenapīti tadubhayaṃ dassetuṃ “**seyyathidan**”ti-ādi vuttaṃ.

Yasmā pana yathāvuttadhammesu keci lokiyā, keci lokuttarā, atha
kasmā visesena “lokuttarā”ti vuttanti āha “**loke uttarā visiṭṭhā**”ti. Tena
lokiyadhammesu uttamabhāvena jhānādayo lokuttarā vuttā, na lokassa
uttaraṇatoti dasseti. Yaṃ kiñci mahaggatacittaṃ mārassa visayo
akāmāvacarattā, pageva taṃ vipassanāya pādakabhūtaṃ suvikkhālitamalanti
āha “**jānitum na sakkotī**”ti. **Eko ānisaṃso atthi** bhāvanānuyogassa
sappāyadhammakathāpaṭilābho.

192. **Etadatthanti** kevalassa sutassa atthāya. **Sappāyāsappāyavasenā**ti
kasmā vuttaṃ, nanu sappāyavasena dasakathāvattthūni āgatānīti?
Saccametam, asappāyakathāvajjanapubbikāya sappāyakathāya vasena
āgatattā “**sappāyāsappāyavasena āgatānī**”ti vuttaṃ. **Sutapariyattivasenā**ti
sarūpena tattha anāgatānīpi dasakathāvattthūni suttageyyādi-antogadhattā
“**sutapariyattivasena āgatānī**”ti vuttaṃ. Paripūraṇavasena sarūpato āgatattā
imasmim thāne thātvā kathetabbāni. Atthoti sāmāññattho.

193. **Anu-āvattantī**ti anu anu abhimukhā hutvā vattanti, payirupāsanādivasena anukūlayanti. **Mucchanataṇhanti** paccayesu mucchanākāraṃ. Taṇhāya patthanā nāma tenākārena pavattīti āha “**pattheti pavatteti**”ti. **Kilesūpaddavenāti** kilesasaṅkhātena upaddavena. Kilesā hi sattānaṃ mahānatthakaraṇato “upaddavo”ti vuccanti. Attano abbhantare uppanna kilesūpaddavena antevāsino upaddavo **antevāsūpaddavo**, brahmacariyassa upaddavo **brahmacārupaddavoti** imamattaṃ “**sesupaddavesupi eseva nayo**”ti iminā atidisati. **Guṇāmaraṇaṃ kathitaṃ**, na jīvitamaraṇaṃ.

Appalābhāti appamattakalābhī viśesānaṃ. **Evam vuttoti** yathāvuttabrahmacārupaddavo dukkhavipākataro ceva kaṭukavipākataro cāti evaṃ vutto. Ācariyantevāsikūpaddavo hi bāhirakasamayavasena vutto, brahmacārupaddavo pana sāsana vasena. Durakkhāte hi dhammavinaye duppaṭipatti na mahāsāvajjā micchābhinivesassa sithilavāyāmbhāvato, svākhyāte pana dhammavinaye duppaṭipatti mahāsāvajjā mahato atthassa bāhirabhāvakaraṇato. Tenāha “**sāsane paṇā**”ti-ādi.

196. **Tasmāti** idaṃ pubbaparāpekkhaṃ purimassa ca atthassa kāraṇabhāvena paccāmasananti āha “**yasmā**”ti-ādi. Mittaṃ etassa atthīti mittavā, tassa bhāvo **mittavatā**, tāya. Mittavasena paṭipajjananti āha “**mittapaṭipattiyā**”ti. **Sapattavatāyāti** etthāpi eseva nayo.

Dukkaṭadubbhāsitamattampīti iminā pageva itaraṃ vītikkamantoti dasseti. Sāvakesu hitaparakkamaṇaṃ ovādānusāsānīhi paṭipajjananti āha “**tathā na paṭipajjissāmi**”ti. **Āmakamattanti** kulālabhājanaṃ vuccati. **Nāhaṃ tumhesu tathā paṭipajjissāmi**ti kumbhakāro viya āmakabhājanesu ahaṃ tumhesu kevalaṃ jānāpento na paṭipajjissāmi. **Niggaṇhitvāti** nīharitvā. **Lokiyaguṇāpi idha sārotveva adhippetā** lokuttaraguṇānaṃ adhiṭṭhānabhāvato. Sesam suviññeyyameva.

Mahāsuññatasuttavaṇṇanāya linatthappakāsānā samattā.

3. Acchariyabbhutasuttavaṇṇanā

197. Vibhattipatirūpakā ca nipātā hontīti yathārahaṃ taṃtaṃvibhatti-atthadīpakā, idha paccattavacano **yatrasaddo**, **hisaddo** hetu-attho, **nāmasaddo** acchariyattho, padattayassa pana acchariyatthaniddiṭṭhatāya “**acchariyatthe nipāto**”ti vuttaṃ. Ekāmsato panetaṃ padattayaṃ. Tathā hi vakkhati “yatrāti nipātavasena anāgatavacanan”ti. **Papañcasaddo** heṭṭhā vutto.

Chinnavaṭumeti iminā sabbakilesavaṭṭassa akusalakammavaṭṭassa ca chinnattā vipākavaṭṭassa ca upari vakkhamānattā āha “**vaṭumanti kusalākusalakammavaṭṭaṃ vuccati**”ti. **Nipātavasena** yatrasaddayogena. **Anāgatavacanan**ti idaṃ anāgatavacanasadisattā vuttaṃ. Anāgatatthavācī hi anāgatavacanaṃ, attho cettha atītoti. **Anussarīti** idaṃ anussaritabhāvaṃ sandhāya vuttaṃ “na anussarissatī”ti saddapayogassa atītavisaṃyattā. Yada pana tehi bhikkhūhi yā kathā pavattitā, tato pacchāpi bhagavato tesāṃ buddhānaṃ anussaraṇaṃ hotiyeva.

Khattiyajaccāti-ādikālato paṭṭhāya asambhinnāya khattiyajātiyā uditoditāya. **Brahmajaccāti** brāhmaṇajaccā. **Evaṃgottepi** eseva nayo. **Lokiyalokuttarasīlenāti** pāramitāsambhūtena buddhāveṇikattā anaññasādhāraṇena lokiyena lokuttarena ca sīlena. **Evaṃsīlāti** anavasesasīlānaṃ visuṃ paccavekkhaṇakaraṇena evaṃsīlāti anussarissati. Esa nayo sesesu. Yathā vijjābhāgiyā vijjāsampayuttadhammā, evaṃ samādhipakkhā samādhisampayuttadhammāpi sativīriyādayoti āha “**heṭṭhā samādhipakkhānaṃ dhammānaṃ gahitattā vihāro gahitovā**”ti, tasmā samādhipakkhadhammavinimutto eva idha vihāro adhippetoti vuttaṃ “**idaṃ hī**”ti-ādi.

Yathā vā aṭṭhasamāpattivipassanāmaggaṃ phalasaṅgahitā lokiyalokuttarā samādhipaṇṇā “evaṃdhammā evaṃpaṇṇā”ti padehi heṭṭhā gahitāpi yathāsakaṃ paṭipakkhato muccanassa pavattivisesaṃ upādāya “evaṃvimuttā”ti ettha puna gahitā, tathā “evaṃdhammā”ti ettha gahitāpi samādhipakkhammo dibbabrahma-āneñja-ariyavihārasaṅkhātāṃ attano pavattivisesaṃ upādāya “evaṃvihārī”ti ettha puna gahitāti vuccamāne na koci virodho. Phaladhammānaṃ

pavattikālepi kilesānaṃ paṭippassaddhi na taṃ-ānubhāvajātā, atha kho ariyamaggena kilesānaṃ samucchinnattāti āha “**maggānubhāvena kilesānaṃ paṭippassaddhante uppannattā**”ti. Yo yaṃ pajahati, so pahāyako pahātabbato vimuttoti vuccati visāṃsaṭṭhabhāvatoti pahānavibhāgena vuccamāne apahāyakassa nibbānassa kathaṃ vimuttatā? Visāṃsaṭṭhabhāvato eva. Taṃ hi pakatiyāva sabbaso kilesehi visāṃsaṭṭhaṃ vinissaṭaṃ suvidūravidūre ṭhitāṃ, tasmāssa tato nissaṭattā nissaraṇavimutti nissaraṇapahānanti vuccatīti āha “**nibbāna**”ti-ādi.

199. Ime **tathāgatassa acchariya-abbhutadhammā**, na sāvakavisayā, mama pana desanā tayā sutā evāti te therasseva bhāraṃ karonto “**taṃ bhiyyoso mattāya paṭibhantū**”ti āha. **Sato sampajānoti** ettha kālabhedavasena labbhamānampi sampajānabhāvaṃ anāmasitvā gativibhāgena taṃ dassetuṃ “**dve sampajaññāni**”ti-ādi vuttaṃ. **Aṭṭha vare gaṇhantoti** ettha kathaṃ varaṃ devatā deti, parassa dīyamānaṃ taṃ kathaṃ parassa samijjhātīti? Kammabaleneva. Yadi hi taṃ kammaṃ katokāsaṃ yassa tadapadesena phalaṃ vipaccati, evaṃ devatāya tassa varaṃ dinnāṃ, itarena ca laddhanti vohāro hotīti. Apica parassa patthitavarāni nāma vipaccamānassa kammassa paccayabhūto payogavisesoti daṭṭhabbāṃ. Tāni vipaccane ekanti kānipi appesakkhā devatā “ayamassa patthanā samijjhissati, no”ti na jānanti, sakko pana paññavā tāni ekaccaṃ jānātiyeva. Tena vuttaṃ “**sakkena pasīditvā dinne aṭṭha vare gaṇhanto**”ti-ādi.

Paṭhamajavanavāreti uppannassa sabbapaṭhamajavanavāre. So hi paṭisandhiyā āsannabhāvato avisado hoti, devabhāve nikantivasena uppajjanato na jānāti. **Aññāhi** devatāhi **asādhāraṇajānanaṃ hoti** dutiyajavanavārato paṭṭhāya pavattanato.

Aññepi devāti-ādinā bodhisattassa tattha sampajaññeneva ṭhitabhāvaṃ byatirekamukhena vibhāveti. **Āhārūpacchedena kālaṃ karontīti** idaṃ khiḍḍāpadosikavasena vuttaṃ. Itaresampi dibbabhogehi mucchitataṃ ajjhāpannānaṃ tiṭṭhantānaṃ sampajaññābhāvo hotiyeva. **Kim tathārūpaṃ**

ārammaṇaṃ natthīti yathārūpaṃ uḷāraṃ paṇītañca ārammaṇaṃ paṭicca te devā saṃmucchitā āhārūpacchedampi karonti, kiṃ tathārūpaṃ uḷāraṃ paṇītañca ārammaṇaṃ bodhisattassa natthīti bodhisattassa sampajaññānubhāvaṃ vibhāvetuṃ codanaṃ samuṭṭhāpeti. Bodhisatto hi yattha yattha nibbattati, tattha tattha aññe satte dasahi visesehi adhiggaṇhāti, pageva tattha devabhūto, tathāpi “sato sampajāno”ti ayamettha acchariyadhammo vutto.

200. Sampattibhave dīghāyukatā nāma paññābalena hoti, bodhisatto ca mahāpañño, tasmā tattha tattha bhava tena dīghāyukena bhavitabbanti adhippāyena “**sesattabhāvesu kiṃ yāvatāyukaṃ na tiṭṭhati**”ti codeti. Itaro “**āma na tiṭṭhati**”ti paṭijānitvā “**aññadā hī**”ti-ādinā tattha kāraṇamāha. “Idha na bhavissāmi”ti adhimuccanavasena kālakiriyā **adhimuttikālakiriyā**. Pāramidhammānaṃ hi ukkaṃsappattiyā tasmim tasmim attabhāve abhiññāsamāpattīhi santānassa visesitattā attasinehassa tanubhāvena sattesu ca mahākaruṇāya uḷārabhāvena adhiṭṭhānassa tikkhavisadabhāvāpattiyā bodhisattānaṃ adhippāyo samijjhanti, citte viya kammesu ca tesam vasibhāvo, tasmā yatthupapannānaṃ pāramiyo sammadeva paribrūhenti, vuttanayena kālaṃ katvā tattha upapajjanti. Tathā hi ayaṃ mahāsatto imasmimyeva kappe nānājātisu aparihīnajjhāno kālaṃ katvā brahmaloke nibbatta appakameva kālaṃ tattha ṭhatvā tato cavitvā idha nibbatta. Tenāha “**ayaṃ kālakiriyā aññesaṃ na hotī**”ti. **Sabbapāramīnaṃ pūritattā**ti iminā payojanābhāvato tattha ṭhatvā adhimuttikālakiriyā nāma na hotīti dasseti. Apica carimabhava catumahānidhisamuṭṭhānapubbikāya dibbasampattisadisāya mahāsampattiyā nibbatti viya buddhabhūtaṃ asadisadānādivasena anaññasādhāraṇalābhuppatti viya ca ito param mahāpurisassa dibbasampatti-anubhavanaṃ nāma natthīti yāvatāyukaṭṭhānaṃ ussāhajātassa puññasambhārassa vasenāti daṭṭhabbaṃ. Ayaṃ hettha dhammatā.

Manussagaṇanāvasena, na devagaṇanāvasena. **Pubbanimittānī**ti cutiyā pubbanimittāni. **Amilāyitvā**ti ettha **amilāta**ggahaṇeneva tāsāṃ mālānaṃ vaṇṇasampadāpi gandhasampadāpi sobhāsampadāpi dassitāti daṭṭhabbaṃ.

Bāhirabbhantarānaṃ rajojallānaṃ lesassapi¹ abhāvato devānaṃ sarīragatāni vatthāni sabbakālaṃ parisuddhapabhassarāneva hutvā tiṭṭhantīti āha “vatthesupi eseva nayo”ti. **Neva sītaṃ na uṇhanti** yassa sītassa patikāravasena adhikaṃ seviyamānaṃ uṇhaṃ, sayameva vā kharataraṃ hutvā adhibhavantaṃ sarīre sedaṃ uppādeyya, tādisaṃ neva sītaṃ na uṇhaṃ hoti. **Tasmim kāleti** yathāvutte maraṇāsannakāle.

Bindubinduvasenāti muttaguḷikā viya bindu bindu hutvā sedā muccanti. Dantānaṃ khaṇḍitabhāvo **khaṇḍiccaṃ**. Kesānaṃ palitabhāvo **pāliccaṃ**. **Ādi-**saddena valittacataṃ saṅgaṇhāti. **Kilantarūpo attabhāvo hoti**, na pana khaṇḍiccapāliccādīhīti adhippāyo. **Ukkaṇṭhitāti** anabhirati, sā natthi uparūpari uḷarūḷārānameva bhogaṇaṃ visesato rucijanakaṇaṃ² upatiṭṭhanato.

Paṇḍitā evāti buddhisampannā eva devatā. Yathā devatā “sampati jātā kīdisena puñṇakammaena idha nibbattā”ti cintetvā “iminā nāma puñṇakammaena idha nibbattā”ti jānanti, evaṃ atītabhave attanā kataṃ ekaccaṃ añṇampi puñṇaṃ³ jānantiyeva mahāpuñṇāti āha “**ye mahāpuñṇā**”ti-ādi.

Na pañṇāyanti ciratarakālattā paramāyuno. **Aniyyānikanti** na niyyānavahaṃ sattānaṃ abhājanabhāvato. Sattā na paramāyuno honti nāma pāpussannatāyāti āha “**tadā hi sattā ussanna-kilesā hontī**”ti. Etthāha “kasmā sambuddhā manussaloke eva uppajjanti, na devabrahmalokesū”ti. Devaloke tāva nuppajjanti brahmacariyavāsassa anokāsabhāvato tathā anacchariyabhāvato. Acchariyadhammā hi buddhā bhagavanto, tesāṃ sā acchariyadhammatā devattabhāve tīhānaṃ na pākāṭā hoti yathā manussabhūtānaṃ. Devabhūte hi sammāsambuddhe dissamānaṃ buddhānubhāvaṃ devānubhāvato loko dahati, na buddhānubhāvato, tathā sati sammāsambuddhe nādhimuccati na sampasīdati issarakuttaggāhaṃ⁴ na vissajjeti, devattabhāvassa ca cirakālapavattanato ekaccasassatavādato na parimuccati. “Brahmaloke nuppajjantī”ti etthāpi

1. Lepassa (Dī-Ṭī 2. 21 piṭṭhe.)

2. Duvijānaṇānaṃ (Dī-Ṭī 2. 22 piṭṭhe.)

3. Attanā kataṃ añṇadāpi vā ekaccaṃ puñṇakammaṃ (Dī-Ṭī 2. 22 piṭṭhe.)

4. Issaraguttaggāhaṃ (Dī-Ṭī 2. 22 piṭṭhe.)

eseva nayo. Sattānaṃ tādīsagāhavimocanattaṃ hi buddhā bhagavanto manussasugatiyaṃveva uppajjanti, na devasugatiyaṃ, manussasugatiyaṃ uppajjantāpi opapātikā na honti sati ca opapātikūpapattiyaṃ vuttadosānativattanato, dhammaveneyyānaṃ atthāya dhammatantiyā ṭhapanassa viya dhātuveneyyānaṃ atthāya dhātūnaṃ ṭhapanassa icchitabbatā ca. Na hi opapātikānaṃ parinibbānato uddhaṃ sarīradhātuyo tiṭṭhanti, tasmā na opapātikā honti, carimabhava ca mahābodhisattā manussabhāvassa pākaṭakaraṇāya dārapariggahampi karontā yāva puttamukhadassanā agāramajjhe tiṭṭhanti, paripākagatasīlanekkhammaṇṇādīpāramikāpi¹ na abhinikkhamanti, kim vā etāya kāraṇacintāya, sabbabuddhehi āciṇṇasamāciṇṇā, yadidaṃ manussabhūtānaṃveva abhisambujjhanā, na devabhūtānanti ayamettha dhammatā. Tathā hi tadattho mahābhīnīhāropi manussabhūtānaṃveva ijjhanti, na itaresaṃ.

Kasmā pana sammāsambuddhā jambudīpeyeva uppajjanti, na sesadīpesūti? Keci tāva āhu “yasmā pathaviyā nābhibhūtā buddhānubhāvasahitā acalaṭṭhānabhūtā bodhimaṇḍabhūmi jambudīpeyeva uppajjati, tasmā jambudīpeyeva uppajjanti”ti, “tathā itaresampi avijahitaṭṭhānānaṃ tattheva labbhamānato”ti. Ayaṃ panettha amhākaṃ khanti²—yasmā purimabuddhānaṃ mahābodhisattānaṃ paccekabuddhānaṃ nibbattiyā sāvakabodhisattānaṃ sāvakabodhiyā abhinīhāro sāvakaṇānaṃ sambharaṇaṃ paripācanaṃca buddhakhettabhūte imasmiṃ cakkavāle jambudīpeyeva ijjhanti, na aññattha. Veneyyānaṃ vinayanattho ca buddhuppādoti aggasāvakādiveneyyavisesāpekkhāya ekasmiṃ jambudīpeyeva buddhā nibbattanti, na sesadīpesu. Ayaṃ nayo sabbabuddhānaṃ āciṇṇasamāciṇṇoti tesaṃ uttamapurisānaṃ tattheva uppatti sampatticakkānaṃ viya aññamaññupanissayato aparāparaṃ vattatīti daṭṭhabbaṃ. Tenāha “tīsu dīpesu buddhā na nibbattanti, jambudīpeyeva nibbattanti dīpaṃ passati”ti. Iminā nayena desaniyamepi kāraṇaṃ vattabbaṃ.

Idāni³ ca khattiyakulaṃ lokasammataṃ brāhmaṇānaṃpi pūjanīyabhāvato. **Rājā me pitā bhavissatīti kulaṃ passi** pituvasena kulassa

1. ...pāramiyopi (Ka)

2. Ayaṃ panettha dhammatā (Ka)

3. Dī-Ṭī 2. 23 piṭṭhādīsipi passitabbaṃ.

niddisitabbato. **Dasannaṃ māsānaṃ upari satta divasānīti passi** tena attano antarāyābhāvaṃ aññāsī, tassā ca tusitabhavē dibbasampatti-paccanubhavanaṃ.

Tā devatāti dasasahassicakkavāḷadevatā. Kathaṃ pana tā bodhisattassa pūritapāramibhāvaṃ bhāvinañca sambuddhabhāvaṃ jānantīti? Mahesakkhānaṃ devatānaṃ vasena, yebhuyyena ca tā devatā abhisamayabhāgino. Tathā hi bhagavato ca dhammadānaṃvibhāge anekavāraṃ dasasahassacakkavāḷavāsīdevatāsannipāto ahoṣi.

Cavāmīti pajānāti cuti-āsannajavanehi nāṇasahitehi cutiyā upaṭṭhitabhāvassa paṭisaṃviditattā. **Cuticittaṃ na jānāti** cuticittakkaṇassa ittharabhāvato. Tathā hi taṃ cutūpapātañāṇassapi avisayo eva. **Paṭisandhicittepi** eseva nayo. **Āvajjanapariyāyoti** āvajjanakkamo, yasmā ekavāraṃ āvajjitamattena ārammaṇaṃ nicchinituṃ na sakkā, tasmā tamevārammaṇaṃ dutiyaṃ tatiyañca āvajjitvā nicchīyati, āvajjanasīsenā cettha javanavāro gahito. Tenāha **“dutiyaṭṭiyacittavāreya eva jānissati”**ti. Cutiyā puretaraṃ katipayacittavārato paṭṭhāya maraṇaṃ me āsannanti jānānato **“cutikkhaṇepi cavāmīti pajānāti”**ti vuttaṃ. Paṭisandhiyā pana apubbabhāvato **paṭisandhicittaṃ na jānāti**. Nikantiyā uppattito parato **asukasmim̐ thāne mayā paṭisandhi gahitāti pajānāti**, dutiyajavanato paṭṭhāya jānātīti vuttovāyamatto. **Tasmim̐ kāleti** paṭisandhiggahaṇakāle. **Dasasahassī kampatīti** ettha kampanakāraṇaṃ heṭṭhā vuttameva. Mahākāruṇikā buddhā bhagavanto sattānaṃ hitasukhavidhānatapparatāya bahulaṃ somanassikāva hontīti tesaṃ paṭhamamahāvīpākacittena paṭisandhiggahaṇaṃ aṭṭhakathāyaṃ¹ vuttaṃ. **Mahāsīvatthero pana** yadipi mahākāruṇikā buddhā bhagavanto sattānaṃ hitasukhavidhānatappara, vivekajjhāsayaṃ pana visankhāraninnā sabbasankhāresu ajjupekkhaṇabahulāti pañcamena mahāvīpākacittena paṭisandhiggahaṇamāha.

Purepuṇṇamāya sattamadivasato paṭṭhāyāti puṇṇamāya pure sattamadivasato paṭṭhāya, sukkapakke navamito paṭṭhāyāti attho. **Sattame**

1. Dī-Ṭṭha 2. 23; Abhi-Ṭṭha 1. 307; Ma-Ṭṭha 4. 124 piṭṭhesu.

divaseti āsālhipuṇṇamāya. **Idaṃ supinanti** idāni vuccamānākāraṃ supinaṃ. **Nesaṃ deviyoti** mahārājūnaṃ deviyō.

So ca kho purisagabbho, na itthigabbho, putto te bhavissatīti ettakameva te brāhmaṇā attano supinasatthanaena kathesuṃ. **Sace agāraṃ ajjhāvasissatīti**-ādi pana devatāviggahena bhāvinamatthaṃ yāthāvato pavedesuṃ.

Gabbhāvakkantiyoti ettha gabbho vuccati mātukucchi, tattha uppatti avakkanti, tāva gabbhāvakkanti, yāva na nikkhamati. **Ṭhitakāva nikkhamanti** dhammāsanato otaranto dhammakathiko viya.

201. Vattamānasamīpe vattamāne viya vohariyatīti **okkamati**ti vuttanti āha “**okkanto hotīti attho**”ti. **Evaṃ hotīti** evaṃ vuttappakārenassa sampajānanā hoti. **Na okkamamāne** paṭisandhikkhaṇassa duviññeyyattā. Tathā ca vuttaṃ “paṭisandhicittaṃ na jānātī”ti. Dasasahassacakkavāḷa-pattharaṇena vā **appamāṇo**. Ativiya samujjalabhāvena **ulāro**. **Devānubhāvanti** devānaṃ pabhānubhāvaṃ. Devānaṃ hi pabhaṃso obhāso adhibhavati, na tesam¹ ādhipaccaṃ. Tenāha “**devānan**”ti-ādi.

Rukkhaḡacchādīnā kenaci na haññatīti **aghā**, abādhā. Tenāha “**niccavivaṭā**”ti. **Asaṃvutāti** heṭṭhā upari ca kenaci na pihitā. Tenāha “**heṭṭhāpi appatitṭhā**”ti. Tattha **pi-saddena** yathā heṭṭhā udakassa pidhāyikā pathavī natthīti asaṃvutā lokantarikā, evaṃ uparipi cakkavāḷesu viya devavimānānaṃ abhavato asaṃvutā appatitṭhāti dasseti. Andhakāro ettha atthīti **andhakārā**. **Cakkhuviññāṇaṃ na jāyati** ālokassābhāvato, na cakkhuno. Tathā hi “tena obhāsenā aññamaññānaṃ sañjānanti”²ti vuttaṃ. Jambudīpe ṭhitamajjhānikavelāyaṃ pubbavidehavāsīnaṃ atthaṅgamanavasena upadḡhaṃ sūriyamaṇḡalaṃ paññāyati, aparagoyānavāsīnaṃ uggamanavasena, evaṃ sesadīpesupīti āha “**ekappahārenea tīsu dīpesu paññāyanti**”ti. Ito aññathā pana dvīsu eva dīpesu ekappahārenea paññāyatīti. **Ekekāya disāya nava nava yojanasatasahassāni andhakāravidhamanampi** iminā nayena daṭṭhabbaṃ. **Pabhāya**

1. Na deve (Ka)

2. Ma-Ṭṭha 4. 161 piṭṭhe.

nappahontīti attano pabhāya obhāsituṃ na abhisambhuṇanti.
Yugandharapabbatamatthakappamāṇe ākāse vicaraṇato
“**cakkavāḷapabbatassa vemajjhena carantī**”ti vuttaṃ.

Vāvaṭāti khādanattham gaṇhituṃ upakkamantā. **Viparivattitvā**ti
vivattitvā. **Cijjivā**ti mucchāpattiyā ṭhitatṭhānato mucchitvā,
aṅgapaccāṅgacchedanavasena vā **chijjivā**. **Accantakhāreti**
ātapasantāpābhāvena atisītabhāvaṃ sandhāya accantakhāratā vuttā siyā. Na
hi taṃ kappasaṅghāna-udakaṃ sampattikaramahāmeghavuṭṭhaṃ
pathavīsandhāraṇakam kappavināsaka-udakaṃ viya khāraṃ bhavitumarahati.
Tathā hi sati pathavīpi vilīyeyya. Tesam vā pāpakammabalena petānam
pakati-udakassa pubbakheḷabhāvāpatti viya tassa udakassa tadā
khārabhāvāpatti hoṭīti vuttaṃ “**accantakhāre udake**”ti. **Samantatoti**
sabbabhāgato chappakārampi.

202. **Catunnam mahārājūnam vasenā**ti
vessavaṇādicatumahārājabhāvasāmañña.

203. **Sabhāvenevā**ti parassa santike gahaṇena vinā attano sabhāveneva
sayameva adhiṭṭhahitvā sīlasampannā.

Manussesūti idaṃ pakaticārīttavasena vuttaṃ “manussitthiyā nāma
manussapurisesu purisādhippāyacittam uppajjeyyā”ti, bodhisattamātu pana
devesupi tādisam cittam nuppajjateva, yathā bodhisattassa ānubhāvena
bodhisattassa mātu purisādhippāyacittam nuppajjati, evam tassa
ānubhāveneva sā kenaci purisena anattikkamanīyāti āha “**pādā na vahanti,**
dibbasāṅkhalikā viya bajjhanti”ti.

Pubbe “kāmaguṇūpasamhitam cittam nuppajjati”ti vuttaṃ, puna
“pañcāhi kāmaguṇehi samappitā samaṅgībhūtā paricāretī”ti vuttaṃ,
kathamidaṃ aññaṃaṇñaṃ na virujjhatīti āha “**pubbe**”ti-ādi.
Vatthupaṭikkhepoti abrahmacariyavattthupaṭisedho. Tenāha
“**purisādhippāyavasena**”ti. **Ārammaṇapaṭilābhoti**
rūpādipaṅcakāmaguṇārammaṇasseva paṭilābho.

204. **Kilamathoti** khedo. Kāyassa hi garubhāvakaṭṭhinabhāvādayopi
tassā tadā na honti eva. “**Tirokucchigataṃ passati**”ti vuttaṃ,

kadā paṭṭhāya passatīti āha “**kalalādikālaṃ atikkamivā**”ti-ādi. Dassane payojanaṃ sayameva vadati, tassa abhāvato kalalādikāle na passati. **Puttenāti** daharena mandena uttānaseyyakena. **Yaṃ taṃ mātūti**-ādi pakaticārittavasena vuttaṃ. Cakkavattigabbhatopi hi savisesaṃ bodhisattagabbho parihāraṃ labhati puññasambhārassa sātisayattā, tasmā bodhisattamātā ativiya sappāyāhārācārā ca hutvā sakkaccaṃ pariharati. **Puratthābhimukho**ti mātu puratthābhimukho. Idāni tiro kucchigatassa dissamānatāya abhantaraṃ bāhirañca kāraṇaṃ dassetuṃ “**pubbe katakamman**”ti-ādi vuttaṃ. **Assāti** deviyā. **Vatthunti** kucchim. Phalika-abbhapaṭalādino viya bodhisattamātukucchitacassa paṭalabhāvena¹ ālokassa vibandhābhāvato yathā bodhisattamātā kucchigataṃ bodhisattaṃ passati, kimevaṃ bodhisattopi mātaraṃ aññañca purato rūpagataṃ passati, noti āha “**bodhisatto panā**”ti-ādi. Kasmā pana sati cakkhumhi āloke ca na passatīti āha “**na hi antokucchiyaṃ cakkhuviññāṇaṃ uppajjati**”ti. Assāsapassāsā viya hi tattha cakkhuviññāṇampi na uppajjati tajjāsamannāhārassābhāvato.

205. Yathā aññā itthiyo vijātapaccayā tādiseṇa abhibhūtāpi hutvā maranti, bodhisattamātu pana bodhisatte kucchigate na koci rogo uppajjati, kevalaṃ āyuparikkhayeneva kālaṃ karoti, svāyamattho hetṭhā vuttoyeva. **Bodhisattena vasitaṭṭhānamhīti**-ādinā tattha kāraṇamāha. **Apanetvāti** aggamaheṣiṭṭhānato nīharitvā. **Anurakkhitaṃ na sakkotīti** sammā gabbhāparihāraṃ nānuyuñjati, tena **gabbho bahvābādho hoti**. **Vatthuvisadaṃ hotīti** gabbhāsayo parisuddho hoti. Mātu **majjhimavayassa tatiyakoṭṭhāse**. Bodhisattassa gabbhokkamanampi tassā āyuparimāṇavilokaneneva saṅgahitaṃ vayovasena uppajjanakavikārassa parivajjanato, itthisabhāvena uppajjanakavikāro pana bodhisattassa ānubhāveneva vūpasammati.

Sattamāsajātoti paṭisandhiggahaṇato sattame māse jāto. So **sītuṇhakkhamo na hoti** ativiya sukhumālatāya. Aṭṭhamāsajāto kāmaṃ sattamāsajātato vuddhi-avayavo, ekacce pana

1. Patanubhāvena (Dī-Ṭī 2. 28 piṭṭhe.)

cammāpadesā vuddhiṃ pāpuṇantā ghaṭṭanaṃ na saḥanti, tena **so na jīvati**.
Sattamāsajātassa pana na tāva te jātāti vadanti.

Ṭhitāva hutvāti niddukkhatāya ṭhitā eva hutvā. Dukkassa hi
balavabhāvato taṃ dukkhaṃ asahamānā aññā itthiyo nisinnā vā nipannā vā
vijāyanti. **Upavijaññāti** upagatavijāyanakālā. **Sakalanagaravāsinoti**
kapilavatthum parivāretvā ṭhitesu Devadahādīsu chasu nagaresu vasantā.

Devā naṃ paṭhamāṃ paṭiggaṇhantī lokanāthaṃ mahāpurisaṃ
mayameva paṭhamāṃ paṭiggaṇhāmāti sañjātagāravabahuṃmānā attano pīṭhiṃ
pavedento **khīṇāsavā suddhāvāsabrahmāno** ādito¹ paṭiggaṇhanti. **Sūtivesanti**
sūtijaggandhātivesaṃ. **Eketi** uttaravihāravāsino. **Macchakkhisadisāṃ**
chavivasena.

206. **Ajinappaveṇiyāti** ajinacammehi sibbetvā katapaveṇiyā. **Mahātejoti**
mahānubhāvo. **Mahāyasoti** mahāparivāro vipulakittighoso ca.

Bhaggavibhaggāti sambadhaṭṭhānato nikkhamaṇena vibhāvitattā bhaggā
vibhaggā viya ca hutvā. Tena nesaṃ avisadabhāvameva dasseti. **Alaggo**
hutvāti gabbhāsāyeyonipadese ca katthaci alaggo asatto hutvā. **Udakenāti**
gabbhāsāyagatena udakena **amakkhito nikkhamati** sammakkhitassa tādisassa
udakasemhādikasēva tattha abhāvato. Bodhisattassa hi puññānubhāvena
paṭisandhiggahaṇato paṭṭhāya taṃ ṭhānaṃ visuddhaṃ
paramasugandhagandhakuṭi viya candanagandhaṃ vāyantaṃ tiṭṭhati.
Udakavattiyoti udakakkhandhā.

207. **Muhuttajātoti** muhuttena jāto hutvā muhuttamattova.
Anudhāriyamāneti anukūlavasena nīyamāne. **Āgatānevāti** taṃ ṭhānaṃ
upagatāni eva.

Anekasākhanti ratanamayānekasatapatiṭṭhānahīraṇaṃ.
Sahassamaṇḍalanti tesāṃ upari patiṭṭhitaṃ anekasahassamaṇḍalahīraṇaṃ.
Marūti devā.

1. Adiṭṭhāva (Ka)

Na kho panevaṃ daṭṭhabbanti sattapadavītihārato pageva disāvīlokanassa katattā. Tenāha “**mahāsatto hi**”ti-ādi. **Ekaṅgaṇānīti** vivaṭabhāvena vihāraṅgaṇapariveṅgaṇāni viya ekaṅgaṇasadisāni ahesuṃ. **Sadisopi natthīti** tumhākaṃ idaṃ vilokanaṃ visiṭṭhe passituṃ idha tumhehi sadisopi nattho, kuto uttaritaroti āhaṃsu. **Sabbapaṭhamoti** sabbappadhāno. Padhānapariyāyo hi idha paṭhamasaddo. Tenāha “**itarānī**”ti-ādi. Ettha ca mahesakkhā tāva devā tathā vadanti, itare pana kathanti? Mahāsattassa ānubhāvadassaneneva. Mahesakkhānañhi devānaṃ mahāsattassa ānubhāvo viya tena sadisānampi ānubhāvo paccakkho ahosi, itare pana tesāṃ vacanaṃ sutvā saddahantā anuminantā tathā āhaṃsu.

Jātamattasseva bodhisattassa ṭhānādīni yesāṃ visesādhigamaṇaṃ pubbanimittabhūtānīti te niddhāretvā dassento “**ettha cā**”ti-ādimāha. Tattha **patiṭṭhānaṃ catu-iddhipādapaṭilābhassa pubbanimittam** iddhipādavasena lokuttaradhammesu suppatiṭṭhitabhāvasamijjhanato. **Uttarābhimukhabhāvo** lokassa uttaraṇavasena **gamaṇassa pubbanimittam**. **Sattapadagamaṇaṃ** sattabojjhaṅgādigamaṇassa **pubbanimittam**, visuddhachattadhāraṇaṃ suvisuddhvimuttichattadhāraṇassa **pubbanimittam**, **pañcarājajakudhabhaṅḍāni** pañcavidhvimuttiguṇaparivāratāya **pubbanimittam**, anāvaṭadisānuvilokanaṃ anāvaṭañṇatāya **pubbanimittam**, “aggohamasī”ti-ādivacanaṃ **appaṭivattiyadhammacakkapavattanassa pubbanimittam**, **ayamantimā jāṭīti** āyatim jāṭiyā abhāvakittanā **anupādi -pa-pubbanimittanti veditabbaṃ**, tassa tassa anāgate laddhabbavisesassa taṃ taṃ nimittam abyabhicārinimittanti daṭṭhabbaṃ. **Na āgatoti** imasmim sutte aññattha ca vakkhamānāya anupubbiyā anāgatataṃ sandhāya vuttaṃ. **Āharitvā**ti tasmim tasmim sutte aṭṭhakathāsu ca āgatanayena āharitvā dīpetabbo.

Dasasahassilokadhātu kampīti pana idaṃ satipi idha pāḷiyaṃ āgatatte vakkhamānānamacchariyānaṃ mūlabhūtaṃ dassetuṃ vuttaṃ, evaṃ aññampīdisaṃ daṭṭhabbaṃ. **Tantibaddhā vīṇā, cammabaddhā bheriyoti** pañcaṅgikatūriyassa nidassanamattaṃ, ca-saddena vā itaresampi saṅgaho daṭṭhabbo. **Bhijjimsūti** pādesu

baddhaṭṭhānesuyeva bhijjimsu. **Vigacchimsūti** vūpasamimsu. **Sakatejobhāsītānīti** ativiya samujjalāya attano pabhāya obhāsītāni ahesum. **Na pavattīti** na sandī. **Vāto na vāyīti** kharo vāto na vāyi, mudusukho pana sattānaṃ sukhāvaho vāyi. **Pathavīgatā ahesum** uccaṭṭhāne ṭhātum avisahantā. **Utusampannoti** anuḥhāsītātāsānkhātena utunā sampanno. Vāmahattham ure ṭhapetvā dakkhiṇena puthupāṇinā hatthataḷanena saddakaraṇaṃ **apphotanaṃ**. Mukhena usselanaṃ saddamuñcanaṃ **selanaṃ**. **Ekaddhajamālā ahoṣīti** ettha **iti-saddo ādi-attho**. Tena vicittapupphasugandhapupphavassadevā vassimsu, sūriye dibbamāne eva tārakā obhāsimsu, acchaṃ vipasannaṃ udakaṃ pathavito ubbhijji, bilāsayā darisayā tiracchānā āsayato nikkhamimsu, rāgadosamohāpi tanu bhavimsu, pathaviyaṃ rajo vūpasami, aniṭṭhagandho vigacchi, dibbagandho vāyi, rūpino devā sarūpeneva manussānaṃ āpāthamagamaṃsu, sattānaṃ cutupapātā nāhesunti imesaṃ saṅgaho daṭṭhabbo. Yāni mahābhinihārasamaye uppannāni dvattimsa pubbanimittāni, tāni anavasesāni tadā ahesunti.

Tatrāpīti tesupī pathavīkampādīsu evaṃ pubbanimittabhāvo veditabbo, na kevalaṃ sampatijātassa ṭhānādīsu evāti adhippāyo. **Sabbaññutaññāpaṭilābhassa pubbanimittam** sabbassa ñeyyassa tiṭṭhikaramatassa ca cālanato. Kenaci anussāhitānaṃyeva imasmim yeva ekacakkavāḷe sannipāto kenaci anussāhitānaṃyeva ekappahāreneva sannipatitvā **dhammapaṭiggaṇhanassa pubbanimittam**, **paṭhamaṃ devatānaṃ paṭiggahaṇam** dibbavihārapaṭilābhassa, pacchā manussānaṃ paṭiggahaṇam tattheva ṭhānassa niccalasabhāvato **āneñjavihārapaṭilābhassa pubbanimittam**. Viṇānaṃ sayam vajjanaṃ parūpadesena vinā sayameva **anupubbavihārapaṭilābhassa pubbanimittam**. Bherīnaṃ vajjanaṃ cakkavāḷapariyantāya parisāya pavedanasamatthassa **dhammabheriyā anusāvanassa** amatadundubhighosanassa **pubbanimittam**. **Andubandhanādīnaṃ chedo** mānavinibandhachedanassa **pubbanimittam**, **supaṭṭanasampāpuṇanaṃ** atthādi anurūpaṃ atthādīsu ñāṇassa bhedaḍhigamassa **pubbanimittam**.

Nibbānarsenāti kilesānaṃ nibbāyanarasena. **Ekarasabhāvassāti** sāsanaṃ sabbattha ekarasabhāvassa. Vātassa avāyanaṃ kissa pubbanimittanti āha “**dvāsattḥhiditḥigatabhindaṇassā**”ti. Ākāśādi-appatiṭṭhavisamacāñcalaṭṭhānaṃ

pahāya **sakuṇānaṃ pathaviḡamaṇaṃ** tādisaṃ micchāgāhaṃ pahāya sattānaṃ **pāṇehi** ratanattayasaraṇagamanassa **pubbanimittaṃ. Devatānaṃ apphoṭanādīhi kīḷanaṃ** pamodanuppatti-**udānassa** bhavavantaḡamanena dhammasabhāvabodhanena ca pamodavibhāvanassa **pubbanimittaṃ. Dhammaveḡavassanassāti**¹ desanāññāḡavegena dhammāmatassa vassanassa **pubbanimittaṃ. Kāyagatāsativasena** laddhajjhānaṃ pādakaṃ katvā uppāditamaggaphalasukhānubhavo **kāyagatāsati-amatapaṭilābho** tassa pana kāyassapi atappakasukhāvahattā **khudāpipāsāpīlanābhāvo** pubbanimittaṃ vutto. **Ariyaddhajamālāmālitāyāti** sadevakassa lokassa ariyamaggabojjhaṅgadhajamālāhi mālitaḡbhāvassa **pubbanimittaṃ. Yaṃ** panettha anuddhaṭaṃ, taṃ suviññeyyameva.

Etthāti “sampatiḡāto”ti-ādinā āḡate imasmim ṭhāne. **Vissajjito**va, tasmā amhehi idha apubbaṃ vattabbaṃ natthīti adhippāyo. Tadā pathaviyaṃ ḡacchantopi mahāsatto ākāseṇa ḡacchanto viya mahājanassa upaṭṭhāsīti ayamettha niyati dhammaniyāmo bodhisattānaṃ dhammatāti idaṃ **niyatīvādavasena** kathanāṃ. “Pubbe purimajātīsu tādissassa puññasambhārakammassa katattā upacitattā mahājanassa tathā upaṭṭhāsī”ti idaṃ **pubbekatakammavādavasena** kathanāṃ. Imesaṃ sattānaṃ upari īsanasilatāya yathāsakaṃ kammameva issaro nāma, tassa nimmānaṃ attano phalassa nibbattaṇaṃ, mahāpurisopi sadevakaṃ lokaṃ abhibhavitum samatthena uḷārena puñṇakammunā nibbattito tena issarena nimmitto nāma, tassa cāyaṃ nimmānaviseso, yadidaṃ mahānubhāvata. Yāya mahājanassa tathā upaṭṭhāsīti idaṃ **issaranimmānavādavasena** kathanāṃ. Evaṃ **taṃ taṃ bahuṃ vatvā** kiṃ imāya pariyāyakathāyāti **avasāne** ujukameva evaṃ **byākāsi**. Sampatiḡāto pathaviyaṃ kathaṃ padasā ḡacchati, evaṃmahānubhāvo ākāseṇa mañṇe ḡacchatīti parikkappaṇassa vasena **ākāseṇa ḡacchanto viya ahoṣi**. Sīghataṃ pana sattapadavīṭihāreṇa gatattā dissamānarūpopi **mahājanassa adissamāno viya ahoṣi**. Acelakabhāvo khuddakasarīratā ca tādissassa iriyāpathassa ananucchavikāti kammānubhāvasañjanitapaṭihāriyavasena **alaṅkārapāṭiyattho viya, soḷasavassuddesiko viya ca mahājanassa upaṭṭhāsīti** veditabbaṃ,

1. Dhammameḡhavassanassa (Aṭṭhakathāyaṃ.)

buddhabhāvānucchavikassa bodhisattānubhāvassa yāthāvato paveditattā
buddhena viya -pa- attamanā ahoṣi.

Pākaṭā hutvāti vibhūtā hutvā. Buddhānaṃ ye ye saṅkhāre
vavatthapetukāmā, te te uppādakkhaṇepi sabbaso suppaṭividditā supākaṭā
hatthatale āmalakaṃ viya suṭṭhu vibhūtā eva hutvā upaṭṭhahanti. Tenāha
“yathā hī”ti-ādi. **Anokāsagateti** pariggahassa anokāsakāle pavatte.
Nippadeseti niravasese. **Okāsappatteti** ṭhānagamanādikāle uppanne, te hi
sammasanassa yogyakāle uppattiyā okāsappattāti adhappāyo.
Sattadivasabbhantareti idaṃ buddhānaṃ pākatikasammasanavasena vuttam,
ākaṅkhaṇṭā pana te yadā kadāci uppannasāṅkhāre sammasantiyeva. Sesam
suviññeyyameva.

Acchariyabbhutasuttavaṇṇanāya līnatthappakāsanā samattā.

4. Bākulasuttavaṇṇanā

209. Yathā “dvittiṃsā”ti vattabbe dvi-saddassa bā-ādesaṃ katvā
bāttiṃsāti vuccati, evaṃ ettha bā-kārādesaṃ katvā bākuloti samaññā ahoṣi,
sāyaṃ tassa anvatthasaññāti dassetum “tassa hī”ti-ādi vuttam. **Sīsaṃ**
nhāpetvāti maṅgalattham mahāgaṅgāya sīsaṃ nhāpetvā. **Nimujjanavasenaṭi**
jaṇṇupamāṇe uduke thokaṃyeva nimujjanavasena. **Chaḍḍetvā palātā**
maraṇabhayatajjitā. **Pahariyamānā maranti**, na jālena bandhitamattena.
Dārakassa tejonāti dārakassa puññatejena. **Nīhaṭamattova mato**, tassa
maraṇattham upakkamo na kato, yena upakkamena dārakassa bādho siyā.
Tanti maccham. **Sakalamevāti** paripuṇṇāvayavameva.

Na kelāyatīti na mamāyati kismiñci na maññati. Dārakassa puññatejena
piṭṭhito phālentī. **Dāraṃ labhatīti** ugghosanavasena bherim carāpetvā.
Pavattim ācikkhi, attano puttabhāvaṃ kathesi. **Kucchiyā dhāritattā**
amātākātum na sakkā jananiḥhāvato. **Maccham gaṇhantāpīti** maccham
kiṇitvā gaṇhantāpi. Tathā gaṇhantā ca tappariyāpannam sabbam gaṇhāti

nāmāti āha “**vakkayakanādīni bahi katvā gaṇhantā nāma natthī**”ti. **Ayampi amātā kātuṃ na sakkā** sāmikabhāvato. **Dārako ubhinnampi kulānaṃ dāyādo hotu** dvinnam puttabhāvato.

Asītimeti jātiyā asītime vasse. Pabbajjāmattena kilesānaṃ asamucchijjanato vītikkamituṃ kāmasaññā uppannāpubbāti pucchā pana pucchitabbā. Tenāha “evañca kho maṃ āvuso kassapa pucchitabban”ti.

210. **Niyametvā**ti taṃtaṃvāre sesavārena niyametvā.

Kammapathabhedakoti kammapathavisesakaro. Tattha kāmavitakko yathā kāyavacīdvāresu copanappatto kammapathappatto nāma hoti, manodvāre parabhaṇḍassa attano pariṇāmanavasena pavatta-abhijjhāsahagato, evaṃ kāmasaññāti, tathā byāpādavihiṃsāvitakkasaññāti **thero “ubhayampetaṃ kammapathabhedakamevā”**ti āha. Kammapathaṃ appattaṃ saññānaṃ sandhāya “saññā uppannamattāvā”ti vuccamāne vitakkitampi samānaṃ kammapathaṃ appattameva, ubhayassa pana vasena suttapadaṃ pavattanti therassa adhippāyo.

211. **Āyūhanakammanti** attanā āyūhitabbakammaṃ. **Lomakiliṭṭhānī**ti kiliṭṭhalomāni, kiliṭṭhamsūnīti attho. Kimevaṃ bhogesu paranimmitabhava vasavattidevānaṃ viya sabbaso āyūhanakammena vinā aññassapi pabbajitassa paccayalābho diṭṭhapubbo sutapubboti āha “**anacchariyañcetan**”ti. Kulūpakatherānametaṃ kammaṃ, thero pana kadācipi kulūpako nāhosi.

Gaddūhanamattanti goduhanamattakālaṃ. Idha pana sakalo goduhano adhippetoti dassento “**gāviraṃ -pa- kālamattampī**”ti āha. **Nibandhī**ti¹ nibaddhadātappaṃ katvā ṭhapesi.

Sakilesapuggalassa aseribhāvakaraṇena raṇena sadisatāya **raṇo**, saṃkilesa. **Aññā udapādīti panāha**, tasmā arahattaṃ na paṭiññātanti dasseti. Nanu tathā vacanaṃ paṭijānanaṃ viya hotīti āha “**apicā**”ti-ādi.

212. Avāpurati dvāraṃ etenāti **avāpuraṇaṃ**. Paṭhamasaṅgahato pacchā desitattā **dutiyaṅgaha saṅgitaṃ**. Sesam suviññeyyameva.

Bākulasuttavaṇṇanāya līnatthappakāsanā samattā.

5. Dantabhūmisuttavaṇṇanā

213. **Phuseyyāti** nāṇaphusanā nāma adhippetā, tasmā **labheyyāti** adhigaccheyya. **Evaṃpaṭipannoti** “appamatto ātāpī pahitatto”ti uttappakārena paṭipanno. **Ajānanakoṭṭhāseyevāti** avadhāraṇena attani kataṃ dosāropanaṃ nivatteti.

214. **Appanā-upacāranti** appanañcave upacārañca pāpetvā kathesīti atthaṃ vadanti, appanāsahito pana upacāro appanā-upacaro, taṃ pāpetvā kathesīti attho.

Nikkhimatīti nikkhamo, avaggāhakāmato nikkhamanaṃ, nikkhamo eva **nekkhammo**, paṭhamajjhānādi. Sati kilesakāme attano upahāraṃ upacāretvā assādetvā paribhuñjati nāmāti āha “**duvidhepi kāme paribhuñjamāno**”ti. **Duvidhepīti** hīnapañītādivasena duvidhe.

215. **Kūṭākāranti** gālhasāṭheyyaṃ appatirūpe ṭhāne khandhagatapātanādi. **Dantagamananti** dantehi nibbisevanehi gandhabbagatim. **Pattabbaṃ bhūminti** sammākiriyāya laddhabbasampattim.

216. Byatiharaṇavasena laṅghakaṃ **vilaṅghakaṃ**, aññamaññahatthaggaṇaṃ. Tenāha “**hatthena hatthaṃ gahetvā**”ti.

217. **Gahetuṃ samatthoti** gaṇikārahaththinīhi upalāpetvā araññahatthim vacanavasena gahetuṃ samattho. **Atipassivā** atīṭṭhānavasena passivā. **Etthagedhāti** etasmim araññe nāgavane pavattagedhā. **Sukhāyatīti** sukhaṃ ayati pavatteti, “sukhaṃ haratī”ti vā pāṭho. **Diṇḍimo** ānako. **Nahitasabbavaṅkadosoti** apagatasabbasāṭheyyadoso. **Apanīyakaśāvoti** apetasārambhakasāvo.

219. **Pañcakāmaguṇanissitasīlānanti** akusalānaṃ. **Gehassitasīlānanti** vā vaṭṭasannissitasīlānaṃ.

222. **Esa nayo sabbathāti** “majjhimo, daharo”ti āgatesu upamāvāresu, “thero”ti-ādinā āgatesu upameyyavāresūti pañcasu saṃkilesapakkhiyesu vāresu esa yathāvuttova anayoti veditabbo. Sesam suviññeyyameva.

Dantabhūmikasuttavaṇṇanāya līnatthappakāsanā samattā.

6. Bhūmijasuttavaṇṇanā

223. **Āsañcepi karitvāti** “imināhaṃ brahmacariyena devo vā bhaveyyaṃ devaññataro vā, dukkhato vā mucceyyaṃ”ti patthanaṃ katvā cepi caranti, **abhabbā¹ phalassa adhigamāya** taṇhāya brahmacariyassa vidūsitattāti adhippāyo. **Anāsañcepi karitvāti** vuttanayena patthanaṃ akatvā. **Abhabbā phalassa adhigamāya** aniyamitabhāvato. Paṇidhānavasena hi puññaphalaṃ niyataṃ nāma hoti, tadabhāvato kataṃ puññaṃ na labhatīti adhippāyo. Tatiyapakkhe ubhayatṭhānehi vuttaṃ, catutthapakkho sammāvatāro² iti catukoṭṭiko paṇho jālavasena āhaṭo, tattha āsā nāma patthanaṃ, micchāgāhasmiṃ sati na vipaccati, sammāgāhasmiṃ sati vipaccati, ubhayathāpi ubhayāpekkhā nāma, yo micchattadhamme purakkhatvā brahmacariyaṃ carati, tassa yathādhippāyaphalaṃ samijjhatīti na vattabbaṃ ayoniso brahmacariyassa ciṇṇattā, yo pana sammattaṃ purakkhatvā brahmacariyaṃ carati, tassa yathādhippāyaṃ brahmacariyaphalaṃ na samijjhatīti na vattabbaṃ yoniso brahmacariyassa ciṇṇattā. Tena vuttaṃ “**āsañcepi karitvā ayoniso brahmacariyaṃ carantī**”ti-ādi. Sesam suviññeyyameva.

Bhūmijasuttavaṇṇanāya līnatthappakāsanā samattā.

1. Abhabbo (Ka)

2. Catutthapakkhe tabbiparītato (?)

7. Anuruddhasuttavaṇṇanā

230. **Upasaṅkamitvā evamāhaṃsūti** vuttam upasaṅkamanakāraṇam dassento “**tassa upāsakassa aphāsukakālo ahoṣī**”ti āha. **Avirādhitanti** avirajjhanakam. Yadi vā te dhammā nānatthā, yadi vā ekatthā, yaṃ tattha avirajjhanakam, taṃ tamyeva paṭibhātūti yojanā. **Jhānamevāti** appamāṇajjhānameva, “cetovimuttī”ti pana vuttattā **cittekaggatāyeva evaṃ vuccatīti** upāsakassa adhippāyo.

231. Yāvata majjhanhike kāle chāya pharati, nivāte paṇṇāni patanti, ettāvata “**rukhamūlan**”ti vuccatīti evaṃ vuttam **ekarukkkhamūlappamāṇatṭhānam. Kasiṇanimittena ottharivāti** kasiṇārammaṇam jhānam samāpajjanto **tasmim kasiṇa -pa- viharatīti** vutto. **Ābhogo natthi** jhānakkhaṇe. Kāmaṃ samāpattikkhaṇe ābhogo natthi, tato pana pubbe vā siyā so ābhogo, tampi sandhāya mahaggatanti keci. Idāni tāsam cetovimuttīnam satipi kenaci visesena abhede visayādito labbhamānabhedam dassetuṃ “**etthā**”ti-ādi vuttam. **Nimittam na vaḍḍhati** vaḍḍhetabbassa nimittasseva abhāvato. Pathavīkasiṇādīnam viya ākāśabhāvanāya **ugghāṭanam na jāyati. Tāni jhānāni**ti brahmavihārajjhānāni. Cuddasavidhena paridamanābhāvato **abhiññānam pādakāni na honti.** Nimittugghāṭasseva abhāvato arūpajjhānānam anadhiṭṭhānatāya **nirodhassa pādakāni na hontīti.** Kammavattabhāvena kilesavattavipākavattānam tiṇṇam vaṭṭānam paccayabhāvo **vattapādakatā.** Upapajjanavaseneva taṃ taṃ bhavaṃ okkamati etehīti **bhavokkamanāni.** Dutīyanayassa vuttavipariyāyena attho veditabbo. Ugghāṭanassa labbhanato arūpajjhānopari samatikkamo hotīti ayameva viseso. **Evanti** yathāvuttena nimittāvaḍḍhananimittavaḍḍhanādippakārena. **Nānatthāti** nānāsabhāvā. **Evanti** appamāṇamahaggatasaddavacanīyatāya **nānābyañjanā.** Kāmañcettha appamāṇasamāpattitopi nīharitvā vakkhamānabhāvūpapattikāraṇam dassetuṃ sakkā, aṭṭhakathāyaṃ pana kasiṇajhānatova nīharitvā yojanā katāti tathā vuttam. Atha vā mahaggatagahaṇenettha appamāṇāti vuttabrahmavihārānampi saṅgaho veditabbo tassā samaññāya ubhayesampi sādharmaṇabhāvato.

232. **Evaṃ vuttoti** asatipi tathārūpe ābhoge “parittābhāti pharitvā adhimuccitvā viharatī”ti vutto. Appamāṇaṃ katvā kaṣiṇaṃ vaḍḍhentassa kaṣiṇavaḍḍhanavasena bahulikārasambhavo siyā jhānassa balavataratā, tadabhāve ca dubbalatā, āciṇṇavasitāya pana paccanīkadhammānaṃ sammā aparisodhane vattabbameva natthīti pañcahākārehi jhānassa appaguṇataṃ dassento “**suppamatte vā**”ti-ādimāha. Jhānassa appānubhāvatāya eva tannimittā pabhāpi appatarā aparisuddhāva hotīti āha “**vaṇṇo -pa-saṃkiliṭṭho cā**”ti. Dutīyanayo vuttavipariyāyena veditabbo. Tatthāpi kaṣiṇassa parittabhāvena vaṇṇassa parittatā, parittārammaṇāya anurūpatāya vā nimittaṃ pabhāmaṇḍalakampi parittameva siyāti adhippāyo. **Vipulaparikkammaṃ** vipulabhāvena parikkammaṃ. Sesāṃ tatiyacatutthanayesu vattabbaṃ paṭhamadutīyanayesu vuttasadisameva.

Vaṇṇanānattanti yadi pītaṃ yadi lohitaṃ yadi vā odātanti sarīravaṇṇanānattaṃ. **Ābhānānattanti** parittavipulatāvasena pabhāya nānattaṃ. **Accinānattanti** tejodhātussa dīghādivasena vemattatā. **Abhinivisanti** abhiraivasena nivisanti nisīdanti tiṭṭhanti. Tenāha “**vasanti**”ti.

234. Ābhanti dibbantīti **ābhāti** āha “**ābhāsampannā**”ti. **Tadaṅgenāti** vā tassā parittatāya appamāṇatāya ca ābhākāraṇaṃ, taṃ pana atthato bhavūpapattikāraṇamevāti āha “**tassā bhavūpapattiyā aṅgenā**”ti. **Kāyālasiyabhāvo** tandi-ādīnaṃ hetubhūtā kāyassa vitthāyitatā.

235. **Pāramiyoti** mahāsāvakaśaṃttanikā sāvakaṇāmiyo pūrento. **Brahmaloketi** brahmattabhāve, brahmaloke vā uppattiṃ paṭilabhi. **Vuttampi cetam** theragāthāsu. **Avokīṇanti** aññehi asammissanti attho. **Pubbe sañcaritanti** atītabhavesu jātivāsena sañcaraṇaṃ mama, sañcaritanti taṃ mamassāti attho. Sesāṃ suviññeyyameva.

Anuruddhasuttavaṇṇanāya līnatthappakāsanā samattā.

8. Upakkilesasuttavaṇṇanā

236. **Tasmāti** atthakāmatā evamāha, na bhagavato vacanaṃ anādiyanto. Ye pana tadā satthuvacanaṃ na gaṇhiṃsu, te kiñci avatvā tuṅhībhūtā maṅkubhūtā aṭṭhaṃsu, tasmā ubhayesampi satthari agāravapaṭipatti nāhosi.

Yenapi janena na diṭṭoti yena ubhajanena aññavihitatāya kuḍḍakavāṭādi-antarikatāya vā na diṭṭho. **Damanatthanti** tehi upāsakehi nimmadabhāvaṃ āpāditānaṃ tesāṃ bhikkhūnaṃ damanattham. **Ṭhapayimsūti** yo imesaṃ bhikkhūnaṃ deti, tassa sataṃ daṇḍoti, sahasanti ca vadanti.

237. Vaggabhāveneva¹ nānāsaddo assāti **puthusaddo**. **Samajanoti** bhaṇḍane samajjhāsayo jano. Bālalakkhaṇe ṭhitopi **“ahaṃ bālo”**ti na **maññati**. **Bhiyyo cāti** attano bālabhāvassa ajānanatopi bhiyyo ca bhaṇḍanassa upari phoṭo viya saṃghabhedassa attano kāraṇabhāvampi uppajjamānaṃ **na maññi** naññāsi.

Kalahavasena pavattavācāyeva gocharo etesanti **vācāgocarā** hutvā. **Mukhāyamanti** vivādavasena mukhaṃ āyamtvā bhāṇino. **Na taṃ jānantīti** taṃ kalahaṃ na jānanti. Kalahaṃ karonto ca taṃ na jānanto nāma natthi. Yathā pana na jānanti, taṃ dassetuṃ āha **“evaṃ sādīnavo ayan”**ti. Ayaṃ kalaho nāma attano paresaṅca atthajāpanato anattuppādanato diṭṭheva dhamme samparāye ca **sādīnavo**, sadosoti attho.

Upanayhantīti upanāhavasena anubandhanti. **Porāṇoti** purimehi buddhādīhi āciṇṇasamāciṇṇatāya purātano.

Na jānantīti aniccasaññaṃ na paccupaṭṭhāpentī.

Tathā pavattaverānanti aṭṭhichinnādibhāvaṃ nissāya upanayavasena cirakālaṃ pavattaverānaṃ.

1. Sārattha-Ṭī 3. 350 piṭṭhādīsupi passitabbaṃ.

Bālasahāyatāya ime bhikkhū kalahapasutā, paṇḍitasahāyānaṃ pana idaṃ na siyāti **paṇḍitasahāyassa bālasahāyassa ca vaṇṇāvaṇṇadīpanatthaṃ** vuttā. Sīhabyagghādike **pākaṭaparissaye** rāgadosāṃike **paṭicchannaparissaye ca abhibhavitvā**.

Mātaṅgo araṅṅe **mātaṅgaraṅṅeti** saralopena sandhi. Mātaṅgasaddeneva hatthibhāvassa vuttattā nāgavacanaṃ tassa mahattavibhāvanatthanti āha “**nāgoti mahantādhivacanametana**”ti. Mahantapariyāyopi hi nāga-saddo hoti “evaṃ nāgassa nāgena, īsādantassa hatthino”ti-ādīsu¹.

238. **Kirasaddo** anussavasūcanattho nipāto. Tena ayamettha sutiparamparāti dasseti. Bhagavatā hi so ādīnavo pageva pariṅṅāto, na tena sathā nibbiṇṇo hoti, tasmīṃ pana antovasse keci buddhaveneyyā nāhesuṃ, tena aṅṅattha gamaṃ tesaṃ bhikkhūnaṃ damanupāyoti pālīleyyakaṃ uddissa gacchanto ekavīhāriṃ āyasmantaṃ bhaguṃ, samaggavāsaṃ vasante ca Anuruddhattherādike sampahaṃsetuṃ Anuruddhattherassa ca imaṃ upakkilesovādaṃ dātuṃ tattha gato, tasmā **kalahakārake kirassāti** etthāpi **kirasaddaggaṇe** eseva nayo. **Vuttanayameva** gosīṅgasālasutte².

241. “Yathā kathaṃ panā”ti vuttapucchānaṃ pacchimabhāvato “**atthi pana voti pacchimapucchāyā**”ti vuttaṃ, na puna “atthi pana vo”ti pavattanassa pucchanassa atthibhāvato. **So pana** lokuttaradhammo. **Therānanti** anuruddhattherādīnaṃ natthi. **Parikammobhāsaṃ pucchati** dibbacakkhuṅṅe katādhikārattā tassa uppādanatthaṃ parikammobhāsaṃ pucchati. **Parikammobhāsanti** parikammasamādhinibbattaṃ obhāsaṃ, upacārajjhānaṣaṅjanitaṃ obhāsanti attho. Catutthajjhānalābhī hi dibbacakkhuparikammatthaṃ obhāsakaṣiṇaṃ bhāvetvā upacāre ṭhapito samādhi parikammasamādhi, tattha obhāso parikammobhāsoti vutto, taṃ sandhāyāha “**obhāsaṅceva saṅjānāmāti parikammobhāsaṃ saṅjānāmā**”ti. Yattake hi ṭhāne dibbacakkhunā rūpagataṃ daṭṭhukāmo, tattakaṃ ṭhānaṃ obhāsakaṣiṇaṃ pharivā ṭhito,

1. Khu 1. 127; Vi 3. 500 piṭṭhesu.

2. Ma 1. 266; Ma-Ṭṭha 2. 241 piṭṭhādīsu.

taṃ obhāsaṃ tattha ca rūpagataṃ dibbacakkhuñṇaṇena passati, therā ca tathā paṭipajjimsu. Tena vuttam **“obhāsañceva sañjānāma dassanañca rūpānan”**ti. Yasmā pana tesam rūpagataṃ passantānaṃ parikkammavāro atikkami, tato obhāso antaradhāyi, tasmim antarahite rūpagatampi na paññāyati. Parikkammanti hi yathāvuttakasiṇārammaṇaṃ upacārajjhānaṃ, rūpagataṃ passantānaṃ kasiṇobhāsavasena rūpagatadassanaṃ, kasiṇobhāso ca parikkammavasenāti tadubhayampi parikkamma appavattiyā nāhosi, tayidaṃ kāraṇaṃ ādikammikabhāvato therā na maññimsu, tasmā vuttam **“nappaṭivijjhāmā”**ti.

Nimittam paṭivijjhitabbanti kāraṇaṃ paccakkhato dassetvā suvisuddhadibbacakkhuñṇe theram paṭiṭṭhāpetukāmo satthā vadati. **Kim na ālulesantī**ti kim na byāmoheṣṣanti, byāmoheṣṣanti evāti attho. **Vicikicchā udapādī**ti dibbacakkhuno yathā-upaṭṭhitesu rūpagatesu apubbatāya “idaṃ nu kho rūpagataṃ kim, idaṃ nu kho kin”ti maggena asamucchinnattā vicikicchā saṃsayo uppajji. **Samādhi cavī**ti vicikicchāya uppannattā parikkammamasādhi vigacchi. Tato eva hi parikkammobhāso pi antaradhāyi, dibbacakkhunāpi rūpaṃ na passi. **Na manasi karissāmī**ti manasikāravasena me rūpāni upaṭṭhahimsu, rūpāni passato vicikicchā uppajjati, tasmā idāni kiñci na manasi karissāmīti tuṅhī ahoṣi, taṃ pana tuṅhībhāvappattim sandhāyāha **“amanasikāro udapādī”**ti.

Tathābhūtaṣa amanasikāraṣa abhāvaṃ āgamma **uppilam udapādi**. **Vīriyam gālham paggha**hitanti thinamiddhachambhitattānaṃ vūpasamanattham accāraddhavīriyam ahoṣi, tena citte samādhidūsikā gehassitā balavapīti uppannā. Tenāha **“uppilam uppannan”**ti. **Tatoti** sithilavīriyattā. **Patameyyā**ti ativiya khinnaṃ bhaveyya. Taṃ mamāti patthanā-abhibhavanīyamanasīsenā jappetīti **abhijappā**, taṅhā. Nānattā nānāsabhāvā saññā **nānattasaññā**. Ativiya upari katvā nijjhānaṃ pekkhanaṃ **atinijjhāyitattam**.

243. **Parikkammobhāsamevā**ti parikkammamasamuṭṭhitaṃ obhāsameva. **Na ca rūpāni passāmī**ti obhāsamanasikārapasutatāya dibbacakkhunā rūpāni na passāmi. **Visayarūpamevā**ti tena pharitvā ṭhitaṭṭhāneva dibbacakkhuno visayabhūtaṃ rūpagatameva manasi karomi.

Kasiṇarūpānaṃ vasenettha obhāsassa parittatāti āha “**parittaṭṭhāne obhāsan**”ti. **Parittāni rūpānī**ti katipayāni, sā ca nesam parittatā ṭhānavasenevāti āha “**parittakaṭṭhāne rūpānī**”ti. “Appamāṇañcevā”ti-ādinā vutto **dutiyavāro**. Obhāsaparittataṃ sandhāya parikammasamādhī “paritto”ti vutto tasseva obhāsassa appamāṇatāya appamāṇasamādhīti vacanato. **Tasmiṃ samayeti** tasmiṃ parittasamādhino uppannasamaye. **Dibbacakkhupi parittakaṃ hoti** parittarūpagatadassanato.

245. **Dukatikajjhānasamādhinti** catukkanaye dukajjhānasamādhim, pañcakanaye tikajjhānasamādhinti yojanā. **Dukajjhānasamādhinti** catukkanaye tatiyacatutthavasena dukajjhānasamādhim, pañcakanaye catutthapañcamavasena dukajjhānasamādhim. **Tikacatukkajjhānasamādhinti** catukkanaye tikajjhānasamādhim, pañcakanaye catukkajjhānasamādhinti yojanā.

Tividhanti sappītikavasena tippakāraṃ samādhim. **Tadantogadhāti** sappītikādisabhāvā. Kāmaṃ bhagavā purimayāme pubbenivāsānussatiññānaṃ, pacchimayāme dibbacakkhuññaṃ nibbattentopi imāni ñāṇāni bhavesiyeva, vipassanāpādakāni pana ñāṇāni sandhāya “**pacchimayāme**”ti vuttaṃ, tenāha “**bhagavato hī**”ti-ādi. **Pañcamajjhānassāti** pañcamajjhānikassa vasena paṭhamajjhāniko **maggo natthi**. **Soti** pañcakanayo bhagavato lokiyo ahoṣi. **Etanti** etaṃ “savitakkampi savicāraṃ samādhim bhāvemī”ti-ādivacanāṃ. **Lokiyalokuttaramissakaṃ sandhāya vuttaṃ**, na “lokiyaṃ vā lokuttarameva vā”ti. Sesam suviññeyyamevāti.

Upakkilesasuttavaṇṇanāya līnatthappakāsanā samattā.

9. Bālaṇḍitasuttavaṇṇanā

246. **Etehīti** ducintitādīhi. Etena lakkhaṇasaddassa karaṇatthatamāha. **Tānevāti** lakkhaṇāni eva. **Tassāti** bālassa. “Ayaṃ bālo”ti nimīyati sañcānīyati etehīti **bālanimittāni**. **Apadānaṃ** vuccati vikhyātaṃ kammaṃ. **Ducintitādīni** ca bāle vikhyātāni, avadhāraṇabhāve vā, tasmā bālassa apadānānīti **bālāpadānāni**.

Abhijjhādīhi duṭṭham dūsitam cintetīti **ducintitacintī**. Lobhādīhi duṭṭham bhāsitaṃ musāvādādīm bhāsātīti **dubbhāsitabhāsī**. Tesam tesamyeva vasena kattabbato dukkaṭakammaṃ pāṇātipātādīm karotīti **dukkaṭakammakārī**. Tenāha “**cintayanto**”ti-ādi. Tāni upanissāya jātanti tajjaṃ. Tato eva tesam sāruppaṃ anurūpanti **tassāruppaṃ**. Tenāha “**tajjāṭikan**”ti-ādi. **Kacchamānāyā**ti kathiyamānāya.

248. Yasmā sattānaṃ yathūpacitāni kammāni katokāsāni tadupaṭṭhāpitāni kammanimittagatinimittāni maraṇassa āsannakāle cittassa āpāthaṃ āgacchantāni, tadā olambantāni viya abhibhavantāni viya ajjhottharantāni viya upaṭṭhahanti, tasmā vuttam “**olambanādi-ākārena hi tāni upaṭṭhahanti**”ti. Upaṭṭhānākāro eva tadā cittassa gocarabhāvaṃ gacchatīti āha “**tasmim upaṭṭhānākāre āpāthagate**”ti.

249. **Na sakkāti na vadatīti** etena dvepi paṭisedhā pakati-atthāti ayamatto vutto hoti. **Na sukarāti** pana iminā dukkarabhāvo dīpito, dukkaraṇca tāva upāyena sakkā kātunti dassento āha “**na sukaram panā**”ti-ādi. **Tenāti** vinivijjhivā gamanena aññamaññaṃ samvijjhanena. **Assāti** corassa. **Ito uttaripīti** majjhanhikasamayaṃ sāyanhasamayaṇca sattisatena.

250. **Saṅkhampi na upetīti** iminā saṅkhātabbamattaṃ natthīti dīpitaṃ hotīti āha “**gaṇanāmattampi na gacchatī**”ti. **Upanikkhepanamattampīti** etthāpi eseva nayo. **Kalabhāganti** kalānaṃ saṅgaṇanakoṭṭhāsaṃ. Tenāha “**satimaṃ kalan**”ti-ādi. **Olokitamattampīti** upanikkhepanavasena olokanamattakampi. **Tam kammakāraṇanti** tam pañcavidhabandhanakammakāraṇaṃ catunnampi passānaṃ vasena samparivattetvā karontiyeva, pāḷiyam pana ekapassavasena āgatā. **Gehassāti** mahato gehassa. **Sabbatoti** sabbāvayavato. **Sampajjalite** ekajālībhūte. **Supakkuthitāyā**ti suṭṭhu nipakkāya.

Vibhattoti tattha nibbattakasattānaṃ sādharmaṇakammunā vibhatto viya nibbato. Ayopākārena parito atto gahitoti **ayopākārapariyatto**¹, parikkhitto.

1. Ayopākārapariyanto (Pāḷiyam.)

Yamakagoḷakāti dārakānaṃ kīlanayugaḷā. **Evampi dukkhoti** yathāvutta-
ussadanirayavasenaṃ sotaghānājivhākāyamanogocaratāvasenaṃ iminā
ākārena dukkhoti.

251. **Dantehi ullehivā**ti uttaradantehi añchitvā. Rasavasena atitto
assādo **rasādo**. Tenāha “**rasagedhena paribhuttaraso**”ti.

252. **Durūpoti** virūpo. **Duddasoti** teneva virūpabhāvena aniṭṭhadassano.
Lakuṇḍakoti rasso. **Paviṭṭhagīvoti** khandhantaramṃ anupaviṭṭhagīvo.
Mahādaroti vipulakucchi. Yebhuyyena hi lakuṇḍakā sattā rassagīvā
puthulakucchikāva hontīti tathā vuttaṃ. Kāṇo nāma cakkhuvikaloti vuttaṃ
“**ekakkhikāṇo vā ubhayakkhikāṇo vā**”ti. **Kuṇṭi**ti hatthavikaloti vuccatīti āha
“**ekahatthakuṇṭi vā ubhayahatthakuṇṭi vā**”ti. Vātādinā upahatakāyapakkho
idha pakkhahatoti adhippeto, na pakkhihatoti āha “**pakkhahatoti**
pīṭhasappī”ti. **Dukkhanupabandhadassanattanti** aparāparajātīsu
vipākadukkhasa anupabandhavasena pavattidassanattamṃ.

Kalīyati khalīyati appahīyati sāsanamṃ etenāti **kali**, jutaparājayo. So eva
gahasadisatāya¹ “**kaliggaho**”ti vutto. **Adhibandhanti** kuṭumbassa
adhivutthassa mūlabhūtassa attano bandhitabbatamṃ. Tenāha “**attanāpi**
bandham nigaccheyya”ti². Bālabhūmiyā bālabhāvassa matthakappatti
nirayagāmikamakāritāti “**niraye nibbattati**”cceva vuttaṃ. Taggahaṇeneva
pana tato mudumudutarādikammavasena sesāpāyesu
aparāparanibbattādibālabhūmi vibhāvitā hotīti.

253. **Vuttānusārenāti** “bālo ayan”ti-ādinā vuttassa athavacanassa
“paṇḍito ayan”ti etehi lakkhīyatīti-ādinā anusārena. **Manosucaritādinam**
vasenāti cintento anabhijjhā-abyāpādasammādassanamṃ sucintitamev
cintetīti-ādinā manosucaritānamṃ tiṇṇamṃ sucaritānamṃ vasena yojetabbāni.

1. Gehasadisatāya (Ka)

2. Attanopi bandhanamṃ gaccheyya (Ka)

Cakkaratanavaṇṇanā

256. Uposatham¹ vuccati aṭṭhaṅgasamannāgataṃ sabbadivasesu gahaṭṭhehi rakkhitabbasīlam, samādānavasena taṃ etassa atthīti **uposathiko**, tassa. Tenāha “**samādinna-uposathaṅgassā**”ti. **Tadāti** tasmim kāle, yasmim pana kāle cakkavattibhāvasamvattaniyadānasīlādipuññasambhāra-samudāgamasampanno pūritacakkavattivatto kāladīpadesavisesapaccājātiyā ceva kularūpabhogādhipateyyādiguṇavisesasampattiyā ca tadanurūpe attabhāve ṭhito hoti, tasmim kāle. Tādise hi kāle cakkavattibhāvī purisuttamo yathāvuttaguṇasamannāgato rājā khattiyo hutvā muddhāvasitto visuddhasīlo anuposatham satasahassavissajjanādinā sammāpaṭipattim paṭipajjati, na yadā cakkaratanam uppajjati, tadā eva. Tenāha “**pāto -padhammatā**”ti. (Tattha **damo** indriyasamvaro, **saṃyamo** sīlasamvaro)².

Vuttappakārapuññakammappaccayanti cakkavattibhāvāvahadāna-damasamāyamādipuññakammahetukam. **Nīlamanisaṅghātasadisanti** indanīlamanisañcayasamānam. **Dibbānubhāvayuttattāti** dassanīyatā manūññaghosatā ākāśagāmitā obhāsavissajjanā appaṭighātātā rañño icchitathaniṭṭhāntikāraṇatāti evamādīhi dibbasadisehi ānubhāvehi samannāgatattā. **Sabbehi ākārehi** sabbehi sundarehi ākārehi. **Paripūranti** paripuṇṇam. Sā cassa pāripūri idāneva vitthārīyati.

Panālīti chiddam. **Suddhasiniddhadantapantiyā** nibbivarāyāti adhippāyo. **Nābhipanālīparikkhepapaṭṭesūti** nātiparikkhepapaṭṭe ceva nābhiyā panālīparikkhepapaṭṭe ca. **Suvibhattāvāti** aññamaññam asamikiṇṇattā suṭṭhu vibhattā. Paricchedalekhantaresu maṇikā suvibhattā hutvā paññāyantīti vadanti.

Paricchedalekhādīnīti ādi-saddena mālākammādim saṅgaṇhāti. **Surattāti-ādīsu suratta**ggahaṇena mahānāmavaṇṇataṃ paṭikkhipati, **suddhagga**haṇena samkiliṭṭhataṃ, **siniddhagga**haṇena lūkhataṃ. Kāmam tassa cakkaratanassa nemimaṇḍalam asandhikamva nibbattam, sabbatthakameva pana kevalam

1. Dī-Ṭī 2. 139 piṭṭhādīsupi passitabbam.

2. () Idam Dī-Ṭī 2. 194 piṭṭhe natthi.

pavāḷavaṇṇova na sobhatīti¹ pakaticakkassa sandhiyuttesu ṭhānesu rattajambunadaparikkhataṃ ahosi, taṃ sandhāya vuttaṃ “**sandhīsu panassā**”ti-ādi.

Nemimaṇḍalapitṭhiyanti nemimaṇḍalassa piṭṭhipadese. **Dasannaṃ dasannaṃ arānamantareti** dasannaṃ dasannaṃ arānaṃ antarasamīpe padese. **Chiddamaṇḍalacittoti** maṇḍalasaṅṭhānachiddavicitto.

Sukusalasamannāhatassāti suṭṭhu kusalena sippinā pahatassa, vāditassāti attho. **Vaggūti** manorama. **Rajanīyoti** suṇantānaṃ rāguppādako. **Kamanīyoti** kanto. **Samosaritakusumadāmāti** olambitasugandhakusumadāmā.

Nemiparikkhepassāti nemipariyantaparikkhepassa. Nābhipanāḷiyā dvinnaṃ passānaṃ vasena “**dvinnampi nābhipanāḷīnan**”ti vuttaṃ. Ekā eva hi sā panāḷi. **Yehīti** yehi dvīhi sīhamukhehi. Puna **yehīti** muttākālāpehi.

Odhāpayamānanti sotuṃ avahitāni kurumānaṃ. Cando purato, cakkarataṃ pacchāti evaṃ **pubbāpariyena** pubbāparabhāgena.

Antepurassāti anurādhapure rañño antepurassa. **Uttarasīhapañjara-āsanne**² tadā rañño pāsāde tādisassa uttaradisāya sīhapañjarassa labbhamānattā vuttaṃ. **Sukhena sakkāti** kiñci anāruhitvā sarīrañca anullaṅghitvā yathāḷhiteneva hatthena pupphamuṭṭhiyo khipitvā sukhena sakkā hoti pūjetuṃ.

Nānāvīrāgaratanappabhāsamujjalanti nānāvīdhacittavaṇṇaratanobhāsapabhāssaraṃ. **Ākāsaṃ abbhuggantvā pavatteti** āgantvā ṭhitaṭṭhānato upari ākāsaṃ abbhuggantvā pavatte.

Sannivesakkhamoti khandhavārasannivesayogyo. **Sulabhāhārūpakaraṇoti** sukhen eva laddhabbadhaññagorasadārutiṇṇādibhojanasādhano. **Paracakkanti** parassa rañño senā, āṇā vā.

Āgatanandanoti āgato hutvā nindījanano. Āgataṃ vā āgamaṃ, tena nandatīti **āgatanandano**. Gamaṇena socetīti **gamanasocano**. **Upakappethāti** uparūpari kappetha saṃvidahatha,

1. Pavāḷavaṇṇena ca sobhatīti (Dī-Ṭī 2. 195 piṭṭhe.)

2. Uttarasīhapañjarasadiseti (Dī-Ṭī 2. 195 piṭṭhe.)

upanethāti attho. **Upaparikkhitvāti** hetutopi sabhāvatopi phalatopi diṭṭhadhammikasamparāyika-ādīnavatopi vīmaṁsitvā.

Vibhāventi paññāya atthaṁ vibhūtaṁ karontīti **vibhāvino**, paññavanto. **Anuyantāti** anuvattakā. **Ogacchamānanti** osīdantaṁ. **Yojanamattanti** vitthārato yojanamattaṁ padesaṁ. Gambhīrabhāvena pana yathā bhūmi dissati, evaṁ ogacchati. Tenāha “**mahāsamuddatalan**”ti-ādi. **Ante cakkaratanam** udakena senāya anajjhottharaṇatthaṁ.

257. Puratthimo samuddo pariyanto assāti
puratthimasamuddapariyanto, puratthimasamuddaṁ pariyantaṁ katvā.
Cāturantāyāti cātusamuddantāya pubbavidehādicatukoṭṭhāsantāya.

Hatthiratanavaṇṇanā

258. **Haricandanādīhīti ādi**-saddena catujjātiyagandhādīm saṅgaṇhāti. **Āgamanam cintethāti vadanti** cakkavattivattassa pūritatāya paricitattā. Bhūmiphusanakehi vāladhi, varaṅgaṁ, hatthoti imehi ca tīhi, catūhi pādehi cāti sattahi avayavehi ṭhitattā **sattapatiṭṭho**. **Itaresam** amaccādīnaṁ cintayantānaṁ **na āgacchati**. **Apanetvāti** attano ānubhāvena apānetvā. Gandhameva hi tassa itare hatthino na saṁhanti.

Assaratanavaṇṇanā

Sindhavakulatoti sindhavassājānīyakulato.

Maṇiratanavaṇṇanā

Sakaṭanābhisamappamāṇanti pariṇāhato mahāsakaṭassa nābhiyā samappamāṇaṁ. **Ubhosu antesūti** heṭṭhā upari cāti dvīsu antesu. **Kaṇṇikapariyantatoti** dvinnaṁ kaṇcanapadumānaṁ kaṇṇikāya pariyantato. **Muttājālake ṭhapetvāti** suvisuddhe muttāmāye jālake patiṭṭhapetvā.

Itthiratanavaṇṇanā

“Itthiratanam pātubhavati”ti vatvā assa pātubhavanākāram dassetuṃ “maddarājakulato vā”ti-ādi vuttam. Maddaraṭṭham kira abhirūpānam itthīnam uppattiṭṭhānam. Saṅṭhānapāripūriyāti hatthapādādisarīravayavānam susaṅṭhitatāya. Avayavapāripūriyā hi samudāyapāripūrisiddhi. Rūpanti sarīram. Dassanīyāti surūpabhāvena passitabbayuttā. Somanassavasena cittam pasādeti yoniso cintentānam kammaphalasaddhāya vasena. Pasādāvahattāti kāraṇavacanena yathā pāsādikatāya vaṇṇapokkharatāsiddhi vuttā, evam dassanīyatāya pāsādikatāsiddhi, abhirūpatāya ca dassanīyatāsiddhi vattabbāti nayaṃ dasseti. Paṭilomato vā vaṇṇapokkharatāya pāsādi-akatāsiddhi, pāsādikatāya dassanīyatāsiddhi, dassanīyatāya abhirūpatāsiddhi yojetabbā. Evam sarīrasampattivasena abhirūpatādike dassetvā idāni sarīre dosābhāvavasenapi te dassetuṃ “abhirūpā vā”ti-ādi vuttam. Tattha yathā pamāṇayuttā, evam ārohapariṇāhayogato ca pāsādikā nātidīghatādayo. Evam manussānam dibbarūpatāsampattipīti “appattā dibbavaṇṇan”ti vuttam. Kāyavipattiyāti sarīradosassa. Abhāvoti accanatameva dūrībhāvo.

Satavihatassāti satakkhuttuṃ vihatassa. Satavihatassāti ca idaṃ kappāsapicivasena vuttam, tūlapicuno pana vihananameva natthi. Kuṅkumatagaraturukkhayavanapupphāni catujjāti. Tamālatagaraturukkhayavanapupphānīti apare.

Aggidaddhā viyāti āsanagatena agginā daddhā viya. Paṭhamamevāti aññakiccato paṭhamameva, dassanasamakālamevāti attho. Tam tam attanā rañño kātabbakiccaṃ kiṃ karomīti pucchitabbatāya kiṃ karaṇanti paṭissāvetīti kiṅkārapaṭissāvinī.

Mātugāmo nāma yebhuyyena saṭṭhajātiko, itthiratanassa pana tam natthīti dassetuṃ “svāssā”ti-ādi vuttam. Guṇāti rūpaḅḅā ceva ācāraḅḅā ca. Purimakammānubhāvenāti tassā purimakammānubhāvena. Itthiratanassa tabbhāvasamvattaniyapurimakammaṃ ānubhāvena, cakkavattinopi parivārasamvattaniyam puññakammaṃ tādisassa phalavisesassa upanissayo hotiyeva. Tenāha “cakkavattino puññam upanissāyā”ti. Etena

sesaratanesupi tesam visesānam tadupanissayatā vibhāvitā evāti daṭṭhabbam.
Pubbe ekadesavasena labbhamānapāripūrī rañño
cakkavattibhāvūpagamanato paṭṭhāya sabbākārapāripūrā jātā.

Gahapatiratanavaṇṇanā

Pakatiyāvāti sabhāveneṇa, cakkaratānapātubhāvato pubbepi.

Pariṇāyakaratanavaṇṇanā

Nissāyāti upanissāya.

260. **Kaṭaggaho** vuccati jayaggaho sakānam paṇānam kaṭabhāvena
atthasiddhivasena saṅgaṇhananti katvā. Tenāha “**jayaggāhenā**”ti.
Ekappahārenevāti ekappayogeneṇa satahassāni adhigaccheyyāti yojanā.
Sesam vuttanayattā suviññeyyameva.

Bālaṇḍitasuttavaṇṇanāya līnatthappakāsānā samattā.

10. Devadūtasuttavaṇṇanā

261. **Dve agārāti-ādīti ādi-**saddena “sadvārā¹ -pa- anu vicarantepī”ti
etamattham saṅgaṇhāti. Ettakameva hi assapurasutte² vitthāritam
veditabbam. “Dibbena cakkhunā”ti-ādi pana Visuddhimagge³ tathā
vitthāritampi suttasamvaṇṇanā hotīti katvā “**assapurasutte vitthāritamevā**”ti
vuttam.

262. **Nirayato paṭṭhāya desanam devalokena osāpetīti**
saṅkilesadhammehi samvejetvā⁴ vodānadhammehi niṭṭhāpentō. Dutiyam
pana vuttavipariyāyena veditabbam, tadidaṃ veneyyajjhāsayaṇṇāyāsiṭṭhanti
daṭṭhabbam. Idāni saṅkhipitvā vuttamattham vivaritum “**sace**”ti-ādi vuttam.
Soti bhagavā.

1. Sannadvārā (Ka)

3. Visuddhi 2. 33 piṭṭhe.

2. Ma 1. 347; Ma-Ṭṭha 2. 224 piṭṭhesu.

4. Anubhavitvā (Ka)

Ekacce therā¹ andhakādike, viññāṇavādino ca sandhāya vadati. Nerayike niraye pārenti tato niggantumappadānavasena rakkhantīti **nirayapālā**. Nerayikānaṃ narakadukkhena pariyonaddhāya alaṃ samatthāti vā **nirayapālā**. **Tanti** “natthi nirayapālā”ti vacanam. **Paṭisedhitamevā**ti “atthi niraye nirayapālā, atthi ca kāraṇikā”ti-ādinā nayena **abhidhamme**² paṭisedhitameva. Yadi nirayapālā nāma na siyūṃ, kammakāraṇāpi na bhaveyya. Sati hi kāraṇike kammakāraṇāya bhavitabbanti adhippāyo. Tenāha “**yathā hi**”ti-ādi. Etthāha “kiṃ panete nirayapālā nerayikā, udāhu anerayikā”ti. Kiñcetta—yadi tāva nerayikā, ime nirayasamvattaniyena kammunā nibbattāti sayampi nirayadukkhāṃ anubhaveyyūṃ, tathā sati aññesaṃ nerayikānaṃ yātanāya³ asamatthā siyūṃ, “ime nerayikā, ime nirayapālā”ti vavatthānañca na siyā, ye ca ye yātenti, tehi samānarūpabalappamañehi itaresaṃ bhayasantāsā na siyūṃ. Atha anerayikā, nesaṃ tattha kathaṃ sambhavoti? Vuccate—anerayikā nirayapālā anirayagatisamvattaniyakammanibbattito. Nirayūpapattisamvattaniyakammato hi aññeneva kammunā te nibbattanti rakkhasajātikattā⁴. Tathā hi vadanti sabbatthivādino—

“Kodhanā kurūrakammantā, pāpābhirucino sadā.

Dukkhitesu ca nandanti, jāyanti yamarakkhasā”ti⁵.

Tattha yadeke vadanti “yātanādukkhāṃ paṭisaṃvedeyyūṃ, atha vā aññamaññaṃ yāteyyun”ti-ādi, tayidaṃ asāraṃ⁶ nirayapālānaṃ nerayikabhāvasseva abhāvato. Yadi pi anerayikā nirayapālā, ayomayāya pana ādittāya sampajjalitāya sajotibhūtāya nirayabhūmiyā parikkamamānā kathaṃ dāhadukkhāṃ nānubhavanti? Kammānubhāvato. Yathā hi iddhimanto cetovasippattā mahāmoggallānādayo nerayike anukampantā iddhibalena nirayabhūmiṃ upagatā dāhadukkhena na bādhiyanti, evaṃsappadamidaṃ daṭṭhabbāṃ.

1. Anuṭṭi 3. 149; Aṃ-Ṭi 2. 112 piṭṭhādīsipi passitabbaṃ.

2. Abhi 4. 430 piṭṭhe.

3. Ghātanāya (Ka)

4. Nidukkhajātikattā (Ka)

5. Anuṭṭi 3. 149; Aṃ-Ṭi 2. 112 piṭṭhesupi.

6. Ākāsaromaṭṭhanam (Anuṭṭi 3. 149 piṭṭhe.)

Iddhivisayassa acinteyyabhāvatoti ce? Idampi taṃsamānaṃ kammavipākassa acinteyyabhāvato. Tathārūpena hi kammunā te nibbattā yathā nirayadukkhena abādhitā eva hutvā nerayike yātentī, na cettakena bāhiraṃvisayābhāvo yujjati iṭṭhāniṭṭhatāya paccekaṃ dvārapurisesu vibhattasabhāvattā. Tathā hi ekaccassa dvārassa purisassa ca iṭṭhaṃ ekaccassa aniṭṭhaṃ, ekaccassa ca aniṭṭhaṃ ekaccassa iṭṭhaṃ hoti. Evañca katvā yadeke vadanti “natthi kammavasena tejasā parūpatāpanan”ti-ādi, tadapāhataṃ hoti. Yaṃ pana vadanti “anerayikānaṃ nesarṃ kathaṃ tattha sambhavo”ti niraye nerayikānaṃ yātanāsabbhāvato.

Nerayikasattayātanāyogyāṃ hi attabhāvaṃ nibbattentaṃ kammaṃ tādīsanikantivīnāmitaṃ nirayaṭṭhāneyeva nibbatteti. Te ca nerayikehi adhikatarabalārohapariṇāhā ativiya bhayānakadassanā kurūratārapayogā ca honti. Eteneva tattha nerayikānaṃ vibādhakakākasunakhādīnampi nibbatti samvaṇṇitāti daṭṭhabbaṃ.

Kathaṃ aññagatikēhi aññagatikabādhananti ca na vattabbaṃ aññatthāpi tathā dassanato. Yaṃ paneke vadanti “asattasabhāvā eva nirayapālā nirayasunakhādayo cā”ti, tampi tesāṃ matimattaṃ aññattha tathā adassanato. Na hi kāci atthi tādīsī dhammapavatti, yā asattasabhāvā, sampatisattehi appayojitā ca sattakiccaṃ sādhetī diṭṭhapubbā. Petānaṃ pānīyanivārakānaṃ daṇḍādīhatthapurisānampi sabbhāve, asattabhāve ca visesakāraṇaṃ natthi. ¹Supinopaghātōpi atthi, kiccāsamattatā pana appamāṇaṃ¹ dassanādīmattepi tadatthasiddhito. Tathā hi supine āhārūpabhogādīnā na atthasiddhi, iddhinimmānarūpaṃ panettha laddhāparihāraṃ iddhivisayassa acinteyyabhāvato. Idhāpi kammavipākassa acinteyyabhāvato ce? Taṃ na, asiddhattā. Nerayikānaṃ kammavipākato² nirayapālāti asiddhametaṃ, vuttanayena pana pālito ca tesāṃ sattabhāvo eva siddhoti. Sakkā hi vattum “sattasaṅkhātā nirayapālāsāññitā dhammapavatti sabbhisandhikaparūpaghātī atthi kiccāsabbhāvato³

1-1. Supinopaghātepi sattakiccāsamattatā appamāṇaṃ (?)

2. Kammavipāko (Am-Ṭī 2. 114; Anuṭī 3. 150 piṭṭhesu.)

3. Atthakiccāsabbhāvato (Am-Ṭī 2. 114; Anuṭī 3. 150 piṭṭhesu.)

ojāhārādirakkhasasantati viyā”ti. Abhisandhipubbakatā cettha na sakkā paṭikkhipitum tathā tathā abhisandhiyā yātanato, tato eva na saṅghātapabbatādīhi anekantikātā. Ye pana vadanti “bhūtavisesā eva ete vaṇṇasaṅghānādivisesavanto bheravākārā ‘narakapālā’ti samaññaṃ labhanti”ti, tadasiddhaṃ ujukameva pāḷiyam “atthi nirayesu nirayapālā”ti¹ vādassa patiṭṭhāpitattā.

Apica yathā ariyavinaye narakapālānaṃ bhūtamattatā asiddhā, tathā paññattimattavādinopi tesam bhūtamattatā asiddhāva sabbaso rūpadhammānaṃ atthibhāvasseva appaṭijānanato. Na hi tassa bhūtāni nāma paramatthato santi. Yadi paramatthaṃ gahetvā voharati, atha kasmā cakkhurūpādīni² paṭikkhipatīti? Tiṭṭhatesā anavaṭṭhitatakkānaṃ appahīnasammohavipallāsānaṃ vādavīmaṃsā³, evaṃ “attheva niraye nirayapālā”ti niṭṭhamettha gantabbaṃ. Sati ca nesam sabbhāve, asatipi bāhire visaye narake viya desādiniyamo hotīti vādo na sijjhati, sati eva pana bāhire visaye desādiniyamoti daṭṭhabbaṃ.

Devadūtasarāpanavasena satte yathūpacite puññakamme yameti niyametīti yamo, tassa yamassa vemānikapetānaṃ rājabhāvato rañño. Tenāha “**yamarājā nāma vemānikapetarājā**”ti. **Kammavipākanti** akusalakammavipākam. **Vemānikapetāti** kaṇhasukkavasena missakakammaṃ katvā vinipātikadevatā viya sukkena kammunā paṭisandhiṃ gaṇhanti. Tathā hi te maggaphalabhāginopi honti, pavattiyam pana kammānurūpaṃ kadāci puññaphalaṃ, kadāci apuññaphalaṃ paccanubhavanti. Yesam pana ariyamaggo uppajjati, tesam maggādhi gamato paṭṭhāya puññaphalameva uppajjatīti daṭṭhabbaṃ. Apuññaphalaṃ pubbe viya kaṭukaṃ na hoti. Manussattabhāve ṭhitānaṃ mudukameva hotīti apare. **Dhammiko rājāti** ettha tassa dhammikabhāvo dhammadevaputtassa viya uppattiniyamitadhammavaseneva veditabbo. **Dvāresūti** avīcimahānarakassa catūsu dvāresu.

Jātidhammoti kammakilesavasena jātipakatiko. Tenāha “**jātisabhāvo**”ti. Sabhāvo ca nāma tejodhātuyā uṇhatā viya na kadācipi vigacchatīti āha “**aparimutto jātiyā**”ti-ādi.

1. Abhi 4. 430 piṭṭhe.

2. Vedanādike eva (Ka)

3. Tadalāmviṃsaṃsā (Ka)

263. Idāni jātiyā devadūtabhāvaṃ niddhāretvā dassetuṃ “**daharakumāro**”ti-ādi vuttaṃ. **Atthato evaṃ vadati nāmāti** vācāya avadantopi atthāpattito evaṃ vadanto viya hoti viññūnanti attho. **Evaṃ tumhākampi jāti āgamissatīti** evaṃ saṃkiliṭṭhajeguccha asamatthadaharāvattā jāti tumhākaṃ āgamissati. Kāmañcāyaṃ āgatā eva, sā pana atītānāgatāya uparipi āgamanāya payogo icchitabbo, anāgatāya na icchitabboti āha “**jāti āgamissatī**”ti. Tenevāha “**iti tassā -pa- karoṭhā**”ti. **Tenāti** tena kāraṇena, viññūnaṃ vedavattubhāvenāti attho.

Ūrubalanti ūrubalī. Tena dūrepi gamanāgamanalaṅghanādisamatthataṃ dasseti, **bāhubalanti** pana iminā hatthehi kātabbakiccasamatthataṃ, **javaggahaṇena** vegassa pavattisamatthataṃ. **Antarahitā** naṭṭhā. Sesā paṭhamadevadūte vuttanayameva.

Vividhaṃ dukkhaṃ ādahaṭṭi byādhi, visesena vā ādhīyati etenāti byādhi, tena **byādhinā**. **Abhihatoti** bādhito, upaddutoti attho.

265. Kāraṇā nāma “hatthacchedādibhedā adhikapīḷā karīyati etāyā”ti katvā yātanā, sā eva kāraṇikehi kātabbaṭṭhena kammanti **mammakāraṇā**, yātanākammanti attho.

266. **Bahu pāpaṃ katanti** bahuso pāpaṃ kataṃ. Tena pāpassa bahulīkaraṇamāha. **Bāhūti** vā mahantaṃ. Mahatthopi hi bahusaddo dissati “bahu vata kataṃ assā”ti-ādīsu, garukanti vuttaṃ hoti. **Soti** garukaṃ bahulaṃ vā pāpaṃ katvā ṭhito **niraye nibbattatiyeva**, na yamapurisehi yamassa santikaṃ nīyati. **Parittanti** pamāṇaparittatāya kālaparittatāya ca parittaṃ, purimasmiṃ pakkhe agarunti attho, dutiyasmiṃ abahulanti. Yathāvuttamatthaṃ upamāya vibhāvetuṃ “**yathā hī**”ti-ādi vuttaṃ. **Kattabbamevāti** daṇḍameva. **Anuvijjivā** vīmaṃsitvā. **Vinicchayaṭṭhānanti** aṭṭakaraṇaṭṭhānaṃ. **Parittapāpakammāti** dubbalapāpakammā. Te hi pāpakammaṃ dubbalabhāvato katūpacitassa ca okāsārahakusalakammaṃ balavabhāvato attano dhammatāyapi saranti.

Ākāsacetiyanti girisikhare vivaṭaṅgaṇe katacetiyaṃ. **Aggijālasaddanti** “paṭapaṭā”ti pavattamānaṃ aggijālāya saddaṃ sutvā “māyā tadā ākāsacetiye pūjitarattapaṭā viyā”ti **attano pūjītaṭapaṭaṃ anussari. Pañcahiṇi na saratīti** balavatā pāpakammaena byāmahito pañca saññāṇāni na gaṇhāti. **Tuṇhī hoti** kammāraho ayanti tattha patikāraṃ apassanto.

267. Avīcimahānirayo ubbedhenapi yojanāsatamevāti vadanti. **Navanavayojanikā hoti** puthulato. Mahānirayassa mahantattā tatthāpi bhittisatam¹ yojanasahassaṃ hotīti ussadassa² sabbassa parikkhepato “**dasayojanasahassaṃ hotī**”ti vuttaṃ.

268. **Jhāyatīti** paṭipākatikaṃ hoti. **Tādisamevāti** purimasadisattā “ubbhataṃ sadisameva hotī”ti evaṃ vuttaṃ. **Bahusampattoti** vā bahuṭṭhānaṃ atikkamitvā puratthimadvāraṃ sampatto hoti.

Channaṃ jālānanti catūhi disāhi heṭṭhā upari ubbhataṇaṃ channaṃ jālānaṃ. Sattānaṃ nirantaratā nirayasaṃvattaniyakammakatānaṇca bahubhāvato jālānaṃ tāva sattānaṇca nirantarattā avīci hotu, dukkhassa pana kathaṃ nirantaratāti taṃ dassento “**kāyadvāre -pa- ekaṃ dukkhasahagatan**”ti-ādimāha. Tattha āvajjanaṃ sampaṭicchanaṃ santīraṇaṃ voṭṭhabbanam dve tadārammaṇacittānīti **cha upekkhāsahagatāni. Evaṃ santepīti** yadipi tattha upekkhāsahagatacittānīpi pavattanti upekkhāvedanāpi laddhāvasarā, dukkhavedanā pana balavatarā nisitanisitena tikhiṇena satthena nirantaram sarīraṃ chindantī viya dukkhaṃ upanentī viya tā vedanā abhibhavantī ajjhottharantī uppajjantī nirantarā viya hoti. Tenāha “**anudahanabalavatāyā**”ti-ādi. **Upekkhāvedanāti** vā tattha ativiya aniṭṭhaphalatāya aniṭṭhārammaṇā upekkhāvedanā dukkhāti vuccati, yathā iṭṭhaphalabahutāya iṭṭhārammaṇā jhānādipariyāpanne ca sugatibhave ca upekkhāvedanā sukhāti vuccati, evaṃ dukkhassa nirantaratāya **avīcīti** veditabbanam.

1. Mahānirayassa samantā ussādā, tatthāpi ekekaṃ (?)

2. Sa-ussadassa (?)

269. **Eko pādo mahāniraye hoti, eko gūthaniraye nipatati,**
kammavegukkhitto antarā padamāvahati sesārambhatāya.
Hatthigivappamāṇā pariṇāhena. **Ekadoṇikanāvāppamāṇā** āyāmena.

Pokkharapattānīti khuradhārāsadisāni tikhiṇaggāni ayosūlamayāneva
padumapattāni. **Heṭṭhā khuradhārāti** heṭṭhābhūmiyaṃ nikkhittā, vettalatāyo
ca tikhiṇadhārakaṇṭakā ayomayā eva. Tenāha “**so tatta dukkhā**”ti-ādi.
Kusatiṇānīti kusatiṇajātītāya tathā vuttāni. **Kharavālikāti** kharā tikhiṇakoṭikā
siṅghāṭakasaṇṭhānā vālikā.

270. **Dante samphusetī**ti heṭṭhimadante yathā kiñci mukhe pakkhipitum
na sakkā, evaṃ suphūsate karoti. **Tambalohapānato paṭṭhāyāti** vuttakāraṇato
paṭilomatopi evaṃ kammakāraṇānaṃ kāraṇamāha. **Dutiyenāti** kuṭṭhārīhi
tacchanena. **Tatīyenāti** vāsīhi tacchanena. **Avijahitameva** samvegahetutāya
lokassa mahato atthassa samvattanato.

271. **Hīnakāyaṃ** hīnaṃ vā attabhāvaṃ upagatā. **Upādāneti** catubbidhepi
upādāne. Tam atthato taṇhādiṭṭhiggāhoti āha “**taṇhādiṭṭhigahaṇe**”ti.
Sambhavati jarāmarāṇaṃ etenāti **sambhavo**, upādānanti āha “**jātiyā**
marāṇassa ca kāraṇabhūte”ti. **Anupādāti** anupādāya. Tenāha
“**anupādiyivā**”ti.

Sabbadukkhātikkantā nāmāti sakalampi vaṭṭadukkhāṃ atikkantā eva
honti carimacittanīrodhena vaṭṭadukkhalesassapi asambhavato.

Devadūtasuttavaṇṇanāya līnatthappakāsanā samattā.

Niṭṭhitā ca suññatavaggavaṇṇanā.

4. Vibhaṅgavagga

1. Bhaddekarattasuttavaṅṅanā

272. Ekā ratti ekaratto, bhaddo ekaratto etassāti **bhaddekarattam**, vipassanam paribrūhento puggalo. Tenāha “**vipassanānuযোগসমন্নাগতত্তা**”ti. Tam uddissa pavattiyā pana bhaddekarattasahacaraṇato bhaddekaratto. Tenāha bhagavā “bhaddekarattassa vo bhikkhave uddesañca vibhaṅgañca desessāmī”ti. Desetabbamattham uddisati etenāti **uddeso**, saṅkhepadesanā eva. Yasmā pana niddesapadānam jananiṭṭhāne ṭhitattā mātā viyāti **mātikāti** vuccati, tasmāha “**uddesanti mātikam**”ti. Uddiṭṭhamattham vibhajati etenāti **vibhaṅgo**, vitthāradesanā. Tenāha “**vitthārabhājaniyam**”ti “yathā-uddiṭṭhamattham vitthārato bhājeti vibhajati etenā”ti katvā.

Uppādādikhaṇattayam patvā atikkamam atikkantam **atītam**. Tam pana atthato vigatam khandhapañcakanti āha “**atīte khandhapañcake**”ti. **Taṅhādiṭṭhi nānugaccheyyāti** taṅhādiṭṭhābhinandanāhi nānubhaveyya, nābhinandeyyāti attho. Yathā “niccan”ti-ādinā viparītagāhavasena atītesu rūpādīsu micchā-atinivisanam parāmāso diṭṭhābhinandanā, evam “niccan”ti-ādinā viparītagāhavasena anāgatesu rūpādīsu micchā-abhinivisanam parāmāso diṭṭhi kammamādānam diṭṭhipatthanāti tam paṭikkhipanto āha “**taṅhādiṭṭhi na pattheyyā**”ti. **Yadatīnti** ettha **īti**-saddo ādi-attho. Tena “apattan”ti padam saṅgaṇhāti. Tampi hi kāraṇavacanam. Tenāha “**yasmā cā**”ti. Tatthāyamadhippāyo “atītam taṅhādivasena nābhinanditabbam sabbaso avijjamānattā sasavisāṇam viya, tathā anāgatampi na patthetabban”ti. Tattha siyā—atītam nābhinanditabbam abhinandanāya nippayojanattā, anāgatapatthanā pana saphalāpi siyāti na sabbaso paṭikkhipitabbāki? Na, tassāpi savighātabhāvena paṭikkhipitabbato. Tenāha “**yasmā**”ti-ādi. Tattha **pahīnanti** nissatṭhasabhāvam. **Niruddhanti** bhaggam. **Atthaṅgantanti** vināsam. **Appattanti** sabhāvam uppādādikam asampattam. **Ajātanti** na jātam. **Anibbattanti** tasseva vevacanam.

Yattha yatthāti yasmim yasmim khaṇe, yasmim yasmim vā dhammapuñje uppannam, tam sabbampi asesetvā. **Araññādīsu vāti vā**-saddo aniyamattho.

Tena araṇṇe vā rukkhāmūle vā pabbatakandarādīsu vāti ṭhānaniyamābhāvā anupassanāya sātaccakāritam dasseti. Yamakādivasena paribrūhiyamānā vipassanā viya paṭipakkhehi akopaniyāva hotīti āha “**asamhīram asamkuppanti idam vipassanāpaṭivipassanādassanattam vuttam**”ti.

Gāthāyamamattho vipassanāvasena yujjati āha “**vipassanā hī**”ti-ādi. Kim etāya pariyāyakathāyāti nipariyāyatova asamhīram asamkuppam dassetuṃ “**atha vā**”ti-ādi vuttam. Katham pana niccassa nibbānassa anubrūhanā hotīti āha “**punappunan**”ti-ādi. Etena tadārammaṇadhammā brūhanāya, tesam¹ ārammaṇampi atthato anubrūhitam nāma hoti bahulam manasikārenāti dasseti.

Ādito tāpanam **ātāpanam**, tena ārambhadhātumāha. Parito tāpanam **paritāpanam**, tena nikkamadhātuparakkamadhātuyo cāti. **Tassa senāti** tassa maccuno saha karaṇaṭṭhena senā viyāti senā. **Saṅgaroti**-ādīsu mittākāraggaṇena sāmāpayogamāha. **Lañjaggahaṇena** lañjadānam, tena dānappayogam. **Balarāsīti** hatthi-assādibalakāyo. Tena daṇḍabhedāni vadati. Bhedopi hi balavato eva ijjhati, svāyam catubbidhopi upāyayogena sampavattiyati. Tattha tattha ca saṅgam āsattim arati detīti **saṅgaro** pubbhāge vā saṅgaraṇavasena tassa paṭijānavasena pavattanato.

Uṭṭhāhakaṃ uṭṭhānavīriyasampannam. Sapaṛahitasīvanalakkhaṇena asādhubhāvaparammukhabhāvagamanena vā **santo**.

273. **Manuññarūpavaseneva evamrūpo ahoṣinti** atītam anvāgameti tattha nandiyāsamānvāyanato. **Vedanādisupi** eseva nayo. **Kusalasukhasomanassavedanāvasenāti** kusalavedanāvasena sukhavedanāvasena somanassavedanāvasenāti paccekam vedanāsaddo yojetabbo. Taṇhābhīnandanāya sati diṭṭhābhīnandanā siddhā evāti “**taṇham samanvāneti**” icceva vuttam. **Hīnarūpādi -pa- na maññati** amanuññopi samāno samanūññabhāvāsseva vasena maññanāya pavattanato. **Nānupavattayati** vikkhambhanavasena nandiyā dūrīkatattā.

1. Tassa (Ka)

274. Uḷārasundarabhāvamukheneva anāgatesupi rūpādīsu taṇhādiṭṭhikappanā pavattatīti āha “**evamrūpo -pa- veditabbā**”ti.

275. **Vattabbam siyā**ti yathā nandiyā asamanvānayanajotanaṃ byatirekamukhena paṭiṭṭhapetuṃ “atītaṃ na nvāgameyyā”ti uddesassa “kathaṅca bhikkhave atītaṃ anvāgameṭī”ti-ādinā¹ vibhaṅgo vutto, evaṃ “paccuppannaṅca yo dhamman”ti-ādikassa uddesassa byatirekamukhena vibhaṅge vuccamāne vipassanāpaṭikkhepavasena “kathaṅca -pa- vattabbam siyā”ti vuttam. Tayidaṃ paramagambhīraṃ satthudesanānayaṃ anupadhāretvā coditaṃ, yasmā “paccuppannaṅca yo dhamman”ti-ādikassa uddesassa byatirekamukheneva vipassanāpaṭikkhepavasena “kathaṅca bhikkhave paccuppannesū”ti vibhaṅgadesanā sampavattati. Tenāha “**yasmā panā**”ti-ādi. Tattha **tassā evā**ti vipassanāya eva. **Abhāvaṃ dassetuṃ saṃhīratīti mātikaṃ uddharitvā**ti kathetukamyatāya mātikāvasena paduddhāraṃ katvā “idha bhikkhave asutavā sutavā”ti ca ādinā **vitthāro vutto**. **Vipassanāya abhāvatoti** vipassanāya abhāvitatāya avikkhambhitatāya taṇhādiṭṭhīhi sapattehi viya tattha tattha ṭhapanāya ākaḍḍhīyati, tattha tattha visaye tato eva apāyasamuddaṃ saṃsārasamuddaṃ ānīyati. Sukkapakkho vuttavipariyāyena veditabbo. Sesam suviññeyyameva.

Bhaddekarattasuttavaṇṇanāya līnatthappākasanā samattā.

2. Ānandabhaddekarattasuttavaṇṇanā

276. Bahiddhā puthuttārammaṇato nivattetvā ekasmimyeva ārammaṇe cittassa sammadeva layanaṃ appanaṃ paṭisallānaṃ, yo koci samāpattivihāro, idha pana ariyavihāro adhippetoti āha “**paṭisallānā vuṭṭhito**”ti-ādi. **Jānantova** bhagavā **kathāsamuṭṭhāpanattham pucchi**. Vuttam hetam “jānantāpi tathāgatā pucchanti, jānantāpi na pucchantī”ti-ādi².

1. Ma 3. 226 piṭṭhe.

2. Vi 1. 7 piṭṭhe.

278. **Sādhukāramadāsī**ti sādhusaddam sāvesi. Tam pana pasamsā hotīti pasamsattho sādhusaddo. Tenāha “**desanam pasamsanto**”ti. Vijjamānehi vaṇṇehi guṇavante udaggaṭākaraṇam sampahamsanam, kevalam guṇasamkittanavasena thomanā pasamsāti ayametesam viseso.

Ānandabhaddekarattasuttavaṇṇanāya līnatthappakāsanaṃ samattā.

3. Mahākaccānabhaddekarattasuttavaṇṇanā

279. Uṇhabhāvena tapanato tapanam udakam etassāti **tapodā**, rahado. Tenāha “**tattodakassa rahadassā**”ti. Saṅkhepena vuttamattham vitthārato dassetuṃ “**Vebhārapabbatassā**”ti-ādi vuttam. **Tato** udakarahadato, tam rahadam upanissāyāti attho. Nāgabhavanāgatopi hi so rahado tato upari manussaloke jalāsayena sambaddho hoti. Tena vuttam “**tapodā nāma nadī sandatī**”ti. **Edisāti** kuthitā uṇhā, anvatthanāmasena tapodāti ca vuccatīti attho. **Petalokoti** petānam vasanaṭṭhānam paccekanirayam sandhāyāha. **Imassa pana ārāmassāti** tapodārāmassa. **Tatoti** tapodāsāṅkhātanadito. **Mahā-udakarahadoti** mahā-udakabharitam pallalam.

280. **Samiddhoti** uḷāro, paripuṇṇoyevāti attho. Ādimhi brahmacariyamassāti ādibrahmacariyo, so eva **ādibrahmacariyako**. Tenāha “**pubbabhāgappaṭipattibhūto**”ti. “Atītam anāgataṃ paccuppannam”ti addhabhedamukhena saṅkhatadhammabodhavacanam.

282. Kāmam khandhādivasena vibhajanam sādharmaṇam, paṭhamadutiyacatutthasuttesu pana khandhavasena vibhajanam katvā idha tathā akatvā evam desanāya ṭhapanam tato aññathā āyatanavasena vibhajanattham. Evam vibhinnā hi saṅkhepavitthārato anavasesā sammasanupagā dhammā vibhajitvā dassitā honti, ayam kirettha bhagavato ajjhāsayo therena nayato gahitoti dassetuṃ “**imasmim kirā**”ti-ādi vuttam. Tattha **dvādassāyatanavaseneva mātikam ṭhapesīti** lokiyāni dvādasāyatanāni eva

sandhāya mātikaṃ ṭhapesi, yathā tīsu suttasu khandhavasena vibhattaṃ, evaṃ yadi bhagavatā idhāpi vibhajaṇaṃ icchitaṃ siyā, tathā vibhajeyya, yasmā pana tathā avibhajitvāva gandhakuṭiṃ pavīṭṭho, tasmā dvādasāyatanavasenevettha vibhajaṇaṃ bhagavatā ca adhippetanti nayaggāhe ṭhatvā thero vibhaji. Tenāha “**nayaṃ paṭilabhitvā evamāhā**”ti. **Bhāriyaṃ katanti** dukkaraṃ kataṃ. **Apade padaṃ dassitaṃ** ākāse padaṃ kataṃ sādharmaṇassa atthassa viṣiṭṭhavisayaṭāya dassitattā. **Nikantiviññānanti** nikantitaṇhāya sampayuttaṃ viññāṇaṃ “chandarāgappaṭibaddhaṃ hoti”ti vacanato. **Manoti bhavaṅgacittaṃ** manodvārikajavanānaṃ dvārabhūtaṃ.

283. **Patthanāvasena ṭhapesīti** patthanāvasena cittaṃ pavattesi.

Mahākaccānabhaddekarattasuttavaṇṇanāya līnatthappākāsanā samattā.

4. Lomasakakaṅgiyabhaddekarattasuttavaṇṇanā

286. Ghananicitalomo lomaso, ayaṃ pana appatāya **lomasakoti** āha “**īsakalomasākāratāyā**”ti, lomasako aṅgiko **lomasakakaṅgiyo**, paṭhamo ka-kāro appattho, dutiyaṃ pana padavaḍḍhanameva. **Rattakambalasilāyanti** rattakamabalavaṇṇasilāyaṃ. **Oruyhāti** ākāsatō otarivā. Pāṭihāriyaṃ disvā dinnalābhasakkāraṇassa asādiyanato **manussapathe na vasanti**.

Dasahi cakkavālasahassehīti nissakkavacanato āgantvāti adhippāyo. **Sannipatitāhi devatāhīti** karaṇavacanāṃ. Paññāpayogamandatāya **paṭivijjhitaṃ asakkontānaṃ devānaṃ** ñāṇassa tikkhavisadabhāvāpādanena samuttejetaṃ **samvegajananatthaṃ -pa- abhāsi**. **Tatrāti** tasmim devasannipāte, tissaṃ vā desanāyaṃ. **Devattassāti** devabhāvassa, dibbasampattiyāti attho. Bhaddekarattassa suttassa etāti **bhaddekarattiyā**.

Savanamukhena byañjanato atthaso ca upadhāraṇaṃ uggaṇhananti āha “**tuṇhībhūto nisīditvā suṇanto uggaṇhāti nāmā**”ti. Vācuggatakaraṇaṃ pariyaṇuṇananti āha “**vācāya sajjhāyaṃ karonto pariyaṇuṇāti nāmā**”ti. Ganthassa pariharaṇaṃ dhāraṇaṃ, taṃ pana paresu

patiṭṭhāpanaṃ pākaṭaṃ hotīti āha “**aññesaṃ vācento dhāreti nāmā**”ti. Sesaṃ heṭṭhā vuttanayameva.

Lomasakakaṅgiyabhaddekarattasuttavaṇṇanāya.

Līnatthappakāsanā samattā.

5. Cūḷakammavibhaṅgasuttavaṇṇanā¹

289. **Aṅgasubhatāyāti** aṅgānaṃ hatthapādādisarīrāvayavānaṃ sundarabhāvena. Yaṃ apaccaṃ kucchitaṃ muddhaṃ vā, tattha loke mānavavohāro, yebhuyena sattā daharakāle muddhadhātukā hontīti vuttaṃ “**taruṇakāle vohariṃsū**”ti. **Adhipatittāti** issarabhāvato.

Samāhāranti sannicayaṃ. **Paṇḍito gharamāvaseti** yasmā appatarepi byayamāne bhogā khīyanti, appatarepi sañcayamāne vaḍḍhanti, tasmā viññujātiko kiñci byayaṃ akatvā ayameva uppādentō gharāvāsaṃ anatiṭṭheyyāti lobhādesitamattaṃ vadati.

Dhanalobhena -pa- nibbato. Lobhavasikassa hi gati nirayo vā tiracchānayoṇi vā. Vuttaṃ hettaṃ “nimitassādagathitaṃ vā bhikkhave viññānaṃ tiṭṭhamānaṃ tiṭṭhati anubyañjanassādagathitaṃ vā, tasmīṃ samaye kālaṃ kareyya, dvinnaṃ gatīnaṃ aññataraṃ gatīṃ vadāmi nirayaṃ vā tiracchānayoṇiṃ vā”ti². **Niraye nibbattissati** katokāsassa kammassa paṭibāhitaṃ asakkuṇeyyabhāvato.

Pattakkhandha-adhomukhabhāvaṃ sandhāya “**onāmetvā**”ti vuttaṃ. Brāhmaṇacārittassa bhāvitataṃ sandhāyāha “**brahmaloke nibbato**”ti. **Taṃ pavattiṃ pucchīti** sutametaṃ mayā “mayhaṃ pitā sunakho hutvā nibbato”ti, etaṃ Bhotā gotamena vuttanti, kimidaṃ vuttanti imaṃ pavattiṃ pucchi.

Tatheva vatvāti yathā sunakhassa vuttaṃ, tatheva vatvā. **Avisaṃvādanatthanti** “todeyyabrāhmaṇo sunakho jāto”ti attano vacanassa avisaṃvādanatthaṃ, visaṃvādanābhāvadassanatthanti adhippāyo.

1. Subhasuttavaṇṇanā (Ka)

2. Saṃ 2. 377 piṭṭhe.

ñātomhi imināti iminā mama puttana mayham purimajātiyam pitāti evam ñāto amhīti jānitvā. Buddhānubhāvena kira sunakho tathā dasseti, na jātissaratāya. Bhagavantam disvā bhukkaraṇam pana purimajātisiddhavāsanāya. **Bhavapaṭicchannanti** bhavantarabhāvena paṭicchannaṃ. **Nāma**-saddo sambhāvane. **Paṭisandhi-antaranti** aññajātipaṭisandhiggahaṇena heṭṭhimajātam gatim. **Aṅgavijjāpāṭhako kiresa**, tena appāyukadīghāyukatādivasena cuddasa pañhe abhisāṅkhari, evam kirassa ahosi “imesam sattānam appāyukatādayo visesā aṅgapaccaṅgavasena sallakkhiyanti, na kho panetaṃ yuttaṃ ‘aṅgapaccaṅgāni yāva tesam tesam kāraṇaṃ’ti, tasmā bhavitabbamettha aññeneva kāraṇena, samaṇo gotamo taṃ kāraṇam vibhajtvā kathessati, evāyam sabbaññūti nicchayo me apaṇṇako bhavissati”ti. Apare pana bhaṇanti “tiracchānagataṃ manussaṃ vā āvisitvā icchitatthakasāvanam nāma mahāmantavijjāvasena hoti, tasmā na ettāvataṃ samaṇassa gotamassa sabbaññutā sunicchitā hoti, yaṃ nūnāham kammaphalamassa uddissa pañham puccheyyam, tattha ca me cittaṃ ārādhento pañham byākarissati, evāyam sabbaññūti vinicchayo me bhavissatīti te pañhe pucchati”ti.

Bhaṇḍakanti sāpateyyam, santakanti attho. Kammunā dātabbam ādiyantīti **kammadāyādā**, attanā katūpacitakammaphalabhāgīti attho. Tam pana kammadāyajjam kāraṇopacārena vadanto “**kammam etesam dāyajjam bhaṇḍakanti attho**”ti āha yathā “kusalānam bhikkhave dhammānam samādānāhetu evamidam puññam pavaḍḍhati”ti¹. Yavati phalam sabhāvato² bhinnampi abhinnaṃ viya missitam hoti etenāti **yonīti** āha “**kammam etesam yoni kāraṇaṃ**”ti. Mamattavasena bajjhati sambajjhatīti **bandhu**, ñāti sālohito ca. Kammaṃ pana ekantasambandhamevāti āha “**kammam etesam bandhū**”ti. **Paṭiṭṭhāti** avassayo. Kammasadiso hi sattānam avassayo natthi, añño koci issaro brahmā vā na karoti tādisam kattum sajjitum asamatthabhāvato. Yam panettha vattabam, tam **visuddhimaggasamvaṇṇanāyam**³ vuttanayena veditabam. **Kammamevāti** kasmā avadhāritam, nanu kilesāpi sattānam hīnapañītabhāvakāraṇam, na

1. Dī 3. 48 piṭṭhe.

2. Esānisamsabhāvato (Ka)

3. Visuddhi-Ṭī 2. 328, 381 piṭṭhādīsu.

kevalanti? Saccametam, kilesapayogena vipākavaṭṭam nibbattam kamma pavattitamevāti katvā vuttam. “**Kathitassa attham na sañjānāsī**”¹ti saṅkhepato vatvā nanu bhagavā mahākāruṇiko paresam nāpanatthameva dhammam desetīti āha “**mānanissito kiresā**”ti-ādi.

290. **Samattenā**ti pariyattena, yathā tam phalam dātuṃ samattham hoti, evam katena, upacitenāti attho. Tādisam pana attano kicce anūnam nāma hotīti āha “**paripuṇṇenā**”ti. **Samādinnenā**ti ettha samādānam nāma taṇhādiṭṭhīhi gahaṇam parāmasananti āha “**gahitena parāmaṭṭhenā**”ti. Paṭipajjati etāya sugatiduggatīti **paṭipadā**, kammaṃ. Tathā hi tam “kamma patho”ti vuccati.

Esāti paṭipadā. Dubbalam upaghātakameva siyāti upapīlakassa² visayam dassetuṃ “**balavakammenā**”ti-ādi vuttam. **Balavakammenā**ti puññakammena. **Vadati nāmā**ti vadanto viya hoti. **Nibbattāpeyyanti** kasmā vuttam, nanu upapīlakasabhāvaṃ kammaṃ janakasabhāvaṃ na hotīti? Sabbametam parikappanavacanam, yathā manussā paccatthikam paṭipakkham kiñci kātuṃ asamatthāpi keci ālambanavasena samatthā viya attānam dassenti, evam sampadamidanti keci. Apare pana bhaṇanti—yassidam kamma vipākam pīleti, sace tasmim anokāse eva sayam vipaccituṃ okāsam labheyya, apāyesu eva taṃsamaṅgipuggalam nibbattāpeyya, yasmā tam kammaṃ balavam hutvā avasesapaccayasamavāyena vipaccituṃ āraddham, tasmā itaram tassa vipākam vibādhetam upapīlakam nāma jātam. Etadatthameva cettha “balavakammena nibbattan”ti balavaggahaṇam katam. Kicavasena hi nesam kammānam etā samaññā, yadidam upapīlakam upacchedakam janakam upatthambhakanti, na kusalāni viya upatthambhāni honti nibbattatthāya. **Pīletvā**ti viheṭhetvā paṭighātanādivasena ucchutelayantādayo viya ucchutilādi ke vibādhetvā. **Nirojanti** nittejam. **Niyūsanti** nirasam. **Kasaṭanti** nissāram. **Parissāyanti** upaddavam.

Idāni parissayassa upanayanākāram dassentena tattha “**dārakassā**”ti-ādim vatvā bhogānam vināsanākāram dassetuṃ puna “**dārakassā**”ti-ādi vuttam. **Kumbhadohanā**ti kumbhapūrakhīrā. **Gomaṇḍaleti** goyūthe.

1. Naññāsīti (Ka)

2. Upapīlikassa (Ka)

Aṭṭhasabhagamanam katvāti aṭṭha-usabhappamāṇam padesaṁ paccatthikaṁ uddissa dhanuggaho anuyāyim katvā. **Tanti saram. Aññoti** paccatthiko. **Tattheva pāteyya** accāsannaṁ katvā sarassa khittattā. **Vālamacchodakanti** makarādivālamacchavantaṁ udakaṁ.

Paṭisandhinibbattakaṁ kammaṁ janakakammaṁ nāma paripuṇṇavipākadāyibhāvato, na pavattivipākamattanibbattakaṁ. **Bhogasampadādīti ādi-**saddena ārogyasampadādiparivārasampadādīni gaṇhāti. Na dīghāyukatādīni hi appāyukatāsāmvattanikena kammunā nibbattāni, aññaṁ dīghāyukatākaraṇena upatthambhetuṁ sakkoti, na atidubbaṇṇaṁ appesakkaṁ nīcakulīnaṁ duppaññaṁ vā vaṇṇavantaṭādivasena. Tathā hi vakkhati “imasmim̐ pana pañhavissajjane”ti-ādi¹, taṁ pana nidassanavasena vuttanti daṭṭhabbaṁ.

Purimānīti upapīlakopacchedakāni. Upapīlakupaghātā nāma kusalavipākapaṭibhākāti adhippāyena “**dve akusalānevā**”ti vuttaṁ. **Upatthambhakaṁ kusalamevā**ti ettha yathā janakaṁ ubhayasabhāvaṁ, evaṁ itaresampi ubhayasabhāvatāya vuccamānāya na koci virodho. Devadattādīnaṁ hi nāgādīnaṁ ito anuppavacchitānaṁ petādīnaṁca² narakādīsu akusalakammavipākassa upatthambhanupapīlanupaghātānāni na na sambhavanti. Evañca katvā yā heṭṭhā bahūsu ānantariyesu ekena gahitapaṭisandhikassa itaresaṁ tassa anubalappadāyitā vuttā, sāpi samatthitā hoti. Yasmiṁ hi kamme kate janakanibbattaṁ kusalaphalaṁ vā akusalaphalaṁ vā byādhihātusamatādinimittaṁ vibādhiyati, tamupatthambhakaṁ. Yasmiṁ pana kate jātisamatthassa paṭisandhiyaṁ pavattiyañca vipākakaṭattārūpānaṁ uppatti hoti, taṁ janakaṁ. Yasmiṁ pana kate aññaṁ janitassa iṭṭhassa vā anīṭṭhassa vā phalassa vibādhihāvichchedapaccayānuppattiyā upabrūhanapaccayuppattiyā ca janakasāmatthiyānurūpaṁ parivutticiratarapabandhā hoti, etaṁ upatthambhakaṁ. Tathā yasmiṁ kate janakanibbattaṁ kusalaphalaṁ akusalaphalaṁ vā byādhihātusamatādinimittaṁ vibādhiyati, taṁ upapīlakaṁ. Yasmiṁ pana kate janakasāmatthiyavasena ciratarapabandhārahampi samānaṁ phalaṁ vicchedakapaccayuppattiyā vicchijjati, taṁ upaghātakanti ayamettha sāro.

1. Ma-Ṭṭha 4. 181 piṭṭhe. 2. Anuppadinnaṁāpanakapetānañca (Am-Ṭṭi 2. 106 piṭṭhe.)

Tatthāti tesu kammesu. **Upacchedakakammenāti** āyuno upaghātakakammena. Svāyamupaghātakabhāvo dvidhā icchitabboti taṃ dassetum “**pāṇātipātina**”ti-ādi vuttam. **Na sakkoti** pāṇātipātakammunā santānassa tathābhisaṅkhatattā. Yasmiṃ hi santāne nibbattaṃ, tassa tena abhisaṅkhatatā avassam icchitabbā tattheva tassa vipākassa vinibandhanato. Etena kusalassa kammassa āyūhanakkhaṇeyeva pāṇātipāto tādisam sāmattihiyupaghātaṃ karotīti dasseti, tato kammaṃ appaphalaṃ hoti. “**Dīghāyukā**”ti-ādinā upaghātasāmattihiyena khette uppannasassaṃ viya upapattiniyāmakā dhammāti dasseti. Upapattiniyatavisese vipaccitum okāse katonte eva kusalakamme ākaḍḍhiyamānapaṭisandhikaṃ pāṇātipātakammaṃ appāyukatthāya niyametīti āha “**paṭisandhimeva vā niyāmetvā appāyukaṃ karotī**”ti. Pāṇātipātacetanāya accantakaṭukavipākattā sanniṭṭhānacetanāya niraye nibbattati tassā atthassa khīṇābhāvato, itare pana na tathā bhāriyāti āha “**pubbā -pa- hotī**”ti. Idha pana yaṃ heṭṭhā vuttasadisam, taṃ vuttanayena veditaḥham.

Manussāmanussaparissayāti mānusakā amānusakā ca upaddavā. **Puratoti** pubbadvārato. **Pacchatoti** pacchimavatthuto. **Pavaṭṭamānāti** pariṇānassa, devatānaṃ vā desena pavaṭṭamānā. **Parehīti** purātanehi parehi. **Sammukhībhāvanti** sāmibhāvavasena paccakkhattaṃ. **Āharitvā denti** iṇāyikā. **Kammantāti** vaṇijjādikammāni. **Apāṇātipātakammanti** pāṇātipātassa paṭipakkhabhūtaṃ kammaṃ, pāṇātipātā virativasena pavattitakammanti attho. **Dīghāyukasamvattanikaṃ hoti** vipākassa kammaṃ sarikkhabhāvato. **Iminā nayanāti** iminā appāyukadīghāyukasamvattanikesu kammesu yathāvuttena taṃsamvattanikavibhāvananayena.

Viheṭṭhanakammādinipīti pi-saddena kodha-issāmanakamaccherathaddha-aviddasubhāvavasena pavattitakammāni saṅgaṇhāti. **Tathevāti** yathā pāṇātipātakammaṃ atthato evaṃ vadati nāmāti vuttam, tattheva **vadamānāni viya**. “Yaṃ yadevātipatthenti, sabbametena labbhatī”ti¹ vacanato yathā sabbakusalaṃ sabbāsam sampattīnam upanissayo, evaṃ sabbam akusalaṃ sabbāsam vipattīnam upanissayoti “**upapīlanena nibbhogataṃ āpādetvā**”ti-ādi

1. Khu 1. 10 piṭṭhe.

vuttaṃ. Tathā hi pāṇātipātakammavasena pi ayaṃ nayo dassito.

Aviheṭhanādīnīti ettha **ādi**-saddena akkodhana-anissāmanadāna-anatimānaviddasubhāvena pavattakammāni saṅgaṇhāti.

293. Issā mano etassāti **issāmanakoti** āha “**issāsampayuttacitto**”ti.

Upakkosantoti akkosavatthūhi akkosanto. **Issaṃ bandhatī**ti issaṃ anubandhati issāsahitameva cittaṃ anupavatteti. **Appesakkhoti** appānubhāvo appaññāto. Tenāha “**na paññāyati**”ti. Sā panassa appānubhāvataṃ parivārābhāvena pākaṭā hotīti āha “**appaparivāro**”ti.

294. **Macchariyavasena na dātā hotīti** sabbaso deyyadhammassa abhāvena na dātā na hoti. Amaccharī hi puggalo sati deyyadhamme yathārahaṃ detiyeva.

295. Abhivādetabbaṃ khattavasena matthakappattaṃ dassetuṃ “**buddhaṃ vā**”ti-ādi vuttaṃ. Aññepi mātupitujēṭṭhabhātarādayo abhivādanādi-arahā santi, tesu thaddhādivasena karaṇaṃ nīcakulasamvattanikameva. Na hi pavatte sakkā kātunti sambandho. Tena pavattivipākadāyino kammassa visayo esoti dasseti. Tenāha “**paṭisandhimeva panā**”ti-ādi.

296. **Aparipucchanenāti** aparipucchāmattena niraye na nibbattati, aparipucchāhetu pana kattabbākaraṇādīhi siyā nirayanibbattīti pāḷiyaṃ “na paripucchitā hotī”ti-ādi vuttanti dassento “**aparipucchako panā**”ti-ādimāha. **Yathānusandhiṃ pāpesīti** desanaṃ yathānusandhiniṭṭhānaṃ pāpesi. Sesāṃ vuttanayattā suviññeyyameva.

Cūḷakammavibhaṅgasuttavaṇṇanāya līnatthappakāsānā samattā.

6. Mahākammavibhaṅgasuttavaṇṇanā

298. Kammassa moghabhāvo nāma phalena tucchatā phalābhāvoti āha “**moghanti tucchaṃ aphalan**”ti. **Tathaṃ bhūtaṃ**ti saccasaddassa atthamāha.

Paribbājako pana “saccan”ti iminā tameva saphalanti vadati. Saphalaṃ hi kammaṃ satthu abhimatamanokammanti adhippāyo. **Idaṅca** “moghaṃ kāyakammaṃ”ti-ādi vacanaṃ. **Taṃ gahetvāti** paramparāya gahetvā. **Esāti** potaliputto paribbājako. **Abhisāññānirodhakathaṃ sandhāya vadati.** Sāpi hi titthiyānaṃ antare pākaṭā jātāti. **Theroti** samiddhitthero. Yathā bhagavatā vuttaṃ, tato ca aññathāva dosāropanabhayena¹ gahetvā tato bhagavantaṃ thero rakkhatīti adhippāyena paribbājako “parirakkhitabbaṃ maññissatī”ti avocāti āha “**parirakkhitabbanti garahato mocanena rakkhitabban**”ti. Sañcetanā assa atthīti **sañcetanikaṃ.** **Kammanti** sañcetanikassapi kammaassa attano samaye icchitattā paribbājakena vuttaṃ.

Saṅkhatasaṅkhārātāya rūpameva “**tilamattampi saṅkhāran**”ti vuttaṃ. Tenāha “**maṅcakkhunāva passatī**”ti. **Samāgamadassanaṃ sandhāyāti** katthacipi tassa dassanaṃ sandhāya, na pariññādassanaṃ. Tenāha bhagavā “kuto panevarūpaṃ kathāsallāpan”ti.

299. **Vatṭadukkhanti** saṃsāradukkhāṃ. **Kilesadukkhanti** kilesasambhavarāgapariḷāhadukkhāṃ. **Saṅkhāradukkhanti** yadaniccaṃ, taṃ dukkhanti evaṃ vuttadukkhāṃ. **Sace bhāsitaṃ bhaveyyāti** imaṃ idisaṃ dukkhāṃ sandhāya āyasmatā samiddhinā bhāsitaṃ siyā nu bhagavā, avibhajitvā byākaraṇaṃ yuttamevāti adhippāyo.

300. **Ummaṅganti** ummujjanaṃ, kathāmuḷhena² antarā aññāṇavisayapañhā³ ummaṅgaṃ. Tenāha “**pañhā-ummaṅgan**”ti. **Neva dibbacakkhunāti** kasmā vuttaṃ. Na hi taṃ ayoniso ummujjanaṃ dibbacakkhuvisayanti? Kāmaṃ cetāṃ na dibbacakkhuvisayaṃ, dibbacakkhuparihaṇḍañāṇavisayaṃ pana siyāti tathā vuttaṃ. **Adhippāyenevāti** udāyittherassa adhippāyeneva gayhamānena taṃ ayoniso ummujjanaṃ aññāsi. **Sannisīdituṃ** pubbe nisinnākārena sannisīdituṃ **na sakkoti.** Samiddhittherena anabhisaṅkhatasseva atthassa kathitattā “**yaṃ abhūtaṃ, tadeva kathessatī**”ti vuttaṃ. Tenāha “ayoniso ummujjissatī”ti. **Tisso vedanā pucchitā** “kiṃ so vediyatī”ti avibhāgena vediyamānassa jotitattā. Sukhāya vedanāya hitanti **sukhavedaniyaṃ.**

1. Dosāropanavasena (Ka)

2. Yathālaṭṭhena (Ka)

3. Aññeyyavisesaññāya (Ka)

Tenāha “**sukhavedanāya paccayabhūtan**”ti. **Sesesūti** “dukkhavedaniyan”ti-ādīsu.

Heṭṭhā tikajjhānacetanāti ettha “kusalato”ti adhikārato rūpāvacarakusalato heṭṭhā tikajjhānacetanāti attho. **Etthāti** etesu kāmāvacararūpāvacarasukhavedaniyakammesu. **Adukkhamasukhampīti pi-**saddeha iṭṭhārammaṇe sukhampīti imamattamaṃ sampiṇḍeti.

Yadi kāyadvāre pavattato aññattha adukkhamasukhamaṃ janeti, atha kasmā “dukkhasseva jananato”ti vuttanti āha “**sā pana vedanā**”ti-ādi.

Catutthajjhānacetanāti ettha arūpāvacarakusalacetanātipi vattabbaṃ. Yathā hi “kāyena vācāya manasā”ti ettha yathālābhaggahaṇavasena manasā sukhavedaniyaṃ adukkhamasukhavedaniyanti ayamatto arūpāvacara-kusalepi labbhatīti sukhampi janeti ukkaṭṭhassa ñāṇasampayuttakusalassa soḷasavipākacittanibbattanato, ayañca nayo heṭṭhā “**adukkhamasukhampī**”ti etthāpi vattabbo. Pubbe pariyāyato dukkhavedanā vuttā, suttantasamvaṇṇanā hesāti idāni nippariyāyato puna dassetuṃ “**apicā**”ti-ādi vuttaṃ. Tena ettha dukkhavedaniyaṃ pavattivaseneva vaṭṭatīti. **Etassāti** dukkhavedaniyassa pavattivaseneva yujjamānattā etassa vasena sabbaṃ sukhavedaniyaṃ adukkhamasukhavedaniyañca pavattivaseneva vattuṃ vaṭṭati.

Ālayoti abhiruci. **Mahākammavibhaṅgañāṇanti** mahati kammavibhajane ñāṇaṃ, mahantaṃ vā kammavibhajanañāṇaṃ. Bhājanaṃ nāma niddeso, ayaṃ pana uddesoti katvā āha “**katame cattāro -pa- mātikāṭṭhapanan**”ti.

301. **Pāṭiyekko anusandhi** yathā-uddiṭṭhassa mahākammavibhaṅga-ñāṇassa abhājanabhāvato, pucchānusandhi-ajjhāsayaṇanusandhīsu ca anantogadhattā. Tenāha “**idaṃ hī**”ti-ādi. **Idaṃ ārammaṇaṃ katvāti** idha “pāṇātipātīnaṃ adinnādāyinaṃ”ti-ādīnaṃ puggalādhiṭṭhānena vuttaṃ kammavibhaṅgaṃ ārabha. **Imaṃ paccayaṃ labhitvāti** tasseva vevacanaṃ. **Idaṃ dassanaṃ gaṇhantīti** idaṃ “atthi kira bho pāpakāni kammāni, natthi kira bho pāpakāni kammāni”ti ca ādīni hatthidassaka-andhā viya diṭṭhamatte eva ṭhatvā acittakadassanañca gaṇhanti. Vīriyaṃ kilesānaṃ ātāpanavasena **ātappaṃ**, tadeva padahavasena

padhānaṃ, punappunaṃ yuñjanavasena **anuyogo**, tathā bhāvanāya nappamajjati etenāti **appamādo**, sammā yoniso manasi karoti etenāti **sammāmanasikāro**ti vuccatīti adhippāyena “**pañcapi vīryasseva nāmāni**”ti āha. **Appamādo** vā satiyā avippavāso. Yasmim manasikāre sati tassa dibbacakkhuññaṃ ijjhati, ayamettha sammāmanasikāro ettha attho daṭṭhabbo. **Cetosamādhinti** dibbacakkhuññasahagataṃ cittasamādhim. Tenāha “**dibbacakkhusamādhin**”ti. **Aññathā**ti akusalakammakaraṇato aññathā, taṃ pana kusalakammakaraṇaṃ hotīti āha “**ye dasannaṃ kusalānaṃ kamma pathānaṃ pūritattā**”ti. **Diṭṭhithāmenā**ti diṭṭhivasena diṭṭhibalena. **Diṭṭhiparāmāsenā**ti diṭṭhivasena dhammasabhāvaṃ atikkamitvā parāmāsenā. **Adhiṭṭhahitvā**ti “idameva saccaṃ, moghamaññaṃ”ti adhiṭṭhāya abhinivisitvā. **Ādiyitvā**ti daḥhaggāhaṃ vahetvā. **Voharatī**ti attano gahitaggahaṇaṃ paresaṃ dīpento voharati.

302. **Tatrānandā**ti ettha iti-saddo ādi-attho. **Idampī**ti idaṃ vacanaṃ, “tatrānandā”ti evamādivacanampīti attho. **Na mahākammavibhaṅgaññaṇassa bhājanaṃ** tassa aniddesabhāvato. **Assā**ti mahākammavibhaṅgaññaṇassa **mātikāṭṭhapanameva** dibbacakkhukānaṃ samaṇabrāhmaṇānaṃ vasena anuññātabbassa ca dassanavasena uddesabhāvato. Tenāha “**ettha panā**”ti-ādi. Tatha **ettha panā**ti “tatrānandā”ti-ādipāṭhe. **Etesaṃ dibbacakkhukānanti** etesaṃ heṭṭhā catūsopi vāresu āgatānaṃ dibbacakkhukānaṃ. **Ettakā**ti ekacchiyā saccagirā. **Anuññātā**ti anujānitā. **Ananuññātā**ti paṭikkhepitā. Idha ananuññātamukhena dīpitaṃ ananuññātabhāvamattaṃ. **Tatrānandā**ti-ādike **tatrā**ti niddharāṇe bhumanti dassento “**tesu catūsu samaṇabrāhmaṇesu**”ti āha. **Idaṃ vacanaṃ** “atthi kira bho -pa- vipāko”ti idaṃ evaṃ vuttaṃ. **Assā**ti tathāvādino samaṇabrāhmaṇassa. **Aññenākārenā**ti “yo kira bho”ti-ādinā vuttakāraṇato aññena kāraṇena. **Dvīsu ṭhānesū**ti “atthi kira bho -pa- vipāko”ti ca, “apāyaṃ -pa- nirayaṃ upapannaṃ”ti ca imesu dvīsu pāṭhamadesesu. **Anuññātā** tadatthassa atthibhāvato. Imesu dvīsu pāṭhapadesesu. **Anuññātā** tadatthassa atthibhāvato. **Tīsu ṭhānesū**ti “yo kira bho -pa- nirayaṃ upapajjati”, “yampi so -pa- te sañjānanti”, “yampi so yadeva -pa- moghamaññaṃ”ti

imesu tīsu pāṭhapadesesu. **Ananuññātā** tadatthassānekantikattā micchābhinivesato ca. Tenāha bhagavā “aññathā hi Ānanda tathāgatassa mahākammavibhaṅgañāṇan”ti. Yathā te appahīnavipallāsā padesaññāṇasamaṇabrāhmaṇā kammavibhaṅgaṃ sañjānanti, tato aññathāva sabbaso pahīnavipallāsassa tathā āgamanādi-atthena Tathāgatassa sammāsambuddhassa mahākammavibhaṅgañāṇaṃ hotīti attho.

303. Iminā dibbacakkhukena yaṃ kammaṃ karonto diṭṭho, tato pubbeti yojanā. **Tatoti** tato kariyamānakammato pubbe. **Khandoti** kumāro. **Sivoti** issaro. **Pitāmahoti** brahmā. **Issarādīhi**ti issarabrahmapajāpati-ādīhi. **Visatṭhoti** nimmito. **Micchādassanenāti** micchādassanasena. **Yanti** yaṃ kammaṃ. **Tatthāti** tesu pāṇātipātādivasena pavattakammesu. **Diṭṭheva dhammeti** tasmiṃyeva attabhāve vipākaṃ paṭisaṃvedetīti yojanā. **Upapajjivāti** dutiyabhāve nibbattivā. **Aparasmim pariyāyeti** aññasmim yattha katthaci bhāve.

Ekam kammarāsinti pāṇātipātādibhedena ekam kammamudāyaṃ. **Ekam vipākarāsinti** tasseva añgena ekam vipākasamudāyaṃ. **Imināti** yathāvuttena dibbacakkhukena samaṇena brāhmaṇena vā adiṭṭhā. **Tayoti** “pubbe vāssa taṃ kataṃ hotī”ti-ādinā vuttā tayo. **Dve vipākarāsīti** diṭṭhadhammavedaniyo aparāpariyāyavedaniyoti dve vipākarāsī. Upapajjavedaniyaṃ pana tena diṭṭhaṃ, tasmā “dve”ti vuttaṃ. Diṭṭho eko, adiṭṭhā tayoti **diṭṭhe ca adiṭṭhe ca cattāro kammarāsī**, tathā diṭṭho eko, adiṭṭhā dveti **tayo vipākarāsī**. **Imāni satta ṭhānānīti** yathāvuttāni satta ñāṇassa pavattanaṭṭhānāni. “Imassa nāma kammassa idaṃ phalaṃ nibbattan”ti kammassa, phalassa vā adiṭṭhattā “**dutiyavāre dibbacakkhukena kiñci na diṭṭhan**”ti vuttaṃ. Paṭhamaṃ vuttanayena tayo kammarāsī veditabbā, idha dibbacakkhukena diṭṭhassa abhāvato “**paccattaṭṭhānānī**”ti vuttaṃ.

Bhavati vaḍḍhati etenāti bhabbam, vaḍḍhinimittam. Na bhabbam **abhābanti** āha “**bhūtavirahitan**”ti. Attano phale bhāsanam dibbanam **ābhāsananti** āha “**ābhāsati abhibhavati paṭibāhatī**”ti. **Balavakammanti** mahāsāvajjam kammaṃ garusamāsevitādibhedam. **Āsanneti** maraṇe, abhiṇham upaṭṭhānena

vā tassa maraṇacittassa **āsanne**. **Balavakammanti** garusamāsevitatādivasena valavaṃ kusalakammaṃ. **Dubbalakammassāti** attano dubbalassa. **Āsanne kusalaṃ katanti** idhāpi āsannatā pubbe vuttanayeneva veditabbā.

Upaṭṭhānākārenāti maraṇassa āsannakāle kammaṃ upaṭṭhānākārena. **Tassāti** tassa puggalassa. Nibbattikāraṇabhūtaṃ hutvā upaṭṭhāti akusalanti yojanā. Titthiyā kammantaravipākantaresu akusalatāya yaṃ kiñci kammaṃ yassa kassaci vipākassa kāraṇaṃ katvā gaṇhanti hatthidassaka-andhādayo viya diṭṭhamattābhinivesinoti “**aññatitthiyā -pa- upaṭṭhātī**”ti vuttaṃ. **Itarasminti** bhabbāñceva bhabbābhāsañca, bhabbam abhabbābhāsanti imasmim dvaye. **Eseva nayo** paṭhamadutiyapuggalavasena purimānaṃ dvinnam kammānaṃ yojanānayo vutto upaṭṭhānākāravasena ayemeva tatiyacatutthapuggalavasena pacchimānaṃ dvinnam kammānaṃ yojanānayo. Tatiyassa hi kammaṃ kusalattā tassa ca sagge nibbattattā tattha kāraṇabhūtaṃ kusalaṃ hutvā upaṭṭhāti, tathā catutthassapi kammaṃ kusalattā, tassa pana niraye nibbattattā tattha nibbattikāraṇabhūtaṃ aññatitthiyānaṃ akusalaṃ hutvā upaṭṭhātīti. Yaṃ panettha atthato avibhattam, tam suviññeyyameva.

Mahākammavibhaṅgasuttavaṇṇanāya līnatthappakāsanā samattā.

7. Saḷāyatanaṃ vibhaṅgasuttavaṇṇanā

304. **Veditabbānīti** ettha yathā viditāni cha ajjhattikāni āyatanāni vaṭṭadukkhasamatikkāmāya honti, tathā vedanaṃ adhippetanti āha “**sahavipassanena maggena jānitabbānī**”ti. Tattha vipassanāya ārammaṇato maggena asammohato jānanaṃ daṭṭhabbam. Sesapadesupi eseva nayo. Mano savisesaṃ upavicarati ārammaṇe pavattati etehīti **manopavicārā**, vitakkavicārā. Ārammaṇe hi abhiniropanānumajjanehi vitakkavicārehi saha cittam pavattati, na tabbiraḥitaṃ. Tenāha “**vitakkavicārā**”ti-ādi. Sattā pajjanti etehi yathārahaṃ vaṭṭam vivaṭṭaṅcāti

sattapadā, gehanissitā vaṭṭapadā. Yoggānaṃ damana-ācariyā **yoggācariyā**. Tenāha “**dametabbadamakānaṃ**”ti. **Sesanti** vuttāvasesaṃ ekasattatividhaviññāṇaṃ saphassarūpakasseva adhippetattā.

305. **Idhāti** imissaṃ chaviññāṇakāyadesanāyaṃ. Manodhātuttayavinimuttameva manoviññāṇadhātūhi veditabbaṃ.

Cakkhumhi samphassoti cakkhum nissāya uppanno samphasso. Tenāha “**cakkhuviññāṇasampayuttasamphassassetam adhivacanaṃ**”ti.

Yathā kevalena viññāṇena rūpadassanaṃ na hoti, evaṃ kevalena cakkhupasādenapīti vuttaṃ “**cakkhuviññāṇenā**”ti. Tena pāḷiyaṃ **cakkhunāti** nissayamukhena nissitakiccaṃ vuttanti dasseti. **Ārammaṇavasenaṃ** ārammaṇapaccayabhāvena. “Upavicarati”cceva kasmā vuttaṃ, nanu tattha vitakkabyāpāropi atthīti? Saccam atthi, so panettha taggatikoti āha “**vitakko taṃsampayutto cā**”ti. Sampayuttadhammānampi upavicaraṇaṃ vitakkavicārānaṃyevettha kiccanti “**vitakkavicārasaṅkhātā manopavicārā**”ti vuttaṃ. Somanassayutto upavicāro **somanassūpavicāro** yathā “ājaññaratho”ti āha “**somanassena saddhin**”ti-ādi.

306. Upavicārānaṃ upassayaṭṭhena gehaṃ viyati gehaṃ, rūpādayoti āha “**gehassitānīti kāmagaṇanissitānī**”ti. Niccasaññādinikkhamaṇato nekkhammaṃ vipassanāti “**nekkhammassitānīti vipassanānissitānī**”ti vuttaṃ. **Iṭṭhānanti** kasivaṇijjādivasena pariyaṭṭhānanti āha “**pariyesitānaṃ**”ti. Piyabhāvo pana kantasaddeneva kathitoti kāmītābbaṇaṃ mano rametīti **manoramānaṃ**. Lokena āmasīyatīti **lokāmisam**, taṇhā tāya gahetabbatāya iṭṭhabhāvāpādanena paṭisaṅkhatatāya ca **paṭisamyuttānaṃ**. **Atīte katham uppajjati** ārammaṇika-anubhavanassa asamभवatoti adhippāyo. Edisaṃ anussaraṇaṃ diṭṭhaggaṇānussarena ca hotīti dassetuṃ “**yathāhan**”ti-ādi vuttaṃ.

Aniccākāraṇti hutvā abhāvākāraṃ. **Vipariṇāmaṃvirāgaṇirodhanti** jarāya maraṇena cāti dvedhā vipariṇāmetabbañceva, tato eva palokitaṃ bhaṅgaṇca. Aṭṭhakathāyaṃ pana yasmā uppannaṃ rūpaṃ tenevākārena na

tiṭṭhati, atha kho uppādāvattḥāsaṅkhātāṃ pakatim vijahati, vijahitaṅca jarāvattḥāya tato vigacchati, vigacchantaṅca bhaṅguppattiyā nirujjhatīti imāṃ viśesaṃ dassetum “**pakativijahanenā**”ti-ādi vuttam. Kāmañcetha “yathābhūtaṃ sammappaññāya passato”ti vuttam, anubodhaññāṇaṃ pana adhippetāṃ vīthipaṭipannāya vipassanāya vasesāti “**vipassanāpaññāyā**”ti vuttam upavicāraniddesabhāvato. Tathā hi vakkhati “chasu dvāresu iṭṭhārammaṇe āpāthagate”ti-ādi. **Saṅkhārānaṃ bhedaṃ passatoti** sabbesaṃ saṅkhārānaṃ khaṇe khaṇe bhijjanasabhāvāṃ vīthipaṭipannena vipassanāññāṇena passato. Tenāha “**saṅkhāragatamhi tikkhe**”ti-ādi. Tattha **saṅkhāragatamhīti** saṅkhāragate viśayaabhūte. **Tikkheti** bhāvanābalena indriyānaṅca samatāya tibbe. **Sūreti** paṭipakkhehi anabhibhūtatāya, tesaṅca abhibhavasamatthatāya viśade paṭubhūte pavattante.

Kilesānaṃ vikkhambhanavasena vūpasantatāya **santacittassa**, saṃsāre bhayassa ikkhanato **bhikkhuno**, uttarimanussadhammasannissitattā **amānusi ratīti** vivekarati nekkhammarati. **Yato yatoti** yathā yathā nayavipassanādīsū yena yena sammasanākārenāti attho. **Khandhānaṃ udayabbayanti** pañcapādānakkhandhānaṃ uppādaṅca bhaṅgaṅca. **Amatantaṃ vijānanti** vijānantānaṃ viññūnaṃ āraddhavipassanānaṃ taṃ pītipāmojjaṃ amatādhihamahetutāya amatanti veditabbaṃ.

Chasu dvāresu iṭṭhārammaṇe āpāthagateti rūpādivasena chabbidhe iṭṭhārammaṇe yathārahaṃ chasu dvāresu āpāthagate. Viśaye cetāṃ bhumnavacanaṃ.

307. **Paccuppananti** santatipaccuppannaṃ. **Anuttaravimokkho nāma arahattaṃ** idha adhippetāṃ ukkaṭṭhaniddesena. Kathaṃ pana tattha piṭaṃ upaṭṭhapeti, na hi adhigataṃ arahattaṃ ārammaṇaṃ hoti, na ca taṃ ārabha piḥā pavattatīti? Ko vā evamāha “arahattaṃ ārammaṇaṃ katvā piḥāṃ upaṭṭhapeti”ti. Anussutiladdhaṃ pana parikkappasiddhaṃ arahattaṃ uddissa patthanaṃ ṭhapeti, tattha cittaṃ paṇidhati. Tenāha bhagavā “kudāssu nāmāhaṃ tadāyatanāṃ upasampajja viharissāmī”ti. **Āyatananti** arahattameva chaḷaṅgasamannāgamādikāraṇabhāvato, manāyatanadhammāyatanabhāvato ca tathā vuttam, taṃ panetaṃ

domanassam patthanam paṭṭhapentassa uppajjati patthanāya sahāvattanato. Na hi lobhadosānam saha vutti atthi. **Patthanāmūlakattā**ti iminā upaṭṭhāpayato padassa hetu-atthajotakatamāha. **Evanti** “kudāssu nāmā”ti-ādinā vuttākārena. **Ussukkāpetunti** yathā maggena ghaṭeti, evam ussukkāpetum.

308. **Aññānupekkhāti** aññānasahitā upekkhā asamapekkhanapavattā. Tena tena maggodhinā tassa apāyagamanīyakilesodhissa anavasesato jitattā khīṇāsavo nippariyāyato odhijino nāma, tadabhāvato puthujjano nippariyāyato anodhijino nāma, sekho pana siyā pariyāyato odhijinoti tampi nivattento “**akhīṇāsavassāti attho**”ti āha. **Āyatim vipākam jinitvāti** appavattikaraṇavasena sabbaso āyatim vipākam jinitvā ṭhitattā khīṇāsavova nippariyāyato vipākajino nāma, tadabhāvato puthujjano nippariyāyato avipākajino nāma, sekho pana siyā pariyāyato vipākajinoti tampi nivattento “**akhīṇāsavassevāti attho**”ti āha. Apassantassa rūpanti pālito padaṃ ānetvā sambandhitabbaṃ. Pāliyaṃ pubbe “puthujjanassā”ti vatvā puna “assutavato puthujjanassā”ti vacanam andhaputhujjanassāyaṃ upekkhā, na kalyāṇaputhujjanassāti dassanattham. Gehassitā upekkhā hi yaṃ kiñci ārammaṇavatthum apekkhasseva, na nirapekkhassāti iṭṭhe, iṭṭhamajjhatte vā ārammaṇe siyāti vuttam “**iṭṭhārammaṇe āpāthagate**”ti. Aññāṇena pana tattha ajjupekkhanākārappatti hoti. Tenāha “**gulapiṇḍake**”ti-ādi.

Iṭṭhe arajjantassa anīṭṭhe adussantassāti idam yebhuyyena sattānam iṭṭhe rajjanam, anīṭṭhe dussananti katvā vuttam. Ayonisomanasikāro hi taṃtaṃārammaṇavasena na katthacipi javananiyamam karotīti vuttaviparītepi ārammaṇe rajjanadussanam sambhavati, tathāpissa rajjanadussanam atthato paṭikkhittamevāti daṭṭhabbam. **Asamapekkhaneti** asamaṃ ayuttadassane ayoniso sammohapubbakam ārammaṇassa gahaṇe.

309. **Pavattanavasenāti** uppādanavasena ceva bahulīkaraṇavasena ca. **Nissāya ceva āgamma cāti** āgamaṇaṭṭhānabhūte nissayapaccayabhūte

ca katvā. **Atikkantāni nāma honti** vikkhambhanena ussārentā samussārentā.

Somanassabhāvasāmaññaṃ gahetvā “**sarikkhakeneva sarikkhakam jahāpetvā**”ti vuttaṃ. Idhāpi pahāyakam nāma pahātabbato balavameva, saṅkilesadhammānaṃ balavabhāvato sātisayam pana balavabhāvaṃ sandhāya “**idāni balavatā**”ti-ādi vuttaṃ. Balavabhāvato vodānadhammānaṃ adhigamassa adhippetattā hettha nekkhammassitadomanassānampi pahānaṃ jotitaṃ.

Upekkhāya pahāyakabhāvena adhippetattā “**upekkhākathā veditabbā**”ti vuttaṃ. Jhānassa alābhino ca lābhino ca pakiṇṇakasaṅkhārasammasanaṃ sandhāya “**suddhasaṅkhāre ca pādake katvā**”ti. **Upekkhāsahagatā** bhāvanāya paṇṇabhāvaṃ āgamma kadāci ajjupekkhanavasena hi sammasanaṃ hotīti. Pādakajjhānavasena, sammasitadhammavasena vā āgamanavipassanāya bahulaṃ somanassasahagatabhāvato “**vuṭṭhānagāminī pana vipassanā somanassasahagatāvā**”ti niyametvā vuttaṃ. **Upekkhāsahagatā** hotīti etthāpi eseva nayo. **Catutthajjhānādīnīti ādi**-saddena arūpajjhānāni saṅgaṇhāti. **Purimasadisāvāti** purimasadisā eva, upekkhāsahagatā vā hoti somanassasahagatā vāti attho. **Idam sandhāyāti** yaṃ catutthajjhānādīpādakato eva upekkhāsahagataṃ vuṭṭhānagāminivipassanaṃ nissāya somanassasahagatāya vipassanāya pahānaṃ, idam sandhāya. **Pahānanti** cettha samatikkamalakkhaṇaṃ veditabbaṃ.

Etam visesam vipassanāya āvajjanaṭṭhānabhūtaṃ¹. Vuṭṭhānagāminiyā āsanne samāpannajjhānavipassanā pādakajjhānavipassanā, sammasitadhammoti **vipassanāya ārammaṇabhūtā khandhā**. **Puggalajjhāsayoti** pādakajjhānassa sammasitajjhānassa ca bhede sati paṭipajjanakassa puggalassa “aho vata mayham pañcaṅgikam jhānaṃ bhavēyya caturaṅgikan”ti-ādīnā pubbe pavatta-ajjhāsayo. **Tesampi vādeti** ettha paṭhamatheravāde. **Ayameva -pa- niyame**ti tato tato dutiyādīpādakajjhānato uppannassa saṅkhārupekkhāñānassa

1. Avijjāṭṭhānabhūtaṃ āviñjhaṭṭhānabhūtaṃ (Ka)

pādakajjhānātikkantānaṃ aṅgānaṃ asamāpajjitukāmatā
virāgabhāvanābhāvato itarassa ca atabbhāvato. Eteneva hi paṭhamatheravāde
apādakapaṭhamajjhānapādakamaggā paṭhamajjhānikāva honti, itare ca
dutiyaajjhānikādimaggā pādakajjhānavipassanāniyamehi taṃtaṃjjhānikāva.
Evaṃ sesavādesupi vipassanāniyamo yathāsambhavaṃ yojetabbo. Tenāha
“tesampi vāde ayameva pubbhāge vuṭṭhānagāminivipassanāva
niyametī”ti. **Vuttāva**, tasmā na idha vattabbāti adhippāyo.

310. **Nānattāti** kāmāvacarādikusalādivibhāgato nānāvīdhā. Tenāha
“**anekappakārā**”ti. **Nānattasitāti** rūpasaddādinānārammaṇanissayā. **Ekattā**
ekasabhāvā jātibhūmi-ādivibhāgābhāvato. **Ekārammaṇanissitāti**
ekappakāreneva ārammaṇe pavattā. **Heṭṭhā aññānupekkhā vuttā** “bālassa
muḷhassā”ti-ādinā¹. **Upari chaḷaṅgupekkhā vakkhati** “upekkhako viharatī”ti-
ādinā². **Dve upekkhā gahitā** dvinnampi ekattā, ekajjhaṃ gahetabbato,
nānattasitāya upekkhāya pakāsītābhāvato ca.

Aññānupekkhā aññā saddādāsi tattha tattheva vijjamaṇattā. **Rūpesūti** ca
iminā na kevalaṃ rūpāyatanavisesā eva gahitā, atha kho kaṣiṇarūpānipīti
āha “**rūpe upekkhābhāvaṅca aññā**”ti-ādi. Ekattasītābhāvopi idha
ekattavisayasampayogavaseneva icchito, na ārammaṇavasena cāti dassetuṃ
“**yasmā panā**”ti-ādi vuttaṃ. Tenevāha “**tatthā**”ti-ādi. **Sampayuttavasenāti**
sampayogavasena. Ākāśānañcāyatanaṃ nissayatīti **ākāsānañcāyatananissitā**,
ākāsānañcāyatanakhandhanissitā. **Sesāsupīti** viññāṇañcāyatananissitādisupi.

Arūpāvacaravipassanupekkhāyāti arūpāvacaradhammārammaṇāya
vipassanupekkhāya. **Rūpāvacaravipassanupekkhanti** etthāpi eseva nayo.
Tāya kāmarūpārūpabhedāya taṇhāya nibbattāti tammayā,
tebhūmakadhammā, tesam bhāvo **tammayatā**, taṇhā, yassa guṇassa vasena
atthe saddaniveso, tadabhidhānakoti āha “**tammayatā nāma**

1. Ma 3. 261 piṭṭhe.

2. Ma 3. 264 piṭṭhe.

taṇhā”ti. **Atammayatā** tammayatāya paṭipakkhoti katvā. **Vipassanupekkhanti** “yadatthi yaṃ bhūtaṃ, taṃ pajahati upekkhaṃ paṭilabhatī”¹ti¹ evamāgataṃ saṅkhāravicinane majjhatabhūtaṃ upekkhaṃ.

311. **Yadariyoti** ettha **da-kāro** padasandhikaro, upayogaputhuvacane ca **ya-saddoti** dassento “**ye satipaṭṭhāne ariyo**”ti āha. Kāmaṃ “ariyo”ti padaṃ sabbesampi paṭividdhasaccānaṃ sādharmaṇaṃ, vakkhamānassa pana visesassa buddhāveṇikattā “**ariyo sammāsambuddho**”ti vuttaṃ. Na hi paccekabuddhādīnaṃ ayamānubhāvo atthi. **Tīsu ṭhānesūti** na sussūsantīti vā, ekacce na sussūsanti ekacce sussūsantīti vā, sussūsantīti vā paṭipannāpaṭipannānaṃ sāvakānaṃ paṭipattisaṅkhātesu tīsu satipaṭṭhānesu. **Satiṃ paṭṭhapentoti** paṭighānunaṃyehi anavassutattā tadubhayanivattattā sabbadā satiṃ upaṭṭhapento. Buddhānameva sā niccaṃ upaṭṭhitasatitā, na itaresaṃ āveṇikadhamabhāvato. Ādarena sotumicchā idha sussūsāti tadabhāvaṃ dassento “**saddahitvā sotaṃ na icchantī**”ti āha. **Na aññāti** “na aññāyā”ti vattabbe yakāralopena niddesoti āha “**na jānanatthāyā**”ti. Sattu ovādassa anādiyanaṃ eva **vokkamananti** āha “**atikkamitvā -pa- maññanti**”ti.

Gehassitadomanassavasenāti idaṃ idha paṭikkhipitabbamattadassanapadaṃ daṭṭhabbaṃ. Nekkhammassitadomanassassapi satthu pasaṅgavasena “na ceva attamaṇo hotī”ti attamaṇapaṭikkhepena anattamaṇatā vuttā viya hotīti taṃ paṭisedhento “**appatīto hotīti na evamattho daṭṭhabbo**”ti. Tassa setughātohi tathāgatānaṃ. Yadi evaṃ kasmā attamaṇatāpaṭikkhepoti āha “**appaṭipannakesu pana anattamaṇatākāraṇassa abhāvenetaṃ vuttan**”ti. **Paṭigha-avassavenāti** chahi dvārehi paṭighavissandanena, paṭighappavattiyāti attho. **Uppilāvitoti** na evamattho daṭṭhabbo uppilāvitattassa bodhimūle eva pahīnattā. **Paṭipannakesūti** idaṃ adhikāravasena vuttaṃ, appaṭipannakesupi tathāgatassa anattamaṇatākāraṇaṃ nattheva. **Etaṃ vuttanti** etaṃ “attamaṇo ceva hotī”ti-ādivacanaṃ

1. Ma 3. 15; Am 2. 450 piṭṭhesu.

vuttaṃ sāvakānaṃ sammāpaṭipattiyā satthu anavajjāya cittārādhanāya sambhavato.

312. **Damitoti** nibbisevanabhāvāpādanena sikkhāpito.

Iriyāpathaparivattanavasena aparivattitvā ekadisāya eva sattadisāvidhānassa idhādhippetattā sārītānaṃ hatthidammādīnaṃ ekadisādhāvanampi anivattanavaseneva yuttanti āha “**anivattitvā dhāvanto ekaṃyeva disaṃ dhāvati**”ti. **Kāyena anivattitvāvāti** kāyena aparivattitvā eva. **Vimokkhavasena aṭṭha disā vidhāvati**, na puratthimādidisāvasena. **Ekappahārenevāti** ekañihāreneva, ekasmimyeva vā divase ekabhāgena. “Pahāro”ti hi divasassa tatiyo bhāgo vuccati. Vidhāvanañcetha jhānasamāpajjanavasena akalaṅkamappatisātaṃ javanacittapavattanti āha “**samā pajjatiyevā**”ti. Sesāṃ suviññeyyameva.

Salāyatanavibhaṅgasuttavaṇṇanāya līnatthappakāsānā samattā.

8. Uddesavibhaṅgasuttavaṇṇanā

313. Desetabbassa atthassa uddisaṇaṃ **uddeso**, vibhajanaṃ **vibhaṅgoti** āha “**mātikañca vibhajanañcā**”ti. **Tuleyyāti**-ādīni cattāripi padāni paññāvevacanāni. Atha vā **tuleyyāti** tulanabhūtāya paññāya tassa dhammassa paggaḥādividhinā parituleyya. **Tīreyyāti** tīraṇabhūtāya paññāya tattha ñāṇakiriyāsamāpanavasena tīreyya. **Pariggaṇheyyāti** tathāsamāpanno ānisaṃse assāda-ādīnave ca vicineyya. **Paricchindeyyāti** paricchindabhūtena ñāṇena atthaṃ paricchinditvā jāneyya. **Ārammaṇesūti** rūpādiputhuttārammaṇesu. **Nikantivasenāti** nikāmanavasena apekkhāvasena. **Tiṭṭhamānanti** pavattamānaṃ. **Gocarajjhatteti** jhānārammaṇabhūte. Taṃ hi bhāvanācittena bhābhuyya avissajjitvā gayhamānaṃ ajjhataṃ viya hotīti “gocarajjhattan”ti vuccati. Bhāvanaṃ āradhassa bhikkhuno yadi bhāvanārammaṇe nikanti uppajjeyya, tāya nikantiyā upari bhāvanaṃ vissajjetvā cittasaṃkocavasena saṅghitaṃ nāma, tadabhāvena **asaṅghitaṃ** nāma hotīti “ajjhattaṃ asaṅghitan”ti vuttanti dassento “**gocarajjhatte nikantivasena**

asaṅghitan”ti āha. Tathā hi vakkhati “nikantivasena hi atīṭṭhamānaṃ hānabhāgiyaṃ na hoti, visesabhāgiyameva hoti”ti. **Aggahetvā**ti rūpādīsu kiñci taṇhādiggāhavasena aggahetvā. Tathā aggahaṇeneva hi taṇhāparitāsādivasena na paritasseyya. **Avasesassa ca dukkhassā**ti sokādidukkhassa. **Avasesassa ca dukkhassā**ti vā jātijarāmarāṇasīsena vipākadukkhassa gahitattā kilesadukkhassa ceva saṃsāradukkhassa cāti attho.

316. Rūpameva kilesupattiyā kāraṇabhāvato **rūpanimittam**. Rāgādivasena taṃ anudhāvatīti **rūpanimittānusārī**.

318. **Nikantivasena asaṅghitanti** apekkhāvasena saṅghitaṃ nikantiṃ pahāya pavattamānaṃ upari visesāvahatoti. Tenāha “**nikantivasena hī**”ti-ādi.

320. **Aggahetvā aparitassanā**ti pañcupādānakkhandhe “etaṃ mamā”ti-ādinā taṇhādiggāhavasena upādiyivā taṇhāparitāsādivasena paritassanā, vuttavipariyāyena aggahetvā aparitassanā veditabbā. **Katham panesā anupādāparitassanā hotī**ti mahātherassa adhippāyaṃ vivarituṃ codanaṃ samuṭṭhapeti. **Upādātābassa abhāvato**ti tassa anupādāparitassanābhāve kāraṇavacanaṃ. **Yadi hī**ti-ādi tassa samatthanam. **Upādāparitassanāva assa** tathā upādātābassa tatheva upādinnattā. **Evanti** niccādi-ākārena. **Upādinnāpī**ti gahitaparāmatṭhāpi **anupādinnāvahonti** ayoniso gahitattā, viññūsu nissāya jānitābattā ca. **Diṭṭhivasenā**ti micchādiṭṭhiyā gahaṇākārasena, tassa pana ayathābhūtagāhitāya paramatthato ca abhāvato. **Atthatoti** paramatthato. **Anupādāparitassanāyeva nāma hoti** upādātābākārassa abhāvena taṃ anupādiyivā eva paritassanāti katvā.

Parivattatīti na tadeva rūpaṃ aññathā pavattam parivattati, atha kho pakatijahanena sabhāvavigamena nassati bhijjati. **Vipariṇatanti** aññathattam gataṃ vinaṭṭham. **Kammaviññānanti** abhisankhāraviññānaṃ. “Rūpaṃ attā”ti-ādimicchāvāhavasena viññānaṃ rūpabhedena vuttassa **bhedānuparivatti hoti**. Vipariṇāmaṃ anugantvā viparivattanataṃ ārabha pavattam vipariṇāmānuparivattam,

tato samuppannā paritassanā **vipariṇāmānuparivattajā paritassanā**ti dassento āha “**vipariṇāmassa -pa- paritassanā**”ti. **Akusaladhammasamuppādā cāti** “yam ahu vata me, tam vata me natthi”ti-ādinā pavattā akusalacittuppādadhammā. **Khepetvāti** pavattitum appadānavasena anuppattinimittatāya khepetvā. **Bhayatāsenāti** bhāyanavasenapi cittutrāsenā. **Taṇhātāsenāti** tassenāna. **Savighātoti** cittavighātanavighātena savighāto. Tato eva cetodukkhena **sadukkho. Maṇikaraṇḍakasāññāyāti** rittakaraṇḍamyeva maṇiparipuṇṇakaraṇḍoti uppannasaññāya. **Aggahetvā paritassanāti** gahetabbassa abhāvena gahaṇampi avijjamānapakkhiyamevāti aggahetvā paritassanā nāma hoti.

321. **Kammaviññāṇameva natthi** sati kammaviññāṇe rūpabhedānuparivatti siyāti kammaviññāṇābhāvadassanamukhena khīṇāsavassa sabbaso kilesābhāvaṃ dasseti. Sesam suviññeyyameva.

Uddesavibhaṅgasuttavaṇṇanāya līnatthappakāsanā samattā.

9. Araṇavibhaṅgasuttavaṇṇanā

323. **Gehassitavasenāti** kilesanissitavasena anurodhavasena. **Neva ukkhipeyyāti** na anuggaṇheyya. **Na avakkhipeyyāti** gehassitavasena virodhavasena na niggaṇheyya. Anurodhena vinā sampahaṃsanavasena yathābhūtaguṇakathanam nevussādanā vajjābhāvato, tathā virodhena vinā vivecanavasena yathābhūtosakathanam na apasādanam. **Sabhāvamevāti** yathābhūtasabhāvameva kassaci puggalassa anādesakaraṇavasena **katheyya** seyyathāpi āyasmā subhūtitthero. **Vinicchitasukhanti** “ajjhataṃ anavajjan”ti-ādinā visesato vinicchitasukhāya hoti. **Parammukhā avaṇṇanti** svāyam rahovādo pesuññūpasamhāravasena pavatto idhādhippetoti āha “**pisuṇavācanti attho**”ti. Khīṇātīti **khīṇo**, yo bhāsati, yañca uddissa bhāsati, dvepi himsati vibādhatīti attho, tam khīṇavādāṃ. Svāyam yasmā kilesehi ākiṇṇo saṃkiliṭṭho eva ca hoti, tasmā vuttaṃ

“**ākiṇṇaṃ saṃkiliṭṭhaṃ vāca**”ti. Tena avasiṭṭhaṃ tividhampi vacīduccaritamāha. **Adhiṭṭhahitvā**ti “idameva saccaṃ”ti ajjhosāya. **Ādāyā**ti paggayha. **Vohareyyā**ti samudācareyya. **Lokasamaññanti** lokasaṅketam.

324. Ārammaṇato sampayogato kāmehi paṭisaṃhitattā **kāmapaṭisaṃdhi**, kāmasukhaṃ. Tenāha “**kāmūpasamhitena sukhenā**”ti. **Sadukkhoti** vipākadukkhena saṃkilesadukkhena sadukkho. **Tathā sapariḷāhoti** vipākapariḷāhena ceva kilesapariḷāhena ca sapariḷāho.

326. Vaṭṭato nissarituṃ adatvā tattheva sīdāpanato micchāpaṭipadābhāvena satte saṃyojetīti saṃyojanam, visesato bhavasamyojanam taṇhāti āha “**taṇhāyetaṃ nāma**”ti. Na taṇhāyeva mānādayopi saṃyojanattam sādheti nāma sabbaso saṃyojanato suṭṭhu bandhanato. Tena vuttam “avijjānīvaraṇānam bhikkhave sattānam taṇhāsamyojanānam”ti¹.

Imaṃ catukkanti “ye kāmapaṭisaṃdhisukhino somanassānuyogaṃ anuyuttā, ye attakilamathānuyogaṃ anuyuttā”ti evamāgataṃ imaṃ catukkam nissāya. “**Etadagge ṭhapito**”ti vatvā tam nissāya ṭhapitabhāvam vitthārato dassetuṃ “**bhagavato hi**”ti-ādi vuttam. **Ussādanā-apasādanā paññāyanti** tathāgatena vinetabbapuggalavasena dhammadesanāya pavattetabbato. **Ayam puggalo -pa- ācārasampannoti vā natthi** paresam anuddesakavasena dhammadesanāya pavattanato.

329. **Parammukhā avaṇṇanti** nindiyassa dosassa nindanam. Na hi kadāci nindiyō pasamsiyo hoti, tam pana kālam ñatvāva kathetabbanti āha “**yuttapattakālam ñatvāvā**”ti. **Khīṇavādepi eseva nayo** tassa rahovādena samānayogakkhamattā.

330. **Ghāṭiyatīti** vadhīyati. **Saddopi bhijjati** nassati, bhedo hotīti attho. **Gelaññappattoti** khedaṃ parissamaṃ patto. **Apalibuddhanti** dosehi ananupatitam.

1. Saṃ 1. 387, 388 piṭṭhesu.

331. **Abhinivissa voharatī**ti evametaṃ, na ito aññathāti taṃ janapadaniruttiṃ abhinivisitvā samudācarati. **Atidhāvananti** samaññaṃ nāmetaṃ lokasaṅketasiddhā paññattīti paññattimatte aṭṭhatvā paramatthato thāmasā parāmassa voharaṇaṃ.

332. **Aparāmasantoti** anabhinivisanto samaññāmetatova **voharati**.

333. **Mariyādabhājanīyanti** yathāvuttasammāpaṭipadāya micchāpaṭipadāya ca aññaṃaññaṃ saṅkarabhāvavibhājanāṃ. Raṇanti sattā etehi kandanti akandantāpi kandanakāraṇabhāvatoti raṇā, rāgadosamohā, dasapi vā kilesā, sabbepi vā ekantākusalā, tehi nānappakāradukkhānibhattakehi abhibhūtā sattā kandanti, saha raṇehīti **saraṇo**. Raṇasaddo vā rāgādirenūsu niruḷho. Tenāha “**sarajo sakilesa**”ti. Pāḷiyāṃ pana “sadukkho eso dhammo”ti-ādinā āgatattā kāmasukhānuyogādayopi “saraṇo”ti vuttāti dukkhādīnaṃ raṇabhāvo tannibhattakasabhāvānaṃ akusalānaṃ saraṇatā ca veditabbā. **Araṇoti**-ādināṃ padānaṃ vuttavipariyāyena attho veditabbo.

Vatthum sodhetīti nirodhasamāpajjanena mahapphalabhāvakaraṇena dakkhiṇeyyavatthubhūtaṃ attānaṃ visodheti, nirodhasamāpattiyā vatthuisodhanaṃ nirodhaṃ samāpajjitvā vuṭṭhitānaṃ paccekabuddhānaṃ Mahākassapaṭtherādīnaṃ dinnadakkhiṇāvisuddhiyā dīpetabbaṃ. Tenāha “**tathā hī**”ti-ādi. **Tathevā**ti iminā “piṇḍāya caranto”ti-ādiṃ upasamharati. Mettābhāvanāya mudubhūtacittabahumānapubbakaṃ dentīti “Subhūtitthero dakkhiṇaṃ visodhetī”ti vuttaṃ. Tena dāyakatopi dakkhiṇāvisuddhiṃ dasseti vatthusodhanaṃ pana paṭibhāgato. **Evam pana kātuṃ sakkā**ti sāvakānampi kimevaṃ lahuvuṭṭhānādhiṭṭhānaṃ sāvakesu ciṇṇavasābhāvo sambhavatīti pucchati. Itaro aggasāvakamahāsāvakesu kiṃ vattabbaṃ, pakatisāvakesupi vasippattesu labbhatīti te dassento “**āma sakkā**”ti-ādimāha. Sesāṃ suviññeyyameva.

Araṇavibhaṅgasuttavaṇṇanāya līnatthappakāsanā samattā.

10. Dhātuvubhaṅgasuttavaṇṇanā

342. Aparikkhīṇāyukaṃ pukkusātikulaputtaṃ uddissa gamananti katvā vuttaṃ “**turitagamanacārikan**”ti. Mama vāsupagamanena tava cittaṣṣa aphāsukaṃ aniṭṭhaṃ **sace natthi**. Soti pubbupagato. **Dinnaṃ dinnameva vaṭṭatī**ti ekavāraṃ dinnam dinnameva yuttaṃ, na puna dātabbanti adhippāyo. **Kataṃ katamevā**ti saṅghatthaṃ kataṃ anucchavikakammaṃ katameva, na taṃ puna viparivattetabbanti adhippāyo.

Pukkusātimhi ubhayathāpi kulaputtabhāvo paripuṇṇo evāti āha “**jātikulaputtopi ācārakulaputtopi**”ti. **Tatrā**ti tasmim takkaṣilato āgamane. **Anke nipannadāraḥkaṃ viya janam toseti tuṭṭhim pāpeti**. **Ratanāni uppajjanti** pabbatasamuddādisannissitattā paccantadesassa. **Dassanīyanti** dassaneneva sukhāvahaṃ. **Evarūpanti** dassanīyaṃ savanīyaṃca.

Anagghakambale mahagghakambale. **Sāraḥkaṇḍaketi** candanasārādisāramayaḥkaṇḍake. **Likhāpetvā** ukkirāpetvā. **Lākhāya vaṭṭāpetvā**ti mukhaṃ pidahitvā lākhāparikammaṃ kāretvā.

Anto dussabhaṇḍikaṃ atthīti aññāsi nāṭigarukabhāvato. **Anagghā ahesunti** vaṇṇasampattiphassasampattipamāṇamahattadunnimmāpiyatāhi mahagghā ahesuṃ, mahāpuṇṇo rājā tassa atthevāti adhippāyo.

Yadi evaṃ “kinnu kho pesemī”ti kasmā vīmaṃsaṃ āpajjīti āha “**apica kho panā**”ti-ādi. Soti bimbisāro rājā **vicinituṃ āraddho** ratanassa anekavidhattā uttaruttariṇca paṇītatārādibhāvato. **Suvaṇṇarajatādī**ti suvaṇṇarajatapavāḷamaṇimuttāveḷuriyādi. **Indriyabaddhanti** cakkhādi-indriyapaṭibaddhaṃ. **Padesanti** guṇavasena ekadesaṃ na pāpuṇāti.

Sāmaṃ saccānaṃ abhisambuddhatāsāmaññaena “**buddharatanampi duvidhan**”ti vuttaṃ. **Buddharatanasamaṃ ratanaṃ nāma natthi**, yasmā pana imasmim loke parasmim vā pana buddhena sadiso na vijjatīti. Paṭhamabodhiyaṃyeva pavattatīti katvā vuttaṃ “**ghosopi**”ti-ādi.

Rājā tuṭṭho cintesi “tatha avijjamānaṃyeva pesetuṃ laddhan”ti. **Tasmā**ti yasmā paripuṇṇaṃ ekadivasaṃpi tasmim padese buddhānaṃ

āvāsapariggaho natthi, tasmā. **Pubbadisāmukhanti** pubbadisābhimukhaṃ sīhapañjaraṃ. Tenassa suvibhūtālokataṃ dasseti.

Evam anaññasādhāraṇassa bhagavato īdiso samudāgamoti dassetuṃ “**evam dasa pāramiyo pūretvā**”ti-ādi vuttaṃ. Evam sampannasamudāgamassa tadanurūpā ayaṃ phalasampadāti dassetuṃ “**tusitabhāvanato**”ti-ādi vuttaṃ.

Ariyadhammo nāma ariyamaggappadhāno, ariyamaggo ca sattatimsabodhipakkhiyasaṅgaho, te ca uddesamatteneva gahitāti āha “**sattatimsa bodhipakkhiye ekadesena likhitvā**”ti. Cūḷasīlādīni **brahmajāle**¹ āgatanayena veditabbāni. **Chadvārasaṃvaraṃ satisampajaññanti** manacchaṭṭhānaṃ dvārānaṃ saṃvaraṇavasena sattaṭṭhānikaṃ satisampajaññaṃ. Dvādasappabhedam cīvarādicatuppaccayasantosam. Araññarukkhamūlādīnaṃca vibhagaṃ bhāvanānukūlam **senāsanam**. “Abhiḷḷham loke pahāyā”ti-ādinā vuttaṃ **nīvaraṇappahānam**. **Parikammanti** kasiṇādi-parikammaṃ. Pāḷiyaṃ āgatanayena **aṭṭhatimsa kammaṭṭhānāni**. Visuddhipaṭipāṭiyā **yāva āsavakkhayā** imam paṭipattiṃ **ekadesena likhi**. **Soḷasavidhanti** soḷasavidhatāvanāya payogaṃ.

Kilañjamayeti nānāvidhabhittivibhatte saṅhasukhumaratanaparisibbite kilañjamayasamugge. **Bahi vatthena veṭhetvāti** paṭhamam sukhumakambalena veṭhetvā paṭipāṭiyā tettimsāya samuggesu pakkhipitvā tato bahi sukhumavatthena veṭhetvā chādetvā. Tiṇagacchapahānasammajānadinā **sodhitamattakameva hotu**, kadalipunṇaghaṭaṭṭhapanadhajapaṭākussāpanādi-alānkarāṇena mā niṭṭhāpethāti attho. **Rājānubhāvena paṭiyādethāti** mama rājānurūpaṃ sajjetha, alānkarothāti attho. **Antarabhogikānanti** anuyuttarājamahāmatānaṃ. **Javanadūṭeti** khippam gacchantakadūtapurise. Tālehi saha avacarantīti **tālāvacarā**.

Raññā paṇṇākāram uddissa katapūjāsakkārassa amaccato sutattā **paṇṇākāram uccaṭṭhāne ṭhapetvā sayam nīcāsane nisinno**. Nāyam aññassa **ratanassa bhavissatīti** ayaṃ parihāro aññassa maṇimuttādibhedassa ratanassa na bhavissati maṇimuttādīhi abhisāṅkhatattā.

1. Dī 1. 4 piṭṭhe.

Balavasomanassaṃ uppajji ciratanakālaṃ buddhasāsane bhāvitabhāvanatāya vāsītavāsanatāya ghaṭe dīpo viya abbhantare eva samujjalamānaparipakkatihetukabhāvato.

Dhāremīti icchāmi, gaṇhāmīti attho. **Dvejjavacananti** dvelhakabhāvo. **Antaraṃ karotīti** dvinnāṃ pādānaṃ antaraṃ taṃ lekhaṃ karoti, ekena pādēna atikkamīti attho. **Tassā gatamaggenāti** tāya deviyā vivaṭṭamānāya nāsītāya gatamaggēna. **Taṃ pana lekhaṃti** pukkusātinā katalekhaṃ. **Paṇṇacchattakanti** tālapattamuṭṭhiṃ.

Satthugāravenāti satthari uppannapasādapemabahumāsambhāvena. Tadā satthāraṃyeva manasi katvā tanninnabhāvena gacchanto “pucchissāmī”tipi cittaṃ na uppādesi “ettha nu kho satthā vasatī”ti parivittakasseva abbhāvato rājagahaṃ pana patvā rañño pesitasāsanavasēna tattha ca vihārassa bahubhāvato **satthā kahaṃ vasatīti pucchi**. Satthu ekakasseva nikkhamaṇaṃ, pañcacattālisa yojanāni padasā gamanañca dhammapujāvasēna katanti daṭṭhabbaṃ. Dhammapūjāya ca buddhānaṃ āciṇṇabhāvo hetṭhā vitthāritoyeva. Buddhasotaṃ pana paṭicchādetvā aññātakavesēna tattha gamaṇaṃ tassa kulaputtassa vissatthavasēna maggadarathapaṭipassambhanatthaṃ. Appaṭipassaddhamaggadaratho hi dhammadeśanāya bhājanaṃ na hotīti. Tathā hi vakkhati “nanu ca bhagavā”ti-ādi.

Urudhanti visālanti keci. **Atirekariyojanasatanti**-ādinā anvayato byatirekato ca maccheravinayane sabrahmacārīnaṃ ovādādānaṃ. **Accantasukhumāloti**-ādinā satthu dhammagāravena saddhiṃ kulaputtassapi dhammagāravaṃ saṃsandati sametīti dasseti. Tena bhagavato katassa paccuggamanassa ṭhānagatabhāvaṃ vibhāvento aññesampi bhābarūpānaṃ kulaputtānaṃ yathārahaṃ saṅgaho kātabboti dasseti.

Brahmalokappamāṇanti uccabhāvena. **Ānubhāvenāti** iddhānubhāvena yathā so sotapathaṃ na upagacchati, evaṃ vūpasametaṃ sakkoti. **Avibbhantanti** vibbhamarahitaṃ nilloluppaṃ. **“Bhāvanapuṃsakam panetan”**ti vatvā tassa vivaraṇatthaṃ **“pāsādikena iriyāpathenā”**ti vuttaṃ. Itthambhūtalakkaṇe etaṃ karaṇavacanaṃ daṭṭhabbaṃ. Tenāha **“yathā iriyato”**ti-ādi.

Amanāpo hoti passantānaṃ. Sīhaseyyāya nipannassapi hi ekacce sarīrāvayavā adhokhittavikkhittā viya dissanti. Kaṭiyam dvinnam ūrusandhīnaṃ, dvinnañca jāṇusandhīnaṃ vasena **catusandhikapallaṅkaṃ**. **Na paṭiṭṭhātīti** nappavattati, “kamsitvan”ti-ādinā apucchite katāpavatti eva na hoti. **Appatiṭṭhitāya kathāya na sañjāyatīti** tathā pana pucchāvasena kathāya appavattitāya upari dhammakathā na sañjāyati na uppajjati. **Itīti** tasmā. **Kathāpaṭiṭṭhāpanatthaṃ** kathāpavattanatthaṃ, kathāsamuṭṭhāpanatthaṃ vā pucchi.

Sabhāvameva kathetīti attano bhagavato adiṭṭhapubbattā “adiṭṭhapubbakam kathamaṃ jāneyyan”ti sabhāvameva kevalam attano ajjhāsayameva katheti, na pana sadevakassa lokassa supākaṭam sabhāvasiddham buddharūpakāyasabhāvaṃ. Atha vā **sabhāvameva kathetīti** “idamevan”ti jānantopi tadā bhagavato ruciyā tathāpavattamānaṃ rūpakāyasabhāvameva katheti appavikkhambhanti¹ adhippāyo. Tenāha “**tathā hi nan**”ti-ādi, vipassanālakkhaṇameva paṭipadanti adhippāyo.

343. “**Pubbabhāgapaṭipadaṃ akathetvā**”ti vatvā pubbabhāgapaṭipadāya akathane kāraṇam pubbabhāgapaṭipadañca sarūpato dassetuṃ “**yassa hī**”ti-ādi vuttaṃ. Aparisuddhāyapi pubbabhāgapaṭipadāya vipassanā tathā na kiccakārī, pageva avijjamānāyāti “**yassa hi -pa- aparisuddhā hoti**”cceva vuttaṃ. Pubbabhāgapaṭipadā ca nāma saṅkhepato pannarasa caraṇadhammāti āha “**sīlasamvaraṃ -pa- imaṃ pubbabhāgapaṭipadaṃ ācikkhati**”ti. **Yānakiccaṃ sādheti** maggagamanena akilantabhāvasādhanattā. Cirakālam paribhāvitāya paripakkagatāya hetusampadāya upaṭṭhāpitaṃ **sāmaṇerasīlampi paripuṇṇam** akhaṇḍādibhāvappattiyā, yaṃ pubbahetuttā “sīlan”ti vuccati.

Dhātuyo paramatthato **vijjamānā**, paññattimatto **puriso avijjamāno**. Atha kasmā bhagavā arahattassa padaṭṭhānabhūtaṃ vipassanaṃ kathento “chadhāturo”ti avijjamānappadhānaṃ desanaṃ ārabhīti āha “**bhagavā hī**”ti-ādi. **Katthaci** “tevijjo chaḷabhiñño”ti-ādīsu **vijjamānena avijjamānaṃ dasseti**. **Katthaci** “itthirūpaṃ bhikkhave purisassa cittaṃ pariyādāya tiṭṭhati”ti-ādīsu² **avijjamānena vijjamānaṃ dasseti**. **Katthaci**

1. Taddhavikkhambhantipi bhavitabbaṃ, aṭṭhavikkhanti potthakesu.

2. Am 1. 1 piṭṭhe.

“cakkhuviññāṇaṃ sotaviññāṇaṃ”ti-ādīsu¹ **vijjamānena vijjamānaṃ dasseti.** **Katthaci** “khattiyakumāro brāhmaṇakaññāya saddhim saṃvāsaṃ kappeti”ti-ādīsu² **avijjamānena avijjamānaṃ dasseti.** Idha pana vijjamānena avijjamānaṃ dasseti. “Chadhāturo”ti hi samāsatto avijjamāno puggalavisayattā, tassa padassa avayavattho pana appadhānattho vijjamāno, so saddakkamena appadhānopi atthakkamena padhānoti āha “**vijjamānena avijjamānaṃ dassento**”ti. Puggalādhiṭṭhānāyetta desanāya kāraṇaṃ dassetuṃ “**sace hī**”ti-ādi vuttaṃ. **Upaṭṭhāpeyyāti** “dhātuyo” icceva kulaputtassa cittaṃ niveseyya tathā sañjāneyya, evaṃ dhammaṃ deseyyāti attho. **Sandehaṃ kareyyāti** asati purise ko karoti, ko paṭisaṃvedeti, dhātuyo evāti kiṃ nu kho idaṃ, kathaṃ nu kho idanti saṃsayāṃ uppādeyya. **Sammohaṃ āpajjeyyāti** caturaṅgasamannāgate andhakāre vattamānaṃ viya desiyamāne atthe sammohaṃ āpajjeyya. Tathābhūto ca desanāya abhājanabhūtattā **desanaṃ sampaṭicchituṃ na sakkuṇeyya.** **Evamāhāti** evaṃ “chadhāturo”ti āha.

Yaṃ tvaṃ purisoti sañjānāsīti yaṃ rūpārūpadhammasamūhaṃ pabandhavasena pavattamānaṃ adhiṭṭhānavisesavasiṭṭhaṃ “puriso satto itthī”ti-ādīnā tvaṃ sañjānāsi, **so chadhāturo.** Santesupi chadhātuvinimuttetu dhātvantaresu sukhāvaggahaṇatthaṃ tathā vuttaṃ taggahaṇeneva ca tesāṃ gahetabbato, svāyamattho heṭṭhā dassito eva. **Sesapadesūti** “chaphassāyatano”ti-ādīpadesupi. Cattāri adhiṭṭhānāni catasso patiṭṭhā etassāti **caturādhiṭṭhāno**, adhiṭṭhāti patiṭṭhahati etenāti **adhiṭṭhānaṃ**, yesu patiṭṭhāya uttamatthaṃ arahattaṃ adhigacchati, tesāṃ paññādīnaṃ etaṃ adhivacanaṃ. Tenāha “**svāyaṃ bhikkhū**”ti-ādi. **Ettoti** vaṭṭato. **Vivaṭṭivāti** vinivaṭṭitvā apasakkivā. **Ettoti** vā etehi chadhātu-ādīhi. Ettha hi nivīṭṭhassa āyattassa uttamāya siddhiyā asambhavoti. **Patiṭṭhitanti** ariyamaggādhigamavasena suppatiṭṭhitāṃ. Evaṃ hi sabbaso paṭipakkhasamucchindanaṃ tatha patiṭṭhito hoti. **Maññassavā nappavattantīti** chahipi dvārehi pavattamānasotāya maggena visositāya sabbaso vigatāya sabbaso vicchedappattiyā na sandanti. Tenāha “**nappavattantī**”ti. Yasmā

1. Abhi 2. 49 piṭṭhe.

2. Dī 1. 91 piṭṭhe.

māne sabbaso samucchinne asamucchinno anupasanto kilesa nāma natthi, tasmā āha “**muni santoti vuccati**”ti. Rāgaggi-ādīnaṃ nibbānena **nibbuto**.

Paññaṃ nappamajjeyyāti “divasaṃ caṅkamaṇa nisajjāya āvaraṇīyehi dhammehi cittaṃ parisodheti”ti-ādinayappavattāya¹ appamādappaṭipattiyā samādhivipassanāpaññaṃ nappamajjeyya. Etena pubbabhāgiyaṃ samathavipassanābhāvanamāha. **Saccamanurakkheyāti** saccānurakkhanāpadesena sīlavisodhanamāha, sacce ṭhito samādinnaṣīlaṃ avikopetvā paripūrento samādhisaṃvattaniyataṃ karoti. Tenāha “**vacīsaccaṃ rakkheyā**”ti. **Kilesapariccāgaṃ brūheyāti** tadaṅgādivasena kilesānaṃ pariccajanavidhiṃ vaḍḍheyya. **Kilesavūpasamaṇaṃ sikkheyāti** yathā te kilesā tadaṅgādivasena pariccattā yathāsamudācārappavattiyā santāne pariḷahaṃ na janenti, evaṃ kilesānaṃ vūpasamaṇavidhiṃ sikkheyya. **Paññādhīṭṭhānādīnanti** lokuttarānaṃ paññādhīṭṭhānādīnaṃ. **Adhigamatthāyāti** paṭilābhatthāya.

347. **Pubbe vuttānanti** “caturādhīṭṭhāno, yattha ṭhitaṃ maññassavā nappavattanti”ti² evaṃ pubbe vuttānaṃ.

348. **Vattabbaṃ bhaveyyāti** niddesavasena vattabbaṃ bhaveyya. **Ādīhīti** evamādihi. **Kiccaṃ natthi** kiccābhāvato. **Uppaṭipāṭidhātukanti** ayathānupubbikaṃ. **Yathādhammavasenevāti** desetabbadhammānaṃ yathāsabhāveneva. **Sappāyaṃ dhutaṅganti** attano kilesaniggaṇhanayoggaṃ dhutaṅgaṃ. **Cittarucitanti** attano cittaṭṭhānāyā ācariyehi virocetabbaṃ, cariyānukūlanti attho. **Hatthipadopamasuttādīsūti ādi-saddena** Vusuddhimaggadhātuvibhaṅgādīnaṃ saṅgaṇhāti.

354. **Ayampetthāti pi-saddo** sampiṇḍanatto. Tena “athāparam upekkhāyeva avasissati”ti uparidesanaṃ sampiṇḍeti. Sopi hi pāṭiyekko anusandhīti. Nanu cāyaṃ yathā-uddiṭṭhāya viññāṇadhātuyā

1. Ma 1. 341; Ma 2. 18; Ma 3. 54; Saṃ 2. 323; Aṃ 1. 112; Abhi 2. 258; Khu 7. 294 piṭṭhesu.

2. Ma 3. 282 piṭṭhe.

niddesopi bhavissatīti yathānusandhinayo vijjatīti? Na,
 viññāṇadhātuniddesanayena desanāya appavattattā. Tenāha “**heṭṭhato**”ti-ādi.
Yaṃ vā panāti-ādinā pana desanāya sānusandhitam vibhāveti. Na hi buddhā
 bhagavanto ananusandhikam desanam desenti. **āgamanīyavipassanāvasenāti**
 yassā pubbe pavattattā āgamanīyaṭṭhāne ṭhitā vipassanā, tassā vasena.
Kammakārakaviññāṇanti “netam mama, nesohamasmi, na meso attā”ti
 evam vipassanākiccakāraṃ vipassanāsahitam viññāṇam.
Viññāṇadhātuvasenāti yathā-uddiṭṭhāya viññāṇadhātuyā bhājanavasena.
Satthu kathanatthāyāti satthārā uddesameva katvā ṭhapitattā niddesavasena
 kathanatthāya. Akathitabhāvo eva hissa avasiṭṭhatā kathanatthāya
 paṭivijjanatthāya ca. Paṭipakkhavigamena tassa cittassa parisuddhatāti āha
 “**nirupakkilesan**”ti. Upakkilesānam pana pahīnabhāvato **pariyodātam**.
 Samudayavasena **udayadassanatthañceva** paccayanirodhavasena
atthaṅgamadassanatthañca. Kāraṇabhāvena sukhāya vedanāya hitanti
 sukhavedaniyam. Tenāha “**sukhavedanāya paccayabhūtan**”ti.

360. **Rūpakammaṭṭhānampi** catudhātuvavatthānavasena,
arūpakammaṭṭhānampi sukhadukkhavedanāmukhena **paguṇam jātam**.

Satthu kathanatthamyeva avasissatīti “kulaputtassa paṭivijjanatthan”ti
 vuttamevattham nisedheti, tasmā vuttamevattham samatthetum “**imasmim**
hī”ti-ādi vuttam. **Kulaputtassa rūpāvacarajjhāneti** kulaputtena
 adhigatarūpāvacarajjhāne. Tenāha “**bhikkhu paguṇam tava idam**
rūpāvacaracatutthajjhānan”ti. Yam kiñci suvaṇṇatāpanayogyam
 aṅgārabhājanam idha “**ukkā**”ti adhippetanti āha “**aṅgārapallan**”ti.
Sajjeyyāti yathā tattha pakkhittasuvaṇṇaṇca tappati, evam paṭiyādiyeyya.
Nīhatadosanti vigatībhūtakāḷakam. **Apanītakasāvanti**
 apagatasukhumakāḷakam.

Ariyamagge paṭiṭṭhāpetukāmena nāma sabbasmimpi lokiyadhamme
 virajjatthāya dhammo kathetabboti adhippāyena “**kasmā panā**”ti-ādinā
 cedanā katā. Vineyyadamanakusalena bhagavatā veneyyajjhāsavayasena
 tāva catutthajjhānupekkhāya vaṇṇo kathitoti tassa parihāram vadanto
 “**kulaputtassā**”ti-ādimāha.

361. **Tadanudhammanti** tassa arūpāvacarassa kusalassa anurūpadhammaṃ, yāya paṭipadāya tassa adhigamo hoti, tassa pubbhāgapaṭipadanti attho. Tenāha “**rūpāvacarajjhānan**”ti. **Taggahaṇāti** tassa gahaṇena tassā paṭipattiyā paṭipajjamānena. **Ito uttarinti** “viññāṇañcāyatanan”ti-ādīsu.

362. **Tassevāti** arūpāvacarajjhānassa. Etaṃ pana savipākaṃ arūpāvacarajjhānaṃ samecca sambhuyya paccayehi katattā **saṅkhatam**. **Pakappitanti** paccayavasena savihitaṃ. **Āyūhitanti** sampiṇḍitaṃ. **Karontena kariyatīti** paṭipajjanakena paṭipajjīyati saṅkharīyati. Nibbānaṃ viya na niccaṃ na sassataṃ, atha kho khaṇe khaṇe bhijjanasabhāvatāya **tāvakālikam**. Tato eva cavanādisabhāvanti sabbametaṃ rūpāvacaradhammesu ādīnavavibhāvanaṃ. **Dukkhe patiṭṭhanti** saṅkhāradukkhe patiṭṭhitaṃ. **Atāṇanti** cavanasabhāvāditāya tāṇarahitaṃ. **Aleṇanti** tato arakkhattā liyanatṭhānarahitaṃ. **Asaraṇanti** appaṭisaraṇaṃ. **Asaraṇibhūtanti** sabbakālampi appaṭisaraṇaṃ.

Samattapattavise khandhādīsu gahite duttikicchā siyāti “**khandham vā sīsam vā gahetuṃ adatvā**”ti vuttaṃ. **Evamevāti** etthāyaṃ upamāsaṃsandana—cheko bhisakko viya sammāsambuddho, visavikāro viya kilesadukkhānubandho, bhisakkassa visaṃ ṭhānato cāvetvā upari āropanaṃ viya bhagavato desanānubhāvena kulaputtassa kāmabhavaṃ nikantiṃ pariyādāya arūpajjhāne bhavanaṃ, bhisakkassa visaṃ otāretvā pathaviyaṃ pātanaṃ viya kulaputtassa orambhāgiyakilesadukkāpanayanaṃ.

Asampattassāti arūpāvacarajjhānaṃ anadhigatassa. **Appaṭiladdhassevāti** tassa vevacanaṃ. **Sabbametaṃ** “aniccaṃ adhuvaṇ”ti-ādīnā vitthārato vuttaṃ sabbametaṃ **ādīnavam**. **Ekapadeneva “saṅkhatametaṃ”ti** kathesi saṅkhatapadeneva tassa atthassa anavasesato pariyādinattā.

Nāyūhatīti bhavakāraṇacetanāvasena byāpāraṃ na samūheti na sampiṇḍeti. Tenāha “**na rāsīm karotī**”ti. Abhisāṅkharāṇaṃ nāma cetanābyāpāroti āha “**na abhisāñcetaṃ**”ti. Taṃ pana phaluppādanasamatthātāya phalena kappananti āha “**na kappeti**”ti. Sace abhisāṅkhāracetanā uḷārā, phalamahattasaṅkhātāya vuḍḍhiyā hoti, anuḷārā ca avuḍḍhiyāti āha “**vuḍḍhiyā vā parihāniyā vā**”ti. **Buddhavisaye ṭhatvāti**

bhagavā attano buddhasubuddhatāya sīhasamānavuttitāya ca desanaṃ ukkaṃsato sāvakehi pattabbaṃ viśesaṃ anavasesento tathā vadati, na sāvakavisayaṃ atikkamitvā attano buddhavisayameva desento. Tenāha “**arahattanikūṭaṃ gaṇhī**”ti. Yadi kulaputto attano -pa- paṭivijjhi, atha kasmā bhagavā desanāya arahattanikūṭaṃ gaṇhīti āha “**yathā nāmā**”ti-ādi.

Ito pubbeti ito anāgāmiphalādhigamato uttari upari. **Assāti** kulaputtassa. **Kathentassa** bhagavato dhamme **neva kaṅkhā na vimati** paṭhamamaggeneva kaṅkhāya samucchinnatā. **Ekaccesu thānesūti** tathāvineyyaṭhānesu. Tathā hi ayampi kulaputto anāgāmiphalaṃ patvā bhagavantaṃ sañjāni. Tena vuttaṃ “**yato anenā**”ti-ādi.

363. **Anajjhositāti** anajjhosanīyāti ayamatthoti āha “**gilitvā pariniṭṭhāpetvā gahetuṃ na yuttā**”ti.

364. Rāgo va anusayo **rāgānusayo**, so ca paccayasamavāye uppajjanārahoti vattabbaṃ labhatīti vuttaṃ “**sukhavedanaṃ ārabba rāgānusayo uppajjeyyā**”ti. Na pana tassa uppādanaṃ atthi khaṇattayasamāyogāsambhavato. Esa nayo sesesupi. **Itaranti** adukkhamasukhadevanaṃ. **Viśamyuttoti** kenaci saññojanena asaṃyuttatāya eva niyatavippayutto. Kāyassa koṭi paramo anto etassāti **kāyakoṭikaṃ**. **Dutiyapadeti** “jīvitapariyantikaṃ”ti imasmim pade. **Visevanassāti** uppādānassa. **Sītibhavissantīti** padassa “nirujjhissantī”ti attho vutto, kathaṃ pana vadiyitānaṃ dvādasasu āyatanesu nirujjhaṇaṃ sītibhāvappattīti codanaṃ sandhāyāha “**kilesā hī**”ti-ādi. **Samudayaapaṇhenāti** mahāsatipaṭṭhāne¹ samudayasaccanīrodhapaṇhena. Nanu sabbaso kilesapariḷāhavigame sītibhāvo nāma vedanānīrodhamattena adhippeto, tena idha vedayitāni vuttāni, na kilesāti vedayitānaṃ accantanīrodhasaṅkhāto sītibhāvopi kilesasamucchedenevāti āha “**vedayitānipī**”ti-ādi.

1. Dī 2. 246; Ma 1. 84 piṭṭhesu.

365. **Idaṃ opammasaṃsandananti** ettha saññojanā dīpasikhā viya, adhiṭṭhānakapallikā viya vedanāya nissayabhūtā cattāro khandhā, telam viya kilesā, vaṭṭi viya kammavaṭṭam, upaharaṇakapuriso viya vaṭṭagāmī puthujjano, tassa sīsacchedakapuriso viya arahattamaggo santānassa samucchadakaraṇato, anāhārāya dīpasikhāya nibbāyanam viya kammakilesānam anantarapaccayato anāhārāya vedanāya anupādisesavasena nibbāyanam.

Ādimhi samādhivipassanāpaññāhīti pubbabhāgapaṭipadābhūtā tayā paṇḍasamādhito arahattassa padaṭṭhānabhūtavipassanāpaññāto ca. **Uttaritarāti** visiṭṭhatarā. **Evaṃ samannāgatoti** ettha **evaṃ**-saddo idaṃsaddatthavacanoti āha “**iminā uttamena arahattaphalapaññādhīṭṭhānenā**”ti. Sabbam vaṭṭadukkham khepetīti **sabbadukkakkhayo**, aggamaggo, taṃpariyāpannatāya tattha ñāṇanti āha “**sabbadukkakkhaye ñāṇam nāma arahattamagge ñāṇan**”ti. **Arahattaphale ñāṇam adhippetam** vuttanayena sabbadukkakkhaye sante tannimittam vā uppannañāṇanti katvā. **Tassāti** “evaṃ samannāgato bhikkhu iminā paramena paññādhīṭṭhānena samannāgato hotī”ti vuttabhikkhuno.

366. **Hīti yasmā. Vimuttīti** arahattaphalavimutti, tasmā sabbadukkakkhaye ñāṇanti arahattaphalañāṇam adhippetam. **Saccanti paramatthasaccam nibbānam**, na maggasaccam. Kāmam arahattaphalavimutti paṭipakkhehi akopaniyatāya akuppā, “sacce ṭhitā”ti pana vacanato “**akuppārammaṇakaraṇena akuppāti vuttā**”ti āha. **Vitathanti** naṭṭham, jarāya maraṇena ca vipariṇāmetabbatāya yādisam uppādāvattāya jātam, tato aññādisanti attho. Tathā hi tam jarāmarāṇehi parimusitabbarūpatāya “musā”ti vuttam. Tenāha “**mosadhammanti nassanasabhāvan**”ti. **Tam avitathanti** tam vuttanayena avitatham nāma, **tam sabhāvo** sabbakālam teneva labbhanato. **Samathavipassanāvasena vacīsaccatoti** samathavipassanāvasena yaṃ visuddhimattam vacīsaccam, tato. **Dukkhasaccasamudayasaccehi** tacchavipallāsabhūtasabhāvehi. Iti nesaṃ yathāsakam sabhāvena avitathabhāve amosadhammatāya tehipi avitathabhāvā paramatthasaccam nibbānameva **uttaritam**. **Tasmāti** nibbānasseva uttaritarabhāvato.

367. Upadhīyati ettha dukkhanti **upadhī**, khandhā kāmagaṇā ca. Upadahanti dukkhanti **upadhī**, kilesābhisaṅkhārā. **Paripūrā gahitā parāmaṭṭhā**ti pariyattabhāvena taṇhāya gahitā diṭṭhiyā parāmaṭṭhā. **Samathavipassanāvasena kilesapariccāgatoti** vikkhambhanavasena tadaṅgappahānavasena ca kilesānaṃ pariccajanato. **Uttaritaro** viṣiṭṭhatarassa pahānappakārassa abhāvato.

368. **Āghātakaraṇavasenā**ti cetasikāghātassa uppajjanavasena. **Byāpajjanavasenā**ti cittassa vipattibhāvavasena. **Sampadussanavasenā**ti sabbaso dussanavasena. **Tthi** padehi. Yadi arahattamaggena kilesānaṃ pariccāgo cāgādhiṭṭhānaṃ, arahattamaggeneva nesāṃ vūpasamo upasamādhiṭṭhānaṃ hotīti dasseti. Ettha visesena pariccāgo sampajjanaṃ anuppattidhammatāpādānaṃ cāgo, tathā pana pariccāgena yo so nesāṃ tadā vūpasantatāya abhāvo, ayaṃ upasamoti ayametesāṃ viseso.

369. **Maññitanti** maññanā, “etaṃ mamā”ti-ādinā kappanāti attho. Avijjāvibandhanataṇhāgāhādīnaṃ sādharāṇabhāvato **ayamahanti** ettha **ahanti** diṭṭhimaññanādassanaṃ, sā pana diṭṭhi mānamaññanāya attaniyagāhavasena hotīti sveva “ayan”ti iminā gahitoti āha “**ayamahanti ekaṃ taṇhāmaññitameva vaṭṭati**”ti. **Ābādhaṭṭhenā**ti paṭipīḷanaṭṭhena. Maññanāvasena hi sattānaṃ tathā hoti. **Antodosatṭhenā**ti abhantaraduṭṭhabhāvena. Maññanādūsitattā hi sattānaṃ attabhāvo dukkhatāmūlāyatto, kilesāsucipaggharaṇato uppādanīrodhabhaṅgehi uddhamuddhaṃ pakkapabhinno hotīti phalūpacārena “maññitaṃ gaṇḍo”ti vutto. **Anupaviṭṭhaṭṭhenā**ti anupavisitvā hadayamāhacca adhiṭṭhānena. Maññitaṃ hi pīḷājananato antotudanato duruddharaṇato sallam. **Khīṇāsavamuni** sabbaso kilesānaṃ santattā, tato eva pariḷāhānaṃ parinibbutattā vūpasantattā **santo** upasanto **nibbutoti vuccati**. **Yattha ṭhitanti** yasmim asekhabhūmiyaṃ ṭhitaṃ. Yadi bhagavā attano desanāñāṇanurūpaṃ desanaṃ pavattapeyya, mahāpathaviṃ pattharantassa viya ākāsaṃ pasārentassa viya anantāparimeyyalokadhātuyo paṭicca tesāṃ

ṭhitākāraṃ¹ anuppūraṃ vicinantassa viya desanā pariyoṣānaṃ na gaccheyya, yasmā paṇassa vineyyajjhāsayānurūpameva desanā pavatti, na tato paraṃ aṇumattampi vaḍḍhati, tasmā vuttaṃ “**sabbāpi dhammadesanā saṃkhittāva, vitthāradesanā nāma natthī**”ti. Nanu sattapakaraṇadesanā vitthārakathāti? Na sāpi vitthārakathāti āha “**samantapaṭṭhānakathāpi saṃkhittāyevā**”ti. Sannipatitadevaparisaṃyā ajjhāsayānurūpameva hi tassāpi pavatti, na sathhudesanāñāṇānurūpanti. **Yathānusandhim pāpesi** yathā-uddiṭṭhe anupubbena anavasesato vibhajanavasena desanāya niṭṭhāpitattā. **Vipaṇcitaññū -pa- katesi** nātisaṅkhepavittthāravasena desitattā.

370. **Aṭṭhannaṃ parikkhārānanti** nayidamanavasesapariyādānaṃ, lakkhaṇavacanāṃ panetaṃ, aññatarassāti vacanaseso. Tathā hi “mayhaṃ iddhimayaparikkhāralābhāya paccayo hotū”ti patthanāṃ paṭṭhapetvā pattacīvarā, pattāṃ, cīvameva vā dinne carimabhava iddhimayaparikkhāro nibbattaṭṭi vadanti. **Adinnattāti** kecivādo. Tenāha “**kulaputto**”ti-ādi. **Okāsābhāvatoti** upasampadālakkhaṇassa asambhavato. Tenāha “**kulaputtassa āyu parikkhīṇa**”ti. **Udakatittha -pa- āradho** paramappicchabhāvato.

Vibbhantāti bhantacittā. **Siṅgena vijjhitvā ghātesī** purimajātibaddhā ghātātāyāti vadanti.

Mānusaṃ yoganti² manussattabhāvaṃ. Attabhāvo hi yujjati kammakilesehīti “yogo”ti vuccati. **Upaccagunti** upagacchiṃsu. **Upakoti**-ādi tesāṃ nāmāni.

Gandhakaṭṭhehīti candanāgarusaḷaladevadāru-ādīhi gandhadārūhi. Sesāṃ suviññeyyameva.

Dhātuvibhaṅgasuttavaṇṇanāya līnatthappakāsanā samattā.

1. Pariccantassa asantakāraṃ (Ka)

2. Mānusaṃ dehaṃ (Aṭṭhakathāyaṃ.)

11. Saccavibhaṅgasuttavaṇṇanā

371. **Ācikkhanā**ti “idaṃ dukkhaṃ ariyasaccaṃ, ayaṃ dukkhanirodhagāminī paṭipādā ariyasaccaṃ”ti-ādito kathanāṃ. **Desanā**ti tasseva atthassa atisaṅgamaṃ pabodhanaṃ. **Paññāpanā**ti pakārehi ñāpanā, sā pana yasmā itthamidanti veneyyānaṃ paccakkhato dassanā, tesāṃ vā santāne paṭiṭṭhāpanā hoti, tasmā āha “**dukkhasaccādīnaṃ ṭhapanā**”ti. **Paṭṭhapanā**ti paṭiṭṭhāpanā¹. Yasmā paṭṭhapiyamānasabhāvā desanā bhājanāṃ upagacchantī viya hoti, tasmā vuttāṃ “**paññāpanā**”ti, jānāpanāti attho. **Vivaṭakaraṇā**ti desiyamānassa atthassa vivaṭabhāvakaraṇāṃ. **Vibhāgakiriyā**ti yathāvuttassa atthavibhāgassa vitthārakaraṇāṃ. **Pākaṭabhāvakaraṇā**ti agambhīrabhāvāpādanāṃ. Aparo nayo—catusaccasaññitassa atthassa paccekaṃ sarūpato dassanavasena idanti-ādito sikkhāpanāṃ kathanāṃ **ācikkhanā**, evaṃ parasantāne pabodhanavasena pavattāpanā **desanā**, evaṃ vineyyānaṃ cittaparitosajananena tesāṃ buddhiparipācanaṃ “**paññāpanā**”ti vuccati. Evaṃ paññāpentī ca sā desiyamānaṃ atthaṃ veneyyasantāne pakārato ṭhabeti paṭiṭṭhabeti “**paṭṭhapanā**”ti vuccati. Pakārato ṭhabeti pana saṃkhittassa vitthārato paṭivuttassa punābhiddhānato “**vivaraṇā**”ti, tassevatthassa vibhāgakaraṇato “**vibhajanā**”ti, vuttassa vitthārenābhiddhānato vibhattassa hetudāharaṇadassanato **uttānīkamman**”ti vuccati. Tenāha “**pākaṭabhāvakaraṇā**”ti, hetūpamāvasenatthassa pākaṭabhāvakaraṇatoti attho.

Anuggāhakāti anuggaṇhanakāmā. Svāyamanuggaho saṅgahavatthuvaseṇa pākaṭo hotīti āha “**āmisasaṅgahenā**”ti-ādi. Janetā janettīti āha “**janikā mātā**”ti. Vuddhiṃ parisāṃ āpādetīti **āpādetā**. Tenāha “**poṣetā**”ti. Idāni dvinnāṃ mahātherānaṃ yathākkamaṃ sabrahmacārīnaṃ bhagavatā vuttehi janikaposikamātuṭṭhāniyeḥi saṅgāhakataṃ vitthārato dassetuṃ “**janikamātā hī**”ti-ādi vuttāṃ. Paratoghoseṇa vināpi uparimaggādhigamo hotīti “**paccattapurisakārenā**”ti vuttāṃ. Paṭhamamaggo eva hi sāvakānaṃ ekantato ghosāpekkhoti. **Pattesupī**ti **pi**-saddena pageva appattesūti dasseti.

1. Sampāpanā (Ka)

Bhavassa appamattakatā nāma ittarakālatāyāti āha
 “accharāsaṅghātamattampī”ti. Janetāti janako, thero pana ariyāya janayitā.
 Āpādetāti vaḍḍhetā paribrūhetā. Purimasmim saccadvaye
 sammasanaggahaṇaṃ lokiyattā tassa, itarasmim tassa aggahaṇaṃ
 lokuttarattā.

Kāmehi nikkhanto saṅkappo **nekkhammasaṅkappo**. Svāyamma tato
 nikkhamanatto tesam paṭipakkhabhāvato tehi viśamsaggato virajanato
 samucchindanato sabbaso vivittabhāvato ca hotīti dassetuṃ
 “kāmapaccanīkaṭṭhenā”ti-ādi vuttaṃ. Tattha kāmapadaghātanti yathā kāmo
 padaṃ patiṭṭhaṃ na labhati, evaṃ hananaṃ, kāmasamucchedanti attho.
 Kāmehi sabbaso vivittattā kāmavivitto, ariyamaggo, tassa anto,
 ariyaphalaṃ, tasmim **kāmavivittante**. Eseva nayoti iminā
 “byāpādapaccanīkaṭṭhenā”ti-ādiyोजनाṃ atidisati. Sabbe cete
 nekkhammasaṅkappādayo nānācittesu labbhantīti yojanā. Yadi ekacitte
 labbhanti, kathaṃ tividhamicchasaṅkappānaṃ samugghātoti āha “**tatra hī**”ti-
 ādi. Na **nānā labbhantīti** iminā tividhakkicakāritaṃ sammāsaṅkappassa
 dasseti. Kiccavasena hi tassa nāmassa lābho. Sammāvācādīnampi
 maggakkhaṇe ekacitte labbhamānānampi catukicakāritāya
 catubbidhanāmādītā veditabbā. Sesam suviññeyyameva.

Saccavibhaṅgasuttavaṇṇanāya līnatthappakāsanā samattā.

12. Dakkhināvibhaṅgasuttavaṇṇanā

376. Mahāpajāpati gotamīti ettha **gotamīti** tassa gotamagottato āgataṃ
 nāmaṃ, mahāpajāpati pana guṇato. Taṃ vivarituṃ “**nāmakaraṇadivase
 panassā**”ti-ādi vuttaṃ. Mahatiṃ uḷāraṃ pajam jananaṃposanehi parirakkhatīti
mahāpajāpati. Paribhogavasena na haññatīti¹ **ahataṃ**. Sippikānanti
 tantavāyānaṃ. **Vāyanaṭṭhānanti** vīnaṭṭhānaṃ. **Tāni maṃ na tosentī** kāyikassa
 puññassa abhāvato. Tenāha “**sahatthā**”

1. Na hantīti (Ka)

katameva maṃ toseti”ti. **Pisitvā** nibbattanaṃ katvā. **Pothetvā**ti sukhumabhāvāpādanatthaṃ dhanukena netvā. **Kālānukālāñca dhātigaṇaparivutā gantvā vemakoṭim aggahesi** ekadivasanti adhippāyo. Evaṃ hi “ekadivasam pana -pa- akāsi”ti purimavacanena taṃ na virujjheyya.

Cha cetanāti chabbidhā cetanā. Na hi tā chayeva cetanāti. **Samghe gotami dehi -pa- samgho cāti** idameva suttapadaṃ. **Samghe gotami dehīti** samghassa dānāya niyojesi, tasmā samghova dakkhiṇeyyataroti ayamevettha attho. **Yadi evanti-ādinā** tattha byabhicāraṃ dasseti. **Rājamahāmattādayoti-ādinā** tattha byatirekato nidassanaṃ āha. **Mahantatarā bhaveyyunti** ānubhāvādinā mahantatarā bhaveyyuṃ, na ca taṃ atthīti. **Tasmāti** yasmā guṇavasiṭṭhahetukaṃ dakkhiṇeyyataṃ anapekkhitvā attano dīyamānassa dāpanaṃ labhati, tasmā. **Mā evaṃ gaṇhāti** “sammāsambuddhato samghova dakkhiṇeyyo”ti mā gaṇha.

Tattha nicchayasādhakaṃ suttapadaṃ dassento “**nayimasmiṃ loke -pa- vipulaphalesinan**”ti āha. Svāhamattho ratanasutte¹ “yaṃ kiñci vittan”ti gāthāya, Aggapasādasuttādihi² ca vibhāvetabboti. Tenāha “**satthārā uttaritaro dakkhiṇeyyo nāma natthī**”ti.

Gotamiyā antimabhavikatāya dānassa dīgharattaṃ hitāya sukhāya anuppādanato na taṃ garutaraṃ samghassa pādāpane kāraṇanti āha “**pacchimāya janatāya**”ti-ādi. **Vacanatopīti** tassa vatthayugassa satthu eva paṭiggahaṇāya vacanatopi. Tenāha “**na hī**”ti-ādi.

Satthā samghapariyāpannova īdise ṭhāne aggaphalaṭṭhatāya aṭṭha ariyapuggalabhāvato, sace panassa na sayam samghapariyāpannatā, kathaṃ samghe pūjite satthā pūjito nāma siyāti adhippāyo. **Tiṇi** saraṇagamanāni tayo eva aggapasādāti vakkhatīti adhippāyo. Abhidheyyānurūpāni hi liṅgavacanāni. **Na ruhati** ayāthāvapaṭipattibhāvato, na gihivesaggahaṇādinā gihibhāvassa paṭikkhipitattā. **Na vattabbametaṃ “satthā samghapariyāpanno”ti** satthubhāvato. Sāvakasamūho hi

1. Khu 1. 5, 312 piṭṭhesu.

2. Khu 1. 255 piṭṭhe Itivuttake.

saṅgho. Saṅghagaṇe hi satthā uttaritaro anaññasādhāraṇaḡuṇehi samannāgatabhāvato mūlaratanabhāvato ca.

377. Sampatijātassa mahāsattassa sattapadavītihāragamanam dhammatāvasena jātam, param tadanñadahasadisī paṭipattīti āha “**hatthapādakiccam asādhentesū**”ti.

378. **Paccūpakāram na sukaram vadāmi** anucchavikakiriyāya kātum asakkuṇeyyattā. Abhivādentī etenāti **abhivādanam**. Vandamānehi antevāsikehi ācariyam “sukhī hotū”ti-ādinā abhivādentī nāma. Tena vuttam “**abhivādanam**”ti. **Tadabhimukho -pa- vanditvā nipajjati** seyyathāpi āyasmā sārīputto. Kālānukālam upaṭṭhānam bījayanapādasambāhanādi **anucchavikakammassa karaṇam** nāma. **Anucchavikam kiriyam kātum na sakkotiyeva**, yasmā ācariyena katassa dhammānuggahassa antevāsinā kariyamāno āmisānuggaho saṅkhampi kalampi kalabhāgampi na upetiyevatī. Tena vuttam “**na suppatikāram vadāmi**”ti.

379. **Pāṭipuggalikam dakkhiṇam ārabha samuṭṭhitam** “tam me bhagavā paṭiggaṇhatū”ti mahāpajāpatigotamiyā vacanam nimittam katvā desanāya uṭṭhitattā. Na kevalaṅca tassā eva vacanam, atha kho **Ānandattheropi -pa- samādapesi**, tasmā vibhāgato **cuddasasu -pa- hotīti dassetum imam desanam ārabhi**. Tattha patipaccekam puggalam dīyatīti **pāṭipuggalikam**. Paṭhamasaddo yathā aggattho, evam seṭṭhapariyāyopīti āha “**jetṭhakavasenapī**”ti. **Aggā** uttame khetto pavattattā. **Dutiyatatiyāpi paramadakkhiṇāyeva** sabbaso sammāvikkhambhitarāgādikilesattā. Rāgādayo hi adakkhiṇeyyabhāvassa kāraṇam. Tenevāha “tiṇadosāni khetṭāni, rāgadosā ayam pajā”ti-ādi¹. Yasmā pana savāsanam sabbaso samucchinnakilesehi tato eva sabbaso appaṭihatañāṇacārehi anantāparimeyyaḡuṇaḡaṇadhārehi sammāsambuddhehi sadiso sadevake loke koci dakkhiṇeyyo natthi, tasmā “**paramadakkhiṇāyevā**”ti sāsankam vadati. Yasmā pañcābhiñño aṭṭhasamāpattilābhī

1. Khu 1. 64 piṭṭhe Dhammapade.

eva hoti lokiyābhiññānam aṭṭhasamāpatti-adhiṭṭhānattā, tasmā
“lokiyapañcābhiññe” icceva vuttam, na “aṭṭhasamāpattilābhimi”ti tāya
 avuttasiddhattā. **Gosīladhātukoti** gosīlasabhāvo, sīlavatā sadisasīloti attho.
 Tenāha **“asaṭho”**ti-ādi. Tena na alajjidhātuko pakatisiddho idha
 puthujjanasīlavāti adhippetoti dasseti.

Paricchindantoti ettakoti paccakappamāṇato tato eva aññamaññam
 asaṅkaratova paricchindanto. Katham pana asaṅkhyeyyabhāvena vuccamāno
 vipāko paricchinno hoti? Sopi tassa paricchedo eva itarehi
 asaṅkiṇṇabhāvadīpanato, etadatthameva pubbe asaṅkaraggahaṇam katam.
Guṇavasenati lakkhaṇasampannādiguṇavasena. **Upakāravasena**ti
 bhogarakkhādi-upakāravasena. **Yam posanattham dinnam, idam na gahitam**
 dānalakkhaṇayogato. Anuggahapūjanicchāvasena hi attano
 deyyavatthupariccāgo dānam bhayarāgaladdhukāmakulādivasena
 sāvajjābhāvato. **Tampi na gahitam** ayāvadatthatā-aparipuṇṇabhāvena
 yathāhippetaphaladānāsamatthabhāvato. **Sampattassāti** santikāgatassa. Tena
 sampattipayojane anapekkhatam dasseti. **Phalam paṭikaṅkhitvāti** “idam me
 dānamayaṃ puññam āyatim sukhahitabhāvāya hotū”ti-ādina phalam
 paccāsīsivā. Tenassa phaladāne namiyatam dasseti, **yāvadatthanti** iminā
 paripuṇṇaphalataṃ. **Sataguṇāti** ettha **guṇasaddo** na “guṇena nāmaṃ
 uddhareyyam”ti-ādīsu¹ viya sampatti-attho, “taddiguṇam”ti-ādīsu viya na
 vaḍḍhanattho, “pañca kāmaguṇā loke, manochaṭṭhā paveditā”ti-ādīsu² viya
 na koṭṭhāsatho, “antam antaguṇam”ti-ādīsu³ viya na antabhāgattho, atha kho
 ānisaṃsatthoti dassento **“satānisaṃsā”**ti āha, te ānisaṃse sarūpato dassetuṃ
“āyusatan”ti-ādi vuttam. **Sataguṇāti** vā satavaḍḍhikāti evamettha attho
 daṭṭhabbo. **Nipparitasam karotīti** āyu-ādīnam ānisaṃsānam aparittāsam
 karoti. Atha vā **nipparitasam karotīti** āyu-ādīnimittam aparittāsam karoti.
 Atha vā **nipparitasam karotīti** āyu-ādīni

1. Abhi-Ṭṭha 1. 420; Udāna-Ṭṭha 306; Paṭisam-Ṭṭha 1. 277; Netti-Ṭṭha 119 piṭṭhesu.

2. Khu 1. 304 piṭṭhe Suttanipāte.

3. Dī 2. 233; Ma 1. 72; Khu 1. 2 piṭṭhādīsu.

tato uttarimpi āhārādihetu aparittāsaṃ karoti.

Attabhāvavinimuttasañcaraṇassa abhāvā **“bhavasatepi vutte ayamevattho”**ti vuttam. **Sabbatthā**ti “puthujjanadussile”ti-ādīsu sabbavāresu. **Nayo netabboti** “āyusahassaṃ vaṇṇasahassan”ti-ādiko nayo.

Sāsanāvatarāṇaṃ nāma yāvadeva vaṭṭadukkhaniṭṭharaṇattham, tañca maggapaṭivedhanaṃ, tasmā nibbedhabhāgiyasaraṇagamaṇaṃ sikkhāpadasamādānaṃ pabbajjā upasampadā sīlapariṭṭhānaṃ adhiccittasikkhānuyogo vipassanābhāvanāti sabbāpesā sotāpattiphalasacchikiriyāya paṭipatti eva hotīti āha **“tisaraṇaṃ gato upāsakopi”**ti-ādi. Tattha yathā nibbedhabhāgiyo samādhi tāva nāma paramparāya riyamaggādhigamassa paccayabhāvato upanissayo, tathā nibbedhabhāgiyaṃ sīlapariṭṭhānaṃ upasampadā pabbajjā upāsakassa dasasu pañcasu sīlesu paṭiṭṭhānaṃ antamaso saraṇādigamaṇampi nibbedhabhāgiyaṃ ariyamaggādhigamassa upanissayo hotiyevāti “sabbāpesā sotāpattiphalasacchikiriyāya paṭipatti”ti vuttā. Tattha anañña sādharmaṇa vijjācaraṇādi asaṅkhyeyya-aparimeyya guṇa samudayaṭṭhite bhagavati saddhamme sariyaṃghe uḷāratarabahumānagāravataṃ gato “sammāsambuddho bhagavā, svākhāto dhammo, suppaṭipanno saṃgho”ti tapparāyaṇatādi-ākārappatto nāṇaparisoḍḍhito pasādo saraṇagamaṇanti tena vatthugatena pasādena paribhāvite santāne kataṃ puññakkhettsampattiyā mahapphalaṃ mahānisaṃsameva hotīti āha **“tasmim dinnadānampi asaṅkhyeyyaṃ appameyyan”**ti. Tayidaṃ saraṇaṃ vatthuttaye pasādabhāvena ajjhāsayasampattimattaṃ, tādisassa pana pañcasīlaṃ ajjhāsayasampatti-upathambhito kāyavacīsaṃyamoti tattha dinnam tato uttarimahapphalanti, dasasīlaṃ pana paripuṇṇuposathasīlaṃ, tattha dinnam mahapphalanti **“tato uttari mahapphalan”**ti vuttam. Sāmaṇerasilādīnaṃ pana uttari viṣiṭṭhatārādibhāvato tattha tattha dinnassa visesamahapphalatā vuttā.

Maggasamaṅgitā nāma maggacittakkhaṇaparicchinnā, tasmiṃca khaṇe katham dātum paṭiggahetuñca sambhavaṭṭi codeti **“kim pana maggasamaṅgissa sakkā dānaṃ dātun”**ti. Itaro tādisa sati samayeti dassento **“āmasakkā”**ti paṭijānitvā **“āraddhavipassako”**ti-ādīnaṃ tamattham vivarati. **Tasmim khaṇeti** tasmim pakkhipanakkhaṇe. Yadi aṭṭhamakassa sotāpannassa

dinnadānaṃ phalato asaṅkhyeyyameva, ko nesaṃ visesoti āha **“tatthā”**ti-ādi. Tena satipi asaṅkhyeyyabhāvasāmaññe atthi nesaṃ appabahubhāvo saṃvaṭṭaṭṭhāyī-asaṅkhyeyyamahākappāsaṅkhyeyyānaṃ viyāti dasseti. Maggasamaṅgīnaṃ tena tena odhinā saṅkilesadhammānaṃ pahīyamānattā vodānadhammānaṃ vaḍḍhamānattā apariyositakiccattā aparipuṇṇaguṇatā, pariyositakiccattā phalasamaṅgīnaṃ paripuṇṇaguṇatāti taṃtaṃmaggaṭṭhehi phalaṭṭhānaṃ khettātisayatā veditabbā. Heṭṭhimahetṭhimehi pana maggaṭṭhehi uparimānaṃ maggaṭṭhānaṃ, phalaṭṭhehi phalaṭṭhānaṃ uttaritaratā pākaṭā eva. Tathā hi uparimānaṃ dinnadānassa mahapphalatā vuttā.

380. Kāmaṃ cettha buddhappamukhe ubhatosaṅghe kevale ca bhikkhusmāghe dānaṃ atthi eva, na pana buddhappamukhe bhikkhusaṅghe, taṃ pana buddhappamukha-ubhatosaṅgheneva saṅgahitanti aviruddhaṃ. **Na pāpuṇanti** mahapphalabhāvena sadisatampi, kuto adhikataṃ.

“Tathāgate parinibbute ubhatosaṅghassa” icceva vuttattā **“kiṃ panā”**ti-ādinā cedeti. Itaro parinibbute tathāgate taṃ uddissa gandhapupphādipariccāgo viya cīvarādipariccāgopi mahapphalo hotiyevāti katvā paṭipajjanavidhiṃ dassetuṃ **“ubhatosaṅghassā”**ti-ādi vuttaṃ. “Ettakāyeva bhikkhū, uddisathā”ti evaṃ paricchedassa akaraṇena upacārasīmāpariyāpanānaṃ khettapariyāpanānaṃ vasena **aparicchinnakamahābhikkhusaṅghe**.

Gottaṃ vuccati sādharmaṇānaṃ, **mattasaddo** luttaniddiṭṭho, tasmā samaṇāti gottamattaṃ anubhavanti dhārentīti **gotrabhuno**. Tenāha **“nāmamattasamaṇā”**ti. Diṭṭhisīlasāmaññena saṃhato samaṇagaṇo **saṅgho**, tasmā saṅgho dussīlo nāma natthi. **Guṇasaṅkhāyāti** ānisaṃsagaṇanāya, mahapphalatāyāti attho. **Kāsaṃva -pa- asaṅkhyeyyāti vuttā** saṅghaṃ uddissa dinnattā. Yathā pana saṅghaṃ uddissa dānaṃ hoti, taṃ vidhiṃ dassetuṃ **“saṅghagatā dakkhiṇā”**ti-ādi vuttaṃ. Tattha **cittikāraṇanti** gāraṃ.

Saṅghato na puggalato. **Aññathattaṃ āpajjatīti** “imassa mayā dinnam saṅghassa dinnam hoti”ti evaṃ cittaṃ anuppādetvā “saṅghassa dassāmi”ti

deyyadhammaṃ paṭiyādetvā sāmaṇerassa nāma dātabbaṃ jātanti aññathattaṃ āpajjati, tasmā tassa dakkhiṇā saṃghagatā na hotiyeva puggalavasena cittaṃ pariṇāmitattā. **Nibbematiko hutvā** “kim nu kho mayā imassa dinnam hoti vā, na vā”ti vimatiṃ anuppādetvā “yo paṇā”ti-ādinā vuttākārena karoti.

Tatthāti-ādinā vuttassevatthassa pākaṭākaraṇatthaṃ vatthum nidasseti “**parasamuddavāsino**”ti-ādinā. **Opuñjāpetvā** paribhaṇḍam karetvā, haritagomayena upalimpitvāti attho. **Kāsāvakaṇṭhāsamghassāti** kāsāvakaṇṭhāsamūhassa. **Ko sodhetī** mahapphalabhāvakaraṇena ko visodheti. Mahapphalabhāvāpattiyā hi dakkhiṇā visujjhati nāma. Tattha yesam hatthe dinnam, tesam vasena paṭiggāhakato dakkhiṇāya visuddhattā “tadāpāham ānanda saṃghagataṃ dakkhiṇam asaṅkheyyam appameyyam vadāmi”ti¹ ca vuttam, tasmā kammavaseneva dakkhiṇāvisuddhim pucchati. Itaro ariyasamghe dinnadakkhiṇāya nibbisitṭham katvā vuttattā matthakappattasseva ariyasamghe vasena dakkhiṇāvisuddhim dassento “**sāriputta -pa- sodhentī**”ti vatvā puna “ye keci arahanto sodhentī”ti dassento “**apicā**”ti-ādimāha. **Therā ciraparinibbutā**ti idam ajjatanānampi ariyānam sāvakataṃ dassentena maggasodhanavasena vuttanti daṭṭhabbam, na uddissa puññakaraṇe sati akaraṇappattiyā. Evaṃ hi “asītimahātherā sodhentī”ti idam suvuttam hoti, na aññathā.

“Saṃghagatāya dakkhiṇāya”ti kāmañcetaṃ sādharmaṇavacanam, tathāpi tattha tattha puggalaviseso ñātābhoti dassento “**atthi buddhappamukho samgho**”ti-ādimāha. **Na upanetabbobhagavato** kāle bhikkhūnam abhiññāpaṭisambhidāguṇavasena ativiya ulārabhāvato, etarahi tadabhāvato. **Etarahi samgho -pa- na upanetabboti** ettha nayānusārena attho vattabbo. **Tena teneva samayenāti** tassa tassa kālassa sampattivipattimukhena paṭipattiyā ulārataṃ anulāratañca ulliṅgeti. Yattha hi bhikkhū guṇehi sabbaso paripuñṇā honti, tasmim samaye saṃghagatā dakkhiṇā itarasmim samaye dakkhiṇato mahapphalatarāti daṭṭhabbā. **Samghe cittikāram kātum sakkontassāti** suppaṭipannatādim samghe āvajjitvā

1. Ma 3. 299 piṭṭhe.

saṅghagatena pasādena, saṅghassa sammukhā viya tasmim̐ puggale ca gāravavasena dentassa puthujjanasamaṇe dinnam̐ mahapphalataram̐ saṅghato uddisitvā gahitattā, “saṅghassa demī”tiyeva dinnattā ca.

Eseva nayoti iminā “sotāpanne dinnam̐ mahapphalataran”ti evamādim̐ atidisati. **Ādi**-saddena uddisitvā gahito sakadāgāmī, pāṭipuggaliko anāgāmīti evamādi saṅgahitam̐. **Mahapphalatameva**. Tenāha bhagavā “na tvevāham̐ Ānanda kenaci pariyāyena saṅghagatāya dakkhiṇāya pāṭipuggalikam̐ dānam̐ mahapphalataram̐ vadāmī”ti¹. Yadi khīṇāsava dinnadānato saṅghato uddisitvā gahitadussīlepi dinnadānam̐ mahapphalam̐, evam̐ sante “sīlavato mahārāja dinnam̐ mahapphalam̐, no tathā dussīle”ti idam̐ kathanti āha “**taṃ imam̐ nayam̐ pahāyā**”ti-ādi. Saṅghato uddisitvā gahaṇavidhim̐ pahāya dussīlasseva gahaṇavasena vuttam̐. **Imasmim̐ catukke daṭṭhabbanti** imassa padassa vasena daṭṭhabbam̐. Tattha hi “paṭiggāhakā honti dussīlā pāpadhammā”ti āgatam̐.

381. **Vusujjhatīti** na kilissati, mahājutikārī mahāvipphārā hotīti attho. **Sucidhammoti** rāgādi-asucividhamanena sucisabhāvo. **Na pāpadhammoti** na nihīnasabhāvo pāpakiriyāya. Akusaladhammo hi ekantanihīno. Jūjako sīlavā kalyāṇadhammo na hoti, tassa mahābodhisattassa attano puttadānam̐ dānapāramiyā matthakam̐ gaṇhantam̐ mahāpathavīkampanasamattham̐ jātam̐, svāyam̐ dānaguṇo vessantaramahāraññā kathetabboti.

Uddharatīti bahulam̐ katapāpakammavasena laddhavinipātato uddharati, tasmā natthi mayham̐ kiñci cittassa aññathattanti adhippāyo.

Petadakkhiṇanti pete uddissa dātabbadakkhiṇam̐. **Pāpitakāleyevāti** “idam̐ dānam̐ asukassa petassa hotū”ti uddisanavasena patte pāpitakāleyeva. **Assāti** petassa. **Pāpuṇīti** phalasarāpattiyā vasena pāpuṇi. Ayam̐ hi pete uddissa dāne dhammatā.

1. Ma 3. 299 piṭṭhe.

Tadā kosalarañño pariccāgavasena ativiya uḷārajjhāsayatam,
buddhappamukhassa ca bhikkhusamghassa ukkaṃsagataguṇavisiṭṭhatam
sandhāyāha “**asadisadānam kathetabban**”ti.

Asārampi khattanti sārāhīnam dukkhattam. **Samayeti** kasanārahe kāle.
Paṃsum apanetvāti nissāram paṃsum nīharitvā. **Sārabījānīti** sabhāvato
abhisankhārato ca sārabhūtāni bijāni. **Paṭiṭṭhapetvāti** vapitvā. **Evanti** yathā
kassako attano payogasampattiyā asārepi khette phalaṃ adhigacchati, evaṃ
sīlavā attano payogasampattiyā dussīlassapi datvā phalaṃ mahantam
adhigacchati. **Iminā upāyenāti** iminā paṭhamapade vuttanayena.
Sabbapadesūti sabbakoṭṭhāsesu **visujjhanam** vuttam, tatiyapade pana
visujjhanam paṭikkhittameva.

382. Arahato dinnadānameva aggam dānacetanāya kenaci upakkilesena
anupakkiliṭṭhattā, paṭiggāhakassa aggadakkhiṇeyyattā. Tenāha
“**bhavālayassa bhavapatthanāya abhāvato**”ti, “ubhinnaṃpī”ti vacanaseso.
Khīṇāsavo dānaphalaṃ na saddahatīti idaṃ tassa appahīnakilesajanassa viya
kammakammaphalānam saddahanākārena pavatti natthīti katvā vuttam, yato
arahā “asaddho akataññū ca -pa- poriso”ti¹ thomīyati. Asaddahanam
anumānapakkhikam, anumānañca saṃsayapubbakam, nissandiddho ca
kammakammaphalesu paccakkhabhāvam gato. Temeva hi
nicchitabhāvasiddham nissandiddhatam sandhāya “**dānaphalaṃ
saddahantā**”ti-ādi vuttam. Yadi evaṃ tena katakammaṃ
kammalakkhaṇappattam hotīti āha “**khīṇāsavenā**”ti-ādi. Tenevāha
“**nicchandarāgattā**”ti, etañca lakkhaṇavacanam, kenaci kilesena
anupakkiliṭṭhattāti adhippāyo. **Assāti** khīṇāsavassa dānam.

Kiṃ pana sammāsambuddhenāti-ādinā dāyakato dakkhiṇāvisuddhi
coditā, **Sāriputtattherenāti**-ādinā pana paṭiggāhakatoti vadanti, tadayuttam
sāvakassa mahapphalabhāve saṃsayābhāvato, heṭṭhā nicchittā ca, tasmā
ubhayenapi dāyakato dakkhiṇāvisuddhi eva coditā. Sā hi idha
sādhāraṇavasena nicchittā saṃsayavatthu.

1. Khu 1. 27 piṭṭhe Dhammapade.

Tenāha “**sammāsambuddhena -pa- vadanti**”ti. **Sammāsambuddham hīti-ādi** yathāvutta-atthassa kāraṇavacanāṃ. **Añño dānassa vipākāṃ jānitum samatto nāma natthi** sabbaso sattānaṃ kammavipākavibhāgajānananāñāssa ananuññātattā. Tenāha bhagavā “yasmā ca kho bhikkhave sattā na jānanti, dānasāvibhāgassa vipākāṃ yathāhaṃ jānāmi, tasmā adatvā bhuñjanti”ti-ādi¹. Etena ettha ñāṇavisodhanaṃ nāma kathitaṃ, na dakkhiṇāya visuddhi nāma dāyakato paṭiggāhakato ca vasena hotīti, sammāsambuddhena sārīputtattherassa dinnadānaṃ sabbaso upakkilesavisuddhiyā ñāṇassa ca ativiya uḷārattā mahānubhāvaṃ nāma siyā mahātejavantañca, na mahapphalāṃ tesāṃ santāne paripuṇṇaphalassa asambhavato. Yadi dinnadānaṃ paripuṇṇaphalaṃ na hoti ubhayavipākadānābhāvato, pavattivipākadāyī pana hotīti dassento “**dānaṃ hī**”ti-ādimāha.

Catūhīti sahayoge karaṇavacanāṃ, catūhi sampadāhi sahatā sahitaṃ katvāti attho. Imā catasso sampadā sabbasādhāraṇavasena vuttā, na yathādhigatapuggalavasena. Tenāha “**deyyadhammassa dhammenā**”ti-ādi. **Tasmimyeva attabhāveti** yasmim attabhāve taṃ dānamayaṃ puññaṃ uppannaṃ, tasmimyeva attabhāve vipākāṃ deti, cetanāya mahantattā diṭṭhadhammavedaniyaṃ hutvā vipaccatīti attho. **Pubbacetanādivasenāti** sannīṭṭhāpakajavanavīthito pubbāparavīthicetanāvasena, aññathā sannīṭṭhāpakavīthiyaṃyeva pubbacetanādivasenāti vattabbaṃ siyā. Sā hi cetanā diṭṭhadhammavedaniyabhūtā tasmimyeva attabhāve vipākāṃ deti, na itarā. **Mahattatāti** pubbābhisaṅkhāraṇavasena ñāṇasampayogādivasena cetanāya uḷārattā. **Khīṇāsavabhāvenāti** yassa deti, tassa khīṇāsavabhāvena. **Vatthusampannatāti** ettha yathā paṭighasaññānānattasaññānaṃ vigamena dibbavīhārānaṃ vasena, byāpādasaññādīnaṃ vigamena brahmavīhārānaṃ vasena, sabbaso rūpasaññānānattasaññānaṃ vigamena āneñjavīhārānaṃ vasena, sabbaso niccasaññādīnaṃ paṭippassaddhiyā sabbasaṅkhāravimukhatāya riyavīhārānaṃ vasena vatthusampannatā icchitā. Taṃtaṃsamāpattisamāpajjanena santānassa nirodhasādhanaṃ taṃ divasaṃ nirodhassa

1. Khu 1. 207 piṭṭhe Suttanipāte.

sāadhanatā nāma. **Vatthusampannatā**ti sabbaso
 nirodhasamāpattisamāpajjanena vatthusampannatā icchitā, na sabbaso
 anavasesasaññānirodhatāyāti āha “**taṃ divasaṃ nirodhato vuṭṭhitabhāvena
 vatthusampannatā**”ti. Saññānirodhassa cettha accāsannataṃ sandhāya “**taṃ
 divasan**”ti vuttam. Yaṃ panettha atthato avibhattaṃ, taṃ suviññeyyameva.

Dakkhiṇāvibhaṅgasuttavaṇṇanāya līnatthappakāsanā samattā.

Niṭṭhitā ca vibhaṅgavaggavaṇṇanā.

5. Saḷāyatanavagga

1. Anāthapiṇḍikovādasuttavaṇṇanā

383. **Adhimattagilānoti** adhikāya mattāya maraṇassa āsannatāya tiviya gilānoti attho. Tenāha “**maraṇaseyyaṃ upagato**”ti. **Akhaṇḍaṃ akāsi** gahapatino sathhari paramapemattā. **Yattakaṃ cassāti** “sakim vā dvikkhattum vā”ti vuttaṃ yattakaṃ assa gahapatissa.

384. **Osakkantīti** parihāyanti. **Ottharantīti** abhibhavanti. Usmā nāma kammajatejodhātu, sā saha jīvitindriyanirodhā pariyādiyati, yāva tā āyusmā vattanti tāva maraṇantikā vedanā vattanteva viññāṇassa aniruddhattā. Tenāha “**yāva usmā**”ti-ādi.

385. **Tīhi gāhetīti** taṇhāmānadiṭṭhiggāhehi. **Paṭibāhitum** vikkhambhetum. **Cakkhurū tīhi gāhehi na gaṇhissāmīti** mānaggāhapaṭikkhepamukhena cakkhusmiṃ aniccānupassanāti dasseti. Aniccānupassanāya hi sati appaṭiṭṭho mānaggāho, dukkhānupassanāya sati appaṭiṭṭho taṇhāggāho, anattānupassanāya sati appaṭiṭṭho diṭṭhiggāhoti, gāho ca nāma oḷāriko, tasmim vigatepi nikanti tiṭṭheyyāti taṃ vijahāpetukāmena “na ca me cakkhunissitaṃ viññāṇaṃ bhavissati”ti vuttanti āha “**viññāṇaṇcāpi me cakkhunissitaṃ na bhavissati**”ti. **Sabbaṃ kāmabhavarūpanti** kāmabhūmipariyāpannaṃ sabbaṃ rūpakkhandaṃ, “kāmarūpabhavarūpan”ti vā pāṭho, so yutto imassa vārassa eva anavasesapañcavokārabhavaṃ pariyāpannato. Tathā hi upari catuvokārabhavo anavasesato vutto.

386. **Idhalokanti** ettha saṅkharalokavisayoti adhippāyena “**vasanaṭṭhānaṃ vā**”ti-ādi vuttaṃ, taṅca kho paṭhamadutiyavārehi idhaloko gahitoti katvā. Paṭhamadutiyavārehi pana idhaloko paralokoti vibhāgena vinā pañcavokārabhavo gahito, tathā tatiyavāre pañcavokārabhavo catuvokārabhavo ca gahitoti puna diṭṭhadhammasamparāyavasena taṃ vibhajitvā dassetum “**na idhalokaṃ**”ti-ādi

vuttaṃ. Idhalokanti ca sattasaṅkhāravaseneva gahitaṃ. Sabbampi saṅkhāravasena pariggahetvā dassetuṃ “**yampi me diṭṭhan**”ti-ādi vuttanti keci. **Aparitassanattam** taṅhāparitassanāya anupādanattam. Yassa diṭṭhadhammoti vuccati, tassa pana abhāvato “**manussalokaṃ ṭhapetvā sesā paralokā nāmā**”ti vuttam. Yesam̐ pana “idhalokan”ti iminā sattalokassapi gahaṇam̐ icchitam̐, tesam̐¹ matena “manussalokaṃ ṭhapetvā”ti yojanā.

387. **Allīyasīti** attabhāve bhogesu ca apekkham̐ karosīti attho. **Evarūpīti** yādisī tadā dhammasenāpatinā kathitā, evarūpī. **Dhammakathā na sutapubbāti** yathākathitākārameva sandhāya paṭikkhepo, na sukhumagambhīrasuññatāpaṭisamyuttatāsāmaññam̐. Tenāha “**evam̐ panā**”ti-ādi.

Mayā gatamaggameva anugacchasīti dānamayapuññabhāvasāmaññam̐ gahetvā vadati, na bodhisattadānabhūtam̐ dānapāramitam̐. **Na paṭibhātīti** rucnavasena citte na upatiṭṭhati. Tenāha “**na ruccati**”ti. Tathā hesa vaṭṭābhiratoti. Ujumaggāvahā vipassanā bhagavatā panassa kathitapubbā.

388. Esitaguṇattā esiyamānaguṇattā ca isi, asekkhā sekkhā kalyāṇaputhujjanā ca, isīnam̐ saṃgho, tena nisevitantī **isisaṃghanisevitam̐**. Kāmaṃ tassa vihārassa gandhakuṭipāsādakūṭāgārādivasena nisīdananipajjanāya rukkhalatādivasena bhūmisayādivasena ca anaññasādharaṇā mahatī ramaṇīyatā attheva, sā pana gehassitabhāvena ariyānam̐ cittam̐ tathā na toseti, yathā ariyānam̐ nisevitabhāvenāti āha “**paṭhamagāthāya jetavanassa vaṇṇam̐ kathetvā**”ti. Tenāha bhagavā “yattha arahanto viharanti, tam̐ bhūmirāmaṇeyyakan”ti². Apacayagāminī cetanā sattānam̐ suddhimāvahatīti āha “**kammanti maggacetanā**”ti. Catunnam̐ ariyasaccānam̐ viditakaraṇaṭṭhena kilesānam̐ vikkhambhanaṭṭhena ca **vijjā**, maggasammādiṭṭhīti āha “**vijjāti maggapaññā**”ti. **Samādhipakkhiko dhammo nāma sammāvāyāmasatisamādhayo**. Tathā hi vijjābhāgiyo samādhipi samādhipakkhiko. Sīlam̐ tassa atthīti **sīlanti** āha “**sīle patiṭṭhitassa jīvitam̐ uttaman**”ti. **Diṭṭhisāṅkappoti** sammāsāṅkappo. Tattha sammāsāṅkappassa upakārahāvena

1. Tena (Ka)

2. Khu 1. 72; Khu 2. 344; Saṃ 1. 234 piṭṭhesu.

vijjābhāgo. Tathā hi so paññākkhandhasaṅgahitoti vuccati, yathā sammāsaṅkappo paññākkhandhena saṅgahito, evaṃ vāyāmasatiyo samādhikkhandhasaṅgahitāti. Tenāha “**Dhammoti vāyāmasatisamādhayo**”ti. “Dhammo”ti hi idha sammāsamādhi adhippeto “evaṃ dhammā te bhagavanto ahesun”ti-ādīsu¹ viya. **Vācākammantājīvāti** sammāvācākammantājīvā maggapariyāpannā eva, te sabbepi gahitāti. Tenāha “**etena aṭṭhaṅgikena maggenā**”ti.

Upāyenāti yana vidhinā ariyamaggo bhāvetabbo, tena **samādhipakkhiyaṃ** vipassanādhammañceva maggadhammañca. “Ariyaṃ vo bhikkhave sammāsamādhiṃ desessāmi sa-upanisaṃ saparikkhāraṇaṃ”ti² hi vacanato sammāsamādhi-ādayo maggadhammāpi samādhipakkhiyā. **Vicineyyāti** vīmaṃseyya, bhāveyāti attho. **Tatthāti** hetumhi bhummavacanaṃ. Ariyamaggahetukā hi sattānaṃ visuddhi. Tenāha “**tasmim ariyamagge visujjhati**”ti. **Pañcakkhandhadhammaṃ vicineyya**, pañcupādānakkhandhe vipasseyya. Tesu hi vipassiyamānesu vipassanā ukkaṃsagatā. Yadaggena dukkhasaccaṃ pariññāpaṭivedhena paṭivijjhīyati, tadaggena samudayasaccaṃ pahānapaṭivedhena, nirodhasaccaṃ sacchikiriyaṭivedhena, maggasaccaṃ bhāvanāpaṭivedhena paṭivijjhīyati, evaṃ accantavisuddhiyā sujjhati. Tenāha “**evaṃ tesu catūsu saccesu visujjhati**”ti. Idhāpi nimittatthe bhummavacanaṃ. Saccesu vā paṭivijjhiyamānesūti vacanaseso.

Avadhāraṇavacanaṃ vavatthāpanavacanaṃ, avadhāraṇanti attho. **Sāriputtovāti** ca avadhāraṇaṃ tassa sāvaka bhāvatō sāvakesu sāriputtova seyyoti imamatthaṃ dīpeti. **Kilesa-upasamenāti** iminā mahātherassa tādiso kilesūpasamoti dasseti, yassa sāvakassa visaye paññāya pāramippatti ahoṣi. Yadi evaṃ “yopi pāraṅgato bhikkhu, etāgaparamo siyā”ti idaṃ kathanti? Tesāṃ tesāṃ buddhānaṃ sāsane paññāya pāramippattasāvaka vasenetaṃ vuttanti daṭṭhabbaṃ. Atha vā “natthi vimuttiyā nānattaṃ”ti³ vacanato sāvakehi vimutti paññāmatthaṃ sandhāyetaṃ vuttaṃ. Tenāha “**pāraṅgatoti nibbānaṃ gato**”ti-ādi. Sesāṃ suviññeyyameva.

Anāthapaṇḍikovādasuttavaṇṇanāya līnatthappakāsanā samattā.

1. Dī 2. 7; Ma 3. 160; Saṃ 3. 138 piṭṭhesu.

2. Ma 3. 116 piṭṭhe.

3. Dī-Ṭī 3. 54; Mūlaṭī 2. 2 piṭṭhesu.

2. Channovādasuttavaṇṇanā

389. **Channoti** idaṃ tassa nāmantī āha “**evaṃnāmako thero**”ti. Yassa pana satthārā parinibbānakāle brahmadaṇḍo āṇatto, ayaṃ so na hotīti dassento āha “**na abhinikkhamanaṃ nikkhantatthero**”ti, lokanāthassa abhinikkhamanakāle kapilapurato nikkhantoti attho. **Gilānapucchakāti** gilānassa pucchanakā, gilānabhāvassa avatthaṃ sotukāmāti attho. Sasanato hiraṇṇasato **satthanti** āha “**jīvitahāraṇasatthan**”ti.

390. Upavajjaṃ etassa natthīti **anupavajjaṃ**, karajakāyaṃ katvā āyatim upattirahitanti attho. Tenāha “**anuppattikan**”ti.

391. **Khayavayaṃ** ñatvāti saṅkhāragataṃ khaṇabhaṅgaṃ netvā ñāṇena yāthāvato ñatvā. **Netam mamāti** dukkhato samanupassanā saṅkhāresu diṭṭhesu mamaṅkārahāvato. **Nesohamasmīti** aniccato samanupassanā aniccato tesu diṭṭhesu ahaṅkārahāvato. **Na meso attāti** anattato samanupassanā anattato tesu diṭṭhesu attaggāhābhāvatoti āha “**netam mama-pa- attāti samanupassamī**”ti.

393. **Tasmā puthujjanoti** yasmā sabbaso pariññātavatthuko dukkhavedanaṃ adhvāsetuṃ asakkonto nāma natthi, tasmā puthujjano, kevalaṃ pana adhimānena “nābhikaṅkhāmi jīvitam, paricīṇṇo me satthā, nirodhaṃ disvā”ti vadatīti adhippāyo. **Idampīti** idampi “nissitassa calitan”ti-ādi. Taṇhānissitabhāvena hi āyasmā channo māraṇantikaṃ vedanaṃ adhvāsetuṃ asakkonto ito cito parivattanto calati vipphandati, tasmā “nissitassa calitan”ti-ādi manasikātabbaṃ, tena idaṃ sabbaṃ tam vipphanditaṃ na bhavissatīti adhippāyo. **Kappasaddo** kālapariyāyopi hoti, na kālavisesavācako evāti āha “**niccakappanti niccakālan**”ti. Yathā appahīnataṇhādiṭṭhiko puggalo taṃnissito allino, evaṃ tāhipi nissito amuttabhāvatoti āha “**taṇhādiṭṭhīhi nissitassā**”ti. **Calitanti** yathā yathā asamāraddhāya sammāpaṭipattiyā ādīnavavasena calantaṃ pana yasmā ariyassa vinaye virūpaṃ calitaṃ hoti, tasmā āha “**vipphanditaṃ hoti**”ti. Tādise

pana papañcavikkhambhanavasena cittassa calite asati bhāvanāya vithipaṭipannatāya kilesapaṭippassaddhi eva hotīti āha “calite asati passaddhī”ti. Tena vuttam **“kilesapassaddhi nāma hotī”**ti.

Bhavantaram disvā namanatthena **nati**. Tenāha **“natiyā asatī bhavattāya ālayanikantipariyuṭṭhānesu asatī”**ti. **Paṭisandhivasena āgati nāmāti** paṭisandhiggahaṇavasena bhavantarato idheva āgamanam nāma, **cutivasena** cavanavasena ito bhavantarassa **gamanam nāma na hoti** āgatigatiyā asati katūpacitassapi kammassa uppattiparikappavasena pavattiyā abhāvātā. **Cavanavasena** nibbattabhavato cavanavasena **cuti**, āyatim upapajjanavasena upapāto na hoti. Yato gati āgati cavanam upapāto na hoti, tato eva nevidha, na huram, na ubhayamantarena, kāyassa gahiyā āgatiyā ca abhāvato sabbaso cutūpapāto natthi, tena na idhaloke ṭhitoti vattabbo, na paraloke ṭhitoti vattabbo, na ubhayamantarena ṭhitoti vattabbo. Tenāha **“nayidha loke”**ti-ādi. Tattha idhalokaparalokavinimuttassa saṃsaraṇapadesassa ābhāvato “na ubhayamantarenā”ti vuttoti ubhayapariyāpanno na hotīti paṭikkhipanto **“na ubhayattha hotī”**ti āha. **Ayameva antoti** yo idhaloke paraloke ca abhāvo avijjamānatā anuppajjanam, ayameva sakalassa dukkhamūlassa anto pariyosanam.

394. **Kaṇṭhanāḷim chindīti** nāḷim chinditum ārabhi. **Tasmim** chinditum āraddhakkhaṇe chedo ca vattati, **maraṇabhayañca okkami** avītarāgabhāvato, tato eva **gatinimittamupaṭṭhātī**. “Sopi nāma sabrahmacārīnam anupavajjatanam byākaritvā sarāgamaraṇam marissatī”ti saṃviggamānaso **saṅkhāre** aniccādivasena **pariggaṇhanto**. **Arahattam patvāti** pubbe bahuso vipassanāya udayabbayañāṇam pāpitattā tāvadeva arahattam patvā arahattaphalapaccavekkhaṇānantaram kaṇṭhanāḷicchadapaccayā jīvitanirodhena **samasīsī hutvā parinibbāyi**. Na hi antimabhavikassa arahattam appatvā jīvitarāyo hoti. **Therassāti** āyasmato channattherassa. **Byākaraṇenāti** hetumhi karaṇavacanam “byākaraṇena hetunā”ti. Tanimittam hi thero

vīriyaṃ paggaṅhanto vipassanaṃ ussukkāpeti. **Iminā**ti “atthi bhante”ti-ādivacanena. **Theroti** āyasmā Sāriputtatthero. **Pucchatī**ti bhante tathā kulasaṃsaggapasuto kathaṃ parinibbāyissatīti pucchati. “Pubbe kulesu saṃsaṅghavihārī”ti sabrahmacārīnaṃ paññātassapi **imasmim** “honti hete sāriputtā”ti-ādinā bhagavato vuttaṅghāne **asaṃsaṅghabhāvo pākaṭo aho**si. Pakkampi nipakkaṃ viya sammāpaṭipajjamānāpi keci asaṅghatā upaṅghahanti. Sesāṃ suviññeyyameva.

Channovādasuttavaṅṅanāya līnatthappakāsanā samattā.

3. Puṅṅovādasuttavaṅṅanā

395. Anantarasutte “paṭisallānāti phalasaṃpattito”ti vuttaṃ tattha dhammasenāpatino ariyavihārassa adhippetattā, idha pana akatakeccassa paṭisallānaṃ nāma kāyavivekoti āha “**paṭisallānāti ekībhāvā**”ti. “Cakkhuviññeyyā rūpā”ti panettha viññeyyarūpaṃ vijānantassa dvārabhūtaṃ cakkhanti ubhayaṃ ajjhattikaṃ bāhiraṅca āyatanā abhinanditādisāmaññena **tañceti** ettha **taṃ**-saddena ekajjhaṃ paccāmaṅghanti āha “**tañceti taṃ cakkhuñceva rūpañcā**”ti. Yaṃ panettha viññeyyasaddena jotitaṃ viññāṇaṃ taṃsampayuttadhammāti tadubhayaṃ “manoviññeyyā dhammā”ti padena kathitamevāti idha na gahitaṃ. Esa nayo sesesupi. **Samodhānenā**ti sahāvaṅghānena, cittena nandiyā taṅhāya saha pavattiyā cittasahuppattiyāti attho. Tenāha “uppajjati nandī”ti. **Pañcakkhandhadukkhassa samodhānanti** pañcakkhandhasaṅkhātassa dukkhasaccassa pañcavokāre sahappavatti hoti. Yasmā dukkhaṃ uppajjamānaṃ channaṃ dvārānaṃyeva vasena uppajjati, tathā samudayoti, tasmā āha “**iti chasu dvāresū**”ti-ādi. Kilesavaṅghassa kammavaṅghassa vipākavaṅghassa ca kathitattā āha “**vaṅghaṃ matthakaṃ pāpetvā dasseti**”ti. **Dutiyānāyati** “santi ca kho”ti-ādinā vutte dutiye desanānāyē. **Pāṭiyekko anusandhī**ti na yathānusandhi nāpi ajjhāsayānusandhīti adhippāyo, pucchānusandhissa pana idha sambhavo eva natthīti. **Sattasu ṭhānesū**ti akkosane paribhāsane paṅippahāre leḍḍupphāre daḍḍupphāre satthappahāre jīvitāvoropaneti imesu sattasu. “Bhaddakā vatime”ti-ādinā khantipaṭisaṃyuttaṃ **sīhanādaṃ nadāpetuṃ**.

396. **Caṇḍā**ti kodhanā, tena dūsitacittatāya duṭṭhāti vuttā. **Kibbisā**ti pāpā. **Pharusā**ti īsakampi pasādasinehābhāvena luddā. Pharusavacanaṭāya vā **pharusā**, tathābhūtā pana luddā nāma honti, tasmā vuttam **“kakkhaḷā”**ti. **Idaṅca** teti “hatthacchedam nāsikacchedan”ti evamādim idaṅca anitṭham karissāmāti bhayadassanena tajjessanti.

Ghaṭikamuggarenāti daṇḍānam kira aggapasse ghaṭākāram dassenti, tena so “ghaṭikamuggaro”ti vuccati. **Ekatodhārādīnā** satthena karavālakhaggādīnā. **“Indriyaśaṃvarādīnam etaṃ nāman”**ti vatvā yattha yattha indriyaśaṃvarādayo “damo”ti vuttā, taṃ pāṭhapadesaṃ dassento **“saccenā”**ti-ādimāha. Manacchaṭṭhāni indriyāni dameti śaṃvareṭīti **indriyaśaṃvaro**, damo. Rāgādīpāpadhamme dameti upasametīti **damo**, paññā. Pāṇātipātādīkammakilese dameti upasameti vikkhambhetīti **damo**, uposatho. Byāpādavihesādīke dameti vinetīti **damoti** āha **“imasmim̐ pana sutte khanti ‘damo’ti veditabbā”**ti. **Upasamoti tasseva** damassa **vevacanam̐**, tasmā damo ca so byāpādādīnam̐ vinayanaṭṭhena tesam̐yeva upasamanaṭṭhena upasamo cāti **damūpasamo**, adhivāsanakhanti.

397. Tattha khantiyam̐ katādhikāro taṃ janapadam̐ gantvā mahājanassa avassayo hoti, tasmā tadassa apadānam̐ samudāgamato paṭṭhāya vibhāvetum̐ **“ko panesa punṇo”**ti-ādi āradham̐. **Etthā**ti etasmim̐ sunāparanta janapade. **Asappāyavihāra**nti bhāvanābhīyogassa na sappāyam̐ vihāram̐.

Dve bhātaroti avibhattasāpateyyā avibhattavohārasam̐yogā. Tenāha **“tesū”**ti-ādi. **Janapadacārikam̐ caranto** bhaṇḍam̐ gahetvā janapadesu vikkayam̐ karonto.

“Buddhapūjam̐ dhammapūjam̐ saṃghapūjam̐ karissāmā”ti **tanninnā**. **Aṭṭhimiñjam̐ āhacca aṭṭhāsīti** “buddho”ti vacanam̐ assutapubbam̐ sotapatham̐ upagatam̐ anappakam̐ pītisomanassam̐ samuṭṭhāpentam̐ pītisamuṭṭhānapaṇitarūpehi chavicammādīni chinditvā aṭṭhimiñjam̐ āhacca aṭṭhāsī. **Vissajjī**tanti vikkiṇavasena viniyojītam̐. **Kammaṭṭhānam̐ na upaṭṭhātī**ti bhāvanāvīthim̐ na otarati. **Mayham̐ asappāyoti** mayham̐ kammaṭṭhānabhāvanāya sappāyo upakāro na hoti.

Koci caṅkamituṃ samattho nāma natthi mahatā samuddavīcisaddena upaddutattā bhāvanāmanasikārassa anabhisambhuṇanato. Tenāha “samuddavīciyo”ti-ādi. **Soti** makuḷavihāro.

Uttamajavena gacchamānā yathādhippetam maggam atikkamitvā aññataram dīpakam pāpuṇi.

Uppādikam utthapetvāti mahāvātamaṇḍalasamuṭṭhāpanena tasmim padese mahāsamuddam saṅkhobhento mahantaṃ uppādam utthapetvā.

Thero “amhe āvajjeyyāthā”ti kaniṭṭhassa vacanam saritvā antarantarā āvajjeti, tasmā tadāpi āvajjeti, tam sandhāya vuttam “**tasmimyeva khaṇe āvajjitvā**”ti. **Sammukheti** sīsaṭṭhāne. **Paṭivedesunti** pavedesum, upāsakā mayanti paṭijānimsu. **Imināti** iminā mayham pariccattakoṭṭhāsenā. **Maṇḍalamālanti** muṇḍamaṇḍalamālasadisam paṭissayam. **Paricārakāti**¹avasesagāmino.

Saccabandhassa okāsam karonto “**ekūnapañcasatānan**”ti āha. **Tam divasam -pa- aggahesi**, tena so thero paṭhamam salākam gaṇhantānam etadagge ṭhapito.

Vāṇijagāmam gantvāti vāṇijagāmasamīpam gantvā. **Buddhakoḷāhalanti** buddhānam upagamma sattānam uppajjanakutūhalam.

Mahāgandhakuṭiyamyevāti jetavanamahāvihāre mahāgandhakuṭiyamyeva. **Paricaritabbanti** upaṭṭhātabbam.

Gandhakaṭṭhānī candana-agarusalaḷādīni sugandhakaṭṭhāni. Sesam suviññeyyamevāti.

Puṇṇovādasuttavaṇṇanāya līnatthappakāsānā samattā.

4. Nandakovādasuttavaṇṇanā

398. **Saṃghassa bhāram akāsi** upāyena nandakattherassa ovādena vinetabbānam bhikkhunīnam vinayattham. Tenāha “**imam panā**”ti-ādi.

1. Idam padam Aṭṭhakathāyam na dissati.

pariyāyati pavattatīti **pariyāyo**, paṭipāṭīti āha “**pariyāyenāti vārena**”ti. **Assāti** Nandakattherassa. **Vadāpesi** aññehi attano anokāsabhāvaṃ. **Pariyāyena** **ovadantīti** ovaditum samatthā bhikkhuniyo vārena ovadanti. Idam pariyāyena ovadanam. **Cittam ekaggaṃ hoti pasīdati** pubbacariyasiddhena gāravabhumānena gehassitapemavasena.

Gotamīti mahāpajāpatigotamī. **Setṭhissāti** bārāṇasiseṭṭhino.

Teti paccekabuddhe. **Kim nu khoti pucchi** ciratarakālam puññakiriyāya paribhāvitasantānatāya, paccekabuddhesu ca gāravabhumānatāya. **Duggatehipi sakkā kātunti** duggatehipi yathāvibhavaṃ katā kuṭi tumhākaṃ vasitum sakkāti pucchi.

Hatthakammaṃ dethāti hatthakammaṃ katvā dethāti attho. **Ānisaṃsaṃ ācikkhitvāti** “tādisānaṃ mahesīnaṃ kataṃ veyyāvaccam amhākampi dīgharattam hitāya hoti, āvāsadānañca nāma mahapphalam mahānisaṃsaṃ nibbattaṭṭhāne mahāsampatti-āvaham bhavissati”ti-ādina ānisaṃsaṃ ācikkhitvā. **Gālhena ovādena tajjetvāti** “imesu nāma karontesu tvam kasmā na karosi, mama jeṭṭhakadāsassa bhariyabhāvaṃ na jānāsi, sabbehipi kariyamānassa hatthakammassa akaraṇe tuyham idañcidañca dikkham āgamissati”ti bhayena tajjetvā. **Sataṃ sataṃ hutvāti** sataṃ sataṃ dāsaputtā ekajjham hutvā ekañca ekañca kuṭim katvā adāsi. **Caṅkamanādiparivāranti** caṅkamanarattiṭṭhānadivāṭṭhānabhojanādiparivāraṭṭhānasahitam. **Jaggitvā** upaṭṭhāpetvā. **Vissajjāpesīti** pariccajāpesi. **Parivattāpetvāti** cetāpetvā. **Ticīvarānīti** sahasagghanikāni ticīvarāni katvā adāsi. **Kālena kālanti** kāle kāle, kismiñci kāleti attho. **Rajje ṭhitassāti** sabbabhūtupakārarajje ṭhitassa.

Nandakattheropīti tadā jeṭṭhakadāso etarahi nandakatthero pabbajitvā arahattam patto. **Jeṭṭhakadāsīdhītā -pa- aggamahesiṭṭhāne ṭhitāti** mahāpajāpatigotamim sandhāya vadati. **Ayamāyasmā nandakoti** ayameva samudāgamato āyasmā nandakatthero. **Etāva tā bhikkhuniyoti** etāvatā samudāgamato pañcasatā bhikkhuniyo.

399. **Hetunā**ti nāyena aviparītaṭṭipattiyā. Pubbhāgā hi purimā purimā paṭipadā pacchimāya kāraṇaṃ. **Yāthā**vasarasato diṭṭhanti yathābhūtasabhāvato paccakkhaṃ viya.

401. **Taṃsabhāvaṃ taṃsabhāvanti** tassā vedanāya paccayabhāvena anurūpaṃ.

403. **Paṭhamataramyeva aniccā**ti tassāpi chāyāya aniccabhāvo paṭhamataramyeva siddho. Na hi kadāci aniccaṃ nissāya pavattaṃ kiñci niccaṃ nāma atthīti.

404. **Anupahanitvā**ti avināsetvā. Kathaṃ pana maṃsakāyaṃ cammakāyañca avināsetvā itaresaṃ kantanaṃ hotīti byatirekamukhena dassetuṃ “**tatthā**”ti-ādi vuttaṃ. **Cammaṃ alliyāpentoti** camme laggāpento cammapaṭibaddhaṃ karonto. **Cammaṃ baddhaṃ baddhaṃ katvā**ti vivarakāle na phārento cammabaddhe katvā. **Evaṃ akatvā**ti evaṃ maṃsacammakāyānaṃ vināsaṇaṃ akatvā, vilimaṃsādivikantaṇa aññaṃaññaṃ vivecetvā. Tatha **vilimaṃsanti** cammanissitamaṃsaṃ, paṭicchannakilomakanti ca vadanti. **Nhārū**ti sukhumaṇhāru. **Bandhananti** cammamaṃsaṇaṃ sambandhaṃ. Tenāha “**sabbacamme laggavilipanamāṃsamevā**”ti. **Antarakilesamevā**ti antare citte jātattā sattasantānantogadhatāya abbhantarabhūtakilesameva.

405. **Tajjaṃ vāyā**manti nidassanamattaṃ daṭṭhabbaṃ. Tathā hi purisena kuṭhārinā chejjaṃ chindite chejjaṭṭhānassa sallakkhaṇaṃ icchitabbaṃ, tassa paṭighātabhāvo icchitabbo, kāyapariḷāhābhāvo icchitabbo, tassa avatṭhānaṃ icchitabbaṃ, kiccantare ajjupekkhaṇaṃ icchitabbaṃ, evaṃ paññāya kilese chindantassa yogino vīriyabalena saddhiṃ satipītipassaddhisamādhīupekkhāsambojjhaṅgaṃ icchitabbanti āha “**evaṃ na vinā chahi -pa-sakkotī**”ti.

407. **Tena kāraṇenā**ti yena tāsā bhikkhunīnaṃ sā dhammadesanā sappāyā, āsevanamandatāya pana ajjhāsayena paripuṇṇasaṅkappā na jātāyeva, puna tathā desanāya satī āsevanabalavatāya paripuṇṇasaṅkappā bhavissanti, tena kāraṇena tvampi tā bhikkhuniyo teneva ovādena ovadeyyāsīti.

415. **Sabbapacchimikā**ti sabbāsaṃ kaniṭṭhā sotāpaṇṇā, anariyā tattha kāci natthīti attho. Tenāha “**sesā pana -pa- khīṇāsavā cā**”ti. **Yadi evanti** akhīṇāsavāpi tādisā bhikkhunī atthi, evaṃ sati sukkhavipassakabhāvenapi sati khīṇāsavabhāve ariyassa vinaye aparipuṇṇasaṅkappāvāti adhippāyena codeti “**katham paripuṇṇasaṅkappā**”ti. Itaro ajjhāsayapāripūriyāti kāraṇaṃ vatvā “**yassa hī**”ti-ādinā tamatthaṃ vivarati. **Ajjhāsayapāripūriyāti** tattha adhippāyapāripūriyā, na sabbaso guṇapāripūriyāti adhippāyo. Tenāha “**kadā nu kho**”ti-ādi. Etena pāda-kajjhānasammasitajjhānānaṃ visadisaṭṭhāyā puggalassa vipassanākāle pavatta-ajjhāsayavasena ariyamagge bojjhaṅgamaggaṅgajhānaṅgānaṃ visesaṭṭhāyā ayamattho dīpitoti veditabbo. Sesā suviññeyyameva.

Nandakovādasuttavaṇṇanāya līnatthappakāsanā samattā.

5. Rāhulovādasuttavaṇṇanā

416. **Vimuttim paripācentī**ti kilesānaṃ paṭippassaddhivimuttibhūtaṃ arahattaṃ sabbaso pācenti sādheti nibbāpentīti **vimutti-paripācanīyā**. **Dhammā**ti kāraṇadhammā. Tenāha “**visuddhikāraṇavasenā**”ti, arahattasaṅkhātāyā visuddhiyā sampādanavasenāti attho. Saddhindriyādayo visujjhamānā magga-paṭipāṭiyāva sabbaso assaddhiyādīhi cittaṃ vimocentā aggaphalavimuttim sampādentī. Tesāṃ pana visuddhi bālaparivajjanena paṇḍitapayirupāsanaena pasādāvahadhammapaccavekkhaṇāyā ca hoti, tato idha pannarasa dhammā adhippetāti dassento “**vuttaṃ hetan**”ti-ādimāha.

Tattha **assaddhe puggaleti** saddhārahite puggale. Te hi nissāya na kadāci saddhā sambhavati, tesāṃ pana diṭṭhānugati-āpajjanena aññadatthu asaddhiyameva vaḍḍhati, tasmā te paṭibhayamaggo viya dūrato vajjetabbā. **Assaddhiyanti** ca saddhāya paṭipakkhabhūtā asaddheyavatthusmim adhimuccanākārena pavattā saṅkilesadhammā veditabbā. **Saddhe puggaleti** saddhāsampanne puggale. Te hi nissāya saddheyavatthusmim anuppannā uppajjati, uppannā bhīyyobhāvaṃ

vepullaṃ āpajjati. **Saddeyyavattūti** ca buddhādīni ratanāni kammakammaphalāni ca. **Sevatoti** labbhamānaṃ saddhāsampadaṃ uppādetuṃ vadḍhetuṃca nisevato. Sesapadāni tasseva vevacanāni. Atha vā **sevato** upasaṅkamato. **Bhajato** tesāṃ paṭipattiyāṃ bhattim kubbato. **Payirūpāsato** tesāṃ ovādānusāsānikaraṇavasena upaṭṭhahato. **Pasādanīyasuttantā** nāma buddhādiguṇapaṭisaṃyuttā pasādāvahā sampasādanīyasuttādayo. Te hi paccavekkhato buddhādīsu anuppannā pasannā uppajjati, uppannā bhīyobhāvaṃ vepullaṃ āpajjati. **Imehi tīhākārehīti** imehi yathāvuttehi tīhi kāraṇehi. Paṭipakkhadūrībhāvato paccekāṃ sūpahārato ca āsevanāṃ bhāvanāṃ labhanti. **Saddhindriyaṃ vusujjhati** maggaphalāvahabhāvena acchati visuddhiṃ pāpuṇāti. Iminā nayena sesapadesupī attho vedītabbo.

Ayaṃ pana viseso—**kusīteti** alase sammāpaṭipattiyāṃ nikkhattadhure. **Āraddhavīriyeti** paggahitavīriye sammāpaṭipanne. **Sammappadhāneti** anuppannānaṃ akusalānaṃ anuppādanādivasena pavatte cattāro upāyappadhāne. **Paccavekkhato** paṭipattim avekkhato. Te hi paccavekkhato līnaṃ abhibhavitvā sammadeva ārambhadhātu-ādi anuppannānaṃ vidhinā satisampadāya uppādāya bhīyobhāvāya saṃvattati. **Asamāhite** bhantamigabhantaṅgasappaṭibhāge vibbhantacitte. **Samāhite** upacārasamādhinā appanāsamādhinā ca sammadeva samāhitacitte. **Jhānavimokkheti** savitakkasavicārādijhānāni paṭhamādivimokkhe ca. Tesāṃ hi paccavekkhaṇā uparūpari accantameva samādhānāya saṃvattati. **Duppaññeti** nippaññe, ariyadhammassa uggahaparipucchāsavanasammasanābhāvena sabbaso paññārahite ca. **Paññavanteti** vipassanāpaññāya ceva maggapaññāya ca samannāgate. **Gambhīraññācariyanti** gambhīraṃ khandhāyatanadhātusaccapaṭiccasamuppādādibhedāṃ ñāṇassa caritabbaṭṭhānaṃ, yattha vā gambhīraññāṇassa caritaṃ pavattati. Tattha hi paccavekkhaṇā sammohaṃ vidhamati, anuppannāya paññāya uppādāya bhīyobhāvāya saṃvattati. **Suttantakkhandheti** suttasamūhe.

Pubbe saddhindriyādīnaṃ visuddhikāraṇāni “vimuttiparipācanīyā dhammā”ti vuttānīti idha saddhādike aññe ca dhamme dassento “**aparepī**”ti-ādimāha. Tattha saddhādīnaṃ vimuttiparipācanīyatā dassitā eva,

aniccasaññādīnaṃ pana vimutti-paripācanīyatāya vattabbameva natthi vipassanābhāvato. Tenāha “**ime pañca nibbedhabhāgiyā saññā**”ti. **Kalyāṇamittatādayoti** kalyāṇamittatā sīlasaṃvaro abhisallekhakathā vīriyārambho nibbedhikā paññā ime kalyāṇamittatādayo pañca dhammā. Ayamettha saṅkhepo, vitthāro pana **Meghiyasuttasaṃvaṇṇanāyaṃ**¹ vuttanayena veditabbo. **Lokaṃ volokentassāti** buddhaveneyyasattalokaṃ buddhacakkhunā visesato olokentassa.

419. Āyasmato rāhulassa indriyānaṃ paripakkattā saddhiṃ paṭṭhapitapatthanā devatā udikkhamānā tiṭṭhanti “kadā nu kho uttari āsavānaṃ khaye viñessatī”ti, yadā pana satthā evaṃ parivitakkesi, tāvadeva samānajjhāsayatāya sabbakālaṃ taṅkhaṇaṃ āgamentiyo tā devatāyo taṃ samavāyaṃ disvā ekasmiṃ andhavanasmimīyeva sannipatitā. Upālissa gahapatino dīghanakhaparibbājakassa catusaccadhammesu dassanakiccena pavatto sotāpattimaggoti tesu suttesu² **paṭhamamaggo “dhammacakkhun”ti vutto** tassa dassanatthassa sātisayattā, brahmāyuno pana phalañāṇāni heṭṭhimāni tīṇi sātisayānīti **brahmāyusutte**³ **tīṇi phalāni “dhammacakkhun”ti vuttāni**. Idaṃ panettha āyasmato rāhulassa maggañāṇaṃ phalañāṇaṃ dassanattho sātisayo, tāhi ca devatāhi yaṃ ñāṇaṃ adhigataṃ, taṃ sātisayamevāti vuttaṃ “**imasmim̐ sutte catāro maggā cattāri ca phalāni dhammacakkhanti veditabbāni**”ti. Kim̐ pana sāvakanāṃ saccābhisamayañāṇe atthi koci visesoti? Āma atthi, so ca kho pubbabhāge vuṭṭhānagāminivipassanāya pavattiyākāravisesena labheyya kāci visesamattā. Svāyamattho **abhidhamme** “no ca kho yathā diṭṭhippattassā”ti saddhāvimuttato diṭṭhippattassa kilesappahānaṃ pati visesakittanena dīpetabbo. Kim̐ pana āyasmā rāhulo viya tā devatā sabbā ekacittā pageva cattāri phalāni adhigaṇhimsūti? Noti dassento “**tattha hī**”ti-ādimāha. Kittakā pana tā devatāti āha “**tāsañca panā**”ti-ādi.

Rāhulovādasuttavaṇṇanāya līnatthappakāsanā samattā.

1. Udāna-Ṭṭha 200 piṭṭhādīsu. 2. Paṭisaṃ-Ṭṭha 2. 217 piṭṭhe. 3. Ma 2. 334 piṭṭhe.

6. Chachakkasuttavaṇṇanā

420. **Ādimhi kalyāṇanti** ādikoṭṭhāse kalyāṇam etassāti vā ādikalyāṇo, tam **ādikalyāṇam**, ādikalyāṇabhāvo ca dosavigamena icchitabbo. Yam hi sabbaso vigatadosam, tam paripuṇṇaguṇameva hotīti **“niddosan”**ti vuttam. **Katvāti** ca padam **“kalyāṇam katvā bhaddakam katvā”**ti purimapadadvayenapi yojetabbam. Desanākāro hi idha kalyāṇasaddena gahito. Tenevāha “desetabbadhammassa kalyāṇatā dassitā hotī”ti, dutiye pana atthavikappe desetabbadhammassa kalyāṇatā mukhyeneva kathitā itarassa atthāpattito. **Majjhekalyāṇam pariyoṣānakalyāṇanti** etthāpi eseva nayo. Ayañca desanāya thomanā buddhānam āciṇṇasamāciṇṇāvāti dassetuṃ **“iti bhagavā ariyavaṃsan”**ti-ādi vuttam. Dhammaggaḥaṇampi desanāya thomanā evāti **“navahi padehi”**ti vuttam.

Vedanā yāthāvato jānanam, tañca maggakiccam, tassa upāyo vipassanāti-āha **“sahavipassanena maggena jānitabbāni”**ti. Pariññābhisamayādikiccena nibbattiyā asammohato ca paṭivijjhitabbo. **Tebhūmakacittameva kathitam** sammasanaṭṭhānassa adhippetattā. Esa nayo dhammāyatanādīsupi. Dhammāyatanassa vā āyatanabhāvato **bahiddhāgahaṇam**, na sabbaso anajjhatabhāvato. **Vipākavedanāpaccayā javanakkhaṇe uppannataṇhāti** chattiṃsavipākavedanam nissāya evaṃ assādentī anubhaveyyanti akusalajavanakkhaṇato uppannataṇhā.

422. **Pāṭiyekko anusandhīti** yathānusandhi-ādīnam asambhavatoti adhippāyena vuttam. **Heṭṭhāti** viññāṇaphassavedanātaṇhānam paccayāyattavuttibhādasanena cakkhāyatanādīnam rūpāyatanādīnañca paccayāyattavuttitā dīpitā apaccayuppannassa paccayābhāvato, yañca paccayāyattavuttikam, tam aniccam uppādasambhavato, yadaniccam tam dukkham, yam dukkham tadanattāti khandhapañcake ca channam chakkānam vasena ghanavinibbhogakaraṇena atthato anattalakkhaṇam vibhāvitaṃ, na sarūpatoti sarūpatopi tam vibhāvetukāmo teneva chachakkānam vasena ghanavinibbhoganayena byatirekato ca anvayato ca dassento bhagavā **“cakkhu attāti yo vadeyya”**ti-ādimāhāti

yathānusandhikāva desanā vibhāvītā. Tenāha “**heṭṭhā kathitānaṃ hī**”ti-ādi. Heṭṭhā pana channaṃ chakkānaṃ vasena vinibbhogadassanamattaṃ, na anattalakkhaṇaṃ¹ vibhāvītā, idha pana sarūpato anattalakkhaṇaṃ vibhāvītanti adhippāyena anusandhantarabhāvajotānā. Yadipi anattabhāvo nāma catūsūpi saccesu labbhateva, sabbepi hi dhammā anattā, ime panettha dvepi nayāsammasanavasena pavattāti vuttaṃ “**dvinnaṃ saccānaṃ anattabhāvadassanatthan**”ti. Na upapajjati upapattisaṅkhātayuttīyā na sametīti ayamettha atthoti āha “**na yujjati**”ti. Attavādinā “nicco dhuvo sassato”ti abhimato, cakkhuñca uppādavantaṭāya aniccaṃ, yaṃ paccayāyattavuttitā, tasmā “cakkhu attāti yo vadeyyaṃ, taṃ na upapajjati”ti-ādi. Sakkāyavattu cakkhu anattā aniccabhāvato seyyathāpi ghaṭo, cakkhum aniccaṃ paccayāyattavuttibhāvato seyyathāpi ghaṭo, cakkhu paccayāyattavutti uppādādisambhavato seyyathāpi ghaṭo. **Vigacchatīti** bhaṅga-uppattiyā sabhāvāvīgamena vigacchati. Tenāha “**nirujjati**”ti.

424. Yasmā kilesavaṭṭamūlakaṃ kammavaṭṭaṃ, kammavaṭṭamūlakañca vipākavaṭṭaṃ, kilesupatti ca taṇhādiggāhapubbikā, tasmā “**tiṇṇaṃ vā gāhānaṃ vasena vaṭṭaṃ dassetun**”ti āha. Yasmā pana taṇhāpakkhikā dhammā samudayasaccaṃ, cakkhādayo dukkhasaccaṃ, tasmā vuttaṃ “**dvinnaṃ saccānaṃ vasena vaṭṭaṃ dassetun**”ti. **Taṇhāmānadiṭṭhiggāhāva veditabbā** sakkāyagāminipaṭipadāya adhippetattā. “Etaṃ mamā”ti-ādinā gahaṇamevettha anupassanāti āha “**gāhattayavasena passati**”ti.

Tiṇṇaṃ gāhānaṃ paṭipakkhavasenati taṇhādiggāhapaṭipakkhabhūtānaṃ dukkhāniccānattānupassanānaṃ vasena, tāhi vā tiṇṇaṃ gāhānaṃ paṭipakkhavasena viniveṭhanavasena anuppādanavasenaṭi attho. Paṭipakkhavasena vivaṭṭaṃ dassetunti yojanā. **Sakkāyanirodhagāminī paṭipadāti** ettha nirodhadhammo sarūpeneva dassitoti āha “**nirodho -pa-dassetun**”ti. **Paṭisedhavacanānīti** paṭikkhepavacanāni.

425. Taṇhādīnaṃ anupādiyanavacanāni **taṇhādiṭṭhivaseneva vuttāni** taṇhādiṭṭhīnaṃyeva abhinandanādivasena pavattisabbhāvato. Appahīnattho

anusayatthoti āha “**anusetīti appahīno hotī**”ti. Ariyamaggena hi appahīno thāmagato rāgādikilesa anusayo kāraṇalābhe sati uppajjanārahabhāvato. Yaṃ panettha vattabbaṃ, taṃ heṭṭhā vuttameva.

Vatṭadukkhakilesadukkhassāti vatṭadukkhassa ceva kilesadukkhassa ca. Sa-upādisesanibbānaṃ hi kilesadukkhassa antakaraṇaṃ, anupādisesanibbānaṃ vatṭadukkhassa.

426. **Tesanti** anusayānaṃ. **Paṭikkhepavasena**ti pajahanavasena, appavattikaraṇavasenaṃ attho. **Avijjāṃ pajahitvā**ti anavasesato avijjāṃ appavattidhammataṃ āpādetvā. Kāmaṃ heṭṭhimamaggañāṇampi avijjāpahāyini vijjā eva, taṃ pana ñānaṃ avijjāya anavasesappahāyakaṃ na hoti, aggamaggañāṇe pana uppanne avijjāya lesopi nāvasissatīti tadeva avijjāya pahāyakanti āha “**arahattamaggavijjāṃ uppādetvā**”ti.

427. Sayameva tathāgate attano buddhānubhāvena desente saṭṭhi bhikkhū arahattaṃ pattāti **anacchariyametāṃ**, atha kiṃ acchariyanti āha “**iman**”ti-ādi. **Kathentepī**ti ettha itisaddo pakārattho, imināva pakārenāti attho. **Pattā evā**ti saṭṭhi bhikkhū arahattaṃ pattā evāti yojanā. **Etampi anacchariyāṃ**, satthu sammukhā sāvakaṃ samudāgamā mahābhīṇṇā pabhinnasambhidā tathā tathā sappāṭihāriyaṃ dhammaṃ desentīti. Tenāha “**mahābhīṇṇappattā hi te sāvaka**”ti.

Mahāmaṇḍapeti lohapāsādassa purato eva mahābhikkhusannipāto jātoti tesāṃ pahonakavasena kate mahati sāṇimaṇḍapeti¹ vadanti. **Tesupi ṭhānesū**ti tesu yathāvuttamahāmaṇḍapādisu ṭhānesu. Mahāthero atthīti padaṃ ānetvā sambandhitabbaṃ. Devattherassa guṇe sutvā pasannamānaso mahāthero, tathāpi vattasampattiyā pasīditvā “**tvaṃ pana nhāpehī**”ti āha.

Heṭṭhāpāsādeti ca kalyāṇiyamahāvihāre uposathāgāre heṭṭhāpāsāde ekadā, uparipāsāde ekadā kathesīti. Cūḷanāgassa tathā mahatī parisā devatānubhāvena abhiññāpādanaṃ ahoṣīti

1. Sāvakamaṇḍapeti (Ka)

keci. Thero pana mahiddhiko ahosi, tasmā tāva mahatim̄ parisam̄ abhiññāpesīti apare.

Tato tatoti tassam̄ tassam̄ disāyam̄. **Ekovāti**¹ekacco eva, na bahuso, katipayāva puthujjanā ahesunti attho. Sesam̄ heṭṭhā vuttanayattā suviññeyyameva.

Chachakkasuttavaṇṇanāya līnatthappakāsanā samattā.

7. Mahāsaḷāyatanikasuttavaṇṇanā

428. Mahantāni saḷāyatanāni adhikicca pavattattā **mahāsaḷāyatanikam̄**, mahantatā ca tesam̄ mahantam̄ lokasannivāsam̄ abhibyāpetvā ṭhitattā ayoniso gayhamānānam̄ mahato anathāya samvattanato, yoniso gayhamānānam̄ mahato athāya hitāya sukhāya samvattanato ca daṭṭhābbā. **Jotakanti** bodhakam̄.

429. Sikhāpattāya vipassanāya jānanampi yathābhūtajānanameva maggena jānanassa āsannakāraṇabhāvatoti āha “**sahavipassanena maggena ajānanto**”ti. **Vuḍḍhim̄ gacchantīti** paccayasamodhānena bhavayonigatiṭṭhitisattāvāsapāḷiyā aparāparam̄ parivuddhim̄ gacchanti. Evambhūtā paguṇabhāvamāpādītā samathavipassanādhammā viya suṭṭhutarānam̄ vasībhāvam̄ pāpitā jhānābhiññā viya ca vasībhūtā hutvā uparūpari brūhentīti āha “**vasībhāvam̄ gacchantī**”ti. Tathā hi te kadāci bhavapatthanāya anuppādītāyapi appahīnabhāvenevassā tiṭṭhanti, akusalā dhammāva yebhuyyena dassanāyatanena vināsadassanato pavattanti parivaḍḍhanti ca. **Pañcadvārikadarathā**ti pañcadvārikajavanasahagatā akusaladarathā. Evaṃ **manodvārikadarathā** veditabbā. **Santāpā**ti darathehi balavanto sampayuttadhammānam̄ nissayassa ca santāpanakarā². **Parilāhā**ti tatopi balavatarā tesam̄yeva paridahanakarā³.

430. **Pañcadvārikasukham̄**, na kāyappasādasannissitasukhameva. **Manodvārikasukhanti** manodvārikacittasannissitasukham̄, na yam̄ kiñci cetasikasukham̄ tassa

1. Ekekova (Aṭṭhakathāyam̄.)

2. Santāpanākārā (Ka)

3. Paridahanākārā (Ka)

kāyikasukhaggahaṇeṇeva gahitattā. **Pañcādvārikajavanena samāpajjanam vā vuṭṭhānam vā natthīti** idam manodvārikajavanena tassa sambhavam dassetuṃ maggassa vasena vuttam, na pana tappasaṅgasaṅkānivattanattham. Viññattimattampi janetuṃ asamattham samāpajjanassa katham paccayo hoti, buddhānam pana bhagavantānam hotīti ce? Tathāpi tassa āsannaṭṭhāne pañcadvārikacittappavattiyā asambhavo eva tādisassa pubbābhogassa tasmim kāle asambhavato. Eteneva yā kesañci ariyadhamme akovidānam ghaṭasabhāvādīsu buddhitulyakāritāpatticodanā, sā paṭikkhittāti daṭṭhabbā taṃtaṃpurimābhogavasena tena tena pañcadvārikābhiniyatamanoviññāṇassa parato pavattamānamanoviññāṇeṇa tasmim tasmim atthe vaṇṇasaṅṭhānādivisesassa vinicchinitabbato. **Uppannamattakameva hotīti** pañcadvārikajavanam tādisam kiñci atthanicchayakiccam kātuṃ na sakkoti, kevalam uppannamattameva hoti. **Ayanti** “ādīnavānupassino”ti-ādīnā vuttā.

431. **Kusalacitta -pa- bhūtassāti**

vuṭṭhānagāminivipassanāsahagatakusalacittassa sampayuttacetosukhasamaṅgībhūtassa. **Pubbasuddhikāti** magguppattito, vipassanārambhatopi vā pubbeva suddhā. Tenāha “**ādito paṭṭhāya parisuddhāva hontī**”ti. **Sabbatthakakārāpakaṅgānīti** silavisodhanassa cittasamādhānassa vipassanābhīyogassa maggena pahātabbakilesapahānassāti sabbassapi maggasambhāra-kicassa kārāpakaṅgāni. **Aṭṭhaṅgiko vāti** paṭhamajjhāniko vā aṭṭhaṅgiko, dutiyajjhāniko vā **sattaṅgiko hoti**.

Imameva suttapadesam gahetvāti “yā tathābhūtassa diṭṭhī”ti-ādīnā sammādiṭṭhī-ādīnam pañcannāmyeva tasmim ṭhāne gahitattā lokuttaramaggo pañcaṅgikoti vadati. **Soti** tathā vadanto vitaṇḍavādī. **Anantaravacanenevāti** “yā tathābhūtassa diṭṭhī”ti-ādivacanassa “evamassāyan”ti-ādīnā anantaravacanena. **Paṭisedhitabboti** paṭikkhipitabbo. “Ariyo aṭṭhaṅgikomaggo”ti hi idam vacanam ariyamaggassa pañcaṅgikabhāvam ujukameva paṭikkhipati. Yadi evam “yā tathābhūtassa diṭṭhī”ti-ādīnā tattha pañcannam eva aṅgānam gahaṇam kimatthiyanti āha “**uttari cā**”ti-ādi. **Sammāvācam bhāveti** ariyamaggasamaṅgī. Tenāha “**micchāvācam pajahatī**”ti. Yasmim

hi khaṇe sammāvācā bhavanāpāripūriṃ gacchati, tasmimyeva micchāvācā pajahīyatīti. **Saheva viratiyā pūrenti** samucchavedaviratiyā vinā dukkhapariññādīnaṃ asambhavato. **Ādīto paṭṭhāya parisuddhāneva vaṭṭanti** parisuddhe sīle paṭiṭṭhitasseva bhāvanāya ijjhanato. Yathāvuttamattham ganthantarenapi samatthetum “**subhaddasuttepi cā**”ti-ādi vuttam. **Anekesu suttasatesu aṭṭhaṅgikova maggo āgato**, na pañcaṅgikoti adhippāyo.

Sammāsati maggakkhaṇe kāyānupassanādicatukiccasādhikā hotīti taṃ catubbidham katvā dassento “**maggasampayuttova cattāro satipaṭṭhānā**”ti āha, na catummaggasampayuttatāvāsena. Esa nayo **sammappadhānā**disupi. Aññamaññānavattamānā yuganaddhā yuttā viya ariyamaggayuganaddhā aññamaññam paṭibaddhāti yuganaddhā. Tenāha “**ekakkhaṇikayuganandhā**”ti. Ariyamaggakkhaṇe eva hi samathavipassanā ekakkhaṇikā hutvā samadhuraṃ vattanti. Tenevāha “**ete hī**”ti-ādi. **aññasmiṃ khaṇe samāpatti, aññasmiṃ vipassanā**ti idaṃ tesam tatha tatha kiccato adhikabhāvaṃ sandhāya vuttam, na aññathā. Na hi paññārahitā samāpatti, samādhirahitā ca vipassanā atthi. **Ariyamagge pana ekakkhaṇikā** samadhuratāya ekarasabhāvenāti attho. **Phalavimuttīti** arahattaphalavimutti. Sesam heṭṭhā vuttanayattā suviññeyyameva.

Mahāsaḷāyatanikasuttavaṇṇanāya līnatthappakāsanaṃ samattā.

8. Nagaravindeyyasuttavaṇṇanā

435. **Samavisamaṃ carantīti** kāyasamādiṃ samaññeva, kāyavisamādiṃ visamaññeva caranti karonti paṭipajjanti. Taṃ pana samavisamaṃ aññamaññam viruddhattā visadisattā na ekasmiṃ kāle sambhavatīti āha “**kālena samaṃ kālena visaman**”ti. **Samacariyampi hi etanti** pubbe samacariyāya jotitattā vuttam.

437. Ākaronti adhippetamattham ñāpentī pabodhentīti **ākārā**, ñāpakakāraṇanti āha “**ke ākārāti kāni kāraṇāni**”ti.

Anubuddhiyoti anumānañāṇāni. Taṃ hi yathādiṭṭhamatthaṃ diṭṭhabhāvena anveti anugacchatīti “anvayā”ti vuccati. **Haritaṇṇacampakavanādivasenā**ti haritakambalādisadisatiṇṇādivasena vitthāritakanakapaṭādisadisavikāsita¹campakavanādivasena. Ādi-saddena cettha kīcakaveṇusaddamadhurasaphalāphalavasena saddarasānaṃ atthibhāvo veditabboti. Campakavaseneva pana phassagandhānampi atthibhāvo vuttoti. Tenāha “**rūpādayo pañca kāmagaṇā atthī**”ti. “**Itthirūpādīni sandhāyetaṃ kathitaṃ**”ti vatvā indriyabaddhā vā honu rūpādayo anindriyabaddhā vā, sabbepi cete kilesuppattinimittatāya kāmagaṇā evāti codanaṃ sandhāya visabhāgitthigatā rūpādayo savisesaṃ kilesuppattinimittanti dassento “**tāni hi**”ti-ādimāha.

Tattha **tānī**ti rūpādīni. **Hi**-saddo hetu-attho. Tena yathāvuttamatthaṃ samattheti “yasmā purisassa cittaṃ pariyādāya tiṭṭhanti, tasmā “itthirūpādīni sandhāya etaṃ kathitaṃ”ti. **Purisassa cittaṃ**ti purisassa catubhūmaṃ kusalacittaṃ **pariyādāya** gahetvā antomuṭṭhigataṃ viya katvā. “Hatthikāyaṃ pariyādiyivā”ti-ādīsu¹ hi gahaṇaṃ pariyādānaṃ nāma, “aniccaaññā bhāvitā bahulīkatā sabbāṃ kāmārāgaṃ pariyādiyati”ti-ādīsu² khepanaṃ pariyādānaṃ, idha ubhayampi vaṭṭati. Idāni yathāvuttamatthaṃ sutteneva sādhetuṃ “**yathāhā**”ti-ādi vuttaṃ. Tattha “**nāhaṃ bhikkhave**”ti-ādīsu **na-kāro** paṭisedhattho. **Ahanti** bhagavā attānaṃ niddisati. **Bhikkhaveli** bhikkhū ālapati. **Aññanti** idāni vattabbaṃ itthirūpato aññaṃ. **Ekarūpampī**ti ekampi rūpaṃ. **Samanupassāmī**ti nāṇassa samanupassanā adhippetā, heṭṭhā **na-kāraṃ** ānetvā sambandhitabbaṃ. Ayaṃ hettha attho “ahaṃ bhikkhave sabbaññutaññāṇena sabbaso olokeno aññaṃ ekarūpampi na samanupassāmī”ti. **Yaṃ evaṃ purisassa cittaṃ pariyādāya diṭṭhatī**ti yaṃ rūpaṃ rūpagarukassa purisassa sabbampi kusalacittaṃ pavattituṃ appadānavasena pariyādiyivā gahetvā khepetvā ca tiṭṭhati. **Yathayidaṃ itthirūpanti** itthiyā rūpakāsaṃ. **Rūpa**-saddo khandhādi-ane³katthavācako, idha pana itthiyā catusamuṭṭhāne rūpāyatane vaṇṇadhātuyaṃ daṭṭhabbo. “Ittirūpaṃ bhikkhave purisassa cittaṃ pariyādāya

1. Saṃ 1. 85 piṭṭhe.

2. Saṃ 2. 126 piṭṭhe.

tiṭṭhati”ti idaṃ purimasseva dalhīkaraṇatthaṃ vuttaṃ, purimaṃ
 “yathayidaṃ bhikkhave itthirūpan”ti idaṃ opammavasena vuttaṃ, idaṃ
 pariyaḍānabhāve nidassananti daṭṭhabbaṃ. Sesaṃ suviññeyyameva.

Nagaravindeyyasuttavaṇṇanāya līnatthappakāsanā samattā.

9. Piṇḍapātapārisuddhisuttavaṇṇanā

438. Dhammasenāpatino paṭisallīyanassa adhippetattā, upari ca pāḷiyam
 “suññatāvihārena kho ahaṃ bhante etarahi bahulaṃ viharāmi”ti¹ vuttattā
 “paṭisallānāti phalasaṃpattito”ti āha.

Vippasannānīti visesato pasannāni. **Okāsavasenā**ti indriyānaṃ
 paṭiṭṭhitokāsavasena. Nanu tāni indriyāni sabhāvato vippasannāni hontīti?
 Saccam honti. Na hidaṃ tādisaṃ pasannataṃ sandhāya vuttaṃ, idaṃ pana
 santapaṇītasamāpattisamuṭṭhitānaṃ paccupaṭṭhitānaṃ cittajarūpānaṃ vasena
 sesatisantatirūpānaṃ seṭṭhataraṃ paṇītabhāvāpattim sandhāya vuttaṃ.
Phalasaṃpattitoti suññatānupassanāvasena samāpannaphalasaṃpattito.
 Mahantānaṃ buddhādīnaṃ purisaṇaṃ vihāro **mahāpurisavihāro**. Tenāha
 “buddha -pa- vihāro”ti. **Vihārato paṭṭhāyā**ti parikkhitte ca vihāre
 parikkhepato paṭṭhāya, aparikkhitte ca parikkhepārahaṭṭhānato paṭṭhāya.
 Keci pana “vihārabhantarato paṭṭhāyā”ti vadanti. **Yāva gāmassa indakhīlā**ti
 gāmassa abhantarindakhīlo. **Gehapaṭipāṭiyācaritvā**ti piṇḍāya caritvā.
Yāvanagaradvārena nikkhamanāti nagaradvārena yāva nikkhamanapadesā.
Yāva vihārāti yāva vihārabhantarā. **Paṭikkantamaggoti** nivattanamaggo.
 Ārammaṇe paṭihaññānakārena pavattamānampi paṭiḥhasampayuttaṃ citte
 paṭihanantaṃ viya pavattatīti āha “**citte paṭihaññānakilesajātan**”ti.
Divasañca rattiñca anusikkhantēnāti etamyeva rāgādippahāyiniṃ
 sammāpaṭipattim divā ca rattiñca anu anu sikkhantena uparūpari
 vadḍhentena.

440. **Pahīnā nu kho me pañca kāmagaṇā**ti ettha kāmagaṇāppahānaṃ
 nāma tappaṭibaddhachandarāgappahānaṃ. Tathā hi vuttaṃ “tiṭṭhanti citrāni
 tatheva

1. Ma 3. 343 piṭṭhe.

loke, athettha dhīrā vinayanti chandan”ti. **Ekabhikkhussa paccavekkhaṇā nānāti** ekasseva bhikkhuno “pahīnā nu kho me pañca kāmaguṇā”ti-ādinā pāḷiyam āgatā nānāpaccavekkhaṇā honti. **Nānābhikkhūnanti** visum visum anekesaṃ bhikkhūnaṃ. **Paccavekkhaṇā nānāti** vuttanānāpaccavekkhaṇā. Idāni tameva saṅkhepato vuttamatthaṃ vitthārato dassetuṃ “**kathan**”ti-ādi vuttaṃ. Tattha “**paccavekkhati**”ti vuttaṃ, kathaṃ pana paccavekkhati āha “**pahīnā nu kho**”ti-ādi. **Vīriyam paggayhāti** catubbidhasammappadhānavīriyam ārabhitvā vipassanaṃ vaḍḍhetvā. Maggānantaraṃ anāgāmiphalaṃ patvāti vacanaseso. **Phalānantaraṃ magganti** tasmim anāgāmimagge t̥hito pahalasaṃpattito vuṭṭhāya aggamaggaṭṭhāya vipassanaṃ ārabhitvā tasmimyeva āsane na cireneva vipassanaṃ ussukkāpetvā arahattamaggaṃ gaṇhanto nirodhadhammānuppattiyā vipassanāparivāsābhāvato phalānantaraṃ maggappatto nāma hotīti katvā.

Tato vuṭṭhāyāti maggānantaraphalato vuṭṭhāya. Maggānantarato hi vuṭṭhito maggato vuṭṭhito viya hotīti tathā vuttaṃ. “**Phalānantaraṃ maggan**”ti ettha phalaṃ anantaraṃ etassāti phalānantaraṃ. “Phalānantaraṃ maggan”ti padadvayenapi anāgāmimaggaṭṭhāni ceva vadatīti evamettha attho daṭṭhabbo. **Nīvaraṇādīsūpi eseveva nayoti** ettha “pahīnā nu kho me pañca nīvaraṇā”ti-ādinā yojanā veditabbā. **Etesanti** ettha etesaṃ nīvaraṇapañcupādānakkhandhasatipaṭṭhānādīnaṃ. **Pahānādīnīti** pahānapariññābhāvanāsacchikiriyā. **Nānāpaccakkhaṇā hotīti** tā paccavekkhaṇā nānāti adhippāyo. **Etāsu pana paccavekkhaṇāsūti** etāsu kāmaguṇapaccavekkhaṇādīsū dvādasasu paccavekkhaṇāsū. **Ekam paccavekkhaṇam paccavekkhati** dvādasasu nāyesu ekeneva kiccāsiddhito. **Añño** bhikkhu. **Ekanti**¹aññaṃ paccavekkhati. Aññattho hi ayaṃ **eka**-saddo “ittheke”ti-ādīsū² viyāti. Nānābhikkhūnaṃ pana ekā paccavekkhaṇā, nānābhikkhūnaṃ nānāpaccavekkhaṇāti evaṃ catukkapaccavekkhaṇampi ettha sambhavati, imassa pana dvayassa vasena abhisamayo natthīti tadubhayaṃ aṭṭhakathāyaṃ na uddhamṭaṃ. Sesam suviññeyyameva.

Piṇḍapātapārisuddhisuttavaṇṇanāya līnatthappakāsanā samattā.

1. Ekantikato (Ka)

2. Ma 3. 18, 22 piṭṭhesu.

10. Indriyabhāvanāsuttavaṇṇanā

453. **Evamñāmaketi** “gajaṅgalā”ti evaṃ itthiliṅgavasena laddhanāmake majjhimapadesassa mariyādaṭṭhānabhūte nigame. **Suveḷu nāma** nicalarukkhōti vadanti. Tato aññaṃ evāti pana adhippāyena “**ekā rukkhajātī**”ti vuttaṃ. Cakkhusotānaṃ yathāsakavisayato nivāraṇaṃ damanaṃ indriyabhāvanā, tañca kho sabbaso adassanena asavenenāti āha “**cakkhuhā rūpaṃ na passati, sotena saddaṃ na suṇāti**”ti. Sati hi dassane savane ca tāni adantāni abhāvitānevāti adhippāyo. Cakkhusotāni ca asampattaggāhitāya durakkhitānīti brāhmaṇo tesāmyeva visayaggahaṇaṃ paṭikkhipi. **Asadisāyāti** aññatitthiyasamayehi asādhāraṇāya. **Ālayanti** kathetukāmatākāraṇanti attho.

454. **Vipassanupekkhāti** āraddhavipassakassa vipassanāññāṇena lakkhaṇattaye diṭṭhe saṅkhārānaṃ aniccabhāvādivicinane majjhatabhūtā vipassanāsaṅkhātā upekkhā. Sā pana yasmā bhāvanāvisesappattiyā heṭṭhimehi vipassanāvārehi santā ceva paṇitā ca, pageva cakkhuviññāṇādisahagatāhi upekkhāti, tasmā āha “**esā santā esā paṇitā**”ti. **Atappikāti** santapaṇitabhāvanārasavasena tittim na janeti. Tenevāha—

“Suññāgāraṃ pavitṭhassa, santacittassa bhikkhuno.
Amānusī ratī hoti, sammā dhammaṃ vipassato”ti¹.

Ititi evaṃ vakkhamānākāraṇenāti attho. **Ayaṃ bhikkhūti** ayaṃ āraddhavipassako bhikkhūti yojanā. **Cakkhudvāre rūpārammaṇamhīti** cakkhudvāre āpāthagate rūpārammaṇe. **Manāpanti** manāpabhāvena pavattanakaṃ. **Majjhatte manāpāmanāpanti** iṭṭhamajjhatte manāpabhāvena amanāpabhāvena pavattanakaṃ manāpāmanāpaṃ nāmāti. Tenāha (“Neva manāpaṃ na amanāpan”ti)². Iminā manāpabhāvo gahito, “neva manāpan”ti iminā manāpabhāvo majjhatto ca ubhayaṃ ekadesato labbhatīti “**manāpāmanāpan**”ti vuttaṃ. Evaṃ ārammaṇe labbhamānavisesavasena tadārammaṇassa cittassa pākatikaṃ pavatti-ākāraṃ dassetvā idāni tappaṭisedhena

1. Khu 1. 67 piṭṭhe Dhammapade.

2. () Ayaṃ pāṭho Aṭṭhakathāyaṃ natthi.

ariyassa vinaye anuttaraṃ indriyabhāvanā dassetuṃ “**tassa rajjituṃ vā**”ti-
ādi vuttaṃ. Tatrāyaṃ yojanā—tassa cittaṃ iṭṭhe ārammaṇe rajjituṃ vā
aniṭṭhe ārammaṇe dussituṃ vā majjhatte ārammaṇe muyhituṃ vā. **Adatvā**
nisedhetvā. **Pariggahetvā** parijānavasena ñāṇena gahetvā
ñātātiraṇapahānapariññāhi parijānitvā. **Vipassanaṃ majjhatte ṭhapetī**
anukkamena vipassanupekkhaṃ nibbattetvā taṃ saṅkhārupekkhaṃ pāpetvā
ṭhapeti. **Cakkhumā**ti na pasādacakkhuno atthitāmattojotaṇaṃ, atha kho tassa
atisayena atthitājotaṇaṃ “sīlavā”ti-ādīsu viyāti āha “**cakkhumā**
sampannacakkhu visuddhanetto”ti.

456. **Īsakaṃ poṇeti** majjhe uccam¹ hutvā īsakaṃ poṇe, na antantena
vaṅke. Tenāha “**rathīsā vaya uṭṭahitvā ṭhite**”ti.

461. **Paṭikūleti** amanuñṇe ārammaṇe. **Appaṭikūlasaññī**ti na
paṭikūlasaññī. Taṃ pana appaṭikūlasaññitaṃ dassetuṃ “**mettāpharaṇena**
vā”ti-ādi vuttaṃ. Tattha paṭikūle aniṭṭhe vatthusmiṃ sattasaññite
mettāpharaṇena vā dhātuso upasāmhārena vā saṅkhārasaññite pana dhātuso
upasāmhārena vāti yojetabbaṃ. **Appaṭikūlasaññī viharatī**ti hitesitāya
dhammasabhāvacintanāya ca nappaṭikūlasaññī hutvā iriyāpathavihārena
viharatī. **Appaṭikūle** iṭṭhe vatthusmiṃ sattasaññite kesādi-
asucikoṭṭhāsamattamevāti **asubhapharaṇena vā**ti asubhato
manasikāravasena. Idaṃ rūpārūpamattaṃ aniccaṃ saṅkhatanti **aniccato**
upasāmhārena vā. Tato eva “dukkhaṃ vipariṇamadhammaṃ”ti manasi
karonto **paṭikūlasaññī viharatī**. **Sesapadesū**ti “paṭikūle ca appaṭikūle cā”ti-
ādinā āgatesu sesesu dvīsu padesu. Tattha hi iṭṭhāniṭṭhavatthūni ekajjhaṃ
gahetvā vuttaṃ yathā sattānaṃ paṭhamāṃ paṭikūlato upaṭṭhitameva pacchā
gahaṇākāravasena avatthantarena vā appaṭikūlato upaṭṭhātī. Yaṅca
appaṭikūlato upaṭṭhitameva pacchā paṭikūlato upaṭṭhātī, tadubhayepi
khīṇāsavo sace ākaṅkhatī, vuttanayena appaṭikūlasaññī vihareyya
paṭikūlasaññī vāti.

1. Papañcaṃ (Ka)

Tadubhayaṃ abhinivajjetvāti sabhāvato bhāvanānubhāvato ca upaṭṭhitam ārammaṇam paṭikūlasabhāvaṃ appaṭikūlasabhāvaṃ vāti tam ubhayaṃ pahāya aggahetvā. Sabbasmim vatthusmim pana “**majjhato hutvā viharitukāmo kim karoti**”ti vatvā tattha paṭipajjanavidhim dassento “**iṭṭhāniṭṭhesu -pa- domanassito hoti**”ti āha. Idāni yathāvuttamattham paṭisambhidāmaggaṭṭhiyā vibhāvetum “**vuttam hetan**”ti-ādimāha. Tassattho heṭṭhā vuttanayo eva. **Satoti** sativepullappattiyā satimā. **Sampajānoti** paññāvepullappattiyā sampajānakārī. **Cakkhunā rūpaṃ disvāti** karaṇavasena cakkhūti laddhavohārena rūpadassanasamatthena cakkhuvīññāṇena, cakkhunā vā karaṇabhūtena rūpaṃ passivā. **Neva sumano hoti** gehassitasomanassaṭṭikkhepena nekkhammapakkhikāya kiriyāsomanassavedanāya.

Imesu cāti “aññathā ca panĀnanda ariyassa vinaye anuttarā indriyabhāvanā hoti”ti-ādinā¹, “kathañcĀnanda sekho hoti paṭipado”ti-ādinā², “kathañcĀnanda ariyo hoti bhāvitindriyo”ti-ādinā³ ca āgatesu tividhesu navesu. **Manāpaṃ amanāpaṃ manāpāmanāpanti** ettha **manāpaggahaṇena** somanassayuttakusalākusalānaṃ, **amanāpaggahaṇena** domanassayutta-akusalānaṃ, **manāpāmanāpaggahaṇena** tabbidhurupekkhāyuttānaṃ saṅgahitattā paṭhamanaye “**sāṃkilesaṃ vaṭṭati, nikkilesaṃ vaṭṭati**”ti vuttam. Paṭhamanaye hi puthujjanassa adhippetattā sāṃkilesakilesavippayuttampi yujjati. Dutiyanaye pana “**so -pa- aṭṭiyati**”ti-ādivacanato “**paṭhamam sāṃkilesaṃ vaṭṭati**”ti vuttam. Sekkhassa adhippetattā cassa appahīnakilesavasena “**sāṃkilesampi vaṭṭati**”ti vuttam. Tatiyanaye arahato adhippetattā “**tatiyam nikkilesameva vaṭṭati**”ti vuttam. Sekkhavāre pana “cakkhumā puriso”ti-ādikā upamā ekameva attham ṇāpetum āha, tasmā cakkhudvārassa uppanne rāgādike vikkhambhetvā vipassanupekkhāya paṭiṭṭhānaṃ ariyā indriyabhāvanāti. Paṭhamanayo vipassakavasena āgato, dutiyo sekkhassa vasena, paṭhamadutiyo ca sekkhaputhujjanānaṃ mūlakammaṭṭhānavasena, tatiyo khīṇāsavassa

1. Ma 3. 348 piṭṭhe.

2. Ma 3. 350 piṭṭhe.

3. Ma 3. 351 piṭṭhe.

ariyavihāravasena āgato. Paṭhamanaye ca puthujjanassa vasena, dutiyanaye sekkhassa vasena kusalaṃ vuttaṃ, tatiyanaye asekkhassa vasena kiriābyākataṃ vuttanti ayaṃ viseso vedītabbo.

Papañcasūdaniyā majjhimanikāyaṭṭhakathāya

Indriyabhāvanāsuttavaṇṇanāya līnatthappakāsanā samattā.

Niṭṭhitā ca saḷāyatanavaggavaṇṇanā.

Uparipaṇṇāsāṭikā samattā.

Majjhimaṇṇāsaṅkaya

Saṃvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akaṭavidhā	108	Addhuvo	144
Akammaneyyaṃ	34	Adhikarūpo	190
Akālīkaṃ	184	Adhisīle	115
Akūṭakaraṇaṃ	164	Anañjītaṃḍito	31
Akkhabaddho	149	Anatthasaṃhitāṃ	49
Akkharappabhedā	167	Anavacchindanaṃ	164
Akkhitto	190	Anavayo	167
Agathito	26	Anindābhūtaṃ	21
Aggatalaṃ	171	Aniyyānikaṃ	204
Acittakaṃ	28	Aniyyānikapakke	47
Acelo	43	Aniyyānikā	30
Accayo	71	Anucchavikaṃ	21
Accukkaṭṭhaṃ	179	Anuttaraṃ	18
Aṭṭhakaṇāgaro	7	Anudhammaṃ	307
Aṭṭhāniyakathā	49	Anunayo	162
Aṭṭhisīsā	176	Anupakkuṭṭho	190
Atacchaṃ	49	Anupakkhandāni	83
Atithiṃ	150	Anuyogaṃ	40
Atithi	197	Anulomikāni	84
Atināmeti	179	Anuviccakāraṃ	35
Atekiccho	47	Anussavī	111
Atthatthitaṃ	33	Anussukkā	76
Attharaso	8	Anūpakhette	34
Atthasādhikā	157	Anomajjati	107
Adūsake	32	Antarā	198
Addhagato	144	Antavā	65

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Antojātakā	4	Avajāto	183
Apassayapīṭham	10	Avassayo	36
Apahattā	74	Avinibbhogasaddam	78
Apāpapurekkhāro	192	Avhātabbā	180
Apāpe	192	Asammissabhāvam	101
Apuccaṇḍatā	18	Asitam	196
Apehi	33	Asucīni	106
Appakasireneva	126	Assako	76
Appaccayo	94	Ahīnaṅgatāya	182
Appahāya	101		
Appāṭihīrakatam	131	[Ā]	
Appātaṅkam	83	Ākappo	44
Appābādhatā	83	Ākāro	21
Abaddhassa	42	Ākāsaṅgaṇe	33
Abhibhavitvā	25	Ācārena	44
Abhibhāyatanaṃ	121	Ājīvikāya	81
Abhisāṅkharitvā	45	Ādīnavo	38
Abhisāṅkhāsi	155	Ābhicetasikāni	17
Abhisaddahanto	146	Ābhidosiko	141
Abhisamparāyo	44	Ābhisamācārikam	83
Abhisaranti	197	Āvaṭṭanī	29
Abhūtam	49	Āvāsiko	83
Amarāvikkhepaṃ	111	Āvuto	206
Amarisaṇam	142	Āvedhitam	34
Ayamuggaraṃ	60	Āsaṇam	21
Ayo	34	Āsavā	72
Ayojjham	128		
Arūpasaññī	122	[I]	
Allagomayena	10	Iñjitam	78
Avacāpalyena	83	Iṭṭho	38

Padānukkamo	Piṭṭhaṅko	Padānukkamo	Piṭṭhaṅko
	[I]		[U - Ū]
Isisattamassa	42	Usumajātahadayo	31
Issattaṃ	201	Usūyamāno	31
Issariyaṃ	182	Ussaṅkhā	173
Issaro	190	Ussannā	1
	[U]	Uḷāraṃ	162
Uggatabhāvaṃ	180	Ūrubalī	145
Uggatassa	103		[E]
Uggahituṃ	127	Ekantasukhaṃ	132
Ucchiṭṭhagehe	33	Ekāgāriko	53
Uṇhaṃ	13	Ekāsanabhojanaṃ	70
Uttiṭṭhapiṇḍaṃ	33	Etaparamaṃ	2
Udakadānaṃ	178		[O]
Udakādhānaṃ	59	Ogāhanto	27
Udagacittam	39	Oṭṭhavaṭṭiyā	113
Udañcaniko	132	Otallako	33
Uddhaccapakatiko	83	Ottappati	15
Upadahitvā	10	Opaṇaviyā	90
Upadhānaṃ	10	Opātetī	192
Upadhi-anudhāvanakā	77	Opārambho	161
Upanisinnakathā	17	Opuñchāpetvā	10
Upavadanto	21	Orambhāgiyāni	66
Upasumbheyya	23	Oloketvā	60
Upahacca	35	Ovadanto	21
Upahārako	75	Osaṭasaṅgāmo	48
Upāsakassa	30	Osaṭā	14
Ubhatobhāgavimutto	84	Osarati	113
Umāpupphaṃ	124	Osaranti	197
Ummārato	114	Ohitaṃ	173
Urulhavā	60		

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kakkhaḷo	6	Kularogo	162
Kaṅkhati	170	Keṭubhaṃ	166
Kaṅḅijyeneva	101	Koṭṭhāsaṃ	195
Kaṭaggaho	52	[Kha]	
Kaṇṭakavuttikā	55	Khaṇasi	34
Kaṇhaṃ	45	Khaṇḍakhaṇḍitaṃ	40
Katabhaṇḍavuṭṭhi	32	Khārasaṃyuttaṃ	150
Kanto	38	Khippābhiñño	62
Kappaṭṭho	47	Khīrapaṇṇino	66
Kappasīsā	176	Khīramaṇimūlaṃ	33
Kammadāyādā	46	Khuraneminā	53
Kammavipāko	158	Khemiyambavanaṃ	188
Kammasarikkhakaṃ	176	[Ga]	
Karamarānītā	4	Gacchaṃ	66
Kaliggaho	52	Gaṇā	32
Kallacittaṃ	38, 39	Gaṇībhūtā	32
Kāmagaru	133	Gati	36
Kāmaggasukhaṃ	133	Gandhakalalaṃ	105
Kāmasaṅḅhā	130	Gandhagandho	20
Kāyanvayatā	101	Gandhadāmaṃ	10
Kārahābhāvaṃ	4	Gandhabbapaṇhaṃ	187
Kālikam	84	Gabbhamūḷhāya	156
Kāḷakam	45	Gambhīraguṇassa	42
Kicchati	170	Gambhīro	179
Kiṅcanakārako	202	Garu	167
Kipillikā	200	Gahaṇī	144
Kukkurācāraṃ	44	Gāmūpacāre	103
Kucchimaṭī	154	Gundāvane	151
Kuthitaṃ	150		
Kunthā	200		

Padānukkamo	Piṭṭhaṅko	Padānukkamo	Piṭṭhaṅko
[Ga]		[Cha]	
Guhā	107	Chinnassarāpi	175
Gedhabhūto	21	Chekaṃ	107
Gehaṅgaṇe	33	Chetvā	208
Gehayaṭṭhiyo	76	[Ja]	
Gehassitāni	50	Janapadatthāvariyaṭṭatto	168
Gocittaṃ	44	Janikā	187
Gopo	196	Janitasmim	19
Govataṃ	44	Jamma	33
Govatiko	43	Jayakhandhāvāraṭṭhānaṃ	31
Gosilaṃ	44	Jallaṃ	174
[Gha]		Jātiṃ	156
Ghaṭitā	193	Jāyikā	76
Gharasandhi	53	Jino	110
[Ca]		Jivitaṃ	34
Cakkavattī	167, 168	[Jha - Ña - Ṭha]	
Cakkhubhaṇḍaṃ	175	Jhānacittamayā	58
Catucārī	11	Jhāyitum	13
Catujjātiyagandhehi	10	Ñātidāsī	141
Candaṃ	33	Ñāti	197
Cammaḅe	33	Ṭhiti	143
Cammaṇa	173	[Ta]	
Cayo	76	Takkī	209
Cariyaṃ	135	Tacagandho	20
Cittakūṭaṃ	150	Tacchetvā	106
Cittattharaṇaṃ	10	Taṇḍulapāli	196
Cintayanti	43	Taṇhāmuccanāya	26
[Cha]		Tantipadaṃ	42
Chāyaṃ	171		
Chāyārūpaṃ	171		

Padānukkamo	Piṭṭhaṅko	Padānukkamo	Piṭṭhaṅko
[Ta]		[Da]	
Tannibandhā	84	Dīghattā	27
Talunā	173	Dukūlacumbaṭakena	12
Tāṇaṃ	36	Dukkhaṭikkūlaṃ	5
Tāyitum	145	Duggandhāni	106
Tāvatiṃsā	148	Duppayutto	49
Tiṇṇavicikicchā	40	Dummavāsī	33
Titthakarā	113	Devagabbhasadisam	103
Tilakāni	126	Devatākaraṇīyaṃ	197
Tumbasīsā	176	Devo	131
Tulayanto	90	Dosako	71
Tusitassa	41	Doso	38
Tevijjā	198	[Dha]	
[Tha]		Dhanakkītā	4
Thaketi	27	Dhammacetiyaṇi	163
Thālipāke	187	Dhammadhātu	49
Thutivasena	69	Dhammarājā	168
Thullakoṭṭhikam	139	Dhammasabhāvo	49
Therehi	138	Dhammānusārī	88
[Da]		Dhammiko	147, 168
Dakkhiṇeyye	34	Dhammena	147
Daṇḍo	155	Dhammosāraṇaṃ	17
Dantaṃ	104	Dhīro	41
Daliddo	76	Dhuraṃ	28
Dassanaṃ	51	Dhuravahā	79
Dassanīyo	190	[Na]	
Dāruṇo	6	Nātitanūni	104
Dāsabyaṃ	4	Nikhaṇḍu	166
Disā	158	Nighaṇḍu	166
		Niccāturaṃ	143

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Niṭṭhā	167	Paṭivedhapaññāya	7
Nindāghaṭṭanā	21	Paṭisaranti	19
Nipako	3	Paṭihaññati	13
Nipajjamānaṃ	44	Paṭihanti	13
Nimittaṃ	141	Paṇītaṭṭhena	51
Nillopo	53	Paṇḍaro	151
Nivuto	206	Paṇḍito	40
Niveseti	194	Paṇhi	171
Nissaraṇapañño	26	Patanti	32
Nihatam	148	Patito	33
Nīharitvā	171	Patirūpaṃ	21
Nekkhammagaru	133	Pattakāle	150
Nettikā	158	Pattagandho	20
Nemimaṇikā	172	Pattadāmaṃ	10
Nerayiko	47	Pattamattam	43
[Pa]		Pathaddhuno	34
Paṃsukūlikā	114	Pathavīkamena	73
Pakataṃ	33	Padako	167
Paggaṇhissāmi	32	Padavicchedo	177
Paggahitavīriyo	15	Padahati	116
Pacanaṃ	53	Padahasi	34
Paccosakkivā	180	Padānupadiko	61
Pañcakaṅgo	50	Padhāniyaṅgāni	153
Pañcasataṃ	9	Pantasenāsanassa	42
Paññapemi	128	Pannako	110
Paññāvāhī	88	Papaṭikagandho	20
Paṅgaṅā	200	Pabbajitakiccaṃ	81
Paṭicchadam	162	Pabbhārasīsā	176
Paṭiññātā	198	Payirupāsati	194
		Payuttaṃ	142

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paramparāsaṃsattā	193	Pubbapetakaraṇīyaṃ	197
Parāyaṇaṃ	36	Purimāni	113
Paricchinnarūpaṃ	63	Pūtilatāya	75
Parinibbāyati	73	Pūtīni	106
Paripuṇṇatāya	182	Pesitatto	47
Paripuṇṇā	63	Pessā	4
Paribbajo	188	Poriseyyaṃ	24
Paribhāsaṃ	62	Posetuṃ	140
Paribhogaṃ	25		
Pariḷāho	22	[Pha]	
Palikuṇṭhitvā	43	Phalagandho	20
Pallaṅkapīṭhaṃ	10	Phalasīsā	176
Pavattayitabbo	155	Phuliṅgāni	32
Pasannacittaṃ	39	Pheggugandho	20
Pasanno	188		
Passaṃ	171	[Ba]	
Pahūtabhāvaṃ	171	Bandhanāgāriko	6
Pahossati	140	Bahalalepanena	66
Pāṭihāriko	147	Bahutāya	22
Pārijuṇṇāni	143	Beluvamattabhatahārā	113
Pāriṃgaṃ	178	Bodhi	153
Pāsādikāni	162	Byākaraṇaṃ	167
Pāsādiko	190	Byābhaṅgī	196
Piṭṭhipāde	173	Brahmajā	151
Pitāmahayugā	190	Brahmanimmitā	151
Piyajātikā	160	Brahmabhūto	184
Piyo	140	Brahmavacchasi	191
Pīleyya	113	Brāhmaṇā	198
Putake	138	Brūhetabbaṃ	103
Pupphagandho	20		

Padānukkamo	Piṭṭhaṅko	Padānukkamo	Piṭṭhaṅko
[Bha]		[Ma]	
Bhattakosanena	113	Mahāmatto	189
Bhavaṁ	124	Mahāyāgam	53
Bhūtakammato	45	Mukhadvāre	11
Bhūtavigatam	117	Mukhapariyante	171
Bhūtikāmo	57	Muṇḍapīṭham	10
Bhūnahuno	103	Muducittam	39
Bhogānam	36	Mūlagandho	20
		Megha-utuṁ	153
		Morahatthako	172
[Ma]		[Ya]	
Maggānubodho	195	Yakkhassa	42
Maṅgalikā	152	Yavalakkhaṇam	173
Mañjughoso	175	Yasaṁ	33
Maṇḍape	33	Yāpeti	72
Maṇḍale	73	Yugassa	73
Matakabhatte	187	Yojanāvaṭṭe	10
Mathitā	93	Yojanikaṁ	12
Madhubhaṇḍam	12		
Madhuro	179	[Ra]	
Manāpo	38	Raṅgakkhamo	40
Manujassa	41	Rajanam	39
Manena	126	Rajo	174
Mantitam	159	Ramme	13
Mandapaṇṇo	111	Rasagandho	20
Mandasassāni	197	Rasaggasaggī	174
Mandahasitam	135	Rahāyati	162
Mahaccā	162	Rājakaraṇīyam	197
Mahaddhano	190	Rājabhoggam	189
Mahantatuṭṭhino	82	Rājābhinīṭā	81
Mahādāṭhiko	81	Rāsikataṁ	193
Mahāpaṇṇam	34		

Padānukkamo	Piṭṭhaṅko	Padānukkamo	Piṭṭhaṅko
[Ra]		[Va]	
Riñcati	52	Vassiko	104
Ruciro	41	Vākkaraṇaṃ	191
Rūpaṃ	143	Vācāvikkhepaṃ	111
Rūpasammuditaṃ	104	Vācuggatā	33
Rūpārāmaṃ	104	Vādento	33
Rohanīyaṃ	90	Vāpitasiro	185
[La]		Vāyamati	194
Lakkhaṇaṃ	176	Vālabījaṇī	172
Lakkhaṇānisaṃsaṃ	176	Vāḷamiḡāṇī	13
Laggāpeyyuṃ	195	Vikūjitamattā	128
Lahuṭṭhānaṃ	83	Vigacchissati	79
Lāmakabhāvo	38	Vighātaṃ	101
Liṅgaṃ	21	Vighāto	22
Luddo	6	Vicaritā	89
Leṇaṃ	36	Vijitavijayaṃ	202
Leṇatthaṃ	13	Vijitāvī	168
Lesakappaṃ	79	Viññeyyo	179
Lesavādino	48	Vinivijjhivā	19
Lokāyataṃ	167	Vinīvaraṇacittaṃ	39
Loko	65	Vipassituṃ	13
Lobhanīyā	194	Vibhattāṇī	21
Lohakūṭavassaṃ	35	Virajaṃ	39
[Va]		Viravamāne	143
Vacanaṃ	21	Vilīvamañcako	76
Vacībhedeneva	200	Vivaṭṭetvā	169
Vaḍḍhamānakaṃ	172	Vivicca	81
Vaḍḍhitappamaṇāṇī	122	Visaṃvāditā	67
Vaṇakāyaṃ	143	Visamagatassa	36
Vatasamādānena	44	Visikhā	108
Vasanaṭṭhānaṃ	21	Vissaṭṭho	179

Padānukkamo	Piṭṭhaṅko	Padānukkamo	Piṭṭhaṅko
	[Va]		[Sa]
Vihāre	13	Sadukkhaṃ	45
Vihesaṃ	101	Saddahato	33
Vītamalaṃ	39	Saddhājāto	89
Vīmaṃsaṃ	40	Saddho	153, 188
Vīmaṃsanti	55	Santaṭṭhena	51
Vīmaṃsī	209	Santā	5
Vuṭṭhiyo	13	Santataavuttino	3
Vūpakaṭṭho	47	Santhambhanti	9
Veṇupadarena	34	Santharanti	10
Veyyākaraṇo	42	Santhāgāraṃ	9
Verajjakā	185	Sandassesī	14
Vesārajjam	40	Sandiṭṭhiko	184
Vehāyasaṃ	34	Sapāko	33
Vohāro	21	Sappatissena	82
	[Sa]	Sappāṭihāriyaṃ	114
Samkilissanaṃ	38	Sappitelena	6
Samghā	32	Sabbapāliphullo	11
Samyojanāni	66	Sabbavāridhuto	31
Samvidhāya	10	Sabbavāriphuṭo	31
Samvutaṃ	104	Sabbavārivārito	31
Samhatā	189	Sabhavavādī	186
Samharitvā	155	Samaṇo	14
San̄khalikhitaṃ	140	Samadhigayha	129
San̄ghātaṃ	31	Samayo	127
Sajjhāyanti	55	Samavāpakaṃ	76
San̄ṭhanti	174	Samavepākinī	144
San̄ho	66	Samādapesi	14
Satatasīlā	3	Samānaya	170
Sattussado	174	Samijjheyya	151
Satthadhammaṃ	195	Samuttejesi	14

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Samparāyaguṇaṃ	163	Sukāraṇaṃ	135
Sampiṇḍitā	43	Sukkaṃ	45
Sampiṇḍito	179	Sukkhāpetvā	91
Sampahaṃsesi	14	Sukhatṭhena	51
Sayaṃvasī	106	Sukhatthaṃ	13
Sarājikaṃ	140	Sukhaparibhato	140
Sarīsape	13	Sukhī	105
Savanīyo	179	Sukhedhito	140
Sassato	65	Suggahito	52
Sahakathī	94	Sudassanakūṭaṃ	20
Sākiyamaṇḍale	14	Sunikkantaṃ	23
Sākuṇiko	54	Sundaradhammehi	15
Sāgarantena	146	Suparāmaṭṭho	52
Sāthakaṃ	108	Suppaṭividdhaṃ	49
Sānuggahā	188	Subhāvitā	63
Sāragandho	20	Subho	125
Sārattarattā	188	Suruci	182
Sālohitā	197	Suvaṭṭitā	206
Sāvajjo	161	Susaṅkhataṃ	181
Sāhuḷi	107	Sūrakākā	76
Sikkhamāno	61	Sūrā	169
Sikkhitā	198	Seṭṭhappattassa	42
Sinānaṃ	136	Sotaṃ	194
Sinehavantaṃ	90	Sotthi	136
Sirivaccho	172		
Sisire	13	[Ha]	
Sītaṃ	13	Hatthattharaṇā	10
Sīlasaṃyamena	53	Hatthācariyassa	1
Sihahanu	175	Hiriyati	15

Uparipaṇṇāsaṭikāya

Saṁvaṇṇitapadānaṁ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Agāraṇo	243	Anudhāriyamāne	339
Aghā	336	Anunayo	277
Aṅgasubhatāya	371	Anupadaṁ	274
Ajjhattikāni	292	Anupayo	278
Aññāṇupekkhā	384	Anupavajjaṁ	420
Aṭṭhānaṁ	292	Anupasamasāṁvattanikaṁ	241
Atāṇaṁ	400	Anupahanitvā	426
Atītaṁ	366	Anumajjanaṁ	277
Atthaṅgataṁ	366	Anuyantā	357
Adukkhalābhī	325	Anuvijjitvā	363
Adhikaraṇāni	243	Anusayā	282
Adhiciṇṇaṁ	241	Antarabhogikānaṁ	394
Adhiṭṭhānaṁ	397	Antarahitā	363
Adhipatittā	371	Andhakārā	336
Adhimuccati	322	Apanītakasāvaṁ	399
Adhimuccanassa	254	Aparantakappikā	218
Adhimokkho	277	Aparāmasanto	392
Adhivacanaṁ	219	Aparitassanattamaṁ	418
Anajjhositā	401	Apalibuddhaṁ	311, 391
Anapāyo	278	Appattaṁ	366
Analaṁ	249	Appamādo	379
Aniccā	251	Appesakkho	376
Anu-āvattanti	329	Apphoṭanaṁ	341
Anugatā	218	Abhijappā	351
Anuññātā	379	Abhinivisanti	348
Anuddhamseyya	249		

Padānukkamo	Piṭṭhaṅko	Padānukkamo	Piṭṭhaṅko
[A]		[I]	
Abhivādanam	408	Iṭṭhānam	382
Abhihato	363	Itthirūpaṃ	436
Amatadvāram	306	Indriyasamvaro	423
Ariyam	305	Isisamghanisevitam	418
Arogo	219	Issāmanako	376
Avāpuraṇam	345	[U]	
Avokiṇṇam	348	Ukkūlam	323
Asappuriso	267	Uṭṭhāhakam	367
Asamāhite	428	Uttaritarā	402
Asaraṇībhūtam	400	Uttāsabahulo	274
Assaddhiyam	427	Udakavaṭṭiyo	339
Ahatam	406	Uddeso	366
[Ā]		Upakkosanto	376
Ākāra	435	Upaccagum	404
Ākāśacetiyaṃ	364	Upacchedakakammena	375
Āgatanandano	356	Upaṭṭhānam	277
Ācikkhanā	405	Upaddavo	288
Ātāpanam	367	Upadhī	403
Ādikalyāṇam	430	Upadhisaṅkhayo	250
Ādibrahmacariyako	369	Upanayhanti	349
Ādiyanato	281	Upanisam	305
Āneñjūpagam	254	Upaparikkhitvā	357
Āpādetā	406	Upayā	282
Ābandhanam	282	Upavijaññā	339
Ābhā	348	Upasaggo	288
Āyūhitam	400	Upasamasukham	325
Ālayo	378	Upādānam	258
Āsanne	380	Upādānā	282
		Uposathiko	355